

প্রকাশক : ।

, ডি. চক্রবর্তী -

৩০/১-এ কলেজ রো

কলকাতা-৭০০০০৯

**TARASHANKAR
NATYA-SAMAGRA
First Volume**

প্রথম প্রকাশ :

রাসপূর্ণিমা, ১৩৬৫

প্রচ্ছদ :

শ্রীপ্রভাস

প্রচ্ছদ মুদ্রণ :

নির্মল মুদ্রণ

৮, ব্রজহুলাল ষ্ট্রীট

কলকাতা-৭০০০০৬

মুদ্রক :

মহাপ্রভু প্রিন্টিং ওয়ার্কস

১২, বিনোদ সাহা লেন

কলকাতা-৭০০০০৬

এবং

ভগদ্বাত্রী প্রিন্টার্স ———

৫৯/২, পটয়াটোলা লেন

কলকাতা-৭০০০০৯

বই বেঁধেছেন :

কুণ্ডু বাইণ্ডিং ওয়ার্কস

৭৯, বৈঠকখানা রোড

কলকাতা—৭০০০০৯

তারশঙ্কর নাট্য-সমগ্র

প্রথম খণ্ড

নির্দেশিকা

ভূমিকা—i

কালিন্দী—৯

পথের ডাক—৯৯

দ্বীপাস্তুর—১৮৭

কবি—২৬৫

বিংশ শতাব্দী—৩৪৫

বিগ্রহ প্রতিষ্ঠা—৪০০

নিবেদন

বাংলা নাট্যগ্রন্থ প্রকাশনার কাজে সুদীর্ঘ কুড়ি বছর লিপ্ত আছি। এই শাখায় বহুখ্যাত এবং স্বল্পখ্যাত লেখকদের বেশ কিছু বই ইতিমধ্যে আমরা প্রকাশ করেছি। অবিস্মরণীয় সাহিত্য-সাধক তারাশঙ্কর বন্দ্যোপাধ্যায়ের সমগ্র নাট্যগ্রন্থ প্রকাশের ক্ষীণ আগ্রহ বহুকাল থেকেই মনের মধ্যে সুপ্ত ছিল। লেখকের সুযোগ্য পুত্র সনৎকুমার বন্দ্যোপাধ্যায়ের অকৃত্রিম প্রেরণায় সেই আশা অঙ্কুরিত হয়। কিন্তু তিনি এই গ্রন্থ-প্রকাশ দেখে যেতে পারলেন না। তাঁর তিরোধানের পর সুযোগ্য অনুজ সরিৎকুমার বন্দ্যোপাধ্যায় সর্বাঙ্গীন সহায়তার মধ্য দিয়ে এই গুরুগ্রন্থ প্রকাশের কাজ ত্বরান্বিত করেছেন। গ্রন্থ সম্পাদনার দায়িত্ব গ্রহণ করে আমাদের চিরকৃতজ্ঞতাপাশে আবদ্ধ করেছেন শ্রদ্ধা-ভাজনীয় অধ্যাপক ও নাট্যসমীক্ষক ডঃ অজিতকুমার ঘোষ। সনৎবাবু, সরিৎবাবু এবং অজিতবাবুর প্রতি আমাদের কৃতজ্ঞতার অবধি নেই।

বিশিষ্ট গ্রন্থ-সংগ্রাহক সনৎ গুপ্ত, সুলেখক এবং প্রকাশন বিষয়ে কুশলী পিনাকীরঞ্জন গুহ ও অজয় দাশগুপ্ত এই গ্রন্থ প্রকাশনার যাবতীয় প্রয়োজনীয় পরামর্শে এবং আদ্যন্ত প্রুফ সংশোধন করে আমাদের বিশেষ কৃতজ্ঞতাভাজন হয়েছেন। প্রীতিভাজনীয় সুহৃদ শ্রীপ্রভাস অত্যন্ত সহৃদয়তার সঙ্গে প্রচ্ছদপট রচনা করে দিয়েছেন। তাঁকে আমাদের ধন্যবাদ জানাই। এছাড়াও বাংলা ভাষার বিশিষ্ট কয়েকজন নাট্যকার এবং অধ্যাপকও নানাভাবে আমাদের বিশেষ সহায়তা করেছেন, তাঁদের কথাও সফুতজ্জচিত্তে স্মরণ করি। পাঠক সাধারণের মনোমত হলে এই গ্রন্থ প্রকাশনার শ্রম লাঘব হবে। তাঁদের পর্যালোচনা পরবর্তী খণ্ডটি প্রকাশের কালে অবশ্যই আমরা মনে রাখব। শুভমস্তু।

—বিনীত

প্রকাশক



আলোকচিত্র মোনা চৌধুরীর সৌজন্যে গ্রহীত

ভূমিকা

শ্রেষ্ঠ সাহিত্যিক আত্মপ্রকাশের একটি রীতির মধ্যেই আবদ্ধ থাকেন না। একটি বিশেষ রীতিতে দক্ষতা অর্জনের পর তিনি অল্প রীতির উপর অধিকার বিস্তার করতে চান। তাঁর শক্তি ও আত্মবিশ্বাস যত বাড়তে থাকে ততই নব নব শিল্পের মাধ্যমে তিনি নিজেকে প্রকাশ করে চলে। তারাশঙ্কর আধুনিক কালের অগ্রতম শ্রেষ্ঠ কথাসাহিত্যিক। কিন্তু গল্প-উপন্যাসের ক্ষেত্রেই তাঁর প্রতিভা ব্যাপ্তি সম্পূর্ণ হ'য়ে গেল না। তা সম্প্রসারিত হ'ল নব নবতর ক্ষেত্রে। তিনি রঙ্গমঞ্চের কথা ভাবলেন, নাটক লিখলেন, কবিতার বাজ্যে মাঝে মাঝে পথিক্রমা করলেন। আবাব চিত্রকলায় মধ্যেও তাঁর খেলানী মন কিছুটা মেতে উঠল। যে নিরাসক্ত অতৃপ্তি ও নিজেকে অবিবাম ছাড়িয়ে চলার নেশা থেকে বড় শিল্পের উৎপত্তি হয় তারাশঙ্করের মধ্যে তা যথেষ্ট পরিমাণে ছিল। সেজগৎ তাঁর সাহিত্যে পটভূমির কেবলই পরিবর্তন হয়েছে, জীবনের নিত্যনূতন পরিচয় উদ্ঘাটিত হয়েছে, প্রকাশরীতির নব নব রূপান্তর ঘটেছে। তিনি নাট্যকাব্য হ'তে চেয়েছিলেন, কিন্তু বাধ্য হয়ে কথাসাহিত্যিক হলেন, আবাব কথাসাহিত্যে সিদ্ধি আয়ত্ত হবার পবে পুনরায় নাট্যসাধনা শুরু করলেন। তবে নাট্যসাধনাতে শেষ পর্যন্ত যে সফল রইলেন তাও নয়। পূর্ণ সিদ্ধি লাভ করবার আগেই যেন নাট্যজগতের কাছ থেকে বিদায় নিলেন। অতি শৈশব থেকেই নাটকে

ঐতিহ্যের মধ্যে তারাশঙ্কর মাহুষ হয়েছিলেন। লাভপুরে ১২০৫ সালে প্রতিষ্ঠিত হয়েছিল বন্দেমাতরম থিয়েটার। নাট্যকার নির্মলশিব বন্দ্যোপাধ্যায় এবং গ্রামের অনেক নাট্যামোদী ব্যক্তি এই থিয়েটারের সঙ্গে যুক্ত ছিলেন। তখন স্বদেশী আন্দোলন উপলক্ষ্যে কলকাতায় জাতীয় ভাবোদ্দীপক ঐতিহাসিক নাটকের যুগ চলেছে। তার ডেউ এসে মাতিয়ে তুলল গ্রামের নাট্য আন্দোলনকে। ছয়ছাড়া বিপথগামী যুবকের দল এই আন্দোলনে মেতে উঠল। ছোটো বড়ো শ্রেণীর ভেদাভেদ লুপ্ত হ'য়ে গেল আনন্দের মহাপ্রাবনে। পেশাদার মঞ্চের কোনো কোনো অভিনেতাও এসে লাভপুরের মঞ্চে যোগ দিলেন। আর্ট থিয়েটারের স্বনামধন্য অভিনেতারাও এসে ওই গ্রামে একবার অভিনয় করে গেলেন। ক্ষীরোগ্রসাদ, অপরেশচন্দ্র ও অমৃতলালের গ্রায় কীর্তিমান নাট্যকারও ওই নাট্যপাগল গ্রামে আসতেন। নির্মলশিব বন্দ্যোপাধ্যায় ছাড়া আরো অনেকে নাটক লেখা শুরু করলেন, যথা, নিত্যগোপাল মুখোপাধ্যায়, কালীকিঙ্কর মুখোপাধ্যায় ইত্যাদি। বন্দেমাতরম থিয়েটারের পাকা বাড়ি হল, বহুলোকের এক সঙ্গে ব'সে নাটক দেখার জন্য বিরাট প্রেক্ষাগৃহ নির্মিত হল, সাজসজ্জা, আসবাবপত্রও হ'ল চমকপ্রদ।

ছেলেবেলা থেকে নাটক লেখা ও অভিনয় করাই তাঁর সব চেয়ে বড় সাধ ছিল। গ্রামের থিয়েটারে অনেক নাটকে তিনি অভিনয় করেছিলেন। গ্রামের অনেককে নাটক লিখতে দেখে তাঁরও নাটক লেখার প্রেরণা এল। তখন ঐতিহাসিক নাটকের যুগ, তৃতীয় পানিপথের যুদ্ধ অবলম্বনে একটি নাটক লিখলেন, গ্রামের রক্তমঞ্চে নাটকটির সফল অভিনয়ও হল। নির্মলশিব বাবু তারাশঙ্করকে আশা দিলেন, নাটকটি আর্ট থিয়েটারে অভিনয়ের জন্য তিনি থিয়েটারের কর্তৃপক্ষকে অস্বরোধ করবেন। কিন্তু আর্ট থিয়েটারেব অধ্যক্ষ নাটকের পাণ্ডুলিপিটি না পড়েই ফেরত দিলেন। কঠিন আঘাত পেলেও নাট্যকার, সেই আঘাতেই তাঁর সাহিত্যজীবনের ধারা পবিবর্তিত হ'য়ে গেল। নাট্যকার নিজেই সে-কথা বলেছেন, 'সেদিন যদি এই ঘটনাটি না ঘটত, যদি নাটকখানি মঞ্চস্থ হ'ত, এমন কি ওই কথাগুলি না ব'লে প'ড়ে দেখার ছল ক'রেও দু'দশটা দোষ দেখিয়ে মহাহুত্বাভূতিসূচক কথা ব'লে ভ্রমতার সঙ্গে হল না কথাটা বলতেন তা হ'লে নাটক লেখা ছাড়তাম না। নাটকই লিখে যেতাম। নাট্যকার হিসেবেই হয়তো আমার পরিচয় হত।

কিন্তু এই আঘাত আমার মুখ ফিরিয়ে দিলে রঙ্গমঞ্চ এবং নাটকের পথ থেকে ।
নাটক আর লিখব না স্থির করলাম ।’

দীর্ঘকাল তারাশঙ্কর তাঁর অভিমান পোষণ ক’রে রেখেছিলেন । নাটক তিনি লেখেন নি, কিন্তু তাঁর সাড়াজাগানো গল্প উপন্যাসগুলির মধ্য দিয়ে তাঁর সাহিত্যধারা ছ’কুলপ্রাবী ভাঙ্গের ভরানদীর মত প্রবাহিত হয়েছিল । খ্যাতি ও প্রতিষ্ঠার উদ্ভুল শিখরে তিনি আরোহণ করলেন । তারাশঙ্করের অন্তরঙ্গ পাঠকসমাজ শুধু কেবল সাহিত্যপাঠে তৃপ্তি পেলেন না, তাঁরা স্মরণীয় উপন্যাসের মানসপটে বিধৃত চরিত্রগুলিকে চোখের সামনে দেখতে চাইলেন । তাঁদের দাবী পূরণের জন্তই তিনি তাঁর চরিত্রগুলিকে বইয়ের পাতা থেকে মঞ্চের পাদপ্রদীপের সম্মুখে জীবন্তরূপে নিয়ে আসেন । ঔপন্যাসিক নাট্যকারের ভূমিকা গ্রহণ করলেন । সব দেশেই দেখা গেছে যে-সব উপন্যাস জনপ্রিয়তা লাভ করে সেগুলির নাট্যরূপ মঞ্চস্থ করার দিকে নাট্য প্রযোজকদের একটি প্রবল আগ্রহ দেখা যায় । কারণ তাঁরা জানেন যে, ওই সব উপন্যাসের বাহিনী ও চরিত্রগুলি পাঠকদের হৃদয়ের আনন্দবেদনা রসে অভিষিক্ত হ’য়ে তাদের অন্তরে চিরজাগরুক থাকে, সেই সব কাহিনী ও চরিত্রের জীবন্ত বসমুর্তি দেখবার আগ্রহ তাদের মনের মধ্যে প্রবল । সেজগৎ মঞ্চে অভিনীত হ’লেই সেই সব উপন্যাসের নাট্যরূপ জনসংবর্ধিত হয় । উপন্যাসের কাহিনী ও চরিত্র বিশ্বস্তভাবে রূপায়িত হলেই দর্শকবৃন্দ খুশি, নাটকের দোষগুণের প্রতি তারা অনেকটা উদাসীন । ঔপন্যাসিক তারাশঙ্কর যখন নাট্যকাররূপে আবির্ভূত হলেন তখন তাঁর মুগ্ধ পাঠকসমাজই কৌতূহলী দর্শকসমাজে পরিণত হল । নাট্যকারের কলাকৌশল তাদের কাছে ছিল গোপ, ঔপন্যাসিকের চরিত্র ও বক্তব্যই ছিল মুখ্য । তারাশঙ্করের ক্ষেত্রে তাঁর ঔপন্যাসিক-খ্যাতি নাট্যকারের খ্যাতিকে এগিয়ে দিয়েছিল । ‘কবি’, ‘কালিন্দী’ ও ‘আরোগ্যনিকেতন’র আদি স্রষ্টার কাছে পরবর্তী শিল্পী চিরঞ্চী র’য়ে গেলেন ।

‘কালিন্দী’ উপন্যাসের নাট্যরূপ দিয়ে তাঁর আত্মবিশ্বাস বাড়ল । উপন্যাসের নির্ভরতা থেকে মুক্ত ক’রে প্রথম স্বাধীন নাটক লিখলেন ‘দুই পুরুষ’ । ‘হুটু মোস্তারের সওয়াল’ গল্পে হয়তো নাটকটির বীজ ছিল, কিন্তু তবুও নাটকটি অনেকাংশে নাট্যকারের স্ব-পরিকল্পনাগ্রসৃত, তারাশঙ্কর নিজেই এটিকে তাঁর প্রথম নাটক বলেছেন । ‘দুই পুরুষ’ রচনা করবার পর তারাশঙ্করের স্বাধীন নাট্যকারমত্তা পর পর মৌলিক নাট্যরচনার মধ্যে আত্মপ্রকাশ করতে

লাগল, তিনি লিখে চললেন ‘পথের ডাক’, ‘দ্বীপান্তর’, ‘বিংশ শতাব্দী’ ও ‘চকমকি’ গ্রন্থসমূহ। পানিশথের তৃতীয় যুদ্ধের কাহিনী নিয়ে নৃতন করে ঐতিহাসিক নাটক লিখলেন ‘যুগবিপ্লব’। যুগবিপ্লব তাঁর প্রথম ও শেষ ঐতিহাসিক নাটক। ঐতিহাসিক নাটকের ক্ষেত্রে নাট্যকার প্রতিষ্ঠা পান নি, তাই ও-পথে তিনি আর যান নি। কালরাজি ও বিগ্রহ প্রতিষ্ঠা নাটক দুটি একাক। একাক নাটকের রূপ ও রীতি সম্পর্কে তখনো অনেকের মনে ধারণা অস্পষ্ট। কিন্তু তারানন্দর আধুনিক কালের সমৃদ্ধ নাট্যধারাটির উদ্ভব-কালে অপরিসীম পথে পরীক্ষা শুরু করেছিলেন, তাঁর কৃতিত্ব উল্লেখযোগ্য। কয়েকটি মৌলিক নাটক রচনার পরে পুনরায় তাঁর বহুজনপ্রিয় দু’খানি উপন্যাস ‘কবি’ ও ‘আরোগ্যনিকেতনের’ নাট্যরূপ দেন। তাঁর উল্লেখযোগ্য শেষ নাটক ‘সংঘাতে’ পুরাতন ও নতুন সমাজশক্তির বিরোধ দেখানো হয়েছে। তাঁর সাহিত্যিক জীবনের কুড়ি বছর ধরে তিনি মাঝে মাঝে নাটক রচনা করে গেছেন। উপন্যাস ও গল্প রচনার ধারা যেমন অবিরল ও প্রাচুর্যে ভরপুর, নাটক রচনার ধারা তেমন নয়। নাটকের ক্ষেত্রে তাঁর পদচারণা যেন সতর্ক ও দ্বিধাজড়িত—এ যেন তাঁর ব্যস্ত কথাসাহিত্যিক জীবনের ফাঁকে ফাঁকে অবকাশবিলাস—অন্তরের অবদমিত আকাজক্ষার বৃষ্টি ক্ষণকালীন মুক্তি। আক্ষেপেব বিষয় শেষ দশ এগারো বছর আব তিনি নাটক লেখেন নি। তাঁর গল্প-উপন্যাসেব খ্যাতি দ্বিধাগ্রস্ত নাটকের নেশাকে গ্রাস করে ফেলল। তাঁর কাছে নাট্যজগতের দাবী ছিল অনেক, কিন্তু সেই দাবী পূর্ণ হল না।

নাট্যকার তারানন্দর ঔপন্যাসিক তারানন্দরের কাছে ঋণী একথা বলা হয়েছে। কিন্তু তাঁর গল্প-উপন্যাসে নাটকীয় উপাদানের প্রাচুর্যের জগত যে সেগুলি উদ্দাম প্রাণশক্তিতে উদ্দীপিত এবং দুর্বীর জীবনবেগে উত্তেজিত হয়ে উঠেছে তা আলোচনা করা দরকার। স্মৃতি, গীতিময় প্রকৃতির স্পর্শকাতর রূপ এবং অস্পষ্ট ও অস্বুট জীবনাবেগে তাঁর কোঁতুহল নেই। প্রকৃতি যেখানে রুঢ় ও নিষ্ঠুর, মাহুষের প্রবৃত্তি যেখানে লালসায় উত্তপ্ত, হিংসায় অন্ধ, কোঁড়ে প্রচণ্ড সেখানে তাঁর স্বচ্ছন্দ লীলা। মৌন বেদনা, নীরব বিলাপ ও কাতর প্রতীক্ষায় তাঁর বিশ্বাস নেই, হাসিকান্না, মিলনবিচ্ছেদ যখন সোচ্চার, অতিশয়িত ও অতিবিস্তৃত তখনই তাঁর স্বতঃস্ফূর্ত সৃষ্টির উল্লাস। তাঁর গল্প-উপন্যাস চমকপ্রদ, উত্তেজনাপূর্ণ ও অতিনাটকীয় ঘটনায় আকর্ষণ। কোথাও

নৈশ অন্ধকারের মধ্যে মূর্তিমান কালরূপী এক ভয়ঙ্কর মানুষ স্ত্রীর মস্তক ছিন্ন করে শালগ্রামের মধ্য দিয়ে মাদলের তালে তালে মাতাল একদল দ্বিগুণ গাঁওতাল নিয়ে দুর্বার ঝড়ের মততার প্রতিপক্ষের উপর ঝাঁপিয়ে পড়ে, কোথাও বা নির্জন প্রান্তরের মধ্যে বহু মহিষের মত প্রচণ্ড শক্তির দুটি মানুষ আরণ্য হিংস্রতা নিয়ে পরস্পরকে বিধ্বস্ত করবার জন্য এক ভয়াবহ লড়াইয়ে মেতে ওঠে, কোথাও বা বিলুপ্তগৌরব কোনো জমিদার নির্বাণোন্মুখ প্রাণীপের হঠাৎ জলে ওঠার মত তার বলিষ্ঠ পৌরুষ ও অপরিমেয় উদ্ধামতা নিয়ে অকস্মাৎ বাধন ছেঁড়া ক্রিয়ার মধ্যে ঝাঁপিয়ে পড়ে, আবার কোথাও এক বিকলাঙ্গ মানুষ তার বিকৃত লালসা চরিতার্থ করতে উন্মত্ত হয়ে ওঠে, কোথাও বহাব প্রবল টানে নিজের স্ত্রীর বাহুবেষ্টন থেকে নিজেকে মুক্ত করে স্ত্রীকে মৃত্যুব পথে ঠেলে দেয়, এবং কোথাও বা একজন স্বামী স্ত্রীর কাতর অনুরোধ সত্ত্বেও তাকে জলন্ত অগ্নিশিখার মধ্যে ছেড়ে দেয়। এই সব আদিম ও ভাঙ্গুর প্রবৃত্তির নাটকীয় চমকে তারাশঙ্করের সৃষ্টিশক্তি উল্লাস বোধ করে। বেপবোরা সমাজবন্ধনহীন, যাযাবর ও উচ্ছৃঙ্খল প্রবৃত্তিময় নারীপুরুষের জীবনই তাঁকে বেশি আকর্ষণ করে। ডোম, বাগদী, কাহার, বেদে ও যাযাবর মানুষের উগ্র ও অনিয়ন্ত্রিত জীবনযাত্রার মধ্যে যে উন্মুক্ত সরলতা, আদিম লোলুপতা ও অনাবৃত হিংস্রতার পরিচয় পাওয়া যায় তার প্রতি স্তরে নাটকের গতি, উত্তেজনা ও রহস্য ছড়িয়ে আছে। তারাশঙ্করের দুর্বলতা ধরা পড়েছে আদর্শবাদী, মধ্যবিত্ত নায়কচরিত্রচিত্রণে। শিবনাথ, অহীনের মত চরিত্রগুলি যেন বড় বেশি আদর্শায়িত এবং সেজন্য যেন একটু বিবর্ণ ও নিম্প্রভ। তারাশঙ্করের উপন্যাসে নাটকীয়তার আর একটি কারণ যে, তাঁর প্রবণতা বিরোধ ও সংঘাতে দিকে, মিলন আর সামঞ্জস্যের দিকে নয়। চরিত্র ও ঘটনার যে দ্বন্দ্বময়তার মধ্যে নাট্যরসের সৃষ্টি হয় তার পূর্ণ সদ্যবহার তিনি তাঁর গল্প-উপন্যাসে করেছেন। ব্যক্তির সঙ্গে ব্যক্তির দ্বন্দ্ব, কর্তব্যপরায়ণ পিতার সঙ্গে অসাধু পুত্রের দ্বন্দ্ব, বয়সের সঙ্গে যৌবনের দ্বন্দ্ব, শ্রেণীতে শ্রেণীতে দ্বন্দ্ব, মালিক শ্রেণীর সঙ্গে শ্রমিক শ্রেণীর দ্বন্দ্ব, সামন্ততান্ত্রিক সমাজব্যবস্থার সঙ্গে শিল্পকেন্দ্রিক সমাজব্যবস্থার দ্বন্দ্ব—এ ধরনের নানা দ্বন্দ্বের অবতারণার মধ্য দিয়ে গল্প-উপন্যাসে নাট্যউপাদানের অবতারণা করা হয়েছে। তারাশঙ্কর কখনো নাটক লিখেছেন, কখনো লেখেন নি, কিন্তু তাঁর সকল রচনার মধ্যে নাট্যপ্রাণতার উপাদান স্পষ্ট ভাবেই চোখে পড়ে।

তারারশঙ্কর মঞ্চ-ঐতিহ্যের সঙ্গে ঘনিষ্ঠভাবে পরিচিত ছিলেন, সেজন্য মঞ্চাভিনয়ের উপযোগিতার দিকে লক্ষ্য রেখেই তিনি নাটক লিখেছিলেন। তাঁর নাটকগুলি প্রধানত পেশাদার মঞ্চে অভিনীত হয়েছিল। সেই পেশাদার মঞ্চের দর্শকদের চাহিদা এবং অভিনয় সাফল্যের কথা তিনি সর্বদাই স্মরণে রেখেছিলেন। তাই তাঁর নাটকে ঘটনার চমৎকারিত্ব, আবেগ উচ্ছ্বাসের প্রাবল্য, স্থূল ও অতিনাটকীয় পরিস্থিতির চর্চনা, বিচিত্র রসের উপাদানের অবতারণা, মনোরম নৃত্যগীত প্রয়োগ ইত্যাদি দেখা যায়। অভিনয়-চমৎকৃতির দিকে লক্ষ্য ছিল বলে তিনি অনেক আকর্ষণীয় টাইপচারিত্র সৃষ্টি করেছেন, অনিবার্য যোগসূত্র নেই এমন অনেক জমাট ঘটনার অবতারণা করেছেন এবং বক্তৃত্যধর্মী আবেগদীপ্ত সংলাপ প্রয়োগ করেছেন। বিষয়বস্তুর দিক দিয়ে তিনি অনেক নাটকেই অত্যন্ত বেশি প্রগতিশীল। সামাস্তান্ত্রিক সমাজব্যবস্থার বিলোপ, শিল্পকেন্দ্রিক সমাজব্যবস্থার অনিবার্যতা, পুরাতন কুসংস্কার, অন্ধবিশ্বাস, জীর্ণরীতিনীতির অসারতা, যুক্তি ও বিচারের আলোকিত পথে চলার সহজ, সত্যসবাদী ও কোথাও সমাজতন্ত্রবাদী আদর্শের প্রতি সমর্থন—এ-সব তাঁর নাটকের বহুস্থানে দেখা যায়। তবে যাদের তিনি চিন্তা ও আদর্শের দিক দিয়ে সমর্থন করেন, যারা সুস্থ, সংযত ও স্বাভাবিক তারা তাঁর নাটকে উজ্জ্বল নয়। উজ্জ্বল হ'ল তারা যারা অতিক্রান্ত ও বিলীয়মান, যারা উদ্ধাম ও উচ্ছৃঙ্খল, ভয় ও বিকৃত, যারা নিষিদ্ধ পথের পথিক—উষ্ণ জীবনরস সন্তোষে উন্নত। বিষয়বস্তুর দিক দিয়ে তিনি আধুনিক নাট্যকারদের সমধর্মী। কিন্তু নাট্যরীতি ও নাট্যপ্রয়োগের দিক দিয়ে তিনি সনাতনপন্থী। তাঁর অধিকাংশ নাটক চার অঙ্কের, অবশ্য তিন অঙ্কের নাটকও কয়েকটি আছে। তবে অঙ্কের অন্তর্গত দৃশ্য-বিভাগ রয়েছে এবং প্রত্যেকটি দৃশ্য আলাদা আলাদা পটভূমিতে স্থাপিত হয়েছে। নাট্যশিল্পকলার দিক থেকে দোষত্রুটি থাকলেও প্রত্যক্ষ অভিজ্ঞতার রসে এবং গভীর জীবনানুভূতির স্পর্শে তাঁর নাটকগুলির আবেদন দর্শকদের প্রাণের ভিতরে গিয়ে সাড়া জাগায়। মাটির সঙ্গে নিবিড় যোগ, আঞ্চলিক ভাষা ও বাগ্‌ডন্ডির যথাযথ ব্যবহার, লৌকিক পাল-পার্বণ-আচারঅনুষ্ঠান-উৎসব প্রভৃতির সঙ্গে নাট্যঘটনার অনিবার্য যোগস্থাপন, জীবন ও পরিবেশের সঙ্গে ঘনিষ্ঠ গানের বহুল প্রয়োগ ইত্যাদির ফলে তাঁর নাটক ঘনীভূত জীবনরসে সজীবিত হয়ে উঠেছে।

তারশঙ্করের নাটকগুলির অধিকাংশ মধ্যে সাফল্যমণ্ডিত হয়েছে। তার মূলে রয়েছে তাঁর রচিত কাহিনীর অকৃত্রিম বাস্তবতা এবং তাঁর সৃষ্ট জীবনের স্বতঃস্ফূর্ত ও প্রত্যক্ষ আবেদন। মঞ্চআদিক প্রয়োগের কুশলতা ও নাট্যপ্রয়োগের নৈপুণ্যের জ্ঞাত যে নাটকগুলি জনপ্রিয় হয়েছে তা নয়। হু' একটি নাটকে মাত্র প্রয়োগের অসাধারণ দক্ষতা লক্ষ্য করা গেছে। রঙমহলে নটসূর্য অহীন্দ্র চৌধুরী 'বিংশ শতাব্দী'র বৈজ্ঞানিক গবেষণাগারটি প্রচুর অর্থব্যয় করে ঠিক একটি বাস্তব গবেষণাগারের মধ্যে সাজিয়েছিলেন। কিন্তু তবুও নাটকটি জনপ্রিয় হয়নি। তখন পর্যন্ত মঞ্চের নাটক ছিল প্রধানত অভিনয় নির্ভর, প্রয়োগনির্ভর নয়। অভিনয়নির্ভর নাটকে নাট্যকারের চরিত্রসৃষ্টির ক্ষমতা ও অভিনেতার অভিনয়দক্ষতার উপরেই নাটকের সাফল্য নির্ভর করে। চরিত্রসৃষ্টিতে তারাশঙ্কর ছিলেন অদ্বিতীয় এবং যেসব অভিনেতা অভিনেত্রী তাঁর নাটকে অভিনয় করেছিলেন তাঁরাও ছিলেন দক্ষ শিল্পী। শ্রুতি ও রূপদাতার এই অভুলন সম্বয়েই তাঁর নাটকগুলি এত সফল হয়েছিল। তারাশঙ্করের মৌলিক নাটকগুলি অপেক্ষা তাঁর উপন্যাসের নাট্যরূপগুলিই অধিকতর জনপ্রিয় হয়েছিল, যথা 'কালিন্দী', 'কবি', 'আরোগ্যনিকেতন' এবং ছোটগল্পের সম্প্রদায়িত নাট্যরূপ 'দুইপুরুষ'। এগুলির মধ্যেও আবার বহু-অভিনীত ও জনসংবর্ধিত নাটক দু'টি হ'ল 'দুই পুরুষ' ও 'কবি'। 'দুই পুরুষ' নাটকটি নাট্যভারতীতে অভিনীত হয়েছিল (৪ জ্যৈষ্ঠ, ১৩৪২) এবং ছুটিবিহারী, গোপীনাথ ও হুশোভনের ভূমিকায় ছবি বিশ্বাস, নরেশ মিত্র ও জহর গঙ্গোপাধ্যায় অবিস্মরণীয় অভিনয় করেছিলেন। 'কবি' বোধ হয় তারাশঙ্করের জনপ্রিয়তম নাটক। সঙ্গীতপাগল বাঙালী দর্শকরা এই নাটকের প্রাণম্পর্শী সঙ্গীতগুলিতে মেতে উঠেছিলেন। কবির ভূমিকায় ও গানে রবীন মজুমদার দর্শকদের মনে এমন ছাপ রেখে গেছেন যে তা আর কোনো দিন মুছল না। বিংশ শতাব্দী নাটক বেশি দিন চলে নি বটে, কিন্তু অহীন্দ্র চৌধুরীর পরিচালনা এবং শ্রীযাদাস শাস্ত্রীর ভূমিকায় তাঁর অভিনয় দুই-ই হয়েছিল অনবদ্য। কালিন্দী নাটকে রামেশ্বর চরিত্রে মহেন্দ্র গুপ্তের আবৃত্তি ও অভিনয়ও চমকপ্রদ হয়েছিল, বিশ্বরূপায় 'আরোগ্যনিকেতন' ও 'রাধা' নাটক দু'টি মঞ্চস্থ হয়েছিল। 'রাধা' নাটকে থিয়েটারস্কেপ মঞ্চরীতির প্রবর্তন হয়েছিল। স্বাত্মা, থিয়েটার ও চলচ্চিত্রের সমবায়ে এই শিল্পরীতিটি মূর্তি পরিগ্রহ করেছিল। 'সপ্তপদী' ও 'মঞ্জরী অপেরা' একাধিক অপেশাদার নাট্যসংস্থা মঞ্চস্থ করেছে।

‘কালিন্দী’ (১২৪১) নাটক ওই নামের প্রসিদ্ধ উপন্যাসের কাহিনী অবলম্বনে রচিত হয়েছে। তারাশঙ্করের ‘পঞ্চগ্রাম’, ‘হাসুলী বাকের উপকথা’ প্রভৃতি উপন্যাসের জায় ‘কালিন্দী’ উপন্যাসেও ভয়াল ও হৃদয় মিশ্রিত পটভূমির বিশালতা এবং সজীব ও পরিবর্তনশীল ধারাবাহিকতা মুখ্য বর্ণনার বস্তু হয়ে উঠেছে। কালিন্দী নদীটি চলমান জীবনশোভের প্রতীকরূপেই ঘেন কল্পিত হয়েছে। তার চরে সৃষ্টি ও ধ্বংসের নিত্যলীলা অল্পাধিক হয়ে চলেছে। সেই চরের গহন অরণ্যে একদিকে সুরভিত পুষ্পবনের উতলা উৎসব আর একদিকে হিংস্র সরীসৃপের অবাধ হিংসার রাজত্ব। অঙ্ককারে চরের বালি নারী ও শিশুর হত্যায় শিহরিত হয়ে ওঠে আবার নবজাত শস্ত্রের প্রাণপ্রাচুর্যে রোমাঞ্চিত হতে থাকে। মাটির কোলে ঘাদের বাস সেই সাঁওতালরা কালিন্দীর মাটিকে সোনার পরিণত করে। কিন্তু সোনার লোভে লুরু ও স্বার্থাঙ্ক মালুঘের দল এসে মারামারি হানাহানি শুরু দেয়। সেই সজীব মাটি নীরস পাষণে পরিণত হয়, তখন সেই মাটির উপর কলকারখানার দানবীয় লীলা চলতে থাকে। কারখানার কালো ধোঁয়ায় আলোয় উজ্জ্বল আকাশ আচ্ছন্ন হয়ে যায়, কর্কশ সাইরেরনের সঙ্গে সাঁওতালীর বীণীর সুর শুরু হয়ে যায়। ভূমিলক্ষ্মীর সন্তান কলের দাসত্বে আত্মবিক্রয় করে। এই ক্রমবিবর্তনশীল জীবনধারাই ‘কালিন্দী’ উপন্যাসে রূপায়িত হয়েছে।

পটভূমির যে বিস্তৃতি ও গুরুত্ব উপন্যাসে আছে নাটকে স্বাভাবিক কারণেই তা নেই, নাটকের কাহিনী প্রধানত ব্যক্তিকেন্দ্রিক হয়ে উঠেছে। উপন্যাসে সোমেশ্বর ও রামেশ্বরের কাহিনী অনেকখানি স্থান জুড়ে আছে। কিন্তু নাটকে সোমেশ্বরের বৃত্তান্ত প্রসঙ্গক্রমে জানানো হয়েছে মাত্র এবং রামেশ্বরের ভূমিকাও নিষ্ক্রিয় ও নেপথ্যবর্তী হয়ে পড়েছে, মাঝে মাঝে তাকে বন্ধ ঘরের মধ্যে দেখা গেছে—কখনো রমণীয়রূপে কালিদাসের কবিতার আবৃত্তির মধ্য দিয়ে, আবার কখনো ঘৃণ্য বীভৎসতায় যখন পাপের গ্লানিতে দগ্ধ হয়ে সে তার কল্পিত ব্যাধিতে আতঙ্ক ব্যক্ত করেছে। নাটকের নায়ক অহীন্দ্র এবং তাকে কেন্দ্র করেই কাহিনীর আরম্ভ ও সমাপ্তি ঘটেছে। জমিজমা-সংক্রান্ত অনেক ঘটনা, অনেক রেষাবেষি ও বিবাদ উপন্যাসের কাহিনীকে ভারাক্রান্ত করে রেখেছে, কিন্তু নাটকে সেগুলি বাদ দেওয়াতে নাটকের কাহিনী অনেকটা স্পষ্ট হত ও ঐক্যবদ্ধ হয়েছে। উপন্যাসে সাঁওতালদের অংশ অনেকখানি বিস্তারিত সন্দেহ নেই, কিন্তু নাটকে তাদের ব্যক্তিরূপ অনেক বেশি সজীব ও উজ্জ্বল।

সাঁওতালি ভাষার বাস্তবরসে প্রাণময় নৃত্যগীতের উচ্ছলতায় ও আদিম সরলতা ও ভীষণতার চরিত্রধর্মে চরিত্রগুলি অত্যন্ত সরল ও স্বাভাবিক হয়ে উঠেছে। নারী চরিত্রটিও নাটকে আবেগের দীপ্তি ও প্রাণপ্রাচুর্যে অনেক বেশী আকর্ষণীয়।

‘কালিন্দী’ নাটকের ভূমিকায় নাট্যকার বলেছেন যে, নাট্যনিকেতনে প্রথম অভিনীত নাটকটি পরবর্তীকালে অনেক পরিবর্তনের পর প্রকাশিত হয়েছিল। অভিনয়ে যে সব অংশ দর্শকদের কাছে অসঙ্গত ও অনাটকীয় মনে হয়েছিল সম্ভবত সেই অংশগুলিই পরিবর্তন করে নূতনভাবে স্বেথা হয়েছিল। এই পরিবর্তনে নাট্যকার ও পরিচালক মহেন্দ্র গুপ্তেরও কিছু হাত ছিল, কিন্তু মূল দায়িত্ব ছিল নিশ্চয়ই তারারশ্বরের। প্রকাশিত নাটকের আরম্ভ হয়েছে বেশ চমকপ্রদ ঘটনার মধ্য দিয়ে। কালিন্দীর চর ও নায়ক অহীন্দ্রকে নিয়েই নাট্যকাহিনীর আরম্ভ রঙালার সঙ্গে অহীনের কথোপকথনের মধ্য দিয়ে যেমন পূর্বঘটনার বিবরণ দেওয়া হয়েছে, তেমনি সাঁওতালদের সাপশিকার, গান ও নাচের মধ্য দিয়ে সাঁওতাল জীবনের আদিম বর্ণময় দিক উদ্ঘাটিত হয়েছে। রামেশ্বর চক্রবর্তীর পরিবারের সঙ্গে ইন্দ্ররায়ের বিরোধ প্রথম অঙ্কে দেখানো হয়েছে, কিন্তু মহীনের কারাদণ্ডের পর ইন্দ্ররায়ের চরিত্রে পরিবর্তন ঘটে এবং তার শত্রুতা মিত্রতায় পরিণত হয়। তৃতীয় অঙ্ক থেকে সংঘাত শুরু হয় ক্ষয়িষ্ণু ক্ষমতাশালী জমিদারশ্রেণীর সঙ্গে নববদন্তু শিল্পপতির। নাটকের কাহিনী প্রবেশ করল আধুনিক পটভূমিতে—মালিকের আগ্রাসী শোষণের বীভৎসতা, মালিক-শ্রমিকের বিরোধ, সংগ্রামে অশান্ত সংঘবদ্ধ শ্রমিকশ্রেণী—এ সব নাটকের ঘটনাকে উত্তেজনার বিক্ষোভে চঞ্চল করে তুলেছে। শোষিত শ্রেণীর সংগ্রামী নায়ক অহীন, সে বুঝেছে শাসক জমিদারের চেয়ে শোষক মিলমালিক আরো বেশি ভয়াবহ। প্রথম দুই অঙ্কে অহীন শান্ত স্বভাব বালকমাত্র, কিন্তু শেষ দুই অঙ্কে সে বিপ্লবী নায়ক, তবে সশস্ত্র বিপ্লবের পথ থেকে সে শেষে নিরস্ত্র প্রতিরোধের পথে এসেছে, হয়তো গান্ধীবাদের আদর্শ তাকে প্রভাবিত করেছে, ধর্মঘটে নেতৃত্ব দেওয়ার জন্ত পুলিশ তাকে গ্রেপ্তার করেছে। কিন্তু কিভাবে সে ধর্মঘট ঘটিয়েছে, তার বৈপ্লবিক ক্রিয়াকলাপই বা কিরূপ নাটকের মধ্যে এসব দেখানো হয় নি। নাটকের অনেক চমকপ্রদ ঘটনা পূর্বপ্রসঙ্গি ছাড়াই অতর্কিতভাবে ঘটেছে। আকস্মিক ধুনখারাপীর ঘটনা নাটকে অবিখ্যাত অতিনাটকীয়তা সৃষ্টি করেছে। ননী পাল ও সারীর অতর্কিত হত্যা নাটকে স্ক্রল ও রোমাঞ্চের উপাদান বাড়িয়েছে মাত্র।

নাটকের চরিত্রগুলির মধ্যে ক্ষয়িষু জমিদার চরিত্র ইন্দ্র রায় কঠোর ও কোমল ধাতুতে গড়া সব চেয়ে জীবন্ত চরিত্র। রামেশ্বর তার অবরুদ্ধ-কঙ্কে-ব'সে অনেক সংস্কৃত কবিতা আবৃত্তি করেছে। কিন্তু তার মত হিংস্র হত্যাকারীর মুখে কালিদাস ও জয়দেবের রসাত্মক কবিতা আবৃত্তি নিতান্তই বেমানান মনে হয়। তার পাপের প্রায়শ্চিত্ত করেছে অন্ত অনেক, কিন্তু তাকে কোনো প্রায়শ্চিত্ত করতে হয়েছে বলে মনে হয় না। স্বনীতি থেকে আরম্ভ করে সে সকলের কাছে তো আদর যত্ন সম্মান অনেক পরিমাণেই পেয়েছে। হয়তো অন্তর্দাহে সে দগ্ধ হয়েছে, কিন্তু সমাজের কাছে সে কোনো শাস্তি পায় নি। নাটকের পুরুষ চরিত্রগুলির অনেকেই কুট, কুর, কুচক্রী ও দুষ্কৃতকারী কিন্তু নারীচরিত্রগুলি সকলেই স্নেহ প্রেম ক্ষমা ও করুণার প্রতিমূর্তি—জালা যন্ত্রণা হিংসা বিদ্বেষ ও রক্তপাতের বিযাক্ত নরকে তারা পরম আশ্রয়ভরা স্বর্গ রচনা করেছে।

‘পথের ডাক’ (১৯৪৩) নাটকে আধুনিক সামাজিক ও অর্থনৈতিক সমস্যা বাস্তব প্রতিফলন হয়েছে। এ-নাটকে বর্তমান জীবনসমস্যা সম্পর্কে নাট্যকারের সচেতনতা যেমন প্রকাশ পেয়েছে তেমনি সেই সমস্যার সমাধান সম্পর্কে অপক্ষপাতী, প্রগতিশীল ও কল্যাণকামী দৃষ্টিভঙ্গি পরিস্ফুট হয়েছে। শিল্প মালিকদের বিকৃত অর্থলোভ, নির্মম শোষণ ও অত্যাচার, অপরিমিত দম্ভ ও অমানবিক হৃদয়হীনতা নাট্যকার নিন্দা করেছেন। রায়বাহাদুর ক্ষমতা ও অর্থের মোহে বিবেকহীন, হিতাহিৎস জ্ঞানশূন্য। অতুল শক্তি ও সম্পদের নেশায় স্নেহ প্রীতি ও কর্তব্যের প্রতি উদাসীন, শুধু কাক, শুধু সম্পদ বৃদ্ধিতেই তার আসক্তি; তার কাছে প্রতিশ্রুতির দাম নেই, স্ত্রীর মৌন বেদনা ও কাতর অন্নযোগের কোনো গুরুত্ব নেই। কিন্তু সম্পদের জগ্ন মাহুষের মনুষ্যত্বের এই বিকৃতি সত্ত্বেও সম্পদ মিথ্যা নয়! মাহুষ যখন সম্পদের অধীন তখনই যত অবল্যপনের উদ্ভব হয়, কিন্তু সম্পদ যখন মাহুষের অধীন তখনই তা হয়ে ওঠে কল্যাণময়। সম্পদ লুকিয়ে আছে খনির গর্ভে, খনিশিল্পের মাধ্যমে সেই সম্পদ হাজার মাহুষের কল্যাণে নিয়োজিত হয়। আজকের দিনে প্রয়োজন মাহুষের প্রয়োজনে সেই সম্পদ উদ্ধার করা ও বহুগুণে বর্ধিত করা। সেজন্য অতুলের বয়স্কারে আবার আগুন জ্বল, সেই আগুনের শিখায় শত শত মাহুষের আশা ও স্বপ্ন উদ্দীপ্ত হয়ে উঠল।

নাট্যকারের মত ও আদর্শের বাহন নিখিলেশ—যে বিশিষ্ট ধরনের চরিত্র

অস্ত্রান্ত অনেক নাটক উপস্থানে দেখেছি। নিখিলেশ স্বামীজীর সেবাবর্ষের আদর্শে দীক্ষিত। কিন্তু সেবাবর্ষের অন্তরালে বিপ্লবের অগ্নিময় সাধনায় দীক্ষিত ছিল। কিন্তু নিখিলেশ যেন দ্বিধাগ্রস্ত—প্রাচীন ভারতের তপঃক্লিষ্ট ও ত্যাগপবিত্র আদর্শ ও ভাঙনের আশ্বিনরাঙা পথের দুই বিপরীত আকর্ষণে যেন সে দোলায়িত। কিন্তু তার কর্ণে ও সাধনায় সে স্বস্থ ও নিপীড়িত মানুষের সেবায় আত্মোৎসর্গ করেছে। সেজন্ত তার সংগ্রাম সেই শক্তির সঙ্গে সে তার অপরিমিত লাভের জন্ত মানুষের দুঃখ ও মৃত্যুকে গ্রাহ্য করে না, হতভাগ্য শ্রমিকদের দারিদ্র্যের সুযোগ নিয়ে তাদের ভয়াবহ বিপদের মধ্যে ঠেলে দেয়। কিন্তু অসহায় ও নির্ধাতিত মানুষের পক্ষে সংগ্রাম করে তাদেরই কাছ থেকে সে পেল চরম অকৃতজ্ঞতার আঘাত। কিন্তু তাতেও তার মানবপ্রেমের আদর্শ বিচলিত হল না। শেষ পর্যন্ত জয়ী হল সে, সুনন্দা তারই ব্রতে অল্পপ্রাণিত হয়ে আত্মত্যাগ করল। রায়বাহাদুর ও অতুল তারই উদার মানবিকতার প্রভাবে রূপান্তরিত মানুষ হয়ে গেলেন। আত্মস্তুরি হিংসা পরহিতব্রতী কলাগবোধে পরিবর্তিত হ'ল।

আধুনিক নারীর আত্মমর্দানাবোধ, পুরুষের ষোগ্য সহবর্তিতা, নির্ভীক প্রতিবাদ ও স্বতন্ত্র পথে চলবার অকুণ্ঠ সাহস নাটকের মধ্যে উজ্জলভাবে ফুটে উঠেছে। রমা ও সুনন্দা দু'জনেই ব্যক্তিহীন ও আত্মবিশ্বাসী নারী সমাজের প্রতিনিধি। রমা পুরুষের সদস্য নির্বাচনের পাত্রী হওয়ার অবস্থাকে ঘৃণায় প্রত্যাখ্যান করে সংঘাতসঙ্কুল কর্মের পথে নিজেকে প্রতিষ্ঠিত করে। নিখিলেশ, যেখানে দ্বিধাগ্রস্ত, সেখানে সে নির্দিষ্ট সাহসে শুধু কেবল সামনে এগিয়ে চলে। নিখিলেশের সঙ্গে যখন সে কাজ করেছে তখন হৃদয়বৃত্তির কোনো দুর্বলতাকে আমল দেয়নি, কিন্তু শেষকালে যখন হৃদয়ের সঙ্গী নির্বাচনের সময় এল তখন সকলের অহুরোধ ও নির্দেশ উপেক্ষা ক'রে নে নিখিলেশকেই নির্বাচন করল। সুনন্দার নিষ্পৃহ ওদাসীজ্ঞ ও নীরব বেদনাভোগের মধ্য দিয়ে পিতা ও স্বামীর অপরিহৃত ধনাকাজ্ঞা ও হৃদয়হীন কর্মলিপ্ততার বিরুদ্ধে মৌন প্রতিবাদ ব্যক্ত হয়েছে। নিখিলেশের প্রাতি তার হৃদয়ের কোনো দুর্বলতা ছিল কিনা তা অবশ্য নাটকের মধ্যে স্পষ্ট নয়। কিন্তু নিখিলেশের কবিতার সে অম্লরক্ত এবং নিখিলেশের মানবসেবার আদর্শে আকৃষ্ট হয়ে সে পিতা ও স্বামীর বিরুদ্ধে বিদ্রোহ করেছে এবং স্বেচ্ছায় যেন মৃত্যুবরণ করে নিয়েছে।

নাটকটির প্রথম অঙ্কে প্রস্তাবিত দুটি বিবাহ ভেঙ্গে যাওয়ার ফলে ঘটনাধারায় যে জটিলতা ঘটেছে তাই দেখানো হয়েছে। নিখিলেশের সঙ্গে

সুনন্দার বিবাহ ঘটল না এবং রমার সঙ্গেও অতুলের বিবাহ সম্পন্ন হল না। বিবাহের এই অসিদ্ধির ফলেই হয়তো নিখিলেশ ও রমা গতানুগতিক জীবনের ককপথ থেকে বিচ্ছিন্ন হ'য়ে সেবার্ধের আদর্শতলে পরম্পরের সঙ্গে মিলিত হ'ল। দ্বিতীয় অঙ্কে নাটকের ঘটনাধারা এসে পড়েছে রায়বাহাদুর ও অতুলের কোলিয়ারী অঞ্চলে—একদিকে সুরমা বিলাসবহুল ডাকবাংলো অল্পদিকে মলিন ও অপরিচ্ছন্ন কুলিবস্তি, দুই বিপরীতধর্মী দৃশ্য এল নাট্যঘটনায়। রোগাক্রান্ত ও বিপন্ন কুলিদের সেবা করতে এসেই নিখিলেশ ও রমার সঙ্গে বিরোধ বাধল রায়বাহাদুর ও তার জামাই অতুলের। সেই বিরোধের চূড়ান্ত পরিণতি তৃতীয় অঙ্কের শেষ দৃশ্বে—কয়লাখনির খাদে আগুন লাগার ঘটনায়। অবশ্য শাদেব ভিতর সব চরিত্রের নেমে আসা যেমন স্বাভাবিক তেমনি আকস্মিক হ'ল সুনন্দা ও ডঃ চ্যাটার্জীর মৃত্যু। ওই মৃত্যু ঘটনাধারার অনিবার্য পরিণাম নয়। নাট্যকার চমক ও উত্তেজনা সৃষ্টির জন্যই ওই মৃত্যু ঘটিয়েছেন। চতুর্থ অঙ্কে কাহিনীর শান্তরসায়ক পরিণতি ঘটেছে। দুইটি মৃত্যু সকলের অন্তরকে শোকে স্তব্ধ, অহুতাপের বেদনায় করুণ এবং উদার স্নেহশীলতায় স্নিগ্ধ ক'রে তুলেছে। পরিবর্তিতচিত্ত রায়বাহাদুর কণ্ঠকে হারিয়ে আবার সকলকে আকড়ে ধরে স্নেহ-মায়ামমতা দিয়ে ঘেরা নূতন সংসারের স্বপ্ন দেখেন, কিন্তু কেউ তার স্নেহের বন্ধনে ধরা দিতে চাইল না। তিনি তার একাকিত্বের অভিলাষকে অস্বীকার করলেন আত্মহত্যা ক'রে। এই আত্মহত্যাও অতর্কিত ও অতিনাটকীয়। নাটকের দুঃখময় কাহিনী শাস্ত্রনাট্যের পরিণতি লাভ করেছে শেষ দৃশ্বে—নিখিলেশের কাছে রমার আত্মসমর্পণের মধ্যে। এতদিন যাবা কর্মে যুক্ত ছিল অবশেষে তারা মর্মে মর্মে মিলিত হ'ল—এ মিলন প্রত্যাশিত ও দর্শকদের কাছে বাঞ্ছিত।

‘বিংশ শতাব্দী’ নাটকটি যখন রচিত ও অভিনীত (১৯৪৪) হয়েছিল তখন দ্বিতীয় বিশ্বযুদ্ধের ভয়াবহ ধ্বংসলীলা সমগ্র পৃথিবীকে আতঙ্কিত ও বিপর্যস্ত ক'রে তুলেছিল। এই ধ্বংসলীলা পরিচালিত হয়েছিল বিজ্ঞানের সর্ববিধবাসী শক্তির দ্বারা। তারাপ্রভুর বিশ্বগ্রাসী যুদ্ধ ও বিজ্ঞানের মহাভয়ঙ্কর শক্তির রূপ প্রত্যক্ষ ক'রেই সম্ভবত এই নাটক লিখতে উদ্বুদ্ধ হয়েছিলেন। নাটকটির নাম ‘বিংশ শতাব্দী’। বিংশ শতাব্দীর মধ্যভাগে এসে নাট্যকার উপলব্ধি করলেন যে বিজ্ঞান ও ধনতান্ত্রিক শক্তি এই শতাব্দীর প্রধান লক্ষণ। ওই দুই শক্তির প্রচণ্ড ক্রিয়াই নাটকের মধ্যে দেখানো হয়েছে। সেজন্য সম্ভবত নাটকের বক্তব্য-বস্তুর কালগত বিংশ শতাব্দীর নামেই নাটকের নামকরণ করা হয়েছে।

তারাশঙ্করের অজ্ঞান নাটকের জায় এ-নাটকে দেশের মাটি ও মানুষের উষ্ণ ও অকৃত্রিম জীবনরসের ধারা উপস্থাপিত হয় নি। দেশীয় পরিবেশ এখানে গৌণ। আন্তর্জাতিক শক্তির সর্বব্যাপী লীলাই নাট্যকার এখানে উপস্থাপিত করেছেন। এ-নাটকে তিনি জীবনের রসে তন্ময় নন, মহাজীবনের সত্যাত্মকানী তাত্ত্বিক। নাটকের নায়ক শ্রামাদাস শাস্ত্রী এক মহা শক্তিদ্বর জড়বিজ্ঞানী। তিনি তাঁর গবেষণাগারে বিজ্ঞানের প্রচণ্ড ধ্বংসাত্মক শক্তির উদ্ভাবনে নিরত; শুধু কেবল গবেষণাক্ষেত্রে নয়, মতবাদ ও জীবনবোধেও তিনি বিজ্ঞানকে প্রতিষ্ঠিত করেছেন। তাই স্নেহ-প্রেম-মায়ার-মমতা তার কাছে অর্থহীন জৈবিক আবেগ—biological emotion মাত্র। অগ্নিমা ও করুণার প্রাণঢালা ভালোবাসা তার পাষণচিন্তে কোনো সাড়া জাগায় নি। সে আত্মপর, জনবিমুখ, নির্মম ও অবিচল, মায়ের সঙ্গে বিবাদে সে অচঞ্চল, হিতাকাঙ্ক্ষী ভাইয়ের প্রতি বিরূপ। উত্তুল শিখরের মত সে তার আত্মমহিমার মহা নিঃসঙ্গতায় মগ্ন হয়ে আছে। যুক্তি ও বিচারের শাণিত অস্ত্রে সে সমাজের সংস্কার, বন্ধন ও বিশ্বাস সব কিছুই নির্মমভাবে ছিন্ন-বিচ্ছিন্ন করে। ভগবান তার কাছে মিথ্যা, পরলোক অর্থহীন। তার কাছে প্রত্যক্ষের অতীত সত্য নেই, বর্তমানের পিছনে কোনো কাল নেই। কিন্তু করুণার আত্মহত্যার চেষ্টা আর অগ্নিমার আত্মোৎসর্গ কি তার মধ্যে কোনো পরিবর্তন আনল? অন্ধ হবার পর কিছুটা উদ্বেগ ও আবেগের উচ্ছ্বাস তার মধ্যে দেখা গেল বটে, কিন্তু তার তাৎক্ষণিক পরিবর্তন ঘটল কিনা তা স্পষ্ট হয় নি। Death-gas তৈরী করা যে অপরাধ এ-স্বীকারোক্তি তার মুখ দিয়ে প্রকাশ পায় নি। বিজ্ঞানের প্রলয়ঙ্কর শক্তি সম্পর্কে নাট্যকারের মনেও বোধ হয় কিছু দ্বিধা ছিল। নাট্যকার নিজেই বলেছেন, ওই নাটক রচনার সময় তিনি বিজ্ঞানবাদী ও নাস্তিক ছিলেন। শ্রামাদাসের বৈজ্ঞানিক সাধনা, মনন ও দৃষ্টিভঙ্গির প্রতি তাঁর সমর্থন ছিল বলেই মনে হয়। তবে বিজ্ঞানের প্রেমহীন নেতিবাচক দৃষ্টি হয়তো তিনি পূরোপুরি স্বীকার করতে পারেন নি, সেজন্ত নাটকের পরিণতি যেন কিছুটা অস্তিবাচক ও সামঞ্জস্যমূলক হয়েছে। তবে ধ্বংসাত্মক বিজ্ঞানের উপর মানবিকতার হুমস্পষ্ট প্রতিষ্ঠা তিনি দেখান নি।

নাটকের ব্রজবিহারী চরিত্রটি পুঁজিবাদী শক্তির প্রতীক। ব্রজবিহারী শ্রামাদাসের প্রতিদ্বন্দ্বী শক্তি বটে, কিন্তু আগলে পুঁজিবাদ তো বিজ্ঞানকে পরিহার করে না। বিজ্ঞানকে বশীভূত করে তার কাজে লাগাতে চায়, যেমন

ব্রজবিহারী শ্রামদাসের মৃত্যুবাৎস প্রয়োগের অধিকার আয়ত্ত্ব করতে চেয়েছিল। শ্রামদাস ও ব্রজবিহারী দুজনেরই শক্তি মানবসমাজের পক্ষে অকল্যাণকর, তবে হুয়ের পথ ও মত বিপরীত। শ্রামদাস অতীতকে বর্জন করেছে, কিন্তু ব্রজবিহারী অতীতকেই আঁকড়ে ধরে আছে। শ্রামদাস ধর্মদ্রোহী, ব্রজবিহারীও ধর্মহীন তবে সে ধর্মের ছদ্মবেশ ধারণ করে আছে। পুঁজিবাদী শক্তি যে কিরূপ লোভী, কিরূপ আগ্রাসী ব্রজবিহারী চরিত্রের ক্রিয়াকলাপের মধ্য দিয়ে নাট্যকার তা স্পষ্টভাবে দেখিয়েছেন। আকস্মিকভাবে ওই শক্তি তার ধারাল দাঁত ও বিষাক্ত নখ চালায়, সদাশয়তা ও ধর্মপ্রাণতার মোড়কে আবৃত থাকে বলে তাকে চেনা যায় না, সতর্ক হওয়া যায় না। একদিন শুধু বোঝা যায় যে নিঃশব্দচারী অজগরের মুখের মধ্যে সব কিছু ঢুকে গেছে।

‘বিংশ শতাব্দী’ নাটকটি সমালোচক ও বিদগ্ধজনের প্রশংসা লাভ করলেও রঙ্গমঞ্চে জনপ্রিয় হয় নি, অনেকেই এতে বিস্ময় প্রকাশ করেছেন। কেন দর্শকদের কাছে নাটকটি জনপ্রিয় হয় নি তা বিশ্লেষণ করে দেখা যেতে পারে। মনে হয়, নাট্যকার এ-নাটকে তত্ত্ব প্রতিষ্ঠায় যতখানি সচেতন ছিলেন, তত্ত্বকে রসবস্তুর পরিণত করার দিকে ততখানি শৈল্পিক স্বল্প দেন নি। শ্রামদাস শাস্ত্রীর একক চরিত্রচিত্রণেই নাট্যকার যেন অত্যধিক মনোযোগ দিয়েছেন, চরিত্রের সঙ্গে চরিত্রের আকর্ষণ বিকর্ষণে যে নাট্যরস ঘনীভূত হয়ে ওঠে নাট্যকার সেদিকে দৃষ্টি দেন নি। শ্রামদাস চরিত্রেরও শুধু তাত্ত্বিক দিকটাই দেখা গেল, তার অন্তর্জীবনের বাসনা-কামনা, জালাযন্ত্রণার কোন স্পর্শই পাওয়া গেল না। এই আত্মপরায়ণ অমানবিক লোকটির অসাধারণ ক্রিয়াকলাপে চমৎকৃত হতে হয়, কিন্তু তার প্রতি আকৃষ্ট হওয়া যায় না। নাটকের মধ্যে ইচ্ছা ও প্রবৃত্তির ঘাত-প্রতিঘাত এবং বস্তুগাবিদ্ধ চিন্তের কোনো করুণ হাহাকার কোথায় প্রকাশ পায় নি। খেয়ালী অগ্নিয়ার ভালোবাসা এবং কোমলহৃদয়া করুণার নীরব প্রেম কোনো গভীর রসের স্তরে পৌঁছয় নি। শৈলজা ও শ্রামদাসের ছন্দও কোনো জটিল সংকট ঘনীভূত করেনি। এ-সব কারণেই এ-নাটকে আধুনিক বিশ্বজীবনের মৌলিক তত্ত্ব উপস্থাপিত হলেও জীবনের মূলগত কোনো গভীর রসের শৈল্পিক উপস্থাপনা হয় নি এবং সেজন্য নাটকটি রসপিপাসু দর্শকদের আকর্ষণ করতে পারে নি।

‘কবি’ উপজ্ঞাস অবলম্বনে রচিত হয়েছিল ওই নামের নাটকটি (১৯৫৭)। ১৯৫৭ সালের জুন মাসে নাটকটি রঙমহল মঞ্চে অভিনীত হইয়েছিল। ‘কবি’

স্বারাশঙ্করের সবচেয়ে জনপ্রিয় উপন্যাসগুলির অন্যতম। উপন্যাসটির জনপ্রিয়তার মূলে রয়েছে এর অকৃত্রিম লৌকিক পটভূমি, কবি ও সুমুরগানের মধ্য দিয়ে লোকসঙ্গীতরসের আবেদন, ত্যাগের শিখায় উজ্জল প্রেমের মরণঞ্জয়ী সাধনা, গীতিকাব্যময় চিত্রসৌন্দর্য ইত্যাদি। উপন্যাসটি নাটকে রূপান্তরের সময় উপন্যাসের গীতিকাব্যময় বর্ণনা বাদ দিতে হয়েছে—সেই কৃষ্ণচূড়া গাছের তলায় নিভৃত-হৃদয়ের পুষ্পদল উন্মোচন, সেই স্বর্ণবিন্দুশীর্ষ কাশফুলের মত ঠাকুরঝির চলন্ত ভক্তি, সেই জ্যোৎস্না রাতে বেহালাদারের বেহালায় মর্মছেঁড়া বিলাপ—এ-সব নাটকে অল্পপস্থিত। পরিবেশের বর্ণ ও মেজাজ এবং অন্তর্জীবনের প্রচ্ছন্ন কামনা ও বেদনা শ্রেষ্ঠ শিল্পীর বর্ণনায় উপন্যাসে উজ্জল হ'য়ে ফুটেছে, নাটকে স্বাভাবিকভাবেই সেগুলি অল্পপস্থিত, সেক্ষেত্র দর্শকদের অনেকখানি বঞ্চিত হ'তে হয়।

উপন্যাসের মূল কাহিনী মোটামুটি নাটকে অল্পস্থত হয়েছে, তবে কিছু কিছু গৌণ ঘটনার দিক দিয়ে উপন্যাস ও নাটকের মধ্যে পার্থক্য রয়েছে। ঠাকুরঝির শুরবাড়ির ঘটনা উপন্যাসে নেই, কিন্তু নাটকে আছে। অবশ্য স্বল্পসীমাবদ্ধ ওই ঘটনা না থাকলেই ভালো হত। আবার অন্যদিকে উপন্যাসে নিতাইয়ের স্বল্পকালীন কাশীবাসের ঘটনা রয়েছে। কিন্তু নাটকে ওই ঘটনা বর্জিত হয়েছে এবং তাতে নাটকের পক্ষে ভালোই হয়েছে। উপন্যাসে বর্ণিত সেই কাশীবাসের ঘটনা নিতান্তই আকস্মিক ও অপ্রয়োজনীয় মনে হয়। উপন্যাসে ঠাকুরঝি ও বসন্তের রক্তান্ত কাহিনীর দুইভাগে বিভক্ত হয়েছে, একটি অংশের সঙ্গে যেন অপবভাগের যোগ নেই। কিন্তু নাটকে উপন্যাসের এই ক্রটি সংশোধন করে নেওয়া হয়েছে। নাটকে ঠাকুরঝির প্রসঙ্গ মাঝে মাঝে আনা হয়েছে। তৃতীয় অঙ্কের চতুর্থ দৃশ্যে নিতাইয়ের শূন্য ঘরে অপ্রকৃতিস্থ ঠাকুরঝির বুককাটা বিলাপ দর্শকদের চিত্ত সমবেদনায় বিগলিত করে। নাটকের শেষ দৃশ্যে ঠাকুরঝির জন্য সোনার মেডেল নিয়ে এসে তার মৃত্যুসংবাদে সে শোকের যে প্রচণ্ড আঘাত পেল তাব ফলে নাটকের পরিণতি হয়েছে গভীর করুণ-রসাপ্লুত। ঠাকুরঝির চারিত্রিক আয়তন নাটকের মধ্যে পূর্ণতর হয়েছে। উপন্যাসের মধ্যে মূল চরিত্রগুলিই উপন্যাসের প্রায় সব অংশ জুড়ে আছে। কিন্তু নাটকে বোধ হয় দর্শকদের মনোরঞ্জননের জন্য নানা বিচিত্র রস সৃষ্টির উদ্দেশ্যে গৌণ চরিত্রগুলি প্রাধান্য পেয়েছে। উপন্যাসে সমগ্র কাহিনীটি যেন এক রোমান্টিক গীতিকাব্যের সুরে বাঁধা রয়েছে, যেন বাস্তবের সব রুক্ষতা ও

রুঢ়তা জ্যোৎস্নালোকের সুরভিত লাবণ্যবিলাসে ঢাকা পড়ে গেছে। কিন্তু নাটকে বাস্তবের রুঢ়মূর্তি যেন অনেক স্থানেই প্রকটিত—নিন্দা, বিদেহ, কূটভাষণ ও নিষ্ঠুর ব্যবহার বিষজর্জরিত সংসারের কুশ্রী দিকটি এখানে বারে বারে চোখে পড়েছে।

তারাক্ষর একজন শ্রেষ্ঠ জীবনশিল্পী এ কারণে যে জীবনের গভীরে প্রবেশ ক'রে তিনি নিত্যকালের জীবনসত্যকে আবিষ্কার করেন। সেই সত্যের আলোকে তাঁর শিল্প মহৎ শিল্পের মর্যাদায় ভূষিত হয়। 'কবি'-তে তিনি মানুষের জীবনযত্নাব্যাপী ভালবাসার অনন্ত মহিমা ফুটিয়ে তুলেছেন। নশ্বর দেহ কিন্তু অবিনশ্বর ভালোবাসা। মানুষের তুচ্ছ ও অবজ্ঞাত জীবন ভালোবাসার স্বর্গীয় স্পর্শে অমরত্ব লাভ করে। ঠাকুরঝি সমাজের নিম্নস্তরের একটি নিতান্ত সাধারণ বিবাহিত মেয়ে, বসন্ত একটি দেহজীবিনী ঝুমুর নর্তকী, কিন্তু অনাস্বাদিত ভালোবাসার অমৃতের স্বাদ পেয়ে তারা চিরন্তন হয়ে উঠল। এই ভালোবাসার দৃষ্টিতেই নিতাইয়ের মনের মানুষ অপরূপ হয়ে উঠেছে। কালো ঠাকুরঝি তার চোখে তাই এত স্নন্দর। 'কালো যদি মন্দ তবে কেশ পাকিলে কঁাদ ক্যানে।' সেই কালো কেশের মতই কালোরূপ বড় স্নন্দর। ভালোবাসা মানুষের বাঁচার আকাঙ্ক্ষা শতগুণে বাড়িয়ে দেয়, কিন্তু হায়রে! মানুষের বাঁচার ক্ষমতা যে সীমাবদ্ধ! তাই ভালোবাসার অনন্ত তৃষ্ণা শুধু কেবল একটি আক্ষেপে আকুল হয়ে ভেঙ্গে পড়ে—'হায়, জীবন এত ছোট ক্যানে?' গানের এই পঙ্ক্তির মধ্যে ক্ষণস্থায়ী জীবনের চিরস্থায়ী ক্রন্দন মর্ম্মরিত হয়েছে—'জীবনে এত ছোট ক্যানে?'

নিতাই কবিরাজ জাতিতে ডোম এবং চোরের বংশে তার জন্ম। কিন্তু সে যেন তার জাতি আর বংশধারা অস্বীকার করবার জন্যই জন্ম নিয়েছে। সে অতিমাত্রায় ভদ্র, নয়, অল্পগত ও স্নেহালুরক্ত। মাঝে মাঝে হয়তো অপমানে, গালাগালিতে ও মতপানে তার মধ্যে অশালীন, হিংস্র ও বেপরোয়া ডোমসত্তাটি ভেগে ওঠে বটে, কিন্তু তা নিছক ক্ষণিকের জন্ম। সে যথার্থই কবি, তার চোখে সব কিছু স্নন্দর হয়ে ওঠে এবং তার মনে সব সময়ে গানের স্বর শতদলের মত একটির পর একটি শাপড়ি মেলে জাগতে থাকে। ছুটি মেয়েকে সে ভালোবেসেছে, এবং ভালোবাসার মধ্যে তার প্রাণের সবটুকু নিষ্ঠা উজাড় ক'রে দিয়েছে। কিন্তু সেই ভালোবাসা দিয়ে কাউকে সে খ'রে রাখতে পারল না। তাকে বুঝতে হ'লে তার কবিগানগুলি গভীরভাবে অনুধাবন করা দরকার।

সেগুলি নিছক গান মাত্র নয়। সেগুলির প্রতিটি পঙ্ক্তি-তার এক একটি মর্মরিত দীর্ঘশ্বাসের মতই অন্তরের মৌন প্রাচীর ভেদ করে বাইরে নিঃসল হাহাকারে ঘন ফেটে পড়েছে।

‘দ্বীপান্তর’ নাটকের কাহিনী ১৮৭২ সালের। কয়েক বছর আগে সিপাহী বিদ্রোহ ঘটে গেছে। কোম্পানীর হাত থেকে মহারানী ভিক্টোরিয়া শাসন ভার গ্রহণ করেছেন। প্রশাসনের উপর মোটামুটি লোকেদের আস্থা ও নির্ভরতা ফিরে এসেছে। গ্রামের মধ্যে তখনও দোঁদাঁড় প্রতাপে জমিদারী শাসনব্যবস্থা চলেছে। প্রবল পরাক্রমশালী জমিদারগণ তখন প্রজ্ঞাশোষণ, উৎপীড়ন ও ব্যাভিচার অবলীলাক্রমে চালিয়ে যাচ্ছে। তখনকার ধর্মব্যবস্থাও এই জমিদারের নিয়ন্ত্রণাধীন ছিল। জমিদার গৃহসংলগ্ন মন্দিরই তখনকার গ্রাম্য লোকেদের পূজা-উৎসবের কেন্দ্র ছিল। মন্দিরের পূজারিণী ভৈরব বাইরে ধর্মপরায়ণা ও সকলের ভক্তির পাত্রী, কিন্তু ভিতরে ভিতরে তারা অদৃশ্যত জীবন যাপন করত (শরৎচন্দ্রের দেনা-পাওনা উপন্যাসটির কথা মনে করিয়ে দেয়)। নিম্নশ্রেণীর লোকেরা অর্থাৎ ডোম, বাগদী, প্রভৃতি শ্রেণীভুক্ত লোক তখন ছিল চোর, ডাকাত, ঠাণ্ডাড়ে ও খুনী। জমিদাররা এদের রাখতেন নিজেদের জমি রক্ষা ও অশরের জমি দখল, দাঙ্গা হাঙ্গামা, খুনখারাপি প্রভৃতি কাজের জন্ত। সমাজের এই চিত্রই আলোচ্য নাটকে উদ্ঘাটিত হয়েছে।

নাটকের দুই প্রধান চরিত্র হ’ল জমিদার ধনদাপ্রসাদ ও তার সাক্ষরদ ও শত্রু বাগদী কালীচরণ। তবে ধনদা তার একটা গুরুতর অশরাধের প্রায়শ্চিত্ত করবার জন্ত সন্ন্যাসী হ’য়ে গৃহত্যাগ করেছে। কিন্তু সন্ন্যাসধর্মে তার কতখানি আত্মনিয়োগ হয়েছিল তা জানি না, কারণ প্রায়ই সে সাম্প্রতিক বিষয়ে এসে নানাভাবে জড়িত হয়ে পড়েছে, তার প্রণয়ে প্রতিদ্বন্দ্বী পুত্রকে হত্যার প্ররোচনা দিয়েছে। বৈরাগ্য, ক্ষমা ও ঈশ্বরনির্ভরতা তার কতখানি এসেছিল জানি না। ধনদা চ’লে যাবার পর কাহিনীতে কালীচরণই দুর্দান্ত দাপটে প্রধান হ’য়ে উঠেছে। কিন্তু নাটকের গোড়ার দিকে তার পুত্রস্নেহ ও ভদ্রীশ্নেহের কিছুটা পরিচয় পাওয়া গেলেও পরে কোনো মানবিক গুণের কিছু অবশেষে তার মধ্যে ছিল কিনা সন্দেহ। নাটক যত এগিয়েছে ততই তাকে একটি ভয়ঙ্কর নরঘাতক চরিত্ররূপেই দেখা গেছে। সং ও অসংপ্রবৃত্তির দ্বন্দ্ব তার ভিতর থেকে সম্পূর্ণ বিলুপ্ত হয়ে পড়েছে। সেজন্ত তার পুত্রহত্যা তার খুনের নেশার

অনিবার্য পরিণতি রূপেই ঘটেছে, এই ঘটনায় তার প্রতি বতখানি ঘৃণা জাগে ততখানি সমবেদনার উদ্বেক হয় না। একমাত্র তারাচরণ ছাড়া নাটকের আর সব চরিত্রকেই বিকৃত, বিকৃত ও ভয়াবহ মনে হয়। প্রকৃতির সবারকম বিকৃতি ও সমস্ত ধরনের অপরাধজনক ঘটনা নাটকের মধ্যে অসহনীয় বীভৎসতার সৃষ্টি করেছে। অত্যন্ত স্থূল ও রোমাঞ্চকর ঘটনা নাটকের মধ্যে বার বার ঘটে নাটকের পরিবেশকে অস্বাভাবিক ভাবে উত্তেজিত করে তুলেছে। বিকৃত ও অসুস্থ মানুষগুলির মধ্যে একমাত্র তারাচরণ ও জয়ার প্রাণমাতানো গান ও ছড়া এবং অকপট অনুরাগের মধুময় রাগরাগিনী আমাদের চিত্তে বহু আকাজক্ষিত নির্মল আনন্দ জাগিয়ে তোলে।

দ্বিতীয় খণ্ডে অন্যান্য একাঙ্কগুলির আলোচনার সঙ্গে বর্তমান খণ্ডে প্রকাশিত 'বিগ্রহ প্রতিষ্ঠা' একাঙ্কটির আলোচনাও সংযুক্ত হবে।

—ডঃ অজিতকুমার ঘোষ

ପରମ ପୂଜନୀୟ
ନିର୍ମଳଶିବ ବନ୍ଦ୍ୟୋପାଧ୍ୟାୟ

ତ୍ରୀଚରଣେଷୁ—

ଲାଭପୁର, ବୀରଭୂମ }
୧୯୫୮ ମାସ

পাত্রপাত্রী

রামেশ্বর চক্রবর্তী	—	রায়হাটের জমিদার
ইন্দ্র রায়	—	রায়হাটের জমিদার, রামেশ্বরের ভালক
মহীন্দ্র	—	রামেশ্বরের জ্যেষ্ঠপুত্র
অহীন্দ্র	—	রামেশ্বরের কনিষ্ঠ পুত্র
অচিন্ত্য	—	পেনশনপ্রাপ্ত বয়স্ক ভদ্রলোক
মিঃ মুখার্জী	—	চিনির কলের মালিক
যোগেশ মজুমদার	—	চক্রবর্তী বাড়ির গোমস্তা পরে কলের ম্যানেজার
শূলশাণি	—	রায়বংশের এক শরিক
তীব্রাস পাল	—	চাষী মহাজন
ননী পাল	—	জনৈক চাষী প্রজা
কমল	—	সাঁওতালদের সর্দার
ডগরু	—	সারীর বাগদত্ত স্বামী

পুলিশ ইন্সপেক্টর, পাইক প্রভৃতি

স্ত্রী-চরিত্র

স্বনীতি	—	রামেশ্বরের স্ত্রী
হেমাদিনী	—	ইন্দ্র রায়ের স্ত্রী
উমা	—	ইন্দ্র রায়ের কন্যা
সারী	—	কমল মাঝির নাতিনী
মানদা	—	চক্রবর্তী বাড়ির ঝি

সাঁওতাল তরুণীগণ

১৩৪৮ সালে কালিন্দী উপজাতির নাট্যরূপ, নাট্যনিকেতন রঙ্গমঞ্চে অভিনীত হয়েছিল। নাট্যনিকেতনের তখন ভগ্নাবস্থা, কোনরূপে বহু বাধাবিহীন অতিক্রম করে মঞ্চস্থ হল—কিন্তু পঁচিশ রাতের পরেই একদা মামলা-মকদ্দমা-সংক্রান্ত কারণে নাট্যনিকেতনের প্রতিষ্ঠানটি বিলুপ্ত হ'ল। যখন অভিনীত হয়, তখন নাটকটির কিছু কিছু দুর্বলতা আমি লক্ষ্য কবেছিলাম। কিন্তু তখন তা সংশোধনের আর উপায় ছিল না। বিশেষ কবে প্রথম অঙ্ক এবং পরবর্তী অঙ্কগুলির সময়েব ব্যবধানই (পঁচিশ বৎসর) নাটকাভিনয়ে শুধু অসুবিধার সৃষ্টিই করে নাই—এই দুই অংশ যেন জোড় খেত না। অনেকদিন থেকেই একটি নূতন নাট্যরূপ দেবার বাসনা আমাব ছিল। সময়াভাবে হয়ে ওঠেনি। অকস্মাৎ ঠার থিয়েটারের নাট্যকার-পরিচালক শ্রীযুক্ত মহেন্দ্র গুপ্ত আমার কাছে এই নাটকখানি অভিনয় করবার প্রস্তাব কবায় আমি সানন্দে অমুমতি দিই এবং তাঁকেই নাটকখানি সংশোধন করে নিতে বলি। তিনি যে নাট্যরূপ দেন—তা আমাকে দেখান—তারও কিছু আমি বদল করি—কিছু নূতন ঘটনাও যোগ ক'বে দিই। যেমন বাধাবাগীব কঙ্কণ, সারীর মৃত্যু ইত্যাদি। পরে বইখানিকে নূতন কবে নাটকাকাবে ছাপাবার সময় আবও অনেক পরিবর্তন হল। প্রথম অঙ্কের শেষ দৃশ্য কল্পনাটি মহেন্দ্রবাবুর—সেটিকে অবশ্য নাটকে আমি নূতন ভাবে লিখেছি। তৃতীয় অঙ্কের শেষ দৃশ্য (ষ্টাবের দ্বিতীয় অঙ্কের শেষ দৃশ্য) আমার মূল নাটকের একটি দৃশ্য থেকেই উদ্ভূত হয়েছে। মহেন্দ্রবাবু তার উপর একটি বিশেষ রূপ আরোপ করেছেন। আমার নাটকে ৬টি তৃতীয় অঙ্কের শেষ দৃশ্য। ওটিতে আমি আরও কিছু পরিবর্তন ঘটিয়েছি। যথা—বিবাহের ফুলশয্যার বাত্রে অহীনেব চলে যাওয়াটা অত্যন্ত মর্যাস্তিক, ভাবাবেগকে কঠিন আঘাত দিয়ে লাগানো হয় বলেই আমি ওর পরিবর্তন ক'রে ইঙ্গিতে অহীনের ব্যক্তিগত দোষদোষ দেখিয়েছি। অভিনয়েব নাটকের সঙ্গে অনেক পার্থক্য রয়ে গেল এই নাটকেব। এ বিষয়ে কোন আলোচনা করা নিশ্চয়োজন। অভিনয়ের নাটকের সঙ্গে পার্থক্য থাকলেও ঠারে নূতন করে অভিনয় হওয়ার জন্যই এই নবনাট্যরূপ প্রকাশের সুযোগ ঘটল। এই কারণেই ঠার থিয়েটারের কর্তৃপক্ষ, অভিনেতা অভিনেতৃবর্গ বিশেষ কবে নাট্যকার—পরিচালক শ্রীযুক্ত মহেন্দ্র গুপ্তকে ধন্যবাদ জ্ঞাপন করেছি। ইতি—

লাভপুর, বীরভূম }
 আশ্বিন ১৩৫৫

তারানাথকর বন্দ্যোপাধ্যায়

কালিন্দী

প্রথম অঙ্ক/প্রথম দৃশ্য

মেয়েদের গান

লতায় পাতায় পলাশ বনে ফুল ফুটিল

ওরে ফুল কে ফুটালে ?

আমার ঘরের আঙ্গিনাতে রঙ ছড়ালে— বাস ছুটালে ।

ওরে ফুল কে ফুটালে ?

উরুর—উরুর—উরুর ।

যিতাং যিতাং যিতাং

(খিল খিল করিয়া হাসি)

পুনরায় গান ধরিল

ময়ূর গুলান পেখম ধবেছে

নীল আকাশে হাঁস উড়েছে—

নদীর ধারে চলগো সবাই খুঁজে দেখিব ।

গাশীতে যে সুর উঠালে !

বাবরী চুলে পালক গোঁজা

কষ্ট কালো কে,

আমাদেরই মন মাতালে ।

[অঙ্ককারের মধ্যে জলিল নীলাভ আলো, তারপর ফুটিয়া উঠিল পূর্ণ

আলো—দৃষ্ট হইল চর । শরবনের অন্তরালে সাঁওতাল মেয়েদের

গান শোনা গেল । তাহারা কলসী মাথায় চলিয়া গেল জল

আনিতে, তাহার পর প্রবেশ করিল

অহীন এবং রঙলাল ।]

রঙলাল । এই ভাখেন দাদাবাবু চর । কালের ভদ্রী কালিন্দী ওপারে
অমি খেয়ে এপারে ওগরালে । (খানিকটা মাটি ভুলিয়া লইয়া) দেখেন না

কেনে মাটি। সোনার মাটি—চন্দনের পারা। এ মাটির লেগে চাষীরা
খেপবে না দাদাবাবু ?

অহীন। (চারিদিক চাহিয়া দেখিতেছিল স্বপ্নাবিষ্টের মত) আচ্ছা আগে
নাকি এই চরের ওপরেই ছিল কালিন্দীর গর্ভ ?

রঙলাল। আচ্ছা হ্যাঁ। ঠিক এই চরের মাঝখানে। এখন যেখানে নদী
সেখানে ছিল রায়হাটের জমি। আমাদের জমি ছিল। ভূত পাতার চাষ হ'ত,
আখ হ'ত। নদীর ঘাট থেকে গেরাম ছিল এক পা রাস্তার ওপর।

অহীন। তুমি দেখেছ ?

রঙলাল। এই ছাথেন দাদাবাবু কি বলেন ছাথেন। আমার যে তখন
পেরথম জোয়ান বয়েস দাদাবাবু! আপনকার শিতার বয়েস তখন আপনকার
মতন। কি চেহারা! কি সে চুলের বাহার! কি সে গান-বাজনা। আঃ
—আপনাদের বাড়ী সন্ধ্যা থেকে ইন্দ্রভূবন! বলমল করতো আলো। হা-হা
ক'রে হাসি। আঃ, সেই মানুষ কি হয়ে গেলেন—কি মাথা, কি বুদ্ধি—সেই
মানুষ পাগল হয়ে গেলেন, আঃ—!

অহীন। তুমি চরের কথা বল রঙলাল।

রঙলাল। (মুখের দিকে চাহিয়া) আচ্ছা হ্যাঁ। রায়হাটের
তখন বাড়বাড়ন্ত। আপনকাদের সঙ্গে ছোট রায় ছজুরের তখন কত
ভালবাসা, একসঙ্গে আদায়—একটা সন্ধ্যা হয়েছে ঝগড়া মিটেছে—

অহীন। সে জানি রঙলাল। আমার বড়মা ছিলেন ছোটরায়ের
সহোদরা। তিনি—(সে শুকু হইল)

রঙলাল। আহা, দাদাবাবু, মনের দুঃখে সোনার পি'তিমে কোথায় যে
চলে গেলেন। সন্তানের শোকে—আহা-হা। সদল বদল সন্তান দোলনার
ওপর মরে পড়ে রয়েছে দেখে—শোক আর সামলাতে পারলেন না, এই
চরের উপর দিয়েই কোথা চলে যেয়েছিলেন তিনি। সকালে এই চরের
বালিতে কুড়িয়ে পাওয়া যেয়েছিল তাঁর হাতের একগাছা কঁকনি।

অহীন। ওসব কথা যাক রঙলাল, এখন তোমাদের কথা বল। তোমরা
চরের জমি দাবী করছ। চর উঠেছে অনেকদিন। এতদিন দাবী করনি—
আজ দাবী করছ। বল কেন করছ ?

রঙলাল। আপনি রাগ করছেন দাদাবাবু ?

অহীন। না, রাগ করি নি। কথাটা জানতে চাচ্ছি। হঠাৎ এ দাবী
তুলছ কেন ? চর তো পড়েই ছিল—

রঙলাল। আমাদের চোখ ফোটে নাই দাদাবাবু। জ্বলে-ভরা সাপ খোপ আনোয়ারের আন্তানা চর দিয়ে কেউ আমরা এতদিন হাঁটিই নাই। সাঁওতালেরা এসে আমাদের চোখ ফুটিয়ে দিলে। এই ঋতুখেন না কেনে কেমন আলু ফলিয়েছে বেটারা। এক পো'র তো কম হবে না এক একটা। ছোলায় ঝাড় দেখুন—কি বাহারের ফল! আমরা চাষী মানুষ। এমন জমি! তা ছাড়া ওপারে আমাদের জমি খেয়েই তো এপারে চর উঠেছে দাদাবাবু!

অহীন। বুঝলাম যুক্তি তোমার সারবান। কিন্তু আইন কি তাই শুনবে?

রঙলাল। আইনের বিচার আর ধর্মবিচার তো এক লয় দাদাবাবু। তা হ'লে তো আমরা—(সে খামিয়া গেল)

অহীন। তা হ'লে তোমরা ছোট রায় মশায়ের কাছে যেতে কেমন?

রঙলাল। (একটু মাথা চুলকাইয়া) আজ্ঞে, তিনিও তো খামচ ভুলেছেন। ধর্মবিচারে এ চর আপনাকাদের। আর আপনাকাদের কাছেই ধর্মবিচার পাব—এ আমরা জানি!

অহীন। এ চর আমাদের ঠিক জান রঙলাল?

রঙলাল। আজ্ঞে ইয়া। ধর্মত আপনাকাদের, ঠিক জানিনা, আইনেও বোধ হয় আপনাকাদের। রায়হাটের যে কুল ভেঙেছে কালিন্দী, তার পেজা ছিলাম আমরা—সে ছিল চক্রবর্তীবাড়ীর নির্দিষ্ট চক রাঘবপুর। আবার এপারে চর উঠেছে—সেও উঠেছে আপনাদের নির্দিষ্ট চক আকজলপুরের সামিল হয়ে।

অহীন। ও পারেও ভেঙেছে কালিন্দী আমাদের জমি। এপারে গড়েছে তাও দিয়েছে আমাদের! কালিন্দীর খেলাটা তবে—(স্বস্ত হইল)

রঙলাল। এই ঠিক বলেছেন দাদাবাবু—ঠিক বলেছেন। খেলা—কালিন্দীর খেলা। ঠিক খেলা, ঠিক—ঠিক। আমাদের মেয়েগুলো যেমন নদীর ঘাটে এসে ভিজ়ে বালি নিয়ে খেল—ঘর গড়ে, দোর গড়ে, আবার হঠাৎ উঠে, কি মনে হয়, লাগি মেরে ভেঙে দেয়—বলে হাতের স্থখে গড়লাম, পায়ের স্থখে ভাঙলাম, তেমনি—ঠিক তেমনি। ওপার ভাঙল, এপারে এসে মাটি, বালি, খড় কুটো এসে জমা করত—শামুক-গুগলি—

অহীন। সরে এস রঙলাল—সরে এস।

[হাত ধরিয়া সে তাহাকে টানিল]

রঙলাল। কি দাদাবাবু?

অহীন। কাশবন ছলছে। কি খেন নড়ছে।

[ওদিকে গোলমাল উঠিল]

নেপথ্যে। কাঁড়! কাঁড়! শড়কী শড়কী!

২য় জন। হাঁকো পাকো! সাঁপ! সাঁপ!

মেয়ে। আর বাবা গো! অ—জো—গর! ইয়া চিতি!

অহীন। সাপ! সরে এস রঙলাল!

রঙলাল। পালিয়ে আসুন দাদাবাবু। পালিয়ে আসুন।

[অহীন বন্দুকটা তুলিয়া ধরিল]

ওরে বাপরে! এয়ে মন্ত পাহাড় চিতি! ওরে বাপরে! (পলায়ন)

[রক্তমণ্ডের মধ্য দিয়া কয়েকটা ভীত, দুইটা শড়কী চলিয়া গেল। অহীন বন্দুকের আগুয়াজ করিল। তারপর সে চলিয়া গেল রঙলালের পিছনে। ওদিকে কলরব বেশী উঠিল। ইতিমধ্যে প্রবেশ করিল সারী। সে গান গাহিতে গাহিতে আসিল]।

গান

অজোগরের মাথায় মাণিক কে দিবে এনে গো

কে দিবে এনে গো—কে দিবে এনে!

রাজার বেটা খেলুক বাণ নিয়ে এল বনে!

নিয়ে এলো বনে গো—নিয়ে এল বনে!

ধিতাং ধিতাং ধিতাং ধিতাং ধিতাং রে!

উরুর উরুর ধিতাং রে!

সাপের মাথায় মাণিক নিয়ে গাঁধি গলার হার গো

আবার কেনে শুধাও তুমি আমি বটি কার গো আমি বটি কার!

ধিতাং ধিতাং ধিতাং ধিতাং

উরুর উরুর ধিতাং রে।

রাজার ঘরের পথে নদী বান এল কেনে গো

বান এল কেনে গো বান এল কেনে!

তুকান জলে কখন খেয়ায় লা নিয়েছে টেনে গো

লা নিয়েছে টেনে।

[অহীন কিরিয়া আসিল। সে মুখ হইয়া দেখিল তাহার একক-নৃত্য এবং গান শুনিল; হঠাৎ সারী তাহাকে দেখিয়া স্তব্ধ হইল। তারপর ছুটিয়া পালাইয়া গেল। ক্ষুণ্ণপদে প্রবেশ করিল রঙলাল।]

রঙলাল। দাদাবাবু!

অহীন। তুমি তো খুব বীর রঙলাল, আমার ফেলে পালিয়ে গেলে!

রঙলাল। বাড়ী চলেন দাদাবাবু। বাড়ী চলেন শীগ্গির।

অহীন। কেন? শেয়াল বেরিয়েছে?

রঙলাল। আজ্ঞে না, বাঘ দাদাবাবু, বাঘ। রায় হুজুর! বরকন্দাজ নিয়ে বেরিয়েছেন। আসছেন ঐ দেখেন।

অহীন। তার জন্তে বাড়ী যাব কেন রঙলাল!

রঙলাল। আপনি বুঝছেন না দাদাবাবু—আপনি বুঝছেন না। আপনকানের ওপরে ওঁর পেচও রাগ। আপনি তো জানেন মামলার পর আমল। লেগেই আছে আপনাদের সঙ্গে।

অহীন। তাব জন্তে ভয়ে পালিয়ে যাব কেন?

রঙলাল। (কাতরভাবে) তবে আমি পালাই দাদাবাবু—আমি পালাই। আমাকে আপনার সঙ্গে দেখলে মাথা রাখবে না। (প্রস্থান)

অহীন। রঙলাল! রঙলাল! যেয়ো না। এত ভয় কেন ভোমাদের?
-রঙলাল!

[ইন্দ্র রায়, নায়েব ও বরকন্দাজের প্রবেশ]

নায়েব। ওই সামনে চক আফজলপুর।

ইন্দ্র। (উপরের দিকে চাহিয়া) আজ ঠাঠা চৈত্র। সূর্য একেবারে বিষুব রেখায়। ই্যা, এইটাই উত্তর।

নায়েব। আজ্ঞে ই্যা। মামলায় ওটা—(মাথা চুলকাইল)

ইন্দ্র। ই্যা। চক্রবর্তীদেরই হবে। বটেও চক্রবর্তীদের। তা হোক, হাইকোর্ট পর্যন্ত চলুক।

[কয়েক মুহূর্ত স্তব্ধ থাকিয়া]

চক্রবর্তীদের আমি চর ভোগ করতে দোষ না। কিছুতেই না। (আবার বিহ্বল হইয়া স্তব্ধ থাকিয়া) মনে আছে তোমার সরকার, রাধারানী রাজে নিরুদ্দেশ হয়ে গেল—চারিদিক খুঁজতে খুঁজতে, এইখানে তখন কালিন্দীর গর্ভ—এইখানে পাণ্ডা-গিয়েছিল তার হাতের একগাছি কঙ্কণ; মনে আছে?

নায়েব। মনে আছে বৈ কি ! (অভ্যস্ত ছুখের সঙ্গে মাথা নীচু করিয়া বলিল সে) ।

ইন্দ্র। মনে আছে, রামেশ্বর সেই খবর শুনে বলে পাঠিয়েছিল ওই নদীর গর্ভে কুল ত্যাগিনী ভগ্নীর একটা স্মৃতিমন্দির গড়াতে বলো। ইন্দ্র রায়কে। মনে আছে !

[নায়েব চুপ করিয়া রহিল]

ইন্দ্র। এইবার গড়াব, তৈরী করব আমি রাধারাণীর স্মৃতিমন্দির চক্রবর্তীবাড়ীর ইট খসিয়ে এনে। নদীর গর্ভে চর পড়েছে। কালিন্দী রাধারাণীর স্মৃতিসমাধি বুক চিরে বের করে দিয়েছে ; এইবার গড়াব মন্দির। কে ?—কে ?—ও কে—সরকার ? ও ছেলেটি ? (রায় পিছাইয়া গেলেন দুই পা)

[অহীনের প্রবেশ]

অহীন। আমি আপনার ওখানই যেতাম। এখানেই দেখা হয়ে গেল (প্রণাম করিল)

[ইন্দ্ররায় আশীর্বাদ করিতে হাত তুলিতে গেলেন, অধখানা তুলিলেন মাত্র]

ইন্দ্র। কে তুমি ? তুমি—? তুমি রামেশ্বরের ছেলে ?

অহীন। আজ্ঞে ইয়া।

ইন্দ্র। ও ! তুমিই বিষয় সম্পত্তি দেখছ ? তুমিই আমার সঙ্গে মামলা মকদ্দমা করছ ?

অহীন। আমি পড়ি। বিষয়-সম্পত্তি দেখেন আমার দাদা। তিনি নায়েবকাকাকে নিয়ে মহলে গিয়েছেন তাই মা আমাকেই আপনার কাছে পাঠালেন।

ইন্দ্র। তোমার মা ? কে ? রাধা—। আঃ ছিছি। কি বলছি আমি ? (চঞ্চল হইলেন) তারা—তারা—তারা ! তোমার মা রামেশ্বরের দ্বিতীয় পক্ষের স্ত্রী তোমাকে আমার কাছে পাঠিয়েছেন ?

অহীন। আজ্ঞে ইয়া।

ইন্দ্র। তোমার মামার বাড়ী তো কাশী ?

অহীন। আজ্ঞে ইয়া।

ইন্দ্র। তারা—তারা—তারা !

অহীন। মা আপনার কাছে পাঠালেন এই চবুটা সম্পর্কে—

ইন্দ্র। (অসহিষ্ণুভাবে) এ চর আমার। বুঝেছ। বলো তোমার

মাকে,—এ চর আমার। অবশ্য আমার জ্ঞানবুদ্ধি মত। ইয়া—আমার জ্ঞানবুদ্ধি মত।

অহীন। বেশ তাই বল। তবে চাষী প্রজাতি মায়ের কাছে গিয়ে পড়েছিল। তাদের ওপারের কূলে জমি ছিল, ওপারের জমিকূলে তাদের গিয়ে এ পারে চর উঠেছে। তাদের উপর যাতে অবিচার না হয়, সেইটেই তিনি অগ্ররোধ জানিয়েছেন। আচ্ছা, তা হ'লে আমি আসি। (প্রস্থানোত্তত)

ইন্দ্র। দাঁড়াও। দেখ চরের জঙ্গলে বড় সাপের উপদ্রব।

অহীন। এখনি একটা পাহাড়ে চিতি মেরেছে সাঁওতালরা আমিও গুলি মেরেছি একটা।

ইন্দ্র। যেও না। যেও না। বাড়ী ফিরে যাও তুমি।

[হঠাৎ অচিন্ত্যাবাবুর প্রবেশ]

অচিন্ত্য। বাপরে—বাপরে। আস্তিকশ মুনোঁতা—বাপরে বাপরে বাপরে অজগর সর্প ভীষণকায়, পাহাড়িয়া চিতি—বাপরে—বাপরে—বাপরে।

সরকার। কে? অচিন্ত্যাবাবু!

অচিন্ত্য। কে? আরে রায়হজুর। এটা কে? অহীন্দ্র। The best boy in the village—I. A. তে তুমি স্বলারশিপ পেয়েছ। Congratulation. কিন্তু আপনা! এখানে কি কবছেন? পালান। ইয়া পাহাড়িয়া চিতি মেরেছে মশায়।

ইন্দ্র। সেটা তো মরে গেছে। এত ভয় পাচ্ছেন কেন?

অচিন্ত্য। ওরে বাপরে, আর একটা নেই কে বললে? পালিয়ে আসুন।

ইন্দ্র। চলুন আপনি, আমরা যাচ্ছি।

অচিন্ত্য। ওরে মশায়, যেতে পারলে আমি যেতাম, সঙ্কে হয়ে এসেছে, একা যাব কি করে?

ইন্দ্র। ইয়া, চলুন। (অহীন্দ্রকে) তুমি? তুমি এস।

অহীন্দ্র। (সবিনয়ে বলিল) একটু শয়ে যাচ্ছি আমি। আমার সঙ্কে লোক আছে। (প্রস্থানোত্তত)

ইন্দ্র। ও, আচ্ছা। ইয়া। তোমার মাকে বলা—চরটা আমার।

তোমার দাদা অত্যন্ত কলহপ্রিয়। কিন্তু মামলা করে বিশেষ ফল হবে না।
বুঝলে। চরটা আমার। লকলি তোমার ইচ্ছা—ইচ্ছাময়ী তারা তুমি।

[অহীন প্রস্থান করিল]

অচিন্ত্য। ইয়া, সাক্ষ্যকৃত্যের সময় হয়ে গেল। বাড়ী চলুন।

ইন্দ্র। তারা মা গো!

অচিন্ত্য। আজ্ঞে ইয়া। বাড়ী চলুন, সঙ্গে হয়ে এল। বাড়ী গিয়ে
মাকে ডাকবেন। এখন মায়ের ইচ্ছার সাপে ছুঁলে আর মা বলে ডাকবার
সময় পাওয়া যাবে না।

ইন্দ্র। চলুন—চলুন।

[সকলের প্রস্থান। ধীরে ধীরে আলো মুছ হইয়া আসিল]

[চরের ঘাসের মধ্য হইতে সারী এবং আরও কয়েকজন মেয়ে। তাহাদের
পিছন হইতে বাহির হইয়া আসিল কমল।

তাহার সঙ্গে অহীন]

কমল। তুমি কে গো বাবু? আপুনি—আপুনি মশয় কে বট গো?

সারী। আয় বাবাগো—আঙনের পারা বড়—আয় বাবাগো!

অহীন। আমি নাম বললে কি আমাকে চিনতে পারবে তুমি?

কমল। তুমাকে যেন চিনছি বাবু—তুমাকে যেন চিনছি! ওরে বাবারে!
ঠিক তেমুনি—ঠিক সেই পারা—আঙনের মত বরণ—তেমুনি মুখ—তেমনি
চোখ—ওরে বাবারে—

[রঙলালের প্রবেশ]

রঙলাল। চিনতে পারিস মাঝি? চিনতে পারিস? তোদের রাঙাঠাকুর,
সাঁওতাল হাজামার সমস্ত—! তারই নাতি। ছেলের ছেলে।

কমল। (চিংকার করে উঠল) চৌপায়া—চৌপায়া—চৌপায়া। হাঁকো
পাঁকো—হাঁকো পাঁকো! (বলিয়া সে গড় হইয়া প্রণাম করিল) ঠিক চিনলম
আমি, ঠিক চিনলম। তেমনি মুখ, তেমনি আঙনের পারা বরণ!

অহীন। কি বলছ মাঝি? রাঙাঠাকুর-আমার ঠাকুরদাদাকে তুমি
দেখেছ?

কমল। দেখলম। দেখলম। তখন আমরা ছোটো বটে। শুবু মনে
জুগ-জুগ করছে! শাল জ্বালালে মাঠল বাজছিল, লড়কি, কাঁড়, খল্লক নিয়ে

বড় বড় মাঝিরা নাচছিল—হাঁড়িরা খাইছিলো ঢকাঢ় মশালের আলোকে
সব রাঙা হয়ে গেইছিলো, তখুনি—ঠিক তখুনি এলো রাঙাঠাকুর। আগুনের
পারা বরোণ—হাতে এই রক্তমাখা টাঙি আয় বাবারে—উরে—বাধা—
সারী। আয় বাবাগো!—

কমল। (হাত জোড় করে) তুমি আমাদের রাঙাঠাকুরের লাতি। তুমি
আমাদের রাজা—বস, বাবুমশয়—বস আপুনি।

রঙলাল। উনিই তোদের জমিদার। চরের মালিক, বুঝলি।

কমল। হাঁ—হাঁ—জমিদার মশায়—

সারী। না—না। উ বুলিস না বুড়া। জমিদার বুলিস না।

[কমল তার দিকে তাকাইল]

বাবু বুলিস না, জমিদার বুলিস না। বুল—রাঙাবাবু! রাঙাঠাকুরের
লাতি, বুল—রাঙাবাবু। আমার মনে ঠিক লাগল কিনা—দেখলাম আগুনের
পারা বরণ বন্ধুক দিয়ে মারলে—সাপটাকে মাবলে। আয় বাবাগো, আগুনের
পারা বরণ দেখে ভয় লাগল। ছুটে গেলম তুর কাছে। বুঝলাম, কে এসেছে
দেখ!

কমল। এই টো আমার লাতিন বটে রাঙাবাবু। লে—গড় কর
গো! জানিস বাবু, ভারী ভাল বেটে। নাম বটে সারী। মানে কি হোছে
—না—খুব সত্যি—মানে—মানে—ঠিক, মিছে নয়।

[সারী প্রশ্নাম করিল]

অহীন। বাঃ, তোমার খোঁপায় এ কি ফুল? চমৎকার ফুল তো?

সারী। লিবিন? আপুনি লিবিন বাবু?

অহীন। তুমি খোঁপায় পরেছ, তোমার দুঃখ হবে না?

সারী। না। ভাল লাগবে। তুমাকে আরও ফুল এনে দিব আঁচল ভরে
এনে দিব।

[ফুলটা খুলিয়া তাহার হাতে দিয়া সজিনীদের বলিল,

দেলা—বোঁ দেলা]

[সকলে ছুটিয়া প্রশ্নান]

অহীন। তোমার এখানে ভাল লাগছে মাঝি?

কমল। হাঁ। লড়ুন মাটি। ভারী ভাল মাটি। লড়ুন মাটি আমরা
ভালবাসি গো! জল কাটি, চাব করি। ভারী ভাল লাগে!

রঙলাল। একেই বলে ইন্দুরে গর্ভ করে লাগে ভোগ করে।

অহীন। মানে ?

রঙলাল। আর কেন দাণবাবু! চর উঠল নদীতে। সাপখোপ জন্তু
জানোয়ারে ভরা জললে ছেয়ে গেল চর। কেউ আসত না! সাঁওতালরা এল,
সাক করতে জল, চাষ করলে আজ ফসল দেখে চাষী ক্ষেপেছে কোদাল নিয়ে,
লাঙ্গল নিয়ে, জমিদার ক্ষেপেছে শড়কী নিয়ে—সবাই বলছে—চর আমাদের।
সাঁওতালদের তাড়িয়ে—শেষ—

কমল। কেনে তাড়াবে কেনে ? আমরা খাজনা দিব।

রঙলাল। আরে খাজনা দিবি কাকে ? রায়হাটের ছত্রিশ গুণা জমিদার,
রায়বংশ, তারা বলছে আমরা পাব। ছোট রায় বলছে, খাজনা যোল আনাই
আমি পাব।

কমল। আমি খাজনা দিব রাঙাঠাকুরের লাতিকে। রাঙাবাবুকে।
আমাদের রাজা বটে, ঠাকুর বটে !

[সারীরা আবার আসিল ফুল লইয়া]

সারী। আমরা ফুল দিব রাঙাবাবুকে। সর গো বুড়া, সর।

কমল। দে কেনে ?

[সারীরা ফুল ঢালিয়া দিল। তাহার সঙ্গে মরা চিতি সাপটা গলায়
জড়াইয়া প্রবেশ করিল সাঁওতাল যুবক]

যুবক। এই দেখ বাবু সেই সাপটো! আপুনি গুলি মেলি মাথায়, আমি
মাড়ল তিন কাঁড়, এই দেখ, এই দেখ।

কমল। এই ছেলেটার সাথে বিয়া দিব গো বাবু সারীর। বীর বটে!

অহীন। বাঃ! চমৎকার স্বাস্থ্য—চমৎকার।

সারী। আমার লাজ লাগছে বাবু। বুলিস না!

কমল। লাজ কিসের ? উ বাঁশী বাজাক, আমি বাজাই মাদল। তু নাচ।
বাবুকে নাচ দেখা।

অহীন। আজ নয় মাঝি অল্প দিন।

সারী। না বাবু আমাদের দুখ হবে।

অহীন। তোমার নাচ তো আমি দেখেছি। চমৎকার নাচ তোমার।
গানটি কি ?

সারী। (হুরে দুই কলি গাহিয়া দিল)

অজোগরের মাথার মাণিক কে দিবে এনে গো

রাজার বেটা ধুক বাণ নিয়ে এল বনে গো।

[এমন সময় শূলপাণি রজমঞ্চের এক প্রান্তে প্রবেশ করিয়া আশ্ফালন
করিতে করিতে চলিয়া গেল]

শূলপাণি । এ চরে আমারও ভাগ আছে । শির লেজে । মাথা ফাটিয়ে
দোব । (প্রস্থান)

রঙলাল । শূলপাণিবাবু কেপেছে দাদাবাবু । তরফ বড় পাঁচ আনির—
সারে তিন গুণা জমিদারী অংশ ।

অহীন । ছিঃ রঙলাল । তাহ'লে আজ উঠি মাঝি !

কমল । মশাল ! মশাল ! মশাল আন গো ! মশাল !

[দুইটা মশাল ধরাইয়া আনিল দুইজন]

দ্বিতীয় দৃশ্য

[খোলা বারান্দা ; কোন আসবাব নাই ।

প্রবেশ করিলেন সুনীতি]

সুনীতি । (চারিদিকে চাহিয়া দেখিলেন । মাথার কাপড় নামাইয়া
দিলেন । চুল তাঁর খোলা । ডাকিলেন) মানদা ! মানদা !

মানদা । (নীচে হইতে সাড়া দিল)—বাই মা !

সুনীতি । একখানা মাহুর আনিস তো মা !

[দূরে বাঁশী বাজিল চরে । সুনীতি চকিত হইলেন । উদ্গ্রীব হইয়া দূরে
দৃষ্টি নিবদ্ধ করিলেন । মানদা প্রবেশ করিল, মাহুর বিছাইল ।

সুনীতি সেদিকে তাকাইলেন না]

মানদা । মা ! মাহুর বিছিয়ে দিয়েছি মা ! মা !

সুনীতি । বাঁশী বাজছে কালিন্দীর চরে, না !

মানদা । হাঁ মা । ওদের তো বাঁশী আর মাদল—মাদল আর বাঁশী
বেশ জাত !

সুনীতি । রাজে বাঁশী বাজাতে নেই রে । ওরা তো তা জানে না ।

মানদা । কেন মা ?

সুনীতি । বাঁশের বাঁশী রাজে শুনলে এক সন্তানের মারেরের আর খেতে
নেই রাজে । উপোস থাকতে হয় ।

মানদা। কিন্তু বাঁশের বাঁশী রাতে শুনে ভাবী ভাল লাগে। কে—মন হয়ে যায় মন!

স্বনীতি। সেই তো, মনে পড়ে যায় মা যশোদার চুংখ, কুক গেলেন মথুরা, রেখে গেলেন বাঁশী—সে বাঁশী আপনি বাজত; যখনই যশোদার চোখে ঘুম আসত তখনই বেজে উঠত। ঘুম পালিয়ে যেত, চোখে ডেঙে আসত কালিন্দীর বস্ত্র!

মানদা। ওমা! আমাদের কালিন্দী তো সামান্য নয়!

স্বনীতি। এ কালিন্দী নয় রে, সে হ'ল বৃন্দাবনের কালিন্দী, যমুনার নামও কালিন্দী!

মানদা। অ। তিনি হলেন বড় বুন, ইনি হলেন ছোট বুন। না মা?

স্বনীতি। (হাসিলেন) ই্যা। তিনি ভেঙেছিলেন যশোদার কপাল আর ইনি ভাঙছেন রায়হাটের কপাল। চর তো তোলেনি কালিন্দী, তুলেছে সর্কনাশা পুরী। গোটা গ্রাম আল ক্ষেপে উঠেছে। (দীর্ঘনিঃশ্বাস ফেলিয়া) সবচেয়ে ভয় আমার মানদা।

মানদা। তোমার ভয় কি মা? তুমি তো ঝগড়া বিবাদ করতে চাও না।

স্বনীতি। আমি চাই না। কিন্তু তবু অদৃষ্টকে ঘেন টানছে। স্পষ্ট বুঝতে পারছি রে আমার সংসারকে অদৃষ্টকে ও টানছে। চাষীরা এসে বলে গেল, চর আমাদের। বললাম—চর চাই না, ওরা বললে—তা বললে কি হয় মা! (শিহরিয়া উঠিয়া) মহীন বাড়ী নেই, মজুমদার ঠাকুরপো বাড়ী নেই। তারা এসে তো ছাড়বে না!

মানদা। ভগবান তোমার সহায় মা। ধর্ম তোমার লহায়! আর দাঁড়িয়ে থাকবেন না। শুয়ে পড়ুন খানিক।

স্বনীতি। ই্যা। (সুইতে মাতুরের উপর আসিয়া দাঁড়াইয়া বলিলেন) মানদা, মানদা? চরটা ঘুরছে পাক দিয়ে দেখতে পাচ্ছিস? মানদা? মানদা! কই না তো!

স্বনীতি। তবে বোধ হয় আমারই মাথাটা ঘুরছে।

মানদা। (শঙ্কিতভাবে) মাথা ঘুরছে।

স্বনীতি। ঠিক মনে হচ্ছে—চরটা ঘুরছে, পাক দিয়ে ঘুরছে! তুই দেখতে পাচ্ছিস না।

মানদা। বসুন মা, বসুন!

স্বনীতি । (বসিলেন) আঃ বাতাসে শরীরটা জুড়লো ।

মানদা । (তাঁহার চুল লইয়া আঙুল চালাইয়া) এমন চুল, এই চুল অযত্ন করে জট পাকিয়ে ফেললেন ।

স্বনীতি । —ছাড়—ছাড় ।

মানদা । —আহা—হা কি নরম ! ছোট দাদাবাবু তোমার খুব স্বন্দর বটে, কিন্তু এমন চুল পায়নি !

স্বনীতি । (চুল টানিয়া লইয়া) কইরে এখনও তো অহী ফিরল না ! প্রজাদের কথায় তাকে পাঠলাম ও বাড়ীব দাদার কাছে, এত দেরী হচ্ছে কেন ?

মানদা । তিনি ওপারের চবে গিয়েছেন মা আমি দেখেছি—

স্বনীতি । (চকিতভাবে) ওপারের চরে ? ওই—

[আঙুল দেখাইয়া ভীতভাবে শুরু হইলেন]

মানদা । হ্যাঁ । নদীর ঘাটে জল আনতে গিয়েছিলাম, দেখলাম রঙলাল মোড়লকে নিয়ে দাদাবাবু নদী পার হয়ে চরে উঠেছেন । পিঠে বন্দুক—

স্বনীতি । (চকিতভাবে) পিঠে বন্দুক ? আঃ ছি—ছি—ছি !

মানদা । তোমার মা সবই যেন কেমন । বলিদান দেখে কেঁদে সারা ।

স্বনীতি । আহা মানদা, আমাদেরও প্রাণ যেমন, জীবজন্তুরও তো তেমনি বে ! এত যন্ত্রণা হয় বল তো ? এ কি এত আলো কিসের ?

[বাহিরে আলোর ছটা বাজিয়া উঠিল]

দেখতো মানদা ?

[মানদা বাহিরে বাইতে উঠিল এমন সময় অহীনের প্রবেশ]

মানদা । ছোটবাবু ? এত আলো কিসের ছোটদাদাবাবু ?

অহীন । ভয় পেয়েছ তো ? (হাসিল)

স্বনীতি । কিসেব এত আলো রে ?

অহীন । রাঙাঠাকুরের নাতি রাঙাবাবুকে চরের সাঁওতালেরা পৌছে দিতে এসেছে মা !

স্বনীতি । রাঙাঠাকুরের নাতি রাঙাবাবু ?

অহীন । হ্যাঁ—গো । ওরা আমাকে চিনেছে ! আমার নাম দিয়েছে রাঙাবাবু !

[নেপথ্যে রামেশ্বর । (চাপা গলায়) স্বনীতি—স্বনীতি—]

মানদা । বাবা আসছেন মা (দ্রুত চলিয়া গেল)

স্বনীতি। ভুইও বাইরে যা বাবা। মনে হচ্ছে, উনি খুব উত্তেজিত হয়েছেন। কি বলবেন, কে জানে? সাঁওতালদের দাঁড়িয়ে থেকে মুড়ি মুড়কী দেওয়া। মানদাকে বল।

নেপথ্যে রামেশ্বর। স্বনীতি (কথার মধ্যস্থলে অহীনের প্রস্থান)

[ভয়বিহ্বল রামেশ্বরের প্রবেশ]

রামেশ্বর। স্বনীতি!

স্বনীতি। এই যে আমি! ভয় কি? কি হ'ল?

রামেশ্বর। এত আলো? এত লোক! ওরা কি আমাকে ধরে নিয়ে যেতে এসেছে?

স্বনীতি। না—না। ওরা কালিন্দীর চরের সাঁওতাল প্রজা! জান, ওরা অহীনকে ঠিক চিনেছে, রাঙাঠাকুরের নাতি ব'লে। নাম দিয়েছে রাঙাবাবু।

রামেশ্বর। কালিন্দীর চর? সাঁওতাল? রাঙাবাবু? এতগুলো একসঙ্গে মিলে গেল?

[গভীর চিন্তান্বিত হইয়া মাটির মূর্তির মত দাঁড়াইয়া রহিলেন]

স্বনীতি। কি বলছ তুমি?

[রামেশ্বর তেমনিভাবে দাঁড়াইয়া রহিলেন]

স্বনীতি। ওগো! ওগো! ওগো—কথা বল! কি ভাবছ? ওগো!

রামেশ্বর। সোনার কঁকনগাছটা—

স্বনীতি। (ঝাঁকি দিয়া) কি বলছ তুমি?

রামেশ্বর। চরটা আকারে গোল;—না? কঁকনের মত;—না? কালিন্দীর চরটা?

স্বনীতি। না। যত সব উদ্ভট কল্পনা তোমার! চরটা লম্বা—ওই তো পূর্ব পশ্চিমে লম্বা চর। চল ঘরের ভিতর চল।

রামেশ্বর। চক্রান্ত! এ-সব সেই সর্বনাশীর চক্রান্ত! সেই সর্বনাশী—

স্বনীতি। কি বলছ? কে সর্বনাশী?

রামেশ্বর। (চুপি চুপি) এলোকেশী! সর্বনাশী এলোকেশী সে যে সঙ্গে সঙ্গে ফেরে।

তৃতীয় দৃশ্য

ইন্দ্র রায়ের বহির্বাটী

[কেহ কোথাও ছিল না । ভিতর হইতে গুন, গুন, করিয়া গান গাহিতে
গাহিতে উমা প্রবেশ করিল, ঘর শুছাইল, এটা ওটা নাড়িল ।
সাধারণ গ্রাম্য সন্ন্যাস্ত ঘরের মেয়ের পোশাক ।]

উমার গান

ফাস্তনের হাওয়ায় হাওয়ায়

মন ভেসে যায়,

কোন স্বপ্ন ধীপাস্তরে

কি রত্ন খুঁজে মরে

তাই দোলন লেগেছে ময়ূরপঙ্খি নায় ।

সপ্ত ডিঙ্গা ও তার কি ধন লয়ে

কোন ধীপাস্তর হতে আসবে বয়ে

আনবে সে কি বনের গন্ধ

পাখীর গানের পুলক-ছন্দ

আনবে সে কি আরো অনেক দখিনা বায় ।

[গানের পরে প্রবেশ করিল অহীন]

উমা । অহীন দা !

অহীন । (সবিস্ময়ে তার দিকে তাকাইয়া) তুমি—ও । —তুমি উমা !

উমা । হ্যা, চিনতে পারছেন না ?

অহীন । অনেক বড় হয়ে গেছ তুমি ? অনেক বড় হয়েছে । বেশ ভূষাতেও
অনেক তফাত । সে ছিলে—কলকাতার ক্লাস সেভেনের ডবল বেগী ছলানো
মডার্ন মেয়েটি । আর—

উমা । (হাসিয়া) আর ?

অহীন । রাগ করবে না তো ? তখন বড় মুখরা ছিলে ?

উমা । আপনাকে বলেছিলাম, সায়েব—না ? দাদা বললে, চিনিস ?
বললাম, চিনি, সাহেব ! চিনতে পারিনি । কিন্তু ঠকব কেন ? বলে দিলাম
সাহেব (হাসিয়া উঠিল) ।

অহীন। আমি তোমাকে বলেছিলাম, তোমাকে কিন্তু আমি বাঙালিনীই দেখতে চাই। তা তুমি সত্যিই বাঙালী ঘরের লক্ষ্মী মেয়ে হয়েছে! শান্ত মেয়েটি—

উমা। সে এখানে। কলকাতায় গেলে ঠিক মুখরাই দেখতে পাবেন।

অহীন। তা হলে তুমি তৈল! যখন যে আকারে থাক সেই আকার ধারণ কর।

উমা। ওরে বাপবে না ক'রে উপায় কি? এখানে বাবার হুকুম—বাইরে বেরুবে না। গান টান চলবে না! ইচ্ছে হলে গুন গুন করে বড় জোর। চণ্ডীমণ্ডপে সন্ধ্যাবেলা একবার যাবাব হুকুম আছে। তাও সঙ্গে মা যাবেন। কি জানি কখন কার সঙ্গে কি উত্তর করি। ছোট রায় বাড়ীর মেয়েদের নাকি বড় অদৃষ্ট খারাপ! কে কোথায় কি নিশ্চয় করবে, অভিসম্পাত দেবে—খারাপ কপাল আরও খারাপ হয়ে যাবে।

অহীন। তারপর তোমাব ম্যাটিক পরীক্ষা কেমন হল বল।

উমা। দাদা আপনাকে পড়াতে বলেছিল, আপনি তো পড়ালেন না। ফেল হ'লে আর আপনার কি?

অহীন। তোমাব বাবা শুনলে রাগ করতেন, আমার দাদা হয় তো—
(হাসিল)

উমা। জানি, জানি। বাপরে—বাপরে—এ যেন কুরু-পাণ্ডব—মোগল—পাঠান—চক্রবর্তীবাড়ী আর রায়বাড়ীতে যে কি ঝগড়া। উঃ ভাবতে গেলে এক এক সময় দম আটকে যায় আমার।

অহীন। সেক্সপীয়ারের বোমিও জুলিয়েটের গল্প পড়েছ উমা? ক্যাপিউলেট আর মন্টেগু বংশের এমনি ঝগড়া ছিল। আমাদের দেশেও অনেক আছে। জমিদারের এ একটা বিলাস! (হাসিল)।

উমা। আপনিও বড় হয়ে এমনি ঝগড়া করবেন তো?

অহীন। আমি মিটমাটের কথা নিয়েই এসেছি। ভেঁমার বাবা কোথায়?

উমা। পূজো করছেন।

অহীন। তা হ'লে আমি একটু পরে আসব কি বল?

[ইন্দ্র রায়। (নেপথ্যে) তারা—তারা—তারা।]

উমা। ওই বাবা আসছেন। আমি পালাই। (প্রস্থান)

[ইন্দ্র রায় প্রবেশ করিলেন। রায় অহীনকে দেখিয়া থমকিয়া দাঁড়াইলেন,
অহীন গিয়া প্রণাম করিল।]

ইন্দ্র। কে ? ও—তুমি। সাঁওতালদের রাঙাঠাকুরের নাতি তুমি রাঙাবাবু !
অহীন। (হাসিয়া) হ্যা, ওরা আমাকে রাঙাবাবু বলেই ডাকে।

ইন্দ্র। শুধু তাই নয়, সমারোহ ক'রে মশাল জালিয়ে গ্রাম আলো ক'রে
বাড়ী পৌঁছে দিয়ে যায়।

অহীন। (এবর চকিতভাবে তাঁহার দিকে চাহিল) আপনি কি রাগ
করছেন এর জন্তে ?

ইন্দ্র। রাগ ? (হাসিলেন)

অহীন। ম আমাকে সেই জন্তেই আপনার কাছে পাঠালেন।

ইন্দ্র। তোমার মা ? তোমার মা আমায় কেন এমনভাবে উত্তাক্ত
করছেন জানি না। আমার সঙ্গে তোমাদের সম্বন্ধ—(তিনি স্তব্ধ হইয়া
গেলেন)

অহীন। বিনি বড়, যিনি মহৎ—তাঁর ভরসা সবলেই করে।

ইন্দ্র। তারা—তারা—তারা ! থাক ওসব কথা। কি বলেছেন তোমার
মা বল শুনি।

অহীন। তিনি অশ্রুপূর্ণ করেছেন,—এ সর্বনাশা বিবাদ থেকে আপনি
কান্ড হোন।

ইন্দ্র। কান্ড হব ? (কঠিন হাস্তে মুখ ভরিয়া উঠিল তাঁর)

অহীন। হ্যা। আর—

ইন্দ্র। আর ?

অহীন। তিনি জিজ্ঞাসা করেছেন—আপনার কাছে আমাদের অপরাধটা
কি ? কি করেছি আমরা ?

ইন্দ্র। (চঞ্চলভাবে উঠিয়া পড়িলেন) তারা—তারা—তারা।

[জানালার কাছে গিয়া দাঁড়াইলেন, দেওয়ালের গায়ে ঝুলানো

তারামূর্তির সম্মুখে দাঁড়াইলেন। তারপর

ঘুরিয়া আদিয়া বলিলেন]

তুমি যাও, বাড়ী যাও, তোমার মায়ের কথা আমি ভেবে দেখব।
বুকেছ ! যাও তুমি এখন যাও।

[অহীন প্রস্থান করিল—ইন্দ্র রায় হঠাৎ হাত তুলিয়া তাহাকে
ডাকিতে গেলেন, এমন সময় পিছন দিক হইতে প্রবেশ
করিল তাঁহার স্ত্রী হেমাজিনী]

হেমাজিনী। ছেলেটিকে তুমি তাড়িয়ে দিলে ?

ইন্দ্র। (চমকিয়া উঠিলেন) কে ? হেমাজিনী ?

হেমাজিনী। ও তোমার বাড়ীতে এল, তুমি ওকে তাড়িয়ে দিলে ?

ইন্দ্র। তাড়িয়ে দিলাম ? নয় ? (ব্যাপারটা এতক্ষণে তাঁহার হৃদয়ঙ্গম
হইল) অত্যাচার হ'ল। সংসার-ধর্মকে আমি লঙ্ঘন করলাম ! (তিনি মাথা হেঁট
করিলেন)

হেমাজিনী। জ্ঞান তুমি, ও অমলের বন্ধু।

ইন্দ্র। রামেশ্বরের ছেলে—ইন্দ্র রাঘবের ছেলের বন্ধু ?

হেমাজিনী। কলকাতায় তোমাদের এলাকার বাইরে ওরা পরস্পরকে
ভাইয়ের মত ভালবাসে !

ইন্দ্র। (বোমার মত ফাটিয়া পড়িলেন) কুলদ্বন্দ্ব, অমল তা'হলে—
কুলদ্বন্দ্ব !

হেমাজিনী। কি বলছ তুমি ?

ইন্দ্র। ঠিক বলছি ! (হঠাৎ ঘুরিয়া কাছে আসিয়া বলিলেন) অমলেবই
বা দোষ কি ! তোমার শিক্ষায় তার এমনি মতিগতি হয়েছে। তুমি
আমাকে অহুরোধ কর—ধর্মের নজীর দেখিয়ে চক্রবর্তীদের কমা করতে বল !

হেমাজিনী। সে কি অত্যাচার অহুরোধ ?

ইন্দ্র। না। ও অহুরোধ তুমি আমায় ক'রো না হেমাজিনী, রাখতে
আমি পারব না। আজ পঁচিশ বৎসর রাধারাণী নিরুদ্দেশ। সে নেই, আমি
জানি। এই পঁচিশ বৎসর তার আত্মা নিরুদ্দেশের কলঙ্ক ব'য়ে বেড়াচ্ছে।
আজ পঁচিশ বৎসর ছোট রায়বাড়ীর মাথা হেঁট হয়ে আছে। রামেশ্বরের
জন্মে কোনও অহুরোধ তুমি ক'রো না। চক্রবর্তীবাড়ীকে আমি মাটির
সঙ্গে মিশিয়ে দেব।

হেমাজিনী। কিন্তু কার ওপর প্রতিশোধ নেবে ? ঠাকুর-জামাই—

ইন্দ্র। না ! ও লব্ধ ধ'রে কথা তুমি বলো না। বল, রামেশ্বরের
চক্রবর্তী।

হেমাজিনী। (স্নান হাসিয়া) বেশ ! তাই বলছি। চক্রবর্তী মশাই
কি আর মানুষ আছেন ? ওনেছি চোখের দৃষ্টি গিয়েছে,—দিন রাত্রি অন্ধকার

ঘরে ব'লে থাকেন। মাথা খারাপ হয়েছে—বিড় বিড় ক'রে বকেন—ছুই হাত ঘুরিয়ে ঘুরিয়ে দেখেন, বলেন—আমার মহাব্যাধি হয়েছে !

ইন্দ্র। জান হেমাজিনী, নাগবংশের একজনের অপরাধে রাজ্য জয়েজয় সমস্ত নাগবংশ ধ্বংস করতে নাগমেধ যজ্ঞ করেছিলেন। রামেশ্বর অকস্মাৎ—কিন্তু রামেশ্বরের বংশ আছে। তার দ্বিতীয় পক্ষের ছেলেরা উপযুক্ত হ'য়েছে। রামেশ্বরের বড় ছেলে বাপের মত জেদী দুর্দান্ত ! আমি ভুলতে পারি না হেমাজিনী যে, তারা রাধারাণীর সন্তানের অধিকাংশে অনধিকার প্রবেশ ক'বেছে !—কালিন্দীর ওপারের চরটা চক্রবর্তীদের সীমানাতেই বটে,—কিন্তু, আমি তা চক্রবর্তীদের ভোগ করতে দোব না। ওই চরে আমি ওদের শেষ করব। ওই চর হবে চক্রবর্তীদের গাশান।

হেমাজিনী। (শিহরিয়া উঠিলেন) উঃ মা গো ? ওগো কি বলছ ? তুমি কি এত নিষ্ঠুর হতে পার ?

ইন্দ্র। নিষ্ঠুর ! রাধারাণীর মুখ মনে পড়ে না তোমার ? রাধারাণীর প্রসঙ্গে মাথা হেঁট করতে হয় না তোমাকে ?—উমার মুখের দিকে চাও না তুমি ?

হেমাজিনী। উমা ? উমার কথা কেন তুলছ তুমি ?

ইন্দ্র। (গাঢ়স্বরে) আমার সোনার প্রতিমা উমা। আমার বংশে মিথ্যা কলঙ্কের জন্তু তার বিবাহের কথা ভাবতে গিয়ে কুল কিনারা পাই না আমি।

[বাহির হইতে নায়েব সাড়া দিল]

নেপথ্যে নায়েব। (গলা পরিকার করিয়া) বাবু !

ইন্দ্র। কে, মিস্ত্রি ?

নেপথ্যে নায়েব। আজ্ঞে ই্যা, আমি।

ইন্দ্র। (হেমাজিনীকে) যাও, বাড়ীর ভিতরে যাও। চোখের জল ফেলো না, ওতে আমি গলব না। পাথর ফাটে আঙনে, ভলে গলে না। তা ছাড়া হেমাজিনী—কলুর চোখ ঢাকা বলদের মত ঘুরছি, যে ঘোরাচ্ছে তার হুকুমে চলতেই হবে, চোখ ঢাকা অবোধ জীবের পথের বিচার ক'রে লাভ কি ? তারা—তারা—তারা !

[হেমাজিনী ভিতরে চলিয়া গেলেন। নায়েব প্রবেশ করিল]

নায়েব। পাইকেরা সাঁওতালদের নিয়ে আসছে। হরিশ একজনকে আগে পাঠিয়ে খবর দিয়েছে !

ইন্দ্র। আসছে ? চক্রবর্তীরা কোন বাখাটাখা দেয় নি !

নায়েব। না।

ইন্দ্র। (তাহার মুখের দিকে চাহিলেন) হঁ। (ঘাড় নাড়িলেন চিন্তিতভাবে)

নায়েব। বরং ও বাড়ীর গিন্নী নাকি ব'লে পাঠিয়েছেন সাঁওতালদের যে ব্রায়হজুর ডাকবামাত্র তোমরা দেখ'নে যাবে। কদাচ তাঁর হুকুম অমান্য করবে না।

ইন্দ্র। আঃ ছি। ছি! ছি!

নায়েব। আজ্ঞে?

ইন্দ্র। কিছু না কিছু না। তুমি একবার অচিন্ত্যাবাবুকে ডাকতে পাব? মনটা বড় ইপিয়ে উঠেছে।

নায়েব। আজ্ঞে তিনি তো বাইরে বসে তামাক খাচ্ছেন।

ইন্দ্র। অচিন্ত্যাবাবু। অচিন্ত্যাবাবু। যাও তুমি। অচিন্ত্যাবাবুকে পাঠিয়ে দাও।

[নায়েবের প্রস্থান]

অচিন্ত্য। (নেপথ্য) Yes my lord!

ইন্দ্র। আস্থন আস্থন, ভেতরে আস্থন! কতদিন পরে দেশে এলেন, অথচ দেখা নেই। মেনিন এক চমক—চরে দেখা! কি ব্যাপার কি মশাই?

[অচিন্ত্যের প্রবেশ]

অচিন্ত্য। কি করি my lord, করি কি বলুন! শরীরমাত্তং থলু ধর্ম সাধনম্—বুঝলেন কি না, সব আমার শরীরের জন্ত। শরীরের জন্ত invalid pension নিলাম। ভাবলাম—retire করে কিছু business করব। দশ বিশটা business planও করলাম। কিন্তু শরীরের জন্তে everything spoiled! শরীরের মধ্যে আমার পাষও উদর!—উদরের জন্তে লোকে খাবার খায়, আমার উদর আমাকে খাচ্ছেন। অবশেষে—কলকাতার গিরে—(হাস্ত) বলুন তো কি ব্যাপার?

ইন্দ্র। কি ব্যাপার?

অচিন্ত্য। দেখুন, ভাল করে দেখুন, দেখে বলুন। হে-হে—বলতে পারলেন না তো। (দাঁত দেখাইয়া) দাঁত দাঁত, my Lord দাঁত! এমন pearl-like teeth, মুক্তোর পাতির মত দাঁত—বাকে বলে দস্তকচি-কোয়দি—আমার ছিল? গোক-থেকো কালো কালো দাঁত মনে পড়ে?

ইন্দ্র। তাই তো মশাই! সত্যিই তো—এ-যে মুক্তোর পাণ্ডির মত দাঁত ?
অচিন্ত্য। ই্যা—ই্যা! তুলিয়ে ফেললাম। ব'লব কি আপনাকে—
like a brave soldier ; একবার উঃ করি নি! দাঁতই হ'ল ডিমপেশিয়ার
মূল কারণ! এখন পাথর চিবিয়ে খাবো এবং হজম ক'রব।

ইন্দ্র। বলেন কি ?

অচিন্ত্য। নিশ্চয়! দেখুন না, ছ'মাসের মধ্যে কি রকম বিশালকায়
হ'য়ে উঠি! কিন্তু মুক্তি কি জানেন?—খাবার দাবার, মানে—আসল
পুষ্টিকর খাদ্য পাওয়া যাচ্ছে না।

ইন্দ্র। বলেন কি ? প্রচুর দুধ ঘি রয়েছে—

অচিন্ত্য। বাজে—বাজে—! দুধ ঘি পুষ্টিকর খাদ্য—বাজে কথা! মশাই,
দুধ ঘি যদি পুষ্টিকর খাদ্য হ'ত পশু রাজ্যী,—বুঝলেন? মাংস—মাংস খেতে
হবে! দুধ ঘি খেয়ে বড় জোর চর্কিতে ফুলে যণ্ড হওয়া চলে।

ইন্দ্র। তা যা বলেছেন। দুধ ঘি খেয়ে বড় জোর চর্কিতে ফুলে যণ্ড হওয়া
চলে, পাখও হওয়া চলে না, ও জন্তে মাংস চাই।

অচিন্ত্য। Yes my lord, right you are. সেই জন্তেই তো সেদিন
চরে গিয়েছিলাম। চরে নাকি সাঁওতালেরা শশক অর্থাৎ খরগোশ মারে, সেই
শশকের খোঁজে গিয়েছিলাম, শশক মাংস অত্যন্ত পুষ্টিকর—কারণ ওরা ফাট'
ক্লাস ভিটামিন ছোলা মন্থরের ডগা খায়।

ইন্দ্র। এটাও কি আপনার আবিষ্কার ?

অচিন্ত্য। নিশ্চয়। সেখানে গিয়ে আরও আবিষ্কার ক'রে ফেলেছি।

ইন্দ্র। কি আবার আবিষ্কার করলেন ?

অচিন্ত্য। হ'—হ'। আপনাদের চোখে তো পড়ে নি ?

ইন্দ্র। কি বলুন তো ?

অচিন্ত্য। Grand Business। দেখে এলাম—চরে প্রচুর লতা
পাতা গাছ-গাছড়া রয়েছে। বুঝেচেন my lord—আমি ঠিক করে ফেলেছি
—একেবারে হিসেব-নিকেশ—complete করে ফেলেছি—at least one
hundred percent লাভ। কলকাতায় দেশী herbs supply করব।
আপনি and আমি। রয়-গোসেল এ্যাণ্ড কোম্পানী।

ইন্দ্র। গোসেল ?

অচিন্ত্য। ঘোষাল—ঘোষাল my lord—ঘোষাল। ঘোষাল কোর্টপ্যাণ্ট
পরলেই গোসেল হয়ে যায়।

[নেপথ্যে শব্দ । সেই শব্দ শুনিয়া অচিন্ত্য সেইদিকে
চাহিয়া চমকিয়া উঠিল ।]

ওরে বাপরে ! my God ! এ কি মানুষ না মহিষ !

[মিত্তির ও হরিশ বাগ্গী সঁওতালদের লইয়া প্রবেশ করিল ।

সঁওতালেরা প্রবেশ করিয়া ইন্দ্র রায়কে প্রণাম করিল ।

পিছনে মেয়েরা দাঁড়াইয়া রহিল ।

মেয়েদের সর্বাগ্রে ছিল স রী]

ইন্দ্র । মোড়ল মাঝি কে বে ?

[কমল আগাইয়া প্রণাম করিল]

কমল । আজ্ঞেন হাঁ । আমিই বটেন সে টো ।

ইন্দ্র । চবের উপর এসে তোরাই বসেছিস ?

কমল । আজ্ঞেন হুঁ-গো !

ইন্দ্র । কাকে বলে বসেছিস ?

কমল । আজ্ঞেন ? (আশ্চর্য্যভাবে প্রশ্ন করিল—যেন এমন বিস্ময়কর
প্রশ্ন সে আর পূর্বে শোনে নাই)

ইন্দ্র । কার হুকুম নিয়ে চরে বসত করলি ?

কমল । কার হুকুম লিব ? নিজেরাই বসে গেলাম ।

ইন্দ্র । নিজেরাই বসে গেলি ?

কমল । হুঁ । দেখলুম বন জন্মোল ভরা জমি পড়ে বইছে, জন্তু জানোয়ার
বাস করছে, দেখলুম—লতুন চরার মাটি—ভারি মোলাম—ভারি ভাল,
কাছে লদীতে জল বইছে—ভাল লাগল, মন বুললে বসে যা, গেলুম বসে
ইখানে । ই ।

ইন্দ্র । কতদিন এসেছিস ?

কমল । তা' হবে বৈকি গো । তা' পাঁচ মাস দশ মাস হবে । সেই
কার্তিক মাসে আলু লাগাবার সময় এলম—ই—কার্তিক মাসই বটে গো—
এসেই আলু লাগালাম, ছোলা বুনলুম । ই । (ঘাড় নাড়ল)

ইন্দ্র । বুঝলাম । কিন্তু আমার হুকুম নিয়ে বাস করা উচিত ছিল । ও
চর আমার !

কমল । সি আমরা জানি না বাবু !

ইন্দ্র । জানতিস না—এখন জানলি, এইবার কবুলতি দিতে হবে । না হলে
উঠে যেতে হবে চর থেকে ।

কমল । সেটো কি বটে ?

ইন্দ্র । কবুলতি । কাগজে টিপছাপ দিতে হবে—স্বীকার করতে হবে যে আমি তোমাদের জমিদার—আমাকেই বছরে বছরে খাজনা দিবি তোরা বুঝলি ।

[কমল অল্প এক মাঝির সঙ্গে পরামর্শ করিতে লাগিল]

সারী । (বলিয়া উঠিল মুখরাব মত) কেনে ? তা দিবে কেনে ? টিপছাপটি দিবে কেনে ।

[ইন্দ্র রায় তাহার দিকে চাহিলেন]

মিস্ত্রি । এই ! তুই চূপ কর ।

সারী । কেনে ? চূপ কববে কেনে ? তুরা যদি খং লিখেছিস ? একশো—দুশো টাকা পাবি লিখে লিস ?

ইন্দ্র । না-না !—জমিদার তা কখনও করে না !

সাবী । কবো না ! কবো না কেনে ? উ গাঁয়ে সি গাঁয়ে লিখে লিলে যি সন !

কমল । (পরামর্শ শেষে) বাবু মশায় মিটো আমবা শুধাব আমাদের রাঙাবাবুকে—

ইন্দ্র । কাকে ?

কমল । আমাদের রাঙাঠাকুরের লাতিকে, রাঙাবাবুকে । সি যদি বলে—তবে দিব, আমরা টিপছাপ দিব ।

ইন্দ্র । মিস্ত্রি ওদের এখানে আটক করে রাখ, টিপছাপ দেবে—তবে যেতে পাবে । (প্রস্থানোত্তত হইলেন)

হরিশ । (ছড়ার দিয়া উঠিল) বস, সব বস এইখানে ।

[অচিন্তা কোণে পুতুলের মত দাঁড়াইয়াছিল—সে এইবার বলিল]

অচিন্তা । হ'ল এইবার সর্বনাশ হ'ল ! আমি পালাই ।

[সাঁওতালেরা বসিয়া পড়িল, প্রথমে বলিল কমল ।

মেয়েরা বলিল না]

ইন্দ্র । (ঘুরিয়া হরিশকে বলিলেন) মেয়েদের যেতে বল এখান থেকে ।

হরিশ । যা—যা—তোরা বাড়ী যা !

[মেয়েরা গেল না]

হরিশ । এই মাঝি, ওদের যেতে বল ।

কমল । যা গো সারী বাড়ী যা । বাবু রাগ করবে । বাড়ী যা তুরা ।

মাঝি । ই—বাড়ী যা তুরা ।

মিস্ত্রি। বা—বা—বাড়ী যা তোরা।

সারী। ওরা এখনও খায় নাই, তুয়া উদিয়ে ধরে রাখবি কেনে? পেট কাঁদে না উদের? ই্যা। (চোখ মুছিতে মুছিতে চলিয়া গেল)

[উমা প্রবেশ করিল]

উমা। বাবা!

ইন্দ্র! উমা! কিছু বলছিস?

উমা। ওদের ছেড়ে দাও বাবা। ওদের মেয়েরা কাঁদছে। ওরা এখনও খায় নি।

কমল। বাবু মশয়, আমরা এখনও খাই নাই বাবু মশয়। ছেড়েন দে আমাদেরকে বাবু মশয়!

সরকার। টিপছাপ দে, দিয়ে বাড়ী চলে যা!

উমা। বাবা!

ইন্দ্র। ওদের তো ছেড়ে দিতে পারব না মা, তার চেয়ে বরং এখানে ভাল করে খাওয়ার ব্যবস্থা কর তুই। কেমন তা হলে হবে তো? চল—সেই ব্যবস্থাই করি।

[উভয়ে প্রস্থানের উদ্দেশ্যে করিলেন, বিপরীত দিক হইতে
প্রবেশ করিল অহীন্দ্র, তাহার সঙ্গে সারী]

অহীন্দ্র। মামাবাবু।

[ইন্দ্র ঘুরিয়া দাঁড়াইলেন। অহীন্দ্র প্রণাম করিয়া হাতজোড় করিয়া বলিল—আমি আপনার কাছে জোড়হাত করে ভিক্ষা চাইতে এসেছি মামাবাবু! এদের ছেলে মেয়েরা কাঁদছে, ভয়ে আপনার সামনে আসতে পারছে না। বেচারারা এখনও খায় নি! এদের এখন ছেড়ে দিন। আবার ডাকলেই আসবে।]

উমা। বাবা!

[ইন্দ্র রায় দাঁড়াইয়া রহিলেন, দীর্ঘনিশ্বাস ফেলিলেন।]

অহীন্দ্র। (সাঁওতালদের) বা—তোরা এখন বাড়ী যা। যা। আবার ডাকলেই আসবি। (সাঁওতালেরা উঠিল)

হরিশ। (লাঠি ঠুকিয়া বলিল) এ্যাও মাঝি, খবরদার! বল!

ইন্দ্র। (হরিশকে) চোপরও হারামজাদা! জানিস ও কে! (সাঁওতালদের প্রতি) বা—বা তোরা বাড়ী যা। যা। [সঙ্গে সঙ্গে চলিয়া গেলেন তাহার পশ্চাতে উমা ও অহীন্দ্র ভিন্ন সকলের প্রস্থান]

উমা। অহীন-না!

অহীন। উমা!

উমা। আপনাকে প্রণাম করব আমি। আজ আপনি আমার বাবার ধর্মকে রক্ষা করেছেন; রাগের বশে কি যে করে বলতেন—ভাঙতেও শিউরে উঠেছিলাম। (প্রণাম করিল) তা ছাড়া—(থেমে গেল সে)

অহীন। তা ছাড়া? বলতে বলতে থেমে গেল যে?

উমা। জানি না সত্যি কি না। তবে আমার মনে হচ্ছে সত্যি। মনে হচ্ছে—চক্রবর্তীবাড়ী আর রায়বাড়ীর মাঝখানে যে পাথরের দেওয়ালটা গড়ে উঠেছিল—তাতে যেন আজ কাটল ধরল।

অহীন। তোমাব কল্পনা যেন সত্য হয় উমা—এই আশীর্বাদই করে গেলাম তোমাকে। (প্রস্থান)

[উমা তার গমন পথের দিকে চাহিয়া রহিল তারপর চলিয়া গেল,

শূন্য রক্তমঞ্চে চিংকার করিতে করিতে প্রবেশ করিল অচিন্ত্য]

অচিন্ত্য। করলেন কি My lord—এ আপনি করলেন কি? লোকে যে যা' তা' বলছে। রামেশ্বর চক্রবর্তীর ছোট ছেলে আপনার নাসিকায় ঝামা ঘর্ষণ করে দিয়ে গেল। তাই আপনি সহ করলেন? হি—হি—হি!

[মিস্ত্রির প্রবেশ]

মিস্ত্রি। অচিন্ত্যবাবু, এ সব আপনি কি বলছেন?

অচিন্ত্য। যা সকলে ভাবছে, সকলে বলছে, তাই বলছি—গভর্নর সাহেব! Yes,—সকলেই বলছে। শূলপাণি বলছে—ঘস-ঘস করে ঝামা ঘসে দিয়ে গেল।

মিস্ত্রি। অচিন্ত্যবাবু, ইন্দ্র রায়কে জানেন তো?

অচিন্ত্য। (চমকিয়া উঠিল) কেন বলুন তো?

মিস্ত্রি। লোকে বলে,—ইন্দ্র রায় রাগলে হয় খোঁচাখাওয়া বাঘ। তার খাবার লিংহের মতন পুষ্কর রামেশ্বর চক্রবর্তী ঘায়েল হয়ে গেছে। লাধারণ মানুষের মাথায় নে খাবা পড়লে মুণ্ড ছিঁড়ে চলে আসে।

অচিন্ত্য। সত্যি কথা। লোকে তাই বলে।

মিস্ত্রি। তবে তাঁকে খোঁচা মারবেন না। যা' তা' কথা বলে চোঁচাবেন না।

ইন্দ্র। (নেপথ্যে) মিস্ত্রি! মিস্ত্রি রয়েছে? মিস্ত্রি।

মিস্ত্রি। আজ্ঞে!

অচিন্ত্য। আমি পালাই! মিত্তির মশাই—আমি—

[ইন্দ্র রায় তাহার পূর্বেই প্রবেশ করতেন]

ইন্দ্র। সাঁওতালেরা চলে গেছে, না মিত্তির! ও—কে? অচিন্ত্যাবাবু পালাচ্ছেন কেন? বহন!

অচিন্ত্য। আমার অপরাধ হয়ে গেছে স্ত্র! আমি অস্ত্রায় বলেছি।

ইন্দ্র। না—না। আপনি পাঁচজনের কথা বলেছেন। আপনার অস্ত্রায় কি? লোকে এই কথা বলছে না কি অচিন্ত্যাবাবু?

অচিন্ত্য। আমাকে মার্জনা করবেন স্ত্র! লোকে বললেও আমি আর বলব না।

ইন্দ্র। না—না। আপনার কোন ভয় নেই, আপনি বহন। মিত্তির হরিশকে তুমি আবার পাঠাও। ধরে আনুক সাঁওতালদের। আমার ভ্রম হয়ে গেল মিত্তির, আমার ভ্রম হয়ে গেল। ছেলেটা আমায় মামাবাবু বলে ডাকলে। আমার মনে হ'ল—রাধারশীর সন্তান এসে আমায় ডাকছে (দীর্ঘনিঃশ্বাস ফেলিলেন)। থাক, যা হয়ে গেছে গেছে। তুমি ডাক হরিশকে আমার কাছে।

মিত্তির। আজ্ঞে? (মাথা চুলকাইল)

ইন্দ্র। হরিশকে ডাক! আমি হুকুম দিচ্ছি।

মিত্তির। আজ্ঞে এইমাত্র খবর পেলাম—চক্রবর্তী বাড়ীর বড় ছেলে, নায়েব যোগেশ মজুমদার মহল থেকে ফিরল। ব্যাপারটা জটিল হয়ে উঠবে।

ইন্দ্র। ভয় পাই-নি। তবে ভাবছি—কৌজদারীতে হঠাৎ না, কিন্তু মামলার হয় তো ঠকতে হবে। সাঁওতালেরা যে রকম রাঙাবাবু বলে চক্রবর্তী বাড়ীর উপর খুঁকেছে—তাতে ওদের জমিদার স্বীকার করলে আমাদের হারতে হবে মামলায়। তার চেয়ে—

মিত্তির। তার চেয়ে আমি বলি কৌশলে কাজ উদ্ধার করাই ভাল হবে।

অচিন্ত্য। Yes my lord, Governor ভাল বলেছেন বুদ্ধিমান বলং তত্ত্ব নিবুঁদ্ধেস্ত কুতো বলম্, পশু সিংহ মদোন্নত শশকেন নিপাতিত।

ইন্দ্র। আপনি একটু থামুন অচিন্ত্যাবাবু।

মিত্তির। আমি বলছিলাম—সাঁওতালরা তো গ্রানিকট চর চাষ করছে। বাকী চরটা গোটাই প্রায় পড়ে রয়েছে। ওটা যদি শক্ত জোরালো প্রজা দেখে আমরা এখন বন্দোবস্ত করে দি—মানে—সাঁওতালরা বলবে—চক্রবর্তী বাবুরা

আমাদের জমিদার! সে ক্ষেত্রে দাশা করলেও আমাদের অনধিকার প্রবেশ হবে না। তারপর স্বপ্নের মোকদ্দমা—সে অনেক দূর!

ইন্দ্র। পরামর্শ খুবই ভাল! কিন্তু সে রকম লোক কোথায় পাচ্ছ?

মিস্ত্রি। আমি বলছিলাম—ননী পালের কথা!

ইন্দ্র। ননী পাল! কিন্তু ওটা যে একটা পাষাণ! কোন ভুল্লোলকের ছেলের কান ম'লে দিয়েছিল না!

মিস্ত্রি। আজ্ঞে ই! লোকটা বিড়ির দোকান করে। বিড়ির দ্রুগ দু'আনা পয়সা পেত। কিছুদিন তাগাদা করে না পেয়ে, দুটো কান মলে দিয়ে বলেছিল—এতেই শোধ হ'ল আমার দু'আনা!

ইন্দ্র। হ'!

মিস্ত্রি। তাহ'লে ননী পালকে—

[অচিন্ত্য প্রস্থানোচ্চত হইল]

ইন্দ্র। চা খেয়েছেন অচিন্ত্যবাবু?

অচিন্ত্য। আজ্ঞে না!

ইন্দ্র। তবে চললেন যে—

অচিন্ত্য। আজ্ঞে ইয়া। দুর্জন আসবার আগেই স্থান ত্যাগ করা নিরাপদ! সর্বনাশ! ননী পাল সাক্ষাৎ একটি ব্যাঘ্র। হঠাৎ থাকা মেরে বসে। গাছ গাছুরা নিয়ে মা লক্ষ্মী আমার মাথায় থাকুন। ব্যবসায় আমার কাজ নেই মশাই! সর্বনাশ! ব্যাটা চরের ওপর কোন দিন খুন ক'রে ফেলবে আমাকে। My God! (প্রস্থান)

[ইন্দ্র হাসিলেন]

মিস্ত্রি। তা হ'লে—

ইন্দ্র। (গম্ভীরভাবে বার দুয়েক পায়চারী করিয়া) আচ্ছা ডাকাও ননী পালকে। চক্রবর্তীদের আমি ক্ষমা করতে পারব না। (প্রস্থান)

চতুর্থ দৃশ্য

চক্রবর্তী বাড়ির দরদালান

রামেশ্বর। “অসদো মা সদগময়ো, তমসো মা জ্যোতির্গময়।” শঙ্কর !
আশুতোষ—আর যে অঙ্ককারে থাকতে পারছি না প্রভু !

[সুনীতির প্রবেশ]

কে ?

সুনীতি। আমি।

রামেশ্বর। তুমি ? তুমি সুনীতি ? ও ! তুমি ! ও !

সুনীতি। হ্যাঁ। এইবারে একটু জানালার ধারে এসে বস। স্বপ্নের
হাওয়া দিচ্ছে, এইখানে বস !

রামেশ্বর। আঃ বাতাসে চমৎকার ফুলের গন্ধ আসছে। এটা কি মাস
বল ত ?

সুনীতি। চৈত্র মাস—

রামেশ্বর। “নলিতলবঙ্গলতাপরিশীলনকোমলমলয়সমীরে ॥

মধুকর-নিকর-করপিত-কোকিল-কুজিত-কুঞ্জ-কুটিরে ॥”

অহীন। (নেপথ্যে) মা !

সুনীতি। আয়, ভেতরে আয় বাবা !

[অহীনের প্রবেশ]

রামেশ্বর। অহীন ?

অহীন। হাঁ বাবা, আমি !

রামেশ্বর। মহীন কোথায় ? মহীন ?

সুনীতি। কাছারী বাড়ীতে গেছে।

রামেশ্বর। অহীন কি পাশ ক’রেছে নয় ?

সুনীতি। I.A তে জলপানি পেয়েছে। এবার B.A. দিয়েছে !

রামেশ্বর। বাঃ বাঃ ! রাজা দিলীপের পুত্র রঘু, সমস্ত বংশের তিনি মুখ
উজ্জল ক’রেছিলেন, তাই তাঁর বংশের নাম হ’য়ে গেল রঘুবংশ ! তুমি রঘুবংশ
প’ড়েছ অহী ? মহাকবি কালিদাসের রঘুবংশ ? বাগর্থাবিবসম্প্রভো
বাগর্থপ্রতিপত্তয়ে জগতঃ পিতরৌ বন্দে পার্বতীশরমেশ্বরৌ। মহাকবি কালিদাস !

অহীন। আমি ইকনমিক্‌স্‌ নিয়েছি, সংস্কৃত কাব্য আমাকে পড়তে হয় না। তবে আমি ঘরে পড়ি সংস্কৃত।

রামেশ্বর। ইংরেজদের এক মহাকাবি আছেন, তাঁর নাম সেক্সপীয়র! তাঁর বইও পড়ো!

অহীন। আজ্ঞে ই্যা! B A. তে সেক্সপীয়র পড়ছি।

স্বনীতি। তুই এইখানে ব'স অহী,—আমি তোরা খাবার নিয়ে আসি।

রামেশ্বর। (চকিত হইয়া) না—না! যাও অহী, ভাল করে সাবান দিয়ে হাত মুখ ধুয়ে ফেল, গরমের দিন স্নানই করে ফেল বরং, তারপর খাবে। যাও, যাও, একটু খোলা বাতাসে যাও ববং!

[অহীনের প্রস্থান]

স্বনীতি। কেন তুমি ওকে এমন করে এখান থেকে তাড়িয়ে দিলে? ছেলেবা কাছে এলে কেন তুমি এমন কর?

রামেশ্বর। (দু'হাত বাড়াইয়া) অতি ঘৃণিত সংক্রামক ব্যাধি! মহা-ব্যাধি! মহাব্যাধি! কুষ্ঠ, কুষ্ঠ!

স্বনীতি। না, কব্‌রেজ বলেছেন, ডাক্তার বলেছেন, রক্তপরীক্ষা হ'য়েছে, ও রোগ তোমার নয়!

রামেশ্বর। জানে না স্বনীতি, ওরা জানে না। (দূর হইতে মাদল ও বাঁশীর শব্দ ভাসিয়া আসিল) উঃ আঙ্গুলগুলো বড় টাটাচ্ছে—আব লি লাল হ'য়ে উঠেছে! ও কিসের শব্দ স্বনীতি?

স্বনীতি। সঁওতালরা মাদল বাজাচ্ছে!

রামেশ্বর। হুঁ! সঁওতালব!—নয়?

[স্বনীতি যাইতেছিলেন]

শোন—শোন!

স্বনীতি। বল।

রামেশ্বর। দেখ, আমি বড় চিন্তিত হ'য়ে পড়েছি স্বনীতি!

স্বনীতি। কেন?

রামেশ্বর। ভাবছি, অহী যদি সঁওতালদের নিয়ে সরকারের বিরুদ্ধে হাঙ্গামা করে?

স্বনীতি। না গো, না! অহী আমাদের সে রকম ছেলে নয়।

রামেশ্বর। সঁওতালরা ওকে চিনেছে যে! নাম দিয়েছে রাঙাবাবু? রাঙাঠাকুরের নাতি, রাঙাবাবু!

মহীন। (নেপথ্যে) চর নিয়ে রায়েরা দাঙ্গা করতে চায় নাকি? বলবেন, চরের ওপর রক্তগঙ্গা বইয়ে দেব আমি।

রামেশ্বর। চর? দাঙ্গা? সুনীতি, কেন চর নিয়ে দাঙ্গা?

সুনীতি। কালিন্দীর ওপরে একটা চর উঠেছে—

রামেশ্বর। উঠেছে? চর উঠেছে? কালের ভগ্নী কালিন্দী চরটা তুলেছে? (থর থর করিয়া কাঁপিয়া উঠিল)

সুনীতি। কি হ'ল গো? এমন ক'রছ কেন?

রামেশ্বর। কালের ভগ্নী কালিন্দী। কালের ভগ্নী। তীক্ষ্ণ দৃষ্টি। অমোঘ বিধান। হে ভগবান! কালের ভগ্নী কালিন্দীর চরে এল সাঁওতালেরা। তারা চিনলে রাঙাঠাকুরের নাটিকে। নাম দিলে রাঙাবাবু রাঙাবাবু। তুমি জান সুনীতি—রাঙাঠাকুরের কথা। আমার বাবা—দীঘকাল গৌরবর্ণ শিল্পরেশ পুরুষ—তার কথা জান?

সুনীতি। তুমি ব'স। স্থির হয়ে ব'স। আমি জানি, তাঁর কথা আমি জানি।

রামেশ্বর। না—না—না। জান না! চক্রবর্তী বংশ কুলীন তান্ত্রিকের বংশ। আমার প্রপিতামহ শবসাধনা করতে গিয়ে উন্মাদ হয়ে গিয়েছিলেন। জান?

সুনীতি। উন্মাদ হয়ে গিয়েছিলেন?

রামেশ্বর। এই দেখ, তুমি তো জান না সুনীতি, তুমি তো জান না! কি করে জানবে। তান্ত্রিক সাধনা—গুপ্ত সাধনা। তবে তোমার জানা উচিত। ইয়া জানা উচিত!

সুনীতি। শুনব—অতিনি শুনব।

রামেশ্বর। না। আজই শুনে রাখ। ওপারে কালিন্দী তুলেছে চর, সেখানে এসেছে সাঁওতালেরা চক্রবর্তী বাড়ীর ছেলে—তোমার গর্ভের সন্তান অহিনের মধ্যে তারা আবিষ্কার করেছে রাঙাঠাকুরকে! মশাল জ্বলে তারা রেখে গেল তাকে। অদ্ভুত যোগাযোগ সুনীতি। তুমি শুনে রাখ সে কথা।

সুনীতি। তুমি শান্ত হও। ওসব তোমার মনের উদ্ভট ভাবনা। ব'স—স্থির হয়ে ব'স। মাথায় একটু জল দিয়ে ধুয়ে দোব?

রামেশ্বর। যোগজট তান্ত্রিকের বংশ। প্রপিতামহ শবাসন ছেড়ে হলেন উন্মাদ, পিতামহ রায় বংশে বিবাহ ক'রে সাধনা ছেড়ে হলেন সম্পদের অধিকারী। (হাসিলেন) তবু সর্কানাপী সঙ্গে ফেরে। সে ছাড়বে কেন?

সে কোতুক করলে। রায়বংশের এক তরফের উত্তরাধিকারিণী কন্যাকে বিবাহ করে ঠাকুরদাদা সাধক থেকে হলেন জমিদার! সর্বনাশী—কোতুক করে বিরোধ বাধিয়ে দিলেন—রায়বংশের অন্য তরফের সঙ্গে। রায়বংশকে তিনি বলতেন—ছোট লোকের বংশ। এক হুকোতে তামাক খেতেন না। আক্রোশে রায়বংশ গজরাত। অজগরের মত গজরাত! সব সেই সর্বনাশীর চক্রান্ত! (হাসিলেন)

সুনীতি। তার? কি বলছ?

রামেশ্বর। তার। তার এলোকেশী সর্বনাশী। তার চক্রান্ত—তার অভিশাপ। তার সাধনা ছেড়ে সম্পদের সাধনায় মগ্ন হ'ল চক্রবর্তীরা—সে অসন্তুষ্ট হবে না? ক্রুদ্ধ হবে না? আমার বাবাব বুকে সে-ই জালিয়ে তুললে আগুন। সাঁওতালেরা ঠিক বলেছে—আগুনের পাবা বরণ, ইয়া—অগ্নিবর্ণ পুরুষ—মাথায় পিঙ্গল কেশ, চোখে পিঙ্গল দ্যুতি, আমার বাবা সোমেশ্বর চক্রবর্তী—মেতে উঠলেন সাঁওতাল বিদ্রোহে।

[উঠে দাঁড়ালেন উত্তেজিত হয়ে]

সাঁওতালদের পীড়ন করছিল, খ্রীষ্টান করছিল পাট্রীবা, ইংবেজ কুঠিয়ারেরা তাদের মেয়েদের দিয়ে ছিন্মিনি খেলছিল। রায়েরা বায়েদেব মত জমিদারেরা তাদের ঠকাচ্ছিল। গৃহস্থেরা ঠকাচ্ছিল তাদের। তারা ক্ষেপে উঠল।

সুনীতি। ইয়া... শুনোছি। সাঁওতালেরা ঘি বেচতে আসত—কিন্তু এক হাঁড়ি ঘিয়েও কখনও এক সের পূর্ণ হ'ত না। নাপের সেরের তলায় ফুটো থাকত—তাতে মোম দেওয়া থাকত, হাঁড়ির মুখে সেব রেখে গরম ঘি ঢাললেই মোম যেত গলে—ছিত্র দিয়ে ঘি পড়ে যেত তলার হাঁড়িতে। সের পূর্ণ হ'ত না। সাঁওতালেরা খেপবার আগে নাকি বলেছিল—“একবার বুল—ই হলো।”

রামেশ্বর। ইয়া—ইয়া। তারপর তারা খেপলো। বাবা বললেন—আমি তোদের সঙ্গে আছি। তারা ধনি দিলে—জয় বাবা রাঙাঠাকুরের—তুমি আমাদের রাজা! অন্যায়ের প্রতিকার করতে গিয়েও বাবা বোধ হয় রাজা হওয়ার স্বপ্ন দেখেছিলেন সুনীতি! রায়বংশ শক্তিত চায় উঠল—আগুন লাগল।

সুনীতি। রায়েরা সাহেবদের কাছে খবর পাঠিয়েছিল জানি! তিনি রায়দের উপর খেপে উঠলেন।

রামেশ্বর। (হেসে) ছলনা—সবই তার ছলনা সুনীতি! বাবা ক্রোধে গর্জে উঠলেন—রায়হাট ভূমিসাৎ করে দেব আমি। রায়বংশ নিকরংশ করে দেব। তাঁর পিছল চোখে বিদ্যুৎ ঝলকে উঠল। সঙ্গে সঙ্গে হ'ল বজ্রাঘাত!

সুনীতি। বজ্রাঘাত।

রামেশ্বর। হ্যা বজ্রাঘাত! আমার পিতামহী রায়বংশের কণ্ঠা—পিতৃ-কুলের মমতায় ছেলের পায়ে সত্যি আছাড় খেয়ে পড়লেন—ওরে কান্দ হ, মুহূর্তে বাবা যেন বজ্রাহতের মত শুক হয়ে গেলেন। কিছুক্ষণ পর বললেন—আমার মাথায় তুমি বজ্রাঘাতের ব্যবস্থা করলে মা

সুনীতি। উঃ মাগো! ওগো। না আর বলো না তুমি। আমি আর শুনতে পাব না।

রামেশ্বর। তারপর সেই রাতে তিনি গৃহত্যাগ কবলেন। হাতে এক উলক তরবারি। গভীর বাতে অমাবসার অন্ধকারে রায়হাট ছেড়ে চলেছিলেন তিনি। সাঁওতালদের জঙ্গলেব দিকে। হঠাৎ পিছন থেকে তাঁকে কে বললে—ওগো একটু আস্তে চল, আমি যে সঙ্গে চলতে পারছি না। বাবা চমকে উঠলেন। ফিরে দেখলেন পিছনে আসছেন আমার মা। পাঁচ বছরের স্নমন্ত আমাকে কেলে তিনি স্বামীর অনুসরণ করেছেন। বাবা চমকে উঠলেন, বললেন—তুমি কোথায় যাবে? মা বললেন আমি কোথায় থাকব? ইংরেজরা যদি জেতে, জিতবেই তারা, এখন তারা এসে আমায় ধরে নিয়ে যাবে—তখন রক্ষা কে করবে আমাকে? আমায় কার কাছে রেখে যাচ্ছ তুমি! বাবা ভাবলেন—তারপর বললেন—এস স্থান আছে। সম্মুখে ছিল মা সর্কারক্ষার আশ্রম। সেখানে ঢুকলেন। বললেন—এইখানে থাকবে তুমি। এই মায়ের কাছে! প্রণাম কর! ভূমিষ্ঠ হয়ে প্রণাম কর। তারপর সুনীতি তারপর—

সুনীতি। কি তারপর?

রামেশ্বর। মা আমার আশ্রয় পেলেন। শান্তির আশ্রয়! মাটিতে মা নুটিয়ে পড়ে প্রণাম করলেন। সর্কারক্ষার পাষাণ মূর্তিতে বোধ হয় দীপ্তি ঝলক দিয়ে উঠল, সেই ঝলকের প্রতিচ্ছটা বাজল গিগে বাবার হাতের শানিত তরবারিতে। ক্ষিপ্ত চকিত বিদ্যুতের মত উর্দ্ধে উঠে নামল সে তরবারি, সর্কারক্ষার প্রাক্ষণ ভেসে গেল রক্তের প্রবাহে। বাবা আমার হা-হা করে হেসে উঠলেন!

সুনীতি। [চীৎকার করে উঠলেন] না—না—না। আর বলো না। আর বলো না।

রামেশ্বর। ভয় পাচ্ছ? শিউরে উঠছ? ছলনা সুনীতি—স—ব ছলনা।

ছলনাময়ীর ছলনা। নইলে এই ঘটনার পরও বাবা আবার হত্যা উৎসকে
যাতেন! রক্তাক্ত তরবারি হাতে তিনি ছুটে গেলেন শাল জঙ্গলে, হাজার
হাজার পাঁওতাল তখন মুখে সিঁদুর মেখে রক্ত-মুখ দানবের মত নাচছিল,
মানল বাজছিল ধিতাং—ধিতাং—মশালের আলোয় শালগাছের দীর্ঘ ছায়ার
মধ্যে সে এক ভয়াল দৃশ্য। উলঙ্গ রক্তাক্ত তরবারি হাতে বাবা সেখানে গিয়ে
পড়লেন জীবন্ত অগ্নিশিখার মত। সেখান থেকে তাদের নিয়ে ছুটলেন।
স্নায়বদের কুঠি লুট করে, পাত্রীদের মিশন ভেঙে—গ্রাম জালিয়ে—নরনারী
শিশুকে হত্যা করে ছুটে চললেন। তারপর এই কালিন্দীর কুলে করলেন
প্রায়শ্চিত্ত। ইংরেজ পণ্টনের রাইফেলের গুলিতে কালিন্দীর জলে বুকের রক্ত
তেলে কালি জল রাঙা করে দিয়ে শেষ করলেন। শক্তিধারনার বিকৃত তৃষ্ণার
নিবৃত্তি হল, রাজ্য প্রতিষ্ঠার কামনার আগুন নিভল।

সুনীতি। এই সব ভেবেই তুমি এমন অস্থস্থ হয়েছ। না তুমি এমন
করে এ সব ভেবো না। ইতিহাসে তিনি স্মরণীয় পুরুষ! আজও ওই
পাঁওতালোয় তাঁর কথা হলে মাটিতে মাথা ঠেকিয়ে প্রণাম করে।

রামেশ্বর। ইতিহাস! শুধু ইতিহাসই দেখছ সুনীতি! আর কিছু
দেখছ না! ওঃ—না—না। জানবে কি করে? তুমি জানবে কি করে
আমার ইতিহাস—। নাঃ—নাঃ—নাঃ।

সুনীতি। কি? কি না?

রামেশ্বর। বংশ! বংশ! বংশের ধারা! কাল কালিতে ছাপা
নয়, টকটকে লাল ধারার মধ্যে বয়ে যাচ্ছে পুরুষের পর পুরুষে—! নইলে
—ফুলের মত পবিত্র কোমল রাধারাগী! রায়বাড়ী আর চক্রবর্তী বাড়ীর
মিলনের অঙ্ক রাধারাগীকে বিবাহ করলাম। নাঃ—নাঃ—নাঃ—।

সুনীতি। তুমি ব'স। শান্ত হয়ে ব'স! শুনছ!

রামেশ্বর। দুই হাতে নিষ্ঠুর ক্রোধে ফুল কখনও দলেছ তুমি? কোমল
স্বগন্ধময় ফুল, একমুঠো ফুল? আঃ—আঃ—আঃ—ফুলের রস হাতে লাগলে
হাত টাটায়—আঃ—! সুনীতি—আঃ—আঙুলগুলো টাটাচ্ছে—চোখ
জালা করছে। উঃ—উঃ—কোথায় যাই বল তো—কোথায় যাই? সর্বনাশী
আমাকে তাকিয়ে নিরে বেড়াচ্ছে। আঃ—(দ্রুত প্রস্থান);

[সুনীতি তাঁহার অতুলন করিল]

সুনীতি। ওগো, ওগো! পড়ে যাবে। ওগো! অ্যা—ছি-ছি-ছি!
ওগো! (প্রস্থান)

[যোগেশ মজুমদার, মহীন্দ্র ও অহীন্দ্রের প্রবেশ]

মহীন্দ্র । ও চর আমাদের হতে বাধ্য । এ পারে আমাদের চক্ রাখবপুর ভেঙে ওপারে আমাদেরই আক্জনপুরের গায়ে লাগিয়ে চর ভুলেছে কালিন্দী । ও চর আমাদের ।

যোগেশ । তা ছাড়া সাঁওতালের। যখন রাঙাঠাকুরের বংশকেই জমিদার বলে মেনেছে—তখন দখলও আমাদের হয়ে গেছে । রায়েরা ঝগড়া করতে এলে ঠকবেন ।

মহীন্দ্র । সাঁওতালদের ওখানে এফুনি লোক পাঠান রায়দের লোক ডাকতে এলে কেউ যেন না যায় । জ্বরদস্তি করলে আমাদের যেন তৎক্ষণাৎ খবর দেয় । রায়দের ডাকে যে যাবে তাদের জরিমানা করব আমি ।

অহীন্দ্র । না দাদা সে হয় না ।

মহীন্দ্র । কি হয় না ?

অহীন্দ্র । ও বাড়ীর মামাকে আমি কথা দিয়েছি—যে—

মহীন্দ্র । ও বাড়ীর মামা ? কে ও বাড়ীর মামা ? ও—ইন্দ্র রায় ? বাঃ—চমৎকার ! সম্বন্ধ পাতিয়ে দিয়েছে বুঝি মা ?

[সুনীতির প্রবেশ]

সুনীতি । কি মহীন ?

মহীন্দ্র । ইন্দ্র রায়ের সঙ্গে অহীনের মামা—সম্বন্ধ বুঝি তুমি পাতিয়ে দিয়েছ ?

সুনীতি । ই্যা । উনি তোমাদের মামাই তো !

মহীন । না ও কথা তুমি বলো না মা । যে আমাকে ধ্বংস করবার চেষ্টা করে, সে আমার শত্রু ! ইন্দ্র রায়ের জন্তই আমাদের আজ এই দুঃখবস্থা ! নইলে বড় মায়ের ভগ্নে দুঃখ আমাদেরও হয় !

অহীন । একটা মীমাংসা —

মহীন । কিসের মীমাংসা ? আইনতঃ, ধর্মতঃ চর আমাদের ।

অহীন । (হাসিয়া) আইনতঃ বলছ বল, কিন্তু ধর্মতঃ কেমন করে বলছ বুঝি না । চর উঠল নদীর বুকে, সাঁওতালেরা তাতে চাষ করছে—

মহীন । তুমি চুপ কর অহীন । তোমার ওসব কথা আমি সহ্যই করতে পারি না ।

অহীন । যাক্ সে সব কথা । কিন্তু রায়মশায়ও তো বলেছেন চর আমার !

মহীন । ওরা যদি কাল এগে বলেন, এই বাড়ীখানা আমার ?

স্বনীতি। অহীন, আর বাবা, বাডীর ভেতরে আর। দাদার সঙ্গে কথা কাটাকাটি ক'রতে নেই।

অহীন। না—না! তুমি রাগ করেছ দাদা?

মহীন। না—না—তুই বাডীর ভেতরে যা। এ সবের মধ্যে তোকে থাকতে হবে না। তুই এখন পড়।

[অহীন ও স্বনীতির প্রস্থান]

যোগেশ। বায়মশাই দাদা হাজামাই করতে চান। আপোষ তিনি চান না! এই মায় আমি ওখানে গিছলাম। আমি বললাম, প্রমাণ দেখে, আপনিই মোমাংসা ক'বে দিন। উত্তরে বললেন—প্রমাণ প্রয়োগ নয়, প্রমাণী লাঠি প্রয়োগ ক'রে মোমাংসা হবে।

মহীন। যান, অহী বাদবটাকে আব মাকে দেই কথা বলে আসুন।
মায়ের ঘেমন—ভাবেন, ছনিয়াভাবে মানুষের অন্তর বৃদ্ধি তাঁরই মতন।

[নবীন বন্দুক ও টোটোর বেট লইয়া প্রবেশ করিল]

নবীন। এই সেদিন ছোট দাদাবাবু চরে একটা অজগর মেবেছেন।
বড় দাদাবাবু—

মহীন। কে অহী?

নবীন। আজ্ঞে হ্যাঁ।

মহীন। আব কি কি মেলে?

নবীন। শিয়াল আছে, খটাস আছে, খরগোশ আছে, তিতিব আছে!
বুনো শূয়ার আছে, নেকড়ে আছে। হে!

মহীন। হঁ। ভা হ'লে চল—আজই বিকেলে যাব শিকার করতে।
চরটাও দেখা হবে।

মহীন। (বন্দুক খুলিয়া) বড় অপরিষ্কার হ'য়ে আছে।

যোগেশ। আমাদেব কিছু ববকন্দাজ—লাঠিয়াল কিছু রাখতে হবে এখন।

মহীন। নবীনকে বলুন। ঘেমন মাইনে পাচ্ছিল—

অচিন্ত্য। (নেপথ্যে) হ'ল বেশ হ'ল! ভাল হ'ল, উত্তম হ'ল! খুব ভাল কাজ করলেন বায়মশায়। ওচরে আর কেউ বাবে? সমস্ত চর পড়ে থাকবে। আমি এমন plan দিলাম—

মহীন। অচিন্ত্যাব্যু চর নিয়ে কি বলছে না? ডাকুন তো।

যোগেশ। ও অচিন্ত্যাব্যু। ও মশায়!

[অচিন্ত্যর প্রবেশ]

ব্যাপার কি মশায়? হ'ল কি।

অচিন্ত্য। আজ তিন রাত্রি আমি হিসেব নিকেশ করে লাভ ঠিক ক'রলাম। কলকাতায় সাত আটটা ফার্মকে চিঠি লিখলাম, সাত আট আনা পয়সা আমার খরচ হয়ে গেল। আর, রায়মশায় মাঝখান থেকে ননী পালকে দিলেন চর বন্দোবস্ত করে।

যোগেশ। ননী পাল?

অচিন্ত্য। আজ্ঞে ই্যা। ভাল কাজ করলেন না রায়মশায়, এ আমি নিশ্চয় বলব। Dangerous game-এ হাত দিয়েছেন ইজ্ঞ রায়! ননী পাল সাক্ষাৎ ব্যাঘ্র। লোকটা হঠাৎ মেরে বসে লোককে। Without any notice।

মহীন। নবীনকে পাঠান তো মজুমদার কাকা, ননীকে ডেকে আনবে? না আসে—তুলে নিয়ে আসবে।

[যোগেশের প্রস্থান]

অচিন্ত্য। (ঢেকুর তুলিতে তুলিতে) বাপরে। বাপরে। ভাস্কর লবণ খানিকটা না খেলে এইবার গ্যাস হবে। গ্যাসে হার্টফেল হওয়া বিচিত্র নয়। (ক্ষত প্রস্থান)

[যোগেশ, ননী পাল ও নবীনের প্রবেশ]

যোগেশ। রাত্তাতেই ননীর সঙ্গে দেখা হয়ে গেল। ওকে বললাম আমি, ও আমাদের শরিকে শরিকে বিবাদ;—এর মধ্যে তুমি কেন? আমরা তো তোমার অনিষ্ট করি নি।

ননী। তা মশায় এর আর ভাল মন্দ কি। সম্পত্তি রাখতে গেলেও ঝগড়া,—করতে গেলেও ঝগড়া। সে ভেবে সম্পত্তি কে ছেড়ে দেয় বলুন?

মহীন। দেখ ননী। ও চর হ'ল আমার। ইজ্ঞ রায়ের নয়। তোমায় আমি বারুণ করছি, তুমি এর মধ্যে এস না।

ননী। (অতি উৎসাহে) সম্পত্তি আপনায়—তারই বা ঠিক কি বলুন।

মহীন। আমি ব'লছি।

ননী। সে তো রায়মশায়ও বলছেন—সম্পত্তি তেঁয়ার।

মহীন। তিনি সত্যি কথা বলেন নি।

ননী। (ব্যস্তভাবে) আর আপনি সত্যি কথা বলছেন।

নবীন। এই ননী পাল।

মহীন। চক্রবর্তী বংশ রায়েদের মত নীচ নয়, তারা কখনও মিথ্যে কথা বলে না।

যোগেশ। মহীনবাবু। মহীনবাবু।

ননী। হ্যাঁ, হ্যাঁ সে সব আমরা জানি, গোটা চাক্লার লোক জানে, — দুনিয়ার লোক জানে। চক্রবর্তী বাড়ীর কথা আবার না জানে কে?

মহীন। কি? কি বলছিস তুই?

ননী। (ব্যস্তভাবে) বলছি তোমার বড়মায়ের কথা হে বাপু। বলি যার ম বেরিয়ে যায়—

[সঙ্গে সঙ্গে দ্রুত ক্রোধে বন্ধুক লইয়া মহীন গুলি করিল—

ননী পড়িয়া গেল। স্বনীতি, অহীন দ্রুত প্রবেশ করিল]

স্বনীতি। মহীন। এ তুই কি করলি বাবা।

মহীন। বড়মায়ের অপমান করেছিল মা।

[রামেশ্বরের প্রবেশ]

রামেশ্বর। কি হ'ল। কি হ'ল। এত গোলমাল। একি—এত রক্ত।
—আঃ—সর্বনাশী—সর্বনাশী রে—।

মহীন। আমি ওকে গুলি করে মেরেছি বাবা।

রামেশ্বর। পালিয়ে আয়—ওরে তুই পালিয়ে আয়। আমি তোকে বুক দিয়ে শুকিয়ে রাখব।

মহীন। কেন লুণ্ঠাব বাবা। আমি কোন অস্ত্রায় করি নি। ও আমার বড়মায়ের অপমান করতে চেয়েছিল।

রামেশ্বর। কার? কার অপমান?

মহীন। আমার বড় মায়ের। সবচেয়ে বড় অপমান করতে চেয়েছিল। আমি তার শোধ নিয়েছি।

রামেশ্বর। রাধারামীর অপমানের শোধ নিয়েছিল?

মহীন। হ্যাঁ বাবা। আমাকে অত্মমতি করুন—আমি থানায় গিয়ে স্মারেক্তার করি।

রামেশ্বর। স্মারেক্তার করবি? ওরা তোকে কানী দেবে।

মহীন। বাব কানী?

রামেশ্বর। (মহীনের মুখ ধরিয়া) ওরে—ওরে—ওরে—তোকে আমি

আশীর্বাদ করছি! তোকে আমি আশীর্বাদ করছি। সুনীতি তুমি আশীর্বাদ কর। রাধারাণী—রাধারাণী—রাধারাণী!—আশীর্বাদ কর—তুমি আশীর্বাদ কর।

দ্বিতীয় অঙ্ক/প্রথম দৃশ্য

চক্রবর্তী বাড়ীর দরদালান

[ঘরে একটি প্রদীপ জলিতেছে। তাহার সম্মুখে বসিয়া আছেন রামেশ্বর। বাঁ হাতে বাঁ চোখ চাপিয়া ধরিয়া ডান চোখ মেলিয়া নিবিষ্ট মনে ডান হাত ঘুরাইয়া দেখিতেছেন। সুনীতি মাটিতে বসিয়া রামেশ্বরের বসিবার আসনে মাথা রাখিয়া ঘেন অসহ দুঃখ বেদনায় ভাঙিয়া পড়িয়াছেন।]

রামেশ্বর। স্বপ্ন তুল্যদণ্ডে তোমার বিচার, ভুল নাই, ভ্রান্তি নাই—
অমোঘ নিভুল। (তারপর ডাকিলেন) সুনীতি !

[সুনীতি মুখ তুলিয়া চাহিলেন]

এই হাতটা এই চোখটা আমার ভাল হয়ে গেল। দেখছ? (আলোর সামনে হাত ঘুরাইয়া) কোন বস্তু নাই, কোন দাগ নাই। (আলোর কাছে থোলা চোখটি লইয়া নুঁকিয়া) এই দেখ, আলোর ছটার সামনে কেমন চেয়ে রয়েছে। জীবনে আমি আমার নিভে গিয়েছিল। আজ নতুন করে জ্বলল।

[উঠিয়া দাঁড়াইলেন সঙ্গে সঙ্গে সুনীতিও উঠিয়া দাঁড়াইলেন]

সুনীতি। কোথায় বাবে? বস—স্থির হয়ে বস।

রামেশ্বর। তুমি কাদছ সুনীতি?

সুনীতি। ওগো—আর আমি পারছি না। আমার মন—

[কণ্ঠ রুদ্ধ হইয়া গেল তাঁহার]

রামেশ্বর। বীপান্তর হয়ে গেল। দশ বৎসর। আত্মমান। কালাপানি ৮
গাঢ় কাল জলে ঘেরা অভিশপ্ত বীপ।

সুনীতি। না—না, তুমি বস। উত্তেজিত হ'য়ে না তুমি।

রামেশ্বর। প্রায়শ্চিত্ত। প্রায়শ্চিত্ত। হে দণ্ডদাতা তোমাকে প্রণাম

করি, তোমাকে প্রণাম করি। বাকী প্রায়শ্চিত্তটুকু—হে দণ্ডদাতা—(হঠাৎ
স্তব্ধ হইয়া গেলেন—তারপর বলিলেন) স্ত্রীস্বামী ।

স্ত্রীস্বামী । বল ।

বামেশ্বর । বলব । সহ কবতে পারবে ।

স্ত্রীস্বামী । তোমার জ্ঞান আমি মহীনের দুঃখকে মুছে ফেলেছি, (হাসিলেন)
তবু জিজ্ঞাসা করছ, সহ কবতে পারবে কি না । বল কি বলছ ।

বামেশ্বর । না—না—না । পারব না । বলতে পারব না । হে শরর
তুমি আমাকে দণ্ড দাও । বজ্র দিবে আঘাত কর । অহীনকে স্ত্রীস্বামী
অহীনকে—হে দণ্ডদাতা—

স্ত্রীস্বামী । [চিৎকার কবিয়া উঠিলেন] না—না—না । বলো না—বলো!
না—একথা—তুমি বলো না ।

যোগেশ । (নেপথ্যে) । মানদা !

বামেশ্বর । চূপ । কে আসছে ! আমি পালাই ! আমি পালাই !
(প্রস্থান)

যোগেশ । (নেপথ্যে) মানদা !

[মানদা প্রবেশ কবিয়া নেপথ্যের দিকে চাহিয়া বলিল]

মানদা । নায়েববাবু মা । ভেতবে ডাকব এখন ?

স্ত্রীস্বামী । ডাক । (খুঁটে চোখ মুছিলেন)

[যোগেশের প্রবেশ]

মানদা । যাক, আপনার যে মনে পড়েছে এ বাড়ী বলে—এও আমাদের
ভাগ্যি ! শেষে এলেন ।

যোগেশ । আসতে পাবিনি মানদা । মহীনবাবুর ওই খবর নিয়ে আসতে
আর পা উঠল না ।

স্ত্রীস্বামী । বহন মজুমদার ঠাকুরপো ! মানদা একখানা আসন এনে দে মা !

যোগেশ । থাক-বউঠাকুরপো ! আমি—আমি ; বলবার কথা আমি খুঁজে
পাচ্ছি না বউঠাকুরপো !

মানদা । আমি বলে দিচ্ছি নায়েববাবু । মহলগুলি সব নিলেন হয়ে
গিয়েছে—রাগহাট চক, আফজলপুর আর চক রাঘবপুর ছাড়া ।

যোগেশ । আমার ঠিক স্বরণ ছিল না, আমি তখন মহীনবাবুর মামলা
নিষ্পত্তি—

সুনীতি। আমি সব শুনেছি ঠাকুরপো! মহীনের দশ বৎসর দ্বীপান্তর হয়েছে। মহল নিলেম হয়ে গিয়েছে।

মানদা। আমাদের কিন্তু পেট ভরে মিষ্টি খাওয়াতে হবে নায়েববাবু। নায়েব থেকে জমিদার।

যোগেশ। (চমকিয়া) এ তুমি কি বলছ মানদা? মহল তো আমি ভাকি নি, ডেকেছে আমার সম্বন্ধী।

সুনীতি। আমি জানি ঠাকুরপো। সবই আমি শুনেছি।

যোগেশ। কি বলব বউঠাকুরন, আমি তখন মহীনবাবুর মামলার রায় শুনে—হতভয় হ'য়ে গেছি। রেভিনিউ বাকীর দায়ে মহাল নিলেমের দিন যে, সেই দিনই—সেটা আমার খেয়ালই ছিল না। যখন খেয়াল হ'ল, তখন নিলেম শেষ হ'য়ে গেছে।

মানদা। সেদিন কিন্তু সত্যনারায়ণের সেবাটি আপনার বাড়ীতে ভাবী ভাল হ'য়েছিল নায়েববাবু! ফল—মূল—মিষ্টি—দুধ—যেমন ভোগ—তেমনি আলা—তেমনি আর সব ব্যবস্থা! আমি দেখে এসেছি!

যোগেশ। মানদার দাঁতগুলো যেমনি চক্চকে—তেমনি কি পাতলা ধারালো! তুমি শিলে শান দিয়ে দাঁত পরিষ্কার কর বুঝি?

মানদা। এই দেখুন, নায়েববাবু কি বলছেন দেখুন! বলি, ইয়া গা—নেউলের দাঁতে কি শিল লাগে—না শান লাগে? সাপ কাটবার মত ধার ভগবানই যে তার দাঁতে দিয়েই দেন গো। আপনার মত—

সুনীতি। মানদা! ছিঃ!

মানদা। কিসের ছি গো! আপনার মত মাহুষকে সংসার করতে হয় না! যে লজ্জার কাজ করলে, তার লজ্জা নাই, আপনার লজ্জা হচ্ছে! নায়েববাবু সম্বন্ধীর বেনামে মহাল নিলেম করিয়ে ডেকেছে, এ কথা জানে না কে? (রাগ করিয়া চলিয়া গেল)

যোগেশ। আপনি বিশ্বাস করুন বউঠাকুরন, আমি—

সুনীতি। ও কথা পরে হবে ঠাকুরপো! আগে আমায় বলুন, মহীন কি বল'য়ে গেছে আমায়? অহীন আমায় সব বলেছে, তবু আপনার কাছে শুনতে চাই! হয় তো অহীন আমার কাছে কিছু লুকিয়েছে!

যোগেশ। বললেন, লজ্জাব হলে বাবার কাছে খবরটা চেপে রাখবেন। মাকে কাঁদতে বারণ করবেন। আরও তাঁকে বলবেন যে, পাপ আমি করি নি। মায়ের অপমানের আমি শোধ নিয়েছি!

স্বনীতি। আর ? আর কি বলেছে আমার মহীন ?

যোগেশ। আর বললেন অহীনবাবুর কথা!—অহীনকে যেন পড়ান হয়, যতদূর সে পড়তে চাইবে।

স্বনীতি। আর ?

যোগেশ। ওই কথাই কিরিয়ে ঘুরিয়ে বললেন। আর কি বলবেন ? (একটু পরে) তাহলে এখন আমি আমি বউঠাক্কন ?

স্বনীতি। আর একটা কথা ঠাক্কুরশো।

যোগেশ। (দাঁড়াইল) বলুন।

স্বনীতি। বলছি; আপনি তো সবই বুঝেছেন। যে অবস্থায় ভগবান ফেললেন, তাতে কি, চাকর, রাঁধুনী সবই জবাব দিতে হবে। আপনার সম্মানই বা মাসে মাসে কি দিয়ে করব ঠাক্কুরশো ?

যোগেশ। তা বেশ তো বউঠাক্কন। আর কাজও তেমন কিছু রইল না। লোকের দরকারই বা কি ? তবে যখন যা দরকার পড়বে, আমি করে দিয়ে যাব। মধ্যে মধ্যে নিজেই খোঁজ নেব আমি।

স্বনীতি। না—না, আপনি আব কষ্ট করবেন না। আপনার নিজেরই এখন কাজ অনেক বেড়ে গেল। এব ওপর—

যোগেশ। না—না, বউঠাক্কন, মহাল আমি ডাকি-নি, আমার সহস্রী ডেকেছে। সেও তো প্রায় আট-হাজার টাকা ধার দিয়েছে—মহাল নিলেম—

স্বনীতি। সে টাকাও আপনার, আমি জানি ! আপনি লজ্জা পাবেন না ঠাক্কুরশো। আমি আপনাকে দোষ দিচ্ছি না। বহু কষ্টে সঞ্চয় করা টাকা আপনার,—হয়তো দুষ্টকটু হয়েছে। লোকে দোষ দিচ্ছে। কিন্তু আমি দোষ দিই নি, দেবও না। বরং এই আমার সান্ত্বনা, যে আমি আর ঋণী নই। আপনি তাহলে আহন ঠাক্কুরশো ! (যোগেশের প্রস্থান)

[মানদার প্রবেশ]

মানদা। (রুদ্ধ আক্ৰোশে) মাথার ওপর তুমি বজ্রাঘাত ক'রো নির্ঝংস ক'রো ! নইলে তুমি কানা, কানা !

স্বনীতি। ছিঃ মা ! আমার অদৃষ্ট—কর্মফল ! কেন পরকে মিথ্যে শাপ-শাপান্ত করছিস্ ?

মানদা। (কাঁদিয়া ক্রোধে) বেশ মা, আপনি তাহ'লে দু'হাত তুলে মজুমদারকে আশীর্বাদ করুন।

[অহীনের প্রবেশ]

অহীন। চূপ কর মাননা, বাবা শুনেতে পাবেন। (মানদার প্রস্থান)
মা!

স্বনীতি। অহীন!

অহীন। ওঠ মা। তুমি এমন ক'রে ব'সে থাকলে চলে?

স্বনীতি। আর যে ধৈর্য্য রাখতে পারছি নে বাবা। (অহীনের মাথায় হাত বুলাইতে বুলাইতে) তুই ভাল ক'রে পড় আহা,—মহীন ব'লে গেছে। শিগ্গীর শিগ্গীর পাশ ক'রে নে। তারপর তুই জজ্ হবি! তুই দেখবি,—এমন ধারার অবিচার যেন কারও ওপর না হয়। ওরে ননী পালের জন্তে দুঃখ আমার কম নয়! কিন্তু, তবু বলব—মহীনের ওপর অবিচারই হ'য়েছে! ওরে, ওরে, সবাই তাকে নরঘাতক দেখলে—মাতৃভক্ত মহীনকে কেউ দেখলে না; দেখতে চাইলে না।

অহীন। (একটু পরে) একটা খবর নিলাম মা! দশ বৎসর পুরো দাদাকে থাকতে হবে না। জেল আইনে, মাসে চার পাঁচ দিন ক'রে মাক্ হয়। জেলে ষাড়া ভাল ব্যবহার করে, তারা আরও বেশী মাক্ পায়। আড়াই বছর—তিন বছর মাক্ পাবেন দাদা!

স্বনীতি। (হাসিয়া) মাক্! ওরে, যে মহীন মাথা উচু ক'রে চলা ছাড়া চলতে জানে না, সে কি মাক্ দেয়—তাকে কেউ মাক্ দেয়!

দ্বিতীয় দৃশ্য

[ইন্দ্র রায় বিষন্নভাবে বসিয়া ও হেমাজিনী পাড়াইয়া ছিলেন]

হেম। তোমায় একটা কথা জিজ্ঞাসা করতে এসেছি।

ইন্দ্র। বল!

হেম। তুমি এমন ক'রে রয়েছ কেন—কি হ'য়েছে তোমার? অস্থির হয়ে ঘুরে বেড়াও, মনে হয়,—কে যেন তোমাকে চাবুক ঘেরে নিয়ে বেড়াচ্ছে! চাকর বাকর দূরের কথা, আমারও জিজ্ঞাসা করতে সাহস হয় না। উমা পর্যন্ত তোমার স্বমুখে আসতে চায় না! একদিন ছুঁদিন নয়—আজ প্রায় দু'তিন মাস হ'য়ে গেল।

ইন্দ্র। হু' তিন মাস নয়, তিন মাস পূর্ণ হ'য়ে চার মাস হ'তে চলেছে !

হেম। কিন্তু, কেন ?

ইন্দ্র। তুমি কি অহুমান করতে পার না হেমাজিনী ?

হেম। পারি ! কিন্তু, তোমার সামনে ব'লতে ভয়সা পাই না।

ইন্দ্র। (হাত ধরিয়া) এ লজ্জার বোঝা, শুধু লজ্জার বোঝা নয় হেমাজিনী অপরাধের বোঝা নামাতে তুমি আমার সাহায্য কর। তুমি আমার বরাবর বাবণ ক'রেছিলে, আমি শুনি নি, তাই তোমাকেও বলতে পারি নি এতদিন। তুমি একবার বামেস্বরের বাড়ী যাও। মহীনের কাছে !

হেম। ওগো, কোন্ মুখে আমি গিয়ে দাঁড়াব ? কি বলব ?

ইন্দ্র। (গাঢ়স্বরে) আমার লজ্জার বোঝা, অপরাধের বোঝা মাথায় নিয়ে মুখ নীচু ক'রে দাঁড়াবে। অকপটে অপরাধ স্বীকার কববে। তারা—তারা না ! রাধাবাণীব কাছে বামেস্বরের অপরাধের প্রায়শ্চিত্ত ক'রে মহীন আমারই কাঁধে সেই বোঝা চাপিয়ে দিয়েছে। ননী পালকে আমিই নিষুক্ত ক'রেছিলাম—চক্রবর্তীদের অপমান কবতে, কিন্তু, সে অপমান করলে বাধারাণীব—রায় বংশেব কন্ঠাব—আমাবই সহোদরার ! উঃ ! আদালতে মহীন কি বললে জান ? সরকারী উকিল বললেন—মৃত ননী পাল যার অপমান ক'রেছিল, সে আসামীব সৎ মা। মহীন সজোবে প্রতিবাদ করলে,—“যাব নয়—নয়—বলুন যাব। সে নয়, বলুন তিনি। সৎ-মা নয়—মা ! আমাব বড়মা।”

হেমাজিনী। দীপান্তর হয়ে গেল !

ইন্দ্র। দশ বৎসর ! শাস্তিব আদেশ হ'ল হেমাজিনী, মাথাটা আমার হেঁট হ'য়ে গেল। কিন্তু,—রামেশ্বরের ছেলের একগাছি চুলও কাঁপল না। নির্ভীক দৃষ্টিতে সে চেয়ে রইল ! আর আমি সেই যে মাথা হেঁট ক'রে বেরিয়ে এলাম, সে মাথা আজও তুলতে পারছি না ! দেখ, রামেশ্বরের দ্বিতীয়া স্ত্রী, শুনেছি দেবী প্রকৃতির মেয়ে,—সংসারের ভাল মন্দ কিছু বোঝে না !—সেইটেই ভয়ের কথা। আমার কথা তুমি তাকেই ব'লে এস। আবণ্ড ব'লবে, যোগেশকে যেন জবাব দেন। আর—

হেমাজিনী। আর কি বলব, বল ?

ইন্দ্র। আর বলবে—আমার জীবন থাকতে তাঁব বা তাঁর ছেলের অনিষ্ট আমি হ'তে দেব না !

হেমাজিনী। উমাকে সঙ্গে নিয়ে যাই !

ইন্দ্র। ষাও! (হেমাজিনী প্রস্থানোত্তত) হাঁ, আর একটা কথা—
বলবে ঐ চরটা থেকে যথেষ্ট আয় হবে ব'লে মনে হ'চ্ছে। চরটা ওঁদেরই
বোলআনা। হ্যাঁ, আমি স্বীকার করছি। আমাদের জাতিদের দাবী
অস্বাভাব্য! তাদের দাবীর মূল্যও কিছু নেই। আরও বলবে, চরটা যেন
এখন আর বন্দোবস্ত না করেন।—অন্ততঃ আমাকে জিজ্ঞাসা না ক'রে কিছু
যেন না করেন।

হেমাজিনী। আবার তুমি ওকথা বলছ কেন? ওটা তো ওঁদেরই
বোলআনা।

ইন্দ্র। (হাসিয়া) না, না! ভাগ আমি দাবী করছি না। বাকী চরটা
থেকে বিশেষ লাভ হবার সম্ভাবনা আছে, সেইটেই আমি জানাচ্ছি। চবের
কথা আমি কাগজে বিজ্ঞাপন দিয়েছিলাম। আমার বিজ্ঞাপনের উত্তরে এক
ভদ্রলোক আমায় পত্র লিখেছেন। অহীনের মাকে তুমি জিজ্ঞাসা করবে—বদি
তীর মত থাকে, তবে আমি সে ভদ্রলোককে আসবার জন্তে পত্র লিখব।

হেমাজিনী। বলব। (প্রস্থান)

ইন্দ্র। তারা—তারা মা! মিথিবা!

[মিথিরের প্রবেশ]

শোন মিথির, আজ থেকে—

মিথির। আজ্ঞে!

ইন্দ্র। আজ থেকে চক্রবর্তী বাড়ীর সঙ্গে শত্রুতার সম্বন্ধ আমি মুছে
দিলাম।

মিথির। এ তো হুখের কথাই হুজুর।

ইন্দ্র। শুধু শত্রুতা মুছে দেওয়াই নয় মিথির। চক্রবর্তী বাড়ীকে রক্ষা
ক'রতে হবে আমাকে। তুমি খুব দৃষ্টি রেখো মিথির,—যেমন দৃষ্টি রাখ
আমার সম্পত্তির ওপর।

মিথির। যে আজ্ঞে!

[অনন্তের প্রবেশ]

ইন্দ্র। এসেছে?

অনন্ত। এসেছেন!

ইন্দ্র। মিথির, যোগেশ মজুমদার এসেছে, আমিই ডাকতে পাঠিয়ে-
ছিলাম। ওকে পাঠিয়ে দাও এখানে।

[মিস্ত্রির ও অনন্তের প্রস্থান—একটু পরে যোগেশের প্রবেশ]

ইন্দ্র। (নেপথ্যে চাহিয়া) আরে এস, এস। মজুমদারমশায় এস!
যোগেশ। (নমস্কার করিয়া) আজ্ঞে বাবু, আশ্রয়হীন লোককে মহাশয়
বললে গলে দেওয়া হয়।

ইন্দ্র। বিষয় হ'লে আশয় হ'তে কতক্ষণ মজুমদারমশায়? একদিনে,
এক মুহূর্তে ভয়ে যায়! চক্রবর্তীদের সমস্ত বিষয় তো এখন তোমারই! জান
মজুমদার, আশ্রয়কাল বড় বড় লোকের মাথা বিক্রী হয়, যত্নর পর তাদের
মাথা নিয়ে দেখে—সাধারণ লোকের সঙ্গে তাদের মস্তিষ্কের কি তফাৎ!
আমি ভাবছি মজুমদার,—অবশ্য তোমার মাথা নয়—তোমার পঁজরার হাড়
খান তিনেক কিনে বাথল,—পাশা তৈরী ক'রব! রহস্য করলাম, রাগ ক'র
না! কিন্তু বাকী যেটুকু র'য়েছে, সেটুকুর কি ব্যবস্থা করবে বল দেখি?
আরে কথাই বল? লজ্জা কি? প্রভুর পতনে ভূত্যের উত্থান,—এতো
জগতে চিরদিন ঘটে আসছে!

যোগেশ। আজ্ঞে না বাবু! ওবাড়ীর সঙ্গে আর আমার কোন সম্বন্ধ নেই।

ইন্দ্র। মানে?

যোগেশ। আমার জবাব হ'য়ে গেছে।

ইন্দ্র। জবাব হ'য়ে গেছে? কে জবাব দিলে? রামেশ্বরের এখনও
এদিকে দৃষ্টি আছে নাকি?

যোগেশ। হঁ। মেয়েটি বেশ বুদ্ধিমতী বলেই তো বোধ হচ্ছে। না
হ'লে তুমি তো বাকীটুকু অবশিষ্ট রাখতে না। বাঘে খানিকটা খেয়ে,
খানিকটা ফেলেও যায়। কিন্তু সাপের তো সে উপায় নেই। গিলতে আরম্ভ
করলে, শেষ তাকে করতেই হবে। কিন্তু, কাজটা তোমার পক্ষে ভাল
হ'ল না যোগেশ!

যোগেশ। আজ্ঞে বাবু, মহীনবাবুর মামলাতে সম্বন্ধীর বেনামে টাকাও
তো আমি অনেক দিয়েছি।

ইন্দ্র। তা দিয়েছি। কিন্তু মামলায় বাজে খরচ করবার অজুহাত তার
অর্ধেকই তো তোমার ঘরে ঘুরে এসেছে হে। এখন শোন, তোমায়
যে জন্তে ডেকেছি!

যোগেশ। বলুন।

ইন্দ্র। চক্রবর্তীদের বাকী সম্পত্তির ওপর আর লোভ তুমি ক'র না!

ওগুলো রামেশ্বরের ছেলেদের থাকবে। জেনে রাখ, আজ থেকে ওদের রক্ষক হ'য়ে রইলাম আমি।

অচিন্ত্য। (নেপথ্যে) রায়মশাই! রায়মশাই! Very very good news and পাক! news my lord! (প্রবেশ) There hundred per cent,

ইন্দ্র। আচ্ছা তুমি তা'হলে এস যোগেশ! কথাটা যেন মনে থাকে।

[প্রণাম করিয়া যোগেশের প্রস্থান]

ওবে! অচিন্ত্যাবাবু জন্তে চা আর তামাক।

অচিন্ত্য। চা with আদার বগ and তেজপাতা।

ইন্দ্র। সে আর বলতে হয় না। সেজন্তেই—বললাম, অচিন্ত্যাবাবু জন্তে।

অচিন্ত্য। এখন serious talk, business-এব কথা,—ব্যবসায়ের কথা!

ইন্দ্র। আবার কি ব্যবসায় আরম্ভ করলেন?

অচিন্ত্য। খসখস।

ইন্দ্র। খসখস?

অচিন্ত্য। খসখস! খসখস! খসখস বোঝেন তো? পদা' হয়? জল দিলে চমৎকার গন্ধ ওঠে!

ইন্দ্র। বেনা খালের মূণ?

অচিন্ত্য। Right! চরের ওপব সাঁওতালরা, চাষীর বেনা ঘাস তুলে রা-নী-কু-ত ক'রে ফেলেছে। আমরা সেইগুলো নিয়ে চালান দেব no খবচা, সবই লাভ।

[অমল ও মুখার্জীর প্রবেশ]

ইন্দ্র। (দ্রাস্থ্যে) অমল? তুই হঠাৎ? আর—ইনি?

অমল। বড় মামা ওঁকে সঙ্গে দিয়ে আমাদের পাঠিয়ে দিলেন। উনি মিঃ বি. মুখার্জি—বড় একজন ব্যবসায়ী! অনেক দিন ব্যবসায় করছেন। চরের জমিটা দেখতে এসেছেন, স্তবধা হ'লে—এখানে একটি sugar mill করতে চান। মিঃ মুখার্জি! ইনিই আমার বাবা।

ইন্দ্র। নমস্কার! বহু—বহু!

মুখার্জি। নমস্কার! চমৎকার দেশ কিন্তু আপনাদের। Natural resource প্রচুর। বন র'য়েছে, গিরিমাটি র'য়েছে, মাটির তলায় কয়লা থাকার সম্ভাব নয়! ভূমির ও উপর'রাশক্তি যথেষ্ট। এখানে অনেক কিছু করা যেতে পারে।

ইন্দ্র। বেশ তো, আহ্নন এখানে আপনি, একটা থেকে পাঁচটা করুন।
দেশের উন্নতি হোক্।

অচিন্ত্য। কবে দেশের উন্নতি হয়? এই কথাটা আপনি বললেন?
শর্বনাশ হবে মশাই, দেশের সর্বনাশ হবে! রাজ্যের লোক এসে জুটবে এখানে;
হুলি—কামিন—গুণ্ডা—ডাকাত—বন্দ্যোয়—চোর—জোঁচোর— বাট্‌পাড়,
রোগ, কলেরা, বসন্ত, থাইসিস্—

[চা লইয়া চাকরের প্রবেশ]

চা এনেছে? (লইয়া চুমুক দিয়া) আঃ চমৎকার হয়েছে।

ইন্দ্র। অচিন্ত্যবাবু, আপনার সঙ্গে কথা পরে হবে, কেমন? তাহ'লে
মুখ্জোমশায়—আপনি এখন বিশ্রাম করুন। কাল সকালে চরটা দেখবেন।
ইতিমধ্যে আমি চরের মালিকদের সংবাদ দিই। চরটা ঠিক আমার নয়, আমার
এক ঘনিষ্ঠ আত্মীয়ের। এই গ্রামেবই চক্রবর্তীবাবু—তারাও ক্রমিদার,
ঠাদেরই।

অমল। জানেন বাবা, চক্রবর্তী বাড়ীর অহীন এবার B. A. তে খুব ভাল
কল করেছে! কাল পরীক্ষার কল বেবিয়েছে, University-তে সেকেন্ড
হয়েছে!

অচিন্ত্য। Brilliant boy—a brilliant boy. অহীন is a
brilliant boy! আমি আপনাকে বলেছিলাম, I know it—

ইন্দ্র। তুমি যাও অমল, এখনি অহীনকে খবর দিয়ে এসো।

অমল। আমি ওদের বাড়ী—

ইন্দ্র। হ্যা! উমা, তোমার মা ওঁদের বাড়ীর গেছেন। তুমি যাও।

[অমলের প্রস্থান]

অচিন্ত্য। আমিও চললাম। সমস্ত গ্রামে বলে আসি আমি। উঃ কি
যিচিহ্ন সংঘটন! অভূতপূর্ব মর্যাদা ঘটনা—হৃদয়-বিদায়ক সংবাদ—মহীনের
দীপান্তর! আর আনন্দ সংবাদ—গোরবের কথা—অহীন বিশ্ববিদ্যালয়ে দ্বিতীয়
স্থান অধিকার করেছে। অদ্ভুত! (সহসা) কিন্তু, ব্যাপারটা কি রায়মশাই!

ইন্দ্র। মিত্তির—মিত্তির!

[মিত্তিরের প্রবেশ]

ইনি কলকাতা থেকে এসেছেন। মন্তব্যাদার লোক। চক্রবর্তীদের চরটা
দেখবেন। পাশের ঘরে ওঁর থাকবার ব্যবস্থা করে দাও।

মুখার্জি। আমার সময় কিন্তু খুব কম রায়মশাই! আজই চরটা দেখা হ'লে কিন্তু ভাল হ'ত। কালই কাজ চুকে যেতে পারত।—অবশ্য if the land suits my purpose. চলুন না, এ বেলায়।

ইজ্ঞ। বেশ তাই হবে। মিত্তির, মুখুজ্যেমশাইকে চা জল-খাবার খাইয়ে চরটা ঘুমিয়ে নিয়ে এস।

[মিত্তির ও মুখার্জির প্রস্থান]

অচিন্ত্য। ব্যাপারটা কি বলুন তো মশাই? উমা, উমার মা, চক্রবর্তী বাড়ী গেছেন, অমলকে পাঠালেন!—চরটা বলছেন চক্রবর্তী বাড়ীর! কোথ' থেকে কোথায় চললেন আপনি?—বলবেন না, state secret, কেমন? আচ্ছা, না বলুন! (প্রস্থান)

তৃতীয় দৃশ্য

কালিন্দীর চর

[অহীন ও কমল। অহীন চারপায়ায় বসিয়াছিল, কমল ঘোড়হাতে মাটিতে বসিয়া কথা বলিতেছে]

কমল। আপুনি উহাকে বোল রাঙাবাবু। বজ্জাত কুরছে দুকানদারটো। খান লিছে আমাদের কাছে, হিসেব কুরছে না, লিব্যাধি দিচ্ছে না।

অহীন। কি বলছে?

কমল। বলছে? বলছে কত কি! উ আমরা বুঝতে লাগছি!

অহীন। (অল্প বিরক্তি) ওর কাছে খান নিলে কেন তোমরা?

কমল। এই দেখ, বাবু কি বলছে দেখ। হা বাবু, বোঁধার লোময়টাতে আমরা খাব কিগো। তা'থেই লিলম। আমার খান উঠলে দিলম, হুদও দিলম। তবে মাহুশটা বুলছে—শোধ যেছে নাই। কি বুলছে—ই-বছর উ-বছর—সি-বছর আমরা বুঝতে লাগছি।

[সারীর প্রবেশ]

সারী। ও বুড়ো, কথা ভুর কোথন শেষ হবে? কি গজর গজর কুরছিল গো। আমরা লাচ'ব, রাঙাবাবুর ছামুতে—হেঁ—।

কমল। এ দেখ্, বাবু এই মেয়েটা, সারীটো,—বজ্জাত কুরছে, ছুটু কুরছে। কথা শুনেছে না আমার। আপনি উয়াকে বল্, রাঙাবাবু, বজ্জাত কুরতে লাই ছুটু কুরতে লাই—

অহীন। (হাসিয়া) না না, সারী বড লক্ষ্মী মেয়ে! ইয়ারে সারী ভুই দুষ্টমি কবছিস নাকি।

সাবী। ইয়া কুবছে। কুরবে না কেনে। ও আমাকে অমন বলছে কেনে।

অহীন। ইাবে মাঝি কি বলেছিস্, সারীকে।

সাবী। (কমলের মুখ চাপিয়া) না, বলিস্, না। বলিস্, না।

কমল। (ছাড়াইয়া) না, আমি বলব, রাঙাবাবুকে বলব। তু ছুটু কুবছিস —বিয়া কবব না বলছিস্ ?

সাবী। ই বলছি। কুবব না বিয়া আমি। উয়াকে আমি বিয়া কুরব তল কেনে তু। (রাগ করিয়া চলিয়া গেল)

কমল। ওই দেখ্, বাবু! কি বলছে দেখ্। তু উহাকে বোল্।

অহীন। বব কি বাবাপ নাকি কমল ?

কমল। বাবাবে! এ ই মবদ। এ-ই ছাতি! এ-ই গায়ে বল্, আমাদের হুনে পাটিতে পারে।

অহীন। তবে ?

কমল। তাই তো বলছি গো! দেখ্, কেনে,—বুলছে কালো। মাঝি কালো হয় না, হা বাবু! তু উয়াকে বোল বাবু ?

অহীন। তোমাব কথা শুনেছে না, আমাব কথা শুনেবে কেন ?

কমল। উবে বাবারে! আপুনি বাঙাবাবু, বাঙাঠাকুরের লাতি—উরে বাবাবে—

[অমলের প্রবেশ]

অমল। অহীন ?

অহীন। অমল ?

অমল। কাল B. A. result বেরিয়েছে। You have stood 2nd in the University Congratulation! তোমাদের বাড়ী গিয়ে শুন্‌লাম, তুমি এখানে—আমি ছুটে এখানে এলাম।

অহীন। (আলিঙ্গন) You are an angel! দেবদূতের মত আশীর্বাদ নিয়ে এলে।

অমল। ইংলণ্ডের রাজা ও ফ্রান্সের রাজা, পরস্পরে যুদ্ধ ঘোষণা করলে ফলে দুটো দেশেব দেশবাসীরা পরস্পরের শত্রু হ'তে বাধ্য হ'ল।

অহীন। (হাসিয়া) You talk very nice !

অমল। You talk very nice, bright blade of a sharp sword ! কবির ভাষায় খাপখোলা বাকা—না, বাকা নয়, খাপ খোলা সোজা তলোয়ার ! তারপর এম. এ.তে কি নেবে ? [কমল ও মেয়েদেব প্রস্থান]

অহীন। এম-এ হয় তো পড়াই হবে না অমল।

অমল। কেন ?

অহীন। (দীর্ঘশ্বাস ফেলিয়া) ভাবছি Private-এ এম-এ দেব। এখন একটা মাষ্টারী দেখে নিতে হবে আমাকে।

অমল। সে কি ?

অহীন। তোমাকে বলতে বাধা নেই ! দাদার মকদ্দমায় আমাদের বহু টাকা খরচ হয়েছে। সম্পত্তিও নিলাম হয়ে গেছে। মা—চাকর, ঠাকুর কর্মচারী সব জবাব দিয়েছেন।

অমল। আমি যদি একটা প্রাইভেট টুইশনি যোগাড় করে দি ?

অহীন। তুমি কি উমাকে পড়াবাব কথা বলছ ?

অমল। তাই যদি বলি ?

অহীন। না, সে আমি পারব না !

অমল। তুমি উমাকে বোধ হয় দেখনি।

অহীন। দেখেছি। চমৎকান মেয়ে উমা ! আমাব খুব ভাল লেগেছে ! কিন্তু—না !

অমল। My God ! চর বন্দোবস্ত হলেই তো সব problem মিটে যাবে। যথেষ্ট টাকা পাবে তোমরা। বাবা বলেছিলেন চরটা তো তোমাদেরই বোলআনা।

অহীন। কে ? মামাবাবু তাই বলছিলেন !

অমল। ইয়া।

অহীন। চল ফেরা যাক্। অনেক দিন মামাকে প্রণাম করা হয় নি।

অমল। পাড়াও ! এক ভদ্রলোক চর দেখতে এসেছেন—তাকে আর মিত্তিরকে একবার দেখি। তুমি কমলকে একটু তাড়া দাও। (প্রস্থান)

[সারীর প্রবেশ। দূরে অচিন্ত্য ও যোগেশ]

অহীন। আরে। তুই কোথায় ছিলি এতক্ষণ ? রাগ করেছিলি শুনলাম ?

সারী। হ্যাঁ। উইথেনে বসেছিলাম।

অহীন। তোদের বুড়োকে ডাক তো।

সারী। না। তু কি বলিছিলি রাঙাবাবু—ওই বাবুটোকে ?

অহীন। কি বলছিলাম !

সারী। উয়ার বহিনটোকে তুই বিয়া করবি ? রায়বাবুর বিটিকে ?

অহীন। দূর। কে বললে। না—না ?

সারী। হেঁ। আমি শুনলম। না—না বাবু। উয়াকে তু বিয়া করিস্ না।

অহীন। দূর। ভাগ। কমল। কমল। (প্রস্থান)

[সারীও ধীরে ধীরে অন্তরিকে গেল। অচিন্ত্য ও যোগেশের প্রবেশ]

অচিন্ত্য। ওবে, বাপরে। বাপরে। এই ব্যাপারটাই আমি ধতে পারছিলাম না। My God। অহীন ছেলেটি যে হীবের টুকরো ছেলে। শুনলেন মশাই, এই মেয়েটা কি বলছিল অহীনকে। My God ! ওবে বাপরে, বাপরে।

যোগেশ। হুঁ। রায়মশাই চালবাজ বটেন। ভাল চাল চলেছেন। কিন্তু লজ্জার ঘাটে মুখ উনি ধোন্ নি। কি মুখে যাবেন—চক্রবর্তী বাড়ী।

অচিন্ত্য। আরে মশাই—এই মুখে যাবেন। Very clever ইন্দু রায়। Two birds with one stone। উঃ ! রামেশ্বরবাবুর প্রথম। জী—ইন্দু রায়ের সহোদরা। কুলের খুঁত তো ইন্দু রায়ের। ওই—ওই—ওই সেই মুখার্জী। দেখেছেন। একটি বস্তা টাকা সঙ্গে এনেছে মশাই। নিজের চোখে দেখেছি। With my own eyes।

যোগেশ। দাঁড়ান না, সমস্ত রায় গোষ্ঠীকে আমি এক করছি। যতই করুন ইন্দু রায়, আর রামেশ্বর চক্রবর্তী যতই পাগল হোন—ছোট রায়বাড়ীর মেয়ে উনি কখনও বাড়ীতে আনবেন না। আস্থন—

অচিন্ত্য। Yes, রামেশ্বরবাবুর কথা একেবারে ভুলে গিয়েছিলাম আমি। ঠিক বলেছেন—ইন্দু রায়ের আশা—আকাশ কুসুম। Case hopeless। রামেশ্বর চক্রবর্তী। একেবারে ভুলে গিয়েছিলাম। এ, অরণ শক্তিটা বড় কমে গেছে। ব্রাহ্মী শাক কয়েক দিন খেতে হবে দেখছি। (উভয়ের প্রস্থান)

[ইন্দু রায় ও মুখার্জীর প্রবেশ]

ইন্দু। আপনাকে মিথিয়ার সঙ্গে পাঠিয়ে মনে হ'ল অত্যাশ্চর্য করলাম। আপনি আমার অতিথি। তারপর, কেমন দেখলেন চর ?

মুখার্জী। চমৎকার জায়গা। আমার কাজেই পক্ষে খুব উপযুক্ত। কাজটা আমি আজ রাতেই সেরে ফেলতে চাই, রায়মশাই।

[অচিন্ত্য, যোগেশ ও শূলপাণির প্রবেশ]

অচিন্ত্য। আমার কথা বিশ্বাস না হয়, এর মুখে শুভুন। চিনির কল বসবে।

ইন্দ্র। কি ব্যাপার।

শূলপাণি। তুমি নাকি একলা চর বন্দোবস্ত করছ সকল শরিককে ফাঁকি দিয়ে। আমি গাঁজা থাই বলে কিছু বুঝি না না।—হু হু, বাবা কেমন ধরেছি।

অচিন্ত্য। Protested—এসব আমি বলি নি।

ইন্দ্র। না। আমি বন্দোবস্ত করছি না, আর শরিকেবাও ফাঁকি পড়ছেন না। চব বন্দোবস্ত কবেছেন রামেশ্বর চক্রবর্তী।

শূলপাণি। মানে!

ইন্দ্র। চর চক্রবর্তীদের!

শূলপাণি। চর চক্রবর্তীদের মানে!

অচিন্ত্য। যেতে দিন না মশাই ও কথা। কন্যাদায় ভীষণ দায়—ভাল পাত্র পাওয়া দুর্গট। তা মেয়েব বিয়ের জন্ত আপনাদেরই উচিত একটু ত্যাগ স্বীকার করা! ধরুন না, রায়চন্দ্রবেব কন্যাদায় উদ্ধারে—চরটা তার যৌতুক!

ইন্দ্র। অচিন্ত্যাবাবু, কি বলছেন আপনি?

শূলপাণি। আমরা সব বুঝি ইন্দ্র! সব বুঝি। সব খবর রাখি। রামেশ্বরের ছোট্টছেলেটার সঙ্গে তোমার মেয়ের বিয়ে দেবার ইচ্ছা—সেই জন্তে তুমি নির্লজ্জের মত আজ আবার চক্রবর্তীদের তোষামোদ কবছ!

অচিন্ত্য। কুলের খোঁটা তো রায়মশায়ের! মেয়ের বিয়ে নিয়ে বিপদ তো তাঁর। ভাবতে হবে বৈকি তাঁকে।

ইন্দ্র। (ক্রোধে) অচিন্ত্যাবাবু!

শূলপাণি। তুমি ভুল করছ ইন্দ্র! রামেশ্বর ষড়ই পাগল হোক, রাধারাগীর ওই কাণ্ডের পর, ছোটবাবুর বাড়ীর মেয়ে আর সে কখনো ঘরে ঢোকাবে না।

ইন্দ্র। ভগবান, রায়বংশের নাথায় তুমি বজ্রাঘাত কর! পচে খসে সে শুধু বিষ ছড়াচ্ছে! উঁচু গলা করে আপনার বংশের কন্যার মিথ্যা কলঙ্ক ঘোষণা করছে!

শূলপাণি। ভারী ভগবান দেখাচ্ছ হে! সত্যি কথা বলব তার আর ভগবান দেখানো কিসের?

ইন্দ্র। শূলপাণি, জিত তোর খসে যাবে। মিথ্যে—

শূলপাণি। মিথ্যে? বেশ তো যাও না রামেশ্বরের কাছে—বলনা আমার মেয়েকে নাও, সে কি বলে একবার সাহস থাকে তো। শুনে এস না দেখি! হু-হুঁম বাবা সে রামেশ্বরের চক্রবর্তী! ই্যা সে যদি নেয় তোমার মেয়ে—তবে বুঝব ছোট রায়বাড়ীর খোঁটা মিথ্যে।

ইন্দ্র। মিত্রি, তুমি মুখার্জী সায়েবকে নিয়ে এস। দলিল তৈরী কর। চর আজই বন্দোবস্ত হবে। শূলপাণি আমি রামেশ্বরের কাছে চললাম। নইলে আমার উমাকে—কালিন্দীর জলে বিসর্জন দেব আমি।

চতুর্থ দৃশ্য

চক্রবর্তী বাড়ীর দরদালান

অহীন এবং সুনীতি

[বাইরে স্বল্প মেঘগর্জন ও বিদ্যাহীনপ্তি]

অহীন। ই্যা মা, অমল আমার নিজে বললে। বললে, বাবা বলেছেন—চবটা চক্রবর্তীদেরই ষোলখানা। কলকাতা থেকে একজন মিলওয়ালা এসেছেন, বন্দোবস্ত নেবেন চাটা—চিনির কল তৈরী কবেন! বাগা করবার জন্তে ঠাকুরকে আজই ডেকে পাঠাও। তোমার বড় কষ্ট হচ্ছে।

সুনীতি। আমার মহীন, [দীর্ঘনিশ্বাস ফেলিলেন] হে ভগবান, আমার মহীনেকে তুমি রক্ষা কর; তাকে এ দীপান্তরের দুঃখ থেকে বাঁচিয়ে বেখো।

অহীন। ই্যা। দাদাই ও-বাড়ীর রায়মামাকে জয় কবেছেন। উনি বড় লজ্জা পেয়েছেন। ননী পালকে চর বন্দোবস্ত কবেছিলেন উনি।

সুনীতি। অদৃষ্ট—আমার অদৃষ্ট বাবা! ও'ব দোষ কি? তা'ছাড়া অহীন—

অহীন। কি মা? তুমি এমন শিউরে উঠলে কেন?

সুনীতি। ওরে আমার ঘেন মনে হয় দোষ কারুর কিছুই নেই, এই চবটার চক্রান্তেই সব ঘটছে। আমি কতদিন ছাদে দাঁড়িয়ে চরটাব দিকে চেয়ে

থাকি। এক একদিন ভরা ছুপুরে কি লক্ষ্যার মুখে হঠাৎ চকিতের মত মনে হয়—চরটা যেন ঘুরছে!

অহীন। ঘুরছে? চর কি কখনও ঘোরে মা!

স্বনীতি। ঘোরে। আমি যেন দাঁড়িয়ে আছি—আমাকে কেন্দ্র করে ঘোরে! তাই তো তোকে বলি, অহীন চবে তুই হাসনে।

অহীন। ও সব তোমার মনের কল্পনা মা। ও সব কিছু নয়।

স্বনীতি। না—তুই চবে আর হাসনে। চরটা যদি ষোল-আনা আমাদেরই স্বীকার করেন ও-বাড়ীর দাদা—তবে তাঁকেই আমি ভার দেব—তিনিই যা হয় করবেন। না তুই হাসনে।

অহীন। চরটা বড় ভাল লাগে মা! ভারী চমৎকার জায়গা। তুমি যদি যাও একদিন মুগ্ধ হয়ে যাবে। কত লতা, কত ফুল, কত পাখী, কত ফসল, সঁওতালদেব গান—বাঁশী, মেয়েদেব নাচ, ওখানে গেলে পৃথিবী তুলে যেতে হয়। সব চেয়ে ভাল লাগে কি জান, পাখীরা কালিন্দীর উপর পায়ের দাগে, চমৎকার আল্পনা এঁকে যায়। ওখানে গিয়ে আমি দেখি যেন সেই আদিম কালের সজ্জা জল থেকে ওঠা তরুণী পৃথিবীকে।

[বাহিবে আকাশে বিদ্যুৎদীপ্তি চমকিয়া উঠিল

এবং মেঘ গর্জন শোনা গেল।

স্বনীতি। একি! এ যে মেঘে অঁকার হয়ে এল।

[মানদার প্রবেশ]

মানদা। মা!

স্বনীতি। ওরে, জানালা সব বন্ধ কর মা, ঝড়ি আসবে।

মানদা। আগে তুমি নীচে এস মা। ছোট বায়বার্ডী গিন্নীমা এসেছেন আর তাঁর মেয়ে।

স্বনীতি। বলিস কি? কোথায়?

মানদা। নীচে দাঁড়িয়ে আছেন।

স্বনীতি। ছি—ছি—ছি! বসতে দিস নি। কি ভাণ্ড আমাব অহীন আর বাবা, সঙ্গে আস!

[সকলের প্রস্থান, রামেশ্বরের প্রবেশ]

রামেশ্বর। (জানালার ধারে গিয়া) বাঃ—বাঃ অপরূপ মেঘমালা তো! অপরূপ! দিকহস্তীর মত বিক্রমশালী ঘন কালো মেঘ। কোথায় চলেছে মেঘ—অলকাপুরী! পৃথিবীর শ্রেষ্ঠ কবি কালিদাস। (নমস্কার)

(আরতি) যাতং বংশে ভুবনবিদিতে পুষ্করাবন্তকানাং

জানামি স্বাম্ প্রকৃতি পুরুষং কামরূপং মধোনঃ ।

তেনার্থিত্বং স্বয়ি বিধিবশাং দূববন্ধুতোহহং,

যাজ্ঞামোষা বরমধিগুণে নাথমে লঙ্ককামা ॥

পৃথিবীর শ্রেষ্ঠ কবি কালিদাস— (নমস্কাব)

[আরতির মধ্যে প্রবেশ করিল উমা । সে আরতি শুনিল]

উমা । আপনি ও কোন্ কাব্যের শ্লোক আরতি কবছিলেন ? বড় সুন্দর তো !

বামেশ্বর । (বিস্ময়ে) মেঘদূত ! তুমি—তুমি—

উমা । মহাকবি কালিদাসের মেঘদূত । বর্ষাব মেঘ দেখে—

বামেশ্বর । (আনন্দে) মহাকবি কালিদাসের নাম তুমি জান ? পড়েছ তাঁর কাব্য ?

উমা । না । সংস্কৃত তো আমি জানি না । আমি বাংলা নিয়েছি । আপনি বিশ্বকবি ববীন্দ্রনাথের কাব্যত পড়েছেন ?

বামেশ্বর । বিশ্বকবি ববীন্দ্রনাথ ?

উমা । হ্যাঁ, বিশ্বকবি ববীন্দ্রনাথ ঠাকুর । নোবেল প্রাইজ পেয়েছেন কবিতার জন্য ! পৃথিবীর মধ্যে শ্রেষ্ঠ হয়েছে তাঁর কবিতা ! ববীন্দ্রনাথের খুব ভাল বর্ষাব কবিতা আছে ।

বামেশ্বর । তুমি জান ? আমায় শোনাত পার ?

উমা । (লজ্জিতভাবে) আপনাকে আমি ববীন্দ্রনাথের বই দিয়ে ধাব, প'ড়ে দেখবেন ।

বামেশ্বর । আমি তো চোখে ভাল দেখতে পাই না, চোখেই আমার অসুখ । আর—

[হাত দুটি দেখিলেন]

উমা । আমি ভাল জানি না !

বামেশ্বর । (আশ্চর্য হইয়া) যা জান শোনাও !

উমা । (লজ্জিতভাবে) কবিতাটির নাম—নববর্ষা ।

“হৃদয় আমার নাচে রে আজিকে—

ময়ূরের মত নাচে বে, হৃদয় নাচে বে !

শতবরণের ভাব উজ্জ্বল

কলাপের মত ক'বেছে বিকাশ—

আকুল পরাণ আকাশে চাহিয়া—

উল্লাসে করে যাচে রে।

হৃদয় আমার নাচে রে আজিকে

ময়ূরের মত নাচে রে।”

[হেমাজিনী ও সুনীতির প্রবেশ]

হেমাজিনী। ভাল আছেন চক্রবর্তীমশাই ?

রামেশ্বর। [স্বপ্নোথিতের মত] কে ! কে !

হেমাজিনী। (সুনীতিকে) পুরানো কথা বোধ হয় ওঁর ভুল হয়ে যায়—না।

রামেশ্বর। না, না, ভুলি নি—ভুলি নি ! আপনি রায়গিঙ্গী, রায়গিঙ্গী !

হেমাজিনী। প্রথমে আমাকে চিনতে পারেন নি।

রামেশ্বর। পেরেছিলাম ! কিন্তু ভাবছিলাম কি জানেন ! “স্বপ্নো হু, মায়া হু, মতিভ্রমে হু, কপ্তং হু তাবৎ ফলমেব পুণ্যঃ !” এ আমার স্বপ্ন, না মায়া মনের ভ্রম, কিংবা কোন পুণ্যফলের ক্ষণিক সৌভাগ্য, সেই কথাটা বুঝতে পেরেছিলাম না। আমার তো কোন পুণ্যফলই নেই—ভগবান আমাকে পরিত্যাগ করেছেন—

হেমাজিনী। না, না, এ কি বলছেন আপনি ? ভগবান পরিত্যাগ করলে কি সুনীতি আপনার ঘবে আসে ? না, অহীন-চাঁদের মত ছেলে ঘর আলো করে ?

রামেশ্বর। (অদ্ভুত হাসি হাসিয়া) সূর্য্যে গ্রহণ লেগেছে রায়গিঙ্গী, ভরসা এখন চাঁদেরই বটে !

সুনীতি। ওগো, অহীন আমার বিবিস্তালায়ে সেকেণ্ড হ'য়েছে—দ্বিতীয় হয়েছে !

হেমাজিনী। শিবের ললাটে চাঁদের ক্ষয় নেই চক্রবর্তীমশাই। এ আপনার অক্ষয় চাঁদ।

রামেশ্বর। মজল হোক আপনার। অমোঘ হোক আপনার আশীর্বাদ রায়গিঙ্গী !

হেমাজিনী। তুমি পিসেমশায়কে প্রণাম করেছ উমা ? নিশ্চয় কর নি।

রামেশ্বর। আপনার মেয়ে !

হেমাজিনী। হ্যাঁ।

রামেশ্বর। সাক্ষাৎ সরস্বতী। আহা-হা ! বড় সুন্দর কবিতা শোনালে “হৃদয় আমার নাচে রে আজিকে ময়ূরের মত নাচে রে !” বড় মধুর ! বড়

সুন্দর কবিতা। বড় সুন্দর। অপূর্ণ! বাংলা ভাষায় এমন কাব্য নচিত
হ'য়েছে! সে কবিকে আমি নমস্কার করছি। কিন্তু, আমার ভাগ্য—পৃথিবীতে
বঞ্চনাই আমার ভাগা! দৃষ্টিহীন—

[উমা বামেশ্বরকে প্রণাম কবিতাই]

না, না, না! আমাকে প্রণাম কবতে নেই মা, আমাকে প্রণাম কবতে নেই
আমাব হাতে—

হেমালিনী। না, না, না চক্রবর্তীমশাই।

বামেশ্বর। বড় ভাল মেয়ে আপনা? কি নাম বললেন।

উমা। উমা দেবী!

বামেশ্বর। উমা দেবী। ই্যা' তুমি উমাও বটে—দেবীও বটে। রাঙ্গগিন্নী,
অন্ধকারে বসে দিবহন্তীর মত ঘন কালো মেঘের দিকে চেয়ে—মেঘদত মনে
পড়ে গেল! এষটি শ্লোক আবৃত্তি কবলাম আপন মনেই। আপনাব মেয়ে
এলে ঘরে ঢুবেল। আমার মনে হল কি জানেন। মনে হল—চক্রবর্তী
বাড়ীর স্ত্রী বৃদ্ধি চিরদিনের মত পবিত্রাণ করে যাবার আগে আমাকে
একবার দেখা দিতে এসেছেন বড় চমৎকার মেয়ে আপনাব। লাক্ষ্মী উমা!
সেই উমাব মতই বিছা ওব পূর্বাভাবের সম্পত্তি মত আয়ত্ত হবে। শরতের
গজাকে যেমন আঁবাহন করতে হয় না, হ'ন্দমালা আপনাই এসে তার বুকে
শোভমান হয়, তেমনি ভাবেই বিছা প্রান্তর স্তম্ভালের মত আপনি আয়ত্ত
হবে। আহা, যে কবিতা ও আমায় শোনালে। অপূর্ণ।

হেমালিনী। কতদিন ভেবেছি, আসব—আপনাকে দেখে যাব। কিন্তু
পারি নি। আমবা ভেবেছি,—যাক—যখন মুছেই যেতে বসেছে, তখন মুছেই
যাক সব। কিন্তু সেও হল না! পাথরের দাগ ক্ষয় হ'য়ে মুছে যায়, কিন্তু
মনের দাগ কখনও মোছে না। আজ আব থাকতে পারলাম না। অপরাধ
যে আমাদের। এব জগে দায়ী যে উনি।

বামেশ্বর। কে! ইন্দ্র! (হাস্য) না, না, বায়গিন্নী। দায়ী নয়—হতু
ইন্দ্র! আমি সব খতিয়ে দেখিছি। (সহসা) চিত্রগুপ্তের হিসেবের খাতায়
মাঝে মাঝে আমি উঁকি মেয়ে দেখি কি না!

ইন্দ্র। (নেপথ্যে) বামেশ্বর।

বামেশ্বর। কে! কে! (চঞ্চল হইয়া উঠিয়া দাড়াইলেন।)

ইন্দ্র। আমি ইন্দ্র!

[ইন্দ্র রায়ের প্রবেশ কিছুক্ষণ পরস্পরকে দেখিলেন]

ইন্দ্র। রামেশ্বর। তুমি এমন হ'য়ে গেছ !

রামেশ্বর। কতদিন পরে তুমি এলে ইন্দ্র !

ইন্দ্র। পচিশ বৎসর ! পচিশ বৎসর পার হয়ে গেল। (গাঢ়স্বরে) পচিশ বৎসর পরে আজ তোমার কাছে আমি মার্জনা ভিক্ষা করতে এসেছি। শুধু মার্জনা নয়—বন্ধু ! আশ্রয় ! আমাদের কত্মার জন্ত তোমার আশ্রয় ভিক্ষা ক'বতে এসেছি ! তোমার অহান্নেব হাতে আমি আমাব উমাকে হুলে দিতে চাই।

রামেশ্বর। ইন্দ্র ! ইন্দ্র !

ইন্দ্র। আবারই বংশের জ্ঞাতিবা—রাধাবাগী নামে মিথ্যা দোষাবোপ ক'রে—ছোট রায়বাড়ীর কলক রটনা কবেছে—রামেশ্বর ! তারা আমাকে কি বললে জান ! বললে, "রামেশ্বর কখনও ছোট রায়বাড়ীর মেয়ে ঘবে আনবে না। বতই তোষামোদ কলক।" রামেশ্বর এ কলক মোচনের দাঙ্গিও তোমার।

রামেশ্বর। আমার ! ইয়া আমার ! কিন্তু ইন্দ্র—ইন্দ্র সে যে হয় না—

ইন্দ্র। আমি উঠলাম রামেশ্বর !

রামেশ্বর। আমার সন্তানের দেহে যে আমারই রক্ত ইন্দ্র, তোমাব মেয়ে শাপত্রী স্বর্গের মেয়ে উমা। আ—ছি—ছি—ছি !

ইন্দ্র। ছি ছি নয় রামেশ্বর, তোমার বোগ তোমার মনের ভ্রম ! আর এ আমার ইষ্টদেবীর আদেশ ! রামেশ্বর, কথাটায় বড় আঘাত পেয়েছিলাম তাই ! ভুলবার জন্তে, কারণ নিয়ে জপে বসলাম। দেখলাম, মায়ের আমাব প্রশ্ন মুখ ! রামেশ্বর, রামেশ্বর, এ আমার মায়ের আদেশ !

রামেশ্বর। মায়ের আদেশ ! ইষ্ট দেবীর আদেশ ইন্দ্র ! কিন্তু --কিন্তু—

ইন্দ্র। বল, আর কি কিন্তু হ'চ্ছে তোমার !

রামেশ্বর। সে—সে কি বলবে !

ইন্দ্র। কে ! কার কথা বলছ !

স্বনীতি। বলেছেন, তিনিও বলেছেন, হাসিমুখে বলেছেন ! এ বিয়ে না হ'লে যে তাঁর গতি হ'চ্ছে না ! তিনি শাস্তি পাচ্ছেন না।

ইন্দ্র। তুমি কুশপুতলা দাহ ক'রে রায়বংশের সঙ্গে সম্বন্ধ ত্যাগ ক'রেছ। লোকে মিথ্যা রাধুর নামে কলক রটনা করেছে ! তার জন্তে তার আত্মা আজও কঁদছে। তার গতি হচ্ছে না—সে শাস্তি পাচ্ছে না। তোমার ওপর

তার দারুণ অভিমান ! উমাকে ঘবে এনে বায়বংশের সঙ্গে সম্বন্ধ স্থাপন কব !
তাকে তুমি মুক্তি দাও ।

রামেশ্বর । তবে হোক—তাই হোক । ইন্দ্র ইষ্ট-দেবীর আদেশ পেয়েছে,
স্বনীতি তার অমুমতি পেয়েছে । তবে তাই হোক ! রাখাবাণী প্রসন্ন হোক—
তাকে মুক্তি দাও ! চক্রবর্তীবাড়ীর লক্ষ্মী আবাব ফিরে আসুক । শীথ বাজাও !
শীথ বাজাও, স্বনীতি শীথ বাজাও ।

তৃতীয় অঙ্ক/প্রথম দৃশ্য

কলের মালিক মিঃ মুখার্জীর বা লোর সম্মুখ

মিঃ মুখার্জী ও যোগেশ

[অচিন্ত্য কতকগুলি চিঠি সহি করাইতেছে]

মিঃ মুখার্জী । (চিঠিগুলি সহি শেষ করিয়া বলিলেন) অচিন্ত্যবাবু কলমেব
জোর আছে বটে । আমি দই করে রাস্তা হয়ে গেলাম, উনি লিখে ক্লান্ত
হলেন না ।

অচিন্ত্য । Thank you sir

মুখার্জী । আর একখানা চিঠি লিখতে হবে বাংলায় ।

অচিন্ত্য । (মাথা চুলকাইয়া) বাংলাতে আর !

মুখার্জী । হ্যা—বাংলাতে । আপনাদেব বায়বজুব তো ইংবিজী
বুঝবেন না !

অচিন্ত্য । আমাব যে শ্রাব বাংলা আসে না । I have the honour
to be sir, your most obedient servant—খ্যাস খ্যাস ক'বে লিখে
দিলাম । ওর বাংলা করতে হলে যে মহা মুশিল sir ! আমাব সম্মান আছে
মহাশয়—আপনার একান্ত অমুগত ভৃত্য—

মুখার্জী । ওখানে লিখবেন বিনীত—বুঝলেন—

অচিন্ত্য । Yes sir—That's it—yes sir—

মুখার্জী । লিখে দিন—মহাশয়ের সঙ্গে অসম্ভাবের আমার কোনরূপ
অভিপ্রায় নাই । কিন্তু একান্ত দুঃখের সঙ্গে জানাইতে বাধ্য হইতেছি যে
মহাশয়দেব পক্ষ হইতে আমাব নানা কার্যে অসুবিধা ঘটানো হইতেছে ।

এখানকার সাঁওতালরা আমার কলের কুলী। তাহাদের বেগার ধরিলে আমার কার্য বন্ধ হইতেছে! গত এক মাসের মধ্যে পাঁচদিন তাহাদের বেগার ধরিয়াছেন। চক্রবর্তীবাড়ীতে বিবাহের জন্ত দুই দিন, চক্রবর্তীবাড়ীর খাসের জমির ধানকাটার জন্ত তিন দিন—

অচিন্ত্য। সেগুলো, আর সাঁওতালরাই ভাগে করে ও ধান ওদেরই কাটতে হয়।

মুখার্জী। (মুখের দিকে চাহিয়া) সে সব কথা আপনার কাছে আমি শুনতে চাই না অচিন্ত্যাবাবু—আপনি এখানে চাকরি করেন, আমি যা বলছি তাই লিখে দেবেন আপনি—এই আমি প্রত্যাশা করি। বুঝেছেন?

অচিন্ত্য। Yes sir, I understand sir—

মুখার্জী। Good, এরপর লিখুন—ইহার পরে আমাকে বাধ্য হইয়া আপনার কাযে বাধ্য দিতে হইবে। ইতি বশংবদ—। এখন লিখে আনুন।

অচিন্ত্য। Yes sir. (চলিয়া যাইতে উত্তত হইল)

মুখার্জী। মজুমদার মহাশয়কে কয়েকটা কথা বলব, আপনাকে আমি—অচিন্ত্যাবাবু শুনুন। (অচিন্ত্য দাঁড়াইল) ওই কার্যে বাধ্য দিতে হইবে না লিখুন—কাণ্ডের প্রতিবাদ করিতে হইবে। বুঝেছেন! বান, জলদি লিখে আনুন। (অচিন্ত্য চলিয়া গেল) শুনুন মজুমদার মহাশয়, আপনাকে যখন আমি কলের ম্যানেজার করে বহাল করি, তখন রায়মশায় আমাকে বলেছিলেন—মনে হচ্ছে মুখার্জী সাহেব ভবিষ্যতে আপনি আমাদের সঙ্গে ঝগড়া করবেন। আপনি বোধ হয় কথাটা জানেন না!

মজুমদার। জানি।

মুখার্জী। জানেন? আচ্ছা! রায়মশায় চতুর লোক। আমি অবজ্ঞা ঝগড়া করতে চাই না কিন্তু ঝগড়া যে হবেই আমি জানতাম। পৃথিবীতে সর্বত্র ব্যবসায়ীদের সঙ্গে জমিদারের ঝগড়া হয়েছে—হচ্ছে। এখানে বড়লোকী করছে—আর আমাদের মাথায় পা দিয়ে চলতে চায় এরা।

মজুমদার। আমাকে কি বলছেন বলুন! আমাকে কি সন্দেহ করছেন?

মুখার্জী। না, সন্দেহ ঠিক করি না। তবে কতদূর যেতে পারবেন তাই জানতে চাই। পুরানো মনিব বলে কোন মমতা আছে আপনার?

মজুমদার। না।

মুখার্জী। ভাল। শূলপাণি, অচিন্ত্যাবাবু এঁদের কথা কি বলেন?

মজুমদার। শূলপাণি ঠিক আছে। গাঁজা খায়, কোন কাজেই পেছুবে

না, সে স্ব-ই হোক আর কু-ই হোক। অচিন্ত্যবাবু সাদালোক—ভীতু মানুষ—

মুখার্জী। ওর ওপরে নজর রাখবেন। এখন আপনাকে যা করতে হবে বলি শুনুন। আমার গোটা চরটি চাই। যে কোন উপায়ে চাই।

মজুমদার। সাঁওতালদের উঠিয়ে দেবেন !

মুখার্জী। উঠিয়ে দেব না, ওরা কলে খাটবে, কুলী ব্যারাকে থাকবে। শ্রীবাস দোকানী ওদের ধান খার দেয় বর্ষায়। তাকে আমিই বসিয়েছি সে কথা জানেন তবে এটা বোধ হয় জানেন না যে ধানের টাকাও ওকে আমি দিয়ে থাকি। তাকে বলেছি সাঁওতালেরা ধান নিয়ে, সাদা ডেমিতে টিপ ছাপ নেবে। সেই ডেমিতে কবলা করে নিন। ওদের জমি। অগ্রদিকে কলের নগদ দানন দিন প্রচুর। মানে জমি থেকে উচ্ছেদ হলেই যেন অগ্রত্ব জমির সম্বন্ধে চলে না যায়। বুঝেছেন ?

মজুমদার। বুঝেছি। কিন্তু—

মুখার্জী। কিন্তু কি ?

মজুমদার। ওরা কি বেশী টাকা দানন খাবে ? ওরা দাননকে বড় ভয় করে।

মুখার্জী। খাবে। খাওয়াতে হবে। আমি District Excise Superintendent-এর কাছে দরখাস্ত করেছি এখানে একটা পচাই মদের দোকানের জন্তে। শীগ্গির বসে যাচ্ছে সেটা। তা হ'লেই খাবে। মদ খাবার জন্তে দানন খাবে। আপনাকে আর একটি কাজ করতে হবে। জমিদার তরফের প্রত্যেক সংবাদটি বাখতে হবে।

মজুমদার। সে আমি রাখব। প্রতিটি খবর জানাব আমি। তবে অচিন্ত্যবাবু হলেন ওতে সব চেয়ে ভাল লোক। ওকে আপনাকে বলতে হবে না, উনি চীৎকার করে দেশবন্ধ লোককে জানিয়ে আপনার কাছে ছুটে আসবেন।

মুখার্জী। জানি সেই জন্তেই ওকে রেখেছি। তবে সাবধান হতে হবে যেন আমাদের কোন কথা জানতে না পারে, ওখানে গিয়ে চীৎকার করতে না পারে। কিন্তু আজ কল চালু হ'ল না কেন এখনও ? দেখুন তো ?

মজুমদার। দেখছি আমি—(প্রস্থান)

মুখার্জী। (হাতের ঘড়ি দেখিয়া) আটটা বাজে ! কি হ'ল ? (টুপি ও ছড়ি লইয়া বাহির হইয়া গেল অপর দিকে হইতে কমল ও অপর মাঝির প্রবেশ)

কমল। এই দেখ! এইখানে থাকে সেই মায়ের পো। গ্যাড্‌ ম্যাড্‌ করে, তিনটে বন্দুক আছে। এই কলকারখানা সব উয়ার কথায় চলে। হুই দেখ—হুই যি—লোহার চুড়াটা, ওই চুড়াটার ভিতর আগুন জলে—গুম গুম শব্দ উঠে, হুই আকাশে ঠেকছে হুই ইটার স্বড়ুউ দিয়া ধুঁয়া বেরয়—হুস্‌ হুস্‌ করে; রিঞ্জিটো চলে—ঘ্যাস্‌ ঘ্যাস্‌ করে! হাঁ!

মাক্সি। হেই বাবারে!

[শূলপাণির প্রবেশ]

মূল। এই যে, এই যে ব্যাটা মোড়ল মাক্সি।

কমল। কি বলছিস গো? গাল দিছিস কেনে?

শূল। দেবে না—গাল দেবে না? বেলা আটটা বাজে আজও কাজে গেলি না যে বড়? পরশু এলি না—তার আগের দিন আনিস্‌ নি। সে তো বুঝলাম রাঙাবাবুর বিয়া। আজ কি বটে?

কমল। সি তো খেটে এলম গো। আজ তো বিয়ার ভোজ বটে। খেতে যাব গো। রায়হুজুরের ঘর। হাঁ।

শূল। তোরা ভোজ খাবি আর আমাদের কল বন্ধ যাবে? সে সব হবে না। সায়েব রাগ করছে। চল কাজে চল।

কমল। উঁ—হঁ। আজ তো যাব না আমরা।

শূল। এই স্তাখ সায়েব খেপে যাবে।

কমল। তু খেপেছিস—সায়েবও খেপুক। হাঁ।

শূল। সায়েবের দাদন নিস নি তোরা?

কমল। দাদন নিলম তো কি হ'ল? মাথাটি কি বেচে দিলম—তবু সায়েব উটো কিনে লিলে নাকি? দেলা! দেলা!

[ত্রীবাসের প্রবেশ]

ত্রীবাস। অ্যাই। আমি খুঁজে সারা। আর তুই এখানে? খেলা লাগাচ্ছিস যে—যাবি কোথা?

কমল। রায়বাড়ীতে ভোজ খেতে গো।

ত্রীবাস। কাল খান নিয়ে যে বললি—আজ খাতাতে টিপছাপ দিবি—এলি না যে বড়?

কমল। তা দিব—ইয়ার পরে দিব।

ত্রীবাস। সে হবে না। বছর বছর খান নিচ্ছিস—পুরো শোধ করছিস না, বাকীর উপর বাকী জমছে—তার একটা আধার করে দিতে হবে তো।

কমল। দেড়া স্তম্ভ লিখিস—কি করে শোধ হবে গো? আমরা তো তুকে পিতি বছরই ধান দিচ্ছি। শোধ হচ্ছে না কেনে? তু শোধ লিখছিস না কেনে?

শ্রীবাস। বটে? খুব চালাক হয়েছিল। আচ্ছা আমি আর এক ছটাক ধান দোব না।

কমল। দিব গো, দিব টিপছাপ। কাল দিব। আজ আমরা ভোজ খেতে যেছি। কাল দিব। দেলা—দেলা। (সাঁওতাল দুইজনের প্রস্থান)

শূল। এ বেটাদের বোড়া জাতকে নিয়ে কি করি বল দেখি? সায়েবকে বললাম, চাপরাসী দিয়ে বেটাদের বেশ করে ঘা কতক দেন, তা সায়েব বলে—না।

[মুখার্জীর প্রবেশ]

মুখার্জী। কি করব রায়সাহেব—এটা তো আমার তোমার মত পৈত্রিক জমিদারী নয়। এটা বাবসা। বুঝেছ। শ্রীবাস—তুমি শিগ্গির টিপছাপ নেবার ব্যবস্থা কর। নইলে কল চালানো মুশ্কিল হবে।

শ্রীবাস। কিছুতেই ঘাড় পাতছে না হজুর। কাল বলেছিল আজ দেবে। আজ বললে কাল দেবে।

[নেপথ্যে সাঁওতাল মেয়েদের গান শোনা গেল।

মুখার্জী সেইদিকে চাহিয়া বলিলেন]

মুখার্জী। কি ব্যাপার শ্রীবাস? মেয়েগুলো এমনভাবে গান গাইতে গাইতে চললো কোথায়?

শ্রীবাস। আজ ওদের কি একটা পরব আছে হজুর।

শূল। রোয় পরব তার; আউস ধানের বীজ বুনবে। তাই পূজো দিতে চলেছে জহর সর্গায়—

মুখার্জী। জহর সর্গায়তো ওদের দেবস্থান—ওই গাছতলায়?

শ্রীবাস। হ্যাঁ হজুর!

মুখার্জী। আগে-আগে আসছে—ওটা কমল মাঝির নাতি না?

শূল। আজ্ঞে হ্যাঁ। ভারী বজ্জাং মেয়ে ওটা!

[মেয়েরা গাহিতে গাহিতে ঢুকিল, হাতে ডালায় ফুল ধান ইত্যাদি]

গান

ঠাকুরাহি সিরিজিলা ইনা শিরথিমা ছো
 ঠাকুরাহি সিরিজিলা গাইয়া যো ইয়ারে—
 পুরুবালি ডাহরালি গাইয়া যো ইয়ারে—
 পুরুবালি ডাহরালি গাইয়া যো ইয়া—

মুখার্জী। এই মাবিন—এই কমল মাবির নাতনী !

শূল। এই সারী—এই।

সারী। কি বুলছিস গো।

শ্রীবাস। সায়েব ডাকছে—সায়েব—

সারী। সায়েব মশয় কি বলছিন গো আপুনি ?

মুখার্জী। আজ তোদের পরব ?

সারী। ই গো। তাথেই তো—চললাম—গো জ্বর সর্গাতে।

মুখার্জী। আজ পরবে কি কি হবে তোদের ? এঁয়া। কি কি করেছিস ?

সারী। করলম তো, অনেক হবে গো। জেল, দাকা—হাণ্ডী। মরদগুলো
 খাবো, আমরা খাব—নাচব, গান করব আমোদ হবে।

মুখার্জী। তবে তো অনেক রে ? এঁয়া ? ভাত—মাংস—মদ। আচ্ছা
 এই নে বকশিস।

[একথানা দশ টাকার নোট দিল]

গেল টাকা। দশ টাকা।

সারী। গেল টাকা। এত গুলান টাকা দিলিন সাহেব ?

মুখার্জী। ইয়া। একটা খাসি কিনবি। মদ কিনবি।

শ্রীবাস। মাংসের যোগাড় ওরা করে নিয়েছে জুজুর। খরগোস মেরেছে
 একগাদা।

মুখার্জী। খরগোস !

সারী। ই গো। মারলম তো। তা—ই বাবুটো—(শূলপাণিকে লক্ষ্য
 করিয়া) বলে আমাকে দে ছুটো। ইটো খেলা বটে। রাঙাবাবুকে দিব ছুটো
 —আমরা খাব—

মুখার্জী। বেশ, আমাকে দে। রাঙাবাবু জন্তে যে ছুটো রেখেছিন—সে
 ছুটো আমাকে দিয়ে যান।

সারী। তুমাকে ? উহ—। রাঙাবাবুর জিনিস দিতে পারে ?
 ছেই বাবা।

মুখার্জী। বটে ? এতগুলো টাকা দিলাম আমি।

সারী। তবে লে ভূর গেল টাকা। ওই লে। ফিবে লে।

[ফেলিয়া দিয়া বলিল]

দেলা—দেলা—বোঁ। (তাহারা চলিয়া গেল)

মুখার্জী। এই সারী এই।

শূল। স্তার। স্তার।

মুখার্জী। শূলপাণি।

শূল। টাকাটা স্তার।

মুখার্জী। ওটা তুমি নাও। এক কাজ করতে পার ?

শূল। হকুম করুন sir—

মুখার্জী। শ্রীবাস—তুমি নিজের কাজে যাও। যাও। (শ্রীবাসের প্রস্থান)

মুখার্জী। ওই কমল মাঝির নাত্নী—ওই সাবী মেয়েটাকে—

শূল। এখনি ধরে আনছি স্তার চুলের মুঠো ধরে—

মুখার্জী। না—না। (ধমক দিয়া উঠিলেন)

শূল। আজ্ঞে ? (কিছু না বুঝিয়া প্রশ্ন করিল)

মুখার্জী। শোন। (কানে কানে বলিল)

শূল। (সবসভাবে বলিয়া উঠিল) Yes sir—

মুখার্জী। Shut up. (শূলপাণি চমকিয়া উঠিল) মুনিব গুলি করে শিকার পড়ে, কুকুর ছুটে গিয়ে মুখে ক রে তুলে আনে। দেখেছ ? ঠিক সেই ভাবে— ঠিক সেই ভাবে। (আবণ্ড কয়েকখানা নোট দিয়া) সাঁওতালদের আজ প্রচুব মদ দাও। প্রচুর।

[সিঁড়ি বাহিয়া বাংদোর বাগান্দায় উঠিয়া ভিতরে

চলিয়া গেলেন।]

দ্বিতীয় দৃশ্য

কাল সন্ধ্যা—রামেশ্বর আলিসায় ভর দিয়া দাঁড়াইয়া আছেন।

নীচে কোথাও রোসনচৌকি বাজিতেছে।

বামেশ্বর। (আত্মস্তি করিতেছেন) অথ সা পুনরেন বিহ্বলা বহুধালিজন-
ধনরস্তনী—

[স্তনীতি প্রবেশ করিয়া সম্মুখে দাঁড়াইলেন]

রামেশ্বর। (চমকিয়া) কে?

স্বনীতি। তুমি এখানে একলা কি করছ? আমি খুঁজে লারা হ'য়ে গেলাম।

রামেশ্বর। স্বনীতি, চিন্তা করতে করতে মাথার ভিতরটা কেমন করে উঠল। এক খোলা বারান্দায় এসে দাঁড়লাম। হঠাৎ জীলোকের কণ্ঠস্বরে রাজিকালটা যেন চিরে ফালি ফালি ক'রে দিলে।

স্বনীতি। জীলোকের চীৎকার?

রামেশ্বর। ই্যা। ম'নে হ'ল যেন ওই কালিন্দীর ওপার থেকে কে চীৎকার করলে।

স্বনীতি। চরে কোন সাঁওতাল মেয়ে চীৎকার ক'রে থাকবে। বুনো জাত—হয়তো তো স্বামী বা বাপ কি অস্ত্র কেউ ধ'রে মারছে।

রামেশ্বর। সে চীৎকার বুক কাটানো চীৎকার স্বনীতি। আমার হঠাৎ রতিবিলাপ মনে প'ড়ে গেল। ঋত্নের ললাটবহ্নিতে মদন পুড়ে চাই হ'য়ে গেলেন—রতি ধুলায় লুটিয়ে ধূলিধূসরিত হ'য়ে কান্ডাতে লাগলেন। ঠিক আমার তেমনি মনে হ'ল।

স্বনীতি। না। আজ শুভ দিন, অহীনের বিয়ের উৎসব এখনও শেষ হয় নি, তুমি ওসব মনে করো না!

রামেশ্বর। অদ্ভুত স্বনীতি, অদ্ভুত!

স্বনীতি। কি?

রামেশ্বর। মহাকবিদের কল্পনা। কালের গতিরোধ ক'রে অকালে হ'ল বসন্তোদয়, অখে রইলেন গৌরী—উমা, তবুও মহাকালের তপোভঙ্গ অভীষ্ট সিদ্ধ হ'ল। নিয়তি ছাড়লে না। মহাকালের ললাটে রোষবহ্নি জ্বলে উঠল। মদন ভস্ম হ'য়ে গেল।

ইন্দ্র। (নেপথ্যে) রামেশ্বর!

স্বনীতি। ও বাড়ীর দাদা আসছেন।

রামেশ্বর। আমি কি বলব তাকে? না—না—আমি চললাম স্বনীতি!

স্বনীতি। ছি, উনি কি ভাববেন।

রামেশ্বর। না—না!—ইহুকে আমি বলতে পারব না। পারব না। ওকে
বলো আমার শরীর অস্থি। (প্রস্থান)

সুনীতি। ওগো। ছি—ছি—ছি। ওগো—। (অহুসরণ)

[কথা বলিতে বলিতে ইন্দু রায় ও মিত্তিরের প্রবেশ]

মিত্তির। যোগেশ মজুমদার আপনার সঙ্গে দেখা করতে আমাদের সেখানে
গেছল। আপনি এ বাড়ীতে আছেন শুনে আমার সঙ্গে এসেছে।

ইন্দু। যোগেশ মজুমদার।

মিত্তির। আজ্ঞে। বোধহয় কলের ব্যাপার নিয়ে কলের মালিক
পাঠিয়েছে।

ইন্দু। ই্যা, যোগেশ যখন কলের ম্যানেজার—ঐ এক ভুল ক'রেছি।—
কলেব মালিকের মতিগতি ভাল নয়। আচ্ছা এইখানেই ডাক তাকে।

[মিত্তিরের প্রস্থান, যোগেশের প্রবেশ]

যোগেশ। আপনার শ্রীচরণ দর্শন করতে এলাম।

ইন্দু। শ্রী এখন বিগত যোগেশচন্দ্র—অবশিষ্ট এখন চরণ। স্তবরাং কথাটা
তোমার বিনয় বলেই ধ'রে নিলাম। এখন আসল বক্তব্য কি বল।

যোগেশ। মুখার্জী সায়েব একবার আপনার কাছেই পাঠালেন।

ইন্দু। বল।

যোগেশ। আজ্ঞে। আজ্ঞে, আমাকে যেন অপরাধী করবেন না।

ইন্দু। (হাসিয়া) অস্ত্রপ্রয়োগের পূর্বে এটি তোমার প্রাণামবাণ প্রয়োগ,
কেমন যোগেশ।

যোগেশ। আজ্ঞে হজুর, আমি চাকর।

ইন্দু। দূত চিরকালই অবধ্য। নির্ভয়ে তুমি মুখার্জীসাহেবের বক্তব্য ব্যক্ত
কর।

যোগেশ। উনি পত্রই লিখছিলেন আপনাকে। শেষে মত পাঠে
আমাকেই পাঠালেন। কথাটা চরের সাঁওতালদের নিয়ে। সাঁওতালদের যদি
আপনারা আটক করেন, তাহ'লে তাঁর কল কেমন ক'রে চলে, তা ছাড়া—

ইন্দু। তা ছাড়া?

যোগেশ। সাঁওতালরা এখন আর আপনাদের প্রবৃত্তি নয়।

ইন্দু। প্রজ্ঞা নয়? মানে?

যোগেশ। আপনার অধীনে সাঁওতালদের যে প্রজ্ঞাইদ্বয়, সে স্বয়ং
মুখার্জীসাহেব কিনেছেন।

ইন্দ্র। কিনেছেন ?

যোগেশ। আজ্ঞে হ্যাঁ। সাঁওতালদের কাছে ধান বাকীর পাওনায় রঙলাল চাষী ওদের কাছে গোপনে খৎ করে নিয়েছিল। বিক্রী কোঁবালা।—রঙলালের কাছে মুখার্জী সায়েবেরও অনেক টাকা পাওনা ছিল। সেই পাওনা বাবদ, রঙলালের কাছ থেকে কিনেছেন সায়েব। সাঁওতালরা এখন ব'সে আছে মুখার্জী সায়েবের প্রজাই স্বত্ত্বের জমির ওপর। তারা এখন মুখার্জী সায়েবের প্রজা।

ইন্দ্র। বটে ? আচ্ছা, তারপর ?

যোগেশ। আজ্ঞে, এর পরও যদি আপনারা—সাঁওতালদের আটক করেন, তাহলে কি করে চলে বলুন ?

ইন্দ্র। মিত্তির।

[মিত্তিরের প্রবেশ]

মিত্তির। আজ্ঞে ?

ইন্দ্র। চরের সাঁওতালদের কি আটক করা হয়েছে কোন কারণে ?

মিত্তির। আজ্ঞে না, আটক করতে যাবো কেন ? চরে জামাইবাবুদের যে খাস্ জমি আছে, সে জমি ওরাই ভাগে করে। সে জমির ধান এখনও পর্যন্ত কাটে নি। তাই, আজ কাটতে বাধ্য করা হয়েছে।

যোগেশ। যারা ভাগীদার নয়, তাদেরও আপনারা বেগার ধরেছেন খাসের জমির ধান কাটাবার জন্তে।

ইন্দ্র। হুঁ। তারপর মুখার্জী সায়েবের কি বক্তব্য ?

যোগেশ। আজ্ঞে, আমাদের কুলী আটক করে বেগার নিতে গেলে কি ক'রে চলবে বলুন ? তাছাড়া ভেবে দেখুন—বেগার প্রথাটাও হ'ল বে-আইনি।

ইন্দ্র। ও ! আইন ! আইনের কথাটা আমার স্মরণ ছিল না। তা আইনে কি আছে শুনি ?

যোগেশ। আজ্ঞে ?

ইন্দ্র। তোমার মুখার্জী সায়েবকে ব'লো—আমাদের বেগার ধরার অভ্যাস অনেক দিনের। কেউ ছাড়তে বললেই কি ছাড়া যায় ? বেগার আমরা চিরকালই ধ'রেছি ? যত দিন আমরা থাক'বো, ততদিন ধ'রবো—এই কথাটাই তোমার সায়েবকে জানিয়ে দিও।

যোগেশ। তাহ'লে এই গিয়ে বলবো ? কিন্তু ঝগড়া বিবাদটা না হ'লেই ভাল হ'ত বাবু ?

ইন্দ্র। জান তো যোগেশ, আগেকার কালে, এক রাজা অস্ত্র রাজার কাছে দূত পাঠাতেন ; সোনার শেকল—আর খোলা তলোয়ার নিয়ে আসত সে দূত। যেটা ছোক একটা নিতে হ'ত। তা—তোমার মুখার্জীসায়েরকে বোলো—আমি খোলা তলোয়ারখানাই নিলাম।

যোগেশ। তাহলে আমি যাই বাবু ?

ইন্দ্র। এস।

[যোগেশের প্রস্থান]

সুনলে সব ?

মিত্রির। আজ্ঞে ই্যা।

ইন্দ্র। কিন্তু, এ সন্ধানটা রাখ। আমাদের উচিত ছিল।

মিত্রিব। আজ্ঞে, শ্রীবাস্ যে সাঁওতালদের জমি কিনেছে, এটা আমি জানতাম। কিন্তু, তাতে আর কি বলব। কেনা-বেচায় আমাদেরই লাভ। খারিঙ্গ কি আসে। কিন্তু মুখার্জীসায়ের যে শ্রীবাসকে দেনা দিয়ে বেঁধেছেন, তা জানতে পারি নি।

ইন্দ্র। খাবিজ কিব লোভে আমরা ধর্মে অবহেলা ক'রেছি। ওইটেই আমাদের পাপ! যাক, এখন শোন, দু'তিন দিনের মধ্যেই যত শীগগির হয়—আমাদের ভাগের জমি দখল নাও। নইলে, চবে ঢোকবার পথ থাকবে না! আর, কালিন্দীর গর্ভে বাঁধ দিয়ে যে পাম্পটা বসিয়েছে মুখুজ্যে, সেটাও তুলে দাও। চর বন্দোবস্তের সঙ্গে নদীর কোন সংঘর্ষ নেই।

মিত্রির। হরিশ, নবীন, এদের রাতেই পাঠাচ্ছি লোকের জন্তে। কাল লোক আহুক, পরশু সকালেই আমবা দখল নেব জমি।

ইন্দ্র। সাবধান, যেন মাথা হেঁট ক'রে ফিরে আসতে না হয়। আর একটা কথা, দখল ক'রেই সঙ্গে সঙ্গেই লোক পাঠাবে সদরে। কোন মতে মুখুজ্যে যেন আগে ক্ষোভদারী মামলা দায়ের করতে না পারে।

মিত্রির। ওরা কিন্তু মোটরে ক'রে লোক পাঠাবে। মোটর লরী র'য়েছে কলে।

ইন্দ্র। মোটর লরী! মোটর লরী!—সদরে যাবার পথে, গাঁয়ের শেষে যে সাঁকোটা আছে মিত্রির—লরী যাতে যেতে না পারে তার ব্যবস্থা কর।

[উভয়ের উভয় দিকে প্রস্থান]

তৃতীয় দৃশ্য

চক্রবর্তীবাড়ীর সংলগ্ন বাগান

[অহীন বসিয়া আছে বই হাতে । একটি টেবিলের উপর আলো

জলিতেছে । সুনীতি ও মানদা আসিয়া দাঁড়াইল ।]

মানদা । এই দেখুন মা, আজকেব দিন কত সাধ আহ্লাদের দিন—এই দিনে দাদাবাবুর কাজ দেখুন । একখানা বই নিয়ে বসে আছেন । এলাম যদি তো মানুষের খেয়ালই নাই । কি যে ঐ কালির হিজিবিজির মধ্যে আছে—কে জানে বাপু !

[অহীন মুখ তুলিয়া চাহিয়া উঠিয়া দাঁড়াইল]

অহীন । মা ?

সুনীতি । ওঠ বাবা, আজ যে ফুলশয্যা ?

অহীন । বড় ভাল বই মা । পড়তে বসলে ছাড়া যায় না ।

সুনীতি । কি বই রে ?

মানদা । এই হল ! মা বেটায় এইবার আর এক গ্রন্থ বকবেন !
আচ্ছা । (গ্রন্থান)

অহীন । পৃথিবীর একজন শ্রেষ্ঠ মনীষীর লেখা মা । শাস্ত্রের মত মহৎ । জাতিতে তিনি জার্মান । পৃথিবীর এই যে ছোট বড় ভেদ, অসংখ্য কোটি লোকের দারিদ্র্য আর মুষ্টিমেয় ধনীর বিলাস—এই নিয়ে পৃথিবীর যে অশান্তি—দুঃখ এরই তিনি কারণ নির্ণয় করেছেন । নিবারণের পথ নির্দেশ করেছেন ।

সুনীতি । তবে সে উপায় কেন মানুষ নেয় না অহি ?

অহীন । একদল মানুষ তাতে বাধা দিচ্ছে মা । তারাই তো পৃথিবীতে সব চেয়ে শক্তিশালী দল এখন । ধনীর দল—রাজার দল, জমিদারের দল । ঐ চরটার দিকে তাকিয়ে দেখ না মা—সাঁওতালেরা বন কেটে করলে চাষ, চাষীরা গিয়ে ঝাঁপিয়ে পড়ল । শ্রীবাস ধান দানন দিয়ে তাদের জমি কিনে নিলে । শ্রীবাসকে টাকা ধার দিয়ে মুখ্জে সায়েব কিনছেন সমস্ত চর । শত শত মানুষকে বঞ্চিত করে একটা মানুষ হ'ল চরের মালিক ; কিন্তু এ সব মানুষের তো মুখার্জী সায়েবের সঙ্গে লড়াই করবার শক্তি নাই ।

সুনীতি । চর নিয়ে যে আবার বিরোধ বাধল বাবা !

অহীন। সেতো বাথবেই মা। এক দিকে জমিদার—অন্য দিকে মহাজন।
এ বিরোধ অবশ্যজাবী। কেউ তো পিছু হটবে না।

সুনীতি। কি হবে?

অহীন। কি হবে? জমিদারদের গায়েও আঁচড় লাগবে না, মহাজনের
গায়েও আঁচড় লাগবে না। বাগ্‌দী লাঠিয়ালের মাথা ভাঙবে, ভোজপুরী
দারোয়ান ঝুখম হবে, সাঁওতালেবা উৎসন্ন যাবে।

সুনীতি। না! ও চরে আমার কাজ নেই অহীন—ওটা তুই তোর স্বত্ত্বকে
বলে বিক্রি ক'রে দেওয়ার ব্যবস্থা কর। ও চরটা—ঘোরে, আমার বাড়ীকে
পাক দিয়ে ঘোরে। আমি স্পষ্ট দেখতে পাই। চক্রাকাবে ঘোরে—যেন
একটা চক্রাস্ত!

অহীন। ও তোমার মনেব ভুল মা।

রামেশ্বর। (নেপথ্যে) ওই কলওয়ালারটা মূণ্ডটা ছিঁড়ে আন! যায় না
ইন্দ্র? অথবা সর্ববক্ষার কাছে বলি!

সুনীতি। কি হ'ল! কি হ'ল! (প্রস্থান)

অহীন। বণিকের মানদণ্ড, পোহালে শৰ্ৎবী—দেখা দিবে রাজদণ্ড রূপে।

[মানদা ও উমার প্রবেশ]

মানদা। এই নাও, শিবের তপস্বে ভাঙাতে পার তো ভাঙাও। (মানদার
প্রস্থান)

অহীন। এই মানদা!

উমা। মানদা খুব বেঁচে গেছে। আবার আসে ও?

অহীন। কেন?

উমা। শিবের তপস্তা ভঙ্গ ক'রে মদন ভঙ্গ হয়েছিলেন, তোমার তপস্তা
ভঙ্গ করার জন্তে মানদা অন্ততঃ মাথায় একটা চাটীও তো খেতে পারত।

অহীন। উহঁ—একালে শিবেরা অর্থাৎ অহীন্দ্রেরা স্তম্ভরমত কলেভে
পড়েছে, কাব্য চর্চা করেছে, তপোভঙ্গ ক'রে উমাকে সম্মুখে আনার অপরাধে
মানদা চাটী খেতো না, রীতিমত পুরস্কার পেতো।

উমা। যাক, ভরসা পেলাম। মদন ভঙ্গের পর উমাকে লঙ্ঘিত হয়ে
ফিরে যেতে হয়েছিল। এ যুগের উমাকে সে লঙ্কা পেতে হবে না।

অহীন। তুমি আমার অবিচার করছ উমা।

উমা। অবিচার বৈ কি। সন্ধ্যা থেকে ফুলের গয়নায় সেজে বসে রইলাম,
আর তুমি বই পড়তে লাগলে। আমার ইচ্ছে করছিল এগুলো ছিঁড়ে ফেলে দি!

অহীন। (আলোটা নিভাইয়া দিল) বল তো, এইবার, চারখানা দেওয়ালের মধ্যে এমন মধুর হ'তে পারত আমাদের মিলন! দেখতো কেমন জ্যোৎস্না! কালিন্দীর ওপারের চরটার দিকে তাকিয়ে দেখ তো কি সুন্দর দেখাচ্ছে চরটা! এইখানে ব'ল।

উমা। আমাকে কিন্তু কাল চরে বড়াতে নিয়ে যেতে হবে।

অহীন। চলনা আজই যাই চুপি-চুপি!

উমা। উহ্—রাত্রে নয়, দিনের বেলা যাব, নইলে ভাল করে দেখা হবে না সেই মেয়েটাকে।

অহীন। কাকে! কোন মেয়েটাকে?

উমা। যে মেয়েটা আমাকে বিয়ে করতে তোমাকে বারণ করেছিল! তাকে দেখব আমি। ই্যা গা—সত্যি?

অহীন। আমার পুজারিগীদলের সে শ্রেষ্ঠা। তার নাম সারী। চঞ্চলা মূগুরা। সেদিন চরের উপর অমল বললে তোমায় পড়বার কথা। সে ভাবলে অমল আমাকে তোমায় বিয়ে করতে বলছে। বললে—না না—তুমি ওকে বিয়ে করো না। সেই তো হ'ল বিয়ের কথার সূত্রপাত?

উমা। মেয়েটা নিশ্চয় তোমাকে ভালবাসে। না?

অহীন। হয় তো বাসে? (হাসিল)

উমা। আর তুমি?

অহীন। আমি?

উমা। ই্যা তুমি? তুমিও বাস? (হাসিল)

অহীন। যদি বলি বাসি?

উমা। দূর—সায়ের কি কখনও সাঁওতালনীকে ভালবাসতে পারে?

অহীন। সারীকে আমি সত্যিই প্রেহ করি উমা। তার জীবনে কোন গুণের গন্ধ নেই, বর্বর, বড়, রঙ কালো, সে হল অপরাধিতা ফুল। সকল ফুলের কাছেই পরাজয় তার—তবু তার নাম অপরাধিতা।

উমা। আর আমি? আমি বুঝি শিমূল ফুল?

অহীন। না। তুমি ফুল নও, তুমি মালা। ফুলের নয়, মণিমুক্তারও নয়। সপ্তদশ বসন্তের একগাছি মালা। (তাহার হাত ছুঁখানি ধরিয়া নিজের গলায় জড়াইতে গিয়া) বাঃ এ গহনাটি তো চমৎকার। এ তো করুণ?

উমা। ই্যা।

অহীন। চমৎকার গড়ন ! এমন গড়ন আজকাল তো দেখা যায় না !
(অপর হাতখানি দেখিয়া) কই এ হাতে কই ? কহণ তো হু' হাতেই পরে ।

উমা। ও একটাই। আর একটা নেই। সেই জন্তে মা বলেছিলেন—
ও দিতে হবে না। দেবে তো জোড়া গড়িয়ে দাও। বাবা বললেন—না ?
জোড় গড়ালে জোড় হয় তো মিলবে—কিন্তু সে মিল তো সত্যিকারের মিল
হবে না।

অহীন। (উমার মুখের দিকে চাহিল) উমা তবে কি—তবে কি—

উমা। ই্যা।

অহীন। এই সেই কহণ আমার বড়মায়ের কহণ, চক্রবর্তীবাড়ী'ব
বধূবরণের মাহলিক আভরণ !

উমা। ই্যা। বাবা কুড়িয়ে পেয়েছিলেন চরে। বাবা বললেন—ও
একগাছিই থাক—যদি কোনদিন অদৃষ্ট প্রসন্ন হয়—ওর জোড় আপনিই ফিবে
আসবে।

অহীন। (উমার কহণশোভিত হাতখানি কপালে ঠেকাইল) হয় তো
পাওয়া যাবে—চরের আর এক প্রান্তে—কালিন্দীর পলিমাটির তলায়,
কালিন্দী তাকে লুকিয়ে রেখেছে। হয় তো সেদিন খুঁজে পাব পলিমাটির
বুকে আঁকা তার পায়ের ছাপ—ঘাসের লতা'ব জঙ্কলের আবরণের মধ্যে।

উমা। চুপ কব, ওসব কথা আজ থাক।

অহীন। থাকবে ? না। আজ তোমাকে ও আমাকে উপলক্ষ্য করে
কতকাল পরে রায়বাড়ীর চক্রবর্তীবাড়ী'ব মিলন হল—আজ বড়মায়ের কথাই
তো বড় কথা। জান কতদিন আমার মনে হয়েছে—ওই চরটার মধ্যেই খুঁজে
পাব বড়মায়ের সন্ধান ! আমি যে ওই চরটার দিকে ছুটে যাই—তার কাণে
শুধু এই। চরটা যেন টানে আমায়। মিথ্যে খোঁজা জানি, তবু ওখানে গিয়ে
খুঁজি মাহুষের পায়ের ছাপ। মা বলেন—তার মনে হয় চরটা যেন ঘোরে
—চক্রবর্তীবাড়ীকে পাক নিয়ে ঘোরে। মাহুষের মনের আবেগকে আশ্রয়
ক'রে এমনি করেই কত বিশ্বাস গড়ে ওঠে। হোক মিথ্যে—তবু তাকে
অস্বীকার করা যায় না। দাদা গেলেন বীপাস্তর ওই চরের জন্ত। ওই চরই
অনিবার্য করতে তোমায় আমার মিলন। নইলে—

উমা। নইলে ?

অহীন। থাক উমা ; সে কথা থাক।

উমা। না। নইলে বলে কি বলেছিলে বল ডুমি।

অহীন। হয় তো শুনে হালবে, অথবা অভিমান করবে।

উমা। তবু বল তুমি।

অহীন। নইলে আমার তো সংকল্প ছিল উমা—জীবনে আমি একাই থাকব। বিবাহ করব না।

উমা। কেন ?

অহীন। (হাসিয়া) এই দেখ, বোকা মেয়ের মত জিজ্ঞাসা করে দেখ। ভেবেছিলাম—বুদ্ধদেব, কিংবা চৈতন্যদেব, কি শঙ্করাচার্য্য মানে অহীন্দ্রদেব কি অহীন্দ্রাচার্য্য এমন কিছু একটা হব আর কি ! নিদেন এযুগের স্বভাষচন্দ্রের মত তারুণ্যের প্রতীক—যা বাংলা দেশের নশো নিরেনকুইটা ছেলে ভাবে।

উমা। (সে এবার হাসিল) হ্যাঁ। পথ দিয়ে চলে যাবে নবীন সন্ন্যাসী—ত্যাগী বীর—রাজপুত্রের ছ'পাশের দোতলা তেতলার জানালা খুলে যাবে। তারুণীদের চোখে ফুটে উঠবে মুগ্ধ বিস্ময়—বুকে জাগবে বেদনার আবেগ, মুখে তারা বলবে—হায় রে, কোন হতভাগী, তুই বেঁধে রাখতে পারলি না জীবনের সর্বস্বকে, প্রত্যাখ্যান করলি সাপের মাথার মণিকে—কাঁচের টুকরোর ঝলমলানিতে ভুলে। তোমরা এযুগের তারুণরা এমনি বটে। (চমকিয়া উঠিল) কে ? কে—ওখানে ? ওগো দেখেছ—ওই দেখ—(অহীনকে আঙ্গুল দিয়া দেখাইল)

অহীন। কে ? তাইতো ! কে ওখানে ? কে ?

[অগ্রসর হইয়া গেল]

অহীন। কে ? কমল ?

কমল। (ভগ্নস্বরে) রাডাবাবু ?

অহীন। কি—কমল ? এই রাত্রে এমনভাবে লুকিয়ে চোবের মত ?

কমল। রাবু ডাবা!

অহীন। তুমি কাদছ কমল ?

[কমল এবার অহীনের পায়ে লুটাইয়া পড়িল]

কমল। রাডাবাবু ! আমি দেশ ছেড়ে চলে যেছি গো ! আমার সর্বনাশ হ'ল গো !

অহীন। কমল ! ওঁই কমল ! কি হয়েছে বল ?

কমল। আমার সারী—আমার লাতিন—আমার সারী—রাডাবাবু গো—আমার সর্বনাশ হ'ল।

অহীন। সারী ? কমল, কি বলছ ? সারীর কি হল ? সারী মরেছে ?

কমল। বাবু গো। মলে যে আমি বুক ফাটায়ে কাঁদতাম—ঠাহুরকে ডাকতাম—তবু মনে মনে স্থখ হ'ত—ঠাহুর লিলে আমার সারীকে। ওই কলওয়াল—ওই চরের মালিকটো—রাধাবাবু গো আমার সারীকে—আমার লাভিনকে কেড়ে লিলে ?

অহীন। কলওয়াল সারীকে কেড়ে লিলে ?

কমল। হাঁ বাবু। রাত্তেব কালে তুলে লিয়ে গেল। মাঝিদিগ্গে টাকা দিলে, মদ দিলে, মাঝিরা বুললে—সারী লিজে গেল সায়েবের দোষটা কি ? সারী চাঁচালে না কেন ? ডগরুটো খেপে চলে গেল কুখা, আমি লাজে আঁধারে আঁধাবে পালিয়ে যেছি। তুমি রাডাবাবু—তুমাকে দেখলম বাগানেব ধাব থেকে—তাই এলম পেনাম করতে।

অহীন। ওঠ, চল থানায় ধাবে, চল আমাব সঙ্গে।

কমল। না। তা লারব। ছি। তা লারব। উবা বুলবে—সারী গেল লিজে গয়নার লেগে—ছি। তা লারব।

অহীন। কমল তা হলে তীর ধনুক—টাজি নিয়ে চল—ডগরুকে ডাক, আমি তোদেব সঙ্গে ধাব। উমা উপরের ঘর থেকে বন্দুকটা আন তো। আন তো বন্দুকটা।

উমা। কি বলছ তুমি ? না।

কমল। না রাডাবাবু, না। তু পারবি না, আমি পারব না, ডগরু পারবে না। উ সায়েবটো—তু জানিস না রাডাবাবু—তু জানিস না রাডাবাবু—তু জানিস না—উ একটো দানো বটে—উ একটো দস্তি বটে।

অহীন। তবে বেরিয়ে যা—বেরিয়ে যা—আমার সম্মুখ থেকে তুই বেরিয়ে যা। কাপুরুষ কোথাকার—কেন তুই কাঁদতে এসেছিস আমার সামনে ? যা—যা—তুই চলে যা—

কমল। (সভয়ে) যাচ্ছি বাবু আমি যাচ্ছি, চলে যাচ্ছি আমি। দুকানদারটো মিছে দেনার দায়ে জমি লিখে লিলে, সায়েব সারীকে লিলে, মাঝিরা পতিত করলে—আমি চলে যাচ্ছি। আমি চলে যাচ্ছি। (প্রস্থান)

[অহীন স্থির হইয়া রহিল]

উমা। ওগো। তুমি এমন করে চেয়ে থেকো না। বস তুমি বস।

অহীন। আমার মনে হচ্ছে উমা—আমার রক্তের মধ্যে, আমার সর্বাঙ্গে ঘেন আগুন জ্বলছে। রক্তে ঘেন আমার আগুন ধবে গেছে। উঃ—উঃ !

উমা। বস তুমি—আমি তোমায় বাতাস করি।

অহীন। বাতাসে এ আগুন নেভে না উমা। বাতাসে নেভে না—ভলে
নেভে না—উঃ।

উমা। মা—মা। (অগ্রসর হইল)

অহীন। (তাহাকে ধরিয়া বাধা দিল) না। মাকে ডেকো না। তুমি
উপর থেকে বন্দুকটা ফেলে দাও জানালা দিয়ে। আমি ওই কলওয়ালাগুলোকে
গুলি করে মারব।

উমা। না—না। ওগো। না।

অহীন। আমারই তুল। বন্দুক তো নেই। দাদা ননীপালকে গুলি
করে মেরেছিলেন, পুলিশ বন্দুক সিজ্ করে নিয়ে গেছে। বন্দুক তো নেই।
(বসিল)

উমা। তুমি শান্ত হও। স্থির হও। জল আনব ?

অহীন। না। উমা, আমি ক্ষমা করতে পারব না। ভগবানের দূত
বারবার এসে বলে গেল ক্ষমা করতে মানুষকে, ভালবাসতে মানুষকে।
তাদের নমস্কার করে বলছি—মানতে পারব না তোমাদের কথা। যারা
মানুষ হয়ে মানুষের সর্বনাশ করলে, অসহনীয় অত্যাচার করলে তাদের
ক্ষমা করতে আমি পারব না।

উমা। কি করবে ? এ অত্যাচার—এ অবিচার—

অহীন। এর পথ রোধ করে আমি দাঁড়াব। উমা আমি পথ পেয়েছি।
এই মুহূর্তে আমায় যেতে হবে—

উমা। কোথায় ?

অহীন। ফিরিয়ে আনতে হবে কমলকে—খুঁজে আনতে হবে ভগ্নকে
—তারপর ডাক দেব ওই মাঝিদের। ওই মুঢ় মুক ভীক্ মানুষদের জাগিয়ে
তুলতে হবে। মুখে ফোটাতে হবে প্রতিবাদের ভাষা, চোখে ফোটাতে হবে
বুকের আগুন। আমি যাব।

উমা। সে কি ?

অহীন। ই্যা তাই। উমা তোমায় আমি বাঁচানি। বলতে বলতে
গোপন করেছি। আমি কিছু আগে বিপ্লবীদলে যোগ দিয়েছিলাম, তারপর
—(স্নান হাসিয়া) তোমায় বিবাহ করলাম—ভাবলাম, ছেড়ে দেব সব
সংশয়। কিন্তু না—কমল বলে গেল—ওপারের চর হতে সারীর বুকের
বেদনা আমায় বলছে রাঙাবাবু—রাঙাবাবু কি হবে—আমাদের কি হবে ?
আমায় যেতে হবে উমা—আমায় যেতে হবে। তুমি আমাকে বিদায় দাও।

[উমা শুক্ক হইয়া দাঁড়াইয়া রহিল]

তুমি বিংশ শতাব্দীর মেয়ে উমা।

উমা। যাও, তবে তুমি যাও। বাধা দেব না আমি। (প্রণাম করিল)

অহীন। দুঃখকে জয় কবো। তোমার অশ্রুব মৃত্যায় মৃত্যায় আমাব জয়মালা রচিত হোক, তোমার প্রেমের প্রদীপ আমার অন্ধকার পথ আলো করুক! আমি ঘাই। (অগ্রসর হইল)

উমা। না।

অহীন। উমা। (ফিরিল)

উমা। ওগো বাধা দিতে আমি চাই না। কিন্তু—

অহীন। তবু কিন্তু কি উমা!

উমা। আজ যে আমাদের ফুলশয্যা গো। শুভবা্ত্রি—জীবনের শ্রেষ্ঠ কামনার লগ্ন—

[সে বৃকে আসিয়া মাথা বাখিল]

অহীন। ও। আজ ফুলশয্যা, শুভবা্ত্রি। ইয়া, সন্ধ্যায় আজ নহবতে বাণী বেজেছিল। তার বেশ যেন এখনও বাজছে। (উমার মাথাটি বৃকে চাপিয়া ধরিল) তোমাব অপ্রভবা ফুলেব আভবণ থেকে মদিব গন্ধ উঠছে! আজ আমাদের ফুলশয্যা। শুভবা্ত্রি।

উমা। আজ যেয়ো না তুমি। আজ বাত্রিটি থাক। ওগো—

[কয়েক মূহূর্ত্ত শুক্ক থাকিবাব পর]

অহীন। রাত্রি যে শেষ হয়ে এল উমা। এইবার আমায় বিদায় দাও। ওই দেখ আকাশেব অগ্নিকোণে ধনুক ধনুক করে জ্বলতে জ্বলতে উঠে আসছে শুকতাবা। দেপ উমা! আমায় বিদায় দাও। আমার যাত্রার লগ্ন বয়ে যাচ্ছে।

[উমা তাহাকে ছাড়িয়া সবিন্যা দাড়াইল অহীন অগ্রসর হইল]

উমা। আর একটা কথা বলে যাও—কি বলব আমি—

[অহীন ঘুবিয়া দাঁড়াইল]

বলে যাও এই সকালে তোমার মা যখন আমায় জিজ্ঞাসা করবেন, আমার মা, আমাব বাবা, আমায় জিজ্ঞাসা করবেন, কুটুম্ব আত্মীয় যখন প্রশ্নভরা দৃষ্টিতে আমার দিকে চাইবে—কি বলব আমি?

অহীন। বলে—। না, আমার সকল কথা গোপন রাখতে হবে উমা। কাউকে বলে না?

উমা। কিন্তু কি বলব ?

অহীন। বলবে ? উমা, বলবে—তোমার সঙ্গে ঝগড়া করে, বলবে তোমার উপর অভিমান ক'রে—রাগ ক'রে আমি দেশত্যাগী হয়েছি।

উমা। আমার উপর অভিমান ক'রে, আমার উপর রাগ ক'রে সে দেশত্যাগী হয়েছে। উঃ—এ মুখ আমি দেখাব কেমন করে ?

[সে বসিবার আসনে লুটাইয়া পড়িল]

চতুর্থ অঙ্ক/প্রথম দৃশ্য

মুখাজীর বা-লোর বারান্দা।

[উত্তেজিত মুখাজী পায়চারী করিতেছেন। অচিন্ত্য শঙ্কিত

মুখে দাঁড়াইয়া আছেন]

মুখাজী। A Curse! A damnable curse—this labour movement। Professional loafer-এর দল, কু'লদের ক্ষেপিয়ে কিছু উপার্জন করতে চায়!

অচিন্ত্য। আজে না sir, loafer নয়, অহীন্দ্র এদের leader—

মুখাজী। Shut up you buffoon! Loafer নয়? What is অহীন্দ্র? সর্বস্বান্ত জমিদার—তার ছেলে, loafer নয় তো কি? এদের আব আছে কি? আনার সঙ্গে মামলা করবে? They have already been ruined! মামলার রায় বেরুবার অপেক্ষা।

অচিন্ত্য। No sir, তা হলেও অহীন্দ্র loafer নয়। He is a brilliant boy with a big heart। He has stood—

মুখাজী। Will you stop? তুমি জান এদের demand কি? Did you ask your brilliant boy?

অচিন্ত্য। Yes sir.

মুখাজী। কি চায়?

অচিন্ত্য। সাঁওতালদের জমি ফিরিয়ে দিতে হবে।

মুখাজী। সাঁওতালদের জমি ফিরিয়ে দিতে হবে?

অচিন্ত্য। আজে ইয়া।

মুখার্জী। তার পর ?

অচিন্ত্য। তারপর Sir, সেটা বড় লজ্জার কথা—অত্যন্ত লজ্জার কথা—যদিও আমি আপনার চাকরি করি—তবু বলতে বাধ্য হচ্ছি—অত্যন্ত লজ্জার কথা।

মুখার্জী। লজ্জার কথা ? What's that ? I see ; মাদী মেয়েটার কথা ?

অচিন্ত্য। ঠাণ্ডে হ্যা।

মুখার্জী। I see. তারপর ? অন্য সাঁওতালেরা—কুলীরা ? তারা কি চায় ?

অচিন্ত্য। ওরে বাগরে ! তাদের দাবীর আর অন্ত নেই স্তার ! অনেক। ইয়া লদা ফিরিস্তি।

মুখার্জী। তুমি যাও, ওদের বলে এস, ওই সব কলকাতার বাবুদের কথায় ভুলে ওদের সর্বনাশ হবে !

অচিন্ত্য। ওরা মানবে না স্তাব।

মুখার্জী। মানবে না ?

অচিন্ত্য। না স্তার। ওবা ক্ষেপেছে। সেই ভীষণদর্শন কমলমাক্সি ফিরে এসেছে—

মুখার্জী। কমল মাক্সি— ?

অচিন্ত্য। হ্যা স্তার। শুধু সেই নয়, সেই ডগরু, অজগব মেরেছিল, সাবীর সঙ্গে বিয়ের কথা হয়েছিল, সে এসেছে—

মুখার্জী। বিচিত্র দোগাযো—কে কেবালে এদের ? অহীন্দ্র, না ! সে ফিরেছে কাল সন্ধ্যায়, আজ সকালে তুমি যাব দিচ্ছ এরা ফিরেছে।

অচিন্ত্য। তা জানি না স্তার, তবে অহীন্দ্রই ওদের লীডার !

মুখার্জী। তুমি থানায় যাও এক্ষুনি—

অচিন্ত্য। তার চেয়ে স্তার মিটমাট করে ফেলুন।

মুখার্জী। কি ?

অচিন্ত্য। মিটমাট করুন স্তার। অহীন্দ্র ভয়ানক তেজস্বী—He is a brilliant boy—He is honest. সে কখনও অত্মায় করে না—

[যোগেশের প্রবেশ]

যোগেশ। সমস্ত মাগলায় জমিদার হেরেছে ! আমরা জিতেছি হজুর। রায় হয়ে গেছে। আমার দু'হাজার টাকা খরচার ডিক্রীও পেয়েছি !

মুখার্জী। Good! আমি এ জানতাম মজুমদার!

যোগেশ। কিন্তু এসব কিস্তার? মিল বন্ধ—কুলিরা চোঁচাচ্ছে—

মুখার্জী। বলছি তার আগে এই লোকটাকে, এই Buffoon-টাকে সমস্ত মাইনে মিটিয়ে Mill area থেকে দূর করে দিন।

অচিন্ত্য। আঃ বাঁচলাম আর বাঁচলাম! May you live long, sir—দীর্ঘজীবী হোন আপনি। That great soul—brilliant boy—অহীন্দ্র—তার বিরুদ্ধাচরণ করতে হ'ত! তা থেকে আমি বাঁচলাম: চলুন যোগেশবাবু।

মুখার্জী। একটি পয়সা মাইনে ওকে দেবেন না মজুমদার। ওকে শুধু ঘাড় ধরে বের করে দিন। (প্রস্থান)

অচিন্ত্য। ভগবান আপনার বিচার করুন আর। আমি তাতেও কিছু বলব না।

মজুমদার। আপনি চর থেকে চলে যান অচিন্ত্যবাবু—এক্ষুনি এট মুহূর্তে।

[আঙ্গুল দেখাইলেন—অচিন্ত্যবাবু পিছন পিছন প্রস্থান করিলেন]

দ্বিতীয় দৃশ্য

চর

[সারী বসিয়া গান গাহিতেছে—সে যেন কাঁদিতেছে।

অহীন প্রবেশ করিয়া থমকিয়া দাঁড়াইল। চোখে তার জ্বলন্ত দৃষ্টি

ফুটিয়া উঠিল। সারী গাহিতে গাহিতে ফিরিয়া চাহিল

এবং শঙ্কায় অর্ধপথেই প্রায় গান বন্ধ করিয়া

সভয়ে তাহার দিকে চাহিয়া গেল।]

অহীন। মরতে পারিস নি? আজও বেঁচে আছিস?

সারী। (সকাতরে) রাজাবাবু, রাজাবাবু গো!

অহীন। তোরাও ছলনা করতে জানিস? চোখ পর্যন্ত ছল ছল করছে তোরা? নির্লজ্জ বেহায়া মেয়ে, মরে যা—মরে যা আমার স্মৃথ থেকে!

সারী। ওগো রাজাবাবু—বুড়ো আমাকে ফেলে চলা গেলে গো!

অহীন। যাবে না? তুই কলওয়ালার বাংলায় থাকিস! তার দেওয়া দামী কাপড় তোর পরনে। সে কেমন ক'রে লইবে এ অপমান?

সারী। আমি কি করব? আমাকে ধরে নিয়ে গেলো। মাঝিরা মদ খেয়ে পড়ে রইল। ঘরের ভিতর আমার বৃকের কাছে—বন্দুকটো ধরলে। আমি কাঁদলাম। ডাকলাম। কেউ এলি না তুয়া। আমি কি করব?

অহীন। তুই মরলিনে কেন? গলায় দড়ি দিলিনে কেন? বিষ খেলিনে কেন? তুই কলওয়ালার বৃকে ছুরি বসিয়ে দিলি না কেন?

সারী। ভয় লাগে, ডর করে, ওগো—বাবু—মরতে লারলাম, ভয় লাগল। দি নোকটা বাবু—আমাকে কাঁড়ার চাবুকে ক'রে মারে, বন্দুকটো পাশে লিয়ে ঘুমায়—আমি লারলাম বাবু!

[অহীন মাথা হেঁট করিয়া রহিল]

অহীন। বণিকের মানদণ্ড পোহালে শব্দরী, দেখা দিল রাজদণ্ডরূপে!

সারী। (এবার তাহার পায়ে পড়িল) রাঙাবাবু—আমাকে ইখান থেকে লিয়ে চল গো আপুনি। আপনাব বউয়ের ঝি হব গো আমি! রাঙাবাবু।

[অহীন তাহার হাত ধরিয়া তুলিল]

অহীন। ঠঠ! তোর দোষ নাই। দোষ আমাদের, কমলের দোষ—আমায়—! (হঠাৎ সে চমকিয়া উঠিল—সারীর হাতে সেই কঙ্কণের জোড় দেখিয়া) এ কি? (ভাল করিয়া দেখিয়া) এ কি? এ তুই পেলি কোথায়? সারী? এ কাঁকন তুই কোথায় পেলি? সারী?

সারী। আমি চুরি করি নাই রাঙাবাবু। ইটা তোদের? তবো আপুনি লে।

অহীন। (দেখিয়া) কোথায় পেলি? এ কাঁকন তুই কোথায় পেলি?

সারী। আমি চুরি করি নাই রাঙাবাবু—কুড়িয়ে পেলম—।

অহীন। কোথায়? কোথায় কুড়িয়ে পেলি?

সারী। লদীর ডাঙনের ভিতর পেলম, মাটির ভিতর ঝিকিমিকি করছিল—মাটি খুঁড়লম আমি—।

অহীন। মাটির ভিতর ঝিকিমিকি করছিল—তুই বের করেছিস।

সারী। ই্যা। মরতে গিয়েছিলম রাঙাবাবু! কালিন্দী বান এল; ডুবে গেলম মরতে। উঁচু পাছাড়ের উপর দাঁড়ালম, ঝাঁপ খেতে যেয়ে দেখলম—

এইটো ঝিকিমিকি করছে, মাটি খুঁড়ে হাতে পরলম। রাঙাবাবু—এই গয়নাটা পরবার সাধে মরতে আর মন লিলে না।

অহীন। মরিস নি তুই, ভালই করেছিস—। কিন্তু—কিন্তু—

সারী। ইটা তুদের বাবু—তুরা লে!

অহীন। এর বদলে তোকে আমি দু'হাতে গয়না গড়িয়ে দেব সারী!

[মুখার্জীর প্রবেশ]

মুখার্জী। My God! এ কি? অহীনবাবু? সারী! I see নির্জন নদীপ্রান্তে সারী এবং সারীর রাঙাবাবু! খাটি কাব্য!

সারী। (সভয়ে শিহরিয়া উঠিল) রাঙাবাবু!

অহীন। ভয় নেই সারী, তোর কোন ভয় নেই! মিষ্টার মুখার্জী—একে আমি আমার বাড়ী নিয়ে যাচ্ছি।

মুখার্জী। বাড়ী নিয়ে যাবেন? Do you like her?

অহীন। Mr. Mookherjee!

মুখার্জী। বেশী চেষ্টা লোক জমবে—অহীনবাবু। তাতে আপনার কলঙ্ক রটবে। আমার অংশ ও ভয় নেই। আমরা হচ্ছি চাঁদ—ওটা আমাদের ভূষণ। (হাসিয়া উঠিল)

[অহীন অগ্রসর হইল]

অহীন। Mr Mookherjee!

মুখার্জী। (এবার এক পা পিছাইল, ঈষৎ শঙ্কার সঙ্গে বলিল) অহীনবাবু!

[অহীন আরো অগ্রসর হইল]

মুখার্জী। (পকেট হইতে পিস্তল বাহির করিয়া বলিল) অহীনবাবু! মিলে ধর্মঘট হয়েছে আমি নিরস্ত্র হয়ে বের হইনি।

[সারী চীৎকার করিয়া ছুটিয়া পিছন হইতে মাঝখানে দাঁড়াইল]

সারী। না—না—না।

অহীন। (সারীকে ধরিয়া পিছনে ঠেলিয়া দিয়া বলিল) আপনি গুলী করবেন মুখার্জী সায়েব?

মুখার্জী। এগুলোই গুলি করব। আর এগুলো না আপনি।

অহীন। রায়হাটের জমিদার বংশের সঙ্গে চরের চিনির কলের মালিকের যুদ্ধ, আমাকে মোগলের সঙ্গে ইংরেজের যুদ্ধের কথা মনে করিয়ে দিচ্ছে, মুখার্জী সায়েব! (হাসিল) মিউটিং-এর আগে পর্যন্ত কিন্তু ইংরেজেরও পুতুল সম্রাট

বংশের গায়ে হাত দিতে সাহস করেনি। মিউটিনির পর অবশ্য সম্রাটের ছেলেদের গুলি করে মেরেছিল দিল্লীর রাজপথে প্রকাশ্যে! এ চরের যুদ্ধে এখনও সে অবস্থা আসেনি; সম্ভবত আসবেও না। কান অনেক এগিয়ে গেছে। এ কালে যারা আমাদের ছিঁড়ে ফেলবে—তারা আপনাকেও বাদ দেবে না। তারা এই মাটির মানুষের দল। তাবা এই বোধ হয় আসছে।

[সে অঙ্গুর হইয়া গিয়া মুখাজীর হাত ধরিল।]

মুখাজী। অহীনবাবু!

অহীন। আমাকে গুলি কবলে ওবা আপনাকে টুকরো টুকরো করে ছিঁড়ে ফেলবে।

মুখাজী। কি চান আপনি? What do you mean.

অহীন। আমি যা চাই—মিলশ্রমিকদের ইউনিয়নের নোটিশে লেখা আছে! নোটিশ নিশ্চয় পেয়েছেন।

মুখাজী। ইউনিয়নের সঙ্গে আপনাব সম্বন্ধ? সে ইউনিয়ন আপনি গড়েছেন! যারা এখানে কাজ করছে—তারা আপনার লোক!

অহীন। ইউনিয়নের নোটিশেব দাবী ছাড়া আরও একটা দাবী জানাচ্ছি আমি। এই সারীকে আপনাকে ক্ষতিপূরণ দিতে হবে। প্রকাশ্যভাবে মার্জনা চাইতে হবে। (হাত ছাড়িয়া দিয়া প্রস্থানের জন্ত ফিরিল)

মুখাজী। অহীনবাবু! বলুন কি হ'লে আপনি স'রে দাঁড়াবেন।

অহীন। (ঘুরিয়া) আপনি অতি ইতর মিষ্টার মুখাজী, মানুষের আত্মাকে আপনি অপমান করেন।

[একটা কাঁড় অর্থাৎ সাঁওতালী তীর আসিয়া মুখাজীর পাশে পড়িল বা চলিয়া গেল]

মুখাজী। (লাফাইয়া সরিয়া গিয়া পিস্তল তুলিল নেপথ্যের দিকে) আপনি আমাকে হত্যার ষড়যন্ত্র করেছেন অহীনবাবু!

[অহীন ঘুরিয়া নেপথ্যের দিকে চাহিয়া বলিল]

অহীন। ডগর! ডগর!

[তীর ধনুক হাতে প্রবেশ করিল সারীর সেই বর]

ডগর। উ আমার সারীকে কেড়ে নিলে—উদ্ধার আমি জান লিব। তু সরে যা রাঙাবাবু—তু সরে যা!

অহীন। না!

সারী। ডগর, ডগর, উ করিস না, উ তুকে গুলি মারবে! ডগর!

ডগর। তবে তুর জান লিব আমি। তুর জান লিব!

[ধমকে তীর যোজন করিল—সারী ছুটিয়া পলাইল]

সারী। না—না—না—

ডগর। কুথা পালাবি তু—কুথা পালাবি! (অহুসরণ করিল)

অহীন। ডগর—ডগর। (ধরিতে চেষ্টা করিল কিন্তু তার আগে সে চলিয়া গিয়াছিল, ধরিতে না পারিয়া সেও তাহার অনুসরণ করিল)

[মুখার্জী পিস্তলটা তুলিল, গুলি করিল। সারীর চীৎকারধ্বনি শোনা গেল]

ডগর ও অহীন (নেঃ)। সারী—সারী

মুখার্জী। ড্রাইভার! ড্রাইভার!

[কয়েক মুহূর্ত্ত স্তম্ভিত থাকিয়া দ্রুতপদে চলিয়া গেল।

অহীন প্রবেশ করিল, চারিদিকে চাহিয়া মুখার্জীকে খুঁজিল।

ডগর কোলে করিয়া সারীর দেহ লইয়া প্রবেশ করিল।

চীৎকার করিয়া উঠিল]

ডগর। বিসরা মহারাজ—বিসরা মহারাজ! রাঙাঠাকুরের লাতি—রাঙাবাবু, বোল একবার বোল—মশাল জ্বাল—আগুন জ্বালাই—মাদল বাজাই। বোল রাঙাবাবু!

অহীন। (হাতে তার সেই কণ) জ্বাল—জ্বাল—আগুন জ্বাল! জ্বাল—আগুন জ্বাল! আমি আসছি—এখনি ফিরে আসছি!

তৃতীয় দৃশ্য

চক্রবর্তী বাড়ীর দরদালান

স্বনীতি ও উমা

স্বনীতি। ছি! ছি! ছি! এ কথা তুমি আগে কেন বল নি মা, আগে কেন বল নি? ছি! ছি! ছি! সর্বনাশা দলে যোগ দিয়েছে অহীন!

উমা। ই্যা মা!

স্বনীতি। তাই কি সে এমন পাগলের মত ওপারের কলেদের ধর্মঘট নিয়ে মেতে উঠেছে? ওই ধর্মঘটও কি তাদের দলের কাঁজ?

উমা। ইয়া মা!

স্বনীতি। (দীর্ঘ নিশ্বাস) আমার অহীন—সোনার অহীন, সেও শেষে এই করলে? উমা! আমি কি করব? অহীন আমাব কেন এমন হ'ল? (নেপথ্যে কোলাহল) উঃ! কি চীৎকার করছে ওরা! যেন পাগল হ'য়ে গেছে। সমস্ত কল কাবখানা বোধ হয় ভেঙ্গে ফেলবে অহীন আমার একি কবলে? মানুষেব বিরুদ্ধে ক্ষেপিয়ে তুলে একি করলে অহীন? সে তো এমন ছিল না?

উমা। ফুলশয্যায় বাত্রে—হঠাৎ কমল মাঝি এসে তাঁর পায়ে আছড়ে পড়ল। বললে—মারীকে—

স্বনীতি। মিলওয়ালা সারীব দর্বনাশ কবেছে।

উমা। তিনি যেন 'াগল হ'য়ে গেলেন। প্রতিকারেব জগু চলে গেলেন।

স্বনীতি। কিন্তু তুমি আমায় কেন বললে না মা?

উমা। তিনি বারণ করলেন—বললেন—

স্বনীতি। তাই হতভাগী—তুই আমাদের বললি—সে তোঁর উপর অভিমান ক'রে ঝগড়া ক'বে চলে গেছে। তোঁর মা তিরস্কার করলে—আত্মীয় কুটুম্ব প্রতিটি জন তোঁর নিন্দার পঞ্চমুখ হ'ল—তুই পাথরের মত সহ্য করলি। আমায় কেন বললি নে মা—তুই আমায় কেন বললি নে!

[উমা শুকু হইয়া মাথা নত করিয়া বহিল]

অচিন্ত্য। (নেপথ্যে) ভীষণ কাণ্ড! ভয়ানক ব্যাপাব! ভয়ঙ্কর ধর্মঘট! বাপরে! বাপরে! বাপরে!

[উমা জানালায় গিয়া দেখিল]

স্বনীতি। কে বউমা? কে কি বলছে?

উমা। অচিন্ত্যবাবু চীৎকার করতে করতে যাচ্ছেন। ধর্মঘটের কথাই বলছেন।

অচিন্ত্য। (নেপথ্যে) Long Live অহীন্দ্র—! হে ভগবান—অহীন্দ্রকে জয়যুক্ত কর! হে ভগবান!

স্বনীতি। মানদা—মানদা—ওরে। (প্রস্থান)

[বাহির হইতে শোনা গেল]

ডাক তো—অচিন্ত্যবাবুকে ডাক তো!

[উমা হাসিল অশ্রুদিক হইতে অহীন্দ্র প্রবেশ করিল]

অহীন। উমা—উমা!

উমা। (ঘুরিয়া দাঁড়াই) বল।

অহীন। এই নাও উমা—এই নাও। (পকেট হইতে কঙ্কণ বাহির করিল)

উমা। কি ?

অহীন। কঙ্কণ—চক্রবর্তী বাড়ীর বধুবরণের কঙ্কণ, বড়মার কঙ্কণ, ফিরে এসেছে।

উমা। কোথায় পেলেন ? ওগো কোথায় পেলেন ?

অহীন। সারী দিয়ে গেছে তোমাকে।

উমা। সারী ?

অহীন। হ্যাঁ সারী ! সে একদিন মনের ক্ষোভে গিয়েছিল ভরা কালিন্দীর বুকে ঝাঁপ দিয়ে মরতে। কূলে দাঁড়িয়ে ঝাঁপ খেতে গিয়ে তার চোখে পড়ল একটা ভাঙনের মধ্যে ঝক ঝক করছে এই কঙ্কণ। সে কঙ্কণ দেখে মরতে তুলে গেল—হাতে প'রে ফিরে এল। হয় তো কঙ্কণ তাকে বলেছিল—আমাব হাতে পৌঁছে না দিয়ে তার মুক্তি নাই। সে আজ আমার হাতে কঙ্কণ দিয়ে মুক্তি পেলেন।

উমা। (এতক্ষণ পর্যন্ত বুকে চাপিয়া ধরিয়াছিল কঙ্কণটি) এবার (চমকিয়া উঠিল) মুক্তি পেলেন ? কি বলছ ?

অহীন। মুক্তি পেলেন—নিষ্কৃতি পেলেন—অব্যাহতি পেলেন চরমতম লাক্ষ্মীনাথকে। সকল জালা থেকে মুক্তি পেয়ে জুড়িয়েছে সে হতভাগিনী !

উমা—ওই পাষণ্ড নীতিজ্ঞানহীন—ব্যভিচারী—ধনী—ওই কলঙ্কমালা মুখার্জী তাকে গুলি করে মেরেছে।

উমা। গুলি করে মেরেছে ?

অহীন। হ্যাঁ। এইবার তার পালা। সাঁওতালরা খেপেছে। আগুন জলে উঠেছে ! তুমি—আমার ছোট স্টকেসটা দাও তো। বড় দবকার শিগ্গির !

[উমার প্রস্থান। সুনীতির প্রবেশ]

সুনীতি। অহীন ?

অহীন। কি মা !—মা ! মা মণি !

সুনীতি । তুই একি সর্বনাশ কবলি অহীন ?

অহীন । (চমকিয়া) কি মা ?

সুনীতি । ওবে বউমা আমাকে সব ব'লেছে । তুই আব আমার কাছে মিথ্যে লুকুতে ঘাস নে !

অহীন । কি ব'লেছে ?

সুনীতি । তুই সর্বনাশা দলে যোগ দিয়েছিস্ । এ ধর্মঘট—

অহীন । উমা ব'লেছে তোমাকে ? আব কাকে ব'লেছে মা ?

সুনীতি । না, আব কাউকে বলেনি । কিন্তু, আমাকে না বলে বউমা বাঁচবে কি ক'রে বল ? ওরে, এত দুঃখ সেকি একা সহিতে পারে ? আব আমাকেও তো তোব বল উচিত ছিল বাবা । ওবে আমি যে তোর মা । কিন্তু এই তুই কি কবলি বাবা !

অহীন । দাদা যেদিন হঠাৎ ননী পালকে গুলি ক'বেছিলেন ম ?

সুনীতি । অহীন !

অহীন । তোমাঘ তিরস্কার কনি না মা । তোমাকে কি তিরস্কার কবতে পারি আমি ! তোমাব সন্তান আমি—দেই তো আমাব সর্বশ্রেষ্ঠ ভাগ্য । তোমার আশ্রয় যে বড় সত্য—তাই তো আমি স্থির থাকতে পারি নি মা, এই ব্রত বেছে নিয়েছি ।

[ছোট একটি স্ট্রটকেশ নইয়া উমাব প্রবেশ অহীন তাড়াতাড়ি নইয়া স্ট্রটকেশ খুলিয়া পিস্তল বাহির করিয়া পকেটে ফেলিল]

উমা । না—না—না । (অহীনের হাত ধরিল) বাবণ ককন মা—বাবণ ককন । পিস্তল ।

সুনীতি । পিস্তল !

অহীন । হ্যাঁ মা, আমি ঐ কলওয়ালাকে খুন কবব । মা—সে সারীকে গুলি করে মেরেছে । পথ ছাড়—মা—পথ ছাড় ।

সুনীতি । তাব আগে তুই আমাকে গুলি কর, (উমার সম্মুখে আনিয়া) বউমাকে গুলি কর ।

অহীন । মা—মা—

সুনীতি । ওরে অহীন—আমি মা হয়ে তোর পায়ে—

(উমা চীৎকার করিয়া সুনীতিকে জড়াইয়া মুখ চাপিয়া ধরিল) না—না—না—রে । বলিনি—আমি বলিনি ।

অহীন । চক্রবর্তী বাড়ীর তিনপুরুষ পূর্বের বজ্র—

স্বনীতি। উমা রক্ষা করেছে বাবা। যা—তুই যা খুশি কর গিয়ে—আমি কিছু বলব না।

[অহীন পিস্তল ফেলিয়া দিল]

অহীন। পিস্তল আর ছোঁব না মা। তোমার কাছে কথা দিলাম।

স্বনীতি। আর তোর পথ আটকাব না। (প্রস্থান)

অহীন। উমা!

উমা। [ঘ্রান হাসিয়া] বল?

অহীন। কিছুই কি বলবার নেই তোমার?

উমা। না।

অহীন। তিরস্কার?

উমা। ছিঃ। (প্রণাম করিল)

অহীন। বিংশ শতাব্দীর ইতিহাসে বাঙালিনীর নাম অক্ষয় হ'য়ে থাকবে।

[প্রস্থান]

উমা। বিংশ শতাব্দীতে অক্ষয় হয়ে থাকবে আমার নাম। (অহীনের ছবিটা লইয়া) তুমি নিষ্ঠুর—তুমি পাথর—। অক্ষয় নাম নিয়ে কি করব আমি—আমার শৃঙ্গ জীবন নামের ফাঁকি দিয়ে কেমন করে পূর্ণ করব আমি?

ইন্দ্র। (নেপথ্যে) স্বনীতি। স্বনীতি। চরে পুলিশ এসেছে গুলি চলছে। অহীন কই? স্বনীতি—

স্বনীতি। দাদা!

উমা। উঃ মা—গো—। (দশক পড়িয়া গেল)

[মানদা প্রবেশ করিল]

মানদা। বউদি। এ কি—বউদি অজ্ঞান হয়ে গেলেন!

[রামেশ্বরের প্রবেশ]

রামেশ্বর। কি হ'ল! কি হ'ল! কিসের শব্দ!

মানদা। বউদি অজ্ঞান হয়ে গেছেন বাবা।

রামেশ্বর। অজ্ঞান? উমা—উমা—মা। উমা।

[হাত ছুটি ধরিয়া ডাকিতে গেলেন. সঙ্গে সঙ্গে চমকিয়া

উঠিলেন, পিছাইয়া আসিলেন]

একি! এ কি! ককণ? (অগ্রসর হইয়া দেখিলেন) সেই ককণ—সেই ককণ। কোথায় পেলেন—উমা—এ ককণ কোথায় পেলেন? কে দিলে স্তাকে? কালিন্দীর চোরাবাণির গর্ভ থেকে—তবে কি সে উঠেছে আজ?

উঠে কি সে এ-বাড়িতে এসেছিল ? না এলো তো কে দিয়ে গেল এ কঙ্কণ ? তবে—কি— ? ই্যা—ই্যা । সে কি বধুবরণ করে গেল ? এল যদি তবে কোথায় গেল ? সে কোথায় গেল ? কোথায় গেল সে ? কোথায় ? (চারিদিকে চাহিলেন উদ্ভাস্তের মত) ।

মানদা । (সভয়ে) কার কথা বলছেন ? মা— ?

রামেশ্বর । ই্যা । ই্যা—কোথায় গেল ?

মানদা । চবের উপর দাদাবাবুকে—

রামেশ্বর । কাকে ? অহীনকে ? কি ? আশীর্বাদ করতে গেছে ? আঃ—বাইবের দরজা কই ? বাইরের দরজা কই ? কোন্‌দিকে যাব ? আঃ—ভুলে গিয়েছি যে,—ওরে বাইরের দরজা কই ? (প্রস্থান)

চতুর্থ দৃশ্য

মুখার্জী'ব বাংলো'ব সম্মুখ

[উত্তেজিত জনতার সম্মুখে অহীন কমলের পথরোধ করিয়া আছে ।

অগ্নিদিকে পুলিশ অফিসার, কনষ্টেবলগণ ও মুখার্জী ইত্যাদি]

কমল । মানব না—আমি মানব না । পথ ছাড় রাঙাবাবু । আমার লাতিকে লিলে—জমি লিলে—আমি ছাড়ব না উকে ।

অহীন । তোরা আর এগুলো, এবাব পুলিশ সত্বে গুলি ছুঁড়বে ।

জনতা । আমরা মরব, আমবা মরব ।

অহীন । কিন্তু, তাব আগে আমাকে মরতে হবে । আমি এখান থেকে এক পা নড়ব না ।

অফিসার । তোমরা এখান থেকে চলে যাও—আমি পাঁচ মিনিট সময় দিচ্ছি ।

কমল । রাঙাবাবু । আপুনি পথ ছাড় বাবু—রাঙাবাবু—

অফিসার । Ready—

[পুলিশরা বন্দুক তুলিল]

Blank fire—fire ! (বন্দুকের আগুয়াজ, জনতা পালাইল । পালাইল

না ডগরু এবং কমল) For organising the strike consider yourself under arrest. Also you are wanted in a conspiracy case. (অহীন আশ্বমদমর্পণ করিল ডগরু ও কমলকে দেখাইয়া)—
পাকড়ো ই লোগকো। (কনষ্টেবল তাহাদের ধরিল)

কমল। ধরবি না—উ সারবটাকে ধরবি না—উ আমার সারীকে গুলি করলে—ধরবি না উকে?

ডগরু। হায় ঠাকুর—হায় ভগবান—বিচার তু কতদিনে করবি।

[ইন্দ্র রায় ও সুনীতির প্রবেশ—সঙ্গে নবীন]

সুনীতি। অহীন। (তাহাকে বন্দী দেখিয়া) এ কি করলি বাবা!

[অফিসার ইতি ক্রিতে ডগরু ও কমলকে লইয়া

কনষ্টেবলগণের প্রস্থান]

অহীন। প্রায়শ্চিত্ত মা।

সুনীতি। ওরে বল, বল, তুই—

অহীন। কি মা?

সুনীতি। রক্ত। রক্তে তুই হাত কলঙ্কিত ক'সি নি—বল!

অহীন। না—মা। তোমার—উমার কাতর মুখ, চোখের জল, আমার রক্তের আগুন নিভিয়ে দিয়েছে। আমি রক্তপাত নিবারণই করেছি।

সুনীতি। আঃ। ভগবান!

অফিসার। অহীনবাবু।

অহীন। আর একটু ইন্সপেক্টরবাবু। আর একটু। (সুনীতিকে প্রণাম করিল) হুঃ তুমি ক'রো না মা, অত্যাশ্রয় পাপ আমি করিনি; যুগ যুগ ধরে পুরুষাত্মকমে যে পাপ করেছি আমরা, এ আমার তারই প্রায়শ্চিত্ত। (হাসিল) উমা রইল মা। তাকে দেখো। বিংশ শতাব্দীর বাঙালীর মেয়ে সে, হাসিমুখেই সে সব সহ্য করবে জানি। তবু তুমি তাকে দেখো। (অগ্রসর হইয়া ইন্দ্র রায়কে প্রণাম করিল) আপনি এদের সকলকে দেখবেন। বাবা—
মা—উমা—

ইন্দ্র। দেখব—দেখব—

অহীন। না—না, আপনি বিচলিত হবেন না।

ইন্দ্র। বিচলিত—আমি কি বিচলিত হয়েছি অহীন। না—না—না, আমি বিচলিত হই নি—আমি বিচলিত হই নি। তুমি কিছু বলে আমায় বিচলিত করে তুয়ো না অহীন। তুমি যাও তোমাব পথে—আমার পথে আমি চলব।—আমাব পথে আমি চলব। তাবা—তারা—মা।

অহীন। Officer। I am ready।

অফিসার। চলুন।

[ইন্দ্র, স্ত্রীতি, উমা ও নবীন ব্যতীত সকলের প্রস্থান]

ইন্দ্র। বাডী যাও বোন্। আমি চললুম সদবে—অহীনের মামলার ব্যবস্থা কবতে। নবীন, তুমি এঁদেব নিয়ে যাও। তুমি ভেব না স্ত্রীতি—(ক্রত প্রস্থান)

নবীন। মা।

স্ত্রীতি। আমি একটু এখানে থাকব। (নবীনের অন্তবালে গমন)

স্ত্রীতি। সন্দর্নাশা চব। আমি তোকে অভিসম্পাত দেব, তোর বকে বদে কাঁদব। আমাব চোখেব জলে কালিন্দীব বুকে বগ্না এসে তোকে ধ্বংস কবে দিক—ভাসিয়ে দিক—ডুবিয়ে দিক। আমাব মহীন—আমার অহীন—

[অন্ধকারেব মধ্যে ছায়াস্তিবি মত বামেশ্বর প্রবেশ করিলেন।]

বামেশ্বর। অহীনকেও ধবে নিয়ে গেল। আমাব প্রায়শ্চিত্ত কি সম্পূর্ণ হ'ল! তাব কি মুক্তি হ'ল। সে কি উঠেছে অভিশপ্ত চরের অভিশাপ কাটিয়ে। কণ্ঠটা কি মাটি ঠেলে উঠেছে।

স্ত্রীতি। তুমি? তুমি এখানে এসেছ?

বামেশ্বর। (খমকিয়া দাঁড়াইলেন) কে? তুমি—? না। তুমি'তো কঙ্কাল নও! সে তো নও তুমি?

স্ত্রীতি। আমি স্ত্রীতি—আমি স্ত্রীতি।

বামেশ্বর। ই্যা তুমি স্ত্রীতি।

স্ত্রীতি। বস, তুমি এইখানে বস।

বামেশ্বর। আমায় স্নান করতে হবে স্ত্রীতি। মুক্তিস্নান, কালিন্দীর জলে আমি স্নান কবব। মহীন গেছে—অহীন গেল—আমাব হুইদিকের বক্ষপত্র খসিয়ে দিলাম—প্রায়শ্চিত্ত আমাব সম্পূর্ণ হ'ল আজ। ই্যা—সম্পূর্ণ শেষ। হয় নি? স্ত্রীতি—হয় নি?

স্ত্রীতি। কি বলছ তুমি?

বামেশ্বর। বুঝতে পারছ না?

সুনীতি । না বুঝতে পারছি না । সমস্ত জীবন হেঁয়ালী করে কথা বললে—বুঝলাম না—তুখু মনের উদ্দেশে সারা হ'লাম । বল—আজ তোমার পায়ে ধরি—কি বলছ স্পষ্ট ক'রে বল তুমি ।

রামেশ্বর । বলব ! বলব ! আর আমি সহ্য করতে পারছি না ! বুকের দু'দিকের পাঁজর খসে গেল—কথা আর লুকিয়ে থাকবে কেমন করে ? আশনি বেরিয়ে আসবে যে ! আঃ—আমার বুকের পাঁজর খসে গেছে ।

সুনীতি । উঃ—আমার জন্মেই তোমার এত কষ্ট ! আমার গর্ভের দোষ—আমার ভাগ্যের দোষ—আমার জন্মান্তরের পাপের শাস্তি—

রামেশ্বর । না । (ওই একটিবার না বলিয়া ঘাড় নাড়িতে লাগিলেন । কয়েকবার ঘাড় নাড়িয়া আবার বলিলেন) না—তোমার গর্ভের দোষ নয়—আমার রক্তের দোষ ; তোমার ভাগ্যের দোষ নয়—এ ভাগ্যকল আমার, তোমার জন্মান্তরের পাপের শাস্তি নয়, আমারই—আমারই এই জন্মের পাপের প্রায়শ্চিত্ত ! শিশুহত্যা—নারীহত্যার প্রতিকল ।

সুনীতি । শিশুহত্যা ! নারীহত্যা ! না—না—না ।

রামেশ্বর । ই্যা—ই্যা—ই্যা । আমি—আমি—আমি করেছি—সুনীতি ! আমি !

সুনীতি । না—না—না—আমি শুনতে পারব না । ব'লো না তুমি ! ব'লো না !

রামেশ্বর । বলতে হবে আমাকে—সুনীতি তোমায় শুনতে হবে । আমি আমার নিজের সন্তানকে—রাধারাগীর গর্ভের সন্তানকে—রাধারাগীকে—নিজের হাতে হত্যা করেছি । দুই হাতে স্বাসরোধ ক'রে পিশাচের মত হত্যা করেছি ।

সুনীতি । ভগবান্—ভগবান্, তুমি আমায় পাথর ক'রে দাও । আমায় পাথর ক'রে দাও তুমি !

রামেশ্বর । (নিজের আবেগেই বলিয়া গেলেন) অথবা দোষ আমারও নয় ! সেই সর্বনাশীর ছলনা ! তাস্ত্রিক বংশের ইষ্টদেবী—যে বংশে মন্ত্রহুঁষ্ট জমিদার সোমেশ্বরকে স্ত্রী-হত্যা করিয়েছিলেন—মাঁওতালদের সঙ্গে নাচিয়েছিলেন—তারই ছলনা । নইলে—সংস্কৃত শাস্ত্র পড়ে আমি চরিত্রহীন হলাম কেন ? মত্তপানে ব্যভিচারে উন্মত্ত আমি—রাধারাগীর দিকে ফিরে চাইলাম না কেন ? সে তো ছিল অপরূপ সূন্দরী ? দিনরাত পড়ে থাকতাম—বাগানে । একদিন রাধারাগী অভিমান করে চলে গেল বাপের বাড়ী—রায় বাড়ীতে ।

সংবাদ পেয়ে গেলাম তাকে ফেরাতে। গিয়ে দেখলাম—। বলব স্থনীতি সহ করতে পারবে ?

স্থনীতি। (হাসিয়া) বল। সব সহ করতে পারব আমি বল। আমি পাথর হয়ে গেছি। বল তুমি—সত্যের দেবতার কাছে—আজ উচ্চকণ্ঠে প্রকাশ কব তোমার অপরাধ ; বল।

বামেশ্বর। রায়বাড়ীতে দেখলাম—রাধারাণীর শিয়রে বসে একটি স্ত্রী; স্যামবর্ণ যুবক—তার কপালে হাত বুলিয়ে দিচ্ছে। পরিহাস করে পরস্পরে হাসছে। চরিত্রহীন আমি—আমার ভ্রষ্ট কলুষিত চিত্ত মুহূর্তে বিবাক্ত হয়ে উঠল। ছলনাময়ী ছলনা ! ছেড়ে দিলে সে অন্তরে কালসাপকে ! রাধারাণীকে ফিরিয়ে আনলাম ! তারপর হ'ল এই সন্তান। ছেলেটি হ'ল কাল ! অগ্নিবর্ণ—এই চক্রবর্তী বংশের সন্তান হ'ল কাল ! কালসাপ মাথাটাড়া দিয়ে উঠল। সন্তানকে হত্যা করলাম !

স্থনীতি। হে দেবতা তুমি মার্জনা কর ! তুমি আমার স্বামীকে মার্জনা কর !

বামেশ্বর। (দীর্ঘনিশ্বাস) বাধাবাগী বুঝতে পেরেছিল—ই্যা বুঝতে পেরেছিল। তেজস্বিনী ছিল সে—দুঃস্থ ছিল তার অভিমান। সে আমার সামনে দিয়েই বাড়ী ছেড়ে চলে গেল। একটি কথাও বললে না। (স্তব্ধতা) মনের আবেগে সে বাড়ী থেকে চলে গিয়েছিল। একা এক বস্ত্রে ! আমার সন্দেহ তাতে বেড়ে গেল। আমি ঘোড়ায় কবে গিয়ে ষ্টেশনের পথ থেকে ফিরিয়ে এনে—নদীর এই পারে—ই্যা, এই পারে—এই চরে—এই কালিন্দীর চরে—তাকে হত্যা করলাম ! (স্তব্ধতা) যখন তার গলা টিপে ধরলাম—সে ভয় পেলে না ! মরতে সে ভয় পেলে না ! আমাকে অভিশাপ দিলে—যে চোখের দৃষ্টিতে তুমি এমন কু দেখেছ—সে দৃষ্টি তোমার থাকবে না। আর তোমার দুই হাতে হবে কুষ্ঠ মহাব্যাধি !

স্থনীতি। না—না—না। সে অভিশাপ কখনও তিনি অন্তরগত দেন নি। ব্যাধি তোমার হয় নি, অন্ধ তুমি নও !

বামেশ্বর। হয়েছিল ! স্থনীতি হয়েছিল। আজ সব ভাল হয়ে গেল। ই্যা—স্থনীতি আজ আমার পাপমুক্তির সঙ্গে সঙ্গে পেল। দুর্লভ আরোগ্য ! মহীন আর অহীন আমার হ'য়ে প্রায়শ্চিত্ত করে সব ভাল করে দিয়ে গেল। (হাত দেখাইয়া) এইটে মহীন—এইটে অহীন। (চোখ দেখাইয়া) এইটে মহীন—এইটে অহীন। সব ভাল হয়ে গেছে ! দেখ, শুভ্র অক্ষত হাত—কোন

কলুষ নাই—কোন যন্ত্রণা নাই—দেখ চোখ, নির্ভয় অকুণ্ঠিত দৃষ্টি! ছলনাময়ী আজ প্রসঙ্গ হয়েছে। রাধারানী আজ মুক্তি পেয়েছে। সে আজ ককণ কিরিয়ে দ্বিগ্নে বধুবরণ করে গেছে স্ননীতি! দেখেছ? জান?

স্ননীতি। জানি। তোমার মনের অঙ্ককার গহন থেকে তিনি আজ মুক্তি পেয়েছেন। এ চর অভিশাপ মুক্ত হয়েছে।

[সূর্য্য উঠিতেছিল]

রামেশ্বর। স্ননীতি, স্ননীতি—সূর্য্য উঠছে, নূতন দিনের সূর্য্য! আঃ—দেখ—দেখ আকাশের বার্তা বহন করে—উদয়াচল থেকে—পৃথিবীর বুকে—আমার সর্বাঙ্গ অভিষিক্ত হবে ধায়্য ধারায় ছুটে আসছে আলোকের বহা।

[দুই হাত প্রসারিত করিয়া]

আঃ—দুর্লভ আদোগ্য। শুভ নিকলুষ হাত—আঃ! স্ননীতি, প্রণাম কর! উদয়শিখর থেকে অস্তাচল পর্য্যন্ত মেঘমুক্ত ভাবী আকাশ সর্বপাণয় দেবতাব মহাহ্রাতি বলমল করছে। প্রণাম কর।

[স্ননীতি হাতজোড় করিলেন এবং প্রণাম করিলেন]

জবাকুসুম সংকাশং কাণ্ডপেয়ং মহাহ্রাতিং

ধ্বাস্তারিং সর্বাণাপয়ং প্রণতোহস্মি দিবাকরম্ ॥

—যবনিকা—

ସ୍ବକବି

ଶ୍ରୀଯୁକ୍ତ ଜଗଦୀଶ ଭଟ୍ଟାଚାର୍ଯ୍ୟ

ପ୍ରୀତିଭାଞ୍ଜନେଷୁ

ଲାଭପୁର, ବୀରଭୂମ

ଫାଲ୍‌ଗୁନ, ୧୩୫୨

পরিচয়

পুরুষগণ

রায়বাহাদুর	...	স্বীয় চেষ্টায় স্থাপতিষ্ঠিত শিল্পপতি
ডাক্তার চ্যাটার্জী	...	প্রফেসর
অতুল	...	বিশ্ববিদ্যালয়ের কৃত্তী ছাত্র
ষতীন	...	ছাত্র
নিখিলেশ	...	ঐ
রমেন	...	ঐ
কুড়োরাম	..	কলিয়ারির ওভারম্যান
কানাই	...	ঐ কর্মচারী
খাজাঙ্গী	...	ঐ ঐ
ভক্তারাম	.	ঐ সর্দার
বিছে	...	ভিক্ষা-ব্যবসায়ী ছেলে

অঙ্ক ভিক্ষুক, ডাক্তার, ছাত্রগণ, কুলীগণ, বেয়ারা ইত্যাদি

স্ত্রীগণ

জ্যোতির্ময়ী	...	নিখিলেশের মা
সুনন্দা	...	রায়বাহাদুরের কন্যা।
রমা	..	ডাক্তার চ্যাটার্জীর কন্যা।
ইলা	..	কলেজের ছাত্রী
দামিনী	..	ঝি

সখীর মা, ছাত্রীগণ, কুলীরমণীগণ

পথের ডাক

প্রথম অঙ্ক/প্রথম দৃশ্য

কলেজের করিডোর

[নেপথ্যে ক্লাস বলিবার ঘণ্টা বাজিল। একদল ছাত্রী প্রবেশ করিল।]

১ম ছাত্রী। আমি নিজে চোখে দেখেছি। First fifty names আজ কাগজে বেরিয়েছে। অভুল যুগাজ্জী twenty seventh place; poor রমা চ্যাটার্জী!

২য় ছাত্রী। সে তো কই আজ আসেই নি দেখছি।

১ম ছাত্রী। তেজস্বিনী বোধ হয় কঠিন কঠিন শব্দ চয়ন করে লিপিক রচনায় নিমগ্ন আছে। ধর—“তোমার অক্ষমতার লজ্জায় আমার উঁচু মাথা পথের ধুলোয় মিশে গেছে”—।

২য় ছাত্রী। বেচারী রমা! I. C. S. গৃহিণী হবার এত বড় কল্পনা—

১ম। চূপ! Dr. Chatterjee আসছেন। রমা বোধ হয় পিছনে? দেখতো!

২য় ছাত্রী। (পিছনের দিকে ভাল করিয়া দেখিয়া) না, সে সঙ্গে নেই, আসেনি। বেচারী!

১ম। চল, চল। (উভয়ের প্রস্থান)

[প্রফেসর ডাঃ চ্যাটার্জীর প্রবেশ; তাঁহার সর্বাস্থে উত্তেজনা পরিষ্কৃত।

বগলে একগাদা বই। তিনি আপনার মনেই সেক্সপীয়র আবৃত্তি করিতে করিতে করিডোর অতিক্রম করিয়া চলিয়া গেলেন।

To be or not to be,—that is the question—;

Whether 'tis nobler in the mind to suffer

The slings and arrows of outrageous fortune

Or to take arms against a sea of troubles,

and by opposing end them—;

[আবৃত্তি শেষ হইবার পূর্বেই তিনি রক্তমঞ্চ

অতিক্রম করিয়া চলিয়া গেলেন। তিনজন ছাত্রের প্রবেশ।]

১ম। অভূত twenty seventh হয়েছে। The most brilliant boy of our University.—I. C. S. competition-এ বাঙালীর আর chance নেই। মাদ্রাসীদের একচেটে হয়ে গেল।

২য়। অকেই ওরা মেয়ে দেয়। 90 % ninety per cent marks তো বাঁধা।

৩য়। বাবা—ginger merchant-এর vessel-এর খবরে দরকার কি? বাদ দাও না ওসব কথা। আমাদের তো সেই কেরানীগিরি ছাড়। 'নাস্ত পস্তা বিগতে অয়নায়'। চল—চল—Roll callটা সেরে দিয়ে সটকে পড়ি। (সকলের প্রস্থান)

[নিখিলেশ ও যতীনের প্রবেশ। নিখিলেশের পরণে খন্দর, আধময়লা কাপড় চোপড়, মুখে চোখে সস্ত-বিগত বিপুল পরিশ্রমের চিহ্ন। যতীনের পরণেও খন্দর।]

যতীন। কি কাণ্ড বল দেখি তোর? আমি তো ভেবেই আকুল। Flood relief-এ গিয়ে মানুষ একেবারে নিখোঁজ?

নিখিল। অনাবশ্যক ভাবনা তোর। বান কমে যাবার পর গেছি। স্তরায় ভেসে যাবার চিন্তা উঠতেই পারে না।

যতীন। তুই ভেসে যাবি—এ কথা আমি একবারও ভাবিনি। ভাবছিলাম বিবাগী হলি নাকি?

নিখিল। বিবাগী?

যতীন। নইলে আর ভাবি কি বল?

নিখিল। এই Twentieth Centuryতে শুদ্ধোদনের ভাইপো মেজে বাবা আজও ব'সে আছে—তারাই ওরকম ভাববে। যুগোপযোগী বুদ্ধি নিয়ে একটু মাথা ঘামালেই বুঝতে পারতিস আমি কোথায়?

যতীন। একটা কাণ্ড করে এসে আর মেলা বাজে বকিসনে নিখিল।

নিখিল। বাজে? ওরে গদভ—এই সভ্যতার যুগে—মানুষ হারালে খুঁজবার জায়গা মাত্র দুটি। ছুঁজায়গার এক জায়গায় না এক জায়গায় পাক্তা মিলবেই। হাসপাতাল—অথবা পুলিশ হাজত। হয় মিউজিয়াম, নয় চিড়িয়াখানা। তা—চিড়িয়াখানায় জায়গাটা মন্দ নয় রে যতীন।

যতীন। কিন্তু তুই একি কাণ্ড করে এলি বৃহত্তো? ভলেন্টিয়ারী করতে গিয়ে থামকা জেল খেটে চলে এলি? তোর মা শুনে কি বলবেন বল তো?

নিখিল। আমার মা? (হাসিল)। মায়ের সঙ্গে আমার দেখা হয়েছে

যতীন। জেল থেকে বেরিয়ে বাড়ী গিয়েছিলাম। মাকে প্রণাম করে সব বললাম।

যতীন। মা কি বললেন?

নিখিল। মা শুধু জিজ্ঞাসা করলেন—flood relief-এ যাওয়া তো আইন বিরুদ্ধ নয়। তবে জেল হ'ল কেন? আমি সব কথা বললাম—গেলায় flood relief-এ লোকের দুর্দশা দেখে কান্না আসে, অথচ সেখানকার জমিদার গমস্তা এতে মহাখুসী, বলে কি জানো বলে এখানকার প্রজারা ভয়ানক বদমাশ পাজী; ভগবান সেই জন্মেই ওদের সাজা দিয়েছেন। কেউ ওদের সাহায্য করতে পাবে না। সেই নিয়ে হাঙ্গামা—আমাদের ওপর জুলুম। শেষে সহিতে না পেরে জমিদারের একটা চাপরাশীকে একদিন বন্দি দিয়ে দিলুম এক চড়—ব্যাস। মামলা করলে। পুলিশও রিপোর্ট দিলে—আমরা সব ভয়ঙ্কর লোক। হয়ে গেল এক মাস জেল। একেবারে complete rest হয়ে গেল। ওজন বেড়ে গেছে।

যতীন। তারপর?

নিখিল। মাথায় হাত দিয়ে মা আশীর্বাদ করলেন।

যতীন। কিন্তু ওদিকের সংবাদ? তোর হবু খবর রায়বাহাদুরের খবর কি? তিনি জেনেছেন ব্যাপারটা?

নিখিল। জননীটি তো আমার সাক্ষাৎ সত্যযুগের ব্যাঘ্রী, হুকুম করে সে কথা জানিয়ে দিয়েছেন। চিঠি লেখা আমি দেখে এসেছি।

যতীন। তারপর? ভদ্রলোক হয়তো ক্ষিপ্ত হয়ে উঠবেন।

নিখিল। বোধ হয় মানে? ক্ষিপ্ত হয়ে নাচতে আরম্ভ করবেন—মানে রণ-নৃত্য।

যতীন। (হাসিয়া) জানি। কিন্তু সে তো খুব ভয়ের কথা নয়—ভয়ের কথা—রায়বাহাদুরের কন্ঠ। ভাবিকালে—জেল ফেরত স্বামী দেখে তাঁর যদি হিষ্টিরিয়া হয় তবেই তো মুঞ্চিল!

নিখিল। মুঞ্চিল আসান—is raw ammonia without a single drop of lavender.

যতীন। কাজটা কিন্তু সত্যই অজ্ঞায় ক'রেছিস্ নিখিল। চার বছর বয়স থেকে যখন তোর বিয়ের সম্বন্ধ হয়ে আছে—এর থেকে যখন নিষ্কৃতি পাবার উপায় নেই, তখন এ পথ তোর নয়। রায়বাহাদুরের অগাধ সম্পত্তি

তার একমাত্র কথা—তাদের মত জীবনে পথ চললেই ভাল করতিল। এই নিয়ে সমস্ত জীবনে জীব সঙ্গে একটা—

নিখিল। তুই একটা idiot.

যতীন। তুই idiot,—

নিখিল। আমি idiot? জানিল—বাঙালীর ছেলে আজকাল মেম বিয়ে ক'রে শাখা শাড়ী পরাচ্ছে? Darling-এর বদলে প্রিন্সটমো বলাচ্ছে? আর আমি একটা বাঙালীর মেয়েকে জঙ্কেট ছাড়িয়ে খন্দরাইজ্ করতে পারব না?

[একটি স্ববেশা উগ্র প্রসাধন সম্বিভা ছাত্রী চলিয়া গেল]

যতীন। দেখেছিস? মেমেরা বাঙালীনী হতে চাচ্ছে, কিন্তু বাঙালীনীরা যে মেমসাহেব হতে চাচ্ছে তা দেখেছিস? তদা নাশংসে বিজয়ায় সঙ্কল্প।

[নিখিল খাতা লইয়া একটা কাগজ ছিঁড়িয়া বাহির করিল]

যতীন। কি ওটা?

নিখিল। কবিতা। 'তরুণ' কাগজটা ক'মাস থেকেই জ্বালাচ্ছিল লেখার ভুলে। একটা কবিতা লিখেছি। নে, নোটিশ বোর্ডটার ওপর এঁটে দে কবিতাটা। ঠিক এই নিয়ে কবিতা।

যতীন। (কবিতাটা বোর্ডে পেরেক আঁটিয়, আবৃত্তি করিয়া পড়িল)

“গার্গীদেবী মাথতো কি না লোভেরে কে জানে

ধূপের ধোঁয়ায় স্বাস করতো চুল?

ব্রহ্মবিদ্যা শোনার পরে পরতো কিনা সেই কানে

কানপাশা আর কুমকো কিষা চুল?

ভগবানের বারিণে হায়, হাল ফ্যানানের গার্গীদের

লোক সমাজে মুখ দেখানো ভার।

শিক্ষা শাড়ী সব যে তাদের এক জিনিষের ককম ফের

এর পরে আর সন্দ রইবে কার?

নিখিল। Hush! A tigress is coming—প্রফেসার চ্যাটার্জী নন্দিনী—রমা চ্যাটার্জী! চলে আস! (উভয়ের গ্রস্থান)

[কয়েক মুহূর্ত পরে রমা চ্যাটার্জীর প্রবেশ। অত্যন্ত সাধাশিখা বেশ-জুয়া, একবিন্দু প্রসাধন বাহুল্যের চিহ্ন নাই। তেজস্বিনী মেয়ে। 'সঙ্গে আর একটি মেয়ে ইলা।]

রমা। বাহুল্য হ'লেও তোমার সহানুভূতির জন্তে খন্ডবাদ ইলা। অতুলবাবু I. C. S. competition-এ ২৭th হয়েছেন—nomination পান নি, তার

অন্তে আমি একবিন্দুও দুঃখিত নই। অভুলবাবু বাবার প্রিয়ছাত্র ছিলেন—সেই হিসেবেই তাঁর সঙ্গে আমার বিয়ের সম্বন্ধ করেছিলেন। এর মধ্যে পূর্বরাগের ভূমিকা ছিল না—অথবা অভুলবাবুর কেয়িয়ার দেখে আমি তাঁকে পাকড়াও করতে চেষ্টা করিনি।

জ্যোতি। মাক করো ভাই বমা। অভুলবাবুর failure উপলক্ষ্য ক'রে আমি তোমাকে আঘাত দিতে চাইনি—

রমা। (বোর্ডের দিকে চাহিয়া কবিতা পড়িয়া) দেখছ ইলা, বোর্ডের লেখাটা দেখছ ?

জ্যোতি। ছি—ছি—ছি! লজ্জার কথা!

রমা। লজ্জা? তুমি কি মনে কর ইলা—এদের লজ্জা আছে? এরা গ্রেটা গার্বোকে গবেষণা করে, এলিসা ল্যাণ্ডিকে চিঠি লেখে—বাংলা দেশের সিনেমা ঠারদের নিয়ে কবিতা লেখে—(বোর্ডের লেখাটা ছিঁড়িয়া দিল) কাপুরুষের দল সব—একবিন্দু সাহস নেই,—জানতাম যদি চোরের মত না লিখে—সামনে দাঁড়িয়ে লিখতে পারতো।

[খাতায় লিখিতে লিখিতে নিখিলের প্রবেশ এবং খাতা হইতে কাগজ ছিঁড়িয়া বোড়ে আবার সে আঁড়িয়া দিল। মুখে আশ্রয় করিয়া লিখিল]

বোর্ডের লেখাটা মিথ্যাই ছিল যদি

সেটা মুছে ফেলা মিথ্যা নয় কি আরও ?

সত্যি কথাই যদি হয়েছিল লেখা

দুঃসাহসিকা! সেটা মুছে দিতে পারো ?

[কোন দিকে না চাহিয়া সে চলিয়া যাইতেছিল]

রমা। (বুদ্ধ স্বরে) দাঁড়ান আপনি। (নিখিল গ্রাহ না করিয়া চলিয়া যাইতেছিল, রম দ্রুত অগ্রসর হইয়া তাহার হাত চাপিয়া ধরিল। দাঁড়ান (নিখিলেশ দাঁড়াইল। এবং একটু হাসিল) আসুন আপনি আমার সঙ্গে।

নিখিল। কোথায়? এবং কেন?

রমা। অথরিটিজমের কাছে, আপনাকে এর জবাবদিহি করতে হবে।

নিখিল। আমি যাব না।

রমা। কাউয়ার্ড কোথাকার! আপনার—

নিখিল। কাউয়ার্ড নই বলেই যাব না। আপনি আমাকে ধ'বে যাবেন—আমি যাব, সে আমি পারব না। আমার নাম নিখিলেশ বন্দ্যোপাধ্যায়—Roll 115—4th year, আপনি স্বচ্ছন্দে নালিশ করতে পারেন।

সাক্ষীর দরকার হবে না, আমি নিজেই সব কথা স্বীকার করব। আচ্ছা—নমস্কার।

রমা। প্রতি-নমস্কার আমি করব না। নমস্কার পাবার মত যোগ্যতা আপনার নেই।

[Dr. Chatterjee র প্রবেশ। ইলা চলিয়া গেল]

এই যে বাবা। (নিখিলকে) দাঁড়ান আপনি।

চ্যাটার্জী। রমা, I have resigned—

রমা। Resigned ? তুমি কাজ ছেড়ে দিয়েছ বাবা ?

চ্যাটার্জী। Have you read this book ?

রমা। 'India Unveiled'—!

চ্যাটার্জী। হ্যাঁ। বিদেশী পর্যটকের অতি ঘৃণিত কুৎসা রটনা। ভারতবাসী অসভ্য—ভারতীয়েরা বর্বর—তাদের সমাজ কলঙ্কিত—তাদের আধ্যাত্মিকতা অতি ঘৃণিত মগ্ন মাংস নারী নিয়ে ব্যভিচারের মহোৎসব—হাস্যকর বাহুবিল্বার নামাস্তর। আমি এরই প্রতিবাদ লিখব। আজ কয়েক দিন আমি অহরহ চিন্তা করেছি রমা। আজ আমি মনস্থির করেছি। প্রতিবাদ লিখবার সংকল্প নিয়ে তাই কাজ থেকে অবসর নিলাম; প্রতিবাদে আমি অন্ত দেশকে গাল দিতে চাইনে; তাদের কুৎসিৎ দিকের তথ্য প্রকাশ করব না। বিগত যুগের সংস্কৃতির ইতিহাসকে ভিত্তি করে—বর্তমানকে প্রকাশ করব আমি। নিষ্ঠুর শোষণে কল্লনাভীত দারিদ্র্যের পটভূমিতে রবীন্দ্রনাথের জাতি—তিলকের জাতি—বিবেকানন্দের জাতি—গান্ধীর জাতির কাহিনী লিখব আমি। This is my mission of life—I have resigned—

[রমা তাহার মুখের দিকে চাহিয়া রহিল। নিখিলেশ আশ্রিতা তাঁহাকে প্রণাম করিল।]

চ্যাটার্জী। কল্যাণ হোক তোমার। রমা, আমি চলাম। (চ্যাটার্জীর প্রস্থান)

[নিখিলেশ চলিয়া যাইতেছিল]

রমা। কবিতাটা আপনি নিজে হাতে মুছে দিয়ে যান।

নিখিল। না।

রমা। You shall repent for this. আমাকে তা হ'লে দোক দেবেন না। (প্রস্থানোত্তত)

নিখিল। নমস্কার। (উভয়ের উভয় দিকে প্রস্থান)

দ্বিতীয় দৃশ্য

নিখিলেশদের গ্রামের বাড়ী

[মধ্যবিত্ত স্বচ্ছল গৃহস্থের বাড়ী । পূজাব ঘর । একটি কাঠের সিংহাসনে (বার্ণিস করা নয়) লক্ষ্মী ঝাঁপি, দুই পাশে দুইটি কাঠের পেঁচা । পাশেই শ্রীশ্রীরামকৃষ্ণদেবের ছবি, রামকৃষ্ণের পাশে বিবেকানন্দের ছবি, উভয় ছবির নীচে আবণ্ড একখানি দর্শকের অপরিচিত এক সাধারণ বাঙালী ভদ্রলোকের ছবি । নিখিলেশের বিধবা মা জ্যোতিষ্ময়ী দেবী (বয়স ৪৫/৪৬) বসিয়া মালা দিয়া ছবিগুলি সাজাইতেছেন । তিনি সাজানো শেষ করিয়া প্রণাম করিলেন । ঠিক সেই সময়ে আসিয়া প্রবেশ করিল ঝি । সে ঘরের প্রবেশ করিয়া দ্বজ্ঞার পাশেই দাঁড়াইল । জ্যোতিষ্ময়ীর প্রণাম-শেষের অপেক্ষা করিয়া বহিল ।]

জ্যোতিষ্ময়ী । (প্রণাম শেষ করিয়া উঠিয়া ঝিকে দেখিয়া) কি-রে দামিনী ?

ঝি । দাদাবাবুর শব্দ এসেছেন মা ।

জ্যোতি । (হাসিয়া) আগে বিয়ে হোক, তারপর শব্দের বল মা ! কখন এলেন ?

ঝি । মটর থেকে এই নামছেন । গোটা একটা মটর ভাড়া করে এয়েছেন । মস্ত মস্ত ছোটো বুড়ি, আমার পাতা বেরিয়ে আছে, বোধ হয় আমি আছে ।

জ্যোতি । বুড়ি শুদ্ধ নামিয়ে বেখে দিক, যেন খোলা না হয় । আর সরকার মশাইকে—

[নেপথ্যে রায়বাহাদুর শিবপ্রসাদ ।] কই, বউ ঠাকুরণ কই ? কোথায় ?

[বলিতে বলিতেই তিনি জুতা পায়েই ঘরে আসিয়া ঢুকিলেন ! বায়বাহাদুরকে জুতা পায়ে ঘরে ঢুকিতে দেখিয়া ঝি জ্বিত কাটিল । কিন্তু তাহার পূর্বেই জ্যোতিষ্ময়ী বলিলেন]

জ্যোতি । আসুন, ঠাকুরপো, আসুন । (তিনি নিজেই আসন পাতিয়া দিলেন) বসুন ঠাকুরপো । জুতো খুলে ভাল হয়ে বসুন ।

রায়বাহাদুর । ই্যা, ভাল হয়ে বসতে হবে যে কি । সমস্ত ব্যাপারের একটা স্বব্যবস্থা না করে আমি নড়ব না, প্রতিজ্ঞা করে এসেছি । দাঁড়ান আগে প্রণাম করি ।

জ্যোতি । (পিছাইয়া গেলেন) থাক ঠাকুরপো, মেয়েদের গুচিবাইয়ে

কথা তো জানেন। আমি পূজায় রয়েছি। আর (হাসিয়া) আপনি ট্রেন থেকে আসছেন, পথে কেলনারের খানা নিশ্চয় খেয়েছেন। সায়েব মাহুদ!

শিবপ্রসাদ। (উচ্চহাস্য করিয়া উঠিলেন) তা খেয়েছি। তবে অখাদ্য কিছু খাইনি বউদি। (শিবপ্রসাদ নমস্কার করিয়া জুতা খুলিয়া আসনে বসিলেন)

জ্যোতি। দামিনী, ঠাকুরপোর জুতো জোড়াটা বাহিরে রেখে দে তো মা।

শিব। ও হো হো—এটা বুঝি পূজার ঘর!

জ্যোতি। ই্যা, লক্ষ্মীর ঘর।

শিব। বাইরে বাইরে আপিসে আমাদের কারবার—ভুল হয়ে যায়। আর আমাদের লক্ষ্মীর ঘর তো উঠেই গেছে। লক্ষ্মী আমাদের ব্যাঙ্কে। (হাসিলেন) এগুলি বেশ লাগে আমার।

জ্যোতি। দামিনী, বাইরের বারান্দায় ঠাকুরপোর মুখ হাত পা ধোবার জল দে। আর বামুন ঠাকুরপোকে বল জল খাবারের ময়দা মাখতে। আমি আদছি।

[দামিনী চলিয়া গেল]

শিব। আপনি ব্যস্ত হবেন না বউদি। আগে আমি আপনার সঙ্গে কথা বলতে চাই। আপনার পত্র পেয়ে আমি ছুটে আসছি। আমাকে কঠিন সমস্ত্য ফেলেছেন আপনারা।

জ্যোতি। সমস্ত্য আসে বই কি জীবনে। সেই সমস্ত্যর সমাধান ধার করতে পারে—তারাই তো সংসারে বড় মাহুদ। আপনি কর্মী-কৃত্তী পুরুষ, সেই জন্তেই তো সর্বাগ্রে আপনাকেই জানালাম সমস্ত্যর কথা। নিখিলেশ যখন এসে বললে—মা আমি জেল খেটে এলাম—তখন সর্বাগ্রে আপনাকেই পত্র লিখলাম।

শিব। পত্র পেয়ে আমিও ছুটে আসছি। কিছু মনে করবেন না বউদি, অবিনাশদা যখন হঠাৎ মারা গেলেন—তখন এই আশঙ্কা ক'রেই আমি আপনাকে বলেছিলাম—নিখিলেশকে আমার হাতে দিন, আমি ওকে মাহুদের মত মাহুদ গড়ে তুলব। কিন্তু আপনি বলেছিলেন—নিখিলেশের জন্তে আপনি ভাববেন না ঠাকুরপো। আপনার দাদার সন্তান অমাহুদ হবে না। তা ছাড়া—ছেলেকে মাহুদ ক'রে গড়ে তোলবার ভার ভগবান মাকেই দিয়েছেন। আমি কখনও সে ভারের অমর্যাদা করব না। আপনি শিক্ষিতা মেয়ে—আপনার কথায় আমি নির্ভর করেছিলাম।

জ্যোতি। ভগবানের দায়িত্বের কি আমি অমর্যাদা ক'রেছি ঠাকুরপো?

শিব। (একটু শুদ্ধ থাকিয়া) আপনার কাছে যতদিন নিখিল ছিল—ততদিন আপনার পক্ষে সে দায়িত্ব পালন করা সম্ভবপর হয়েছিল। কিন্তু তারপর কলকাতায় গিয়ে তার মতিগতি অল্প রকম হয়েছে। ম্যাট্রিকুলেশনে সে স্কলারশিপ পেয়েছিল—কিন্তু আই-এ. তে সেই ছেলে সেকেণ্ড ডিভিশনে পাস করলে? অবশ্য চাকরী তাকে কোনদিন করতে হবে না। সুন্দর আমার একমাত্র সন্তান। কিন্তু বিচার গৌরবকে আমি শ্রদ্ধা করি।

জ্যোতি। বিচার গৌরবকে শ্রদ্ধা আপনার চেয়ে আমি কম করি না ঠাকুরপো। কিন্তু আপনি তো জানেন—আপনার দাদা ছিলেন ঠাকুরের মঠের শিষ্য। আমার দীক্ষাও সেই দীক্ষা। বিচার গৌরবের চেয়েও মনুষ্যত্বের গোঁড়ব আমার কাছে আরও বড়। তাই কলেজে গিয়ে সে যখন সেবা ধর্ম্যে কাজ করতে আরম্ভ করলে—তখন আমি আপত্তি করি নি। কখনও করব না।

শিব। আপনি কি প্রকারান্তে আমাকে জবাব দিচ্ছেন বউদি?

জ্যোতি। (জিভ কাটিয়া) না না ঠাকুরপো, সে অধিকারই যে আমার নেই। সুন্দর অগ্রপ্রাসনে গিয়ে তিনি নিখিলেশকে আপনাকে দান করে এসেছিলেন। ফিরে এসে আমার বলেছিলেন—নিখিলেশের বিয়ের সঙ্গ করে এলাম অমৃকের মেয়ের সঙ্গে। নিখিলেশের বয়স তখন চার। তাই আমি হেসেছিলাম। তিনি বলেছিলেন—হাসি নয়, শুনে রাখ, নিখিলেশের বিয়ে পর্য্যন্ত যদি আমি না থাকি—তবে তাঁরা অমত না করলে—আমাদের অমত করবার অধিকার রইল না। আমি কি জবাব দিতে পারি ঠাকুরপো?

শিব। (কিছুক্ষণ চুপ করিয়া থাকিয়া) কথা যখন তুললেন বউদি, তখন আমার দিকের কথাও আমি বলব। সত্য যদি কঠোর হয়—কিছু মনে করবেন না। দেখুন, অবিনাশদা! আমি বাধ্যবদ্ধ। অবশ্য মতের পার্থক্য আমাদের চিরকাল ছিল। যখন এই বিয়ের কথা হয় তখন আমার জীবনের সবে আরম্ভ। ছোট কট্টাঙ্কি বিজ্ঞিনেশ আরম্ভ করেছি। তারপর ভাগ্যই বলুন—আর ভগবানের দয়াই বলুন—কি আমার কর্মশক্তিই বলুন—যাতেই হোক—ধীরে ধীরে আজও পর্য্যন্ত আমার কর্মক্ষেত্র বেড়েই চলেছে। মনুষ্যত্বের কথা বললেন—আমিও অমানুষ নই। গ্রামে স্কুল করেছি, হাসপাতাল দিয়েছি, যে কোন বড় প্রতিষ্ঠান আমার কাছে আসে আমি কখনও তাদের ফিরিয়ে দিই না। অবস্থার পরিবর্তন সঙ্গেও আমি অবিনাশদার কাছে যে কথা দিয়েছিলাম—তা ভুলি নি। সুন্দর আমার একমাত্র সন্তান—আমি ইচ্ছে করলে—বাংলা দেশের সর্ব্বশ্রেষ্ঠ ছেলে—

জ্যোতি। (হাসিয়া) তা নিশ্চয়ই পারতেন। রাগ করবেন না ঠাকুরপো—আমি নিখিলেশের মা। আমার চোখে নিখিলেশই আমার বাংলাদেশের সর্বশ্রেষ্ঠ ছেলে। জানেন তো, “তনয় যতপি হয় অসিতবরণ, প্রসূতির কাছে সেই কবিত কাঞ্চন।”

শিব। নিখিলেশ সম্বন্ধে আপনার ধারণা মিথ্যে হ’ত না বউদি, যদি এই ডে’পোমি তার মধ্যে না ঢুকত, এই ডে’পোমির ভয়েই আমি তখন আপনাকে লিখেছিলাম—নিখিলকে আমার হাতে দিন।

জ্যোতি। (আঘাত পাইলেন) আপনি একে ডে’পোমি বলেন ঠাকুরপো?

শিব। (ক্রমশঃ উত্তেজিত হইয়া উঠিতেছিলেন) ডে’পোমি ছাড়া কি বলব? দেশে flood হয়েছে, relief-এর দরকার—সত্যিই—দরকার। কিন্তু ভলেন্টিয়ার হয়ে লেখাপড়া ছেড়ে সেখানে গিয়ে হৈ-চৈ করলে কতটুকু relief হয় বলুন আপনি? Relief-এর জন্তে আসল দরকার টাকা। আর কতটুকু সাধ্য সেই পরিমাণ টাকা দিলেই তো সব চেয়ে বড় সাহায্য হয়। নিখিলেশ আমাকে লিখলে আমি তৎক্ষণাৎ—যা সে বলত পাঠিয়ে দিতাম।

জ্যোতি। নিখিলেশ যে তা’ করেনি ঠাকুরপো—তার জন্তে আমি তাকে লক্ষ্যবান আশীর্বাদ করছি। তা-হ’লে—

শিব। বউদি, আপনি কি বলছেন বউদি?

জ্যোতি। আমার কথা শেষ হয়নি ঠাকুরপো। তা হ’লে আজ না হ’লেও কাল আপনি তাকে মনে মনে ঘেরা করতেন। যে চোখে বাংলা দেশের লোক আজ ঘরজামাইকে দেখে থাকে, সেই চোখেই তাকে দেখতেন।

শিব। (স্তব্ধতার পর) শুনুন বউদি। টাকা দিয়ে কথা বলে মীমাংসা হবে না। তাতে অনেক সময়ের দরকার। সে সময় আমার নেই। শুনুন—আমি খোলাখুলি কথা বলছি—আপনি তার খোলাখুলি উত্তর দিন।

জ্যোতি। বলুন।

শিব। আমি চাই যে, নিখিলেশ এখন থেকে এই সব নিঃস্ব আর মাতামাতি করবে না। আমার কলকাতার বাসায় থাকবে। আর—

জ্যোতি। আর?

শিব। এই যে জেল সে খেটে এল—এর প্রতিকারের জন্ত আমি তাকে মিনিষ্টারের কাছে নিয়ে যাব। প্রয়োজন হ’লে তাকে একটা বগু লিখে দিতে হবে।

জ্যোতি। দামিনী? মুখ হাত খোবার জল দিয়েছিল? জলখাবার হ’ল?

শিব। থাক বউদি, আগে আমার কথার উত্তর দিন।

জ্যোতি। আপনি মুখ হাত ধুয়ে ফেলুন, জল খান; আমার একটু ভাবতে দিন।

শিব। (জ্যোতির্খয়ীর সম্মুখের দিকে চাহিয়া উঠিয়া পড়িলেন), আমার উত্তর আমি পেয়েছি বউদি, আমি উঠলাম। নমস্কার (ক্রত বাহিরে গিয়া জুতা পরিতে আরম্ভ করিলেন)

জ্যোতি। দামিনী, সরকার মশায়কে বল, আমার খুড়ি ছুটো—যা ঠাকুরপো এনেছিলেন, সে ছুটো গুঁর গাড়ীতে তুলে দিক।

[শিবপ্রসাদের পুনঃ প্রবেশ]

শিব। বউদি, অবিনাশদার সঙ্গে দাদা সম্পর্কটাও কি আপনি মুছে ফেলতে চান?

জ্যোতি। সে তো আপনিই ফেলছেন ঠাকুরপো। আপনি হাতে মুখে জল না দিয়ে চলে যাচ্ছেন।

শিব। জানেন বউদি, আপনার চিঠি যখন গেল—নিখিলেশের জেলের খবর পেয়ে স্তনন্দা কেঁদেছে।

জ্যোতি। তাকে আমার আশীর্বাদ দেবেন ঠাকুরপো। ইন্দের মত স্বামী হবে তার। ইন্দ্রাণীর মত সে যেন সুখী হয়।

শিব। আপনি তা' হ'লে দৃঢ়প্রতিজ্ঞ বউদি?

জ্যোতি। জেনে শুনে নতুন করে দক্ষযজ্ঞর আয়োজন করা কি উচিত হবে ঠাকুরপো? সেই জন্তেই তো আপনার মেয়েকে শিবের মত স্বামী লাভের আশীর্বাদ করলাম না। শিবের মত জামাই ধনাধিকারীরা কোন কালে সন্তুষ্ট করতে পারেন না।

শিব। (একটু দাঁড়াইয়া থাকিয়া) বলে দিন বউদি, আপনাদের সরকারকে—আমের খুড়ি ছুটো মোটরে তুলে দিক। (প্রস্থান)

জ্যোতির্খয়ী। (ছবির সম্মুখে প্রণাম করিয়া বলিলেন) তোমার কথা যদি মানতে না পেরে থাকি—তুমি আমার মার্জনা ক'রো; কিন্তু যা হচ্ছে নিখিলেশের এত বড় সর্বনাশ আমি করতে পারব না; পারব না।

তৃতীয় দৃশ্য

Dr. CHATTERJEE-র বাড়ী

[বসিবার ঘর। অত্যন্ত সাধারণভাবে সাজানো—চারিদিকে কেবল বইয়ের আধিক্য। Dr. Chatterjee বিবেকানন্দের বই পড়িতেছিলেন। বাহির হইতে দরজায় কড়া নাড়ার শব্দ হইল]

চ্যাটার্জী। ভেতরে আহন।

[অতুলের প্রবেশ—দাস্তিক উগ্র চেহারা]

অতুল! এস! এস! তোমার কথাই আমি অহরহ মনে করছি। আমি চাকরী ছেড়ে দিয়েছি তুমি শুনেছ! বস—তুমি বস।

[অতুল বসিল]

I have resigned.

অতুল। শুনেছি।

চ্যাটার্জী। এইবার তুমি এসেছ—এখন আমি নিশ্চিত।

অতুল। I. C. S. Competition-এ আমি nomination পাই নি। This was my last chance. বয়সের বাধায় আর আমার পরীক্ষা দেওয়া চলবে না।

চ্যাটার্জী। I am glad.—অতুল, nomination যে তুমি পাওনি এতে আমি স্তব্ধ হয়েছি। তোমাদের মত শক্তিমান ছেলে দাসত্বের নাগপাশেই যদি নিজেকে আবদ্ধ করে গতিকে পঙ্গু করে রাখবে তবে দেশের সেবা করবে কারা? I am glad—অতুল, এতে আমি এক বিন্দুও দুঃখিত হই নি।

অতুল। দুঃখ আমি পেয়েছি। কিন্তু সে দুঃখকে জয় করব আমি। স্থির করেছি আমি ইংল্যান্ড যাব। Engineering পড়ব আমি।

[চ্যাটার্জী তাহার মুখের দিকে চাহিলেন]

চ্যাটার্জী। ইংল্যান্ড যাবে? ইঞ্জিনিয়ারিং পড়বে? কিন্তু—এ কি অতুল! (খুব কাছে এসে মুখের দিকে চেয়ে) তোমার মুখে চোখে এত ক্লান্তি? নিশ্চয় তোমার কিছু খাওয়া হয়নি।

[রমার প্রবেশ]

রমা। অতুলবাবু? কখন এলেন?

চ্যাটার্জী। অতুলের ষাওয়া হয়নি রমা, শিগ্গির কিছু ষাবার ব্যবস্থা কর মা!

রমা। আপনার কি অস্থখ করেছে?

চ্যাটার্জী। শুনছ রমা, অতুল এখনও ষায় নি—আর তুমি—that is bad—ষাবার নিয়ে এস শিগ্গিব। দাঁড়াও, সকাল বেলায় আমি কিছু খেয়েছি না কি বল তো?

রমা। (হানিয়া) গরম মুড়ি ষে খেলে বাবা!

চ্যাটার্জী। O yes! মুড়িগুলোর মধ্যে কিন্তু সার পদার্থ কিছু নেই। এই খেয়ে আধ ঘটার মধ্যে ফের ক্ষিধে পায়। গরম সিঙাডার ব্যবস্থা কর দেপি এবার। বুঝলে?

[রমার প্রস্থান]

চ্যাটার্জী। শোন অতুল—আমি কি ঠিক করছি শোন। Unveiled India-র প্রতিবাদ লিখব আমি। পড়েছ তুমি বইখানা? পড়নি? মন্ত বেরিয়েছে—তুমি পড়নি। পড়লে তোমার মাথায় আগুন জলে ষাবে। অনন্ত-কন্মা হয়ে আমি এর প্রতিবাদ লিখবাব জগ্রে কলেজের কাজে resignation দিয়েছি। এবার রমাকে তোমার হাতে তুলে দিয়ে নিশ্চিন্ত হয়ে আমার কাজ আরম্ভ করতে চাই।

অতুল। আপনাকে আমি বলেছি আমি Englad যেতে চাই।

চ্যাটার্জী। Good idea, আমার কোন আপত্তি নেই। যতদিন তুমি না ফিরবে, বমা আমাব কাছেই থাকবে।

অতুল। আপনি আমাকে কি সাহায্য করতে পারেন?

চ্যাটার্জী। কি সাহায্য বল?

অতুল। অর্থ-সাহায্য। England যেতে হলে অর্থের প্রয়োজন। আমার অবস্থা আপনি জানেন।

চ্যাটার্জী। (কিছুক্ষণ চুপ করিয়া থাকিয়া) তুমি আমায় লজ্জা দিলে অতুল। (ড্রয়ার খুলিয়া Bank-এর পাশ-বই খুলিয়া) এই দেখ আমার সঞ্চয়, মন্মল যাত্র পাঁচ শো টাকা।

[অতুল চুপ করিয়া বসিয়া রহিল]

এতে যদি তোমার কোন সাহায্য হয় আমি দিতে পারি। ইয়া আবও আছে,

রমার গায়ে সামান্য কয়েকখানা গহনা, তাও তুমি নিতে পার।

[অতুল চূপ করিয়া রহিল]

অতুল।

অতুল। বলুন।

চ্যাটার্জী। What else can I do for you my boy? আর কি করতে পারি আমি, বল?

অতুল। পারেন। রমার দায়িত্ব থেকে আপনি আমায় নিষ্কৃতি দিতে পারেন।

চ্যাটার্জী। (সবিস্ময়ে বলিয়া উঠিলেন) অতুল।

অতুল। হ্যাঁ, রমার দায়িত্ব থেকে আপনি আমায় নিষ্কৃতি দিতে পারেন।

[অতুল অসঙ্কোচে তাঁহার মুখে দিকে চাহিয়া রহিল]

চ্যাটার্জী। কি বলছ তুমি অতুল।

অতুল। আমার অবস্থা আপনি জানেন। আমার আশা ছিল I. C. S. Competition-এ আমি খুব উচ্চস্থান অধিকার করব। সেই ভরদাতাই আপনাকে কথা দিয়েছিলাম। কিন্তু আজ আমি নিজেই পড়েছি অশেষ সমুদ্রে। এর ওপর রমার দায়িত্ব আমি কি করে গ্রহণ করব? আপনি আমায় মুক্তি দিন।

চ্যাটার্জী। বস অতুল, বস। এতক্ষণে তোমার আজকের মন আমি বুঝতে পারছি। I. C. S. Competition-এর ব্যর্থতায় তুমি আঘাত পেয়েছ। কিন্তু ভেঙে পড়লে তো চলবে না my boy. Failures are pillars of success. আমি বলছি I. C. S.-এর চেয়েও তুমি বড় হবে, you will be a nation-builder. বিপুল পার্শ্বাভ্যাস অর্জন করেছে তুমি, স্বন্দর স্বাস্থ্য তোমার, ভবিষ্যতের জ্ঞান তোমার চিন্তিত হওয়া উচিত নয় অতুল।

[অতুল তিক্ত হাসি হাসিল]

তা' ছাড়া অতুল, রমাকে আমি লেখাপড়া শিখিয়েছি; সেই সঙ্গে আরও একটা বড় শিক্ষা দিয়েছি—দায়িত্বকে সে ভয় করে না, দুঃখকে সে হাসিমুখে উপেক্ষা করতে পারে, তোমার সকল দুঃখ-কষ্টের ভাগ সে হাসিমুখে বরণ করে নেবে।

অতুল। কিন্তু আমি? আমি তাকে কোন্ মুখে দুঃখ কষ্টের বোঝা তুলে দেব? কোন মুখে বলব এই পৃথিবীর এই অগাধ অপরিমেয় ঐশ্বর্য্য বিলাস-সুখ-স্বাচ্ছন্দ্য তোমার অধিকার নেই—ওদিকে তুমি চেয়ে দেখো

না। আমাকে মাক করবেন, আমি তা পাব না। আমাব স্ত্রীকে আমি পৃথিবীর শ্রেষ্ঠ ঐশ্বর্য্য-সম্পদের মধ্যে অধিষ্ঠিত দেখতে চাই। আমাব জীবন সহস্রের মধ্যে মাথা উঁচু ক'বে বড় হয়ে উঠবে এই আমার আশা। বর্তমান অবস্থার মধ্যে আমার পক্ষে বিবাহ করা অসম্ভব—আমাকে মার্জনা করবেন।

চ্যাটার্জী। ভগবান তোমাকে মার্জনা করুন অতুল। আমার মার্জনা অমার্জনায় তোমার কিছু ধাবে আসবে না।

[অতুল চুপ করিয়া দাঁড়াইয়া বহিল]

কালই পডছিলাম—ভাবতবর্ষ সম্বন্ধে একখানা কুৎসাপূর্ণ বইয়ে একজন বিদেশী লিখেছে—এই বাংলা দেশ সম্বন্ধেই লিখেছে—In Bengal, of late years, several cases have become public of girls committing suicide at the approach of marriageable age to save their fathers the crushing burden of their marriage dowry. It is pity—a great pity অতুল, তুমিই সেটা প্রমাণ কবে দিনে।

অতুল। না—পণ আমি চাই নি, পণ আমি চাইব না। কিন্তু দাবিত্যাকে আমি ঘৃণা করি। বমাকে আমি স্নেহ কবি। তাই তাকে নিয়ে নির্ভুর দারিদ্র্যের মধ্যে সংসার পাততে আমি পারব না। আমার নিজের আশা-আকাঙ্ক্ষাকে আমি হত্যা করতে চাই না। তাই আমি আপনার কাছে মুক্তি চাই।

[বমা জলখাবার লইয়া প্রবেশ করিল]

বমা। (খালাখানি টেবিলের উপর নামাইয়া দিল) খান অতুলবাবু। বাবা, তোমাব খাবার এখন আনলাম না। তুমি তো এখন খেতে পারবে না। খান অতুলবাবু।

অতুল। (কিছুক্ষণ শুক ধাকিয়া) আবাব আপনাকে বলছি, আপনি আমাকে মার্জনা করবেন, আমি চন্ডাম।

[দ্রুতপদে রক্তমণ্ডেব প্রান্ত পৰ্য্যন্ত চলিয়া গেল]

রমা। দাড়ান্ অতুলবাবু! দাড়ান্।

[অতুল দাঁড়াইল]

বাবা মুখ ফুটে আপনাকে মুক্তি দিতে পারেন নি। কিন্তু আমি আপনাকে মুক্তি দিচ্ছি।

অতুল। আমাকে তুমি মার্জনা কর রমা।

রমা। তাও ক'রেছি। মুখ ফুটে চাইবার আগেই করেছি। দুর্বল করুণার

পাত্র যারা—তাদের ওপর রাগই যে করা যায় না, তাই চাইবার আগেই তারা মার্জনা পেয়ে থাকে। আপনি কিন্তু খেয়ে বান।

অতুল। না, করুণার পাত্র বলে এ থেকেও তুমি আমায় মার্জনা কর।

[প্রস্থান]

[রমা জলখাবারের খালাটা উঠাইয়া লইয়া চলিয়া যাইতেছিল]

চ্যাটার্জী। রমা!

রমা। আসছি বাবা, খাবারগুলো কুকুরটাকে দিয়ে আসি আগে।

[ভিতরে গিয়া রমা পুনরায় ফিরিয়া আসিল]

বল' বাবা!

চ্যাটার্জী। মা!

রমা। (চ্যাটার্জীর বক্তব্যের প্রতীক্ষা করিয়া) বাবা!

চ্যাটার্জী। তোকে কি বলব—আমি যে খুঁজে পাচ্ছি না মা।

রমা। হুঃখ আমি পাই নি বাবা। তোমার আশীর্বাদ আমাকে অমানুষের হাত থেকে রক্ষা করেছে—সেইটে আমার সব চেয়ে বড় সাহস।

চ্যাটার্জী। এত বড় ফাঁকি? অতুলের মত শিক্ষিত ছেলের মধ্যে এত বড় ফাঁকি—এ যে আমি কল্পনা করতে পারি না মা! চৈতন্যের দেশ, বিবেকানন্দের দেশ, রবীন্দ্রনাথের দেশ কি অমানুষে ভরে গেল!

রমা। না বাবা। তা হয় না। মানুষ আছে বই কি। তবে মানুষেরা মানুষ বলে নিজেদের জাহির করে বেড়ায় না, তাই অমানুষগুলোই বেশী করে চোখে পড়ে।

চ্যাটার্জী। তোর কথা সত্য হোক। কিন্তু তোকে নিয়ে যে আমি সমস্যায় পড়লাম মা!

রমা। কোন সমস্যা নেই বাবা। রাণী-ভবানী, দেশের মেয়ে, রায়-বাঘিনীর দেশের মেয়ে আমি। এ যুগের লেখাপড়া শিখে বাইরের চেহারা হই শুধু পাল্টেছে, কিন্তু তাঁদের যোগ্যতা আমাদেরও আছে। সে যুগে খাঁড়া নিয়ে লোকে যুদ্ধ করত বাবা, তারপর হয়েছিল বঁাকা তলোয়ার, এখন তলোয়ারের চেহারা হয়েছে সোজা। (প্রণাম করিয়া) তুমি আমায় আশীর্বাদ কর বাবা।

[চ্যাটার্জী নীরবে তাহার মাথায় হাত দিয়া দাঁড়াইয়া রহিলেন।]

চতুর্থ দৃশ্য

সেবাশ্রমের কক্ষ

[পুরানো একখানি ঘর। ঘরের আসবাবের মধ্যে একটা ভাঙা টেবিল, খান দুয়েক পুরানো বেঞ্চ, খান দুই পুরানো চেয়ার। একদিকে একখানা ছোট 'চৌকি'—'বেড' হিসাবে ব্যবহৃত হয়। ফাষ্ট এডের বাক্স—কিছু ঔষধপত্র একটি শেল্ফে সাজানো। দেওয়ালে প্রকাণ্ড বড় বোর্ড; তাহাতে মোটা হরফে লেখা বিবেকানন্দের বাণী—

‘তুমি জন্ম হইতেই মায়ের জন্ত বলি প্রদত্ত। ভুলিও না তোমার সমাজ, সে বিরাট মহামায়ার ছায়া মাত্র। ভুলিও না—নীচ জাতি, মূর্খ, দরিদ্র, অজ্ঞ, মুচি, মেথব তোমার রক্ত—তোমার ভাই।

হে বীর, সাহস অবলম্বন কর। সদর্পে বল, আমি ভারতবাসী, ভারতবাসী আমার ভাই, বল, মূর্খ ভাবতবাসী, দরিদ্র ভারতবাসী, ব্রাহ্মণ ভারতবাসী, চণ্ডাল ভারতবাসী আমার ভাই। ভারতের মৃত্তিকা আমার স্বর্ণ— ভারতের কল্যাণ আমার কল্যাণ। না, আমার দুর্বলতা, কাপুরুষতা দূর কর, আমায় মানুষ্য কর।’

এ ছাড়াও দেওয়ালে দুইপাশে দুইখানি চার্ট—মৃত্যুর হিসাব ও দেশের আমদানী-রপ্তানির হিসাব। ঘরখানির মধ্যে দারিদ্র্য স্তম্ভবিমূর্তি, কিন্তু একটি শবিত্র পরিচ্ছন্নতা চাবিদিকে উজ্জ্বল মহিমায় বিরাজিত। বেডের বিছানার চাদর পরিষ্কার—আসবাবপত্র সূক্ষ্মতার সঙ্গে সাজানো। যতীন ছেলেটি আপন মনে লিখিতেছিল। নির্খলেশ একটা পথচারী হোঁড়ার হাত ধরিয়া প্রবেশ করিল এবং তাহাকে একটা বেঞ্চের উপর বসাইয়া দিল]

নিখিল। বস ওইখানে, চুপ ক’রে—ভ-য়ে আকার ল-য়ে ওকার ছ-য়ে একার ল-য়ে একারের মত—মানে ভালো ছেলের মত বস। হ্যাঁ!

যতীন। ওটা আবার কে?

নিখিল। খুদে শয়তান। একেবারে বিচ্ছু! দেখ না—হাতটা কামড়ে কি করে দিয়েছে! বলব কি হে ডালকুন্ডার বাচ্চার মত হাতে কামড়ে ধরে নুগতে আরম্ভ করলে।

যতীন। জোটালে কোথেকে?

নিখিল। বল কেন? সেই যে সেই অন্ধ ভিখারীটা—‘আয় বাপ’ ‘আয় বাপ’ বলে শিলে-চমকানো চীৎকার ক’রে ভিক্তি করে হে—; আমি আসছি,

দুপুর বেলা পথটায় জনমানব নেই—দেখি সেই ভিখারীটা আর এই ছোড়াটা হুমান আর অহিরাবণের বেটা মহীরাবণের মত যুদ্ধ লাগিয়ে দিয়েছে। অন্ধটার কোমরে গেঁজেতে তার ভিক্ষের টাকা ছিল, ছোড়াটা সেইটা ছিঁড়ে নিয়ে পালাচ্ছিল—কিন্তু অন্ধ হলেও শব্দ-ভেদী হাত ধরে ফেলেছে। ছুটে গেলাম। ছোড়াটার কাছে ছিল একটা হাত। কি খস্তার ভাঙা ডাঁট—খপ্ ক’রে বসিয়ে দিলে অন্ধটার মাথায়। মেয়েই দে ছুট। বহু কষ্টে ধরলাম। কচ্ কচ্ ক’রে ডালকুস্তার মত কামড়ায় হে। রমেনকে দিয়ে ভিখারীটাকে পাঠিয়েছি হাসপাতালে। (ছোড়াটার প্রতি) এ্যাই। (ছোড়াটা একটু একটু করিয়া বেকের প্রান্তদেশের দিকে সরিতেছিল) সরে পড়বার মতলবে আছিস বুঝি? (ছোড়াটার হাত ধরিয়া একটা জানালার ধারে লইয়া গিয়া) শোন্। নীচে রাস্তা দেখতে পাচ্ছিস? (ছোড়াটা তাহার মুখের দিকে চাছিল। নিখিল ছেলেটাকে দুই হাতে তুলিয়া জানালা পার করিয়া বাহিরে ধরিয়া—)

দিই আলগোছে—এই দোতলা থেকে রাস্তার ওপর নামিয়ে? দিই?

ছোড়াটা। না।

নিখিল। আর পালাবি না?

ছোড়া। না।

নিখিল। দেখিস?

ছোড়া। হ্যাঁ।

নিখিল। আচ্ছা। (জানালা হইতে লইয়া আসিয়া বেকে বসাইয়া দিল)

বস তবে চূপ করে। কিছু খাবি?

ছোড়া। একটা বিড়ি দাও।

নিখিল। কি!

ছোড়া। বিড়ি।

নিখিল। হঁ! পোনামণি আমার বাপের ঠাকুর। আর কি খাবি?

গাঁজা—চরস—মদ?

ছোড়া। উঁহ—ওধু বিড়ি খাই।

নিখিল। সর্ব্বক্ষে।

যতীন। ভাগিয়ে দাও, ওকে ভাগিয়ে দাও।

নিখিল। উঁহ-হ। বে কামড় ও আমাকে দিয়েছে, ওকে আমি সহজে ছাড়ব না। এম্পার কি ওম্পার একটা করবই। হয় ওকে ভাল করে তুলে সেবাশ্রমের কাজে লাগাব, নয় আমিই শেষ পর্যন্ত ওর সঙ্গে গাঁট কেটে বেড়াব।

যতীন। পাগলামো ক'র না নিখিল, পাগলামো কোরো না।

নিখিল। পেছনের দিকে চাও যতীন, আমি জীবন মস্তকের দিকে চেয়ে দেখ।
আমাকে বাধা দিও না, আমি একবার চেষ্টা করে দেখব।

যতীন। (কিছুক্ষণ পরে) কলেজে কি হ'ল ?

নিখিল। ফাইন করেছে—না দিলে সাপেও করবে। বলতে লজ্জা হয় না তোমার ? বললাম—হয়। কিন্তু কবিতা লিখেছি ব'লে নয়—মেয়েরা অতিরিক্ত পাউডার মাখে বলে লজ্জা হয়। চটে গেল বেজায়।

[কথাবার্তার অবসরে ছেলেরা স্থির হইয়া বসিয়া থাকিতে থাকিতে বেঞ্চে শুইল ও ঘুমাইয়া পড়িল]

যতীন। ষাক, শোন। শক্তিগড়ের বিমল খবর দিয়েছে, আশে-পাশে ভীষণ কলেরা হয়েছে। এক সপ্তাহে পঁচিশজন মারা গেছে। (পত্রখানি নিখিলেশের দিকে অগ্রসর করিয়া দিল।)

নিখিল। (তাহার মুখের দিকে চাহিয়া পত্রখানি লইল, তারপর পড়িল, পড়িয়া উঠিয়া দাঁড়াইল)—আরে, ছোড়াটা ঘুমিয়ে পড়ল দেখছি ? (হাসিয়া) চঞ্চল ছেলে—একটু শাস্ত হয়েছে আর ঘুমিয়ে পড়েছে।

[কোলে তুলিয়া লইয়া ভিতরের দরজা দিয়া চলিয়া গেল। যতীন পত্র পড়িতে লাগিল। রমেন মাথায় ব্যাণ্ডেজ বাঁধা অন্ধ ভিক্ষুককে লইয়া প্রবেশ করিল। ভিক্ষুককে বিছানায় শোয়াইয়া দিল]

ভিক্ষুক। আমাকে ছেড়ে দেন বাবু, ও আমার কিছু হবে নি। পথে থাকলে আমার দু'পয়সা রোজগার হবে।

যতীন। কি হ'ল ? হাসপাতাল থেকে নিয়ে এলে কেন ওকে ?

রমেন। সামান্য আঘাত। ব্যাণ্ডেজ করেই ছেড়ে দিলে। রাখলে না। রাখা নিয়মও নয়।

ভিক্ষুক। কিছু লাগেনি বাবু, ও আমার কিছু লাগেনি। সেবার ঐ পা'টার ওপর দিয়ে গাড়ী চলে গেল—আপনি ভাল হ'ল। ঘা ছিল ছ'মাস, রোজগার ডবল হয়ে গিয়েছিল। ছেড়ে দেন বাবু আমাকে।

যতীন। বেশ ত, ওবেলায় যাবে। এ বেলাটা এইখানে বিজ্ঞান ক'রেই যাও। রমেন, ওকে ওঘরে নিয়ে যাও।

ভিক্ষুক। বাবুশায়, তবে আমাকে দুখানা রুটি খেতে দেবেন। ভাত খেলে আমার ঘা বাড়বে।

রমেন। আচ্ছা, আচ্ছা—তাই দেব। চল। (রমেন ও ভিক্ষুকের প্রস্থান)

[রমার প্রবেশ। যতীন উঠিয়া দাঁড়াইল]

রমা। নমস্কার।

যতীন। নমস্কার।

রমা। আপনাকে কোথায় দেখেছি বলুন তো ?

যতীন। আমি আপনাকে চিনি। আমরা একসঙ্গে একই কলেজে পড়ি মিস চ্যাটার্জী।

রমা। তা হ'লে ভালই হয়েছে। ভেবেছিলাম—অপরিচিত লোকের কাছে গিয়ে পড়ব। শুনুন—আমি কি জগে এসেছি।

যতীন। বলুন।

রমা। আমার বাবা গিয়েছেন বর্দ্ধমান জেলায় এক বন্ধুর বাড়ী। সঙ্গে আমিও গিয়েছিলাম। দেখলাম বহুয় অঞ্চলটা ভেসে গেছে। বাবাব সঙ্গে গ্রামের পর গ্রাম ঘুরে দেখলাম। সেখানে সর্বত্র আপনাদের সেবাশ্রমের নাম শুনলাম। আপনাবা সেখানে flood relief এ গিয়েছিলেন। আপনি গিয়েছিলেন কি ?

যতীন। না। আমি যেতে পারিনি। আমাদের সম্পাদক গিয়েছিলেন—অল্প সভাবাও অনেকে গিয়েছিলেন ?

রমা। আপনাদের সম্পাদক কোথায় ?

যতীন। (হাসিয়া) তিনি ভেতরে আছেন—আসবেন এখুনি।

রমা। আপনারা কি মেয়েদেব মেসার করেন ?

যতীন। আছেন দু'চার জন।

রমা। তাঁরা কেউ যান নি সেখানে ? মেয়েরা কেউ এসেছিলেন বলে তো সেখানে শুনলাম না।

যতীন। আমাদের মহিলা সভ্যরা আমাদের অর্থ-সাহায্য করেন—কখনও কখনও সমিতির মিটিংয়ে আসেন—হাতে-কলমে বাইরের কাজ করার তাঁদের অন্ত্রবিধে আছে, আমরাও কখনও অঙ্গরোধ করিনে। আমরা থাকতে আপনারা কাজ করবেন—সে যে আমাদেরই লজ্জার কথা।

রমা। আমি কিন্তু নিজে কাজ করতে চাই।

[যতীন চূপ করিয়া রহিল]

আপনাদের কি কোন আপত্তি আছে ?

যতীন। মিস চ্যাটার্জী—আপনি কেন এর মধ্যে আসছেন ? আপনারা

গৃহের অধিষ্ঠাত্রী দেবী—আপনাদের স্থান ঘরের মধ্যে—বাইবের কাজের ভার পুরুষের—

রমা। না—ও যুক্তি আমি স্বীকার করি না। এই যুক্তিতেই দীর্ঘকাল আমরা পঙ্গু হয়ে রয়েছি। ঘর, গৃহ, গৃহের অধিষ্ঠাত্রী দেবী! এ সব ছলনা। আমি যুক্তি চাই, পুরুষের সঙ্গে সকল কক্ষে সমান অধিকার চাই। আপনাদের আপত্তি থাকে—আমি চলে যাচ্ছি। আমি নিজে এমনি সজ্জ গড়ে তুলব। প্রয়োজন হয় শুধু মেয়েদের নিয়েই গড়ে তুলব।

[নিখিলেশের প্রবেশ—পিঠে হাজারশাক ও ওয়াটার-বট্‌ল্]

নিখিলেশ। সেদিন আমি সেই কবিতাটা টুকরো টুকরো করে ছিঁড়ে আগুনে ফেলে দেব রমা দেবী।

রমা। আপনি? (দুই পা পিছাইয়া গেল)

নিখিল। আমিই সেবা-সংঘের সম্পাদক। সেদিন আমি নূতন করে কবিতা লিখব আপনাদের বন্দনা করে। বলব কি—আজই ইচ্ছে করছে খাতা-কলম নিয়ে বসে যাই।

রমা। খাতা-কলম নিয়ে যিনি বসেন—তাঁর প্রতি বা তাঁর বন্দনার প্রতি আমার কিছুমাত্র শ্রদ্ধা নেই বা আগ্রহ নেই নিখিলেশবাবু, তবে আমার সম্মুখে যে মূর্তি দাড়িয়ে আছে—তাঁর প্রতি আমার শ্রদ্ধা আছে। সেদিন আপনাকে নমস্কার করিনি, আজ আপনাকে নমস্কার কবছি।

নিখিল। যাক গে—ও কথা। আপনি কি আমাদের সংঘের সভ্য হতে চান?

রমা। চাই। সমস্ত জীবন—নিখিলেশবাবু, আমার সমস্ত জীবন আমি এই কাজে উৎসর্গ করতে চাই।

নিখিল। যতীন, রমা দেবীকে আমাদের সভ্য করে নাও। আমি চললাম।

রমা। কোথায়?

নিখিল। শক্তিগড়। কলেরা হয়েছে সেখানে।

রমা। দাঁড়ান, আমিও আপনার সঙ্গে যেতে চাই। যতীনবাবু, আমাকে কি কিছুতে সই করতে হবে? কত টাকা দিতে হবে?

যতীন। টাকা আপনার কক্ষ। সইও কিছু করতে হবে না। শুধু অন্তরে

অন্তরে শপথ গ্রহণ করতে হবে। কেবল—ওই দেওয়ালের দিকে আমি জীব
ব্রহ্ম-মন্ত্রের দিকে চেয়ে দেখুন। সমস্ত অন্তর দিয়ে ওই মন্ত্র গ্রহণ করুন।

[রমা মনে মনে পড়িতে পড়িতে মহাশয় ফুটকণ্ঠে বলিতে আরম্ভ করিল,

সঙ্গে সঙ্গে যতীন নিখিলেশও যোগ দিল]

“আমি ভারতবাসী, ভারতবাসী আমার ভাই, মূর্খ ভারতবাসী, দরিদ্র
ভারতবাসী, চণ্ডাল ভারতবাসী আমার ভাই। ভারতের মুক্তিকা আমার
স্বর্ণ—ভারতের কল্যাণ আমার কল্যাণ।” (প্রণাম করিল)

দ্বিতীয় অঙ্ক/প্রথম দৃশ্য

[রজনমন্ডের এক প্রান্তে হইতে অর্দ্ধাংশ পর্য্যন্ত একটি বাংলা বিস্তৃত।
বাংলাটির অর্দ্ধাংশ রজনমন্ডের পার্শ্বদেশের নেপথ্যে চলিয়া
গিয়াছে। সম্মুখে একটি বারান্দা। বাংলার গায়ে রজনমন্ডের
মধ্যস্থলে একটি ফটক। ফটকের পাশ হইতে রজনমন্ডের অপর
পার্শ্বদেশ পর্য্যন্ত একটি দেওয়াল। ফটকের পাশেই ছোট একটি
টেবিল। টেবিলটি লেবার-রেজিষ্ট্রারের। বারান্দায় ঘরের
দুয়ারের সম্মুখে টুলের উপর বসিয়া আছে একজন তকমা-জাঁটা
পিওন। ঘরের দরজায় মাথায় লেখা ‘office’।

নেপথ্যে শব্দ উঠিতেছে—ঘং—ঘং—ঘং। তিনবার ঘণ্টার
আওয়াজ। একজন হাঁকিল—হোই—টালোয়ান!

পর মুহূর্তেই ইঞ্জিনের শব্দ আরম্ভ হইল।

মুন্সী এখনও আসে নাই। মুন্সীর আসনের পাশেই দাঁড়াইয়া
আছে গভারম্যান—খাঁকী হাফপ্যাট, খাঁকী হাফ-হাতা কামিজ,
বগলে একটা শোলার টুপি। সবই কয়লার কালিতে ময়লা।
হাতে একটা মোটা লাঠি এবং খানের তলায় ব্যংহার্দ্দা বাতি।
এক পাশ হইতে প্রবেশ করিল একদল ‘কামিন’, মেয়ে কুলি—
সকলেরই হাতে শিকে লাগানো বড় কেরোসিনের ডিবে, মাথায়
বিড়ার উপর ঝুড়ি। তাহারা গান গাহিতে গাহিতে প্রবেশ
করিল। তাহাদের মধ্যে প্রবীণা একজন আগাইয়া গেল লেবার-
রেজিষ্ট্রারের টেবিলের কাছে। অল্প মেয়েগণ গান গাহিয়াই চলিল।]

গান

বাঁকা চাঁদ পাহাড়ে, রঙে আঁকা আঁহা বে,

কাজ নাই থাক্ রে ।

এই মাটি কালো সে, তবু হায় ভালো সে,

গায়ে তাই মাখ্ রে ।

মহয়ার ফুলরে, শুধু মিছে ভুলরে

যেটে না তো ক্ষধাও ।

কালো মাটি কয়লা, ওরা বলে ময়লা,

জানি গড়ে ক্ষধাও ।

দূরে বাঁশী বাজলো, তাহে কিবা কাজ লো

দূরে তারে রাখ্বে ।

মণিভরা খনিতে, চল্ মণি গণিতে,

আছে কত লাখুরে ॥

গুভারমান কুড়ারাম । কি গো সখির মা, নামবি নাকি খাদে ? এঁয়া ৷
প্রোটা । ইঁয়া গো । মরদরা সব নেমেছে সেই কখন, কয়লা কেটে ডা
করেছে এতকণে । বোঝ দিব কখন ? মুন্সীবাবু কই গো ? গেল কোথা ?
কুড়োরাম । আসছে আসছে । হোই—কানাই ! কানাই হে ।

প্রোটা । হাঁ গো বাবু, কাল তুমি ভক্তার দলকে মদ দিলে, খানী দিলে ।
আমাদিগে দিলে না কেনে ?

কুড়া । দিব দিব । আজ দিব । কাল উদিগে দিয়েছি—আজ
তোদের পাল । খাদ থেকে উঠেই কিন্তু আবার গাড়ী বোকাইয়ের
কাজে লাগতে হবে । কোম্পানীর আজকাল মেলা অর্ডার । অন্নদাতা প্রভু ।
বুঝলি সখির মা—না করলে হবে কেনে ? এঁয়া ।

প্রোটা । ইঁয়া—তা বটে, ঠিক বটে বাবু ।

কুড়া । ইঁয়া—ঠিক বটে বাবু । হঁ—হঁ ! এইবার কি হয় দেখনা
সখির মা ! জামাইবাবু বিলাত থেকে mining শিখে এল । এইবার কি হ'ল
দেখ না ! এ field-এ কষ্ট নঘর কলিয়ারী । খাদের নীচে বিজলী বাড়ি
হবে । তোদের খাওড়ায় হবে । হঁ—হঁ ! হঁ—হঁ । দেখনা কি হয় ।
তবে চুপি চুপি একটি কথা তোকে বলে দি সখির মা । আর চুরি করে কয়লা
কাটিল না যেন ! ধবরদার । হঁ—হঁ—আর সে দিন নাই বাবা । বিলাত
ফেরত জামাইবাবু মালিক এখন ! একেবারে শেলমা বাঘ !

প্রোচা। হঁ। তুর মিছে কথা। ওই সোনার চেহারা—ওই আবার বাঘ
হয়! মিছে কথা বলছিস তু।

[আফিস হইতে বাহির হইয়া আসিল অতুল। খাঁকী হাফপ্যান্ট,
সার্ট ইত্যাদি পরণে]

অতুল। ওভারম্যান বাবু।

[কুড়ারাম আতকাইয়া উঠিয়া প্রায় ছুটিয়া আসিয়া সেলাম করিয়া
দাঁড়াইয়া তুলিতে লাগিল। এ দোলা তাহার অভ্যাস]

কুড়ারাম। আজ্ঞা, জামাইবাবু।

অতুল। মুন্সীবাবু কোথায় গেলেন? কামিনরা এখনও দাঁড়িয়ে কেন?

কুড়ারাম। আসছে আজ্ঞা, এখনি আসছে। কানাই হে। ও কানাই।

[আবার তুলিতে লাগিল। কানাইয়ের প্রবেশ]

কানাই। বাপরে বাপরে বাপরে, আচ্ছা বিশকুণী হাঁক—(অতুলকে
দেখিয়া লোকটা যেন পাথর হইয়া গেল। পর মুহূর্তে সেলাম করিয়া বলিল)
ভারী জল তেষ্ঠা পেয়েছিল স্মার!

অতুল। এইখানে কুঁজে-গেলাম রাখবেন আজ্ঞা থেকে। কামিনদের
নাম রেজিষ্টারে entry করে নিয়ে ভেতরে যেতে দিন ওদের!

[মুন্সী তাড়াতাড়ি গিয়া চেয়ারে বসিল। মেয়েরা আগাইয়া গেল।

নেপথ্যে ঘণ্টার শব্দ হইল]

মুন্সী। ঠাণ্ডারানের দল তো? নাম আমি লিখে রেখেছি। সবাই
এসেছি তো?

প্রোচা। হ্যাঁ, গো। ঘরে বসে থাকলে পরসাদ দিবি তুঁরা? (মেয়েদের
প্রতি) আয় গো! সব আয় গো!

[গানের এক লাইন গাহিতে গাহিতে মেয়েরা

ফঁক দিয়া ভিতরে প্রবেশ করিল]

অতুল। (মেয়েরা চলিয়া যাইবার পর) ওভারম্যানবাবু!

কুড়ারাম। আজ্ঞা জামাইবাবু?

অতুল! কাল আপনি খানের কুলিদের মদ আর খাসীর দাম দিয়ে ওভার-
টাইম খাটিয়ে লোডিং করিয়েছেন?

কুড়া। আজ্ঞা জামাইবাবু! বেশী অর্ডার আছে—পঁচিশখানা গাড়ী
লেগেছে—

অতুল। থামুন আপনি। ওহুন—ভবিষ্যতে আর এমন করবেন না, যেটুকু

আপনার duty তার বেশী কোম্পানী আপনার কাছে প্রত্যাশা করে না। ঘড়ির ছোট কাঁটাটা যদি বড় কাঁটার কাজ করতে চায়—তবে সেটা চলতে গিয়ে অচল হয়ে যায়। সমস্ত দিন কুলিগুলো খেটেছে—রাত্রে আবার তাদের মদ-মাংস খাইয়ে কাজ করিয়েছেন আপনি! তাদেরও মানুষের শরীর। আমাব কথা বুঝেছেন আপনি?

কুড়া। আজ্ঞা ই্যা জামাইবাবু!

অতুল। ই্যা কথাটা মনে রাখবেন। (প্রস্থান)

কুড়া। কানাই, কুঁজো গেলস এনেছিস ভাই? উঃ বুকটা শুথায় গেল রে।

কানাই। কুঁজা কুমার বাড়ীতে, গেলস বাজারে, জল নদীতে। কুঁজা গেলস! বিষ নাই, তার কুলাব পারা চকরটি আছে। ঘর-জামাই—

কুড়ারাম। চূপ চূপ!

কানাই। চূপ? চূপ করতে বলছিস? (কাঁদিয়া ফেলিয়া খাতাখান' খুলিয়া দেখাইল, তাহাতে কালি পড়িয়া গেছে) এই দেখ কি হল!

কুড়ারাম। এই মরেছিস বে, কাগি ফেলাইলি কি করে?

কানাই। তুমাকে দিলে ধমক, আমি উঠলাম চমকায় আর দোয়াতটি গেল উন্টায়। এখন এ আমি কি করি বল্ দেগি ভাই? বাঘের মত এসে ধরবেক মাইরি। তখন যদি বলি তোমার ধমকে ইটি হয়েছে স্তার—মানবেক শালা? এগুলোও নিকংশের বেটা, পিছালেও তাই। ই আমি কি করি বল্ দেখি ভাই?

কুড়ারাম। দাঁড়া ভাই, জল খেয়ে আসি। গলা আমার শুথায় গেল।

কানাই। আমার লেগেও এক গেলস আনিস ভাই।

[কানাই থুথু দিয়া আঁচুল ঘসিয়া কালি তুলিতে চেষ্টা করিতে লাগিল। নেপথ্যে হর্নের শব্দ]

কুড়ারাম। ওরে বাবারে। রায় বাহাদুর এলেন লাগছে! অন্নদাতা প্রভু, আয়—আয় কানাই—সেলাম দিয়ে আসি, দেখে আসি। (উভয়ের প্রস্থান)

[রায়বাহাদুর ও অতুলের প্রবেশ]

রায়। এই আমার স্বপ্ন অতুল। এ আমার সম্পত্তি নয়—সম্পদ আহরণের ক্ষেত্র নয়—এ আমার স্বপ্নের ভারতবর্ষের প্রতীক। বিংশ শতাব্দীর নূতন ভারতবর্ষ। যন্ত্রশিল্পে সমৃদ্ধ—বিজ্ঞানবুদ্ধিতে প্রদীপ্ত। আমি নিজে হাতে

গড়েছি এই ক্ষুদ্র অংশটুকু। এখন তোমার হাতে তার তুলে দিয়ে আমি নিশ্চিন্ত। একে তুমি প্রসারিত কর, বাড়িয়ে তোল।

অতুল। আমি প্রাণ দিয়ে আপনার স্বপ্নকে সফল করবার চেষ্টা করব। আপনি আমাকে সম্ভানের আগুন দিয়েছেন—মর্যাদা দিয়েছেন—স্নেহ দিয়েছেন—আমি তার অমর্যাদা করব না।

রায়। জানি অতুল, সে কথা আমি জানি। জান অতুল, নিঃস্ব রিক্ত হাতে সংসারের পথে বেরিয়েছিলাম। খালি মাথায় রোদে পুড়ে, জলে ভিজে ডিষ্ট্রিক্ট-বোর্ডের ঠিকৈদারী নিয়ে কাজ করিয়েছি। ছাতা কিনি নি পরমা খরচ হবে বলে। সেখান থেকে এলাম কলিকাতা। খিদিরপুর ডকে মালখালারের কাজ নিলাম। সেখান থেকে Export Import, তারপর স্বক করেছি কলকারখানা—কলিয়ারী নিয়ে কাজ। পৃথিবীতে মানুষ অনেক দেখেছি। মানুষ চিনতে আমার ভুল হয় না। তুমি যেদিন ক্লান্ত দেহে, মলিন পোষাকে আমার সামনে এসে দাঁড়ালে—সেইদিন তোমাকে চিনতে আমার ভুল হয় নি। আমি তোমায় চিনেছিলাম, তাই নিঃসংশয়ে তোমার হাতে আমার স্বনন্দাকে তুলে দিয়েছি। আমি ভুল করিনি।

[স্বনন্দের প্রবেশ]

স্বনন্দা। বাবা!

রায়। মামি, মাই মাদার—স্বনি—স্বনন্দা! মা জননী!

স্বনন্দা। আমি তোমার জন্তে বসে আছি বাবা, তুমি কলকাতা থেকে আসছ—কিন্তু তুমি এসে আপিসে বসে আছ। কতদিন পর এলে বল তো!

রায়। কতদিন পর? একমাস।

স্বনন্দা। একমাসই কি কম বাবা?

রায়। শোন অতুল, পাগলী কি বলে শোন! ওরে মা, জীবনযুদ্ধে পুরুষ ছুটবে দেশ-দেশান্তরে—যুদ্ধ জয় করে সে ফিরবে, সেই প্রতীক্ষাতেই তো আনন্দ তোদের! এত উতলা হ'লে চলবে কেন?

স্বনন্দা। উতলা? না বাবা উতলা আমি হই না। মা যখন মৃত্যুশয্যায় তুমি তখন বসেতে। মা উতলা হন নি। মাকে বলেছিলাম—বাবা যে এখনও এলেন না মা। মা বলেছিলেন—উতলা হ'সনে স্বনন্দা—কখনও যেন উতলা হ'সনে। আমি উতলা হইনে বাবা।

অতুল। স্বনন্দা কি সব বলছে তুমি?

স্বনন্দা। তুমি ঠকে জিজ্ঞেস কর বাবা। আমি কখনও উতলা হইনে।

সকালে বেড়িয়ে আসেন—খাদের নীচে নামেন, বাড়ী ফিরে খাবার সময় হয় না, খাদের নীচে খাবার পাঠিয়ে দি ; জিজ্ঞেস কর ওঁকে—কোনদিন উতলা হইনি আমি।

রায়। আচ্ছা- আচ্ছা—বগড়াতে কাজ নেই। চল তোর দরবারে যাই চল।

সুনন্দা। না বাবা, তোমার কাজ থাকলে তুমি শেষ করে এস। (প্রস্থান)

রায়। অতুল ! সুনন্দাকে ঠিক আমি বুঝতে পারলাম না।

অতুল। না না, সুনন্দা সম্বন্ধে আপনি চিন্তা কববেন না। ওর প্রকৃতি বড় স্নিগ্ধ—বড় শান্ত।

রায়। ওই—ওই আমার ভয় অতুল। বড় স্নিগ্ধ, বড় শান্ত ! ওর মা ছিল ওই রকম। জীবনে কোনদিন কোন অসন্তোষ প্রকাশ করে নি, কিন্তু তাব মৃত্যুর পর যতবার তার মুখ আমি স্মরণ করি—ততবার আমি শিউরে উঠি—মনে হয় পুঞ্জীভূত অভিশপ্ত অসন্তোষ তার চোখেব দৃষ্টিতে ফুটে রয়েছে, মনে হয় দীর্ঘ দিন শ্রামল তৃণক্ষেত্র ভ্রম কবে একটা আগ্নেয়গিরিকে বুকে আঁকড়ে ধরেছিলাম।

অতুল। আপনি ভাববেন না, সুনন্দাকে এবাব আমি কাজ দেব। কুলিদের ছেলেদের জন্তে child welfare করব, মেয়েদের জন্তে maternity home করব—তার কাজের ভার দেব সুনন্দার উপর।

রায়। Good—খুব ভাল আইডিয়া। এস আর দেরী কর না। সুনন্দা অভিমান ক'রে গেল বোধ হয়।

অতুল। না—না। গিয়ে দেখবেন সে বইয়ের মধ্যে মগ্ন হয়ে বলে আছে।

রায়। হ্যাঁ, পড়তে ও বরাবরই ভালবাসে। কিন্তু—

অতুল। কিন্তু—কি ?

রায়। ওটাও বোধ হয় ওর পক্ষে ভাল নয়। তোমার কাছে আমি গোপন করি নি। ছেলেবেলায় ওর সম্বন্ধ করেছিলাম—নিখিলেশ বলে একটি ছেলের সঙ্গে। সে কবিতা লিখত—গল্প লিখত কাগজে। সুনন্দার মা সেই সব কাগজ কিনতেন। তা থেকেই—। (আক্ষেপের স্বরে) সেই—সেই আমার সর্বনাশ ক'রে গেছে।

অতুল। চলুন—আপনি বাংলায় চলুন।

[উভয়ের প্রস্থান]

দ্বিতীয় দৃশ্য

[যতীন সেবাসংঘ আপিসের কাজ করিতেছে। রমা প্রবেশ করিল।
তাহার এক কাঁধে একটা ঝোলা, অগ্র কাঁধে একটা ওয়াটার-বটল।
তাহার সঙ্গে প্রবেশ করিল বিছে। তাহার বেশভূষা পরিচ্ছন্ন। রমা
আসিয়া ঝোলা ও ওয়াটার বটল রাখিয়া আসিয়া একটা চেয়ারে
বসিল। বিছে ভেতরের দিকে চলিয়া গেল।]

রমা। আমার অভিযোগ আছে যতীনবাবু।

যতীন। অভিযোগ? কি হয়েছে মিস চ্যাটার্জী?

রমা। আপনি নিজে কি কিছু বুঝতে পারেন না যতীনবাবু? এ পৃথিবীতে
গতিই জীবন। যার মধ্যে গতি নেই সে মৃত—সে জড়। আমাদের সংঘ কি
চলছে? সে কি এক জায়গায় স্তব্ধ হয়ে দাঁড়িয়ে নেই?

যতীন। আপনার কথাটা আংশিক ভাবে সত্য রমাদেবী।

রমা। আংশিক ভাবে? (হাসিল) সংসারে আপনি সত্যকারের বন্ধু
যতীনবাবু। বন্ধুর ক্রটি ঢাকবার জন্য সত্যকেও আপনি পূর্ণভাবে স্বীকার
করতে পারছেন না। নিখিলেশবাবুর ক্রটি সম্বন্ধে আপনি আমার মতই
সচেতন। নিখিলেশবাবুর জন্যই আজ সংঘের এই অবস্থা।

যতীন। নিখিলেশ নিজেও এ সম্বন্ধে সচেতন মিস চ্যাটার্জী।

[নিখিলেশ পিছনে দরজায় আসিয়া দাঁড়াইল।]

সে আমাকে বারবার বলেছে—যতীন তুই বরং সংঘেব তার নে। আন পথ
খুঁজে পাচ্ছি না।

রমা। পথ খুঁজে পাচ্ছেন না?

[নিখিলেশ সামনে আসিয়া ধীরে ধীরে বসিল।]

নিখিল। সত্যই পথ খুঁজে পাচ্ছি না রমা দেবী।

রমা। কিন্তু—

নিখিল। কিন্তু কি রমা দেবী? বলুন।

রমা। যাক নিখিলেশবাবু—ভুলে আপনি আঘাত পাবেন।

নিখিল। আঘাত আমি গায়ে মাখিনে রমা দেবী। ও সম্পর্কে আমার
মনের চামড়ার গণ্ডারের চামড়ার অপবাদ আছে। আপনি স্বচ্ছন্দে বলুন।

রমা। কথাটা সত্য। চামড়াটা পাতলা হ'লে আজ আপনাকে রাশি রাশি বার্ষ প্রেমের কবিতা লিখে হা হতাশ করতে হ'ত না। অনেক আগেই রাল্যাগ্রেম অমুভব করতে পারতেন। তাতে দেশও উপকৃত হ'ত। জীবন সার্থক হ'লে মানুষ অনেক আশার কথা শুনতে পেত সাহিত্যিক নিখিলেশবাবুর কাছে।

যতীন। আপনার কথার আমি প্রতিবাদ করব রমা দেবী। নিখিলেশের কবিতা তো প্রেমের কবিতা নয়। বেদনার কবিতা।

রমা। সে বেদনা বার্ষ প্রেমের বেদনা যতীনবাবু। আমি পূর্বেই ব'লেছি তো সংসারে আপনি সত্যাকার বন্ধু।

নিখিল। শুধুন রমা দেবী। আজ আপনাকে কতকগুলি ঘটনার কথা বলব! আপনার কথার উত্তরে নয়, বলবার সময় হয়েছে, আপনি শুনবার যোগ্যতা অর্জন করেছেন বলে বলব।

রমা। তার অর্থ?

যতীন। আমাদের সংঘের একটি নিয়ম আছে রমা দেবী। সে নিয়মটি হ'ল—সংঘের বাইরের বিভাগে তিন বৎসর কাজ করার পর বিশ্বাসভাজন সভাকে আমরা ভিতরের বিভাগের কথা বলি, তার সম্মতি থাকলে গ্রহণ করি। সেবার বিভাগটি আমাদের বাইরের বিভাগ।

রমা। কি বলছেন যতীনবাবু? (সে উত্তেজনায় উঠিয়া দাঁড়াইল)

যতীন। বসুন রমা দেবী।

রমা। (বসিল) ভিতরের বিভাগে কি আপনারা বিপ্লবী!

নিখিল। ঠিক অস্বাভাবিক করেছেন—আর অস্বাভাবিক করা কিছু কঠিনও নয়। আমাদের দেশে স্বামীজীর সেবাস্বার্থ থেকেই বিপ্লবীদের জন্ম হয়েছে। আমরা অনেক দূর এগিয়েছিলাম—অনেক কল্লনা করেছিলাম। আয়োজনও করেছিলাম। কিন্তু—

রমা। কিন্তু? কি কিন্তু নিখিলবাবু? আমরা বিশ্বাস করতে পারছেন না?

নিখিলেশ। না। আপনাকে বিশ্বাস অবিশ্বাসের প্রশ্ন নয়। প্রশ্ন আমাদের নিজেদের বিশ্বাসের। ১৯০৫ সাল থেকে ১৯৩০ সালের চট্টগ্রাম পর্যন্ত আয়োজন আমাদের ব্যর্থ হয়েছে। পথ খুঁজছিলাম—অত্যন্ত সংগোপনে পথ খুঁজছিলাম। কিছুদিন আগে প্রাচীনকালের এক বিপ্লবী নেতার সঙ্গে দেখা হ'ল, তিনি বললেন—ও পথ নয়। জিজ্ঞাসা করলাম, তবে পথ কি? তিনি বললেন—পাইনি বলেই সন্ন্যাস নিয়েছি।

রমা। কিন্তু পথ তো পড়ে রয়েছে সামনে—হাতছানি দিয়ে ডাকে—

আপনারা চোখ বন্ধ ক'রে বসে থাকলে পথের ইঙ্গিত দেখতে পাবেন কি ক'রে নিখিলেশবাবু ?

নিখিলেশ । জানি আপনি কোন্ পথের কথা বলছেন—

রমা । গণবিপ্লবের কথা বলছি । এত বড় ইতিহাস—এত বড় সার্থকতা—এর দিকে পিছন ফিরে বসে থাকলে কোনকালে পথ পাবেন না ।

নিখিলেশ । সেই পথেই যাত্রা করতে উদ্বৃত্ত হয়ে পা বাড়িয়েও আমি থমকে দাঁড়িয়েছি রমা দেবী ।

রমা । তার কারণ সম্ভবতঃ আপনার দুর্বলতা নিখিলেশবাবু । আপনার জীবনের ব্যর্থতা । যার জন্য আপনি রাশি রাশি প্রেমের কবিতা—থাক যতীনবাবু বললেন—বেদনার কবিতা, তাই লিখেছেন এবং একটি আধ্যাত্মিক বেদনা ব্যাধিতে পঙ্গু হয়ে পড়েছেন ।

নিখিলেশ । না । তারও কারণ বলি শুভ্রন । আপনার বাবা সেদিন তার বইয়ের একটি অধ্যায় আমাকে শোনালেন । আমাকে নূতন করে চেনালেন ভারতবর্ষকে । তিনি নিজের এ ভাবতবোধের রূপকে প্রকাশ করবার ভাষা খুঁজে পান নি । মহাকবির ভাষা উদ্ধৃত কবে দিয়েছেন—

“নদীতীরে রুদ্ধ রেখা বিকীর্ণ বিস্তীর্ণ দূর প্রান্তবের মধ্যে কোপীনবস্ত্র প'রে তৃণাসনে একাকী মৌন বসে আছে । বলিষ্ঠ ভীষণ, দারুণ সহিষ্ণু, উপবাসব্রতধারী, তার ক্লশ পঙ্করের অভ্যন্তরে প্রাচীন তপোবনের অশোক অভয় হোমায়ি এখনও জলছে ।” রমা দেবী, এই ভারতবর্ষকে যেদিন থেকে আপনার বাবা আমায় নূতন করে দেখালেন—সেদিন থেকে আমি থমকে দাঁড়িয়েছি ।

রমা । তা হ'লে পিছনের দিকে মুখ ফিরিয়ে অতীতের অন্ধকারের মধ্যে যাত্রা শুরু করুন । সামনে চলার আপনাদের অপিকার নেই ।

নিখিলেশ । সেই দ্বিধার মধ্যে আমরা গুরু হয়ে পড়েছি—এ অভিযোগ আপনার সত্য ।

রমা । তা হ'লে আপনাদের সঙ্গে পথ-চলা আমার সম্ভবপর হবে না নিখিলেশবাবু ! আপনাদের দলের সংস্রব আমি ত্যাগ করছি । আমায় আপনারা মুক্তি দিন ।

নিখিলেশ । শুভ্রন রমা দেবী, শুভ্রন । (অগ্রসর হইয়া গেল) একটু কথা ।

রমা । বলুন ।

নিখিলেশ । আপনি উদ্ধার মত ছুটে চাচ্ছেন—

রমা। তার কারণ উদ্ধার বেগ আমার মধ্যে দক্ষিত হয়েছে। আপনাদের মত আমি ফুরিয়ে যাই নি। আমি থামতে পারি না। আপনাবা মৃত—আপনারা ফুরিয়েছেন—আপনারা পাথরের টুকরো হয়ে পড়ে আছেন।

নিখিলেশ। আপনি দলেব নেতৃত্ব গ্রহণ করুন।

রমা। আমায় মানতে পারবেন আপনি ?

নিখিলেশ। শুধু আমার কথা নিয়েই আপনার মনে প্রশ্ন উঠা রমা দেবী ? ভাল, আমি প্রতিশ্রুতি দিচ্ছি। আমুগত্যের শপথ নিতে প্রস্তুত আছি।

রমা। দলেব নেতৃত্ব নিয়েই কলহ বাধে নিখিলেশবাবু। নেতাও বা রাজাও প্রায় তাই। কোশল নৃপতিব মত বাজাই বলুন আব নেতাই বলুন, সংসাবে বিবল। পরাজিত হয়ে পুনর্বার বাজ্যালাভের ষড়যন্ত্র না কবে শত্রুব কাছে ধরা দিয়ে নিজের মাথাব মূল্য দবিত্রকে দিতে চান। এমন মানুষ কাব্যেই থাকে। প্রকৃতি আপনাকে অর্থাৎ পরাজিত দলপতিকেই বিশেষ কবে সেই জন্ত।

নিখিলেশ। আমি প্রতিশ্রুতি দিয়েছি মিস্ চ্যাটার্জী, আপনি দলের নেতৃত্ব গ্রহণ করুন। আমি আপনাব আদেশ অবনতমস্তকে স্বীকার কবছি।

বমা। বেশ। তাহলে তাই গ্রহণ কনাম আমি। বাইরে দেবা সংঘের কাজ যেমন চলছে তেমনি চলবে। ভিতর থেকে আরম্ভ হোক শ্রমিক সংগঠন। শ্রমিক প্রধান অঞ্চলগুলি আমাদের ঘোবার প্রয়োজন আছে। তাবই ব্যবস্থা করুন আগে। কালই আমি একটা প্রোগ্রাম আপনাদের দেব। আচ্ছা—আজ চলি। নমস্কার—(প্রস্থান)

যতীন। কাজটা কি ঠিক করনি নিখিলেশ ? বমাকে কি তুই ভালবেসেছিল ?

নিখিলেশ। (তাহার মুখের দিকে চাহিয়া) তার অর্থ ?

যতীন। নারীকে কাছে পরাজয় স্বীকার মাব আত্মদম্পর্ণ একই কথা যে।

নিখিলেশ। আমার মনে হচ্ছে—তুই ঈর্ষায় অন্ধ হয়ে পড়েছিল যতীন। রজ্জুতে দম্পর্ণ ভ্রম করছিল !

[বমেনেব প্রবেশ]

রমেন। Hey। বন্দেমাতরম্ !

যতীন। রমেন ! বন্দেমাতরম্। কোথা থেকে ?

রমেন। অনেক দূর থেকে। চল—অনেক কথা আছে।

তৃতীয় দৃশ্য

সুসজ্জিত বাংলোর কক্ষ

সুনন্দা ও রায়বাহাদুর শিবপ্রসাদ ।

দেওয়ালে হেনরী ফোর্ড, এডিসন, আচার্য্য প্রফুল্লচন্দ্রের ছবি ।

একটি ফ্রেমে বাঁধানো বোর্ডে লেখা—

“নমো যস্ত্র নমো যস্ত্র নমো যস্ত্র ।

তব লৌহ-গলন শৈল-দলন অচল চলন-মস্ত্র ।

কতু কাষ্ঠ লোষ্ট্র-ইষ্টক-দৃঢ় ঘন-পিনক কায়া,

তব খনি-খনিজ নখ-বিদীর্ণ ক্ষিতি বিকীর্ণ অস্ত্র,

তব পঞ্চভূত-বন্ধন-কর ইন্দ্রজাল তস্ত্র ।”

[রায়বাহাদুর চায়ের টেবিলে বসিয়া আছেন । সুনন্দা নীরবে পাশে দাঁড়াইয়, চা তৈয়ারী করিতেছে । সুনন্দা সন্দরী শান্ত মেয়ে ঈষৎ দীর্ঘাঙ্গী ।]

রায়বাহাদুর । Western education-এর গুণই এই । ওদের আমি সহস্রবার প্রণাম করি । সময় ওদের কাছে অমূল্য । কর্মই জীবনের সর্বশ্রেষ্ঠ সাধনা ।

[সুনন্দা নীরবে চামচ দিয়া চা নাড়িতে লাগিল]

অতুলের শিক্ষা যদি এ দেশেই শেষ হত, তবে ও এতক্ষণে ভক্তিগদগদ হয়ে শব্বরের তদ্বিরে ছুটোছুটি ক'রে বেড়াত ।

[সুনন্দা একটু মূহু হাসিল । চায়ের কাপটি সম্মুখে রাখিয়া]

সুনন্দা । চা, খাও বাবা ।

রায়বাহাদুর । অতুলের নাভ আমাদের দেশের পক্ষে Extraordinary—I am glad, আমি ভাগ্যবান যে, অতুলের মত জামাই পেয়েছি । নিখিলেশের সঙ্গে তোরা বিয়ে হয়নি—সে তোরা ভাগ্য, আমার ভাগ্য ! কই সুনন্দা, তুই তো চা খাচ্ছিস নে মা ?

সুনন্দা । সকালে চা আমি খেয়েছি বাবা ।

রায় । আরে এ চা হ'ল আমার নতুন চা-বাগানের চা । খেয়ে দেখ । তুই আবার তার ডিরেক্টর ! তুই না খেলে অন্য লোকে খাবে কেন ? আর চা কখনও একা খেলে ভাল লাগে ? আচ্ছা, আমি তৈরী করে দিচ্ছি তোকে ।

সুনন্দা । (হাসিয়া) না—না, আমি তৈরী করে নিচ্ছি বাবা ।

বায়। জানিস সুনন্দা, Tea Company থেকে এবাবই আমরা বেশ handsome dividend দিয়েছি। তোর ডিভিডেন্ডের টাকা পাস নি তুই? অতুল বলেনি তোকে?

সুনন্দা। বলেছেন। আমার নামের share-এর divdiend-এব টাকা কডাক্রান্তি হিসেব ক'রে বুঝিয়ে দিয়েছেন।

বায়। A perfect businessman. He is wonderful. জানিস মা, কলিয়ারী থেকে একটা bye-product-এব scheme অতুল করেছে, আমি সেটা একজন বড় expert সাহেব engineerকে দেখিয়েছিলাম, লোকটা অবাক হয়ে গেল।

[সুনন্দা চপ কবিতা রহিল]

তাই তো সুনন্দা, তুই তো কিছু বলছিস না মা? আমি যে একাই বকে খাচ্ছি।

সুনন্দা। কি বলব বাবা?

শিব। (তাহার মুখের দিকে চাহিয়া) কেন সুনন্দা?

সুনন্দা। আমি এ সবে কি বুঝি বাবা?

শিব। কিন্তু তোমায় তো এসব বুঝতে হবে। নইলে তো অতুলকে তুমি বুঝতে পাববে না। তাব প্রতিটি কাজকে তোকে শ্রদ্ধা কবতে হবে। তাব গোববে তোর মুখ উজ্জল হয়ে উঠবে—তুই মুগ্ধ হবি। তবে তো তাব উৎসাহ বাড়বে, বর্ষাব নদীর মত বিস্তীর্ণ হবে, প্রবলবেগে ছুটে চলবে। তুই হাসছিস সুনন্দা?

সুনন্দা। হাসছি—তোমাব কথা শুনে।

শিব। কেন? আমি কি ভুল বললাম?

সুনন্দা। না বাবা। উপমাটা তুমি ঠিকই দিয়েছ, কিন্তু তাঁর উৎসাহ এমনিতেই বর্ষাব নদীর মত। বর্ষাব নদী আপনার বেগেই ছোটে। সে কারও উজ্জল মুখের মুগ্ধ দৃষ্টির অপেক্ষা রাখে না। আবাব কুলেব ভাঙা ঘরের মাছুষের কান্নাতেও তাব গতির বেগ কমে না।

শিব। সুনন্দা!

সুনন্দা। (হাসিয়া উঠিল) কেমন, ঠকেছ তো তুমি? পারলে না তো আমার সঙ্গে সাহিত্যের তর্কে?

শিব। সাহিত্যের তর্ক?

সুনন্দা। হ্যাঁ।

শিব। তুই সাহিত্যিক খুব ভালবাসিস, না? খুব বই পড়িস!

[আসিয়া দাঁড়াইলেন বইয়ের সেলফের ধারে]

বহ্নিমচন্দ্র, রবীন্দ্রনাথ, শরৎচন্দ্র, কাজী নজরুল, নিখিলেশ—নিখিলেশ
—নিখিলেশ—

[বই টানিয়া বাহির করিলেন]

দেবতার নবজন্ম—নিখিলেশ বন্দ্যোপাধ্যায়। কে নিখিলেশ? কোন্
নিখিলেশ?

সুনন্দা। লেখক নিখিলেশ বন্দ্যোপাধ্যায়, অল্প পরিচয় তো জানি না।

[শিবপ্রসাদ সরিয়া আসিলেন]

শিব। তুই আর এই সব বইগুলো পড়িস নে সুনন্দা।

সুনন্দা। কেন বাবা!

শিব। না। আমি পছন্দ করি নে। শুধু হৃদয়—শুধু ভাবাবেগ—শুধু
স্বপ্ন—শুধু কল্পনা করা ছাড়া! দেশের সর্বনাশ করে দিলে ওই বইগুলো।

সুনন্দা। বাবা!

শিব। এই গুলো—এই গুলো। (নিখিলেশের বইগুলি টানিয়া লইয়া)
এই গুলো! (ফেলিয়া দিলেন মেঝের উপর এবং বাহির হইয়া চলিয়া
গেলেন)।

[সুনন্দা বইগুলি কুড়াইয়া লইয়া সেলফের উপরে রাখিল]

সুনন্দা। বেয়ারা!

[বেয়ারা আসিয়া দাঁড়াইল]

সুনন্দা। ধর, বইগুলি ধর। (কতকগুলি বই তাহার হাতে তুলিয়া দিল)।

[অতুল ও শিবপ্রসাদের প্রবেশ]

শিব। আজই তুমি এক হাজার টাকার বইয়ের অর্ডার দাও। ভাল
ইংরাজী বাংলা বই।

[সুনন্দা তখনও বই বেয়ারার হাতে তুলিয়া দিতেছিল]

অতুল। এ কি? বইগুলো কি হবে?

সুনন্দা। (বেয়ারাকে) কেরাণীবাবুর ক্লাবের লাইব্রেরীতে দিয়ে এস,
বলবে আমি দান করলাম। বুঝেছ?

অতুল। সে কি?

সুনন্দা। ফিরে এসে বাকীগুলো নিয়ে যাবে। সমস্ত বই, সমস্ত! বুঝেছ!
একখানা বইও যেন না থাকে।

শিব। হনন্দা!

হনন্দা। যাও তুমি যাও। (বেয়ারা চলিয়া গেল)

অতুল। কি হ'ল হনন্দা?

হনন্দা। (হাসিয়া) আজ থেকে বই আর পড়ব না। বাবা বারণ করেছেন। (প্রস্থান)

শিব। ঠিক তার মত! (শিব দৃষ্টিতে তাহার গমন পথের দিকে চাহিয়া রহিলেন)। ঠিক ওর মায়ের মত। তুমি বস অতুল। তোমার সঙ্গে আমার কথা আছে। হনন্দার সম্বন্ধে আমি শঙ্কিত হয়ে উঠেছি।

অতুল। হনন্দার সম্পর্কে?

শিব। ঠ্যা।। হনন্দার সম্পর্কে। হনন্দাকে কি তুমি—?

অতুল। আপনি যা প্রশ্ন করছেন আমি বুঝেছি। হনন্দাকে আমি অন্তরের সঙ্গে ভালবাসি।

শিব। প্রশ্নটা হয় তো ঠিক হয়নি আমার। হনন্দার সঙ্গে তোমার—
অর্থাৎ হনন্দার ব্যবহার তোমাকে পীড়া দেয় না অতুল!

অতুল। আপনি হনন্দার উপর অবিচার করছেন। হয় তো ভুল বুঝছেন।

শিব। ভুল বুঝেছি?

অতুল। আমি সকালে উঠি, দেখি হনন্দা স্নান করে নিজে হাতে আমার জগ্গে চা তৈরী করে দাঁড়িয়ে আছে। আমি কাজে বেরিয়ে যাই, দুপুরে ফিরি—হনন্দা আমার স্নানের ব্যবস্থা করে রাখে নিজের হাতে। পরিবেশন করে নিজের হাতে। আবার বেরিয়ে যাই, ফিরি রাত্রে, হনন্দা প্রতীক্ষা করে দাঁড়িয়ে থাকে : আমি ক্লান্ত দেহে বিছানায় এলিয়ে পড়ি, সে আমার মাথায় হাত বুলিয়ে দেয়।

শিব। ঠিক তার মত, ওর মায়ের মত! (কয়েক মুহূর্ত নীরব থাকিয়া) কিন্তু এত উদাসীন কেন বলতে পার? জীবনে কোন দাবী নেই, কোন আকাঙ্ক্ষা নেই—

অতুল। কি নেই হনন্দার? কিসের আকাঙ্ক্ষা তার থাকবে?

শিব। কখনও রাগ করে না—জীবনে কোন উত্তাপ নেই—

অতুল। হনন্দার প্রকৃতি শান্ত, স্নিগ্ধতাই তার ধর্ম। আপনি তাকে ভুল বুঝছেন!

শিব। ভুল? (হনন্দার মায়ের ছবির কাছে গিয়া) This is woman—এই ভদ্রমহিলাটি অবিকল হনন্দার মত ছিলেন।

অতুল। এখন আমার কিছু কথা আছে। আপনাকে এতদিন জানাই নি। সন্দেহ হয়েছিল—কিন্তু স্থির সিদ্ধান্ত করতে পারিনি বলে জানাইনি। আজ আমি স্থির সিদ্ধান্ত করেছি। খাদের ভিতরে fire হবার সম্ভাবনা হয়েছে।

শিব। (ছবির নিকট হইতে ঘুরিয়া অতুলের কাছে আসিলেন) কি হবার সম্ভাবনা রয়েছে ? fire ? আগুন ?

অতুল। হ্যাঁ, আগুন। খাদের ভিতর গরম কিছুদিন থেকেই বেড়েছে। কুলীরা বলেছিল, আমারও মনে হয়েছিল। কিন্তু ম্যানেজারবাবু বলেছিলেন—ওটা কুলীদের মজুরী বাড়াবার একটা ফিকির। মধ্যে মধ্যে এক আধজন কুলী অজ্ঞান হয়ে পড়েছে।

শিব। এক আধজন কুলীর অজ্ঞান হওয়াটা নিশ্চিত প্রমাণ নয়। অমিতাচারী হতভাগার দল মদটন খায়—তারপর খারাপ শরীরে খাদে নামে—অজ্ঞান হয়। আমার প্রশ্ন Do you feel it ? তুমি বুঝতে পারছ ?

অতুল। আমি তো বললাম—আমি প্রায় স্থির সিদ্ধান্তে এসে পৌঁছেছি।

[স্থানন্দার প্রবেশ]

স্থানন্দ। বাবা।

শিব। (তাহার দিকে তাকাইলেন না, শুধু সেইদিকে হাত তুলিয়া বলিলেন) এখন নয় মা, অত্যন্ত গুরুতর সমস্যার কথা বলছি আমরা।

[স্থানন্দা চলিয়া গেল]

প্রতিকারে তুমি কি করতে বল ?

অতুল। দেখানে গরম বেশী—I mean source locate ক'রে সেই কয়েকটা স্ফুট seal ক'রে বন্ধ করে দেওয়া হোক,—আর আরও একটা shaft কেটে উত্তাপ বের করে দেবার ব্যবস্থা করা হোক।

শিব। (প্রাণ পাড়িয়া খুলিয়া ধরিলেন) দেখাও তো কোন কোন গ্যালারী তুমি seal করতে চাও ?

অতুল। This one—This one—

শিব। তুমি বা বলছ তাতে পশ্চিম দিকের একটা বিরাট অংশ চিরদিনের মত বন্ধ করতে হবে।

অতুল। কিছু মনে করবেন না। না করলে—হুঁ তো আরও অনেক বেশী অংশ শেষে ছেড়ে দিতে হবে।

শিব। আমার বিবেচনায় shaft কাটিয়ে কয়েকদিন দেখা হোক। চেষ্টা

ক'রে দেখা থাক। তাতে একটার জায়গায় দুটো shaft কেটে উত্তাপ বেরবার পথ করে দাও। দেখতে দোষ কি! (উঠিয়া দাঁড়াইলেন) আমি নিজে একবার দেখতে চাই।

[কুড়ারাম ওভারম্যানের প্রবেশ। আসিয়াই সেলাম করিয়া ছলিতে লাগিল]
কুড়ারাম। আজ্ঞা হজুর, সাত নম্বর ধাওড়াতে একজন কুলি মরেছে, ডাক্তার বলেছে—কলেরা। আর একজনকেও ধরেছে বলছে।

শিবু। যে লোকটা মরেছে—তার লাশটা জালিয়ে দাও। যার হয়েছে—তার চিকিৎসাব্যবস্থা কর। ডাক্তারকে খবর দাও। (প্র্যান দেখিতে লাগিলেন)।

অতুল। Overmanবাবু!

কুড়া। আজ্ঞা জামাই—(বলিয়াই সে শুক হইয়া গেল, ছলুনি ধামিয়া গেল)।

অতুল। আমার মনে হয় যারা কাল রাত্রে মদ-মাংস খেয়ে overtime খেটেছে—তাদেরই কেউ কলেরা হয়ে মরেছে! সত্যি কি?

কুড়া। আজ্ঞা ই্যা।

অতুল। ঘড়ির ছোট কাটা বড় কাটার কাজ করতে ছুটলে—কি হয় দেখেছেন?

কুড়া। আজ্ঞা ই্যা।

অতুল। দেখেও আবার আপনি তাই করেছেন? আপনি overman, আপনার কাজ খাদের নীচে। কার কে, খায় অস্থখ হ'ল—সে দেখবার ভার ডাক্তারের।

কুড়া। আজ্ঞা ই্যা।

অতুল। তবে?

কুড়া। আজ্ঞা জামাইবাবু—ই কুঠীর প্রথম থেকে আমি আছি আজ্ঞা, নিজের হাতেই কুঠী গড়েছি। তখন ই সব ভাড়া ছিল, জুতল ছিল—ভালুক-সুড়ার ডাঙর ভালুক আসত রাতে। একা এসে আমি—

অতুল। থামুন আপনি। যান এখন। (তবু overman গেল না)
যান—যান।

রায়। (প্র্যান হইতে মুখ তুলিয়া) যাও—যাও। (কুড়ারাম দুঃখিত ভাবে চলিয়া গেল। আঙুল দেখাইয়া দিলেন। ওদিকে ঠিক এই সময়েই প্রবেশ করিল স্তনন্দা হাতে খাবারের থালা)

স্তনন্দা। এমন করেই মাঃষকে তাড়িয়ে দিতে হয়?

শিব। তুই এই সময় খাবার নিয়ে এলি সুনন্দা?

সুনন্দা। বেলা যে অনেক হয়েছে বাবা।

শিব। কটা বাজল?

সুনন্দা। একটা বেজে গেছে বাবা।

শিব। ফিরতে অন্তত তিন ঘণ্টা। চারটে বেজে যাবে। এ বেলা আর খাওয়া হবে না মা। এস অতুল।

সুনন্দা। ন'—বাবা—সে হবে না। খেয়ে যাও। আমি নিজের হাতে রোঁধেছি!

শিব। ছেলেমানুষী করো না মা। Don't behave like a baby—

[স্নেহভরেই হাতে ঠেলিয়া সরাইয়া দিয়া অগ্রসর হইলেন]

অতুল জীবনে কখনও ভাগ্যকে স্বীকার করিনি। পুরুষাকারকে অবলম্বন করেই চলেছি। কিন্তু আজ মনে হচ্ছে—সময়টা পারাপ। যা তুমি বলছ, তাতে লক্ষ লক্ষ টাকা—বহু লক্ষ টাকা who can say গোটা মাইনটাই নষ্ট হয়ে যাবে না।

[উভয়ের প্রস্থান]

সুনন্দা। লক্ষ লক্ষ টাকা বহু লক্ষ টাকা—! খাবারের থালাটা জানালা খুলিয়া ফেলিয়া দিল) হায়রে টাকা! হায়রে মানুষ!

চতুর্থ দৃশ্য

কলিকাতায় ডাঃ চ্যাটার্জীর বাড়ী

চ্যাটার্জী ও রমা

চ্যাটার্জী। বলুক মা, যে যা বলছে বলুক। তোকে আমি জানি। সেদিন তুই আমাকে বলেছিলি—পুরাকালে অল্প ছিল খাদ্য, তারপর হয়েছিল তলোয়ার, আজ তলোয়ারের চেহারা হয়েছে সোজা। লোকে আমার বলে—আমার সংসারজ্ঞান নেই, আমি অন্ধ। অন্ধও যদি হই আমি—তবু আমার স্পর্শ-বোধ তো আছে মা। আমি যে স্পর্শ ক'রে বুঝতে পারছি—আমার সোজা তলোয়ারে একবিন্দ্ মরচের কর্কশতা কোথাও পড়ে নি। মালিগাহীন তলোয়ারের ওপর রোদের বক্মকানি অন্ধ চোখেও যে অনুভব করতে পারি—উত্তাপের স্পর্শ এসে যে চোখে লাগে।

রমা। মনে আমি কিছু করিনি বাবা, কিন্তু আমার এই দুঃখ যে মাতুষেব এত বিষ ?

চ্যাটার্জী। বিষই তো মাতুষের স্বভাবের আদিম সম্পত্তি মা। সেই বিষকে অমৃত্তে পরিণত করাই তো মনুষ্যত্বের সাধনা। দেবতাদের মধ্যেও কেবল একটি দেবতাই নীলকণ্ঠ। তিনিই মঙ্গলের দেবতা। কুংসাপূর্ণ চিঠিগুলো আমি তখনই পুড়িয়ে ফেলতাম। কিন্তু পরক্ষণেই মনে হ'ল তোকে দেখানো উচিত। আমাকে উপলক্ষ্য করে এ আঘাত তোর উপরেই আঘাত। তাই তোকে না দেখিয়ে পারলাম না। এখন এগুলো—(চিঠি কয়েকখানা তিনি ছিঁড়িয়া পোড়াইয়া দিলেন)।

বমা। (চ্যাটার্জীর কাছে আসিয়া দাঁড়াইল) বাবা ! তুমি আমায় আশীর্বাদ কব। (প্রণাম করিল)

চ্যাটার্জী। আশীর্বাদ ? (মাথায় হাত দিয়া) আমার সকল আশীর্বাদ তোকে যে অবহব ঘিরে আছে রমা—নতুন করে কি আশীর্বাদ তোকে করব ? বস্ মা বস্। নিখিলেশ আজ ক'দিন আসে নি, না-রে ?

রমা। না, আমার সঙ্গে দেখাও হয়নি। আমার মনে হয় বাবা, তিনিও বোধ হয় এমনি ধরনের বেনামী চিঠি পেয়েছেন।

চ্যাটার্জী। হবে। বিশ্বাস তো নেই। কিন্তু সে না এলে যে আমার লেখা এগুচ্ছে না মা। নতুন চ্যাপ্টার আরম্ভ করেছি—তাকে শোনাতে না পাবলে আমার তৃপ্তি হচ্ছে না। চমৎকার বোধগন্ধি নিখিলেশেব। ওর নতুন বই খানা পড়েছিস রমা ? 'দেবতাব নবজন্ম'। সুন্দর বই। আমি অবাক হয়ে গেছি মা—ওব দৃষ্টির ভঙ্গি দেখে !

বমা। পড়েছি বাবা।

চ্যাটার্জী। আমার বই কিন্তু পড়িস নে। একদিনও শুনতে চাইলি না—আমি কি লিখেছি !

রমা। তোমার বই আমি আগাগোড়া মুখস্থ বলতে পারি বাবা ! তুমি যখন থাক না বাড়ীতে, তখন আমি লুকিয়ে লুকিয়ে তোমার বই পড়ি।

চ্যাটার্জী। (উৎসাহে সঙ্গে উঠিয়া দাঁড়াইয়া) তুই পড়িস ?

রমা। মুখস্থ বলব বাবা ?

চ্যাটার্জী। শুনবি,—আমার নতুন চ্যাপ্টারের আরম্ভটা একটু শুনবি ? শোন—(খাতা খুলিয়া) “শৃঙ্খল বিধে অমৃতন্ত পুত্রা”—পৃথিবীর লোককে আমি অমৃতের পুত্র বলে লিখোঁন কবেছি—হিন্দু মুসলমান—বৌদ্ধ খৃষ্টান সে যে

খর্যাবলম্বী হোক, Indian, European, American, কাক্রি, নিগ্রো, এমনকি অনাবিকৃত অরণ্যের আদিমতম নামহীন জাতি, সে যেই হোক, সব—সব—আমার ভারতের চক্ষে অমৃতের পুত্র, যেহেতু তার সাধনা অমৃতের সাধনা। তোমরা শোন—যারা তোমাদের মধ্যে অমৃতের সন্ধান সর্বপ্রথম আবিষ্কার করেছে সেই তাদের কথা তোমাদের বলব, তোমরা শোন।...জানিস রমা, নিখিলের পরামর্শেই আমি ইংরেজী বাংলা ছুটো ভাষাতেই লিখছি। আমার দেশবাসীকে বঞ্চিত করে পৃথিবীর লোককে শোনাবার জন্তে শুধু ইংরেজীতে লেখার কোন অর্থ হয় না। নিখিলেশের যুক্তি আমি মেনে নিয়েছি।—এতপর ইংরেজীটা একটু শোন—

[নেপথ্যে ডাকপিওন—চিঠি ছায় বাবুদাব]

চ্যাটার্জী। কি আশ্চর্য্য! এদের একটুও সময়-জ্ঞান নেই! দেখ, তো মা চিঠিগুলো!

[রমা বাহিরে গিয়া চিঠি লইয়া আসিল, অনেকগুলি চিঠি]

রমা। এ যে অনেক চিঠি বাবা!

চ্যাটার্জী। আমি আমার পুরানো বন্ধুবান্ধবদের চিঠি লিখেছিলাম রমা। আমার বইয়ের কথা জানিয়ে তাদের কাছে appeal করেছিলাম। বইখানা ছাপাতে হবে তো! তাঁরাই সব উত্তর দিয়েছেন। (চিঠিগুলি লইয়া খুলিতে খুলিতে) জানিস মা, আমি আরও একটা সঙ্কল্প করে রেখেছি। বল তো দেখি কি সে সঙ্কল্প? দেখি তুই আমার মনের কথা অনুমান করতে পারিস কি না?

রমা। তুমি ইয়োরোপ আমেরিকা ঘুরতে যা ব বাবা, সেখানকার ইউনিভার্সিটিতে তুমি বইয়ে যা লিখেছ তাই বক্তৃতা দেবে।

চ্যাটার্জী। No, no—You get a big zero। পারলে না তুমি। তুমি একটি প্রকাণ্ড রসগোল্লা পেলে।

[রমা খিল খিল করিয়া হাসিয়া উঠিল]

চ্যাটার্জী। আমি আমার বইয়ের Copyright তোদের সেবাশ্রমকে দান করব।

রমা। সত্যি বাবা? সত্যি?

[নেপথ্যে জ্যোতির্ময়ী—কে আছেন বাড়ীতে?]

চ্যাটার্জী। কে দেখত মা, মনে হচ্ছে কোন মহিলা থাকছেন যেন।

[রমা অগ্রসর হইয়া গেল]

রমা। কে আপনি? ভেতরে আছেন।

[জ্যোতির্ময়ী প্রবেশ করিলেন]

জ্যোতি। এইটে কি বিনোদবাবুর বাড়ী? প্রফেসর বিনোদবিহারী চাট্জো মশায়?

রমা। ই্যা। কিন্তু আপনি কে? কোথেকে আসছেন?

[জ্যোতির্ময়ী ডাঃ চ্যাটার্জীকে দেখিয়া ঈষৎ ঘোমটা টানিয়া দিলেন]

জ্যোতি। তুমিই বোধ হয় রমা? আমি নিখিলেশব মা। (ডাঃ চ্যাটার্জীকে লক্ষ্য করিয়া) আমি আপনার কাছেই এসেছি।

[নমস্কার করিলেন। রমা প্রণাম কবিল—জ্যোতির্ময়ী নীরবে মাথায় হাত দিয়া আশীর্বাদ করিলেন]

চ্যাটার্জী। নমস্কার। নমস্কার। আহ্নন আহ্নন! বসতে দাও রমা, বসতে দাও মা।

জ্যোতি। ব্যস্ত হবেন না আপনি। (বমা চেয়াব আগাইয়া দিল) থাব মা! আমি দাঁড়িয়েই দাঁড়িয়েই কথা বলব।

চ্যাটার্জী। রমা, তুমি বরং একটা আসন নিয়ে এস। আপনি নিখিলেশব মা। আপনি আমার বাড়ীতে এসেছেন। আমার বহু ভাগ্য।

[রমার দ্রুত প্রস্থান]

জ্যোতি। একটা অনুরোধ নিয়ে আমি আপনার কাছে এসেছি।

চ্যাটার্জী। বলুন।

জ্যোতি। আমি আপনাব কাছে রমাকে ভিক্ষে চাইতে এসেছি।

চ্যাটার্জী। বমাকে ভিক্ষে চাইতে এসেছেন?

জ্যোতি। নিখিলেশকে কি আপনি অযোগ্য পাত্র মনে করেন?

চ্যাটার্জী। ও, আপনি রমাব সঙ্গে নিখিলেশব বিবাহেব কথা বলছেন?

জ্যোতি। ই্যা।

চ্যাটার্জী। এর চেয়ে বড় সৌভাগ্য আমি কল্পনা করতে পারি না। কিন্তু—

জ্যোতি। এতে আর কিছু কববেন না আপনি। আমি শুনেছি বমা আর নিখিলেশের মধ্যে ঘনিষ্ঠ মেলামেশা রয়েছে। ওরা দুজনে একসঙ্গে কাজ করে বেড়ায়। লোকে এ নিয়ে কথাও বলছে। প্রশংসা নিন্দা দুয়েরই সমান ভাগে ভাগী ওরা। আমার ইচ্ছে ওবা দুজনে জীবনে এক হয়েই কাজ করুক।

চ্যাটার্জী। এর উত্তর তো আমি আপনাকে দিতে পারব না। রমার ইচ্ছা বিক্রমে আমি তার বিবাহ দিতে পারি না।

জ্যোতি। রমা কি—? রমার কি ইচ্ছে নেই?

চ্যাটার্জী। আগে একটি ছেলের সঙ্গে আমি ওর বিয়ের সন্ধন্ধ করেছিলাম। সে ছেলেটি—

জ্যোতি। জানি। নিখিলেশ সে কথা আমায় বলেছে।

চ্যাটা। নিখিলেশ কি রমাকে বিয়ে করতে চায়?

জ্যোতি। তার কথা বলবেন না সে সন্ন্যাসীর মত ঘুরেই বেড়ায়। অন্ত্র খরলে শুধু বাড়ী আসে—মায়ের হুঃখ বাড়াতে। কিন্তু আমি তাকে বিয়ে করতে বাধ্য করব। এতখানি মেলামেশার পর সে যদি রমাকে বিয়ে না করে, তবে তার চেয়ে বড় অত্যাচার হতে পারে না।

[রমার আসন লইয়া প্রবেশ]

থাক মা থাক। (রমার হাত হইতে আসন লইয়া চেয়ারের উপর রাখিয়া দিলেন)

চ্যাটার্জী। রমা, নিখিলেশের মা এসেছেন, তিনি তোমায় পুত্রবধূ করতে চান।

রমা। আমি ওঘর থেকে সব শুনেছি বাবা। কিন্তু না বাবা। আমার পথ আমি পেয়েছি। (জ্যোতিরায়ী'র মুপের দিকে চাহিয়া) আপনি আমাকে কমা করবেন। (প্রস্থান)

চ্যাটার্জী। আপনি বলতে পারেন এ আমার কোন পাপের প্রায়শ্চিত্ত?

জ্যোতি। শুধু আমি এসেছিলাম, একটা বোনামী চিঠি পেয়ে। ভাবলাম নিখিলেশ যদি এত হীনই হয়ে থাকে—

চ্যাটার্জী। না, না, না। নিখিলেশ হীন নয়—নিখিলেশ কখনও হীন হতে পারে না—। মিথ্যা সে চিঠি। তেমন চিঠি শুধু আপনিই পান নি। আমিও পেয়েছি। আমি কষ্টার পিতা—আমাকে বিশ্বাস করুন—সে মিথ্যা—সম্পূর্ণ মিথ্যা।

জ্যোতি। সে রমা মাকে দেখে বুঝেছি, আপনাকে দেখে বুঝেছি, সে চিঠি মিথ্যা। আমি নিশ্চিত হয়ে ফিরে যাচ্ছি। নিখিলেশকে আপনি বলবেন—

চ্যাটার্জী। নিখিলেশের সঙ্গে আপনার দেখা হয় নি?

জ্যোতি। না; (হাসিয়া) আমার চেয়ে সে ভাল মা পেয়েছে—দেশ-জননী। আমার কথা তার আর মনে হয় না।

[ভিক্টর ছেলেটি ঘরের ভিতর প্রবেশ করিয়া চারিদিকে চাহিতে লাগিল]

চ্যাটার্জী। এই যে নিখিলেশের বাহন! কিরে? নিখিলেশ কোথায়?

ছেলে। রমাদি কোথায় ?

চ্যাটাকী। শয়তান কোথাকার ? জিজ্ঞাসা কবলে জবাব না দিয়ে পাণ্টা জিজ্ঞাসা করে ! আগে নিখিলেশ কোথায় বল !

ছেলে। (চাংকাব করিয়া) রমাদি ! আসানসোল থেকে টেলিগ্রাম এসেছে। সেখানে যেতে হবে। কলেরা হয়েছে। নিখিলদা তোমায় যেতে বললে। বললে, ট্রেনের মাত্র আধ ঘণ্টা সময় আছে। (ছুটিয়া গ্রস্থান)

চ্যাটাকী। এই—ওবে।

[রমাব প্রবেশ]

বমা। আপনি একটু অপেক্ষা করুন ; আমি নিখিলেশবাবুকে নিয়ে আসছি !

জ্যোতি। তুমিই তাকে আমার আশীর্বাদ জানিয়ে মা। ট্রেনের আধ ঘণ্টা সময়। আমার সঙ্গে দেখা কবতে হলে—ট্রেন ফেল হয়ে যাবে। তাকে বলো দুষ্ট ছেলের মা বলে কি একটুও মন কেমন কবে না। (বমা তাঁহাকে প্রণাম করিল) তোদের জয় হোক মা।

পঞ্চম দৃশ্য

কলিয়াবীর কুলি-বস্তি

[দেশী খাপবায় ছাওয়া কুলি-খাওড়ার একাংশ। সরু শানেক বোলাব খুঁটি দেওয়া নীচু বাবান্দা সামনে। অপবিষ্কাব বারান্দা। বাবান্দার গায়ে ঘরের একটিমাত্র দরজা—একপাল্লা দবজা। দবজা যেমন হালকা তেমনি অসংস্কৃত গঠন। দবজাব পাশে দেওয়ালের গায়ে ২' x ১১' মত একটি আইন-বাঁচানো জানালা। জানালাটিও দবজাব অমুরূপ। বারান্দার সম্মুখে খোলা জায়গাটা কদম্বা নোংবা। কতকগুলো কালো ইঁড়ি-সরা। এক জায়গায় কতকগুলো পাখীর পালক, দুই-এক আঁটি খড় পড়িয়া আছে। কতকগুলো আগাছাও জন্মিয়াছে। কেবল ঠিক মধ্যস্থলে একটি পুষ্পভাবে সমৃদ্ধ পলাশের গাছ। লাল ফুলে গাছটি ভবিয়া উঠিয়াছে। বাবান্দার উপর দুইটি খুড়ি, একটা গাঁইতি, বারান্দারই একপাশে একটা জলের ইঁড়ি কাত হইয়া গড়াইয়া পড়িয়া আছে, দেওয়ালে দড়ির আলনায় একখানা

কালো রঙের কাপড় ঝুলিতেছে। দেওয়ালের গায়ে ঝুলানো আছে একটা কেরোসিনের ডিবে। ঘরের খোলা দরজার ভিতর দেখা যাইতেছে আপাদ-মস্তক কাপড়ে ঢাকা একটা শব। বারান্দার পড়িয়া ছটফট করিতেছে একজন কয়লাকাটা শ্রমিক। তাহার হাতে একটা শুল্ক এ্যালুমিনিয়ামের গ্লাস। দুই হাতে সেটা ধরিয়া সে সম্মুখে বাড়াইয়া বলিতেছে—“জল—জল! জল—জল!”

বাবান্দার বাহিরে খোলা জায়গাটার একদিকে কতকগুলি শ্রমিক মেয়ে ও একটি দীর্ঘাকৃতি শ্রমিক পুরুষ। নাম ভক্তা। অপরদিকে কুড়ারাম ওভারম্যান ও কলিয়ারির ডাক্তার। ওভারম্যান কুড়ারাম দাঁড়াইয়া ছুলিতেছে। ভক্তা সর্দার স্থিরদৃষ্টিতে চাহিয়া আছে কথ শ্রমিকটির দিকে। ডাক্তার একটা শিলিতে ওষুধ চোখের সামনে ধরিয়া মধ্যে মধ্যে ঝাঁকি দিতেছে। রক্তমঞ্চ অন্ধকার। কাল—সন্ধ্যার পর। শুধু একটা ডিবে জ্বলিতেছে—]

কুড়া। তুই এর উপরে মদ খেয়েছিস ভক্তা?

ভক্তা। মদ খাব না তো বাঁচব কি করে বাবু? বুকাটা যে আমার কি করছে! উয়াদিগে যি আমি নিয়ে এলাম ইখানে। আমি উয়াদের সর্দার। উয়ারা চাব করছিল—বাস করছিল—থাকছিল। তোমরা বললে বাবু—লোক নিয়ে আস, সর্দার হবি, সর্দারি দিব, আমি নিয়ে এলাম, বললাম—মেয়ে মরদে খাটবি—পয়সা পাবি। মেয়েটা মরে গেল, মরদটা মরছে।

ডাক্তার। এই নে। ওষুধটা খাইয়ে দে। তিন ধোরাক বুঝলি! একবারে সবটা খাওয়াস না যেন।

ভক্তা। আমার ডাক ছেড়ে চোঁচাইতে মন হচ্ছে বাবু। তু আমাকে কিছু বলিস না।

[প্রবেশ করিল রমা, নিখিল ও বিছে, সঙ্গে কানাই]

কানাই। এই দেখুন, ওই কুলিসর্দার ভক্তারাম। ওই ডাক্তারবাবু আর—ওই হল কুড়ারাম ওভারম্যান। ডাক্তারবাবু, ঈশ্বর এসেছেন কলকাতা থেকে। আচ্ছা আমি যাই মশায়! কাজ ছেড়ে এসেছি। জানলে পরে জামাইবাবু মাথাটি নিয়ে নিবে। (প্রস্থান)

কুড়ারাম। কানাই হে, কানাই! (অভ্যুত্থান)

[রমা, নিখিল, বিছে এতক্ষণ চারিদিকে দেখিতেছিল। বিছে ঘরের দরজার কাছে গিয়া পিছাইয়া আসিয়া]

বিছে। মড়া! ঘরের মধ্যে একটা লোক মরে পড়ে রয়েছে—

রমা। মরে পড়ে আছে?

নিখিল। (বারান্দার লোকটিকে শোয়াইয়া) ঘরে মরেছে—বাইরে রয়েছে! (হানিল) গাছটার দিকে চেয়ে দেখুন রমা দেবী, গাছটা ফুলে ভরে গেছে। প্রকৃতি কাউকে বঞ্চনা করে না। তার বলন্ত সর্বত্র আসে। কিন্তু মানুষের জীবনে কোথাও চিরদিন মেরু ভূষারে ঢাকা, অনন্ত শীত-রাত্রি!

ভক্তা। (প্রণাম করিয়া) আপনকারা কে বাবু? হাঁগো মা-ঠাকরুণ?

রমা। তোমাদের অসুখ হয়েছে শুনে আমরা এসেছি—তোমাদের দেখতে, সেবা করতে। তুমি এদের সর্দার?

ভক্তা। হাঁ, উয়ারা আমার আপন জাত, আমার গাঁয়ের মানুষ। আমি সর্দার। উদ্দিগে আমি ইখানে লিয়ে এলাম। বারো জনা মরে গেল ঠাকরুণ! আমার মনে হচ্ছে আমি ডাক ছেড়ে চোঁচাই।

নিখিল। পাউডারটা বের করুন রমা দেবী।

রমা। (অগ্রসর হইয়া) এই যে।

নিখিল। (পাউডার লইয়া) বিছে—মুখে জল দে দেখি।

[বিছে রোগীর মুখে জল দিল, নিখিল পাউডার ঢালিয়া দিল]

ভক্তা। ওই দেখেন ঠাকরুণ, ঘরে একটা মেয়ে মরে পড়ে আছে। বাবুরা বলছে, পায়ে নড়ি বেঁধে টেনে নিয়ে যা। বলেন ঠাকরুণ তাই পারি? আপনার মানুষ—আপন জাত!

[নিখিল উঠিয়া ঘরের মড়াটা দেখিয়া]

নিখিল। কত দূর নিয়ে যেতে হবে বল তো? শ্মশান কতদূর?

ভক্তা। এই খুব নগিছে বাবু। পো টাক্ রাস্তা।

নিখিল। (ভক্তার প্রতি) তোমাতে আমাতে নিয়ে যাব চল। কেমন? পারব না?

ভক্তা। আপুনি আমাদের মড়া ছোঁবেন বাবু?

ভাঃ। আপনি থুটান বুঝি?

নিখিল। না। (পৈতা খুঁজিয়া) বাঃ, গেল কোথায় যে বাবা!

রমা। কি?

নিখিল। পৈতে!

রমা। (হানিয়া) খোপার বাড়ী দেন নি তো?

নিখিল। উঁহ। Duplicate নেই। তা ছাড়া কালই যে পাক দিতে

দিতে গলায় প্রায় ফাঁস লাগিয়ে ফেলেছিলাম। (শৈতে পাইয়া) এই যে! এই।
দেখুন জাতি ব্রাহ্মণ, উপাধি বন্দোপাধ্যায়, নৈক্য হলো—ভক্ত কুলীন।

ডাঃ। তাহলে আজ্ঞে—এ আপনাদের কি রকম আচরণ? নীচ জাতের
মড়া ছোঁবেন?

রমা। ভাববেন না, ফিরে গিয়ে আমরা প্রায়শ্চিত্ত করব। এখন আমাদের
একটু সাহায্য করুন দেখি।

ডাঃ। মাপ করবেন, মড়া আমি ছোঁব না। (প্রস্থান)

নিখিল। মড়া আপনাকে ছুঁতে হবে না। শুধুন—শুধুন।

[কুড়ারামের প্রবেশ]

কুড়া। বলেন, আমাকে বলেন কি করতে হবে।

নিখিল। আমরা এখানে কলেরার রোগীদের সেবা করতে এসেছি।
আমাদের থাকতে হবে তো! একটু থাকবার জায়গার বন্দোবস্ত চাই—এই
আর কি!

কুড়া। শুনেছি আজ্ঞা সব শুনেছি, কানাই বলেছে আমাকে। ইয়ার
লেগে ভাবনা কি আজ্ঞা। সে আমি ঠিক কবে দিছি। এখুনি ঠিক করে
দিছি। আমি এখানকার ওভারম্যান—নাম কুড়ারাম চক্রবর্তী। মালিক
বায়বাহার আমাকে পুত্রাধিক স্নেহ করেন। জামাইবাবুও লোক খুব ভাল।
বিলাত-কেবল। এখুনি বলে আমি সব ঠিক করে দিছি। আমাকে বললেন—
ভালই করলেন। সব ঠিক করে দিছি আমি। (প্রস্থান)

রমা। Idiot কোথাকার।

নিখিল। বাদ দিন রমা দেবী, বাদ দিন। এই নিখিলচন্দ্রই যদি কোন
দিন মাচের্গেট অফিসে চাকরি করে—তবে সেও বড় সাহেবের সহস্বে এমন
পঞ্চমুখই হয়ে উঠবে! হয় তো—একটু চাতুৰ্য্যপূর্ণ ভাষায়—একটু চালাকিপূর্ণ
চালে—তবে—ব্যাপারটা ঠিক একই। দেশী মুড়ি আর টিনবন্দী পাচড় রাইস।

“ওরে ভাই কার নিন্দা কর তুমি? মাথা কর নত।

এ আমার, এ তোমার শাপ!

যাক গে—এক কাজ করুন। খানিকটা ধুকোজ দেওয়ার দরকার। আপনি
ব্যবস্থা করুন বিচ্ছেদ নিয়ে। আমি বরং মালিকদের কাছ থেকে ঘুরেই আসি
একবার। কাজ কি অনাবশ্যক ঝগড়া করে! তুমি আমাকে একটু পথ দেখাও
তো ভাই—কোথায় তোমাদের মালিক থাকেন দেখি। এসে মড়াটি বের
করবার ব্যবস্থা করব।

[ভক্তা ও নিখিলেশের প্রস্থান । রমা বলিয়া ব্যাপ হইতে গুরুোজের বোতল বাহির করিল]

বিছে । রমা দি, ওই চোড়াটা থেকে কেমন আশুন বেরুচ্ছে দেখ !

রমা । ওসব পরে দেখবি । তুই এগিয়ে দেখ—ভাক্তার ছেলের পাড়ী কতদূর ! একেবারে এখানে নিয়ে আসবি । (বিছের প্রস্থান)

[রমা আবৃত্তি করিতে লাগিল]

ভীকর ভীকতা পুণ, প্রবলের উদ্ধত অন্তায়—

কোভীর নিষ্ঠুর লোভ

বঞ্চিতের নিত্য চিন্তাকোভ

জাতি অভিমান—

মানবের অধিষ্ঠাত্রী দেবতার বহু অসম্মান,

[কুড়ারাম ও অতুলের প্রবেশ]

কুড়া । এই দেখুন—ইযাবা এসেছেন আজ, দেবতুল্য লোক, সেবা করতে এসেছেন । তাই বললাম আমি—আমাদের জামাইবাবু—ভারী জ্বর লোক, বিলাত-ফেরৎ—গুনবামাত্র ছুটে এসেছেন । আমি তা'হলে রায়বাহাদুরকে খবর দি আজ্ঞা । (প্রস্থান)

[অঙ্ককারের জ্ঞা অতুল ও রমা পরস্পরকে চিনিতে পারে নাই রমা উঠিয়া দাঁড়াইল । অতুল কাছে আসিল ।]

অতুল । নমস্কার ! আপনারাই এসেছেন এখানে—কলেরায় কাজ করতে—

[পরস্পরের কাছে আসিল, অতুলের হাত হইতে টুপি পড়িয়া গেল ।

রমার হাত হইতে কাপটা পড়িয়া গেল]

রমা । কে ? আপনি ?

অতুল । তুমি ? রমা ? তুমি ?

রমা । (আশ্চর্যবর্ণ করিয়া কাপটা কুড়াইয়া লইয়া) নমস্কার ! ইয়া আমরাই এসেছি এখানে—কলেরায় সেবা করতে । ভাল আছেন আপনি ?

অতুল । ইয়া ।

রমা । আর কিছু বলবেন অতুলবাবু ?

অতুল । এই ব্রত গ্রহণ করেছ জীবনে ?

রমা । ভাবপ্রবণ বাংলা দেশের মেয়ে আর কি করতে পারে বলুন ।

অতুল । জানি না । সে সব কথা আলোচনার আমার অধিকার নেই । তবে যদি বলি মুখ হয়েছি শ্রদ্ধাপূর্ণ অন্তর নিয়ে তোমাদের আগত সম্ভাষণ

জানিতে এসেছি তবে অবিশ্বাস করে না। শুধু স্বাগত সন্ধ্যা নর—সাদর নিমন্ত্রণ—

রমা। নিমন্ত্রণ?

অতুল। হ্যাঁ। আমি তোমাদের নিমন্ত্রণ জানিতে এসেছি। তোমরা এখানে কলেরায় সেবা করতে এসেছ; কিন্তু তোমাদের সেবারও তো প্রয়োজন আছে। তুমি শুনেছ নিশ্চয়—ওভারম্যান আমাকে জামাইবাবু বলে ডাকছেন। আমি বিবাহ করেছি। আমাদের ওখানে চল তোমরা, আমরা স্বামী-স্ত্রীতে তোমাদের সেবা করব।

রমা। সে কথা তো আমাকে বললে হবে না। আমাদের সম্পাদককে বলতে হবে।

অতুল। কে তোমাদের সম্পাদক? কোথায় তিনি?

রমা। নিখিলেশবাবু বোধ হয় আপনাদের বাড়ীর দিকেই গেছেন।

অতুল। নিখিলেশবাবু? নিখিলেশ বন্দ্যোপাধ্যায়? লেখক?

রমা। হ্যাঁ। চেনেন তাকে আপনি?

অতুল। নামটা চিনি। নিখিলেশবাবু—(বলিতে বলিতে প্রস্থান)

ষষ্ঠ দৃশ্য

রায় বাহাদুরের বাংলো

[সুনন্দার গৃহ হইতে স্বতন্ত্র। সুনন্দা অঙ্ককারের মধ্যেই বসিয়াছিল। বাহিরে রায় বাহাদুরের কণ্ঠস্বর শোনা গেল। সুনন্দা সঙ্গে সঙ্গে স্ট্রিচ টিপিয়া আলো জালিল, এবং নিজে একটি জানালার ধারে—বাহিরের অঙ্ককারের দিকে চাহিয়া দাঁড়াইয়া রহিল।]

রায়। কলকাতায় টেলিগ্রাম করুন। ডাক্তার কম্পাউণ্ডার ওষুধ যত শীঘ্র হয় পাঠিয়ে দিক। Public Health Department, Bengal. কলিকাতার বাহিরে—ওই ডাক্তারীয় খড়ের ছাউনি করে Emergency Hospital-এর আয়ুগা করুন।

ম্যানেজার। শুনেছি, আলানলোলে সেন্টার করে একদল সেবাসংঘের লোক কাজ করছে—তারিও বোধ হয় খবর পেয়েছে। কলকাতা থেকে কিছুদিন হ'ল আলানলোলে এসেছে।

রায়। সেবাসংঘ ? ডলেক্টর ? না-না-ওঁদের উপর আমার বিশ্বাস নেই
আছাও নেই। আপনি Public Health Department-এ তার করুন।
নিজের সেবায় বারা অক্ষম তারাই পরের সেবা ক'রে ঘুরে বেড়ায়।

ম্যানে। বারা মারা বাবে—তাদের ছেলে মেয়েদের কিছু টাকা দেওয়া
দরকার। নইলে কুলি সব পালাবে। টাকা পেলে ওইটের জন্তেই থাকবে।
আমি বলি—male member মারা গেলে তিরিশ—আর female member
এর জন্তে কুড়ি—

রায়। তিরিশ আর কুড়ি ? ওটা পকাশ আর তিরিশ করে দিন। আজ
পর্যন্ত মারা গেছে—বাইশ জন না ?

ম্যানে। ই্যা। হয়ে রয়েছে পনের জনের।

রায়। They are my men—আজই telegram করুন আপনি। আজই।

ম্যানে। যে আজ্ঞে।

রায়। আমাদের বাগলো কম্পাউণ্ডের কুরোণলোকে ডিসইনফেক্ট করা
দরকার। পাহারা রাখাও দরকার।

ম্যানে। আজই করিয়ে দিচ্ছি। (প্রস্থান)

রায়। একটা কথা। ম্যানেজারবাবু ! (ম্যানেজার পুনরায় কিরিল)

রায়। প্রক্সের বিনোদবিহারী চট্টোপাধ্যায়কে দেড় হাজার টাকার চেক
পাঠাবার কথা—সেটা পাঠানো হয়েছে কি না জানেন ?

ম্যানে। ও—ই্যা। বই ছাপাবার জন্তে তো ? পাঠানো হয়েছে তো।
দশ টাকা হিসেবে—দেড়শো বই পাঠাবার জন্তে চিঠির ড্রাক্টও করে দিয়েছি।
সেটা বোধ হয় আজই যাবে।

রায়। না-না-না। তিনি আমার বাল্যবন্ধু। ও চিঠি পাঠাতে হবে না।
আমার নামে পাঁচশো টাকা চারিটি এ্যাকাউন্টে খরচ লিখবেন।

ম্যানে। বাকী হাজার টাকা ?

রায়। ওটা অভুলবাবুর টাকা। উনি নিজের নামে পাঠাতে চান না
বলেই আমার নামে পাঠাতে বলেছি। অভুলবাবু আমায় চেক দিয়েছেন। ও
টাকার জমাখরচ রাখতে হবে না।

ম্যানে। যে আজ্ঞে। (প্রস্থান)

[রায় বাঁহাড়র এতক্ষণে স্থানটাকে লক্ষ্য করিলেন। জামা খুলিতে খুলিতে
ঐ কুকিত করিয়া বলিলেন]

রায়। সুনন্দা? (সুনন্দা মুখ ফিরাইল) ওখানে দাঁড়িয়ে তুই? ওখানে এমন করে কেন রে?

সুনন্দা। এমনি বাবা। বাইরেটা দেখছিলাম। অঙ্ককার দেখছিলাম। শরৎচন্দ্রের বইয়ের কথা মনে হচ্ছিল অঙ্ককারেরও একটা রূপ আছে!

রায়। তুই বই পড়তে বড় ভাল বাসিস। সেদিন আমার ওপর রাগ করে বইগুলো কেরাণীদের দিয়ে দিয়েছিল।

সুনন্দা। না বাবা।

রায়। না বললে আমি শুনবো কেন? ভাল, আবার বইয়ের অর্ডার দে তুই। পাঁচ হাজার টাকা দেব তোকে আমি বই কিনতে।

সুনন্দা। না বাবা। বই আর পড়ব না। কি হবে?

রায়। আমার উপর তোর একটা নিদারুণ অভিযোগ আছে যেন, আমি সেটা যেন মধ্যে মধ্যে অনুভব করি। এদিকে আর সুনন্দা!

[সুনন্দা কাছে আসিল]

রায়। (উঠিয়া তাহার মুখ তুলিয়া) সুনন্দা!

সু। বাবা।

রায়। আমি তোর বাপ। তুই কি একথা বলতে পারিস—কখনও তোকে আমি দুঃখ দিয়েছি, তোর কোন সাধ অপূর্ণ রেখেছি, তুই যা চেয়েছিল আমি দিই নি!

সু। আমি কি কখনও সে কথা বলেছি বাবা?

রায়। মুখে বলিস নি। কিন্তু তোর মা সমস্ত জীবন আমাকে এমনি যত্নশীল দিয়ে গেছে। আবার তুই-ও তাই আরম্ভ করেছিল। কিন্তু কেন?

[সুনন্দা পিতার মুখের দিকে চাহিয়া বহিল]

রায়। বল সুনন্দা। আমি আজ তোর উত্তর শুনতে চাই। কেন?

সু। সংসারে সাধের জিনিষ পাওয়াই কি সব বাবা?

রায়। তবে মানুষ মানুষের জন্তে আর কি করতে পারে সুনন্দা?

সু। কিছু পারে না বাবা—কিছু পারে না। তুমি আমায় ক্ষমা কর বাবা। আমায় ক্ষমা কর তুমি। (ক্ষত প্রস্থান)

[রায় বাহাজুর চুপ করিয়া দাঁড়াইয়া রহিলেন সুনন্দা]

পুনরায় প্রবেশ করিল]

সু। আমার মায়ের মৃত্যুর সময় তুমি কি তাঁর কাছে থাকতে পারতে না বাবা?

রায়। আমার ছুরদুই—বিরাট কাজের মধ্যে কোন মতেই আমি ছুটি পেলাম না। বসেতে আটকে গেলাম। কাজ ফেলে আসতে পারলাম না!

হু। কাজ! কাজ! কাজ! সে তোমার কাজ! তাতে অস্ত্র কার কি? তাতে তোমার লক্ষ লক্ষ টাকা লাভ হয়েছে। কিন্তু আমার মা? তাঁর কতিব দ্বঃখ তুমি বুঝতে পার বাবা? তাঁর সেই দ্বঃখ আমি বয়ে বেড়াচ্ছি।

[সুনন্দা আবার চলিয়া যাইতেছিল]

রায়। (আর্ন্তহরে) সুনন্দা! অতুলও কি তবে তোকে—(সুনন্দা ফিরিয়া একটু হাসিল)

সুনন্দা। না, তিনি আমার কোন সাধ অপূর্ণ রাখেন না বাবা। তাঁর দেওয়া জিনিষের বোঝার ভারে আমার নিঃশ্বাস ফেলতে কষ্ট হয়। এত যত্ন তুমিও করতে না বাবা। (গ্রহ্মান)

[রায় বাহাদুর সুনন্দার মায়ের ছবির কাছে গিয়া দাঁড়াইলেন]

রায়। তুমি! তুমি! তুমি আমায় অভিসম্পাত দিয়ে গেছ!

[নেপথ্যে ভক্তার কণ্ঠস্বর]

রায়। সুনন্দা! জানিস কত বড় বিরাট কাজ তখন আমার মাথায়?

ভক্তা। (নেপথ্যে) মালিকবাবু। হজুর!

নিখিল। (নেপথ্যে) কে আছেন ভেতরে?

রায়। কে?

নিখিল। (নেপথ্যে) আমি একজন বিদ্রোহী।

রায়। ম্যানেজারবাবুর কাছে office-এ যান। এখানে নয়।

নিখিল। (নেপথ্যে হইতেই) আমি আপনার সঙ্গেই দেখা করতে চাই।

রায়। ভেতরে আসুন।

নিখিল। (বলিতে বলিতেই প্রবেশ করিল) আমরা এসেছি কলকাতার এক সেবাপ্রম থেকে—এখানে কলেরায় সেবা করবার জন্তে। নমস্কার! ভাই আপনার অহুমতি—

রায়। কে—কে—কে তুমি?

নিখিল। আমার নাম—এ কি? আপনি কাকাবাবু?

রায়। নিখিলেশ, তুমি নিখিলেশ?

নিখিল। ইয়া কাকাবাবু, আমরা এখানে কলেরায় সেবা করতে এসেছি!

রায়। কলেরায় সেবা করতে এসেছ? Truth is stranger than

fiction। জানো নিখিলেশ, এই কলিয়ারী, আমার সব তোমার দিতে চেয়েছিলাম।

[প্রণাম করিতে অগ্রসর হইল]

নিখিল। কাকাবাবু, হুন্দ্ৰা আমার বোন, তাকে আমি আশীর্বাদ করি।

রায়। থাক নিখিলেশ, হুন্দ্ৰার আলোচনা থাক। আমার বিশ্বাস ও আলোচনার তোমার অধিকার নেই।

নিখিল। বোনের সম্পর্কে আলোচনার অধিকার কি ভাইয়ের নেই কাকাবাবু?

রায়। Truth is truth—সূর্যের আলোয় রং ধরানো যায় নিখিলেশ? চোখে রঙীন চশমা পরতে হয়, ওকে বলে আত্মপ্রতারণা।

নিখিল। বেশ—ও আলোচনা করব না—থাক—

[হুন্দ্ৰা বাহির হইয়া আসিল]

হুন্দ্ৰা আমি হুন্দ্ৰা! আপনি নিখিলেশবাবু—লেখক! (অগ্রসর হইয়া প্রণাম করিল) আমাকে আশীর্বাদ করুন। আমি আপনার ভক্ত পাঠিকা।

নিখিল। আশীর্বাদ করি স্বর্গের লতার মত তুমি ফুলে ফলে ভরে ওঠ।

হুন্দ্ৰা। আপনি এখানে কলেরায় সেবা করবার জন্ত এলেন?

নিখিল। হ্যাঁ। তাই এসেছি—কাকাবাবুর অহুমতির জন্ত।

রায়। সে অহুমতি আমি দিতে পারব না নিখিলেশ।

হুন্দ্ৰা। কেন বাবা?

রায়। কারণ এ অহুমতি না দেবার অধিকার আমার আছে।

নিখিল। কিন্তু আমি তো আমার কাজ থেকে নিরন্ত হতে পারব না কাকাবাবু।

রায়। They are my men নিখিলেশ, আমার আজিত—আমার পোস্ত—তার, তাদের ব্যবস্থা আমি করেছি।

নিখিল। তারা এখানে খেটে খায় কাকাবাবু। আপনার আজিতও নয়—পোস্তও নয়।

রায়। কলিয়ারী আমার, কুলী আমার। তাদের তার আমার।

হু। বাবা!

রায়। না—হুন্দ্ৰা, না।

হ। আমিও এ কলিয়ারীর একজন ডিরেক্টর—আমি বলছি ওঁদের সে অধিকার আছে।

[অতুলের প্রবেশ]

তুমি এসেছ? ইনি লেখক নিখিলেশবাবু। এখানে এসেছেন কলারার সেবা করতে।

অতুল। আপনি নিখিলেশবাবু? আমি অতুল। হুনন্দার স্বামী। আপনাকেই আমি খুঁজছি।

নিখিল। আপনি অতুলবাবু।

অতুল। আপনাকে আমি নিমন্ত্রণ জানাতে এসেছি নিখিলেশবাবু।

নিখিল। অতুলবাবু, নিমন্ত্রণ জানাতে হবে রমা দেবীকে—তিনি—

অতুল। তার সঙ্গে আমার দেখা হয়েছে নিখিলেশবাবু। রমা বললে—আপনি সজ্জের সম্পাদক—নিমন্ত্রণ আপনাকে জানাতে হবে।

নিখিল। রমা বলেছে—আমি সম্পাদক—নিমন্ত্রণ আমাকে জানাতে হবে?

অতুল। আমি তার কাছ থেকেই আসছি নিখিলেশবাবু। আমরা স্বামী-স্ত্রী দুজনেই নিমন্ত্রণ জানাচ্ছি—

নিখিল। ধন্যবাদ, আপনাকে অসংখ্য ধন্যবাদ। কিন্তু মাফ করবেন অতুলবাবু, আপনাদের নিমন্ত্রণ আমরা গ্রহণ করতে পারলাম না।

অতুল। কেন নিখিলেশবাবু?

নিখিল। অসহনীয় দারিদ্র্য, দুর্গন্ধময় আবহাওয়ার অস্বপ্নেব মত ওই কুলী-বস্তিতে নিপীড়িত মানুষের সেবা করতে এসেছি আমরা, আপনাদের রাজপ্রাসাদের স্বথ-স্বাচ্ছন্দ্য-বিলাস-প্রাচুর্যের আরামের নিমন্ত্রণে আমাদের আকাজক্ষাও নেই, অধিকারও নেই। ওই কুলী বস্তিতে সামান্য একটু আশ্রয় পেলেই আমরা কৃতার্থ হব। (প্রস্থানোচ্চত রায় বাহাদুর পথরোধ করিলেন)

রায়। আমি সে আশ্রয়টুকুও দিতে অক্ষম নিখিলেশ। আমার কলিয়ারী তোমাদের এই মুহূর্তে ছেড়ে যেতে হবে।

হুনন্দা। বাবা!

রায়। থাম হুনন্দা। আমি এখানে ইয়ারভেলী হাসপাতালের ব্যবস্থা করেছি। কলকাতা থেকে ডাক্তার আসছে—কম্পাউণ্ডার আসছে—তোমাদের কোন প্রয়োজন হবে না এখানে।

নিখিল। আপনার হাসপাতালে আমাদের কাজ করতে দিন। আমরা নার্সের কাজ করব।

রায়। ভাল। অতুল—

অতুল। বলুন!

রায়। আমার এই বাংলার সমস্ত কার্ণিচার বের করে দাও। এই বাংলোয় হবে ইমারজেন্সী হাসপাতাল। (প্রস্থান)

তৃতীয় অঙ্ক/প্রথম দৃশ্য

কুলিবস্তির সেই ধাওড়া

[চারিদিকে এখন আর কোন অপরিচ্ছন্নতা নাই। চারিদিকে একটি স্বচ্ছ শৃঙ্খলাই তত্বত্ব করিতেছে। পুষ্টিত পলাশ গাছটার নীচে নিখিলেশ ও অতুল পরস্পরের হাত ধরিয়া দাঁড়াইয়া আছে।]

অতুল। কলিয়ারীর মালিকের জামাই হিসেবে নয়, কলিয়ারির সুপারিন্টেন্ডেন্ট হিসেবেও নয়, নিতান্ত ব্যক্তিগতভাবেই আপনাদের আমি—কি বলব? ধন্যবাদ নয়—কৃতজ্ঞতাও নয়, শ্রদ্ধা, নিখিলেশবাবু, অন্তর্বের শ্রদ্ধা জানাতে এসেছি।

নিখিল। ফ্যাসাদে ফেললেন অতুলবাবু, ওই শ্রদ্ধা জিনিসটা আমার খুব বরদাস্ত হয় না। মানে—ওটা খুব গুরুগম্ভীর ব্যাপার। তার চেয়ে প্রীতি, স্নেহ, এগুলো অনেক ভাল লাগে আমার। ‘আবার খাবো’ গোছের জিনিস—খেয়ে অরুচি ধরে না, ছেলে বুড়ো সবাইই সমান মুখরোচক (হাসিল, তারপর গম্ভীর হইয়াও মাধুর্যের সঙ্গে বলিল) আমাকে আপনার প্রীতিভাজন বন্ধু মনে করলে আমি স্থখী হব, সত্যিই তৃপ্তি পাব অতুলবাবু!

অতুল। আমি দিতে চাইলাম শ্রদ্ধা—কিন্তু আপনি নিতে চাইলেন প্রীতি; সে যে আমারই বড় ভাগ্য—অযাচিত সৌভাগ্য।

নিখিল। আপনি কিন্তু বড় formal অতুলবাবু! বড় গম্ভীর! কি এত ভাবেন মশাই?

অতুল। (একটা দীর্ঘনিঃশ্বাস ফেলিয়া) আমার জীবনের সাধনা—বড় কঠোর সাধনা নিখিলবাবু। এ আমার অতি কঠোর কৃচ্ছ্র সাধনা। আপনার মতের সঙ্গে, পথের সঙ্গে—আমার মতের পার্থক্য অনেক। সম্পূর্ণ বিপরীত-ধর্মী আমরা। আপনি বুঝতে পারবেন কিনা জানি না, কিন্তু আমার সাধনার মধ্যে মুহূর্তের অবকাশ নেই, আমি যেন অহুভব করি—অবকাশের আমার অধিকার পর্যন্ত নেই।

নিখিল। অভুলবাবু!

অভুল। আমি বৈজ্ঞানিক। অভিবাস্তব বৈজ্ঞানিক আমি। আমার সাধনা—আমি প্রকৃতিকে আয়ত্ত করব—স্বপ্নে আনব। অপরিমেয় ঐশ্বর্য—
ভুলভ বিলাস—শ্রেষ্ঠ আহার সে জীতদাসীর মত জোগাবে আমাকে, আমার স্বদেশবাসীকে, পৃথিবীর মানুষকে। আপনি কবি, আপনি শিল্পী—
—আপনি সেবার্ধী, আপনি বন্দনা ক’রে—সেবা ক’রে—তাকে ভুট
করতে চান। আপনি তার ভক্ত। আমি কিন্তু হ’তে চাই তার প্রভু।
আপনারা বন্দনা ক’রে—সেবা ক’রে—তার স্বভাবের এতটুকু পরিবর্তন করতে
পেরেছেন? সে অতি নির্মম নিষ্ঠুর, ক্রমশে গলে না, বন্দনায় হাসে, প্রার্থনায়
নিষ্ঠুরার মত ব্যঙ্গ করে চলে যায়। নিখিলেশবাবু, তাই তাকে আয়ত্ত করবার
সাধনা আমার; জোর ক’রে তাকে স্বপ্নে আনব আমি। নারীর মত—
পৃথিবীর মত!

[রমা কথার মধ্যস্থলেই অভূলের পিছনের দিকে প্রবেশ করিল]

রমা। তাই আপনার সাধনার হাতেখড়ি বুদ্ধি প্রকৃতির প্রতীক—মেয়েদের
ওপর নিয়্যাতন ক’রে অভুলবাবু?

অভুল। (ফিরিয়া) রমা?

রমা। হ্যাঁ, আমি। আপনি—

নিখিল। রমা দেবী। Miss Chatterjee!

অভুল। তোমার কাছে আমার অপরাধ অনেক রমা।

রমা। না, সেজ্ঞাত বলিনি আমি! আপনার হয়তো মনে নেই—আপনাকে
আমি বলেছিলাম—না চাইতেই আমি মার্জনা করেছি। আপনি তো জানেন
মিথ্যে কথা আমি বলিনে। আমি বলছি আপনার জীবন কথা। পৃথিবীকে
হয়তো জোর ক’রে আয়ত্ত করা চলে অভুলবাবু, কিন্তু নারীকে জোর ক’রে
আয়ত্ত করবার কল্পনা করবেন না। সে যদি শক্তিতে আপনার চেয়ে খাটোও হয়
—হার মানাটাই যদি তার অনিবার্য হয়ে ওঠে—তবে নিজেকে নিজে ধ্বংস ক’রে
আপনাকে উপহাস করে সে চলে যাবে। আপনার জীবন মুখ দেখে আপনি
কিছু বুঝতে পারেন না অভুলবাবু?

অভুল। তোমাকে ধন্যবাদ রমা। সুনন্দার মুখ আমি এবার ভাল ক’রে
দেখব—তাকে বুঝবার চেষ্টা করব! কিন্তু ও সব কথা থাক। আমি এসেছিলাম
তোমাদের নিমন্ত্রণ জানাতে। আমাদের মানে—সুনন্দা এবং আমার বাড়ীতে
আজ নিমন্ত্রণ তোমাদের।

নিখিল। বেশ, বেশ, আমরা যাব, ঠিক সময়ে যাব অভুলবাবু। তবে একটা কথা—চর্য্য-চোত্র-লেখ-পেয় সব রকম চাই কিন্তু। একমাল শ্রেক ভিটামিন চলছে, যানে ভাত আর শাকপাতা। আপনাদের যেহু থেকে পালং শাকটা বাদ দেবেন, উদর-জগতে পালং শাকের অরণ্য জন্মে গেছে।

অভুল। আচ্ছা তা' হলে আমি আসি। নমস্কার। (প্রস্থান)

রমা। আমি কিন্তু যাব না নিখিলেশবাবু।

নিখিল। কেন? যাবেন না কেন?

রমা। এতদিন কুলি-খাণ্ডার বাল ক'রে দিনের পর দিন ওদের ওই স্থান ভাত খাওয়ার পর—চর্য্য-চোত্র-লেখ-পেয় আমার মুখে কচবে না।

নিখিল। এই তো পাগলামি আরম্ভ করলেন। না না, ছেলেমানুষি করবেন না রমা দেবী; মাঝরকে আঘাত দেওয়া উচিত নয়।

রমা। আঘাত কেউ পাবে না নিখিলবাবু, কারণ নিমন্ত্রণের ব্যাপারে আমি নিতান্তই গোণ। হনুদা দেবী আপনার ভক্ত, আপনিই এক্ষেত্রে মূখ্য!

নিখিল। হঁ? দেখুন (কঠিন স্বরে কিছু বলিতে গিয়া থামিয়া গেল, তারপর হাসিল) আপনি খুব রাগ করে আছেন কিনা বলুন তো?

রমা। রাগ? না রাগ কিসের জন্তে—কার ওপর করব?

নিখিল। কার ওপর, কেন, সে সব হ'ল research-এর কথা। সে থাক। রাগ করেন নি, সেইটেই হ'ল বড় কথা। যানে, রাগ হলে রসবোধটাই সর্ক্যাগ্রে নষ্ট হয় কি না!

রমা। (হাসিয়া) না, রসবোধ আমার নষ্ট হয় নি।

নিখিল। তবে? নিজের দিকের কথাটা ভুলে যাচ্ছেন কি ক'রে? যানে বড়রনের সমারোহের আয়োজনে—আপনি 'না' বলছেন কি ক'রে? তা ছাড়া fools give feast—wise men eat them, রসিকতার এমন উপভোগ্য বাক্যটাকেই আপনি অস্বীকার করছেন?

[ভক্তার প্রবেশ]

ভক্ত। বাবুশায়! ঠাকরণ!

রমা। নিখিলেশবাবু!

নিখিল। থামুন। আদিম মানুষ এসেছে তার অকৃত্রিম কৃতজ্ঞতা জানাতে হুপ স্ককন এখন, ভুলে যান সব।

[ভক্তা প্রণাম করিল]

ভক্ত। আপনারা এইবার চলে যাবেন বাবু?

নিখিল। ই্যা ভক্তারাম! কলেরা খেমে গেছে, এইবার আমরা বাব।
(ভক্তারাম বলিয়া নিখিলের পায়ে ধরিয়া পা টিপিতে আরম্ভ করিল।)
আরে, আরে কর কি?

ভক্তা। চরণটা একটু টিপে দি বাবু।

নিখিল। উঁহ! উঁহ! আমার ভারি হৃৎহৃৎ লাগে। আরে,
ছাড়—ছাড়!

ভক্তা। আপনারা চলে যাবেন বাবু, আমার আমাদের মরণ হবে।

নিখিল। না—না। মরণ হবে কেন? খাবে দাবে, কয়লা কাটবে,
গান করবে, মরণ হবে কেন? তোমাদের জামাইবাবু খুব ভাল লোক।
উনি এবার তোমাদের থাকবার খুব ভাল বন্দোবস্ত করবেন। আমাদের
বলেছেন তিনি।

ভক্তা। খাদের ভিতর ধূমা হচ্ছে বাবু; আমার আমাদের মরণ হবে।

নিখিল। কি? কি হচ্ছে খাদের ভেতর?

ভক্তা। ধূমা হচ্ছে বাবু। মরব, আমরাই মরব!

নিখিল। ধূমা হ'লে তোমরা নেম না।

ভক্তা। লামতে যে হবে বাবু। খাদটো নইলে বাঁচবে কি ক'রে?
বাবুরা জোর করে লামাবে। বেশী টাকা দিবে, আমরা লামব।

রমা। না তোমরা নেম না। বলবে আমরা লামব না।

ভক্তা। ই ঠাকরণ, বেশী টাকা দিবে যে গো। আমরা লামব না তো
ঠাণ্ডারামের দল সব টাকা রোজগার ক'রে লিবে।

নিখিল। হঁ। (উঠিয়া পাড়াইল)

রমা। কি হ'ল? হঠাৎ যুদ্ধের ঘোড়ার মত অধীর হয়ে উঠলেন যে?

নিখিল। আসছি আমি।

রমা। বড়রনের তালিকা থেকে লবণ রসটা বাদ দিতে বলতে
চললেন নাকি?

নিখিল। রসিকতা আপনারও আসে দেখছি রমা দেবী! ভারী খুসী
হ'লাম কিন্তু। জানেন একবার একজন কবি বন্ধুকে ক'য়ে গালাগাল দিয়ে
কবিতা লিখেছিলাম, কবিতাটা কিন্তু ভালো হয়েছিল। উল্লেখ্য সত্যিকার
রসিক লোক, কবিতা পড়ে ভারী খুসী। একজোড়া দামী স্নেহকিণ্ডের জুতো
আমাকে উপহার পাঠিয়ে দিয়েছিলেন।

রমা। আমাদেরও কি আপনি সেই রকম—

নিখিল। না। (গাছের ডাল নোয়াইয়া ফুল ভাঙিয়া) আপনাকে আমি উপহার দিলাম ফুল। আমি একবার অতুলবাবুর কাছ থেকে ঘুরে আনি।

[নিখিল চলিয়া গেল। রমা ফুলের স্তবকটি ঘুরাইয়া ফিরাইয়া দেখিতে লাগিল]

ভক্তা। চূলে পর ঠাকরুণ, ভাল লাগবে। আমাদের মেয়েগুলান্ পরে—কেমন ভাল লাগে !

[রমা তাহার মুখের দিকে চাহিল]

রমা। একবার বিছেকে দেখতে পার ভক্তারাম ?

ভক্তা। খাদের মুখে সি বৈদ্যা আছে গো ঠাকরুণ ! ডাকব ?

রমা। ই্যা।

ভক্তা। (ঘাইতে ঘাইতে ফিরিয়া) ফুলটো চূলে পরেন ঠাকরুণ। (প্রস্থান)

[রমা প্রথমে গুন গুন করিয়া পরে ক্রমশঃ ক্ষুটকণ্ঠে গাহিল]

গান

কাঁটার মাঝে লুকিয়ে বুঝি ফুল ছিল গো, ফুল ছিল।

এবার সে কোন দখিন হাওয়া—

এবার সে কোন দখিন হাওয়া দোল দিল গো—দোল দিল ॥

ছিল আঁধার বিভাবরী,

কুল-হারা মোর ছিল তরী,

আজ প্রভাতে, তোমার তীরে, কুল নিল গো কুল নিল।

কে জানিত ব্যথায় স্বপ্নের মূল ছিল ॥

দ্বিতীয় দৃশ্য

সুনন্দার বাংলোর কক্ষ

[সুনন্দা একা গান গাহিতেছিল]

ফুলের মাঝে কাঁটার বেদন কে দিল রে ?

আমার মনের দখিন হাওয়া কে নিল রে ?

[অতুল আনিয়া সুনন্দার চেয়ারের পিছনে দাঁড়াইল। গান-শেষে তাহার পিঠে হাত রাখিল। সুনন্দা পিছন-ফিরিয়া দেখিয়া,

উঠিয়া দাঁড়াইল]

অতুল। যে গানটা তুমি গাঠিলে সুনন্দা, ওটার সঙ্গে সত্যিই কি তোমার অন্তরের যোগ আছে ?

[সুনন্দা অতুলের মুখের দিকে চাছিল—তারপর মুখ নত করিল]

অতুল। সুনন্দা।

সুনন্দা। (হাসিয়া) গান—গান। এ গান তো আমি রচনা ক'রে গাইনি।

অতুল। কবির। তো হাজারে হাজারে, লাখে লাখে গান রচনা ক'রে এসেছেন। আনন্দের গান—সুখের গান—বেদনার গান—দুঃখের গান। তুমি এই গানটিই গছন্দ করলে কেন ?

[সুনন্দা আবার অতুলের মুখের দিকে চাছিল]

অতুল। আমি তোমার কাছে সত্যি সত্যি জানতে এসেছি সুনন্দা—তুমি কি স্বাধীন হওনি ? তোমাকে কি আমি দুঃখ দিয়েছি ?

সুনন্দা। (হাসিয়া) কেন ? হঠাৎ একথা তোমার মনে হল।

অতুল। তোমার বাবা একদিন আমায় বলেছিলেন। আমি সেটাকে তাঁর অতিরিক্ত স্নেহের দৃষ্টি-বিভ্রম মনে করেছিলাম। আজ রমা আমায় ঠিক সেই কথাই বললে। বাংলোর বারান্দায় উঠে শুনলাম যেন তুমি কাঁদছ। চমকে উঠলাম। তারপর বুঝলাম—কান্না নয় গান। কিন্তু সে গান—কান্নার চেয়েও মর্মান্তিক ব'লে মনে হ'ল আমার।

সুনন্দা। বেশ আবার গান গাই শোন। আনন্দের গান, সুখের গান।

[সে পিয়ানোয় স্বর তুলিল]

অতুল। (পিয়ানোয় আঘাত করিয়া এফটা প্রচণ্ড বেহুঁরবে সৃষ্টি করিয়া বাধা দিল) না।

[সুনন্দা কাতর বিষয়ে অতুলের দিকে চাছিল]

অতুল। আমার কথার উত্তর দাও সুনন্দা।

সুনন্দা। আমি কি কখনও তোমার কোন কথায় না করেছি, বলতে পার ?

অতুল। না, তা করনি। কিন্তু একথা আমার কথাব উত্তর নয়।

সুনন্দা। আমি যা বলব—তা কি তুমি—

অতুল। সর্বাস্তঃকরণে বিশ্বাস করব সুনন্দা। আমি জানি—তুমি কখন মিথ্যে বলবে না—বলতে পার না।

সুনন্দা। না, সে কথা আমি বলি নি। আমি বলছি, আমি যা বলব—তা তুমি সহ করতে পারবে ?

[অতুল উঠিয়া দাঁড়াইল]

অতুল। তুমি আমাকে কমা কর হনন্দা। তোমার জীবন আমি বিবশ্বক করে দিয়েছি। তবু আমি ধতট। পারি, সংশোধন করবার চেষ্টা করব। আজই আমি এখান থেকে চলে যাব। কেউ জানবে না।

হনন্দা। তুমি এতবড় কাপুরুষ?

অতুল। কাপুরুষ নই বলেই আমি চলে যাব। কর্তব্য সে যত কঠিন হোক—

হনন্দা। কর্তব্য? জীকে অবহেলা করা—ভালো না বাসাই বুঝি পুরুষের কর্তব্য?

অতুল। কি বলছ হনন্দা? আমি তোমাকে অবহেলা করি? আমি তোমাকে ভালবাসি না?

হনন্দা। না। তুমি দু'হাত ভ'রে আমায় ঐশ্বর্য এনে দাও—তাকে আমি ভালবাসা বলে মানতে পারিনে। তুমি আমাকে পুতুলের মত সাজাতে চাও, শিশুর মত স্বত্ব করতে চাও—সে আমার সহ্য হয় না। তুমি আমায় কমা করে। এ থেকে আমায় অব্যাহতি দাও।

অতুল। হনন্দা! হনন্দা!

হনন্দা। (কাঁদিয়া ফেলিয়া) কোন দিন, বল তুমি—জীবনে একটা দিনের জন্তেও—একটা দিনের সামান্য অংশ, একটা গ্রহের—একটা ঘণ্টার জন্তেও তুমি তোমার কাজকে অবহেলা করেছ আমার জন্তে? আমার কাছে বসে—একটা কাজও তুমি ভুলে গেছ কখনও? বল—তুমি বল!

অতুল। হনন্দা, আমায় তুমি কমা কর।

হনন্দা। আমার মা—সমস্ত জীবন এই দুর্ভোগ ভোগ করে গেছেন। মা যখন মৃত্যুশয্যা—বাবা কাজের জন্তে চলে গেছিলেন বসে। মরবার সময় মা হেসেছিলেন। সে হাসি আমি ভুলতে পারিনে। আমার জীবনেও দেখি—সেই অভিশাপ। তাই হাসতে গেলে মায়ের সেই শেষ হাসিই আমার মনে পড়ে।

অতুল। (হনন্দার দুই হাত ধরিয়া) হনন্দা!

হনন্দা। বলতে পার তোমাকে যে আমি পেলাম না, তুমি নিজেই যে আমাকে পেতে দিলে না, বঞ্চিত করলে—এ দুঃখ কেমন করে ভুলব?

অতুল। আজ থেকে আমি কাজকে ভুলব হনন্দা। আজ আমার নতুন জীবনের এই আমার সংকল্প!

হনন্দা। সংকল্প? (হাসিল)

অতুল। তুমি হাসছ? বিশ্বাস করতে পারছ না হনন্দা?

সুনন্দা। সংকল্প ক'রে কাজ করা চলে, জীবনের ধারা পাণ্টানো যায়, কিন্তু হৃদয় ? সে কি সংকল্পকে মানে ?

অতুল। আমায় বিশ্বাস কর সুনন্দা, আমায় তুমি বিশ্বাস কর।

সুনন্দা। বিশ্বাস নয়। সেই আশ্বাসেই আজ আবার নতুন করে আমি বুক বাঁধলাম। তুমি আমায় আশীর্বাদ কর।

[অতুলকে সে প্রণাম করিল]

অতুল। আজ আমাদের উৎসব। সমস্ত দিন আজ তোমার সঙ্গে কাটা'ব। ভালই হয়েছে। রমা নিখিলেশ এ উৎসবে আমাদের অতিথি। তাদের স্পর্শে আমাদের এই নতুন জীবন উজ্জল হয়ে উঠবে।

[নেপথ্যে বায়বাহাদুরের কণ্ঠস্বর]

নেপথ্যে বায়। তুমি ? আরে ! তুমি ? উঃ—কতদিন পর বল তো !

অতুল। চল সুনন্দা—আমরা পালাই। তোমাব বাবা আসছেন। আজ আমবা ইস্কুল পালা'নো ছেলে। চল—(উভয়ের প্রস্থান)

[বায়বাহাদুর ও ডাঃ চ্যাটার্জীর প্রবেশ]

বায়। বস—ভাই—বস। ওঃ Those sweet college days মধ্যে মধ্যে মনে পড়ে ভারী কষ্ট হয়। সে সব দিন আর কি'রে আসবে না ! তুমি এসেছ—ওঃ কি আনন্দ যে হচ্ছে আমাব—বিনোদ—

চ্যাটার্জী। শিবপ্রসাদ ! তুমি আমাকে আমার বই ছাপাবার জন্তে দেড় হাজার টাকার চেক পাঠিয়েছ, তার জন্তেই আমায় আসতে হ'ল—

বায়। Excuse me for interruption, এক মিনিট ! দেড় হাজার টাকার মধ্যে আমি পাঠিয়েছে পাঁচশো টাকা। আর হাজার টাকা পাঠিয়েছেন আমার জামাই। তোমার প্রতি তাঁর অগাধ শ্রদ্ধা সে তোমার ছাত্র। সে তার নাম তোমাকে—

চ্যাটার্জী। না জানালেও আমি জেনেছি। অতুল মুখার্জী। রমা আমাকে জানিয়েছেন।

বায়। রমা ?

চ্যাটার্জী। রমা আমার মেয়ে। এখানে সে কলে'রায় সেবা করতে এসেছে। সেই আমাকে লিখেছে।

বায়। রমা তোমার মেয়ে ? কি আশ্চর্য্য দেখ দেখি ? এতদিন সে এখানে এসেছে, আমায় পরিচয় দেয় নি ! অতুলও আমায় জানায় নি ! অগ্রায়—এ অত্যন্ত অগ্রায়।

চ্যাটার্জী। শোন শিবপ্রসাদ, অতুল তোমার জামাই, এ কথা আমি জানতাম না।

রায়। My God! অতুল গেল কোথায়? কিন্তু তোমার মেয়ে wonderful মেয়ে, বিনোদ। যে সেবাটা তারা এখানে করলে, আমি আশ্চর্য্য হয়ে গেছি। জীবনের একটা দিক সম্বন্ধে পূর্বে আমার ভুল ধারণা ছিল, সে ধারণা আমার পাল্টে গেল।

চ্যাটার্জী। শিবপ্রসাদ! তোমার চেক আমি তোমাকে ফেরৎ দিতে এসেছি।

রায়। ফেরত দিতে এসেছ? কেন বিনোদ?

চ্যাটার্জী। তুমি দুঃখিত হয়ে না। এই নাও তোমার চেক।

[চেক বাড়াইয়া ধরিলেন]

বায়। বিনোদ।

চ্যাটার্জী। আমি তোমার কাছে ক্ষমা চাচ্ছি শিবপ্রসাদ।

[ভিতরের দরজায় আসিয়া দাঁড়াইল অতুল, বিবর্ণ পাংশু

তাহার মূর্ত্তি]

রায়। ইচ্ছে হয় তুমি ওটা ছিঁড়ে ফেলে দিয়ে। নয় কাউকে দিয়ে দিয়ে আমি যা দান করি, সে আমি কখনও ফিরিয়ে নিই না!

চ্যাটার্জী। (অতুলের কাছে গিয়া) অতুল! তুমি এটা ফিরিয়ে নাও। ধর অতুল, ধর।

[অতুল কলের পুতুলের মত হাত বাড়াইয়া চেক গ্রহণ করিল]

রমা কোথায় তুমি জান অতুল? সে কি এখানে—এই বাংলাতে?

অতুল। না। এখানকার কুলিদের—

চ্যাটার্জী। থাক, সে আমি খুঁজে নেব। তুমি দুঃখিত হয়ে না শিবপ্রসাদ, আমাকে তুমি ক্ষমা কর। তোমাকে ধন্যবাদ ভগবান, আমার তলোয়ারে মরচে পড়েনি। সোজা তলোয়ার! (প্রস্থান)

[রায়বাহাদুর অতুলের কাছে গিয়া চেকটা লইয়া ছিঁড়িয়া

ফেলিয়া দিলেন]

রায়। বেয়ারা, খাজাঞ্চীবাবু! কি ব্যাপার অতুল?

অতুল। আপনাকে বলেছিলাম আমাদের এক প্রফেসরের মেয়ের সঙ্গে আমার বিয়ের লব্ধ হয়েছিল—

রায়। Yes I remember—তা হ'লে এই বিনোদেব মেয়েব সঙ্গেই তোমার বিয়ের কথা ছিল ? রমা সেই মেয়ে ? সুনন্দা জানে এ কথা ?

অতুল। জানে। তাকে আমি প্রথম দিনই বলেছি।

রায়। তা হ'লে তোমাব কোন অপরাধ নাই অতুল। আমি বলছি। একখানা দেড় হাজ্জাব টাকার চেক আজই কোন দাতব্য প্রতিষ্ঠান কোন সাহিত্য-পরিষদে পাঠিয়ে দাও। আর কিছু আমাদের করবার নেই।

[সুনন্দার প্রবেশ]

সুনন্দা। বাঃ বেশ লোক তুমি। পালিয়ে এসেছ তো ? এ কি কি চ'ল এমন মুখ কেন তোমাব ?

রায়। কিছু না মা ! অতর্কিতে একটা ছঁচোট খেয়েছে অতুল। কিন্তু তাকে দেখে বড় ভাল লাগছে মা। আর তো—আমার কাছে আর তো !

সুনন্দা। দাঁড়াও বাবা—তোমায় আগে প্রণাম কবি। আমার আশীর্বাদ কব বাবা ! আব ও'র মঙ্গল আমাব সব অমিলেব মীমাংসা হয়ে গেছে !

[রায়বাহাদুরেব মুখ উজ্জ্বল হইয়া উঠিল]

বায়। সত্যি মা—সত্যি ?

সুনন্দা। ই্যা বাবা। (প্রণাম করিল)

রায়। অভিমানেব বদলে আজ মংলা পেয়েছিস—সেই মালা তোর—

(ঝড়ের মত প্রবেশ করিল—কুড়ারাম—পায়ে লাগাইয়া উণ্টাইয়া কেলিল একটা ফুলদানি সমেত টেবিল)—ছজুব সর্বনাশ হয়ে গেল—ছজুব—সর্বনাশ হয়ে গেল।

[সকলে স্তব্ধ হতভম্ব হইয়া গেল]

কুড়ারাম। (সে আজ ভয়ানক উত্তেজিত, সে দমিল না) খাদের ভিতব Gun powder জলে গেল ছজুব—বারুদ জলে গেল।

রায়। পুতুলেব মত বলিলেন—বারুদ জলে গেল।

[অতুল দ্রুতপদে এতক্ষণে দরজায় নিকট হইতে কুড়ারামের কাছে

আসিয়া দাঁড়াইল]

অতুল। (যত্নস্বরে বলিল) Gun powder জলে গেল ?

কুড়া। আজ্ঞে ই্যা। দক্ষিণ দিকের মেন গ্যালারি'ব পাশে ৫৮নং ছঁদের ভিতর দেওয়ালে—(হাত তুলিয়া দেখাইয়া) হোই অমন জায়গায় (হাত ঘুবাইয়া দেখাইয়া) এই এতখানি এক চাওড় কয়লা জমে আছে। ভক্তা বেটা বললে—বাবু ওই কয়লাটো দেগে দি। এই হুয়ায় আজ্ঞে বিস্তর গাড়ী লাগবে

—তা ভাবলাম যুক্তি মন্দ নয়। টোটা তোয়ের করে—ভক্তাকে নিয়ে—গেলাম দেখতে। বলি নিজের চোখে একবার দেখে দি।

অতুল। তারপর?

ওভারম্যান কুড়ারাম। তারপর আজ্ঞা? ভক্তা বেটা বাকুদের জায়গা নামিয়ে রেখেছ কি—একেবারে—দিন—দ্বিপ্য—মা—ন। চেয়ে দেখি ফ্যান করে জলে উঠেছে বাকুদ!

[এতক্ষণে সে স্তব্ধ হইল। এবং বিজয়ী বীরের ভঙ্গিতে দাঁড়াইয়া হুলিতে লাগিল]

রায়। অতুল!

[অতুল সেল্ফ হইতে খানকয়েক বই লইয়া তাড়াতাড়ি উলটাইতে লাগিল]
যা উপায় হয় স্থির কর অতুল! তুমি আমায় বলেছিলে। কিন্তু এতখানি জায়গা ছেড়ে দিতে হবে বলে শুনিনি। তোমার কথা অবিশ্বাস করে আমি তুল করেছি। (পদচারণা আরম্ভ করিলেন)

কুড়া। হুজুর।

রায়। চীৎকার কর না। বাইরে গিয়ে দাঁড়াও তুমি।

কুড়া। আজ্ঞা!

রায়। (আতুল দেখাইয়া) বাইরে গিয়ে দাঁড়াও। বাইরে।

[কুড়ারাম বাহির হইয়া গেল]

(পদচারণা করিয়া) আমি জানি—আমি জানি! এমনি একটা কিছু ঘটবে, সে আমি জানি! আমি যেন অনুভব করছিলাম, and it is come.

অতুল। Overman বাবু!

[ওভারম্যানের প্রবেশ]

কুড়া। আজ্ঞা! (হুলিতে লাগিল)

অতুল। ফায়ার-ব্রিক্স আর ফায়ার-ক্রে চাই। যত নীগ্গির হয়। আজই। দুপুরের মধ্যে।

কুড়া। যে আজ্ঞা।

অতুল। কলিয়ারির চারিদিকে গুর্খা গার্ড বসিয়ে দিন। কোন কুলি যেন না পালায়।

কুড়া। এখনি আজ্ঞা বসিয়ে দিব।

অতুল। যে সমস্ত কুলি—খাদের নীচে গ্যাস বঙ্কের কাজে work করবে—তাদের মজুরি দেওয়া হবে দু'টাকা।

রায়। হু' টাকায় রাজী না হয় তিন টাকা, চার টাকা। বুঝলে?
কুড়া। আছে ই।

অতুল। যদি কেউ মারা যায়—

সুনন্দা। (সে এতক্ষণ পাথরের মূর্তির মত দাঁড়াইয়াছিল) মারা যায়?
তারা কি মারা যাবে?

অতুল। সুনন্দা! একি? তুমি যে অস্তস্থ হয়ে পড়েছ সুনন্দা!

সুনন্দা। কাজ করতে গেলে লোক মারা যাবে?

অতুল। (অতুল হাসিল) অসম্ভব নয়।

রায়। কেউ মারা গেলে—পাঁচশো টাকা কম্পেনশন দেব আমি—
পাঁচশো টাকা। (নিখিলের স্বর বাহিরের দরজায় শোনা গেল)

নিখিল। (নেপথ্যে) আমি তাতে আশস্তি জানাতে এসেছি কাকাবাবু।

রায়। (ক্রুদ্ধভাবে) কে? কে?

[নিখিলেশের প্রবেশ, সে দরজায় আসিয়া দাঁড়াইল]

রায়। (শুভিত হইয়া) নিখিলেশ!

নিখিল। ইয়া কাকাবাবু, আমি। আপনাদের এই ব্যবস্থায় আমি
আপত্তি জানাচ্ছি, কাকাবাবু। পশুকে বলি দেবার আগে তাকে চাল-বেলপাতা
খেতে দিই আমরা। কিন্তু দোহাই আপনার—মানুষকে বলি দেবার জন্তে
চাল বেলপাতার মত টাকা দিয়ে তাদের ভোলাবেন না!

রায়। নিখিলেশ, তুমি আমার জীবনের কুগ্রহ। তুমি কি আমার
সর্বনাশ না করে ছাড়বে না?

নিখিল। এ কথা কেন বলছেন আপনি? আপনার অনিষ্টচিন্তা আমি
জীবনে এক মুহূর্তের জন্তে করি নি। আপনাকে আমি—

রায়। তুমি আমাকে শ্রদ্ধা কর, আমি তোমাকে স্নেহ করি। কিন্তু
তবু তুমি আমার জীবনের কুগ্রহ। অশুভ শনির বিবর্ণ ছায়ার ছাপ
আমি যেন স্পষ্ট—

নিখিল। ছি—ছি, একি বলছেন আপনি কাকাবাবু?

সুনন্দা। বাবা! বাবা! কি বলছ তুমি? বাবা!

রায়। (অত্যন্ত রুঢ় স্বরে) সুনন্দা! (সুনন্দা সোকার বসিয়া সোকাতেই
মুখ লুকাইল)।

অতুল। (শিবপ্রসাদকে) আপনি উত্তেজিত হয়েছেন। শান্ত হোন আপনি।

রায়। নিখিলেশ, তোমাকে আমি মিনতি করছি—এখান থেকে তুমি—

নিখিল। (রায়বাহাদুরকে প্রণাম করিয়া) কমা করবেন আমাকে। আমি তা পারি না। গরীব অশিক্ষিত মানুষের লোভের সুযোগ নিয়ে আপনারা তাদের মৃত্যুর মুখে টেনে নিয়ে যাবেন—তা জেনেও তাদের ফেলে আমি যেতে পারব না।

অতুল। (হৃদয়ের নিকট হইতে অশ্রুসর হইয়া আসিয়া) কি করবেন আপনি?

নিখিল। বিপদের গুরুত্ব তাদের আমি বুঝিয়ে দেব। লোভকে সম্বরণ করতে অস্বরণ্য করব। আমার দ্বারা ঘটটুকু সম্ভব তাদের প্রেরণা জোগাব আমি। তাদের আমি বারণ করব।

রায়। তুমি বারণ করবে নিখিলেশ? (হাসিলেন) ভাল! আমি তাদের ডাকব। তোমাকে আমি এন্ফুণি পুলিশের হাতে দিতে পারি, কিন্তু তা আমি দেব না। তোমাকে স্নেহ করি—তার অপমান আমি করব না। তুমি তাদের বারণ কর, আমি তাদের ডাকব। (দ্রুত প্রস্থান)

অতুল। নিখিলেশবাবু! আপনাকে আমি প্রজ্ঞা দিয়েছিলাম, কিন্তু আপনিই আমাকে প্রীতি দিয়ে বন্ধুত্বের সৌভাগ্য দিয়েছেন। আপনাকে আমি সেই বন্ধুত্বের দোহাই দিয়ে অস্বরণ্য করছি—মিনতি করছি।

নিখিল। (হাসিয়া) আজ যদি আমি আমার ধর্মকে লঙ্ঘন করি, অতুলবাবু, তবে যে বন্ধুত্বকে আপনি সৌভাগ্য বলে মনে করেছেন—মুহুর্তে দে হর্তাগ্যে পরিণত হবে। তা আমি পারি না অতুলবাবু!

অতুল। ভাবপ্রবণতায় হিসেবজ্ঞান হারাবেন না নিখিলেশবাবু। Don't be too much sentimental—জানেন এ খনি কত বড় সম্পদ! যে সম্পদ একজনের বলে মনে করবেন না। এতে কত মানুষের জীবিকার সংস্থাপন হয় আপনি কল্পনা করতে পারেন না। এই কলিয়ারীর কুলি-কর্মচারীই তার সব নয়! আরও হয়—হাজার হাজার মানুষ এর ওপর নির্ভর করে আছে। এ সম্পদ জাতির—এ সম্পদ দেশের।

নিখিল। কিন্তু মানুষের জন্তই সম্পদ অতুলবাবু, সম্পদের জন্তে মানুষ নয়।

অতুল। না—না—না—। নিখিলেশবাবু, মানুষের কোন মূল্য নাই যদি তার শক্তি না থাকে। আর ধন-সম্পদই তার শ্রেষ্ঠ শক্তি।

নিখিল। না। মাপ করবেন আমাকে, আমি স্বীকার করতে পারলাম না। সম্পদের শক্তি কৃত্রিম—সে মিথ্যা। মানুষের শ্রেষ্ঠ শক্তি—তার জীবনীশক্তি—সেই তার শ্রেষ্ঠ সত্য।

অতুল। (স্থির দৃষ্টিতে তাহার দিকে চাহিয়া)—নিখিলেশবাবু!

নিখিল। (হাসিয়া) অতুলবাবু।

অতুল। তা' হ'লে—

নিখিল। বলুন।

অতুল। আপনার সঙ্গে আমার বিরোধ অনিবার্য!

[পিছন ফিরিয়া সে সুনন্দাকে দেখিল না পর্য্যন্ত; হাট রাক্ হইতে টুপি ও শক্ত বাঁশের ছড়িটা লইয়া চলিয়া গেল। রমার প্রবেশ]

রমা। সর্ব্বনাশ হয়ে গেল নিখিলবাবু!

নিখিল। আমি যাচ্ছি রমা দেবী, দেখি যদি কিছু করতে পারি।

রমা। চলুন, আমিও যাব।

নিখিল। আপনি যাবেন? সুনন্দা দেবী—আমাদের মার্জ্জনা করবেন—
আমরা বিদায় নিচ্ছি।

সুনন্দা। দাঁড়ান। আমিও আপনাদের সঙ্গে যাব।

রমা। সে কি?

সুনন্দা। হ্যাঁ। খাদের নীচে আমি আপনাদের নিয়ে যাব। কারও শক্তি হবে না বাধা দিতে। স্বয়ংহীনতার আঘাত আর আমি সহ্য করতে পারছি না নিখিলেশবাবু, চলুন আমি যাব।

নিখিল। জয় হোক সুনন্দা দেবী আপনাদের জয় হোক।

সুনন্দা। জয়। (হাসিল) চলুন—চলুন।

তৃতীয় দৃশ্য

কয়লা-খাদের খনির অভ্যন্তর

[দুইপাশে কয়লার স্তরের ঘন কাল অসমান দেওয়াল—মাথার উপরে কয়লার ছাদ। দুই দিকে টানেলের মত কয়লার গ্যালারি চলিয়া গিয়াছে। ঠিক মাঝখানেও একটি Side gallery ভিতরের দিকে চলিয়া গিয়াছে—সে গ্যালারির ভিতরটা যেন জমাট অন্ধকার বলিয়া মনে হয়। সম্মুখের দৃশ্যমান গ্যালারিতে দুই পাশে দুইটা হারিকেন, —শালের রোলার তৈয়ারী অসংখ্য দুইটি ষ্ট্যাণ্ডের উপর জলিতেছে। তাহাতেই অতি অল্প খানিকটা রক্তাভ আলো হইয়াছে। অতুল

দাঁড়াইয়া আছে। তাহার হাতে একটা বড় টর্ক। এক হাতে একটা বাঁশের শক্ত ছড়ি। পিছনে—কর্ণির খং খং শব্দ উঠিতেছে। ইঞ্জিনের শব্দ হইতেছে। মধ্যে মধ্যে ঘং—ঘং ঘণ্টার শব্দ।

কুড়া। (নেপথ্যে) ইঁটা ইঁটা! মাটি। হো—ই।

[দুইটি লোক একটা টব-গাড়ী ঠেলিয়া প্রবেশ করিল।]

অতুল। জলদি! জলদি! জলদি নিয়ে যাও।

[টর্কটা জালিয়া অপর দিকে ট্যানেলের দিকে দিক্‌নির্দেশ করিয়া দিল।]

টব-গাড়ী ঠেলিয়া তাহারা চলিয়া গেল নেপথ্যে ঘং—ঘং ঘণ্টা বাজিল।]

কুড়া। (নেপথ্যে) আদমি গির গিয়া। আদমি গির গিয়া—

[ব্যস্ত হইয়া কুড়ারামের প্রবেশ]

কুড়া। আদমি—

অতুল। (তাহার হাত ধরিয়া) চীৎকার করবেন না। কি হয়েছে?

কুড়া। আজ্ঞা?

অতুল। কি হয়েছে?

কুড়া। অজ্ঞান হয়ে গিয়েছে। আবার একজন অজ্ঞান হয়ে গিয়েছে।

[হুলিতে লাগিল]

অতুল। যান, কাজে যান আপনি। আমি ব্যবস্থা করছি, যান।

[অতুল দ্রুত চলিয়া গেল]

কুড়া। (কপালের ঘাম মুছিয়া) পনেরটা হয়ে গেল। বারো, দুই এক উঃ, দম বন্ধ হয়ে আসছে!

[অতুল ও আরও একজনের ষ্টেচার লইয়া প্রবেশ]

অতুল। আপনি এখনও দাঁড়িয়ে এখানে?

কুড়া। আর পারছি না জামাইবাবু, আর পারছি না। ছ ছ ক'রে ধুঁয়া বেরিয়ে আসছে।

অতুল। Stop work there, কাজ বন্ধ করুন ওখানে। ওখানে কাজ করা অসম্ভব। পিছিয়ে আসুন। আরও পিছিয়ে আসুন।

কুড়া। আজ্ঞা জামাইবাবু, আর পিছিয়ে এলে—খানের থাকবে কি বলুন? এতেই তো সিকি বাদ চলে গেল।

অতুল। কিন্তু যা অসম্ভব, তার জগ্রে চেষ্টা ক'রে করবেন কি? (ম্যাপ দেখিতে লাগিল)

কুড়া। জামাইবাবু, ই খান আমি নিজের হাতে করেছি। ধু ধু করা

‘ডাঙ্গা, ভালুকের দোরাখিয়া! ভালুকজ্ঞার ডাঙার সন্ধ্যার পর মাহুব হাঁটত না। সেই ডাঙ্গায় একলা থেকেছি জামাইবাবু! মাটির তলায় খাদ কেটেছি, উপরে ঘর গড়েছি!—জামাইবাবু, সেই খাদ—(কাঁদিয়া ফেলিল)।

অতুল। কাঁদছেন আপনি?

কুড়া। বুঝবেন না জামাইবাবু, খাদ আমার লম্ব, তবু আমার বুক ফেটে গেছে—

অতুল। বুঝি Overman বাবু, আমি বুঝি! কিন্তু দুঃখ করে তো লাভ নেই। শুনুন—(ম্যাপ দেখাইয়া) এই সাতাশ নম্বরের মুখ; এইখানে পিছিয়ে আছেন।

কুড়া। ষাট থেকে সাতাশ পিছিয়ে আসব জামাইবাবু?

অতুল। Overman বাবু, এ আপনার কীর্তি। সে কীর্তির সমস্তটা যদি নষ্ট হতে না দিতে চান—তবে আমার কথার প্রতিবাদ করবেন না। সাতাশ নম্বরে পিছিয়ে আছেন। (প্রস্থান)

কুড়া। যে আজ্ঞা।

[অতুল তাহার দিকে চাহিয়া শ্রদ্ধার সঙ্গে একটু সস্রব হাসি হাসিল]

কুড়া। (নেপথ্যে) সাতাশ নম্বর। হোই, সব সাতাশ নম্বরে পিছিয়ে আয়! হোই।

[তাহার কণ্ঠস্বর ক্রমশঃ দূরে চলিয়া গেল। অতুল আবার ম্যাপের উপর নুঁকিয়া পড়িল]

ভক্তা। (নেপথ্যে) মাথলা! মাথলা! মাথলা!

[উদ্ভ্রান্তের মত প্রবেশ, অতুল মুখ তুলিয়া তাহাকে দেখিল এবং
আগাইয়া আসিল]

অতুল। ভক্তারাম!

ভক্তা। বাবু! মাথলা, আমার বেটা, আমার মাথলা!

অতুল। (হাসিয়া) আছে—সে ভালই আছে ভক্তারাম।

ভক্তা। আছে? লোকগুলো মাঝা গেল—মাথলা মরে নাই?

অতুল। না। সে ভাল আছে। কিন্তু কুলি কই?

ভক্তা। বাবু! (অপরাধীর মত চাহিয়া রহিল)

অতুল। কুলি কই?

ভক্তা। ডাকতে গিয়ে ডাকতে লারলাম, বাবু, পারলাম না ডাকতে।

অতুল। ডাকতে পারলে না?

ভক্তা। না। সেই বাবু, সেই ঠাকুরণ বারণ করলে বাবু, বললে পাণ ৮
টাকার লোভে—

অতুল। Fool, a fool—a sentimental fool—তুমি যাও,
তোমাদের মালিক কোথায়? রায়বাহাদুর?

ভক্তা। মালিকবাবু খ্যাপার মত হয়ে গিয়েছে বাবু। খাওড়ায় খাওড়ায়
ঘুরে বেড়াচ্ছে; মদ দিচ্ছে সবাইকে—টাকা দিচ্ছে—ডাকছে। আমি আর
পারছি না বাবু। আমি আর পারছি না। (বসিয়া পড়িল)

কুড়া। (নেপথ্যে) ই্যা—এইখানে—এই সাতাশ নম্বরে। সাতাশ নম্বরে ৮
ইটা—মাটি—ইটা!

অতুল। জলদি, জলদি, ভক্তারাম—তুমি যাও যাও। কুলি নিয়ে এস
কুলি নিয়ে এস। মজুরী আরও দু'টাকা বাড়িয়ে দিচ্ছি। এখনি যাও।

[নিখিলের প্রবেশ]

নিখিল। না। ভক্তারাম যাবে না। টাকার লোভ দেখিয়ে আর ওকে
বিচলিত করবেন না অতুলবাবু!

অতুল। নিখিলেশবাবু?

নিখিল। ই্যা, আমি।

নেপথ্যে। বাতি ধর, বাতি দেখাও। বাতি দেখাও।

অতুল। খাদের তলায় কে আপনাকে নামতে দিলে? কার হুকুম—

নিখিল। হুকুম যে মানে হুকুম তারই জন্তে, অতুলবাবু। ও কথা বাদ
দিন। এখন আমার একান্ত অহরোধ—অতুলবাবু—

[বাতি ধরিয়া একটি লোক ও তাহার পিছনে সুনন্দার প্রবেশ]

একি? সুনন্দা?

সুনন্দা। ই্যা—আমি! আমিই এঁদের নিয়ে এসেছি; মূল্যের কোন
দোষ নেই।

অতুল। ছি—ছি—ছি! একি করেছ সুনন্দা? একি করলে তুমি?

সুনন্দা। তোমাদের কীৰ্ত্তি দেখতে এসেছি। স্বার্থের জন্তে কতগুলো
নরবলি তোমরা দিচ্ছ—তাই দেখতে এসেছি।

অতুল। না-না-না। স্বার্থের জন্ত নয়।

সুনন্দা। স্বার্থের জন্ত নয়?

অতুল। না। তুমি জান—(কয়লার স্তর দেখাইয়া) এই গুলোর মধ্যে
কত লক্ষ মাহুষের অন্ন রয়েছে, বস্ত্র রয়েছে, ওষুধ রয়েছে, পথ্য রয়েছে, স্বখ

রয়েছে, স্বাচ্ছন্দ্য রয়েছে? জান তুমি? কত অফুরন্ত গতির উৎস—কত নতুন শিল্পসম্পদের মূলধন?

স্বনন্দা। কিন্তু তোমাদের Bank Balance-এর কথাটা এর থেকে বাদ দিলে যে?

নিখিল। না না। আপনি অতুলবাবুর ওপর অবিচার করছেন মিসেস, মুখার্জী—অতুলবাবু সে ভেবে এ কাজে নামেন নি। সে বলার ওঁর অবকাশ নেই। আপনাকে আমি বিশ্বাস করি না অতুলবাবু। কিন্তু লোভ দেখিয়ে পণ্ডর মত মানুষগুলোকে হত্যা করবার আপনার অধিকার নাই। ওরা যদি আপনার কথার মূল্য বুঝে, আত্মহত্যার বদলে ত্যাগ-স্বীকার করে আত্মদান করত, তাহ'লে আমি প্রতিবাদ করতাম না, আপনাকে সম্মান করতাম। ওদের সঙ্গে আমিও কাজে লাগতাম।

স্ত্রী। (নেপথ্যে) আমার ছেলে—আমার বাচ্চা—আমার বাচ্চা!

কুড়া। (নেপথ্যে) না-না। যেতে পাবি না। যেতে পাবি না। এই মৎ ঘানে দো। খববদার!

স্বনন্দা। কি হ'ল?

[একটি মেয়ের কঁাদিতে কঁাদিতে প্রবেশ]

স্ত্রী। আমার ছেলে! আমার বাচ্চা! আমার খোঁকা!

নিখিল। কোথায় তোমার ছেলে? কি হ'ল?

স্ত্রী। ওই শিচ্ছেকার স্ব'দেবাবু, যুমাইছিল—গুয়ায়ে দিলাম—

অতুল। ছেলে নিয়ে কেন নামলে তুমি? কে নামতে দিলে?

স্ত্রী। ঝুড়িতে কাপড় ঢেকে লুকিয়ে আনলাম বাবু। ওরা যে শিছাক্সে এসে গাঁথছে গো! আমার ছেলে!

নিখিল। কোথায় তোমার ছেলে?

স্ত্রী। ওই দিকে গো। ওই দিকে।

নিখিল। এস।

অতুল। না।

নিখিল। না-নয় অতুলবাবু, আমি যাব। (জুত পাশ কাটাইয়া প্রস্থান)

অতুল। নিখিলেশবাবু—নিখিলেশবাবু!

[ডাক্তার চ্যাটার্জী প্রবেশ করিলেন]

চ্যাটার্জী। এ অশ্রায়—এ অশ্রয়—এ পাপ! unholy—ungodly
—অতুল—এ তোমার পাপ!

[অতুল ফিরিল]

অতুল। এ কি, আপনি কেন এলেন এখানে? কে আসতে দিলে?

রমা। (নেপথ্যে) বাবা! নিখিলেশবাবু!

অতুল। এ কি রমা? না—না—আপনাদের ফিরে যেতে হবে। আমি
আসতে দেব না! মুন্সীবাবু—মুন্সীবাবু! (প্রস্থান)

কুড়ারাম। (নেপথ্যে) সরে যাও—সরে যাও। ধূয়া আগুন—

সুনন্দা। আগুন! নিখিলেশবাবু—নিখিলেশবাবু! নিখিলেশবাবু!

[ছুটিয়া চলিয়া গেল]

চ্যাটা। একি? যেয়ো না—তুমি যেয়ো না—সুনন্দা মা—

[অতুলস্বরূপ করিলেন]

ভক্তা। বাবু—জামাইবাবু! (উঠিবার চেষ্টা করিল)

[রমা ও অতুলের প্রবেশ]

অতুল। ফিরে যেতে হবে—তোমাদের ফিরে যেতে হবে। শান্তি আমার
প্রাপ্য হয়; এ কি? সুনন্দা? Dr. Chatterjee?

রমা। পাবেন বৈকি? শান্তি পাবেন ভাগ্যের চিরাচরিত ধারায়।
ঐশ্বর্য সম্পদে—

অতুল। ভক্তারাম—সুনন্দা কই—বুড়াবাবু কই?

ভক্তা। ঠাকরুণ গেল—ওই বাবুটাকে ডাকতে-ডাকতে। বুড়াবাবু
ঠাকরুণকে ফিরাতে গেল বাবু! আমি উঠতে লারলাম—

অতুল। সুনন্দা! Dr. Chatterjee! সুনন্দা!

রমা। বাবা! বাবা!

[নিখিলেশ প্রবেশ করিল, বদ্বাবৃত শিশুটিকে লইয়া সঙ্গে শিশুর মা।

ছেলেটিকে ডাহার কোলে দিল।]

নিখিল। নাও তোমার ছেলে।

অতুল। নিখিলেশবাবু! সুনন্দা—Dr Chatterjee এরা কই?

নিখিল। সে কি?

অতুল। সুনন্দা আপনাকে ডাকতে ডাকতে ছুটেছে। Dr. Chatterjee
গেছেন তাকে ফেরাতে!

নিখিল। সুনন্দা—Dr. Chatterjee—

অতুল। সুনন্দা—Dr. Chatterjee—

[উভয়েই অগ্রসর হইতে উদ্ভূত হইল। ভিতর হইতে পিছন ফিরিয়া

ভিতরের দিকটা দেখিতে দেখিতে ছুটিয়া আসিল কুড়ারাম।]

কুড়া। প্রাণে আগুন লেগেছে—ধসে পড়ছে ছাদ—ধসে পড়ছে—

সরে ঘান—সরে ঘান !

[ভিতরে সশব্দে কয়লার ধস ! সুড়ঙ্গ মুখ বন্ধ হইয়া গেল।

ছুটিয়া প্রবেশ করিলেন বায় বাহাদুর]

বায়। সুনন্দা—সুনন্দা ! অতুল—সুনন্দা কই ? সুনন্দা ?

রমা। (মূহু আর্তস্ববে) বাবা ! বাবা !

বায়। (অতুলকে ধরিয়া) অতুল—আমাব সুনন্দা ? অতুল ?

অতুল। ওইখানে।

বায়। অতুল !

অতুল। কয়লার ধস ছেড়েছে। সুনন্দা—Dr. Chatterjee ওই
ভিতবে সমাধিস্থ হয়েছেন !

বায়। সুনন্দা ! সুনন্দা !

রমা। (মূহুস্ববে) বাবা ! বাবা !

চতুর্থ অঙ্ক

প্রথম দৃশ্য

বাংলোর সেই সুসজ্জিত কক্ষ

[মাস খানেক পর। রাজিকাল। ঘরের মধ্যে দাঁড়াইয়া আছেন রায়বাহাদুর
আপনার জ্বর ছবির লম্বুখে। দূরে কোথাও করুণ সুরে বাঁশী বাজিতেছে।

অতুল দাঁড়াইয়া আছে এক প্রান্তে জানালার ধারে। তাহার দৃষ্টি বাহিরের দিকে।]

বায়। (জ্বর ছবি লক্ষ্য করিয়া) তুমি, তুমি, তুমিই এর জন্তে দায়ী।

অতুল, ইনি—এই মহিলাটি, this jealous woman, সুনন্দার মৃত্যুর
জন্তে দায়ী এই মহিলাটি। এরই অভিলম্বাতে আমার সর্বনাশ হয়ে গেল।

(অতুল তাঁহার দিকে শুধু ফিরিয়া চাহিল) তোমায় আমি একদিন বলেছিলাম অতুল, স্নান্দার একটা পরিবর্তন হয়েছে। তুমি বলেছিলে—‘না’। তুমি অক অতুল, তুমি অক, আমি কিন্তু দেখেই বুঝেছিলাম। ওই ওকে আমি সমস্ত জীবন দেখেছিলাম কি না! ব্যাধি, ওটা একটা ব্যাধি, স্নান্দার মায়ের হয়েছিল; সেই ব্যাধি আবার স্নান্দার মধ্যে সঞ্চারিত হয়েছিল।

[অতুল একটা দীর্ঘনিঃশ্বাস ফেলিয়া য়ুহু হাসিল]

Yes, it is a disease, hereditary disease. অতিক্রম্য বলে একটা ব্যাধি আছে জান? দৈহিক অতিক্রম্য মত মনের অতিক্রম্য। স্বামী সন্তান, বাপ, ভাই— যাকে এরা স্নেহ করবে তাকেই এরা গ্রাস করতে চায়। তাদের ব্যক্তিত্ব, এমন কি অস্তিত্ব পর্য্যন্ত বিলুপ্ত না করতে পারলে এদের তৃপ্তি হয় না। স্নান্দার মায়েরও এই ব্যাধি ছিল, স্নান্দার মধ্যেও তা’ সঞ্চারিত হয়েছিল।

অতুল। আপনি স্থির হোন। এই দীর্ঘ একমাস ধরে—আপনি এমন শোকে অভিভূত হয়ে থাকলে তো চলবে না।

রায়। শোকে আমি অভিভূত হয়নি অতুল। অদৃষ্টের আঘাতকে আমি ব্যঙ্গ করছি। আমাকে আমি ব্যঙ্গ করছি।

[ভিতবেব ঘরে চলিয়া গেলেন অতুল স্নান্দার ছবিব কাছে গিয়া দুই হাতে ছবিখানি ধরিয়া দাঁড়াইল। রায়বাহাদুরের পুনঃ প্রবেশ]

রায়। একটা কথা তোমায় জিজ্ঞাসা কব্ব, অতুল।

অতুল। (ছবির নিকট হইতে সরিয়া আসিয়া) বলুন।

রায়। বিবাহিত জীবনে তুমি কি স্থখী হয়েছিলে অতুল? স্নান্দা কি তোমাকে স্থখী করতে পেরেছিলে?

অতুল। আমিই স্নান্দাকে স্থখী করতে পারিনি।

রায়। তোমার কি মনে হয় অতুল, নিখিলেশের ভ্রম্ভে—মানে, মনে-মনে সে—

অতুল। না-না। ও প্রশ্ন আপনি করবেন না। অসম্ভব, সে অসম্ভব। স্নান্দার দুঃখের বিষয় আমি জানি।

রায়। তোমাকে আর একটা প্রশ্ন করব আমি। (অতুল তাঁহার মূখের দিকে চাহিল) তুমি কি রমাকে ভালবাস?

অতুল। আমি কাউকে ভালবাসিনি। আমি ভালবেসেছিলাম শুধু আমাকে। জীবনে আমি বড় হতে চেয়েছিলাম, আবার স্ত্রী-পুত্রের আকাঙ্ক্ষা

সেই বড়ব্বের শোভার জন্তে। ব্যাধি আমার, ব্যাধি আপনার, ব্যাধির বিকারে আমরাই স্বনন্দাকে হত্যা করছি।

রায়। সে সত্য আমি স্বীকার করে নিয়েছি, কলিয়ারির কাজ আমি বন্ধ করে দিয়েছি। এই আত্মদর্শন কর্মের পথ থেকে আমি অবসর নেব। আমি শান্তি চাই। Help me my boy. তুমি আমাকে সাহায্য কর।

অতুল। এহ বিপর্যয়ের জন্তে আমিই সকলের চেয়ে বেশী দায়ী। স্বনন্দা গেল, Dr. Chatterjee গেলেন; তাদের জন্তে দুঃখ আমার অনেক। কিন্তু কতকগুলি শিক্ষায় বঞ্চিত, অতি-দরিদ্রকে আমি শুধু শুধু হত্যা করেছি।

রায়। না। সে দায়িত্বও আমার। আজ অন্তর দিয়ে অল্প ভব করছি কি জান? সে এক অদ্ভুত রহস্য। অতুল, মানুষ প্রকৃতির রোদ-রুষ্টি-ঝড় থেকে বাঁচবার জন্তে ঘর তৈরী করে। সে ঘরের রুদ্ধ-বায়ু অঙ্ককার কোণে রুট প্রকৃতি বিকৃতরূপে দেখা দেয় নানা ব্যাধির মূর্তিতে। অঙ্ককার ঘরের কোণে বস্মা এসে বাসা বাঁধে। মাটির তলায় জলভরা খনির ভেতর গ্যাস জন্মায়। প্রকৃতি ছলনাময়ী, মানুষ যেখানে তাকে অতিক্রম করতে যায়, সেখানেই তাকে আঘাত হানে। যুগে যুগে মানুষ হারে। আমরাও হেরেছি। তাতে লজ্জা নাই। অতুল, আমি আবার নতুনভাবে জীবন আরম্ভ করতে চাই। অর্থ নয়, সম্মান নয়, বৈভব নয়, বিলাস নয়, স্নেহ মমতা, পুত্র কন্যা নিয়ে গৃহস্থেব মত জীবন গাপন করতে চাই। তুমি, রমা, নিখিলেশ, তোমাদের সকলকে নিয়ে আবার আমি ঘর বাঁধব। আমি রমা নিখিলেশকে ছেড়ে দিইনি। (অতুল চুপ করিয়া রহিল—শিবপ্রসাদ তাহার নিকটে আসিলেন) হ্যাঁ, আমি স্থখী হতে চাই, আমি সংসার চাই; পুত্র, পুত্রবধূ, পৌত্র পৌত্রী, কলহাস্তমুখর গৃহাঙ্গন, অভিমান-অধীর দিনরাত্রি চাই। অতুল, তোমাদের ছেলেমেয়েদের পিঠে নিয়ে আবাব নূতন করে ঘোড়া মেজে বেড়াতে চাই।

অতুল। আপনি আমাকে মার্জনা করবেন। (প্রস্থান)

রায়। অতুল! অতুল!

[অন্তরিক দিয়া রমার প্রবেশ তাহার চুল এলানো। বিষন্ন মূর্তি রমার প্রবেশ]

রমা। জ্যোঠামশাই।

রায়। মা। (মাথায় হাত দিয়া) বল মা, কি হয়েছে বল?

রমা। আমি কাল কলহাতা যেতে চাই। আপনার কাছে আমি বিদায় নিতে এসেছি।

রায়। না। সে হয় না মা। আমি তোমায় বিদায় দিতে পারব না।
তোমাকে আমি চাই, আমার প্রয়োজন আছে।

রমা। আপনার কাছে হাত জোড় করে আমি মিনতি করছি।

রায়। আমার দিকে চেয়ে দেখ মা,—নিঃশ্ব, রিক্ত, সর্বস্বান্ত।

রমা। জ্যেষ্ঠামশাই।

রায়। না—না—তোমার কোন কথা আমি শুনব না মা। বিনোদের কল্পা তুমি—আমারও কল্পা। তার অবর্তমানে আমিই তোমার অভিভাবক। আমার স্নানদাকে বাঁচাতে গিয়েই বিনোদ মারা পড়েছে, তোমাকে সে আমারই হাতে দিয়ে গেছে। তোমায় নিয়ে আবার আমি নৃতন করে ঘব বাঁধব। নিখিলেশ, অতুল, বল—কে তোমার প্রিয়তর বল—

রমা। না জ্যেষ্ঠামশাই! না। আমাকে আপনি রেহাই দিন, মুক্তি দিন। (প্রস্থান)

রায়। রমা—রমা। মা! (অভ্যুদয় করিতে গিয়া কান্দ হইলেন ফিরিয়া আসিলেন। স্নানদার ছবির কাছে গেলেন) তুই কি আমায় অভিসম্পাত করেছিল মা! তুই আমাকে স্নেহবন্ধনে বাঁধতে চেয়েছিলি—সে বাঁধন আমি উপেক্ষা করেছিলাম। আজ আমার অন্তর যখন বন্ধনের জন্ত কাঁড়াল হয়ে উঠল—তখন কেউ যে আমার বাঁধন মানতে চায় না—সবাই চাইছে মুক্তি!

[বাহিরে কোলাহল উঠিল। রায়বাহাদুর প্রথমটায় সেই স্থানে দাঁড়াইয়াই ফিরিয়া চাহিলেন]

নেপথ্যে ডাক্তার। হজুর—মালিকবাবু! হজুর!

নেপথ্যে কুড়া। হজুর! বাবু!

[রায়বাহাদুর অগ্রসর হইলেন]

রায়। কে? কি চাও?

[কুড়ারাম আসিয়া দাঁড়াইল]

কুড়ারাম!

[ডাক্তারামকেও এইবার দেখা গেল]

ডাক্তারাম! বল কি চাও তোমরা?

কুড়ারাম। (হাত জোড় করিয়া বলিল) হজুর!

ডাক্তারাম। (নতজাহ্ন হইয়া বলিল) মালিকবাবু—অন্নদাতা!

রায়। না—না। পৃথিবীতে কেউ কারও অন্নদাতা নয়—কেউ কারও

হজুর নয়। ওঠ, ভক্তারাম ওঠ। বল কুড়ারাম—বল, জোড়হাত ক'রে নয়—
এমনি বল কি বলছ? কি চাও?

কুড়া। হজুর (রায়বাহাদুর মুখ তুলিয়া চাহিলেন)

হজুর। কুলীরা সব কাঁদাকাটা করছে হজুর, কর্মচারী বাবুরা হাহাকার
করছে।

রায় কেন? কি হ'ল তাদের?

কুড়া। একমাস আজ কুঠি বন্ধ! আজ শুনছি কুঠি চিরকালের লেগে বন্ধ
হয়ে যাবে। হজুর, অন্নদাতা প্রভু আপনি। হজুর, আমরা খাধ কি? ধাব
কোথায়?

রায়। (উঠিয়া) আমি জানি কুড়ারাম। কিন্তু কি করব বল? কুঠি
বন্ধ করে দেওয়াই ঠিক করেছি। ভুল পথ, অশান্তির পথ, ও পথে আমি আর
চলতে পারব না। তা ছাড়া কুঠির নীচে সম্পদের শস্যায় আমার স্তনন্দা ঘুমিয়ে
আছে। তার ঘুম কি ভাঙতে পারি? না! তোমাদের সকলকে আমি তিন
মাসের মাইনে দেব। তোমরা আগেকার মত চাষবাস করে খাও। এ বড়
অশান্তির পথ—ভুল পথ।

কুড়া। হজুর, চাষে কল্যায় না বলেই তো এখানে এসেছি হজুর।
ক্লিষ্টলাব কান্না আপনি একবার নিজের চোখে দেখুন।

বায়। কাঁদতে তাদের বারণ কব। চারিদিকে চেয়ে দেখতে বল। কত
গাছ—গাছে কত ফল। নদীতে কত জল। মাহুষের জীবন যিনি দিয়েছেন,
আহারের ব্যবস্থাও তিনিই করেছেন। কুঠি আমার আর চলবে না, স্তনন্দার
সমাধির শান্তিভঙ্গ আমি করতে পারব না। (ভক্তারাম ও কুড়ারাম শুধু
দাঁড়াইয়া রহিল)

কুড়ারাম। ভক্তারাম তোমরা যাও। আমাদের তোমরা রেহাই দাও, মুক্তি
দাও। এ সম্পদের বন্ধন আমার অসহ্য হয়ে উঠেছে। কুঠি আর চলবে না।

[প্রস্থান]

দ্বিতীয় দৃশ্য

[একটি উন্মুক্ত স্থানে দুইটি সমাধি, রাত্রিকাল আবছা অন্ধকার, আকাশে চাঁদ রহিয়াছে। রমা দাঁড়াইয়া রহিয়াছে। শুভ্র তাহার পরিচ্ছদ। নিখিলেশ প্রবেশ করিয়া থমকিয়া দাঁড়াইল]

নিখিল। (মুহূ চকিত স্বরে) কে ? (রমা ঘুরিয়া দাঁড়াইল) রমা ! রমা দেবী ! (স্নান হাসিয়া মুহূস্বরে বলিল কৈফিয়ত দেওয়ার মত) আমার ভ্রম হয়ে গেল রমা দেবী। মনে হ'ল—সমাধির তলা থেকে স্নানন্দা বৃষ্টি উঠে এসে দাঁড়িয়েছে।

রমা। বাবার সমাধির নীচে একটু বসব বলে এসেছিলাম আমি।

নিখিল। আপনার কাছে আমার অপরাধ অনেক। একমাল হয়ে গেল—বৃদ্ধ শিবপ্রসাদবাবুকে নিয়ে এমন অবসর পাইনি যে, আপনার কাছে মার্জনা চাই। স্নানন্দা গেল—ডাঃ চ্যাটার্জী গেলেন, কতকগুলি নিরীহ মানুষ গেল, সমস্ত কিছুই জন্তে দায়ী বোধ হয় আমি।

রমা। আপনি খুব আঘাত পেয়েছেন নিখিলেশবাবু—আমি বুঝতে পারছি।

নিখিল। হ্যাঁ। অত্যন্ত কঠিন আঘাত আমি পেয়েছি রমা। পৃথিবীর চেহারা যেন আমার চোখে পালটে গেছে। রমা, আমি কিছুতেই ভুলতে পারছি না যে, এই শোচনীয় দুর্ঘটনার জন্তে আমিই দায়ী। হ্যাঁ, আমিই দায়ী। স্নানন্দার মত এমন একটি মেয়ে—নারী যে এমন মধুর, এমন স্বর্গীয়—এ আমি কখনও কল্পনা করতে পারিনি। তারপর ডাঃ চ্যাটার্জী চলে গেছেন—

রমা। না-না না নিখিলেশবাবু, বাবার কথা আমাকে মনে করিয়ে দেবেন না। তা হলে আপনাদের সঙ্গে আমার কথা বলা পশ্চাত্তাপ কষ্টকর হয়ে উঠবে।

নিখিল। এ তিরস্কার আমার প্রাপ্য বলা, আরও অনেক তিরস্কার। সমস্ত কলিয়ারিতে আজ হাহাকার উঠেছে। রায়বাহাদুর কলিয়ারি বন্ধ করে দিয়েছেন! এ সমস্তের জন্তে আমি দায়ী। সেদিন অতুলবাবুকে বলেছিলাম—মানুষের জন্তেই সম্পদ, সম্পদের জন্তে মানুষ নয়। সে আমার ভুল। জীবনই একমাত্র সত্য নয়। সেই জীবনকে যে শক্তি রক্ষা করে, সেই শক্তি

জীবনের মতই সত্য। সম্পদের মধ্যেই সেই শক্তির বাস। এ সমস্তের জন্তে আমিই দায়ী।

বমা। দায়িত্ব আমার কম নয় নিখিলেশবাবু ! এই দুঘটনার মধ্যে আমিই টেনে এনেছিলাম আমার বাবাকে। তার শাস্তি আমি পেয়েছি। বিশ্বব্রহ্মাণ্ডের মধ্যে আমি একা !

নিখিল। রমা ! বমা দেবী !

বমা। না-না। তাব জন্তে আমার আক্ষেপ নাই। কিন্তু ওই বন্দ বায়বাহারের অবস্থা দেখে আশ্রয়খানি আমার সীমা নেই। তিনি বার বার আমাকে আঁকড়ে ধরতে চাচ্ছেন—আমি শিউরে উঠছি নিখিলেশবাবু !

নিখিল। কেন বমা ? তুমি তো তাঁর স্নানন্দ্য অভাব পূর্ণ করতে পার। তুমি যদি অতুলবাবুকে মার্জনা করে—

বমা। কি বলেছেন আপনি ?

নিখিল। আমার কথা শেষ করতে দাও বমা। আমার জীবন থেকে আমি অতুলবাবুকে বুঝতে পারছি। বলেছি তো স্নানন্দ্য মৃত্যুর পর আমার দৃষ্টিতে পৃথিবীর চেহারা পাল্টে গেছে। সমস্ত অনবাস্তব আশ্রয় আমার বলছে—ওবে, তুই নিজেকে নিজে ঠাকি নিয়েছিস, মানুষকে তুই ভালবাসিস নি, দয়া করেছিস। দয়া কববার তাব কি শরিকার ! সে বলেছে—আমি ভালবাসার জন চাই, আপনার জন চাই। আমার বলবার মানবীকে আমি চাই। অতুলবাবুর জীবনে এ বৈরাগ্যও তাই। তুমি তাকে ফেলাতে পার রমা, আমি জানি—তুমি তাকে—

রমা। নিখিলেশবাবু !

নিখিল। আমায় ক্ষমা কর রমা, আমি তোমার বন্ধু, সেই দাবিতেই—
বমা। না, আজ থেকে আমাদের সে বন্ধুত্বের অবসান হোক নিখিলেশবাবু।

[প্রস্থান]

[নিখিলেশ স্তব্ধ হইয়া দাঁড়াইয়া রহিল। বিচ্ছেদ ছুটিয়া প্রবেশ করিল।

বিচ্ছে। দাদাবাবু ! তুমি এখানে ? এস তুমি চলে এস—পালিয়ে এস।

নিখিল। কেন রে ? কি হয়েছে ?

বিচ্ছে। কুলীরা ক্ষেপেছে। তোমাকে মারবে। বলছে—ওই বাবুটা আমাদের কুঠি বন্ধ করালে ! ওই শোন—গোলমাল করছে। সব গিয়েছে বাংলার সামনে !

নিখিল। সে কি। (সে অগ্রসর হইল)
 বিছে। তুমি যাবে? যাচ্ছ দাদাবাবু?
 নিখিল। আমাকে যে যেতেই হবে বিছে!

তৃতীয় দৃশ্য

বাংলো।

[রায়বাহাদুর, ম্যানেজার, অতুল, কুডারাম। বাহিরে জনতা জমিয়া]

আছে। তাহার আভাস পাওয়া যাইতেছে।

(নেপথ্যে) কুলী। মালিকবাবু! মালিকবাবু—হজুর!

রায়। না—না—না! সে হয় না। সে আমি পারব না। ম্যানেজারবাবু
 জনের বলে দিন আপনি আনি মুক্তি চাই—রেহাই চাই।

ম্যানেজার। আমার কথাও ওরা শুনবে না। ওরা খেপে উঠেছে।

(নেপথ্যে)। কুলী। মালিকবাবু! হজুর!। ভক্তশ্রাম এবং ছ' তিনজন
 কুলী প্রবেশ করিল)

ভক্ত। মালিকবাবু কুঠী চালাবার হুকুম দাও। মালিকবাবু!

রায়। সে হয় না। সুনন্দার সমাধির শান্তি ভঙ্গ করতে পারব না আমি।
 তোমাদের ছ' মাসের দজুরী ধরে দিচ্ছি। তোমরা ফিরে যাও। চাষ করে
 খাও। ভক্তরাম আমার কথা শোন।

ভক্ত। ছ' মাস পরে কি হবে মালিকবাবু? তখন আমরা কি করব—
 কি খাব? আর এখনই বা কোথা আমরা ফিরে যাব? কেনে যাব? আমরা
 লাঙ্গল ভেঙে দিলাম, বলদ বেচে দিলাম, চাষ তুলে গেলাম। সে আমরা যাব
 না—আমরা যাব না!

নেপথ্যে জনতা। ওই—ওই বাবুটো। ওই! মার, মার, উরাকে মার!
 ওই আমাদের কুঠি বন্ধ করালে! মার!

[ছুটিয়া রমার প্রবেশ]

রমা। ভক্তারাম—ভক্তারাম।

ভক্ত। ঠাকরণ!

রমা। বাঁচাও তুমি—নিখিলেশবাবুকে বাঁচাও।

ভক্তা। ছেড়ে দে—ছেড়ে দে।

[ছুটিয়া চলিয়া গেল]

রমা। ওরা নিখিলেশবাবুকে ধরেছে। মেয়ে ফেলতে চায়।

রায়। সে কি? আমার রিভলভার! অকৃত গিয়া রিভলভার লইলেন টেবিল হইতে।

[অতুল বাহিরে চলিয়া গেল ওদিক হইতে ভক্তারাম ও অতুলের সঙ্গে
নিখিলেশ প্রবেশ করিল তাহার নাথা কাটিয়া গিয়াছে]

রমা। নিখিলেশবাবু!

রায়। নিখিলেশ! উঃ, অকৃতজ্ঞের দল—মৃত্যু হাত থেকে সেবা বনে
যে বাচাল—তাকেই করলে আঘাত!

নিখিল। দোষ ওদের নয় কাকাবাবু, দোষ আমার। কিন্তু সে কথা থাক—
এখন কলিয়ারী চালাবাব ছকুম দিন!

রায়। না—নিখিলেশ না। ওরা ফিরে যাক—গ্রামে ফিরে যাক।

নিখিল। যাবে না, কেন যাবে? যে পথ পিছনে ফেলে এল—সে পথে কেন
ফিরবে? ফিরতে বললে—এই আঘাত নিতে হবে। পথ আগলে দাঁড়াইলে
মাড়িয়ে চলে যাবে। অতুলবাবু আপনি কলিয়ারী চালাবার ব্যবস্থা করুন।

অতুল। আমার কমা করবেন নিখিলেশবাবু। আমি পারব না।

নিখিল। অতুলবাবু, সেদিন আপনি কবলার স্তব দেখিয়ে বলেছিলেন—
এর মধ্যে রয়েছে লক্ষ লক্ষ মানুষের অন্ন-বস্ত্র, ঔষধ পথ্য, অকরে অকরে সে
কথা সত্য অতুলবাবু। আমার ভুল আমি স্বীকার কবছি। আজ স্বীকার
করছি—মানুষের জগ্রে সম্পদ হলেও, সেই সম্পদের মধ্যেই রয়েছে তাব
জীবনীশক্তি। মানুষের বেহে জীবনের বাস, কিন্তু জীবনীশক্তির রস পৃথিবীর
বুকে, সে তাকে আহরণ করতেই হবে। কাকাবাবু, কলিয়ারী চালাবার
ব্যবস্থা করুন।

রায়। না নিখিলেশ, আমার স্নান্দার সমাধি—

নিখিল। তবু, তবু সে সমাধির শান্তিভঙ্গ করতে হবে। কাকাবাবু,
আপনার স্নান্দা গেছে, কিন্তু এদের স্নান্দার কথা ভেবে দেখুন। আপনার
জাতির কথা ভাবুন কাকাবাবু। যৌবনের সংকল্পের কথা, খিদিরপুর ডকেন
সেই ছবি মনে করুন।

রায়। খিদিরপুর ডকে কল্লা-বোঝাই জাহাজের সঙ্গে আমার স্নান্দাকে

আমি ভাসিয়ে দিয়েছি নিখিলেশ। ও কথা আমায় বল না। বলতে পার কেন করব? কার জন্তে করব?

নিখিল। মানুষ করতে বাধ্য বলে করবেন। আপনার জাতির জন্তে করবেন। পৃথিবীর মানুষের জন্তে করবেন। কাকাবাবু, পৃথিবীতে অহরহ মানুষ মরছে, যে মরে গেল—তার জন্তে ষাট বেঁচে থাকে তারা যদি পঙ্গু হয়, আত্মহত্যা করতে চায়, তবে সৃষ্টি যে একদিনে শেষ হয়ে যাবে।

ভক্ত। মালিকবাবু—ছজুর।

রায়। পারি, হুকুম দিতে পারি এক সর্ভে। আমার পাণ্ডনা আমাকে দাও। আমি সংসার চাই, স্বথ চাই, শাস্তি চাই। বম্বা, ভূমি, অতুল আমার পাশে দাঁড়াও। তোমাদের নিয়ে আমায় নতুন কবে ঘর বাঁধতে দাও। তোমরা বিবাহ কর—অতুল—

নিখিল। বম্বা দেবী।

বম্বা। না। মাজনা করবেন আমাকে।

[প্রস্থান নেপথ্যে জ্যোতিষ্ময়ীর কণ্ঠস্বর]

জ্যোতি। (নেপথ্যে) নিখিল! নিখিল!

নিখিল। কে? কে? মা?

[জ্যোতিষ্ময়ীর প্রবেশ]

জ্যোতি। ইয়া—আমি। এ কিরে, তোব কপালে—

নিখিল। (হাসিয়া) ও একটু কেটে গেছে মা।

বায়। বউদি আপনি?

জ্যোতি। ইয়া, ঠাকুরপো।

নিখিল। কিন্তু ভূমি এখন হঠাৎ এলে যে মা?

জ্যোতি। ডাক নিয়ে এসেছি নিখিল। মানুষের মানুষের হানাহানি বেগেছে বাবা। হ'ন'হানির বিরাম নাই। ভূমিদার প্রজাতি—বিরোধ বেধেছে গ্রামে কোকে যে যেতে হবে নিখিলেশ। এখানকার কাজ কি এখনও তোব শেষ হয় নি? আমি তাদের থামাতে পারি নি। অধিকার নিয়ে বিরোধ। হয় তো কাল সকালেই দরদাশ হয়ে যাবে।

নিখিল। (অত্যন্ত আনন্দের সঙ্গে) সত্যি না, সত্যি?

জ্যোতি। ইয়া। কিন্তু তুই যে এত খুসী হয়ে উঠলি? এ কি খুসীর কথা?

নিখিল। খুসীর কথা নয় মা? তারা দুর্ভিক্ষে হাহাকার করে আমাদের দয়ার জন্তে হাত পাতেনি। অধিকার নিয়ে লড়াই করবার জন্তে উঠে দাঁড়িয়েছে।

খুসীর কথা নয় মা? এই তো আমি চাচ্ছিলাম। আমি আসছি মা—
আমি আসছি!

[প্রস্থান]

রায়। আপনার কাছে আজ আমি ভিক্ষা চাইছি বউদি!

জ্যোতি। (কাপড়ে চোখ মুছিয়া) নিখিলেশ আমাকে সব লিখেছে
ঠাকুরপো, আমি সব শুনেছি। কি বলে আপনাকে সান্ত্বনা দেব ঠাকুরপো—
আমি ভাষা খুঁজে পাচ্ছি না।

“রায়। সান্ত্বনা আমি পেয়েছি বউদি! আপনি আশীর্বাদ করুন সে
সান্ত্বনা যেন আমার অক্ষয় হয়। বউদি, আবার আমি নতুন করে সংসার
পাতব। বউদি, অবিনাশদণ্ড—নিখিলেশকে আমার নিয়ে গিয়েছিলেন। আপনি
নতুন করে আমাকে ভিক্ষে দিন।

[রমার প্রবেশ জ্যোতির্ময়ীকে প্রণাম করিল]

জ্যোতি। রমা! মা!

রায়। আপনি আমার সংসার পেতে দিয়ে যান বউদি! রমা—নিখিল—
অতুল—এদের নিয়ে আমি সংসার পাতব! নিখিলেশের সঙ্গে—

[নিখিলেশের প্রবেশ ঘাতীর বেশ]

নিখিল। না কাকাবাবু, আমি অযোগ্য।

রায়। নিখিলেশ! এ কি? তুমি কি—?

নিখিল! (প্রণাম করিয়া) রাত্রের মধ্যে একটি ট্রেন, আর না বেরলে এ
ট্রেন ধরতে পারব না। কাকাবাবু। কিন্তু দোহাই—কলিয়ারী চালাবাব ব্যবস্থা
করুন।

রায়। বলতে পার নিখিলেশ—এই সর্বনাশা সম্পদের সাধনায়—মগ্ন
থাকতে কি বলে বলছ তুমি? তোমরা হৃদয়হীন নিষ্ঠুর ভাবে হৃদয়হীন। অন্ধের
মত দুই হাত বাড়িয়ে—ভেসে বেড়াচ্ছি—কেউ হাত বাড়াতে না! কেউ না।

নিখিল। উপায় নেই কাকাবাবু! আমার উপায় নাই। সাক্ষাৎ যোগিনীর
মত মা আমার যে ডাক নিয়ে এসেছেন—তাতে আমার না গিয়ে উপায় নেই
কাকাবাবু!

[রায়বাহাদুর তাহার মুখের দিকে চাহিয়া রহিলেন]

রায়। নিখিল, আমার কাছে থেকে তুমি কি কাজ করতে পার না?
আমার সম্পত্তির অর্ধেক তোমার।

নিখিল। যখনই দরকার হবে—আপনার কাছে হাত পেতে চেয়ে নেব।

কিন্তু সম্পত্তি? সম্পত্তি সম্পন্ন—কোন মাতৃষের একার নয়—সকল মাতৃষের।
তবু সমাজ—আইন আজ বলে সম্পত্তি আপনার। সেই বিধানের সম্পত্তি
স্বনন্দার—অতুলবাবু তাঁর স্বামী—তিনি কম্বী—এই গৌরব তিনিই রাখতে
পারবেন। এ সমস্ত তাঁর।

অতুল। না—স্বনন্দার সম্পত্তিতে আমার অধিকার নেই। আমি তাকে—
সে আমাকে—

নিখিল। সে আপনাকে জীবনের মধ্যে একান্ত ভাবে আপনার করে
চেয়েছিল। আমাকে বিশ্বাস করুন—তার সে মুগ্ধদৃষ্টি তৃষিতদৃষ্টি আমি দেখেছি
তাই তো তাকে আমার এত ভাল লেগেছিল। ভগ্নার প্রদ্বায় তাকে অন্তরে
অন্তরে পূজা করে আমি ধন্য হয়েছি।

রায়। নিখিলেশ!

নিখিল। আমাকে বিশ্বাস করুন—কাকাবাবু—

রায়। সেট ভুলেই তো তোমাকে সন্তানের মত পেতে চাচ্ছি।
নিখিলেশ—

নিখিল। না কাকাবাবু—আমায় পথ ডাকছে। ‘বন্দবে বন্ধন কাল
এবারের মত হল শেষ।’ আদেশ এসেছে! আপনি অতুলবাবুকে নিয়ে
কলিয়ারী চালাবার ব্যবস্থা করুন। অতুলবাবু—পৃথিবী চলছে—এই টকরো-
টুকু কি খেমে থাকবে।

অতুল। ম্যানেজারবাবু, বয়লারে আগুন দিতে বলুন।

[ম্যানেজারের প্রস্থান। ভক্তা কুড়ারামও চলিয়া গেল]

নিখিল। ভয় হোক—আপনাদের জয় হোক।

[রায়বাহাদুরকে প্রণাম করিল]

কাকাবাবু, আপনি অতুলবাবু আর রমা দেবীকে নিয়ে ঘর বাঁধুন।

[প্রস্থান]

জ্যোতি। (রমাকে) তোমাকে আশীর্বাদ করি মা—

রমা। না—না—না। আমি যাব।

জ্যোতি। রমা? কি বলছ?

রমা। আমি যাব—ওই ওর সঙ্গে যাব—তুমি ওকে ডাক মা—ডাক।

জ্যোতি। দৈ কি? কিন্তু—আমি তো ওকে ফেরাতে পারব না মা।
পার, তুমি ওকে গিয়ে ধর।

অতুল। এস রমা এস—আমি তোমায় পৌছে দি এস। নিখিলেশবাবু—
নিখিলেশবাবু।

[রমাকে লইয়া প্রস্থান]

জ্যোতি। আশীর্বাদ—তোমাদের আমি আশীর্বাদ করছি। (রায়বাহাদুরের
প্রতি) আমি যাই ঠাকুরপো! ওদের বরণ করতে হবে—আশীর্বাদ করতে
হবে। [প্রস্থান]

[বায়বাহাদুর একা দাড়াইয়া রহিলেন। চারিদিক চাহিলেন।

জানাল দিয়ে দেখিলেন ফিরিলেন]

রায়। নিষ্ঠুর পৃথিবী। এখানে আপনাব ধন হারালে ফেরে না।
স্বনন্দা—স্বনন্দা! (ছবির দিকে দেখিলেন) তোকে নিজের অবহেলায়
হাবিয়েছি—আজ সমস্ত পৃথিবী আমাকে অবহেলা করে চলে গেল। কেউ
চাইলে না আমাকে। ফাবার সময় ফিবেও তাকালে না। আমিও তাকাব
না—নিষ্ঠুর পৃথিবী—তোমাব দিকে আমিও আব ফিবে তাকাব না। তুমি
একদিন আমাব উন্নর অভিমান করেছিলে। আমিও করব তাই। কেন
করব না।

[টেবিলের উপর হইতে তুলিয়া লইলেন বিভলভার। আলো

নিভাইয়া দিলেন। নিভাইয়া দিতে দিতে বলিলেন]

আঃ চোখে জল আসে কেন? চোখের জল? আঃ ছি!

[মুছাইয়া ফেলিয়া আলো নিভাইলেন]

[মঞ্চের মধ্যে সব কিছু বিলুপ্ত হইয়া গেল। পিস্তলের আওয়াজ হইল।
বঙ্গমঞ্চ সঙ্গে সঙ্গে ঘুরিল।]

চতুর্থ দৃশ্য

প্রান্তরের মধ্যে সমাধি মন্দির

[নিখিলেশ প্রণাম করিতেছিল রমা ও অতুল প্রবেশ করিল]

অতুল। (মৃদুস্বরে) বিদায় রমা! আমি যাই।

[প্রস্থান]

[নিখিলেশ প্রণাম সারিয়া উঠিল]

রমা। দাঁড়াও।

নিখিল। কে ? রমা ?

রমা। ই্যা আমি।

নিখিল। তুমি আমার সঙ্গে যাবে ? রমা এ যে আমি বিশ্বাস করতে পাবছি না। তুমি আমার সঙ্গে যাবে ?

রমা। ই্যা যাব। কিন্তু এক মুহূর্ত দাঁড়াও। (বাবাকে প্রণাম করে। স্নানদ্বারে প্রণাম করে।)

নিখিল। (দাঁড়াইয়া আবৃত্তি করিল)

মা কাঁদিছে পিছে—

প্রেমলী দাঁড়িয়ে দ্বারে নয়ন মুদিছে—

ঝড়ের গজ্জর্ন মাঝে

বিচ্ছেদের হাহাকার বাজে—

রমা। (উঠিয়া) না—না। বাস্তবে না বিচ্ছেদের হাহাকার। দোরে দাঁড়িয়ে অবগুণ্ঠনের তনু—চোখ মাজ্জনা করব না আমি। তোমার সঙ্গে আমার যাত্রা। দাঁও—তোমার হাত দাঁও। আরামের শয্যাতল শূন্য পড়ে থাক—কোন আক্ষেপ নাই আমার। চল !

নিখিলেশ। চল রমা—চল।

[নেপথ্যে বয়লারের বাঁশী বাজিয়া উঠিল]

কলিয়ারী চলছে। পৃথিবী চলছে। চল—ওই টেশনের আলো দেখা যাচ্ছে। ওই। (প্রস্থান)

[জ্যোতির্ষ্ময়ী আসিয়া প্রবেশ করিলেন সঙ্গে বিছে]

বিছে। ওই যাচ্ছে—মা ওই।

জ্যোতি। (হাত তুলিয়া আশীর্বাদ করিলেন) আশীর্বাদ—আশীর্বাদ !
ওরে আমি তোমার আশীর্বাদ করছি।

—শেষ—

শিল্পীপ্রবর শ্রীযুক্ত দেবীপ্রসাদ বায়চৌধুরী
প্রীতিভাজনেষু -

লাভপুর, বীবভূম }
১০, আষাঢ়, ১৩৫৬ }

পরিচয়

খনদাপ্রসাদ	জমিদার
প্রমদা	ঐ বড় ছেলে
জানদা	ঐ ছোট ছেলে
কালীচরণ	লাঠিয়াল বাগদী
তারচরণ	ঐ পুত্র
ভীম ভল্লা	বাগদী (তারচরণের শ্বশুর)
অর্জুন	ঐ পুত্র
ফুরু বাগদী	ছিঁচকে চোর
গুরুচরণ সাহু	মহাজন
বাজা মিয়া	তারচরণের বন্ধু
নারোগা, ইন্স্পেক্টর, জমাদার, জজ, জুরি, উকিল, পুরোহিত, গোমস্তা, ডোলকদার, কন্সটেবল প্রভৃতি	

টগর দাসী	কালীব বিনবা স্ত্রী
পদ্ম	কালীচরণের ভগ্নী
জয়লা	ভীম ভল্লাব কন্যা (তারচরণের স্ত্রী)
	জয়লাব সঙ্গিনীগণ

দ্বীপান্তর

প্রথম অঙ্ক/প্রথম দৃশ্য

সময়—১৮৭২ সাল

[রায়বাবুদের কালীবাড়ি। মন্দিরের সম্মুখে নাটমন্দির। মন্দিরেব সম্মুখেই নাটমন্দিরের বড় চারটি খাম দেখা যাইতেছে। দুইটি খামের গায়ে বড় বড় শানিত খাঁড়া কুলানো। নাটমন্দিরের মধ্যস্থলে বড় একটি যুগকাঠ। কালী-মন্দিরেব মধ্যে বড় প্রদীপ জলিতেছে। আরতি হইতেছে। কাঁসর ঘণ্টা জয়ঢাক বাজিতেছে। ভিতরে আরতি করিতেছে পুরোহিত। রায়কর্তা ধনদাপ্রসাদ নামাবলী গায়ে দাঁড়াইয়া আছে। আর কতকগুলি লোক। আরতি শেষ হইতেই লোকগুলি চলিয়া গেল। ধনদাপ্রসাদ নাটমন্দিরে একখানি বিছানো আসনের উপর বসিল। সম্মুখে একটি প্রদীপ এবং সাক্ষ্যকৃত্যের আয়োজন।]

ধনদা। আনন্দ, আনন্দ, আনন্দময়ী মা! (উপবেশন)

[পুরোহিত মন্দিরদ্বার বন্ধ করিতে লাগিল]

ধনদা। অতিথিশালায় আজ অতিথি ক'জন ভটচাঁজ?

[সাক্ষ্যকৃত্যের আয়োজনগুলি গুছাইয়া লইতে আবস্ত করিল]

ভট্টা। আজ্ঞে হুজুর, দিনেব বেলায় যাঁরা এসেছিলেন, তাঁরা সকলেই সন্ধ্যার পূর্বেই চ'লে গেছেন। সন্ধ্যার পূর্বে কেবল একজন এসেছেন।

ধনদা। তাব প্রয়োজনমত ব্যবস্থা হয়েছে সমস্ত?

ভট্টা। আয়োজন সবই ক'রে রেখেছি হুজুর, কিন্তু এসেই যে তিনি কোথায় গেলেন—

ধনদা। কোথায় গেলেন মানে? কোন কারণে অসন্তুষ্ট হয়ে চ'লে যান নি তো?

ভট্টা। আজ্ঞে না। সরাসরী মাগুষ—বোধ হয় গন্ধার ঘাটে-টাটে গিয়ে থাকবেন।

ধনদা। খোঁজ কর, এখুনি খোঁজ কর। আলো নিশ দেখ।

ভট্টা। এই বাই হুজুর। (প্রস্থান)

ধনদা। কি আশ্চর্য! অতিথি কোথায় গেল খোঁজ-খবর রাখ না তোমরা?

[রক্তমঞ্চের এক প্রান্তের ধামের পাশে আপাদমস্তক আবৃত একটিলোক শুইয়াছিল]
লোক। কোথাও বাই নি আমি। আমি এই আছি।

[সে উঠিয়া বসিল এবং আপাদমস্তক আবরণের চোখ দুইটি শুধু খুলিল]

ধনদা। কে? কে তুমি?

লোক। আমি সন্ধ্যাবেলায় এসেছি হজুর।

ধনদা। ই্যা ই্যা। কিন্তু কে তুমি? তোমাব গলার আওয়াজ আমার চেনা মনে হচ্ছে।

[আলো লইয়া অগ্রসর হইল এবং মুখের কাছে ধরিল]

কে? কে? কে তুমি?

[প্রদীপের আলোটা নিবিয়া গেল। লোকটা হাসিয়া উঠিল সশব্দে]

ধনদা। আলো! আলো! আলো!

লোক। ভয় পেলে হজুর?

ধনদা। না না, ভয় পাই নি কিন্তু তুমি—তুই—তুই—

লোক। ই্যা ই্যা, আমি বেঁচে আছি। ভয় পেওনা হজুর, আমি ভৃত নই।

ধনদা। আলো! আলো! আলো!

লোক। না না আমাকে চিনতে পাববে। আমি কেবাবী—

[আলো হাতে (চোকা লঠনের মধ্যে বড় প্রদীপ) পূজকের প্রবেশ]

পূজক। হজুব।

ধনদা। লঠনটা এইখানে রাখ। আলোটা নিবে গেছে।

পূজক। আজ্ঞে, অতিথিকে—

ধনদা। আছে, আছে। তার সঙ্গেই আমি কথা বলছি।

পূজক। আমি চাবিদিক—

ধনদা। তুমি যাও এখান থেকে।

পূজক। আজ্ঞে ওঁর সেবার আয়োজন—

ধনদা। আমার মহলে। আমার সঙ্গে থাকেন অতিথি। বাড়িতে বউমাকে বলে যাও তুমি।

পূজক। যে আজ্ঞে।

ধনদা। এইবার তোর মুখের কাপড় খোল্ কলে, তোকে একবার দেখি।

আজও গিন্নী বেঁচে থাকলে বড় খুশি হতেন কালী।

[কালীচরণ ধনদাবাবুকে প্রণাম করিয়া মাথার মুখের কাপড় খুলিল এবং হাসিল]

খনদা। তেমন টাঙ্গির মত গৌফ-জোড়া কামিয়ে ফেলেছিস কেলে ? সেই গালপাট্টা, সেই বাবরিচুল, সব কামিয়ে ফেলেছিস যে ? করেছিস কি ? কালী। চিনতে পারলে কোম্পানী ফাঁসি লটকে দেবে হজুর, তাই কামিয়ে ফেলতে হ'ল।

খনদা। ফাঁসি লটকে দেবে ? কেন, আবার কি করেছিস তুই ?

কালী। সেপাই-হাক্কামায় মেতে গিয়েছিলাম হজুর।

খনদা। মিউটিনিতে ?

কালী। আজ্ঞে ই্যা। কোম্পানীর গোরার সঙ্গে লড়াই করেছি হজুর।

পাঁজরার পাশ দিয়ে একটা গুলি চ'লে গিয়েছিল। এই দেখ দাগ।

খনদা। পনেরো বছর আগে ইংবেজী ১৮৫৭ সালে মিউটিনি, তখন তো তোর জেলে থাকবার কথা কেলে। লাট কাষ্টগডায় সীমানা দিয়ে দাঙ্গায় তোর না সাত বছরবেব জেল হয় ? সে দাঙ্গা ১৮৫৪ সালে, তোর খালাস পাবার কথা ৬১ সালে।

কালী। সেপাইরা কেপে উঠে জেল খুলে দিয়েছিল, কয়েদীরা বেবিয়ে পড়ল। কতক যোগ দিলে সেপাইদেব সঙ্গে, অনেকে চ'লে গেল বাড়ী। আমার হজুর কেমন মাতন লেগে গেল। আমি ভিড়ে গেলাম সেপাইদের দলে। তাবপর আজ পনেরো বছর ঘুরে ঘুরে বেড়ালাম। তারপর আর থাকতে পারলাম না। একবার দেখতে এলাম। ইচ্ছে ছিল, লুকিয়ে লুকিয়ে দেখে চ'লে যাব। কিন্তু বুকটা টনটন করছে হজুব। যেতে মন চাইছে না ; ছেলে, মেয়ে, পবিবার, ঘর, ভিটে, গাঁ, ভূমি—হজুব, যাবার কথা মনে হ'লে—এই দেখ হজুব, আমার চোখ ফেটে জল এসেছে। ধব, আলোটা তুলে ধর, দেখ।

খনদা। ভয় নেই কালীচরণ, রাজ্য এখন আর কোম্পানীর নয়। ভারতের মহারানী এখন কুইন ভিক্টোরিয়া ! তিনি ঘোষণা ক'রে সব মাফ করে দিয়েছেন। তোকে পালাতে হবে না, লুকিয়ে ফিরতে হবে না, তুই থাকবি যেমন ছিলি তেমনই থাকবি।

কালী। মহারানীর জয় হোক। তুমি সত্যি বলছ হজুর ?

খনদা। ভয় নেই তোর আমি বলছি।

কালী। পায়ের ধুলো দাও হজুর। তুমি রাজ্যেশ্বর হও। আজ তিন দিন আমি এসেছি হজুর। রোজ রাতে ভেবেছি, চ'লে যাই। কিন্তু পারি নি। সোনার চাঁদ ছেলে, হজুর, ডগ্লা বাগ্দীর ছেলে তারাচরণ আমার

নেকাপড়া শিখেছে, গান বাঁধে, কবি গায়। পরিবার টগরকে দেখলাম
হজুর, সিঁথির সিঁথুর ডগডগ করছে। আমাদের ঘরের মেয়ে, আজ চোন্দ
বছর আমি ছেড়ে আছে, দেখলাম, আমার লাঠিটাকে তেল সিঁথুর দিয়ে পুজো
করে। দুঃখের মধ্যে দুঃখ, পদ্ম ম'রে গিয়েছে। পদ্ম আমার সোনার পদ্ম,
ফুটফুটে গোরা রং, তেমনই চোখ, তেমনই নাক। আমি যখন জেলে বাই,
তখন পদ্ম সাত বছরের। সে কি কান্না পদ্মর। পদ্ম আমার বোন হ'লে
কি হবে, আমার মেয়ের বয়সী। মা আমার হাতে দিয়ে গিয়েছিল
পদ্মকে।

ধনদা। (ধরা পলায়) কালী!

কালী। হজুর!

ধনদা। (অগ্রমনস্ক ও চিন্তাযুক্ত হইয়া উঠিয়াছিল) তাই তো কালী, তাই
তো রে!

কালী। কি হ'ল হজুর? কোন কাজ ভুলেছ বুঝি?

ধনদা। না।

কালী। তবে?

ধনদা। তুই এক কাজ কর কালী। তুই—। কালী, তুই আমাদের লাট
রত্নপুরে গিয়ে বাস কর। এ গ্রামে থাকা তোরা ঠিক
হবে না।

কালী। কেন হজুর? (ধনদা নীরব) ও হুকুম তুমি ক'রো না হজুর।
হজুর, আমার পরিবার-ছেলের মায়াতেই কি শুধু কিরেছি মনে করছ?
তুমি তো জান, বেটাছেলে মরদ, ঘীপাস্তরে গিয়ে সেইখানেই কত জনা
বিয়ে ক'রে বাস করে। আমার এই গাঁ, আমার পিতৃপুরুষের ভিটে—
আজ সাত বছর অহরহ আমার মনে পড়েছে। হজুর, সেদিন চাঁদনী রাতে
যখন গাঙের ওপারে এসে দাঁড়ালাম, তখন গাঙ দুকূল পাখার, গাঙে টানের
কলকল শব্দ শুনে আমার বুকও শিউরে উঠল। ধমকে দাঁড়ালাম।
একবার ভাবলাম, ফিরে যাই। তারপর চাঁদনী রাতে বুড়োশিবের মন্দির
চূড়োর পানে তাকালাম, তোমাদের ছুধবরণ চিলেকোঠার ছাদ ঝলমল
করছে দেখলাম। আমাদের পাড়ায় অশখগাছের ডগাটা দেখলাম
হিলহিল ক'রে বাতালে কাঁপছে। হজুর, গাঙের জলের শব্দ যেন আর
শুনতে পেলাম না। চাঁদনী রাতে দুকূল পাখার জল চোখে যেন দেখতে
পেলাম না। বৃকের মধ্যোটা আনচান ক'রে উঠল। 'জয় কালী' বলে

ঝাঁপ দিয়ে পড়লাম নদীতে। নোজা মাতার কেটে এসে উঠলাম তোমাদের অন্দরের ঘাঁট—বউমানিকের ঘাটে। গাঁ ছাড়তে ব'লো না হজুর। জোড়হাত করছি তোমাকে।

ধনদা। না না না, সে কথা নয় কালীচরণ।

কালী। হজুর, তুমি কি বলছ, আমি বুঝতে পারছি না।

ধনদা। পদ্মর মৃত্যু খবর তোকে কে দিল টগব—তোরা পরিবার ?

কালী। ই্যা, ব'লে, কলেবা হয়ে—

ধনদা। কালী, তোকে বস্ত্রপুবে গিয়েই বাস করতে হবে। সেখানে তোকে আমি পঁচিশ বিঘে জমি দোব।

কালী। ও ! আমার চাকরান জমি কেড়ে নিয়েছ হজুর, তাই বলছ ? যা কেড়ে নিয়েছ, তাই ফিরে দিলে তোমার মাথা হেঁট হবে। বুঝেছি হজুর।

ধনদা। ই্যা, তোরা পাইক-সদারী চাকরান জমি বাজেয়াপ্ত হয়েছে—ই্যা, ই্যা, ই্যা, কালীচরণ।

কালী। দোষ তোমার হয়েছে হজুর। আমার বাবা দ্বীপাস্তবে মবেছে হজুরের চব দখলের দাঙ্গার মামলায়, আমার হ'ল সাত বছর মেয়াদ। তবে অস্ত্রে না বরুক আমি জানি, তুমি কেন আমার চাকরান কেড়ে নিয়েছ।

[ধনদা আশ্চর্য হইয়া কালীর মুখের দিকে চাহিল।]

ধনদা। তুই জানিস কালীচরণ ?

কালী। তুমি তারাচরণকে জব্দ করবার জন্তে কেড়ে নিয়েছ জমি, সে আমি জানি। সেই কথাই আমি বললাম তাবাচরণকে—বেটা তুমি হয়েছে দৈত্যকুলের পেহ্লাদ, লাঠিয়াল বাগদীব ছেলে—লাঠি ছেড়ে কবিশাল হয়েছে, লেখাপড়া শিখেছ, দুঃখ তোমার হবে না ?

ধনদা। আঃ ! কালী !

কালী। হজুর !

ধনদা। চূপ কর তুই চূপ কর।

কালী। কভকাল পরে হজুরের পায়ে তলায় এসে পড়েছি, অভয় পেয়েছি, আজ আব চূপ করতে পারছি না হজুর। শোন শোন হজুর, তারাচরণ কি বললে শোন, নিজের বেঁধে একখানা গান শোনালে আমাকে। বেটার গানখানি বড় মিঠা হজুর। গানখানিও বেশ, সুন্দর গান—“যে বাঁশেতে

লাঠি হয় রে মন, সেই বাঁশে হয় মোহনবাঁশী।” হজুর, হতভাগা কর্মফেরে
পাপভ্রষ্ট হয়ে আমার ঘরে বাগদী-বংশে এসে পড়েছে। গান শুনে আমি
আর কিছু বলতে পারলাম না তারাচরণকে। (হাসিয়া কিছুক্ষণ স্তব্ধ
থাকিয়া) তা তারাচরণ হজুরের কাজ করে নাই, জমি কেড়ে নিয়েছ,
এইবার আমি ফিরে এসেছি, আবার লাঠি ধ’রে হজুর-সরকারের কাজ
করব, আমাকে জমি ফিরে দেবে। কাছারিতে সবারই সামনে আমি
তোমার পায়ে ধ’রে চেয়ে নেব।

[একটি তরুণী আবছা আলোর মধ্যে ছুটিয়া খনদা প্রসাদের
পায়ে আছাড় খাইয়া পড়িল।]

পদ্ম। বাবু, বড়বাবু! বিচার কর বড়বাবু, বিচার কর।

কালী। (চমকিয়া) কে? কে?

খনদা। (কালীচরণকে) স’রে যা, তুই এখান থেকে স’রে যা—কালীবাড়ির
বাইরে। আমি আনছি। তুই স’রে যা।

[তরুণীটি কালীচরণের কণ্ঠস্বর শুনিয়া উঠিয়া বসিল।]

পদ্ম। দাদা!

খনদা। (ধমক দিয়া বলিলেন) কালীচরণ!

কালী। প—দ্ম!

খনদা। (অধিকতর কটুতার সহিত বলিলেন) কেল!

কালী। পদ্ম! পদ্ম! পদ্ম!

খনদা। হ্যা, পদ্ম। পদ্ম এখন ভৈরবী। তুই বাইরে যা কালীচরণ।

কালী। ভৈরবী! ও! বাগদিনীর গায়ে ভৈরবী-গোবর মাখিয়েছে? বোষ্টমী
এখন বুঝি তোমার বাগান-বাড়িতে থাকে?

খনদা। কালীচরণ, তুই বাইরে যা।

কালী। তোমার লজ্জা হচ্ছে হজুর? তোমার লজ্জা হচ্ছে? (হা-হা
করিয়া হাসিয়া উঠিল। সহসা হাসি থামাইয়া) ও এই জগ্গেই বুঝি ভূমি
বলছিলে লাট রতনপুরে গিয়ে থাকতে?

খনদা। বল তোর পদ্ম কি হয়েছে? আগে বল, তারপর দাদার মুখের দিকে
তাকাবি!

পদ্ম। কি হয়েছে? এই দেখ।

সে তাহার বাহুমূলের কাপড় তুলিল, সেখানে কয়েকটা চাবুকের আঘাতের চিহ্ন।

খনদা! আঃ! কে—কে ঘেয়েছে এমন করে? কে?

পদ্ম। বলব ? বল, বিচার কববে ?

ধনদা। বল, বল, আগে বল ।

পদ্ম। বড় খোকাবাবু ।

ধনদা। বড় খোকাবাবু ? প্রমদা ?

পদ্ম। ইয়া ।

ধনদা। কিন্তু কেন ?

[পদ্ম চুপ করিয়া রহিল]

ধনদা। পদ্ম ।

কালী। ছেড়ে দাও বাবু, ও কথা ছেড়ে দাও ।

ধনদা। পদ্ম ।

পদ্ম। আমি পান সাজছিলাম তোমাব জন্তে । খোকাবাবু ঘোড়া থেকে নেমে, বারান্দায় উঠে আমার কাছে পান চাইলে । আমি বললাম, এ তোমাব বাবাব পান, তোমাকে সেজে দিচ্ছি আলাদা ক'বে ! সে বললে—আমি ওই পানই নোব । আমি দিই নাই, তাই বলিয়ে দিলে চাবুক—চাবুকের ওপর চাবুক । বড়বাবু, আমি বাগদীব মেয়ে, চাবুকটা আমি কেড়ে নিতে পারতাম । তা ছাড়া, যে কথা সে আমাকে বলেছে, তা তোমার কাছে বলতে আমারও লজ্জা হয় । কিন্তু সে তোমাব ছেলে বলে—

[কালী হা হা করিয়া হাসিয়া উঠিল]

ধনদা। তাবা, তাবা মা ।

[ধনদা খামে ঝুলান খাঁড়াখানা টানিয়া লইল]

কালী। (হাসি খামটিয়া) বড়বাবু ।

ধনদা। পথ ছাড় কেলো । এতবড় পাপ—

কালী। পাপ তাব নয় বড়বাবু, পাপ তোমার ।

ধনদা। প্রমদাকে কেটে সে পাপের প্রায়শ্চিত্ত করব আমি, পথ ছাড় ।

কালী। খাঁড়াখানা ছাড় আগে ।

ধনদা। কেলো !

কালী। (খাঁড়াখানা কাড়িয়া লইয়া আসিল) এক আখড়ায় খেলেছি বড়বাবু, আমার চেয়ে তোমাব কম জোর ছিল না । কিন্তু ব'সে ব'সে খেয়ে তোমার ভুঁড়ি বেড়েছে, সে কমতা তোমার আর নাই । আর—আর—বড়বাবু, মহাপাপ—তুমি মহাপাপ করেছ ।

ধনদা। তুই যা জানিস না কলে, তা নিয়ে কথা বলিস নি। পদ্মকে আমি
তল্লমতে—

কালী। থাম বড়বাবু। খাঁড়াখানায় শানের পালিশ চকমক করছে। মুখ
দেখা যায়। একবার দেখ দেখি নিজের মুখ, এই আলোর কাছে ধরেছি,
দেখ, দেখ।

ধনদা। কি বলছিস তুই?

কালী। তাকিয়ে দেখ বড়বাবু, তাকিয়ে দেখ। মুখে আমি বলছি না, বলতে
পারছি না।

ধনদা। না! মুখেই বল তুই কি বলছিস! কি হয়েছে আমার মুখে? বল।

কালী। শুনবে তুমি? শুনতে পারবে?

ধনদা। প্রমদা জ্ঞানদার ছোট গুণলাকে মনে আছে তোর? ষোল বছরবেব
গুণলা আর গিন্নী একদিনে কলারায় ম'বে গিয়েছিলেন। তখন আমি
মফস্বলে। খবর শুনলাম তখন আমি কাছারি করছি। কাছারির কাজ
শেষ ক'রে ঘোড়ার বাড়ি ফিরেছিলাম। লোকে বলেছিল, আমি পাথর।
সেই পাথরের মুখে কি দাগ পড়েছে—বল শুন। মুখে আমার কি হয়েছে
বল?

কালী। তবে এস, মা কালীর নাটমন্দির থেকে নেমে এস। তা ছাড়া
(পথের দিকে চাহিয়া) না—পদ্মব সামনে—না। এস নেমে! এই নাও,
খাঁড়াখানা আমি ফেলে দিচ্ছি।

ধনদা। (হা হা করিয়া হাসিয়া) থাক থাক, খাঁড়া, তোব হাতেই থাক। চল,
কি বলছিস তুই শুন।

কালী। এস!

[কালীচরণ ও ধনদা নাটমন্দিরের বাইবে প্রস্থান করিল পদ্ম সজ্জপিত

পদক্ষেপে শেষ থামের আড়ালে আনিয়া দাঁড়াইল।]

নেপথ্যে ধনদা। (চিৎকার করিয়া উঠিল) কালীচরণ, কালীচরণ!

নেপথ্যে কালী। (উচ্চহাস্য করিয়া বলিল) তাই তো বলছিলাম, মিলিয়ে
দেখ, মিলিয়ে দেখ।

নেপথ্যে ধনদা। চূপ চূপ।

নেপথ্যে কালী। বাগদীর ছেলের এমনই ফরসা রঙ বড়বাবু, বাগদীর মেয়ের
ওই রূপ—

পদ্ম। (আতঙ্কিতভাবে চিৎকার করিয়া উঠিল) দাদা!

[কাঁপিতে কাঁপিতে পদ্ম বসিয়া পড়িল ধনদা প্রবেশ করিলেন]

ধনদা। চূপ, চূপ।

[কালীর প্রবেশ]

কালী। পদ্ম! পদ্ম!

পদ্ম। দাদা! ওই খাড়াটা আমার গলায় বসিয়ে দাও দাদা।

কালী। (খাড়া ফেলিয়া দিয়া, পদ্মর সর্বাঙ্গে হাত বুলাইয়া দিয়া) না। পদ্ম, তুই আমার সোনার পদ্ম রে! আয়, আয়, বাড়ি আয়। আমরা নীচ জাত আমাদের জন্ম পাপ, কর্ম পাপ, পাপের বোঝা বয়ে বয়ে আমাদের ঘাড় শক্ত হয়েই আছে। এ বোঝাও তুই খুব বইতে পারবি। আয়, বাড়ি আয়।

ধনদা। কালীচরণ!

কালী। বড়বাবু!

ধনদা। আমাব খাসজোতের উৎকৃষ্ট আউয়ল জমি, পঞ্চাশ বিঘে—না। একশো বিঘে তোকে দান করলাম।

কালী। দান করলে হজুর? (হাসিল)

ধনদা। হ্যাঁ। আয় আয়, আমার সঙ্গে, অন্যের আমার সঙ্গে তোর খাবার ব্যবস্থা করছি—

কালী। ব্যাগনে আছে হজুর। মাপ কর হজুর, তোমার ভূন খেতে আর পারব না। তোমার জমিও তুমি দেবতা-ব্রাহ্মণকে দিও হজুর, ও জমির তাতে আমি—আমার বংশ পুড়ে ছাই হয়ে যাবে।

[উভয়ের প্রস্থান]

ধনদা। কালীচরণ, কালীচরণ!

[অহুসরণ করিতে গিয়া—নাটমন্দিরের সবশেষ থাম ধরিয়া দাঁড়াইল, তারপর ফিরিয়া মন্দিরের সম্মুখে উপুড় হইয়া পড়িল]

দ্বিতীয় দৃশ্য

গ্রামপ্রান্তের পথ

[তারাচরণ, রাজা মিয়া, জমিদারের গোমস্তা]

রাজা। যাও যাও, বেশি কথা বলিয়ো না গমস্তা ঠাকুর। ইয়ার আর বুলবা কি ? কি বুলব, তারা-ভাই বাবণ করছে। লইলে দেখাইতাম একবার। মেলা তুমাদেব লগুভগু কর্যা দিতাম।

গমস্তা। মিয়াসাহেব, কথা আমি তোমাকে বলি নাই। বলছি আমি তারাচরণকে। তারাচরণ, তুমি দুঃখ ক'বো না। ব্রাহ্মণ বর্ণগুরু—

রাজা। রাখ ঠাকুর, তোমার বেরামন! বামুন হইছে তো হইছে কি ? কবি গাইতে আসছে, পয়সা লিবে, যার সাথে পাল্লা দিতে বুলবে তাই সাথে পাল্লা দিবে। কেন ? আটুনী ফিরিজী, ভোলা ময়রার মতন কবিয়াল কে আছে শুনি ? তারাচরণ বাগদী হলিও কবিয়াল। কেনে, তার সাথে পাল্লা দিবে না কেনে ?

গমস্তা। তারাচরণ, এই মিয়া সাহেবই কি তোমার কথা বলবে বাবা ?

রাজা। ই্যা, বুলবে।

তারা। রাজা-ভাই, তোমাকে জোড়হাত কবছি আমি।

রাজা। তুমাব অপমান করলে তারা-ভাই, আর তুমি বুলছ চুপ করতে ?

তারা। ব্রাহ্মণ, আমাদের মাথাব মণি রাজা ভাই।

গমস্তা। এই। ও অপমান তোমার আশীর্বাদ।

তারা। (হাসিয়া) কাঁটা—সোনার কাঁটা হ'লেও অঙ্গে বিধলে ব্যথা করে গমস্তা মশায়। থাক ও কথা, আমি কিছু মনে করি নাই। আমি বাড়ী যাচ্ছি প্রভু, আমি চ'লে যাচ্ছি।

গমস্তা। শোন। ধর। (হাত বাড়াইল)

তারা। কি ?

গমস্তা। টাকা। দুটি টাকা বাবু তোমাকে একশিশ দিচ্ছেন।

তারা। বামুনের জুতোর দক্ষিণে লাগে না প্রভু।

গমস্তা। তা হ'লে আমার দোষ নাই কিছ। আচ্ছা, তা হ'লে আমি আসি।

[টাকাটা ট্যাকে গুঁজিতে গুঁজিতে প্রস্থান]

রাজা। আমি তুমাকে বুলছি তারা-ভাই, বামুন তুমার গান শুনা হারবার

ভয়ে ওই পাঁচটি মারলে। বাগ্‌দীর ছেলের সাথে— বামুন আমি—পাক্সা
দিব না আমি।

তার। আর কবি গাইব না রাজন, আর কবি গাইব না।

রাজা। হাজার বার গাইবা, লাখো বার গাইবা।

তার। না, বাবা আমায় সেদিন বলেছিল, ঠিক বলেছিল। বলেছিল কি
জান? বলেছিল, বাগ্‌দীর ছেলে, লাঠিয়ালি ছেড়ে কবিরাজ হলে তুমি,
কপালে তোমার দুঃখ আছে। পিতৃবাক্য ক'লে গেল।

রাজা। রাগে দুঃখে চোখে আমার জল আসছে তারা-ভাই।

তার। এই মরেছে রাজন! কাদবে কি দুঃখে? রাগই বা কিসের? ছেড়ে
দাও ও-কথা। চামড়ার মুখ কদকে কত রকম বেরিয়ে যায়, ঢোলের
বাঁজি বাঁধা বোন, তাই কত ভাল কাটে। যাও যাও, শব্দ-বাড়ি ঘাচ্ছিলে,
চ'লে যাও। তোমার বানী-বিবি যুবরাজমিয়াকে কোলে ক'রে এতক্ষণ
ঘর-বার ক'রে সারা হ'ল।

রাজা। এই দেখ—আমাকে কি বুলছ আবার? কি বিবি?

তার। বানী-বিবি। যুবরাজ-মিয়া। তুমি যখন রাজা মিয়া, তোমার বিবি
তখন বিবি-বানী—মানে বেগম।

রাজা। আলবত।

তার। ছেলে তখন যুবরাজ-মিয়া, মানে শাজাদা।

রাজা। বহুত আচ্ছা ওস্তাদ।

তার। শোন শোন—

বাজার ঘরের ঘরগী মহামাতা বিবি-বানী,

তিনি খান বড় বড় ফেনী

সর্বলোকে বলে।

বিবির জন্মে মেলা থেকে বড় বড় ফেনী কিনে নিও, বুঝলে?

রাজা। তাই তো ভাই তারা, তুমার সাথে তো পয়সা-কড়ি—

তার। আচ্ছা বদরসিক তুমি। শোন, তারপর শোন—

রাজার বেটা যুবরাজ, তোমার বেটা মহাতেজা,

খায় সে খাস্তা খাজা গজা—

বিদিত ভূমণ্ডলে।

রাজা। শুন তারা-ভাই। আগে আমার কথা শুন।

তার। বল।

রাজা। তুমার কাছে পয়সা-কড়ি তো কিছু নাই ?

তারা। শোন। এইটে বলে—খাব খাব, এইটে বলে—কোথা পাব—

রাজা। থাম তারা-ভাই, তুমি থাম। তুমার ভাবনা হয় না তারা-ভাই ?

তারা। তুমি হাসালে রাজন। ঘরে দেখে এসেছি, চাল বাড়ন্ত, মায়ের রূপোর খাড়ুটা পর্গস্ত মা লুকিয়ে বেচেছে। এতকাল পরে বাবা ঘরে ফিরল, আমি উপযুক্ত ছেলে, তাকে নিশ্চিন্ত করতে পারলাম না। বাবা গেছে বীজনগর সিংহীবাবুদের বাড়ি—তাদের নাকি পাইক-সর্দার দরকার আছে। বড় আশা করে আমি মেলায় গাওনা করতে এসেছিলাম! গাওনার পাল্লায় চাটুজ্জ-কবিকে হারিয়ে দোব, আমার নামডাক হবে, তা—চাটুজ্জ মশায় বাগ্দী ব'লে কবিই গাইলে না আমার সঙ্গে। আস্তাকুঁড়ের এঁটোপাতা—স্বগ্গে যায় না রাজন।

রাজা। শুন। আমি বুলছি ধর।

[তারাচরণের হাতে কিছু গুঁজিয়া দিল]

তারা। এ কি ? এ যে টাকা !

রাজা। ই্যা ই্যা। আমার কাছে দুটি ছিল, তুমি একটি নাও, আমি একটি নিয়া চললাম।

তারা। না রাজন।

রাজা। আরে বাবা—দেখ তারা-ভাই ই গাঁয়ের বেটীরা সব ভাঁজো পরব লাগাইছে হে। দেখ—কেমন নাচছে দেখ।

[তারাচরণ শিঁচন ফিরিয়া চাহিতেই রাজা চলিয়া গেল]

তারা। (ঘুরিয়া) রাজা-ভাই, রাজন ! দাড়াও।

[ভাঁজোর ডালা মাথায় পল্লীর নিম্ন শূদ্রশ্রেণীর মেয়েদেব প্রবেশ।

তাহারা দুই দলে বিভক্ত]

সকলে একসঙ্গে। ভাঁজো আমার—সোনার ভাঁজো—

ও আমার সুন্দরী গো !

আছুরী লো—এলি ভানরে—ইঁদ রাজার অপসরী গো !

[তারাচরণের পুনঃপ্রবেশ]

১ম দলের জয়া। আমার ভাঁজোর পলায় দিব পদ্মশালুক মালা—

লায়ে থেকে আনব সিঁদুর ভাঁজো করবে আলা—

চাঁদ-কপালে সিঁদুরকোটা—মরি মরি হাস, মরি গো !

২য় দলনেত্রী। তোর ভাঁজোতে মোর ভাঁজোতে পাতিয়ে দোব সই,

গল্পনা কিন্তু লায়ব দিতে মুড়কিমালা বই।

সই—সই—সই পাতালে—নীলপবি লালপবী গো।

১ম দলের জয়া। মুড়কিমালা তোমাব থাকুক, গুড-মাখানো খই,

আমি বরং কিনে দোব এক পয়সার দই।

নীলপবী কালিন্দী—লাজে, মরি গলার দড়ি লো।

২য় দলের মেয়ে। ইঁালা জয়া দাসী, বলি গোরো রং কারুর হয় না নাকি ?

১ম দলেব জয়া। হয় বট কি। তবে হলেই এমনই দেমাক হয়। “মিনি হলুদে গোবো না, গবব কেন হবে না ?”

২য় দনের নেত্রী। চল্ লো, চল্, আমবা ভিন ঘাটে ঘট ভ'বে আনি। কে ভানে ভাই, কানো হাতের ছোঁয়া জনের ছিটে লাগে যদি স্তন্দবীব গায়ে !

[জয়' গিলগিল করিয়া হাসিয়া উঠিল]

তান। (দ্বিতীয়াব প্রতি) তুমি জবাব দিতে পারলে না ভাই ?

জয়ার দলেব মেয়ে। ও মাগো। এ আবার কে লো ?

জয়'। 'বন থেকে একটা টিয়ে লাল গামছা মাথায় দিয়ে।

তান। (দ্বিতীয়াকে) বল তো আমি জবাব দিয়ে দিই।

জয়া। (গান ধবিল)

নীলপবীব ববাত ভাল, পখে জুটল সয়া—

সইয়েব বদলে সয়া—সবট ভাঁজোর দয়া।

দয়াময়ী ভাঁজো লো, তোব চরণে'ন্ত গড় কবি গো !

[দলসহ প্রস্থান]

[তাবাববণ গাহিল, সঙ্গে সঙ্গে দ্বিতীয়াও গাহিল]

নীলপবীব সই জুটেছে তাই জুটেছে সয়া

আমার ভাঁজোর চেয়ে লো সই, তোমাব ভাঁজোই পয়া।

তোমাব গলায় ফুলের মালা—আমাব গলায় দড়ি গো !

[দ্বিতীয় দলের মেয়েবা হো-হো করিয়া হাসিয়া উঠিল, জয়া ঘুবিয়া

হাসিয়া তাবাববণেব সম্মুখে দাঁড়াইল ।

জয়'। জানিগ, আমি বাগ্দীব মেয়ে ?

তান। নাকি ? তা জানতাম না, এই জানলাম।

জয়া। না, এখনও জানতে কিছু বাকি আছে, এই নে জেনে নে।

[সজোরে চড় কষাইয়া দিতে গেল, কিন্তু তাবাববণ থপ্ কবিয়া তাহার

হাত ধরিয়া ফেলিল। জন্মা তৎক্ষণাৎ বাঁ হাত চালাইল, তারাকরণ লে
হাতও ধরিয়া ফেলিল।

তারা। (হাসিয়া) ওরে বাপ রে, তুমি বাগ্দিরী নও, বাগ্দিরী। ছ'হাতে
সমান থাকা চালাচ্ছ! তবে কি জান, আমিও বাগ্দিরী ছেলে।

জন্মা। হাত ছেড়ে দাও। হাত ছাড়।

তারা। উঁহ।

জন্মা। ছাড় বলছি।

তারা। হাত ছাড়লেই তো তুমি ফস্ ক'রে আবার চড়িয়ে দেবে?

জন্মা। না। ছাড় তুমি।

[তারা হাত ছাড়িয়া দিল। জন্মা দ্রুতপদে ঘাইতে ঘাইতে ফিরিয়া বলিল]

জন্মা। পালিও না তুমি।

তারা। মানে?

জন্মা। বাবাকে দাদাকে ডেকে আনি আমি।

তারা। ওং, তুমি খুব রসিক লোক তো! আমাকে মার দেবার জন্তে তুমি
লোক ডেকে আনবে, আর আমি দাঁড়িয়ে থাকব? তার চেয়ে তুমিই তো
বলতে পার—তুমি পিঠ পাত, আমি মারব।

জন্মা। ভয়ে পালাবে তুমি, কি রকম বাগ্দিরী ছেলে?

তারা। বুদ্ধিমান বাগ্দিরী ছেলে। তুমি দশজনকে ডেকে আনবে, আর আমি
একা দাঁড়িয়ে দাঁড়িয়ে মার খাব, বাগ্দিরী ছেলে হ'লেও সে রকম বেকুব
নই আমি।

জন্মা। আচ্ছা, পালিয়েই বা কতদূর যাবে তুমি, আমি দেখি। এইখান
থেকেই ডাকছি। দাদা! দাদা! বাবা! [নেপথ্যে-মুখে দাঁড়াইল]

কালো মেয়ে। তুমি পালাও। জন্মার বাবা ভয়ানক রাগী, ভয়ঙ্কর লেঠেল।
ওর চার দাদা, তারাও ভয়ানক লোক। পালাও তুমি।

তারা। উঁহঁ। গোরো মেয়ে জাত তুলে কথা ব'লে গেল। বললে—ভয়ে
পালাবে, কি রকম বাগ্দিরী ছেলে তুমি? এর পর পালিয়ে বাবার সামনে
দাঁড়াব কি ক'রে? কীর্তিহাটের কালী বাগ্দিরী ছেলে আমি, বাবার নাম
ডোবাতে পারব না।

কালো মেয়ে। কীর্তিহাটের কালীচরণ ভট্টা মহাশয়ের ছেলে তুমি?

তারা। ই্যা।

কালো মেয়ে। তুমি কবিরাজ তারাচরণ?

[জয়া ফিরিল]

জয়া। তুমি কবিরাজ তারাচরণ?

তারা। ইয়া গো। কবিরাজও বটে, লাক্ষ্মীও বটে। ওই যে, বাবা তোমার এসে পড়েছে দেখছি।

[লাঠি বেশ করিয়া ধরিয়া দাঁড়াইল। জয়ার বাপের প্রবেশ]

জয়ার বাপ। কি রে জয়া? চোঁচাচ্ছিলি কেনে রে?

জয়া। বাবা, কবিরাজ তারাচরণ। তুমি আফসোস করছিলে না, মেলায় বামুন কবিরাজ, বাগদীর ছেলে ব'লে তারাচরণের সঙ্গে পাল্লা দেয় নাই। তুমি খোঁজ করছিলে তারাচরণের, এই দেখ তারাচরণ কবিরাজ।

জয়ার বাপ। তুমি তারাচরণ? কীর্তিহাটের ছেলে? তোমার বাপ আবামি এক ওস্তাদের সাক্ষর। আমার নাম ভীম ভল্লা।

তারা। আপনি ভীম ভল্লা? (প্রণাম করিল)

ভীম। বঁচে থাক। তোমার বাবা ফিরে এসেছে শুনলাম। কোম্পানির গোরার সঙ্গে নাকি বন্দুক চালিয়ে লড়াই করেছে?

তারা। আজ্ঞে ইয়া। পাজিবাব পাশ দিয়ে একটা গুলিও চলে গিয়েছিল।

ভীম। যাব, একদিন দেখে আসব।

তারা। যাবেন। আপনাব পায়ের ধুলো পড়বে, সে তো আমাদের ভাগ্যি।

ভীম। এমন ক'রে কথা আমরা বলতে পারি না বাবা। তুমি ভল্লার ছেলে হয়ে কবিরাজ হয়েছে, কত বড় কথা! কাল রাত্রে মেলায় যখন বামুন বললে—বাগদীর ছেলের সঙ্গে কবি গাইব না, আসর ভেঙে গেল। কত খোঁজ করলাম তোমার। কিন্তু পেলাম না। এস, আমার বাড়ি এস। আজ থেকে যেতে হবে। আমি নেমস্তন্ন করছি।

জয়া। আজ কিন্তু আমাদের ভাঁজো। সমস্ত রাত গানে আমাদের সঙ্গে পাল্লা দিতে হবে।

তৃতীয় দৃশ্য

[কালীচরণের বাড়ী। মেটে ঘর, চারিদিকে দারিদ্র্য স্থপরিষ্কৃত। বাহিরে পাঁচিল নাই। পাঁচিলের জায়গায় বেড়া। বেড়ার বাহিরে গ্রাম-পথের সম্মুখে একটি দাওয়া। চারিদিকে গাছ। ছায়া অপেক্ষাও অন্ধকারের আভাস বেশি। বর্ষর অথচ সমাজের ভয়ে ভয়ান্ত মানবাত্মার পশুর মত আত্মগোপন প্রয়াসের প্রতিচ্ছায়া এই রূপের মধ্যে প্রতিফলিত দাওয়ার উপর পদ্ম বসিয়া আছে। স্থির দৃষ্টি, মাটির মাস্তুর মত সে বসিয়া আছে। কালীচরণের স্ত্রী টগর—বয়স প্রায় পঁয়ত্রিশ—একটা বুড়ি কাঁধে লইয়া প্রবেশ করিল। বুড়িতে কতকগুলি ভাঙ্গা শুকনো ডাল]

টগর। (পদ্মকে দেখিয়া দাওয়ার উপর বুড়িটা নামাইল। তারপর কাছে আসিয়া স্নেহে ডাকিল) পদ্ম !

[পদ্ম উত্তর দিল না, ধীরে ধীরে মুখ ফিরাইয়া টগরের দিকে চাহিল।]

টগর। এমন ক'রে থাকিস না পদ্ম, তুই পাগল হয়ে বাবি।

[পদ্ম আবার ধীরে ধীরে মুখ ফিরাইয়া সম্মুখের দিকে চাহিল।]

টগর। আমি তখনি যদি বুঝতে পারতাম পদ্ম! বড়বাবু ঘোড়ায় চেপে আসত, খোঁজ-খবর করত, তুই বিউড়ি মেয়ে কথা বলতিস, আমি এত বুঝতে পারি নাই। বুঝতে পারলে তোর এ দশা হ'ত না। তোকে বারণ বরতাম, কথা না শুনতিস, তোর গলায় পা দিয়ে মেরে ফেলতাম। যেদিন রাত্রে উঠে তুই চলে গেলি, সেদিন—

পদ্ম। আজ আমাকে মেরে ফেলতে পার ভাজ-বউ ?

টগর। (পদ্মর মাথায় হাত বুলাইয়া আপন মনেই বলিল) আমাদের ঘরের মেয়ে কতজন! বড়লোককে বেচে দেয়। ইজ্জতের জন্তে নয়। ওদের যে জানি আমি। বয়েস যে আমার অনেক হ'ল অনেক দেখলাম। (হঠাৎ আক্কেশভরে) একে বড়লোক তায় বামন ! ওদের রকমই এই। একটা ছুধের মেয়েকে ভুলিয়ে হঠাৎ আজ ধম্মিষ্টি হয়ে উঠেছে। শুনছি নাকি ফল-জল ছাড়া কিছু খায় না। চারিদিকে আগুন জ্বলে ব'সে থাকে। কি বলব ? কিন্তু তুই তাকে এত ভালবেসেছিলি পদ্ম !

পদ্ম। ভালবাগা ? না ভাজ-বউ, না।

টগর। তবে ? আমি যে কিছু বুঝতে পারছি না পদ্ম !

পদ্ম । তুমি জান না ভাজ-বউ, তুমি জান না ।

টগর । আমি একবার ঘাব পদ্ম বড়বাবু কাছে ? বলব, বড়বাবু, এই তোমার বিচার ?

পদ্ম । (শিহবিয়া আতঙ্কভাবে বলিল) না না না ।

টগর । কেন পদ্ম, কি হয়েছে আমাকে খুলে বল ।

পদ্ম । না না, সে কথা তুমি আমাকে শুধিয়ে না । না, শুধিয়ে না ।

টগর । তুই আমার মেয়েব বয়সী । বিয়ের পব পনেরো বছরে খুশিঘর করতে এলাম । শাশুড়ী তোকে আমার কোলে দিয়ে বললে, তুমি ওকে মানুষ কর । তোর পরে—এক বছর পরে, আমার কোলে এল আমার তারাচরণ ! তোর দুখ আমি সহিতে পারি না (আঁচলে চোখ মুছিল) তুই খাওয়া দাওয়া ছেড়েছিস, অষ্টপহর ভাম হয়ে ব'সে আছিস—

পদ্ম । আমি যদি আন্ধ ম'রে ঘাই ভাজ-বউ, তুমি খুব বাঁদবে, নয় ?

টগর । পদ্ম !

পদ্ম । না না ভাজ-বউ, আমি মরব না । যে পাপ করেছি, তার ওপর আয়ততা ক'রে আব পাপ বাড়াব না । কিন্তু জান ভাজ-বউ, এখন আমার সবচেয়ে জালা কি জান ? ওহ বড় খোকাবাবু । ও আর আমাকে কিছুতেই শাস্তি দেবে না । পাপ-পুণ্য, ধর্ম-অধর্ম ওর কোন জ্ঞান নাই, কিছু মানে না ।

টগর । ছি ছি ছি ! কি বলব, মুনিবের বংশ, মুনিব, নইলে—

পদ্ম । নইলে, আমিই একদিন এক কোপে ওকে দুখানা ক'বে শেষ ক'রে দিতাম ভাজ-বউ ! ওকে এখন হাসতে দেখি ভাজ-বউ, জীবন আমার ছি ছি ক'রে ওঠে ।

টগর । তুই ভাবিস না পদ্ম । আমি ওকে বারণ ক'রে দোব । কথায় শাসিয়ে দোব ।

পদ্ম । ওই দেখ ভাজ-বউ, ওই দেখ ।

টগর । যা তুই, ভেতরে যা !

[পদ্মর ভিতরে প্রস্থান]

বড় খোকাবাবু নাকি ?

[প্রমদাচরণের প্রবেশ । ত্রিশ-বত্রিশ বৎসরের অভিজ্ঞ ও বংশীয় যুবকেব অল্পরূপ সুপুরুষ । মুখে মস্তপানজনিত রক্তমাভা । চোখের কোণে অত্যাচারগন্ধাত কালির দাগ পড়িয়াছে । মধ্যে মধ্যে সে ঠোঁট দুইটি টানিয়া বিকৃত করে—

যেমন অতিযাত্রায় মত্তপেরা করিয়া থাকে। এ যেন তাহার নিপীড়িত আত্মার
বহুধার আক্ষেপ এবং পশুত্বের হিংস্র আত্ম-প্রকাশ। তাহার পরনে পায়জামা
প্রভৃতি মুসলমানী ঢঙের শিকারী পোশাক।]

প্রমদা। কে সর্দার বউ ?

টগর। পেনাম।

প্রমদা। কেমন আছিল সর্দার-বউ ?

টগর। তোমরা জ্বালালে আমরা কি ভাল থাকতে পারি খোকাবাবু ?

প্রমদা। কেন ? হ'ল কি ?

টগর। তোমরা দেবতা নোক, আমাদের মনের কথা তোমরা জানতে পার
না—তাই হয় ?

প্রমদা। পুজো না পেলে দেবতারা মনের দুঃখ বোঝে না সর্দার-বউ।

মনসার ভাসান শুনেছিস ? পুজো না করায় চাঁদলদাগরের কি দুর্দশা
হয়েছিল জানিদ তো ?

টগর। চাঁদ বেণেও বড়নোক, জাতেও গদ্ধবণিক। কিন্তু বাগ্দীজাত বড়
খারাপ বড়-খোকাবাবু! বাগ্দীতে বাগ্দীতে বিশেষ আছে—আমরা
আবার ভল্লা বাগ্দী। আমাদের জেদ চাপলে আমরা কারুর বাবার লই!

প্রমদা। (হাসিয়া উঠিল) সর্দার-বউয়ের সাহস খুব। আমার সঙ্গে আর
কেউ এমন করে কথা বললে তাকে চাবুক ক'ষে দিতাম।

টগর। কুকুর-বিড়েল গরু-গাধা চাবকিয়ে বড়-খোকাবাবুর চাবুকটি খুব দোরস্ত
হয়েছে। বেশ তো, খাতিরে কাজ কি পিঠ পেতেছি, চাবুক না হয়
চালিয়েই দেখ, তোমার চাবুক শক্ত কি ? আমার পিঠ শক্ত ?

প্রমদা। না না। ওটা তোকে আমি ঠাট্টা ক'রে বললাম। তুই কালী-সর্দারের
জী, তোকে কি আমি চাবুক মারতে পারি ?—তোকে আমি বকসিস
দোব।

টগর। বকসিসে আমার কাজ নাই খোকাবাবু, তুমি এখান থেকে যাও।

সর্দার গিয়েছে বীজনগর-বাবুদের বাড়ি কাজের সজ্জানে—তার ফিরবার
সময় হ'ল।

প্রমদা। বীজনগর ? কেন ? আমাদের বাড়ির কাজ ছেড়ে বীজনগর ?

টগর। সে তোকে শুধিও তুমি। এখন তুমি যাও। শোন, তুমি আমার

পুরনো মনিবের বংশ, তোমাকে কোলে-পিঠে ক'রে মানুষ করেছে—

প্রমদা। আঃ! থাম তুই। পদ্ম কই, পদ্ম ?

উগর। খোকাবাবু, তোমাকে সাবধান করে দি। বাগদিনী আর বাঘিনীতে
সমান। তোমার চাবুক সখল করে তুমি এমন করে এস না এদিকে।

প্রমদা। (পকেট হইতে পিস্তল বাহির করিয়া) আমার কাছে পিস্তল আছে
সর্দার-বউ।

উগর। (হাসিয়া উঠিল) পিস্তলের ওপর ভরসা ক'রো না খোকাবাবু।
পিস্তলের গুলি খেয়েও বাঘিনী তোমাকে শেষ ক'রে দেবে। জান তো,
যা খেলে বাঘিনী সাক্ষাৎ মরণ ?

প্রমদা। আচ্ছা আমি ছ'শিয়ার হয়েই যিবব। (পিস্তল বাহির করিল)

উগর। তাতেই বা কাজ কি খোকাবাবু ? বাঘ সাপ তো মানুষকে এড়িয়ে
' বনে-জঙ্গলে গন্তেব ভেতব অঙ্ককারে ছুকিয়ে থাকে। তোমাদিগে তো
তাঁবা এড়িয়ে চলতে চায়। তোমরা যদি জোর ক'বে তাদের আস্তানা
মাড়াতে যাও, তাতে যদি তাঁবা ক্ষেপে ওঠে, তবে দোষটা কাব ? ও পথে
হেঁটো না খোকাবাবু।

প্রমদা। আচ্ছা, সে ভেবে দেখব ! (যাইতে যাইতে ফিবিয়া) ভাল কথা মনে
হয়েছে সর্দার-বউ। কাল সন্দেরে গিয়েছিলাম, জেলায় বড় সাহেবের সঙ্গে
দেখা হ'ল। সাহেব কালাচরণের কথা জিজ্ঞাসা কবছিল।

উগর। সর্দারও ভাবছিল বড় খোকাবাবু, জেলখানায় সর্দারের ভাতের হাঁড়িটা
ফেলে দিলে, না, আছে ? ফেলে দিয়ে থাকলে আবাব কিনতে হবে।
তুমি বরং সুপারিশ ক'বে দিও, হাঁড়িটা যেন না ফেলে।

প্রমদা। সর্দার বউ, তোদের আশ্পর্ক বড্ড বেড়েছে।

উগর। হেই মাগো ! আশ্পর্ক আমাদের হয়, না হতে পারে ?

প্রমদা। আমাব এলাকায় চোব-বদমাস ডাকাতি-দাঙ্গাবাজি, এসব তো আমি
নিষ্পুল করব।

উগর। মূল তো তোমবাই গো। ডাকাতি-দাঙ্গাবাজি এসব তো তোমাদের
নেগেই—

প্রমদা। (ধমক দিল) সর্দার বউ !

উগর। (হাসিতে লাগিল) টান পড়তেই এত বেদনা খোকাবাবু, নিষ্পুল কববে
কি ক'রে ? (পদ্ম বাহির হইয়া আসিল, হাতে একখানা দা।)

উগর। পদ্ম !

পদ্ম। দাখানায় শান দোব ভাজ-বউ, দাখানায় শান দোব।

টগর। যাও খোকাবাবু, তুমি এখান থেকে যাও। (প্রমদা পিস্তল হাতে লইয়া দেখিতে দেখিতে চলিয়া গেল)

টগর। পদ্ম!

পদ্ম। আমাকে একটু ধর ভাজ-বউ, একটু ধর।

টগর। বোস, এইখানে বোস, আমার কোলে মাথা রেখে একটু শুয়ে থাক বরং। (পদ্ম কোলে মাথা রাখিয়া শুইল) তুই কাদছিল পদ্ম? বল পদ্ম বল, কি হয়েছে? আমাকে বলবি না?

পদ্ম। না না না।

টগর। পদ্ম!

পদ্ম। আমার সর্বাঙ্গ জ্বলে যাচ্ছে ভাজ-বউ, মনে হচ্ছে, গাঙের তলায় না হ'ল জলন্ত আড়ারের ওপর অহরহ শুয়ে থাকি আমি।

[কালীচরণের প্রবেশ]

কালী। টগর-বউ! এ কি, পদ্ম! আমার সোনার পদ্ম শুয়ে কেন দিদি? (পদ্ম উঠিয়া বসিল, এবার সে সত্যি একটু মিষ্ট হাসি হাসিল)

পদ্ম। ভাজ-বউয়ের কোলে একবার শুয়েছিলাম দাদা। (টগর-বউ চলিয়া গেল)
কালী। ছেলেবেলায় তারাক্ষর আর তুই টগর-বউয়ের কোলের জন্তু যে কগড়া করতিস ছুঁজনে। (টগর জলের ঘটি লইয়া আসিল)

টগর। লাও, হাত মুখ ধোও।

কালী। ও বাবা! ভদ্রলোকের মত হাত-মুখ ধোবার জল! এ যে সেই অতিরিক্ত—

টগর। তা ব'লে আমি চোর নই।

কালী। চোর ন'স? 'শোন পদ্ম, তবে বলি শোন।' বিয়ের পর এসেই—বারো বছরের বউ বোশেপ মাসের দুপুরবেলা চলে গিয়েছে বাবুদের ঝাস বাগানে কাঁচামিঠে গাছের আম পাড়তে। আমি যাচ্ছি পথ দিয়ে, দেখি গাছের ডাল নাড়ছে। মারলাম হাঁক; কে রে? জবাব এল—আমি যে হই রে মুখপোড়া। তুই কে রে?

টগর। তুমি ধরতে পেরেছিলে আমাকে?

কালী। না তা পারি নাই! বুঝলি পদ্ম, আমি যেই হাঁক মেরেছি—আমি ভল্লা! ব্যাস, অমনই গাছের ওপর থেকে মেরে দিলে লাফ। আমি ভাবলাম, ম'ল রে! ও বাবা! আমি আচ্ছা ব'লে যেতে যেতে তখন

টগর-বউ দাঁড়িয়ে উঠেই বোঁ-বোঁ ছুট। ও। তখন কি বহান্নাই ছিল
টগর-বউয়ের!

টগর। থাম বাপু, পদ্ম আমার মেয়েব সমান।

কালী। (দীর্ঘনিশ্বাস ফেলিয়া) পদ্ম তোব মেয়েব সমান। পদ্ম আমাব
শোনার পদ্ম। (সহসা আক্রোশভরে) আমার এক এক সময় মনে হয় কি
জানিস?

[সহসা সে থামিয়া গেল, রুদ্ধ আক্রোশ ও আক্ষেপে একপাক ঘুবিয়া
বেড়াইল]

পদ্ম। বসো দাদা তাবপর তোমার কাজেব কি হ'ল? বীজনগরের বাবুরা
কি বললে?

কালী। জুতো ঘুবিয়ে দিতে বললে পদ্ম, অমাকে—কালীচরণ ভল্লাকে জুতো
ঘুরিয়ে দিতে বললে?

পদ্ম। জুতো ঘুবিয়ে দিতে বললে।

কালী। বীজনগরের বাবু অমাক'র বড় খোকাবাবুব মত। নাহেবী-কেতা-
দোরস্ত। গদি-মোড়া কেদাশ, মেঝেতে গালচে বিছানো। মন খেয়ে
টোব। সেলাম ক'বে দাঁড়ানাম তা বশে—প্রজ্ঞা শাসন কবতে পারবে?
বললাম প্রজ্ঞা তো। হজুবব ছে, তা শাসনের দবকার হলে বমক দোব।
বললে, ধমক নয়, দরকাব হ'লে ঘরে আগুন দিতে হবে। জোতেব ফসল
গরু লাগিয়ে খাইয়ে দিতে হবে। এমন ছবম করব কবতে হবে। বললাম,
হজুর, ওসব একদিন কবেছি, তার সাজাও ভগবান দিবেছেন। ওসব
অন্তলোক দিবে কবাবেন। আমাব বয়স পঞ্চাশ পার হয়েছে, আমাকে
অন্ত কাজ সেন। বাবু হেসে বললে—তবে আর কি কাজ করবে তুমি?
আমি বললাম—হজুরের বাড়ী পাহারা দোব, আমাব জান থাকতে হজুরেব
ঘরে ডাকাত, দুশমন চুকতে দোব না। হজুরেব তো দুশমনেব অভাব নাই,
হজুরের পাশে পাশে থাকব আমি, আমার জান না গেলে হজুরেব পায়ে
কাঁটা ফুটবে না। বাবু হেসে আমাকে একটা শিশুল দেখালে। আমি
হেসে পাজরার গুলিব দাগ দেখিয়ে বললাম—হজুর, ওটা আপনার খোকা-
বন্দুক, এই দেখুন আপনার মরম বন্দুকেব গুলির দাগ। বাবু বললে—ভেবে
দেখি, তুমি আজ থাক। আমি সেলাম ক'বে চলে আসছি, তখন আবাব
ডেকে বললে—শুহে, ওইখানে আমার চটি-জোভাটা আছে লাও তো।

টগর। তুমি কি বললে ?

কালী। লাঠির ডগা দিয়ে জুতো-জোড়াটি ঠেলে দিয়ে আবার একবার সেলাম
ক'রে চ'লে এলাম।

টগর। বেশ করেছ। তোমার বাবা ছিল—

কালী। টগর-বউ, বাবা চিত্তেয় পুড়ে ছাই হয়ে গিয়েছে। ভুলে যা ও সব
কথা।

[পদ্ম মাথা নত করিল, কালী পদচারণা করিতে করিতে পদ্মর মুখতুলিয়াধরিল]
পদ্ম ? কীদছিস দিদি ! না না, ভুলে যা ও সব কথা। ভুলে যা। শোন-
শোন ! আমি মনে মনে কি ঠিক করেছি শোন ! আর চাকরি নয়,
গোলামি আব কারু করব না। চাষ করব—চাষ। নদীর ধারে বড় চর
উঠেছে। সেইখানে চাষ করব ! তারাক্ষরকেও আর কবিরালি করতে
হবে না, বাপ বেটায় চাষ করব, নিজেরা কোদাল ধ'রে জমি ভাঙব। বাপ
বেটায় কোদাল ধরলে—হুজনে আটজনের কাজ তো করবই ! সঙ্গে টগর
তুই হুজনে খাটবি। ক্ষেত কবব, খামাব কবব, হাল করব, গরু করব।
নদীর ধারের চন্দনের মত মোলাম মাটি চ'ষে খুঁড়ে ফসল লাগাব, মা-লক্ষ্মী
এসে মাটির বুক পুরে এসে বসবেন—

[নেপথ্যে তারাক্ষর]

তারাক্ষর। মা !

পদ্ম। তারাক্ষর !

[তারাক্ষর ও জয়ার প্রবেশ]

তারাক্ষর। তোমাদের দাসী নিয়ে এলাম পদ্ম পিসী।

টগর। দাসী নিয়ে এলি ?

পদ্ম। (উঠিয়া) তুই বিয়ে করে এলি তারাক্ষর ?

[ভীমের প্রবেশ]

ভীম। ভাল আছ কালী-ভাই ? তোমার ছেলেকে সেলাম রাস্তায়। ধ'রে
আমার মেয়ের সঙ্গে বিয়ে দিয়ে দিয়েছি !

কালী। ভীম-ভাই ! জয় গুরু, কি ভাগ্য আমার ! তুমি তারাকে ধ'রে
তোমার মেয়ের সঙ্গে বিয়ে দিয়েছ ! বেশ করেছ। আমার ভাগ্য,
আমার ভাগ্য ! ওরে বেটা তারাক্ষর, কবিরালি করতে গিয়ে বিয়ে ক'রে
এলি তুই ?

তার। হয়ে গেল বাবা, ভাঞ্জেয পাল্লা দিতে গিয়ে এমন হ'ল যে শব্দ বললেন—
—আজ হয়ে যাক বিয়ে।

কালী। আর তুমি বেটাও রাজী হয়ে গেলে! হারামজাদা শ্যারকি বাচ্চা,
বাপ ব'লে মনেও পড়ল না! যা, এখন মাল নিয়ে আয়—মদ মদ!

ভীম। (জয়াকে) হারামজাদীর কাণ্ড দেখ! দাঁড়িয়ে আছিস কি হারামজাদী,
শব্দ-শব্দীকে পেনাম কর।

[জয়া কালীকে প্রণাম করিতে গেল]

কালী। এ যে সোনার প্রতিমে ভীম! আমার ভাগ্য, আমার ভাগ্য ভীম-
ভাই! আগে আমাকে নয়, আগে আমাকে নয়। (পদ্মকে দেখাইয়া)
আগে এই তোমার পিসশাব্দীকে, ওই আমার ঘরের কর্তা, আগে—
ভীম। পদ্ম! পদ্ম এখানে কেন কালী ভাই?

[কালী ঘুবিয়া দাড়াইল]

কালী। কেন ভীম ভাই? বিববা বোন আমার বাবে কোথায়?

ভীম। তারাচরণ, তুমি তো আমাকে এ কথা বল নাই?

তার। আপনি তো কই আমাকে জিজ্ঞাসা করেন নাই।

ভীম। জয়া, ফিরে আয়, বাড়ী চল।

কালী। তোমার হাতে লাঠি আছে, আমি লাঠি ধরব নাকি ভীম-ভাই?

আমার ঘর থেকে তুমি আমার বেটার বউ কেড়ে নিয়ে যাবে?

তার। (জোরে ইকিয়া উঠিল) খবরদার!

টগর। ওগো বাছা নহুন বউ, আমার ঘরে থাকবে তো দাওয়ায় উঠে এস।

নইলে তোমার বাপ ডাকছে—

[জয়া উপবে উঠিয়া গেল]

টগর। ওরে মা লক্ষ্মী আমার!

ভীম। লাঠি আর ধরব না কালী-ভাই। জামাইকে যৌতুক দেবার জন্য
লাঠিগাছটা এনেছিলাম। নাও ধর তারাচরণ।

কালী। ভীম-ভাই, তোমার হাতে ধ'রে বলছি—

ভীম। আমি চললাম, আমি চললাম কালী-ভাই। আমি চললাম।

[প্রস্থান]

পদ্ম। দাদা, দাদা বেয়াইকে ফেরাও।

উগর। না।

কালী। শাক বাজা পদ্ম, জলধারা দে, বউ বরণ ক'রে ঘরে তোল। পদ্ম, যে

গেল সে ষাক, যেতে দে। তোকে ঘরে ফিরিয়ে এনেছি, তোর পয়ে ঘরে আমার বউ এল। ওরে, এখুনি বলছিলাম জমির কথা। এই দেখ, তোর পয়ে সাক্ষাৎ লক্ষ্মী পায়ে হেঁটে আমার ঘরে এসেছেন। চন্দনের মত মাটিতে উনো ফসল ছনো হবে, আমার সই ফসল পাকবে সোনার বরণ হয়ে, রাশি রাশি ফসল, তুই, টগর-বউ, বউমা ঝুড়িতে ক'রে মাথায় ক'রে ঘরে তুলবি—মরাইয়ে মরাইয়ে ভ'রে উঠবে খামার। লাঠি নয়, সড়কি নয়, দাঙ্গা নয়, হাক্কামা নয়, স্বখে-স্বচ্ছন্দে নতুন বস্ত্রে পুরনো অন্ন জীবন কেটে যাবে; সাক্ষাৎ লক্ষ্মী ঘরে এসেছে, আমার ভাবনা কি ?

পদ্ম। বউ বরণ কর ভাজ-বউ।

কালী। স'রে যা, স'রে যা, ভেতবে যা সব। কে ? কে ? এত রাত্রে ও কে ? আমার লাঠি ?

টগর। কে ? কে ?

কালী। (ধমক দিয়া) স'রে যা ! ভেতরে যা। পদ্ম ভেতরে যা। তারা ভেতরে যা। আমার লাঠি ? (লাঠি লইল)

[সকলে ভিতরে চলিয়া গেল। ধনদা প্রবেশ করিলেন। সন্ন্যাসীর বেশ।]

কালী। (অগ্রসর হইয়া) কে ?

ধনদা। আমি, কালী।

কালী। (সন্মুখে) কে ? বড়বাবু ? (পবমূর্ত্তে কঠিন দৃষ্টিতে ধনদাব মুখে দিকে চাহিল) কি চাই বড়বাবু ? এত রাত্রে ? (পরমূর্ত্তে সন্মুখে আবার বলিল) এ কি পোশাক তোমার বড়বাবু ?

ধনদা। আমি তীর্থ করতে বেরিয়েছি। মহাপাপ—মহাপাপ কবেছি কালী-চরণ, প্রায়শ্চিত্ত করতে বেরিয়েছি।

কালী। বড়বাবু, তুমি সন্ন্যাসীর সাজে সেজে বড়বাবু ? তোমার ওপর আমার আর কোন মায়, নাই ! তবু আমার দুঃখ হচ্ছে—

ধনদা। ষাবার আগে তোর সঙ্গে দেখা না ক'রে যেতে পারলাম না ! আমাকে ক্ষমা করতে পারবি না কালী ?

কালী। না বড়বাবু।

ধনদা। যদি কোন দিন পারিস, ক্ষমা করিস।

[কালী উত্তর দিল না]

আমি যাই কালী।

[সঙ্গে সঙ্গে অগ্রসর হইল]

কালী। বড়বাবু, তুমি একা? চল, ছিপে তুলে দিয়ে আসি, চল।

ধনদা। (কিরিয়া) ছিপ নাই কালী। (হাসিল)

কালী। ছিপ নাই?

ধনদা। লুকিয়ে বাড়ী থেকে বেবিয়েছি। একা পায়ে হেঁটে সমস্ত তীর্থ ঘুরব আমি।

[অগ্রসব হইল]

ধনদা। (কিরিয়া) হ্যাঁ, শোন। এইটে, এই ছোরাটা—এই ছোরাটা নে, পদ্মকে দিস।

কালী। বড়বাবু?

ধনদা। আমি খবর পেয়েছি, প্রমদা আরও একিকে এনেছিল। দিস, পদ্মকে এটা দিস।

[কালীচরণ ছোরাটা ঘুরাইয়া দেখি-]

ধনদা। না না, ভোতা নয়! বাঘ শিকাবে ছোবা আমাব। এই দেখ।

[ছোবাটা কালীর হাত হইতে নইয়া নিকটস্থ গাছে আমুল বিদ্ধ কবিয়া দিল
কালীচরণ টানিয়া ছোবাটা বাহিব কবিয়া নইল।]

কালী। ছোবাব ধার আমি চিনি বড়বাবু, ছোবাব ধার আমি চিনি। আমি দেখছিলাম, বাঁটটা কি সোনার?

ধনদা। সোনার পাত দিয়ে মোড়া আছে।

[কালী দাত দিয়া বাঁটের পাত টানিয়া ছাড়াইয়া ধনদাকে দিল]

কালী। এটা তুমি নিয়ে যাও। ছোবাটা আমি পদ্মকে দাব।

দ্বিতীয় অঙ্ক/প্রথম দৃশ্য

বায় বাড়িব সদর-মতল ধনদাপ্রসাদের খাস কামবা

[ফরাশ ও চেয়ার প্রভৃতি আসবাবের সমন্বয়ে ঘর সাজানো। পুনর্নো ঋচি এবং পাশ্চাত্য ঋচির সংমিশ্রণ পরিস্ফুট। ঘরের মধ্যে ধনদাপ্রসাদের কনিষ্ঠ পুত্র জ্ঞানদাচরণ, জ্যেষ্ঠ পুত্র প্রমদা ও একজন পুলিশ কর্মচারী উপবিষ্ট। জ্ঞানদাচরণ উনবিংশ শতাব্দীর ইং বেল্ল নব্যতান্ত্রিক, বিজ্ঞানসন্মত-ভূদেবের প্রভাবান্বিত যুবক। প্রমদাচরণ বিপবীতধর্মী—বিলাসী, মগপ, ইঞ্জিয়-পরায়ণ, সে মত্ত অবস্থাতেই কথা বলিতেছে। দাবোগা বসিয়া আছে]

দারোগা। এ সন্দেহ আপনাদের পূর্বেই হওয়া উচিত ছিল জ্ঞানদাবাবু।

কর্তাবাবুর নিরুদ্দেশ আজ দেড় বৎসর হয়ে গেল। এখন প্রমদাবাবু যা বলেছেন, তাই যদি ঘটেই থাকে, তবে তার লঙ্কান আজ আর সোজা হবে না। লাল তো পাওয়া যাবেই না, অল্প কোন চিহ্ন, প্রমাণ—

প্রমদা। বাবার শিকারের ছোয়ার চেয়ে আর কি প্রমাণ চান আপনি? পদ্ম বাগদিনীর হাতে আমি নিজের চোখে সে ছোরা দেখেছি।

জ্ঞানদা। তুমি ভাল ক'রে মনে কর দাদা। বাবার ছোরা তুমি ঠিক দেখেছ? মদের ঝোঁকে তুমি ভুল দেখ নি তো?

প্রমদা। ভুল? নেশা? মদ খেলে নেশা হয় জ্ঞানদা? রায়-বংশের ছেলের? (উচ্চহাস্য) শোন জ্ঞানদা, আর আধ ঘণ্টা আগেই গন্ধার ধারে একটা চিত্তেবাঘ শিকার করেছি। নিশানা করেছিলাম মাঝ-কপালে, ছোট চিতে, কপালটা ঠিক মাঝখানে একোরে ছুঁ ফাঁক হয়ে গেছে। ফেরবার পথে আমি আর মদ খাই নি, ফুরিয়ে গিয়েছিল। নেশা? (হাসিল) বাবাব ছোরা আমি পদ্মর হাতে দেখেছি। সোনার পাতে বাঁটটা মোড়া ছিল, কেবল সেই পাতটা নেই।

দারোগা। আপনার বাবার ছোরাই যদি হয়, তবে পদ্ম কি সেটা আপনার সামনে বের করবে প্রমদাবাবু?

প্রমদা। জেরার উত্তর আমি দিই না দারোগাবাবু! আরও একটা কথা আপনাকে বলে দিই, মিথ্যে কথা আমি বলি না।

জ্ঞানদা। কিন্তু তুমি ওদের বাড়ী কেন গিয়েছিলে?

প্রমদা। জ্ঞানদা, তুমি আমার সঙ্গে ওরকমভাবে কথা বলবি না।

জ্ঞানদা। তুমি একটা পশু!

প্রমদা। ইয়েস, আমি পশু, এ বিন্দু—কিন্তু শিরাল নই, বাঘ! আমি গিয়েছিলাম ওদের বাড়ী। পদ্মর জন্তে গিয়েছিলাম। পদ্ম আমাকে ছোরাটা দেখিয়ে শাসলে। মুখে না বললেও, তার মনের কথাটা আমি বুঝলাম। বলতে চাইলে, এ ছোরাতে তোমার বাবাকে শেষ করেছি, তোমাকেও—(উচ্চহাস্য) ভয় দেখাতে চায় আমাকে। পকেট থেকে পিগুলটা বের করলাম, কিন্তু ইচ্ছে হ'ল না। পদ্ম-পুপ! ঝরাতে ইচ্ছে হ'ল না।

জ্ঞানদা। তোমার লজ্জা হওয়া উচিত। পদ্মর সঙ্গে বাবার লঙ্কায় অত্যন্ত স্থগিত, শুধু তার সামনে স্থগায় লঙ্কায় মাথা হেঁট করা উচিত

আমাদের। পৈতৃক ব্যাধির মত তাকে বর্জন করা উচিত। ছি।
ছি! ছি।

প্রমদা। আঃ! আঃ! আঃ। জ্ঞানা, তুই চূপ কর।

জ্ঞানদা। ভবিষ্যতের জ্ঞান তোমাকে আমি সাবধান করে দিচ্ছি। শোন,
তোমাকে পাগল হিসেবে ঘরের মধ্যে আমি বন্ধ করে রেখে দেব।

প্রমদা। বন্ধ করে রেখে দিবি? আমাকে? তুই?

[অবজ্ঞায় হাসিল]

জ্ঞানদা। তোমার কতবড় অধঃপতন হয়েছে, তুমি একবার ভেবে দেখ না।

প্রমদা। (উচ্চহাস্য) অধঃপতন।

জ্ঞানদা। যেদিন তোমার এই জঘন্য চরিত্রের কথা মা প্রথম জানতে পেরে,
মায়েব সেদিনক'ব কাঁদা মনে পড়ে না?

প্রমদা। আঃ! আঃ! (উঠিয়া দাঁড়াইয়া)

জ্ঞানদা। তোমার এমন জ্ঞান, প্রতিমার মত রূপ, দেবীর মত অন্তর—

প্রমদা। আঃ জ্ঞানা! চূপ কর তুই, চূপ কর। (অস্থির হইয়া পদচারণ
করিয়া) তুই জানিস না জ্ঞানা, তুই জানিস না। সে একটা আগুন,
চিতার আগুনের মত আগুন, বাবণের চিতা জ্বলে শেষ হয় না। স্ত্রী পুত্র,
জাত-ধর্ম, সম্বন্ধ করে জানা, পায়ের তলায় মাটির কথা পবন
ভুলে যায়।

জ্ঞানদা। ব'স, স্থির হয়ে ব'স।

প্রমদা। না না না। এই কেঁটা, শূয়ারকি বাচ্চা, মদ, মদেব বোতল—(প্রস্থান
জ্ঞানদা মাথা হেঁট করিয়া দাঁড়াইয়া বহিল)

দারোগা। ওসব কথা ছেড়ে দিন ছোটবাবু। ও নিয়ে মন খাঁচা কববেন
না আপনি, ও বকম তো আকছার হচ্ছে! এখন কাজের কথা—

জ্ঞানদা। (মুখ তুলিয়া, স্থির দৃষ্টিতে আপন মনেই বলিল) হতভাগ্য দেশ,
প্রেতে সমাজ। রামমোহন, বিদ্যাসাগর, ভূদেব এঁদের কথা শুনলেন। এতই
জন্তে দেবেন ঠাকুরের মত মহাত্মা, কেশব সেনের মত মহাপুরুষ সমাজ
পরিত্যাগ করে বেরিয়ে গেল। (আপন মনেই আবৃত্তি করিল) “কত-
কাল পরে বল ভারত রে, দুঃখসাগর সাঁতারি পার হবে।”

দারোগা। (হাসিল। তারপর জ্ঞানদার আবৃত্তি শেষ হইতেই সম্মুখে নিকটে
আসিয়া বসিল) শুন ছোটবাবু, কাজের কথাটা শেষ করে নিতে চাই
আমি।

জানদা। বলুন।

দারোগা। আপনি কি করতে বলেন? কর্তাবাবু খুন হয়েছেন—এই কথা কি আমাকে ডাইরি করতে বলেন?

জানদা। সমস্তার কথা দারোগাবাবু। দাদা মদ খান, কিন্তু মাতাল থাকে বলে তা তিনি হন না। মিথ্যে কথাও তিনি বলেন ব'লে আমি মনে করি না। তবে ভুল হতে পারে।

দারোগা। তা হ'লে সন্ধান ক'রে একবার দেখাই উচিত।

জানদা। সত্যকে গোপন আমি করতে চাই না, ক'রেও ফল নেই, কাবণ পদ্মকে ভৈরবী ক'বে বাবা বাগানবাড়ীতে রেখেছিলেন—এ কথা এ অঞ্চলের সকলেই জানে। কালীচরণ যেদিন এখানে প্রথম আসে, সেই দিনই সপদ্মকে কেড়ে নিয়ে যায়। বাবা যদি মতিভ্রমের বশে রাতে পদ্ম সন্ধানে কালীচরণের বাড়ী গিয়ে থাকেন তা হ'লে—কালী বাগদী দুর্দান্ত হিংস্র-প্রকৃতির লোক, তাকে বিপদ নেই।

দারোগা। অত্যন্ত সন্দেহজনক ব্যাপার, তাতে কোন ভুল নেই। আর কর্তা যদি সন্ন্যাসীই কোন কারণে হয়ে থাকেন, দেড় বৎসর হয়ে গেল, তবুও একটা খবরও কি দিতেন না তিনি? আর সন্ন্যাসী হওয়াব কোন যুক্তি-সঙ্গত কারণও যে দেখতে পাচ্ছি না। কিছু মনে করবেন না ছোটবাবু, কর্তার অবশ্য ধর্ম-কর্মে আচারে-অনুষ্ঠানে অগ্রগতি ছিল, কিন্তু তবুও তিনি ছিলেন ঘোর বিষয়ী, ভোগ-দিলোনে প্রবল আসক্তি ছিল তাঁর। পদই তার প্রমাণ! তিনি কেন সন্ন্যাসী হতে যাবেন?

জানদা। যা হয় আপনি করুন দারোগাবাবু। এ আমি সহ করতে পারছি না।

দারোগা। আমি জমাদারকে শালীর ঘর খানাতল্লাস করতে পাঠিয়েছি। ধ'রে আনাতও বলেছি। কিন্তু কথা হচ্ছে কি জানেন আদালতে এই কেলেঙ্কারি—

জানদা। কেলেঙ্কারি যখন সত্য, তখন সহ না ক'রে উপায় কি? আপনাদের কর্তব্য আপনারা ক'রে যান।

দারোগা। সাধ্যমত আমরা কসুর করব না।

জানদা। প্রমাণ যদি নাও পান তবু কালী বাগদীর মত লোকের যাতে উচ্ছেদ হয় তাই আপনাদের করা উচিত। পাপ—যুঁতিমান পাপ।

দারোগা। আপনারা সাহায্য করুন, কেন করবেন না?

জ্ঞানদা। আমি প্রাণপণ সাহায্য করব আপনাদেব। এই সব ক্রিমিনাল, বরন ক্রিমিনালদের একজনকেও রাখব না আমি এ এলাকায়। চুবি-ডাকাতি এদের নেণা। দাকা-খুন এদের পেশা। এসব হ'ল এদের গোরবের কাজ। স্তম্ভবী মেয়ে হ'লে এরা টাকার লোভে ভ্রলোককে বিক্রি পয়স্তু করে। হাবে-ভাবে প্রলুব্ধ ক'রে ভ্রলোককে ছেলের অধঃপতন ঘটানো এদের মেয়েদের গোপন ব্যবসা। সমাজ-দেহে এরা ওয়েষ্টিং ভিজিট, রাজঘন্টা।

[ঠিক এই সময়ে দরজার পাশে উঁকি মারিল ফুক বাগদীব মুখ। তোষামোদহাস্তাস্থিত অথচ ভদ্রার্ভ একখানি মুখ। চোখে ধূর্ততা। ফুক বাগদী আসলে ছিঁচকে চোব, প্রমদাচরণেব লালসাবস্ত্রিব হবি সংগ্রাহক, উপরন্তু সংগোপনে পুলিশেব গুপ্তচর। লে কটি আপন কচি এবং জাতি-সংস্কৃতির মাপকাঠিতে শৌখিন ব্যক্তি। মাথায় বাবর্বা চুল, গালপাট্টা, সূচালো গৌফ। নিঃশব্দে লঘুপদে চল-ফেলা করে, মধ্যে মধ্যে চকিত ভয়ার্ভেব মত শুদিক চায়। চোখেব পাতা ঘন ঘন পড়ে। স্তব্ধা পাইলে হাতের কাছে যাহা

পায়, তাহাই কাপড়ে লুকাইয়া আশ্রয়সাং কবে।]

জ্ঞানদা। (ফুকের মুখ উঁকি মারিতেই দরজায় থুট কবিশা শব্দ হইল, সেই শব্দে জ্ঞানদা মুখ ফিরাইল) কে ?

[সঙ্গে সঙ্গে ফুকব মুখ অন্তর্হিত হইল]

দারোগা। (কিরিশা) কে ?

[আবাব দরজা লিয়া ফুকব মুখ উঁকি মারিল, সে সঙ্গে সঙ্গে আঙুল দিয়া জ্ঞানদাকে দেখাইল]

দারোগা। (হাসিয়া) আয় ভেতবে আয়। ভয় নেই।

জ্ঞানদা। ওটাকে কেন দারোগাবাব ? ওটাকে আমি বাড়ীব এলাকায় ঢুকতে বারণ করে দিয়ে'ছ। দাদার অধঃপতনেব ওটা একটা মূণ কারণ, ও হ'ল মৃতিমান শয়তান।

[কথা বলিবার সঙ্গে সঙ্গে ফুক ধীরে ধীরে মুখ সরাইয়া লইল]

দারোগা। বাঘের সন্ধান বাথতে হ'লে ফেউ না হ'লে চলে না ছোটবাখু ! ফুককে কিছু বলবেন না। ও আমাদের ফেউ—স্পাই।

[কথা বলিবার সঙ্গে সঙ্গে ফুকর মুখ ধীরে ধীরে আবাব বাহিব হইল]

আয়, ফুক ভেতরে আয়।

[ফুকর প্রবেশ]

ফুক। (সভয়ে হাসিয়া) আমি হজুরদের গোলাম, ছিচরণের দাস।

[নাট্যে প্রণত হইয়া পড়িল]

জ্ঞানদা। লোকটা চ'লে গেলে আমাকে ডাকবেন দারোগাবাবু।

[ঘর হইতে বাহির হইয়া গেল]

ফুক। কেজাকতে হজুর। ছোরা বেরিয়ে গিয়েছে।

দারোগা। ছোরা বেরিয়েছে ?

ফুক। আজ্ঞে ইয়া। বালিশের ভেতরে রাখত পদ্ম। আমি আবার বড়-খোকাবাবুর চর তো, তাতেই আমাকে দেখেই বালিশ থেকে টেনে ছোরাটা বার ক'রে বললে তোকে আজ শেষ করব। আমি টেনে দিলাম ছুট। এসেই বলে দিলাম জমাদারবাবুকে। জমাদারবাবু বার করেচে ছোরা। এখন ব'লে আছে কালীচরণ আর তারাক্ষরের জন্যে। কোথা গিয়েছে হুজনায়ে।

দারোগা। হুঁ। পদ্ম কি বললে ?

ফুক। আমি আর ছামনে ঘাই নাই হজুর। হজুব, তারাক্ষরের পরিবারকে দেখলাম হজুর।

দারোগা। যা হারামজাদা এখন তুই, বাইরে যা। ছোটবাবু, জ্ঞানবাবু!

[পিছন ফিবিয়া জ্ঞানদাকে ডাকিতেছিল, ফুক অবদব পাইয়া একটি পিতলেব ফুলদানি তুলিয়া কাপড়ে ঢাকিয়া লইয়া চলিয়া গেল, ফুক ঘাইবার সঙ্গে সঙ্গেই অস্ত্র দরজা দিয়া জ্ঞানদার প্রবেশ]

দারোগা। প্রমদাবাবুর কথা সত্যি, ছোবা পাওয়া গেছে ছোটবাবু!

জ্ঞানদা। ছোরা পাওয়া গেছে ?

দারোগা। জমাদার ওদের গ্রেপ্তার করে নিয়ে আসছে।

[জ্ঞানদা ঘরের মধ্যে পাচারি করিতে আরম্ভ করিল।]

জ্ঞানদা। ইয়া ইয়া ই। আমি একবার কালীচরণের মুখোমুখি দাঁড়াতে চাই।

দারোগা। আপনি এত অস্থির হবেন না জ্ঞানবাবু।

[জ্ঞানদা চেয়ারে বসিল এবং চোখ মুদিয়া কপাল টিপিয়া ধরিল। জমাদার প্রবেশ এবং সেলাম করিয়া দাঁড়াইল]

দারোগা। আসামী হাজির ?

জমাদার। ইয়া হজুর, এই সেই ছোরা।

[জমাদার ছোরা বাহির করিল]

জ্ঞানদা। দেখি দেখি। (হাত বাড়াইয়া ছোরাটাইল) ইয়া, বাবার ছোরা।

বাটের সোনার পাত ছাড়িয়ে নিয়েছে, কিন্তু এই দেখুন ছোরার গায়ে
বাবার নাম লেখা।

দারোগা। নিয়ে এস, আলামী নিয়ে এস এইখানে। পদ্ম বাগদিনীকেই আপে
নিয়ে এস।

[জমাদাব চলিয়া গেল]

জ্ঞানদা। আমার ইচ্ছে হচ্ছে দাবোগাবাবু, ওই ছোবাট, আমি কালী বাগদী
বুকে বসিয়ে দিই।

দাবোগা। জ্ঞানবাবু।

জ্ঞানদা। ছোরাটা আপনি নিয়ে রাখুন।

[ছোবাটি দিল। জমাদার ও পদ্ম প্রবেশ]

পদ্ম। ছোট-খোকাবাবু, এই তোমাদের বিচার? আজ পৌষ-সংক্রান্তি দিন,
আজ তুমি ঘব-গুট্টিকে ধ'রে আনলে? পুলিশ দিয়ে ঘব-তল্লাশি করলে?
কেন, কি কবেছি আমরা?

জ্ঞানদা। আগেকাব আমল হ'লে তোকে আমি—

জমাদাব। এই এই! না না! আসতে পাবি না তুই।

কালী। আবে! পথ ছাড় তুমি জমাদাব। পথ ছাড়।

[জমাদারের হাত ছাড়াইয়া তাহাকে তেলিয়া কালী প্রবেশ করিল]

কালী। বল ছোট খোকাবাবু, সে আমল হ'লে কি কবতে বল, শুনি?

দাবোগা। তুই কালী বাগদী?

কালী। ইয়া। তুমি দাবোগাদা'হেব? সেলাম।

দারোগা। বিনা হুকুমে কেন ঘরে ঢুকলি তুই?

কালী। আমার বোনকে আনবাব সময় তোমরা আমাব হুকুম নিয়েছ?

তাই বিনা হুকুমে আমাকেও ঢুকতে হল। আমার বোন রয়েছে এখানে,

আমিও থাকব দারোগাবাবু। যা জিজ্ঞাসা করবে আমার সামনে কব।

দারোগা। জমাদার, সিপাহী ডাকো।

কালী। সেপাই ডেকো না দাবোগা-মায়েব, খুনখারাপি হয়ে যাবে। নইলে

যা জিজ্ঞাসা করবে, কর। আমি কিছু বলব না।

দারোগা। চুপ ক'রে ব'স তবে ওইখানে।

[পিছল বাহির করিয়া ধবিস]

কালী। (হাসিল) পিছল বাধ তুমি দারোগাবাবু, অন্ডায় করে হাঙ্গাম।

আমিও করব না।

দারোগা। তুই পদ্ম বাগদিনী ?

পদ্ম। ই্যা।

দারোগা। এ ছোরা তুই কোথায় পেলি ?

পদ্ম। বড়বাবুর ছোবা, বড়বাবু নিয়েছিল আমার দাদাকে আমাকে দেবাব
জন্তে।

জ্ঞানদা। বাটের সোনার পাতটা কোথায় গেল তবে ?

কালী। ছোট-খোকাবাবু—

দারোগা। কালীচরণ, তুই চূপ কর।

পদ্ম। সোনার পাত ছিল না।

জ্ঞানদা। ছিল !

কালী। ছিল। আমি সে পাত ছাড়িয়ে বড়বাবুকেই দিয়েছি, ফিরিয়ে
দিয়েছি।

জ্ঞানদা। সোনার পাত ছাড়িয়ে বাবাকেই দিয়েছিস ?

কালী। ই্যা।

জ্ঞানদা। হঁ। কিন্তু বাবা ছোবাটা হঠাৎ পদ্মকে দিতে গেলেন কেন ?

পদ্ম। শুনবে ছোট-খোকাবাবু ?

জ্ঞানদা। ই্যা, ই্যা ! কেন ?

পদ্ম। তোমার ওই দাদা, বড়-খোকাবাবু যদি—

কালী। পদ্ম !

পদ্ম। ওই বড় খোকাবাবুর বুকে ঝিয়ে দিতে দিয়ে গিয়েছিল।

জ্ঞানদা। হঁ ! বাপ ছেলের বুকে বসাবার জন্তে ছোরাটা দিয়ে গেছে !

আর তোবা সেই ছোরার বাটের সোনার পাতটা ছাড়িয়ে তাকে ফেরত
দিয়েছিস বুঝছি।

কালী। বুঝতে তুমি পার নাই ছোট খোকাবাবু, বুঝতে তুমি
পারবে না।

পদ্ম। বুঝতে তুমি চেও না ছোট খোকাবাবু। বিশ্বাস কর তুমি, ছোরা
আমরা চুরি করি নাই। আমি তোমার মায়েব মত—

জ্ঞানদা। চোপ বাও হারামজাদী।

কালী। (গর্জন করিয়া উঠিল) ছোট-খোকাবাবু !

দারোগা। (ধমক দিলেন) এই কালী বাগদী !

কালী। ইচ্ছে হয় পিস্তলটা তোমার দেগে দাও দারোগাবাবু। হারামজাদী,

হাবামজালী। ছোট-খোকাবাবু ও বলে গাল দিও না তুমি। মহাপাপ হবে তোমার।

জ্ঞানদা। কালীচরণ।

কালী। (সহসা উচ্চহাস্য করিয়া উঠিল) না না। দাও দাও, হাজাব বাবু গাল দাও তুমি আমার বাপকে।

জ্ঞানদা। কালী, হেসে আমাদের ভোলাতে পারবি না তুই। হাসিস নে

কালী। ছোট-খোকাবাবু, বাপভেও তোমার কাছে আমি কোন দিন আসি নি। তোমার বাবা চান্দবান জমি কেড়ে নিয়েছিল, পদ্মকে নিয়ে—(স্তব্ধ হইল) খোকাবাবু, সেদিন যখন তোমার বাবাব সঙ্গে দেখা হয়েছিল সেদিন আমি গানি নি। তাবপন মাথার ঘান পায়ে ফেনে নদীর ধারে চর ভেঙ্গে জমি করে। সে জমি তুমি কেড়ে নিলে। কালো মেঘের বর্ষণ ঘন ভোলানো বান—হাতী লাগিয়ে খাইয়ে নিয়েছ তোমার ঘরে পৈঁদেছি, তবু তোমাদের কাছে দববার করতে আসি নি। আশাব আড চুবি কবেছি বলে ধবে এনেছ। হাসব না ছোটবাবু? হাশ

[জ্ঞানদা পদচারণা করিয়া ফিরিয়া কালীর সম্মুখে দাঁড়াইল।

জ্ঞানদা। বাবাকে তোলা খুন করলি কেন?

কালী। খুন?

জ্ঞানদা। না না না ছোট খোকাবাবু, না।

কালী। ও, তাই না, তুমি তাই মনে কচ্ছে ছোটবাবু? না না ছোটবাবু না? তিনি সন্ন্যাসী হয়ে গিয়েছেন।

জ্ঞানদা। আর কাউক বলেন যিনি, তাকে বলে গিয়েছেন?

কালী। ইয়া গিয়েছেন।

জ্ঞানদা। হঠাৎ তিনি সন্ন্যাসী হবেন কেন?

কালী। ছোট খোকাবাবু, আর তুমি কোন কথা শুনিও না। বাতে আমি পারব না।

জ্ঞানদা। কালী।

কালী। না না ছোট খোকাবাবু, না।

জ্ঞানদা। তোকে কানীকাসে মূলতে হবে কালী।

কালী। ঝুলব ছোট খোকাবাবু, তবু বলতে পারব না।

[জ্ঞানদা সহসা কালীর গলা ধরিল]

জ্ঞানদা। বল। বল।

দারোগা। জ্ঞানদাবাবু।

[কালী হাত ছাড়াইয়া দিল]

কালী। (হাসিয়া) তোমাদের হাত নরম থোকাবাবু, কালী বাগদীর গলা
পাথরের, খুললে বন্ধ হয় না, চাপা পড়লে আর খোলে না।

জ্ঞানদা। কালী!

কালী। ছোটবাবু ফাঁসির ব্যবস্থাই কর তুমি। সে কথা আমি বলব না।

পদ্ম। আমি বলব। শোন ছোট-থোকাবাবু—

কালী। না না না পদ্ম না।

পদ্ম। না না, আমি বলব। তোমাকে ফাঁসির কাঠে ঝুলতে আমি দোব না।
শোন—

কালী। পদ্ম!

[সে আসিয়া পদ্মর মুখ চাপিয়া ধরিল]

দারোগা। কালী!

জ্ঞানদা। কালী!

[পূজকের প্রবেশ]

পূজক। হজুর!

জ্ঞানদা। কি? কি চাই তোমার এখানে?

[পূজক একটি মোড়ক ও একখানি চিঠি তাহাকে দিল]

পূজক। একজন সন্ন্যাসী এইটে এখনি আপনাকে দিতে বললেন।

জ্ঞানদা। কি? কি এটা?

[মোড়ক খুলিল, মোড়কের মধ্যে ছোরার বাটের সোনার পাত]

এ কি? এই তো সে ছোরার বাটের সোনার পাত।

(তাড়াতাড়ি চিঠিটা পড়িল) কই? কোথায়? কোথায় তিনি?

পূজক। গঙ্গার ধারে কালীবাড়ীর ঘাটে তিনি দাড়িয়ে আছেন।

দারোগা। ব্যাপার কি জ্ঞানবাবু?

জ্ঞানদা। ছেড়ে দিন, এদের ছেড়ে দিন দারোগাবাবু? আমি আসছি।

[প্রস্থানোত্তত]

দারোগা। ছেড়ে দেব?

জ্ঞানদা। বাবা বেঁচে আছেন। এক সন্ন্যাসী তাঁর খবর নিয়ে এসেছেন তাঁর হাতের চিঠি এনেছেন। ওদের ছেড়ে দিন।

[প্রস্থান কলী পদ্মর মুখ ছাড়িয়া দিল]

দারোগা। যা তোবা বাড়ী যা।

কালী। আঃ। পদ্ম, আয় বোন বাড়ী আয়।

পদ্ম। আমার ছোবা?

কালী। (টেবিল হইতে ছোবা তুলিয়া লইয়া) ছোবাটা আমবা নিয়ে চললাম দাবোগাবাবু।

[পদ্ম ও কালীর প্রস্থান]

দাবোগা। চল হবলাল। মিছে হয়রানি হ'ল।

[দাবোগা ও জমাদাবেব প্রস্থান প্রমদার প্রবেশ]

প্রমদা। কই, পদ্ম কই? জ্ঞানদা।

[দরজার পাশ হইতে উঁকি মারিল]

ফুরু। হুঁজুব।

প্রমদা। কই, গেল কোথায় সব? পদ্মকে কোথায় নিয়ে গেল? কেনে কোথায়? বিচার আমি কবব।

[ফুরু প্রবেশ করিল]

ফুরু। ভেক্তির খেলা হয়ে গেল হুঁজুব। বডকর্তা বেঁচে আছে। কোন্ সন্ন্যাসী চিঠি এনেছে। ছোটবাবু ছুটে গেল। দারোগা ফিবে গেল। পদ্ম-কালীকে ছেড়ে দিলে।

প্রমদা। জ্ঞানদা! জ্ঞানদা!

[প্রস্থানোত্ত। পবে পুনরায় ফিবিয়া]

যাক বেঁচে বাবা। ফুরু, আজ বাত্রে, দরকার হয় বেলেকে আমি গুলি ক'রে মারব।

ফুরু। বকশিশ হুঁজুর!

[সেলাম করিল]

প্রমদা! (একটা টাকা ছুঁড়িয়া দিয়া) মনে থাকে ঘেন—আল র'ত্রে—

দ্বিতীয় দৃশ্য

গ্রামপ্রাস্তরের পথ । কাল—সন্ধ্যা।

[গঙ্গার ঘাটের দিকে পল্লীর মেয়েরা যাইতেছে পৌষ-অর্চনার ব্রত পালন করিতে । মেয়েদের কতজনের হাতে অর্চনার সামগ্রী সাজানো গোল ডালা । কাহারও হাতে জলের ঝটি । কাহারও হাতে শাঁখ । তাহারা ধীরে মন্থর গতিতে পৌষ-অর্চনার ব্রত-সঙ্গীত গাহিতে গাহিতে চলিয়াছে । শান্ত মন্থর গতি । গান গাহিয়া মেয়েরা চলিয়া গেল । যেদিক হইতে তাহারা আসিল সেদিক—
অর্থাৎ গ্রামের দিক হইতেই সন্ন্যাসীবেশী ধনপ্রসাদের প্রবেশ]

জ্ঞানদা । (নেপথ্য হইতে) দাঁড়ান, আপনি দাঁড়ান ।

[ধনদা প্রসাদ দাঁড়াইলেন । জ্ঞানদার প্রবেশ]

জ্ঞানদা । সত্যিই আপনি!

[জ্ঞানদা প্রণাম করিল]

ধনদা । কল্যাণ হোক । ভগবান তোমাকে রক্ষা করুন ।

জ্ঞানদা । ফিরে আসুন ।

ধনদা । সন্ন্যাসীর সে নিয়ম নয় জ্ঞানদা । তাই—(হাসিল) জ্ঞানদা, গঙ্গার ঘাটে দাঁড়িয়ে বুকটা আমার টনটন ক'রে উঠল । চোখে জল এল । কিন্তু ঢুকতে পারলাম না । আমার মনে হল কি জান ? মনে হ'ল রায়-বাড়ীর খিলেনে খিলেন ঠাট্টার হাসি বেজে উঠবে ।

জ্ঞানদা ! কি অপরাধে আপনি আমাদের ত্যাগ করেছেন ?

ধনদা । আমাদের ব'লো না জ্ঞানদাচরণ, আমাকে বল । গ্রামে যখন ঢুকলাম, তখন আশা করেছিলাম ই্যা, আশা করেছিলাম রায়-বাড়ীর দেউড়িতে পুত্র-শোক আমার জন্তে লজ্জায় মাথা হেঁট করে ব'সে আছে । আশা করে-ছিলাম, শুনব—প্রমদা নেই । কিন্তু এসে আমাকেই মাথা হেঁট করতে হ'ল ।

জ্ঞানদা । তাকে পাগল ব'লে হাতে পায়ে বেড়ি দিয়ে বন্ধ ক'রে রেখে দেব আমি ।

ধনদা । তাই দিও । আর যেন মহাপাপ রায়-বংশকে স্পর্শ না করে । আজ মনে হচ্ছে, ভগবানের দয়া যেন এখনও আছে । মহাপাপের ওপর আর এক মহাপাপ থেকে ভগবান রক্ষা করেছেন । পুরী থেকে ফিরছিলাম

কালী। আশ্চর্য মনের মমতার ছলনা জানদাচরণ, তখন যে আপনার অজ্ঞাতসারে পথ ভুল করেছি, বুঝতেই পারি নি। ভ্রম ভাদ্রল যখন, তখন দেখলাম, কীর্তিহাটের চালার ধারে আমি। মনে মনে হেসে ফিরে যাচ্ছিলাম। পথে শুনলাম, দুটি ছেলে বললে, রায়কর্তা ধনদাবাবুকে কালী বাগদী খুন করেছে, তাই পুলিশ তাকে ধরে নিয়ে গিয়েছে রায়-বাড়ী ব কাছারিতে। কালীবাড়ীর ঘাটে এসে দাঁড়ালাম। (হাসিয়া) দাড়ি-গোঁফ দেখে, হিন্দী কথা শুনে পূজক ভট্টাচার্য আমাকে চিনতে পারলে না। (সহস্রা সচকিতভাবে) চাঁদ উঠেছে জানদাচরণ, আমি যাই।

জানদা। আপনার ঐ মেয়েটাব জন্তে—যানে কালীচরণদেব জন্ত লজ্জা হচ্ছে বাবা? আমি স্থির করেছি, ওদের গ্রাম থেকে তাড়িয়ে দেব। ওদের উচ্ছেদ করব।

ধনদা। না না জানদা, সে কাজ কবো না। তুমি জান না জানদা, তুমি বুঝতে পারবে না। ইয়া, আবও একটা কথা।

জানদা। বলুন।

ধনদা। শুনলাম, কালীচরণ গঙ্গায় চর ভেঙ্গে জমি তৈরি কবেছিল, সে জমি তুমি কেড়ে নিয়েছ ?

জানদা। ইয়া।

ধনদা। অত্যা কবেছ, মহা অত্যা কবেছ। সে জমি তাকে ফিরিয়ে দিও।

জানদা। আপনার সম্পত্তির অধিকার আমি ত্যাগ করাছি। আপনি ইচ্ছামত বন্দোবস্ত ক'বে যান।

ধনদা। কেন জানদাচরণ ?

জানদা। না। পিতৃ-অপরাধেব প্রায়শ্চিত্ত করতে আমি বাধ্য, সে আমি স্বীকার করি। কিন্তু কাঙ্ক্ষনমূল্যে প্রায়শ্চিত্তবিধানে আমি বিশ্বাস করি না। আপনার অত্যাচারের জন্ত আমি কালীচরণকে ঘুষ দিতে পারব না, না, সে আমি পারব না।

[ধনদা মাথা হেঁট করিলেন।]

জানদা। তা ছাড়া কালীচরণের মত অপরাধপ্রবণ লোককে সমাজেব ব্যাধি ব'লে আমি মনে করি। তাদের আমি নির্মূল করব। আপনি আমাকে ক্ষমা করবেন।

ধনদা। তুমি আমাকে কমা কর জানদা।

[প্রস্থানোত্তত। পুনরায় কিরিয়্যা]

কালীচরণের জমি তুমি রেশম-কুটির সায়েবদের বন্দোবস্ত করেছ না ?

জানদা। হ্যাঁ, তারাই সকলের চেয়ে উচ্চমূল্য দিয়েছে।

ধনদা। দিন দিন ত্রীবৃদ্ধি হোক তোমার।

[প্রস্থান। জানদাও অশ্রুদিকে প্রস্থান করিল। প্রমদার প্রবেশ]

প্রমদা। কে ? কে ? কে ?

[সে দাঁড়াইল স্তম্ভিতের মত। ফুরব প্রবেশ]

ফুর। হজুর !

প্রমদা। চুপ !

ফুর। (মৃদুস্বরে) পদ্ম—

প্রমদা। পদ্ম ! পদ্ম কি, বল ?

ফুর। কালীকে আজ খুব মদ খাইয়েছি হজুর।

প্রমদা। চল ফুর, চল। এ আগুনে হয় পুড়ে ছাই হবে, নয় আজ জল দেব।

চল। আমার পিণ্ডল ? এই যে চল !

[উভয়ের প্রস্থান]

[দূবে ব্রতগানের স্বর শোনা গেল। প্রবেশ করিল জয়া। সে স্থির দৃষ্টিতে
যে দিকে সঙ্গীত উঠিতেছে সেইদিকে চাহিয়া দেখিল তারপর সে সেইখানেই
বসিয়া পড়িয়া ছুইহাতে মুখ ঢাকিল বিপরীত দিক হইতে প্রবেশ করিল
তারাকরণ]

তারা। (চলিতে চলিতে জয়ার কাছে আসিয়া সচকিতভাবে) কে ?

জয়া। (ক্ষিপ্ৰভাবে উঠিয়া পিছাইয়া গিয়া) কে ?

তারা। কে, জয়া ?

জয়া। (উল্লসিতভাবে) তুমি, তুমি ? ওগো, তুমি ফিরে এসেছ ? আঃ !

ওগো, আমি তোমার পথ চেয়ে দাঁড়িয়ে আছি।

তারা। ওরে বাপরে ! (বা হাত গালে দিয়া ডান হাতখানি জয়ার মুখের
কাছে ধরিয়া) আহা—

ধির দিঠিতে পথের পানে চেয়ে

চোখের কাজল মুখে গেল জলের ধারা বেয়ে !

জয়া। (হালিয়া) থাম কবিরাল, থাম। এখন কবিগান করে কি আনলে
তা দাও।

তার। কি আনলাম ? এনেছি অনেক ।

জয়া। দাও, দাও । (হাত পাতিয়া) কেমন রাঙা হাত পেতেছি দেখ ।
দাও ।

তার। নে, তবে তোর হাত দুখানা চুমো দিই ভ'রে দিই ।

জয়া। না না, হাসিঠাট্টা নয় । ওগো আমার কান্না পাচ্ছে ।

তার। হেসে ফেল না ! তা হ'লেই আর কান্না পাবে না ।

জয়া। হাসি ? না, হাসি আমার আসছে না । কি এনেছ দাও ।

তার। সবুর গোৱো মেয়ে—সবুর । আগে শোন । কবিরাল কি বলছে
শোন ।

(ছড়ায়) “সমুদ্র মন্থন হৈল রত্নাকরের বাড়ি,

উজাড় কৈরা উঠে এল ধনরত্নের কাঁড়ি !

বাজা উজির দেবতা সে সব করিলেন সাবাড় ।

ভিখারী ভাঙড় শিব চাটেন বিষের ভাঁড় ।”

বিষ খেয়ে এসেছি জয়া ; সে তো উগরে দেবারও উপায় নাই ।

জয়া। কি বলছ তুমি ? আজ পৌষ মাসের সংক্রান্তি । ঘরে ঘরে পৌষ-
পার্বণ হ'ল আমাদের ঘরে আজ হ'াড়ি চাপে নি । তার ওপর বাবুৱা থানা-
পুলিস ক'রে স্বপ্তরকে পিসেসকে ধ'রে নিয়ে গিয়েছিল ।

তার। ধ'রে নিয়ে গিয়েছিল ?

জয়া। ই্যা কিন্তু সে মিটে গিয়েছে, ছেড়ে দিয়েছে । এখন কি এনেছ দাও,
চাল কিনে আন, পৌষ-পার্বণের যোগাড় কর । ওগো সকল ঘরে পৌষ-
পূজো হ'ল, আমাদের ঘরে হোক । কি এনেছ দাও ?

তার। কি এনেছি ? বললাম তো জয়া, বিষ খেয়ে এসেছি । ভদ্রলোক
কবিরালদের সঙ্গে পারলাম না, হেরে গেলাম ।

জয়া। হেরে গেলে ?

তার। পাল্লায় নয়, খেউড়ে । যে যে খেউড় তার। ধরলে, বাগদীর ছেলে
হয়েও সে খেউড়ের জবাব আমি গাইতে পারলাম না । আমি একবার
গাইলাম—পেয়েছ মানব-জনম মন, ভগবানের নাম কর । আমাকে লোকে
'হুও' ক'রে তাড়িয়ে দিলে । একটা পয়সাও পেলা আমি পাই নি । শুধু
হাতে গালাগাল খেয়ে ফিরে এসেছি ।

[জয়া স্থিরদৃষ্টিতে তারার মুখের দিকে চাহিয়া রহিল]

তার। এমন ক'রে চেয়ে রয়েছিস কেন জয়া ?

জয়া। আমার ইচ্ছে করছে, তোমার দুই গালে ঠাস ঠাস ক'রে ছোটো চড় বসিয়ে দিই।

তার। মার জয়া, তাই মার। আজ আর আমি আটকাব না।

জয়া। যে মরদ মা-বাপ পরিবারকে খেতে দিতে পারে না, সে আবার মরদ নাকি ?

তার। কি করব আমি বল ?

জয়া। কি করবি ? কি করবি, আমি তা কি জানি ? আমাকে পেট ভ'রে খেতে দে, শখ মিটিয়ে পরতে দে, আমার এই গোরো গা গয়না দিয়ে ঢেকে দে। তোর রোজগারের গরবে আমাকে গরব করতে দে ? নইলে কিসের সোয়ামী তুই ? কোথায় পাবি তুই, আমি কি জানি ?

তার। জয়া ! জয়া !

জয়া। শান্ত্রী কঁাদছে ঘরে পৌষ-পার্বণ হ'ল না। পিসেম মাথা হেঁট ক'রে ব'সে আছে। আমি বড় মুখ ক'রে বলেছি, ভেবো না ঠাকরুণ, আজ তোমার ছেলে সাঁঝাসাঁঝি ফিরবেই। রোজগার ক'বে আনবে ! পৌষ-পার্বণ হবে, তুমি ভেবো না। ছি ! ছি ! ছি !

তার। (চীৎকার করিয়া বলিল) আমি ফিবে চল্লাম জয়া, রোজগার যদি করতে পারি, তবেই ফিরব।

[পল্লীর মেয়েরা ব্রত সারিয়া গান গাহিতে গাহিতে বাহির হইয়া গেল]

তৃতীয় দৃশ্য

কালীচরণের বাড়ী। কাল—রাত্রি

[বাহিরের চারপাশে শঙ্খধ্বনি, ছলুধ্বনির সংমিশ্রণে একটি সঙ্গীতময় শব্দ।
আবছা অন্ধকারের মধ্যে কালী বাগ্‌দীর বাড়ী প্রায় নিস্তর। সঙ্গীতধ্বনি
সুত্ব হইয়া গেল। দাওয়াতে পূর্ব হইতেই বসিয়া ছিল টগর ও পদ্ম। ধীরে
ধীরে তাঁদের আলো ফুটিল]

পদ্ম। আঃ, ঠান্ড উঠল, বাঁচলাম! অন্ধকারে জীবনটা যেন হাঁপিয়ে উঠছিল।
টগর। আমার কপাল। আজ পোষ-সংক্রান্তির সন্ধ্যা, ঘরে আমার শিদিম
জ্বল না, ঠাণ্ডি চড়ল না। তবে যে বিপদ থেকে আজ রক্ষা করেছেন
ঠাকুর সেই মহাভাগ্যি। কে?

[জয়ার প্রবেশ]

জয়া। (রুদ্ধস্বরে) আমি ঠাকরণ।

টগর। তারাচরণ কিবল বউমা?

জয়া। না।

[সে ঘরের ভিতর চলিয়া যাইতে উত্তত হইল]

পদ্ম। ব'স বউমা এইখানে ব'স। অন্ধকাব ঘর, ঘরে গিয়ে কি করবে?

জয়া। আমাব মাথা ধবেছে পিসেস, আমি শোব! বলতে আমি পারছি না।

[ভিতরে চলিয়া গেল]

টগর। বউমা! বউমা! মাথা কি বেশি ধরেছে মা? (অস্থসরণ করিল)

[কালীচরণের প্রবেশ, সে মদ খাইয়াছে, উদ্ভাস্ত। মোটা গলায় গাহিতে
গাহিতে ঢুকিল]

কালী। (ছড়ার স্বরে) ও মা দিগম্বরী, নাচ গো শ্রামা রণমাঝে।

পদ্ম। (চকিত হইয়া উঠিয়া দাঁড়াইল) দাদা!

কালী। (ছড়ায়) কোন্ হায় তোম?

ভাড়ে মা ভবানী, ভোলা বোম্ বোম্ বোম্!

বাবা বোম্ বোম্ বোম্

পদ্ম। (কাছে আসিয়া হাত ধরিয়া ডাকিল) দাদা! দাদা!

কালী। কে? কে? ও—ও, পদ্ম? ও! আমার সোনার পদ্ম!

পদ্ম। আজ লক্ষ্মীর দিন, তুমি মদ খেয়েছ দাদা?

কালী। হুঁ, খেলাম বোন খেলাম। ফুর—ফুর, ওই ফুর দিলে।

[টগর বাহির হইয়া আসিল]

টগর। কে? কে দিলে?

কালী। ফুর—ফুর। ছিঁচকে চোর হোক, ফুর লোক ভাল। আমাকে কত খাতির করলে।

টগর। ছি! ছি! ছি! তার চেয়ে বিষ খেলে না কেন?

কালী। ক্ষিদেয় পেট জ'লে যাচ্ছিল টগরবউ, দুঃখে ঘেয়ায় বুকটা হু-হু করছিল।

টগর। তাই ফুরর কাছে তুমি মদ খেয়ে এলে?

পদ্ম। ভাজ-বউ! ভাজ-বউ!

টগর। থাম পদ্ম, তুই থাম। আজ দেড় বছর কথা চেপে রেখে এসেছি। আর নয়। মাথার ঘাম পায়ে ফেলে জমি তৈরী করলে, সে জমি কেড়ে নিলে, সেও সহ্য করেছি, লুকিয়ে রেখেছি, এ পাপ-কথা পুরুষকে বলি নি। আজ আবার বিনা দোষে পুলিশের হাতে অপমান, খুন-অপবাদ দিয়ে ফাঁস দেওয়ার চেষ্টা। না, আর লুকিয়ে রাখব না আমি।

কালী। কি বলছিস টগরবউ, কি লুকিয়ে রেখেছিস?

টগর। ওই ফুর, যার মদ তুমি খেয়ে এলে, ও ওই বড়-খোকাবাবুর গুপ্ত কোর্টাল। আজ দেড় বছর পদ্মকে জ্বালাচ্ছে।

কালী। (চমকিয়া উঠিল) টগর? কি বলছিস টগর?

টগর। তোমার পেট জ'লে যাচ্ছে, বুক হু-হু করছে। মদ খেয়ে এলে তুমি। ঘরে ছুধের মেয়ে বউ নেতিয়ে প'ড়ে আছে, বোন দাঁতে দাঁত টিপে বাঁসে রয়েছে, ক্ষিদে জ্বালায় ঘুম পর্যন্ত চোখে আসে না। তোমার ছেলে ঘুরছে চান্দর গলায় দিয়ে কবিরালি ক'রে। তুমি ধুরে বেড়াচ্ছ, কোথায় গাড়ের ধারে চর পড়ছে—জমি করবে, চাষ করবে, ফসল হবে, ক্ষেত করবে খামার করবে, ঘর বাড়ী—

কালী। টগরবউ, টগরবউ, জোড় হাত করছি, থাম, থাম, ওরে তুই থাম।

(স্বল্পভাবে কয়েক মুহূর্ত থাকিয়া) পদ্ম, তোর সেই ছোরাটা কইরে?

পদ্ম। দাদা!

কালী। (হাত বাড়াইয়া) দে তো বোন, কোনও জায়গায় বিঁধে, নেশাটা ছুটে যাক। আঃ ছি! ছি! ছি! (একবার পদচারণা করিয়া) বউমা আমার ক্ষিদেয় নেতিয়ে পড়েছে টগর! মাথা ধরেছে? আঃ ছি! ছি! আসছি আমি!

পদ্ম। কোথায় বাচ্ছ দাদা ? না না।

কালী। পথ ছাড়, পদ্ম, নেশা আমার ছুটে গিয়েছে। ফুরুকে কিছু বলব না আমি। ওরে ওরে, আমি দেখি যদি কিছু ষোগাড় করতে পারি। পথ ছাড়। (পদ্ম সবিস্ময়া দাঁড়াইল। কালী চলিয়া গেল।)

টগব। এই একটু ব'স পদ্ম। বউটাব ফিদেতে হেঁচকি উঠেছে। আমি দেখি। পোষ-মাসের সংক্রান্তি, আমাদের হিঁদুপাড়ায় কেউ কিছু দেবে না। আমি একবাব শেখপাড়াটা দেখে আসি। বাজা বেটার ঘর থেকে আসি আমি। [প্রস্থান। কয়েক মুহূর্ত পরেই উঁকি মানিল ফুরুর মুখ। ফুরুর মুখ অদৃশ্য হইয়া গেল]

পদ্ম। কে ?

ফুরু। (নেপথ্য হইতে) কালীদাদা রইছ নাকি ? কালীদাদা ?

[সে ধীবে ধীরে প্রবেশ করিল]

ফুরু। (এদিকে ওদিকে চাহিয়া চাহিয়া চাপা গলায় ডাকিল) পদ্ম ! পদ্ম বাবু বলেছে, তোকে সোনাব চুড়ি গড়িয়ে দেবে ! পদ্ম !

[পদ্ম বাহির হইয়া আসিল, তাহার হাতে ছোরা]

পদ্ম। তোর পবিবাবের বড় ছুপ। সাতটা ছেলের একটাও নাই। তাই তোকে এতদিন কিছু বলি নাই। আজ তোকে—

[দাঁড়াইয়া হইতে লাফ দিয়া পড়িল, সঙ্গে সঙ্গে ফুরুর দ্রুত লঘুপদে পলাইয়া গেল]

ফুরু। মেবে ফেললে বাবু, মেরে ফেললে। (প্রস্থান)

পদ্ম। অদৃষ্টের পাপকে আমি বিদেয় করব।

[অল্পদূর গেল অগ্রসর হইল ঠিক সেই মুহূর্তে প্রবেশ করিল প্রমদাচরণ]

প্রমদা। পদ্ম !

পদ্ম। (চমকিয়া দাঁড়াইল) তুমি ?

প্রমদা। মর্দার-বউ একদিন বলেছিল, তুই বাঘিনী। মিথ্যে বলে নি।

[হাসিল]

পদ্ম। বড়-খোকাবাবু—

প্রমদা ! নাঃ। খোকাবাবু নয়,—বাবু—প্রমদাবাবু।

পদ্ম। ছোট জাত বলে কি আমাদের ধর্ম নাই, সম্বন্ধ নাই, কিছু নাই ?

প্রমদা। (অসহিষ্ণুভাবে চীৎকার করিয়া উঠিল) আঃ আঃ আঃ। পদ্ম !

পদ্ম। তোমার বাবা তার নিজের ছোরা তোমার বুকে বসিয়ে দেবার জন্তে

দিয়ে গিয়েছে ! আমার হাতে সেই ছোরা, তুমি আর এগিও না বড়-
খোকাবাবু ।

[প্রমদা হা-হা করিয়া হাসিয়া উঠিল]

পদ্ম । তা ছাড়া দাদা আমার এখুনি ফিরবেন ।

প্রমদা । (পিস্তল বাহির করিয়া) কেলেকে আমি গুলি ক'রে মারব ।

পদ্ম । বড়-খোকাবাবু, তোমার পায়ে পড়ি, তুমি ফিরে যাও ।

প্রমদা । পদ্ম, পদ্ম, তোর ভক্ত আমি জাত-ধর্ম সব ছাড়ব ।

পদ্ম । কিন্তু আমি তো ছাড়তে পারব না বড়-খোকাবাবু । আমার জাত-ধর্ম
রাখতে হয় আমি তোমাকে মারব, নয় আমি নিজে মরব, এখনও বলছি,
তুমি চ'লে যাও এখান থেকে ।

প্রমদা । পদ্ম !

পদ্ম । তারাকরণকে যেমন মায়া করি বড়-খোকাবাবু, তোমাকেও আমি
তেমনই মায়া করি । মায়ের দুধকে তুমি বিষ ক'রে দেবে বড়-খোকাবাবু ?

প্রমদা । (অস্থিরভাবে বলিয়া উঠিল) না না না না পদ্ম, না ।

কালীচরণ । (নেপথ্য হইতে) কে ? কে ? কে ওখানে ? কে ?

পদ্ম । বড়-খোকাবাবু, পালাও !

প্রমদা । (দাঁতে দাঁত ঘষিয়া) কালীচরণ, কেলে !

[সে পিস্তল তুলিয়া লক্ষ্য করিল পদ্ম চট করিয়া ছোরা ফেলিয়া দাওয়ার উপর
হইতে একটা ছোট লাঠি—দুইহাত আন্দাজ লম্বা লইয়া প্রমদার হাতের উপর
বসাইয়া দিল, প্রমদার হাতের পিস্তল পড়িয়া গেল এবং আওয়াজ হইল]

পদ্ম । প্রাণে মারতে এখনও মায়া হচ্ছে আমার । পালাও, এখনও পালাও ।

প্রমদা । ফুক ! ফুক ! দারোয়ান !

[সে ছুটিয়া বাহির হইয়া গেল । সেই মুহূর্তেই কালীচরণ হা হা করিয়া হাসিতে
হাসিতে প্রবেশ করিল]

কালী । গুলি ! গুলি ! (উচ্চহাস) ওই লাঠিটা পদ্ম, লাঠিটা—

[পদ্মর হাত হইতে ছোট লাঠিটা লইয়া সে লক্ষ্য স্থির করিয়া প্রমদার গমনপথের
দিকে ছুঁড়িয়া মারিল । একটা গুরুভার জিনিষ পড়িবার শব্দ হইল]

কালী । আ ! (বলিয়া ছুটিয়া বাহির হইয়া গেল)

পদ্ম । দাদা ! দাদা !

[টগরের প্রবেশ]

টগর । কি হ'ল ? কি হ'ল পদ্ম ?

পদ্ম । বলতে পারছি না ভাজ-বউ, বলতে পারছি না । সর্বনাশ হয়ে গেল ।
বড়-খোঁকাবাবুকে দাদা ফাবড়া ছুঁড়ে মেরেছে । সর্বনাশ হয়ে পড়েছে ।
দাদা ছুটে গেল । (সে কাঁদিতে লাগিল)

টগর । কোন্ দিকে পদ্ম, কোন্ দিকে ?

পদ্ম । ওই ওই—

টগর । ওগো ! ওগো !

[অগ্রদূর হইল । কালীচরণের প্রবেশ, তাহার মূর্তি ভয়ঙ্কর হইয়াছে,
তাহার হাতে সোনার চেন বোতাম আংটি]

কালী । নে পদ্ম, ধর ।

পদ্ম । (চমকিয়া উঠিয়া কাঁপিতে লাগিল) দাদা ! কি করলে দাদা ?
প্রমদাচরণকে কি তুমি এমনই ক'রে—উঃ !

টগর । পুন ক'রে ওইগুলো তুমি নিয়ে এলে ?

ধনদা । (নেপথ্যে হইতে) কালীচরণ !

[সে ডাক কাহারও চেতনা-সঞ্চার করিতে পারিল না]

কালী । ধর ধর । (সেও কাঁপিতে লাগিল) নিয়ে যা সাউ-মহাজনের বাড়ি,
কিছু চাল-ডাল নিয়ে আয় । দেবে সে সোনা পেলো । হোক লক্ষ্মীর দিন,
দেবে দেবে । নিয়ে যা । ধর ধর ।

টগর । না না না ।

কালী । ধর, ধর, আর একটু জল—খুব ঠাণ্ডা জল ।

[ধনদার প্রবেশ]

ধনদা । কালীচরণ ! তোর সঙ্গে দেখা না ক'রে যেতে পারলাম না । একি,
তোর হাতে রক্ত ? ওকি ? প্রমদার চেন আংটি ? কালীচরণ ! কালী !

ফুর । (নেপথ্যে হইতে) এই আহ্নন ছজুর, এই আহ্নন ।

জ্ঞানদা । (নেপথ্যে হইতে) দাদা ! দাদা !

ধনদা । জ্ঞানদা !

জ্ঞানদা । (নেপথ্যে হইতে) বাবা !

ধনদা । প্রমদা আমার সঙ্গে তীর্থভ্রমণে চলল জ্ঞানদা । তার উপলব্ধি হয়েছে
আজ, আপনার ভুল বুঝতে পেরেছে । মুক্তির পথে বেরিয়েছে সে ! তুমি
ওইখান থেকে ফের । এখানে এসো না । আমার শেষ অনুরোধ জ্ঞানদা,
ফের ।

জাননা। (নেপথ্য) বাবা!

ধননা। পেছ ডেকো না, ফিরে যাও। কালীচরণ এইবার আমাকে কমা কর।
কালী। বড়-খোকাবাবুর আমি শোধ নিয়েছি বড়বাবু, শোধ! কিন্তু
তোমাকে—? না। (অস্বীকার করিয়া ঘাড় নাড়িল)

তৃতীয় অঙ্ক/প্রথম দৃশ্য

[কালীচরণের বাড়ী। চারিদিকে মালিঙ্গ-চিরু পূর্বাপেক্ষা আরও পচিস্ফুট
হইয়া উঠিয়াছে। বাড়ীর সম্মুখে পথের উপর জ্ঞানদাচরণ দাঁড়াইয়া আছেন।
তন দুয়েক কনস্টেবল দুই পাশে দাঁড়াইয়া। কালীর ঘর খানাতল্লাস হইতেছে।
দারোগা ঘরের ভিতর হইতে বাহির হইয়া আসিল]

দারোগা। সন্দেহজনক কিছুই পাওয়া গেল না। সোনা-রূপে দূরের কথা,
পেতল-কাঁসার এক-আধটা ঘটি-খালা পর্যন্ত নেই।

জ্ঞানদা। হঁ।

দারোগা। ঘরে মেজের মাটি পর্যন্ত খুঁড়ে দেখেছি।

জ্ঞানদা। তা হ'লে এই অমানুষিক পাপ, রাজে নিরীহ পথিকের জীবন নাশ-
এ করছে কে? উঃ নিলীথ-রাজে হতভাগ্য মানুষের সে কি করুণ মৃত্যু-
চীৎকার! আপনারা শুনেছেন কি-না জানি না, কিন্তু আমি শুনেছি।
গবর্ণমেন্ট এত বড় ঠগীর অত্যাচার বন্ধ করলেন, আর এই দামাঙ্গ
ঠ্যাঙাডের অত্যাচার বন্ধ হবে না! এমনই ভাবে নিষ্ঠুর নরহত্যা যদি বন্ধ
না করতে পারেন, তবে আপনাদের চাকরি ছেড়ে দেওয়া উচিত। এ কথা
শুধু আমি আপনাকেই বলছি না। আপনাদের সাহেবকে পর্যন্ত সেদিন
এই কথাই ব'লে এসেছি।

দারোগা। কিন্তু আপনি তো দেখছেন, আমি কি চেষ্টার কোন কসুর করছি?

জ্ঞানদা। চেষ্টা যদি সফলই না হয়, তবে সে চেষ্টা অকৃত্রিম হ'লেও অক্ষম
নিশ্চয়। হয় কসুর আছে, নয় আপনি অক্ষম। শুধু দারোগাবাবু, আমরা
চাই শান্তিতে থাকতে। এমন ভাবে রাজে রাহাজানি, নরহত্যা এ তো
অরাজক। এর পর আমি লাটসাহেবের দরবার পর্যন্ত এ সংবাদ জানাব।

দারোগা। আপনি যেমন বলছেন আমি তেমনই করছি। সায়েব আমাকে
বিশেষ করে ব'লে দিয়েছেন যে রায়বাবু যা বলবেন, তাই করবে তুমি।

আপনার সম্বন্ধে সায়েবের খুব উচ্চ ধারণা। বলছিলেন রায়বাবুকে খেতাব দেবার জন্তে লিখেছি আমি।

জ্ঞানদা। খেতাবের কথা থাক, ওব প্রত্যাশা ক'রে আমি কাজ কবি নি। এ অত্যাচার দমন করতে হবে। তাই হ'লে সে-ই হবে আমার শ্রেষ্ঠ পুৰস্কার। বাক্সে আমি ঘুমুতে পাবি না। কান পেতে জেগে ব'সে থাকি। কখন কোন্ দিক থেকে মাস্তবের মৰণ-চীৎকার বেজে উঠবে—উঃ, নিস্তক রাত্রির অন্ধকার চিরে ছুটে যায় মৃত্যু-বাণের মত। এ পাপ বন্ধ করুন, যেমন ক'রে হোক বন্ধ করুন।

দারোগা। আপনি কালীকে সন্দেহ কব'লেন, কালীর ঘর খানাতল্লাসি কবলাম। কিন্তু পাওয়া তো কিছুই গেল না।

জ্ঞানদা। আমার এখনও কালীচরণকেই সন্দেহ হয়। ও কাজকর্ম করে না, জমি-জেরাতও নেই, সংসার চলে কি করে ?

দারোগা। ওব ছেলে কবিয়ালি কবে।

জ্ঞানদা। সে তো আজ ছমাদেব ওপর নিরুদ্দেশ।

দারোগা। ওব সেই বোনটা, মানে পদ্ম তো এখন ঝুম্ব দলে নাচ ক'রে বেড়ায়—

জ্ঞানদা। ই্যা সেই এক পাপ। কিন্তু সে তো ঘর থেকে বেবিষে গেছে।

দারোগাবাবু। তার রোজকার সে দেবেই বা কেন ? কালীচরণ নেবেই বা কেন ? তা ছাড়া সেও তো আব গ্রামে ফেরে নি।

দারোগা। ফুক বাগ্দীকে কালীর পেছনে আমি লাগিয়ে রেখেছি। সেও কোন সন্দেহ কবে নি ছোটবাবু।

জ্ঞানদা। ফুরুকে আমি বিশ্বাস কবি না। ও আমার সেদিন ছুটে গিয়ে বলেছিল, কালী দাদাকে খুন কবেছে। আমি ছুটে এলাম লোকজন নিয়ে। বাবা বললেন, না, শ্রমদাকে নিয়ে আমি তীর্থে যাচ্ছি। তাব সঙ্গে তুমি আর দেখা কবতে চেয়ে না। আমি ফিরে গেলাম। সেদিন তবুও ফুক বলেছিল, না ছোটবাবু, কর্তাবাবু কালীকে বাঁচাবার জন্ত ও কথা বলছেন। এখন ও বলে, বাবাব সঙ্গে দাদাকে যেতে ও দেখেছে। সেদিন বাবার কথা অবিশ্বাস করে ওর কথা বিশ্বাস করতে পাবি নি। কিন্তু আজ মনে হচ্ছে, সেদিন ও সত্যি কথাই বলেছিল। আজ যা বলে সেটাই মিথ্যে ?

দারোগা। এখন আমাকে কি করতে বলেন ?

জানদা। সমস্ত বাগ্গীপাড়া, ভোমপাড়া, হাড়ীপাড়া তল্লাস করা হোক।

দান্দা-হান্দামা যাদের পেশা, তাদের পক্ষে একাজ অসাধ্য মোটেই নয়।

[ব্যস্তভাবে মহাভদ্র গুরুপদ সাউ প্রবেশ করিল। গুরুপদের কপালে তিলক, গলায় তলসীমালার কাঠি, চুল ছোট করিয়া ছাঁট। কাঁচা-পাকা চুলের মধ্যে দীর্ঘ এক টিকি। পরনে থান ধুতি, গায়ে কেটের অর্ধাংশ রেশমের কর্কশ জটা-পাকানো ঝাড়িয়া ফেলা অংশে তৈয়ারী কম-দামী চাদর। পায়ে ছেঁড়া একজোড়া চটি।] গুরু। একে বলে গিয়ে, প্রণাম ছোট হজুর। দারোগাবাবু, আপনাকেও প্রণাম।

জানদা। কে? গুরুপদ?

গুরু। আজ্ঞে। আমি তো হজুরদের, একে বলে গিয়ে, আশ্রিত—চাকর।

জানদা। টিকি মালা আর ফোটার যোগ্য বিনয় তোমার গুরুপদ। তারপর কি সংবাদ?

গুরু। আজ্ঞে, শুনলাম হজুরেরা, একে বলে গিয়ে কালীচরণের ঘর খানাতল্লাস করছেন?

জানদা। হ্যাঁ। সড়ক রাস্তায় এখানে ওখানে পথিক খুন হচ্ছে, তারই সন্ধানে পুলিশ কালীর ঘর খানাতল্লাস করলে। কিন্তু তার সঙ্গে তোমার সম্বন্ধ কি?

গুরু। আজ্ঞে, কালীচরণ, একে বলে গিয়ে, আমার আশ্রিত মানে আমার চাকরি করে কি না। তাই, একে বলে গিয়ে, বলি দেখি ব্যাপারটা কি।

জানদা। কালীচরণ তোমার চাকরি করে?

গুরু। আজ্ঞে হজুর, একে বলে গিয়ে, অধিনের ঘরে ছু-চারখানা খালা কাঁসা আছে তো।

জানদা। এবার তোমার বিনয় মাত্রা ছাড়িয়ে গেল, কাঁসা নয় সোনা-রূপো, ছু-চারখানা নয়—ছু চার সের এবং ছু-চার মণ।

গুরু। আজ্ঞে—আজ্ঞে—একে বলে গিয়ে, কালীচরণ সেই সব পাহারা-টাহারা দেয়। মানে, চারিদিকে চোর-ডাকাতের ভয়। তাই এখন শুনলাম হজুরেরা, একে বলে গিয়ে, পদার্পণ করেছেন কালীচরণের বাড়িতে, তখন ছুটে এলাম।

জানদা। ভালই করেছে গুরুচরণ। কালীচরণ সম্বন্ধে আমাদের একটা সম্মেহ ছিল, ও কাজকর্ম কিছু করে না, সংসার চলে কি করে?

গুরু। আজ্ঞে, একে বলে গিয়ে, মানে আড়াইমণ ধান—কাঁচি আড়াই

মণ খান, একটা টাকা মাইনেও আমি নগদ-নগদ চুকিয়ে দি। পালে পার্বণে এক-আধখানা কাপড়, তাও দি।

জ্ঞানদা। চলুন দারোগাবাবু। কালীর সম্বন্ধে তা হ'লে অনেকটা সন্দেহ ঘুচে গেল।

গুরু। হজুর, একে বলে গিয়ে, বেটা বদমাশের ঘরে কিছু পাওয়া গেল নাকি ?

মানো, একে বলে গিয়ে, আমাকে আবার সাবধান হতে হবে তো !

দারোগা। সে কথা বলা আমাদের নিয়ম নয় সাউজী। (সিপাহীদের প্রতি) এস, তোমরা এস।

[জ্ঞানদা, দারোগা ও কনেষ্টবলদের প্রস্থান]

গুরু। কালী ! ওরে, ওরে অ—কালীচরণ !

[একটা মদের বোতল হাতে মত্ত কালীচরণের প্রবেশ]

কালী। আঃ ছি ছি ছি ! তুমি কি জন্তে এসেছ ? কি জন্তে এনেছ তুমি ?

যাও, যাও, তুমি যাও।

গুরু। যা গেল ! বেটাব মেজাজ দেখ না। একে বলে গিয়ে তিবিক্তি হয়েছে আছে।

কালী। সকালবেলায় পুলিশ, তার উপর তোমার মুখ দেখলাম। আজ আঃ আমার রক্ষা নেই। কি ? কি ? কি চাই তোমার ?

গুরু। বলছি, একে বলে গিয়ে, ওবা খানাতল্লাসিতে কিছু পায় নি তো ?

কালী। কি পাবে ?

গুরু। একে বলে গিয়ে, মানো যদি কিছু—

কালী। তোমাকে না দিয়ে লুকিয়ে রেখে থাকি। ওঃ, ওঃ, সাউজী, ইচ্ছে হচ্ছে নখে ক'রে তোমার মুণ্ডটা ছিঁড়ে নিই !

গুরু। কালীচরণ, একে বলে গিয়ে, কালী—(পিছাইয়া গেল)

কালী। সোনা-রূপো যা পাই, এতটুকু টুকরো পর্যন্ত তোমার ঘরে তুলে দি।
সুখ তোমার চর, সে আমার আশেপাশে থাকে, তবু তুমি বলছ, আমি লুকিয়ে রাখি।

গুরু। কি বিপদ ! একে বলে গিয়ে, একে বলে গিয়ে, তুই কেপে গেলি নাকি রে ?

কালী। তুমি যাও, তুমি যাও, তুমি যাও ! অন্ধকার রাত্রে মাথার ভেতর আগুনের হলকার মত যে নেশাটা পাক খেয়ে ওঠে, সেই হলকা পাক খাচ্ছে আমার মাথায়। তোমাকে জোড়হাত ক'রে বলছি তুমি যাও।

[টগরের প্রবেশ]

টগর। সাউজী মশায়, আপনি বাড়ী যান।

গুরু। একে বলে গিয়ে, কালীকে তুই ধরিস যেন। মানে, একে বলে গিয়ে, যেন পেছন থেকে লাকিয়ে না পড়ে ঘাড়ে। (প্রস্থান)

কালী। আমার ফাবড়াটা টগর, আমার ফাবড়াটা ?

টগর। (তাঁহাকে ধরিয়া) না।

কালী। আমি মাহুস খুন করি, যা পাই, সব আমি ওর ঘরে তুলে দিয়ে আসি।
ও আমাকে দেয় এক ভরি সোনায় এক টাকা, এক ভরি রূপোয় দু' আনা
পয়সা। কাপড়-চোপড় খাল-কাঁসা ফাউ দিতে হয়। তবু আমাকে বলে,
এই কিছু লুকিয়ে রাখিস নি তো ?

টগর। ওগো, তোমার পায়ে পড়ি, ও কাজ তুমি আর ক'রো না।

কালী। বড় খোকাবাবুর চেন আংটি সাউজী মজুত ক'রে রেখেছে টগর। এ
কাজ ছাড়লে সেই চেন-আংটি পুলিশের কাছে হাজির করবে। তা ছাড়া,
টগর, পেটের আগুনে কি দোব ?

টগর। না, উপোস করে থাকব, লতাপাতা খেয়েও দিন বাবে, তবু এমন
রোজগার তোমাকে করতে হবে না।

কালী। রোজগার করতে হবে না। জানিস রোজগারের জন্ত তারাক্ষর আমার
ছ মাস দেশত্যাগী। লক্ষ্মীর মত বেটার বউ পেটের জ্বালায় বাপের বাড়ী
চ'লে গেল ? ওরে টগর, পদ্ম পেটের জ্বালায় ঘব ছেড়ে চ'লে গেল কুমুরের
দলে—পদ্ম, আমার সোনার পদ্ম !

টগর। পদ্ম, সর্বনাশী পদ্ম। পাপ পদ্ম।

কালী। পাপ পদ্ম ! কিন্তু টগর-বউ, আমার মায়ের পাপ, বাপের পাপ—আঃ,
ছি ছি ছি ! এসব কি বলছি আমি ? কই, আমার বোতল কই ?
(বোতল লইল)

টগর। না। আর মদ খায় না। দাও, মদের বোতল দাও।

কালী। না টগর-বউ, না। আমার তারা গিয়েছে, বউমা গিয়েছে, ওরে,
আমার পদ্ম কুল ছেড়েছে, বাবুরা জমি কেড়ে নিয়েছে, জ্বাতে জ্বাতে
ঠেলেছে, সব গিয়েছে, আছে শুধু বোতলটা। ওটা নিলে আমার কি থাকবে
টগর-বউ ?

টগর। তোমার পায়ে আমি মাথা খুঁড়ে মরব।

কালী। নে, তবে নে।

টগর। সাউজী যা করে করুক। চল, না হয় আমরা দেশ ছেড়ে চ'লে যাব।
পেটে খেতে না পাই, না খেয়ে মরব। তবু এ পাপ তুমি আর করতে
পাবে না।

কালী। শুধু তো সাউজী নয় টগর। আবও একজন, বড়-খোকাবাবু—ওরে,
সে যেন আমাকে এ পাপ ঘাড়ে ধরে করায় বে। কত দিন আমিও মনে
করি, এ পাপ আমি আর করব না। কিন্তু থাকতে পারি না।

টগর। কি বলছ তুমি ?

কালী। নিশ্চিতি রাত্রে, ফুরু এসে আমাকে ডাকে—সাউজীর চর ফুরু আমাকে
ডাকে। ভুই নিথরে ঘুমোস। আমাব ঠিক ঘুম ভেঙে যায়। আমার
মনে হয়, ফুরু এসেছে বড়-খোকাবাবুর চব পদ্মব সন্ধানে। বড়খোকাবাবুও
দাড়িয়ে আছে আশেপাশে। ঠিক মনে হয়। আমি পা টিপে টিপে উঠে
আসি। ফুরু ডেকে দিয়ে চ'লে যায়, থাকে না, কিন্তু টগর, আমি ঠিক
যেন দেখি, বড়-খোকাবাবু অন্ধকারে ছুটে পালাচ্ছে। তার পিছনে পিছনে
আমি লুকিয়ে লুকিয়ে এগিয়ে যাই। তাবশব সময় বুঝে অন্ধকারে ফাবড়া
ছুঁ'ডি। গোড়াতে গোড়াতে ছুটে যায় আমার লাঠি কেউটে সাপের মত।
বড়-খোকাবাবু পড়ে। ছুটে গিয়ে আমি তাকেই শেষ ক'বে এখন আংটি চেন
খুঁজি তখন দেখি সে বড় খোকাবাবু নয়, কে এক হতভাগা পথের মানুষ।
[সহসা সে উঠিয়া দাঁড়াইল]

টগর। ওকি ? কোথায় যাবে ?

কালী। সন্ধ্যা হয়ে এল, মা-গজাব ধার থেকে একবার ঘুবে আসি আমি।
'শতকে ষোজনে থাকি, যদি গজা ব'লে ডাকি।' টগর মা গজার জল চুঁয়ে
আসি একবার। (প্রস্থান)

টগর। (জোড়হাত করিয়া) মা মঙ্গলচণ্ডী, আমার তারাচরণকে ফিরিয়ে
এনে দাও মা। আমি বুক চিরে রক্ত দোব মা, চুল কেটে চামব বেঁধে
বাতাসা দোব।

[ধীবে ধীরে অন্ধকার হইয়া আসিল। সস্তূর্ণপ্রবেশ করিল পদ্ম, তাহার পরনে
শাশুরা ইত্যাদি, নর্তকীর বেশ। প্রবেশ করিল আপাদমস্তক চাদরে ঢাকিয়া]
পদ্ম। ভাজ-বউ।

টগর। কে ?

পদ্ম। চিনতে পারছ না ভাজ-বউ ? (সে হাসিয়া উঠিল এবং চাদর খুলিল)

টগর। পদ্ম ?

পদ্ম। জী হুজুর।

টগর। তুই মর, তুই মর, তুই মর পদ্ম।

পদ্ম। বালাই, যাট, পেট ভ'রে খেতে পেয়েছি, সাধ মিটিয়ে পরতে পেয়েছি, অঙ্গ ভ'রে গয়না পরেছি, মরব কেন ?

টগর। পদ্ম, তুই সেই পদ্ম !

পদ্ম। হ্যা ভাজ-বউ, আমি সেই পদ্ম।

টগর। তোকে কোলে ক'রে আমি মাহুষ করেছি পদ্ম, নইলে তোকে আজ আমি খুন করতাম।

পদ্ম। তুমি আমাকে মিছে দোষ দিচ্ছ ভাজ-বউ। কত দিন ভেবেছি, আমি মরি। কিন্তু মরতে আমার ভয় লেগেছে। মরতে পারি নি। তোমাকে বলেছি, আমাকে মেরে ফেল ভাজ-বউ, তুমিও পার নি ! তবে আমাকে দোষ দিচ্ছ কেন ? লোকে আঙুল দেখিয়ে কথা বলেছে, তাও সহ্য হয়েছিল, কিন্তু পেটের জ্বালা সহ্য হ'ল না। সারাদিন না খেয়ে সেদিন রাত্রে উঠে চ'লে গেলাম। ভেবেছিলাম, ভিক্ষে ক'রে খাব। তারপর—পথে পেলাম ঝুমুরের দল, আমার রূপ দেখে তারা ডাকলে, পেট ভ'রে খেতে দিলে—আঃ ভাজ-বউ, তেমন খাওয়া আমি কোনদিন খাই নি। বেটার হাতের পিণ্ডও বুঝি এত মিষ্টি নয় !

টগর। সে পিণ্ডি খেয়ে যে নরকে তোর ঠাই নির্দিষ্ট ক'রে দিয়েছেন ভগবান, পদ্ম তুই সেইখানে ফিরে যা। আমাকে দুঃখ দিতে কেন তুই এলি ? যা পদ্ম, তুই চ'লে যা।

পদ্ম। নরকে যারা যায় ভাজ-বউ তারা পেরেত হয়। স্বর্গে যারা যায় তারা দেবতা হয়। মাটির মাহুষকে ভুলে যায়। পেরেত তা পারে না। তাই বাদশাহী সড়ক দিয়ে দল বাজিল, দল খামিয়ে একবার না এসে পারলাম না। এইবার চ'লে যাব। ছুটো কথা জিজ্ঞেস করব ভাজ-বউ ? তারা-চরণের কি খোজ পাও নি ?

টগর। না !

পদ্ম। ভেবো না ভাজ-বউ, সে এইবার ফিরবে। সে মালদা জেলায় আছে, সেখানে তোমার তারাচরণের কত নাম ! সে মেডেল পেয়েছে। সেখানকার বড় বড় কবিরালকে সে হারিয়ে দিয়েছে। বর্ষা পড়েছে, রথের মেলা, পুজো পর্যন্ত শেষ মেলা। রথের মেলা হয়ে গিয়েছে। এইবার সে ফিরবে।

টগর। তোর সঙ্গে কি তার দেখা হয়েছে পদ্ম ?

পদ্ম। (হাসিল) মালদা জেলায় দল পৌঁছল। পৌঁছেই সুনলাম, সেখানে তারাচরণ ভল্লা নাকি ভারি কবিয়াল। ভাজ-বউ, ধুলো পায়েই সঙ্গে সঙ্গে মালদা জেলা ছেড়ে পালিয়ে গেলাম ভোরবেলার পেত্নীর মত। ছি ভাজ-বউ, ছি ! (কণিক নীরবতার পর) আর একটা কথা ভাজ বউ—

টগর। কি ?

পদ্ম। দাদা (কথা সে শেষ করিতে পারিল না)

টগর। বল পদ্ম ?

পদ্ম। দাদা কি এখনও সোনার পদ্ম বলে ?

টগর। না। বলে, পাপ পদ্ম।

পদ্ম। (চোখ বন্ধ কবির 'সে ভাবিয়া লইল, তাহার মুখে তাহার হাসি ফুটিয়া উঠিল ') বড় ভাল নাম দিয়েছে দাদা, বড় ভাল নাম। মায়ের পাপ, বাপের পাপ, ভাইয়ের পাপ, ভাইপোর পাপ—

টগর। পদ্ম ! পদ্ম ! কি বলচিস তুই ?

পদ্ম। (হাসিয়া) এই দেখ, ক্যাপা মন আমার, কি আবোল-তাবোল বকছি দেখ।

টগর। না, তুই বল। কি পাপ করেছে আমার শশুর-শশুড়ী, আমার স্বামী পুত্র ? সর্বনাশী, তোব নিজের পাপ তুই পরের ঘাড়ে চাপাতে চাস ?

পদ্ম। কি পাপ ? (হাসিল) তোমার শশুর-শশুড়ীর উচিত ছিল, জন্মমাত্র আমার মুখে হুন দিয়ে মেরে ফেলা। ফেলে নি, সেই তাদের পাপ। তোমার স্বামী-পুত্রের পাপ ? কেন, তারা আমাকে রক্ষা করতে পারলে না ? পেট ভরে খেতে দিতে পারলে না ?

টগর। তুই, তুই নিজে মরলি না কেন হতভাগী ?

পদ্ম। পাপ কি কখনও নিজে মরে ভাজ-বউ ? না, মরতে পারে ? মরণকে যে তার ভয়। পাপকে মারতে হয়। তুমি—তুমিও তো আমাকে মেরে ফেলতে পারলে না ভাজ-বউ।

টগর। চুপ কর পদ্ম, চুপ কর।

পদ্ম। ঘাবার সময় তোমাকে একটা পেনাম করব ভাজ-বউ ? ভাজ-বউ বলে নয়। কত হুংস'য়েও তুমি পাথরের মত তেমনই আছ—পেটের ভাতের হুংস, পরনের কাপড়ের হুংস, দাদার মত মরদ তোমার, সেই মরদ—

টগর। বেরিয়ে যা পদ্ম, তুই বেরিয়ে যা। তোর পায়ে পড়ি—

পদ্ম। (নেপথ্যের দিকে চাহিয়া লভয়ে) বাচ্ছি, আমি বাচ্ছি। দাদা আলছে
একটা কথা ভাজ-বউ, কিছু টাকা আমি এনেছিলাম।

টগর। না না না!

পদ্ম। দাদাকে যেন ব'লো না ভাজ-বউ, দাদাকে যেন ব'লো না। আমি
বাচ্ছি।

[চাদরটা মুড়ি দিয়া ক্ষত লঘুপদে সে বাহির হইয়া গেল। সঙ্গে সঙ্গে একটা
কাবড়া অর্থাৎ হাত দেড়েক ভারী লাঠি ছুটিয়া আসিয়া পড়িল। পরমুহূর্তে ছুটিয়া
আসিল কালী। সে আবার কাবড়াটা তুলিয়া লইল। টগর তাহাকে ধরিল]

টগর। না না, ওগো কি করছ তুমি?

কালী। আমি চিনেছি টগর, আমি চিনেছি। ওরে, কাবড়া ছুঁড়তে হাতট
আমার থরথর কঁপে গেল। এখনও আমি কাঁপছি। নয় টগর?

টগর। ব'স ব'স তুমি ব'স।

[কালী বসিল]

কালী। টগর, মায়াতে আমার হাত কঁপে গেল।

টগর। ঠাণ্ডা হও, ওগো, তুমি ঠাণ্ডা হও।

কালী। পদ্ম, আমার সোনার পদ্ম—

টগর। ওগো, পদ্ম আমাদের তারাচরণের খবর দিয়ে গেল গো।

কালী। তারাচরণ! তারা!

টগর। হ্যা। মালদা জেলায় তার নাকি এখন কত নাম! বড় বড় কবিয়ালকে
সে হারিয়ে দিয়েছে।

কালী। “যে বাঁশেতে লাঠি হয় মন, সেই বাঁশে হয় মোহন বাঁশী!” লাঠিয়াল
দাঙ্গাবাজ খুনে ভল্লার ছেলে কবিয়াল তারাচরণ।

টগর। সে নাকি সেখানে মেডেল পেয়েছে।

কালী। মেডেল পেয়েছে? ওরে টগর! আমার পদ্মকে তুই ফিরিয়ে আন।
তারাচরণ ফিরে আসুক, আমরা এ দেশ ছেড়ে চ'লে যাব। দেশান্তরে
ঘর বাঁধব। আমার নাম কেউ জানবে না; পদ্মর নাম কেউ জানবে না,
কবিয়াল তারাচরণের বৃড়ো বাপ। তারাচরণ আমার রোজগার ক'রে
আনবে, আমরা দুঃখের ভাত হুখ ক'রে খাব।

টগর। রথের মেলা ও অঞ্চলে বর্ষা পর্যন্ত শেষ মেলা। এইবার আমার তারা-
চরণ ফিরবে।

কালী। টগর, তুই তারাচরণের সেই গানটা জানিস রে? সেই ঠাণ্ডাডে

ভাকাত রত্নাকর মহামুনি হ'ল—জানিস তুই ? আমি, টগর, দিনরাত
তেমনই ক'রে নাম জপ করব ।

[নেপথ্য হইতে গলা কাড়ার শব্দ হইল । ফুকর গলার শব্দ । পরমুহূর্তেই ফুকর
মুখ উকি মারিল এবং অদৃশ্য হইল]

কালী । (মুহূর্তে চঞ্চল হইয়া উঠিল) আঃ—আঃ ! ছি—ছি—ছি !

টগর । ওগো ! ওগো !

ফুক । (নেপথ্যে) কালীদা ! কালীদা !

টগর । না না, তুমি যেতে পাবে না ।

কালী । আজ আমি জেগে আছি টগর । তবু তুই আমাকে ধর ।

[টগর তাহাকে ধরিয়া বসিল । রজমঞ্চের অন্ধকার গাঢ়তর হইল । আবছা
আলোয় দেখা গেল, কালী টগরের বাহুবন্ধনের মধ্যে শিশুর মত পড়িয়া আছে,
সেও টগরকে আঁকড়াইয়া ধরিয়া রহিয়াছে]

তারাচরণ, আমার কবিরাজ তারাচরণ ফিরে আসবে । টগর, সঙ্গে সঙ্গে
তাকে পাঠাব, সে আমার লক্ষ্মী-মা বউমাকে নিয়ে আসবে । আমি যাব,
নিজে যাব টগর, পন্থর সন্ধানে, তাকে ফিরিয়ে নিয়ে আসব ।

ফুক । (নেপথ্যে) কালীদাদা !

[উকি মারিয়া অদৃশ্য হইল]

কালী । (অপেক্ষাকৃত উচ্চকণ্ঠে) টগর টগর ! এ দেশ থেকে চ'লে যাব !
বাবুনা নাই, সাউজী নাই, জাত নাই, জাত নাই, সেই দূর দেশান্তরে গিয়ে
ঘর বাঁধব । কবিরাজ তারাচরণের বাপ, বুড়ো বাপ, দিনরাত জপ করব ।
দিনরাত (আর্ন্ত গভীর স্বরে) বলব ঠাকুর দয়া কর, দয়া কর, দয়া কর
দয়াময় । ঠাকুর রক্ষা কর, আমাকে রক্ষা কর, অন্ধকার রাত পুইয়ে দাও.
আমাকে বাঁচাও ! আমাকে বাঁচাও ! আমাকে বাঁচাও । (ধীরে ধীরে
আলো ফুটিয়া উঠিল । পাখী ডাকিল ।) আঃ ! ঠাকুর ! দয়াময় ! আঃ !
ওরে টগর, আমার চোখ দুটো মুছিয়ে দে তো । চোখ থেকে বড্ড জল
পড়ছে—বড্ড !

[টগর তাহার চোখের জল মুছাইয়া দিল । নেপথ্যে হইতে ডাকিল তারাচরণ]

তারা । (নেপথ্যে) মা । পদ্মসিনী !

কালী । কে ? কে ?

টগর । তারা—তারাচরণ ! আমার তারামানিক, তুই ফিরে এলি ?

[তারাক্ষরের প্রবেশ । তাহার পরনে পরিচ্ছন্ন কাপড়, চুলগুলি পরিপাটি ।
গায়ে ফতুয়ার উপর চাদর]

তার। আমি ফিরে এসেছি মা । বাবা !

কালী । তারাক্ষর ! তারাক্ষর ! তুই আমার তারাক্ষর ! আর ভাবনা
নেই টগর, তারাক্ষর আমার ফিরে এসেছে ।

তার। এবার পাঁচটা মেলায় পাঁচজন কবিরাজকে আমি হারিয়ে দিয়েছি ।
তিন জায়গায় মেডেল পেয়েছি । এবার আমি রোজগার ক'রে ফিরে
এসেছি ।

কালী । জয় গুরু ! জয় গুরু ! টগর, আমি মদ নিয়ে আসি । পাড়ার লোককে
বলে আসি, তারাক্ষর আমার ফিরে এসেছে, তারাক্ষর আমার মেডেল
পেয়েছে । (ঘাইতে ঘাইতে সে ফিলে) তার।, তোর সেই গানটি কিরে
তারাক্ষর—সেই গানটি ?

তার। (হাসিয়া) তুমি খানিকটা স্ক্যাপাও বটে বাবা ।

কালী । ওরে শূয়ারকি বাচ্চা, আমি স্ক্যাপা ?

তার। তা ছাড়া আর বলি কি বল ?

কালী । কেন রে হারামজাদা, কেন ?

তার। কেন ? ধব, দুশো পাঁচশো গরু ব পাল, তুমি বলল সেই গরুটি
ধ'রে আন । এখন আমি সেই গরুটি কোন্টি ঠাণ্ড করি কি ক'রে বল ?
(ছড়ায়) “আহা, আমি গান শিখেছি তোমার কত শত
তার মাঝে হায়, কেমনে পাই, সেইটি তোমাব মনের মত ?”
বলি, একটু নিশানা দাও ।

কালী । বটে, বটে, ঠিক বলেছিস তুই । ওরে সেই গানটি । সেই ঠ্যাঙাড়ে
বামুন রত্নাকর শেষে মুনি হ'ল । সেই যে—

তার। ও ! “রামনাম থাকিতে ভবে ভয় কি রে মন শুনি ?

চোর-ঠ্যাঙাড়ে রত্নাকর সে নাম জপিয়ে হ'ল মুনি ।

ঘেনা-তেনা মুনি নয় মন, মহাকবি মহামুনি ।”

কালী । ই্যা ই্যা, ঠিক ঠিক, “ঘেন-তেনা মুনি নয় মন মহাকবি মহামুনি ;
চোর-ঠ্যাঙারে রত্নাকর সে নাম জপিয়ে হ'ল মুনি ।” বাঃ বাঃ ! শুনি
টগর, শুনি ? প্রথম কলিটা কি ?

তার। নাঃ, তোমার স্বরণশক্তি একেবারে নেই । “রামনাম থাকিতে ভয়
কি রে মন শুনি ?”

কালী। ঠিক ঠিক, “ভয় কি রে মন’শুনি?” “ভয় কি রে মন’শুনি?” জয়
শুরু! (প্রস্থান)

তার। (এতক্ষণে মায়ের দিকে চাহিয়া) মা! এ কি মা, তুমি এমন কাঠের
মত দাঁড়িয়ে কেন মা? একি তোমার চোখে জল? পদ্মপিনী কই?
জয়া কই মা?

টগর। জয়া আছে তারাচরণ, সে ভালই আছে।

তার। মা, এই দেখ তার জন্তে আমি মেডেল দিয়ে মালা গড়িয়ে এনেছি।
মা, পোষ সংক্রান্তির দিন খালি হাতে বাড়ি ফিরেছিলাম। এদিকে বাড়িতে
তোমাদের খাওয়া হয় নি, পোষপার্বণ হয় নি। জয়া গরব ক’রে পথে
দাঁড়িয়ে ছিল, আমি রোজ্জকার ক’রে আনব, সেই বোজ্জকারে ঘরে
আমাদের পোষপার্বণ হবে। আমি খালি হাতে ফিরেছি শুনে বেন ক্লেপে
গেল, আমাকে বললে, আমাকে পেট ভ’রে খেতে দে, সাধ মিটিয়ে পরতে
দে, গোরো গায়ে গয়না দে’, তোর রোজ্জকাবের গরবে আমাকে গরব
করতে দে। নইলে তুই কিসের সোয়ামী? মা, প্রতিজ্ঞা ক’রে সেইখান
থেকে ফিরেছিলাম। মেডেল দিয়ে তার জন্তে মালা গাঁথিয়ে এনেছি।
এই দেখ। (মালা বাহির করিয়া সে ধরিল) ডাক মা, তাকে ডাক।

টগর। জয়া বাপের বাড়ি গিয়েছে বাবা।

তার। বাপের বাড়িতে? মা, কেন মা?

টগর। ওরে, তুই ব’স, মুখে হাতে জল দে, একটু জল খা।

[কলনী হইতে জল ঢালিল। ঘর হইতে মাটির পাত্রে একটু খাবার আনিল]

তার। ও! তবে পদ্ম পিনীকে নিয়ে যে গোলমাল করেছিল শশুর, সে মিটে
গিয়েছে? আঃ! পিনী কই মা! পদ্ম-পিনী?

টগর। তারাচরণ, তার নাম তুই কবিস নি। সে সর্বনাশীর নাম আর কবিস
নি।

তার। কেন মা? আবার কি হয়েছে?

টগর। তুই আগে জল খা, তারপর—

তার। তবে কি সে বড়-খোকাবাবু—

টগর। ওরে, চুপ কর, ও নাম করিস নি। সে নেই। সে মরেছে।

তার। মরেছে?

টগর। তোর বাপ তাকে, নিজের হাতে তাকে খুন করেছে।

তার। (আতঙ্কিত হইয়া) খুন!

টগর। ই্যা। সর্বনাশী পদ্ম। পাপ পদ্ম। তার জন্তেই আমার দলোর ছারখার হয়ে গেল। ওরে, তারই জন্তে তোর বাপ বড়-খোকাকে খুন করলে। আর সেই হতভাগীই মুখে চুন-কালি দিয়ে ঘর থেকে চ'লে গেল ঝুমুরের দলে। তারাচরণ, দুঃখের কথা কি বলব রে, তোর বাপ বড়-খোকাবাবুকে ঠ্যাঙাড়ে মত ঠেঙিয়ে মেরেছিল, সেই অবধি তারও হয়েছে সেই ব্যবসা, সে এখন রাজে পথের ওপর ঠেঙিয়ে—

তার। মা! মা! কি বলছ মা?

টগর। বউমা আমার কিছুতে এ সহিতে পারলে না। সে বললে, ঠাকরুন, বড় সাধ ক'রে তোমার ছেলের গলায় মালা দিয়েছিলাম, সে কবিত্তাল; আমার নিজের বাপ ভাই ডাকাতি করে, তাদের আমি ঘেন্না করি; আমার অদৃষ্টে আমার স্বপ্ন—। সে আর সহিতে পারল না। চ'লে গেল। (সে শুক্ক হইল)

তার। (কয়েক মুহূর্ত্ত শুক্ক থাকিয়া ম্লান হাসি হাসিল) সীতারাম! সীতারাম!
ওঃ, তাই বাবা জিজ্ঞাসা করলে, রত্নাকর মূনির গানটা কি?

টগর। তারাচরণ!

তার। কিন্তু বাবা রামনাম একবারও বললে না! শুধু বললে, “ভয় কি রে মন শুনি!” উঃ, রাজে পথের উপর অসহায় পথিক—উঃ!

টগর। উঃ, সে কি চীৎকার তারাচরণ! ওরে সর্বাঙ্গ ধরধর ক'রে কেঁপে ওঠে। বউমা আমার রাজে ঘুমতে পারত না। নিশুতি রাজে মানুষের মরণ-চীৎকার ভেসে আসত। সেও চীৎকার ক'রে উঠত, আমার গলা জড়িয়ে ধ'রে বলত, ওগো ঠাকরুন, এ তারই গলা, এ তারই গলা—তোমার ছেলের গলা।

তার। সেই হ'লেই ভাল হ'ত, ঠিক হ'ত, ভগবানের বিচার নিখুঁত হ'ত।

টগর। ওরে তারাচরণ, না না। এ তুই কি বলছিল?

তার। ঠিক বলছি মা। বাবার প্রাণ্টিত্তির হ'ত।

[টগর আতঙ্কিত বিস্ময়ে তাহার মুখের দিকে চাহিয়া রহিল]

তার। মা! আমি চললাম মা! বাবাকে ব'লো, যে মানুষগুলো মরেছে, তারই মধ্যে তার তারাচরণও ছিল। সে মরেছে। যে এসেছিল, সে তার প্রেত। (প্রস্থান)

[টগর শুক্ক হইয়া পাড়াইয়া রহিল। কয়েক মুহূর্ত্ত পরে মদের বোতল হাতে মত্ত কালীচরণ প্রবেশ করিল]

কালী। “যে ঘাবার সে যাক নই রে, আমি তো ঘাব না জলে।” আমি সব
ওনেছি টগরবট, আমি ফেরাতে ঘাব না। আমি ঘাব না।

ফুক। (নেপথ্যে) কালীদাদা!

কালী। কে ফুক, আয়, আয় ফুক, তুই আয়! মদ নিয়ে আয়। কাল
রাত্রে আর কিছুতে ঘুম ভাঙল না ফুক।

[টগর এইবার তাড়াতাড়ি অগ্রসর হইল। তাহার হাতে খাবারের থালা ও
গেলাস]

টগব। ওরে তারাচরণ, ফিরে আয়—ফিরে আয়!

কালী। (লাক দিয়া গিয়া টগরের হাত চাপিয়া ধরিল, সঙ্গে সঙ্গে থালা ও
গেলাস মাটিতে পড়িয়া গেল) না। তুই ফিরে আয় টগর। ফুক, মদ
নিয়ে আয়।

দ্বিতীয় দৃশ্য

জয়ার বাপের গ্রামের প্রান্তস্থিত পথ

প্রথম অঙ্কের দ্বিতীয় দৃশ্যের স্থান ও পারিপার্শ্বিক

[ঘড়া কাঁখে লইয়া জয়া প্রবেশ করিল। ঘড়াটি রাখিয়া সে ঘড়ার উপর বসিল
এবং আপন মনে গান গাহিল]

গান

ধির দিঠিতে ওরে নিঠুর তোর পথের পানে চেয়ে চেয়ে চেয়ে।

আমার সাধের চোখের কাজল যায় ধুয়ে রে জলের ধারা বয়ে।

বকুলফুল সে ঝরল ফুটে ফুটে

কেয়াফুলের বাস বাতাসে ওঠে

(আমি) নিতুই নতুন ফুল তুলি আর কাঁদি হায় রে বাসী ফেলে দিয়ে!

আষাঢ় মাসের আকাশে রে মেঘ জমেছে ডাকছে গুরু গুরু।

নতুন মেঘে বাদল এল নেমে

‘ফটিক জলে’র কায়া গেল থেমে,

নয়ন আমার শরম মানে না তাই—

গাঙের জলে দিই যে মিশাইয়ে ॥

[গান-শেষে কাপড়ে চোখ মুছিয়া জয়া ঘড়াটি তুলিয়া লইল এবং অগ্রসর হইল ;
সম্মুখ দিক হইতে ছুটিয়া আসিল প্রথম অঙ্কের দ্বিতীয় দৃশ্যের কালো মেয়েটি]
কা-মে। জয়া! এই যে জয়া!

জয়া। মরণ? কে বললে তোকে জয়া মরেছে?

কা-মে। বালাই ঘাট, মরবি কেনে?

জয়া। তবে জয়া জয়া ব'লে ইঁপাতে ইঁপাতে এত ছুটে আসছিস কেন?

কা-মে। ওগো সই, তোমর বর—বর।

জয়া। কে?

কা-মে। কবিয়াল, তোঁর বল, আমার সয়া। একদিন আমি সয়া ধ'রে সইকে
দিয়েছিলাম, আজ আবার আমি তাকে পেরথম দেখলাম। সে আসছে।
ওই—ওই। ওই দেখ সই, ওই দেখ।

[তারাচরণ প্রবেশ করিয়া জয়াকে দেখিয়া থমকিয়া দাঁড়াইল।]

তারা। জয়া! (জয়া কোন কথা বলিতে পারিল না।)

তারা। জয়া, আমি কিরে এসেছি জয়া!

কা-মে। কথা বলিদ না জয়া, কথা বলিস না। কিছুতেই কথা বলিস না
তুই। ছ মাস আজ খোঁজ নাই, খবর নাই, হঠাৎ নটবর এসে বলছে জয়া,
আমি কিরে এসেছি।

তারা। তোমাকে ভাই, আমি চিনি ব'লে মনে হচ্ছে যেন। ও, তুমি সেই
কালো মেয়ে, সেই নীলশরী, নয়।

কা-মে। ভাগ্যি, আমার ভাগ্যি যে, সয়া আমার শেষ পর্যন্ত চিনেছে।

তারপর? কি মনে করে?

তারা। ধর, তোমাকে মনে করে। তোমার সইয়ের সয়াকে মনে করে—

কা-মে। কাকে?

তারা। মানে, তোমার সাকে। তোমাদের একবার দেখতে এলাম।

কা-মে। মিছে কথা।

তারা। “ভাল কথা বললে মিছে সত্যি ব'লেই মেনো সই।”

কাউ যদি হয় ঠাক্কিই তবু লাভ না থাক লোকসান ক'হ?”

কা-মে। ভাল, তাই মেনেই নিলাম। তা হ'লে সয়া, তোমার আর সইয়ের
কিন্তু আমার বাড়ীতে নেমন্তন্ন। আমি যাই, খবর দেই গে তোমার স্বস্তর-
বাড়ীতে। নেমন্তন্নের কথাও ব'লে যাই। (ব্রাইতে যাইতে ফিরিল)

অজস্রানের পালাটা তুমি এই পথেই সেরে নাও। (প্রস্থান)

তার। জয়া! (জয়া নীরব) জয়া। (জয়ার চিবুক তুলিয়া ধরিল)

জয়া। তুমি এত বড় পাষণ! আমার একটা কথা শুনে তুমি দেশত্যাগী হ'লে? ওগো, সেই চ'লে গিয়ে কি সর্বনাশ যে তুমি করেছ, তুমি জান না।

তার। জানি জয়া, সব জানি। আমি বাড়ী থেকেই আনছি। আমি শুনেছি।

জয়া। শুনেছ?

তার। শুনেছি। শুনে চিবকালের মত বাপ-মা-বাড়ি সব ছেড়ে আমি চ'লে এসেছি। আর সেখানে আমি ফিবব না।

জয়া। না না, এখানে নয়। ওগো, এখানে লোকে পদ্ম-পিসীর কথা নিয়ে ঠাট্টা কবে। জাত জাতের ভয়ে বাবা আমাকে আলাদা করে রেখেছে।

তার। তোকে নিয়ে আমি দেশান্তরে চ'লে যাব! ছোট একখানি ঘর পাব। পুণ্যের সংসার। আমি কবিতা লিখব যা আনব, তাতে দুঃখের ভাত স্বপ্নে শান্তিতে দুজন খাব। উঠানে পুঁতব একটি তুলসী গাছ, তুই সকাল সন্ধ্যা জল দিবি, আর আমি গান লিখব। (জয়া কাপড়ের আঁচলে চোখ মুছল) তুই কাঁদছিস জয়া।

জয়া। ওগো, এ জল আজ আমার চোখে আশ্বিন মাসের মেঘের জল। আজ ছটা মাস আমার চোখে নেমেছিল শাওনের বাদল।

তার। আমি বুঝি তোর আশ্বিনের চাঁদ?

জয়া। হ্যাঁ গো। তুমি তো তা বোঝ না। মিছেই তুমি কবিতা লিখ! আমার বুকফাটা দুঃখের একটা কথায় তুমি চ'লে গেলে। আমার সে জালা কি আমার নিজের পেটের জালা? উঃ, সে কি দিন। শবুর শাণ্ডড়ী, পিসেস, কারু খাওয়া হয় নি, ঘবে ঘরে পোষ-পার্কিং হল, শুধু আমাদের ঘরে হ'ল না।

তার। চুপ কর জয়া। বাবা, মা, পদ্ম-পিসীর কথা মনে হলে আমার মনে হয় আমার মাথায় বজ্রাঘাত হোক!

জয়া। না না, ও কি বলছ তুমি?

তার। উঃ জয়া, বাবা আমাব মাটির পৃথিবীতে সোনার মাহুয়, সেই মাহুয়, যে ভগবান এ কি মতি তুমি বাবাকে দিলে?

জয়া। ওগো, বাবা মাকে তুমি নিয়ে চল যেখানে যাবে।

তার। তুই বলছিস তাই?

জয়া। ই্যা বলছি। আঁহা, পদ্ম-পিসীও যদি থাকত !

তার। পথে আসতে আসতে কত বার তাই ভেবেছি। ই্যা ই্যা, তাই হবে, তাই করব জয়া।

[নেপথ্যে একটা কোলাহল ভাসিয়া আসিল]

অর্জুন। (নেপথ্যে) বোম কালী, কলকাত্তাওয়ালী ; উঠো মুশাকের চালাও পানসী।

[সঙ্গে সঙ্গে ঢোলকের শব্দ হইল]

জয়া। দাদা আসছে। সঙ্গে একটা মেয়ে, ওগো আমি বাই, নদী থেকে, জলটা নিয়ে আসি। তুমি ততক্ষণ আমাদের বাড়িতে যাও। বাবার সঙ্গে মায়ের সঙ্গে গিয়ে দেখা কর।

তার। না, চল, তোর সঙ্গেই বাই। একসঙ্গেই ফিরব।

জয়া। না সে আমার লজ্জা করবে। লোকে বলবে—

তার। না হয় বলবে, লোকটা পরিবারকে বেজায় ভালবাসে, চোখের আড়াল করতে পারে না, তা বলুক।

জয়া। তা কেউ বলবে না গো, শত্রুরেও বলবে না। ছ মাস আজ কাকের মুখে বার্তা নেই, আজ এসেই কি-না উনি আমাকে চোখের আড়াল করতে পারছেন না !

তার। তোর এই নাক তুলে কথা কওয়াটি আমার বড় ভাল লাগে জয়া।

“ও তোর চাউনি ঝাঁক মুচকি হাসি আমি তারে সইতে পারি,

তুই নাক তুলে কথা ক'স তাতেই আমি মরি সখি

তাতেই আমি মরি।”

জয়া। ভারি বেহায়া তুমি ! আসবে তো এস।

তার। হঁ। মনে মনে বোল আনা ইচ্ছে যে, সঙ্গে আমি বাই।

জয়া। আঃ, দাদারা আসছে।

[সে প্রস্থান করিল, সঙ্গে সঙ্গে তারাচরণও চলিয়া গেল। প্রবেশ করিল জয়ার ভাই অর্জুন, তাহার সঙ্গে দুই সঙ্গী, নাচওয়ালীর বেশে পদ্ম ও একজন ঢোলকদার]

অর্জুন। অর্জুন বাগদীর হোর দিয়ে গাওনা না গেলে তোমরা চলোঁ-বাবে, সে হবে না।

পদ্ম। গাওনা করতে কি আমরা নারাজ নাগর ? তবে জান তো, শুধু কথা

চিঁড়ে ভেজে না। মূঠো ভ'রে পয়সা দাও, নাচ গান যা বলবে, তাই করব। আমি তোমার চরণের দাসী।

অর্জুন। পয়সা? (হা-হা করিয়া হাসিয়া উঠিল।)

পদ্ম। ওগো বাদলীর পো, হাসিতে তো আমার পেট ভরে না বঁধু, পেট না ভরলে মন ভরে না।

অর্জুন। জানিগো ঝুমুরওয়ালী। কিন্তু পয়সার কারবার তো আমার নেই।

পদ্ম। (অঞ্চলতল হইতে ছোরাটা বাহির করিয়া) আ ম'লো। তাই বলি, আজ আমার বিঁধছে কিসে?

অর্জুন। (হাসিয়া একটা টাকা বাহির করিয়া) আমার কারবার টাকার।

পদ্ম। দাও দেখি নাগর কেমন দাতা।

অর্জুন। (দাঁতে টাকটা কামড়াইয়া ধরিয়া) নাও।

[পদ্ম হাসিয়া অগ্রসর হইল। অকস্মাৎ সে থমকিয়া দাঁড়াইল, তারপর
বিবর্ণ মুখে পিছনের দিকে পিছাইয়া ধামিল]

পদ্ম। কে? কে? কে? কে?

[বিপরীত দিকে স্থির গম্ভীর মূর্তি তারাচরণ প্রবেশ করিয়া দাঁড়াইল]

অর্জুন। আরে! কবিরায়, তুমি কখন হে? আজ ছ মাস পরে—

তারা। পদ্ম পিসি।

পদ্ম। না না না। (সে ছুটিয়া পলাইল)

অর্জুন। এই! এই! (সে অল্পসরণে উত্তত হইল, তারাচরণ বাধা দিল)

তারা। না।

অর্জুন। ও, ওই তোমার পদ্ম-পিসী বুঝি?

[সে হো-হো করিয়া হাসিয়া উঠিল, সঙ্গে সঙ্গে তাহার সঙ্গীরাও
হাসিয়া উঠিল]

তারা। তুমি হেসো না অর্জুন। আমারও রক্ত মাংসের শরীর।

অর্জুন। তুমি এখান থেকে ফের, আমাদের বাড়ি তুমি এসো না কবিরায়।
আমরা জাত-জাত নিয়ে ঘর করি।

[ভীমমজার প্রবেশ]

তারা। সব দেখেছেন?

ভীম। ই্যা, দেখেছি। ঝুমুরওয়ালী পদ্মকে আমি দেখেছি।

তারা। যেদিন বাবুৱা জমি কেড়ে নিয়েছিল। পদ্ম-পিসী যেদিন খেতে পাচ্

নি, পেটের জালায় যেদিন সে ছটফট করেছিল, সেদিন তাকে আপনি দেখেছিলেন ?

[ভীম নীরব]

তার। যাক আমি চললাম ।

ভীম। তারাচরণ !

তার। জয়াকে বলবেন, তার জন্তে আমি বাড়িতে অপেক্ষা করে থাকব ।

ভীম। শোন তারাচরণ, তুমি একটা প্রায়শ্চিত্তের ক'রে আমার এখানেই থাক, আমি—

তার। সেই মনে ক'রেই এসেছিলাম । কিন্তু না । বাবার কষ্ট আমি বুঝতে পেরেছি । আমি সেখানেই ফিরে যাচ্ছি । (প্রস্থান)

ভীম। অর্জুন, সাবধান, এ কথা যেন কেউ না জানতে পারে—কাকে কোকিলে না ।

[জয়ার ব্যস্ত হইয়া প্রবেশ]

জয়া। বাবা ! তোমার জামাই ?

ভীম। সে ফিরে গেল জয়া । তোর শিশশাশুড়ী পদ্ম—

জয়া। দেখেছি, দূর থেকে দেখেছি । কিন্তু তোমার জামাই কোথা গেল ?

ভীম। বাড়ী ফিরে গেল । আমিই তাকে ফিরিয়ে দিলাম । জাত জাতের কাছে আমি মাথা হেঁট করতে পারব না ।

জয়া। কি করলে বাবা ? সামনে যে রাত্রি । অন্ধকার । আজ যে অমাবস্বে । ওগো ! তুমি যেও না—যেও না—ওগো—

[ঘড়টা নামাইয়া দিয়া তারাচরণ ঘনিক গিয়াছিল চলিয়া গেল ।
নেপথ্যেও তাহার কণ্ঠ শোনা গেল যেও না—যেও না—ওগো—]

অর্জুন। জয়া ! জয়া !

ভীম। চ'লে গেল । যাক । ডাকিস নি । প্রাণি আয় । মনে করিস জয়া ম'রে গেছে ।

তৃতীয় দৃশ্য

[অন্ধলাবৃত পথ, অমাবস্যার অন্ধকারে আচ্ছন্ন আশাঢ়ের মেঘাচ্ছন্ন রাত্রি , মধ্যে মধ্যে বাতাসের শব্দ বহিয়া বাইতেছে। মাথার উপর মধ্যে মধ্যে ডাকিতেছে একটা পেঁচা। স্থানটি জনবিরল মনে হইলেও এক সময় দেখা গেল, একটি বৃক্ষকর্ণাণ্ডের পাশে একটি মাহুঘ, সে মদের বোতল তুলিয়া তাহাতে চুমুক দিল। আবার পেঁচা ডাকিয়া উঠিল। ঠিক সেই সময় বাহির হইতে চাপা গলায় ওই পেঁচার স্বরের মতই স্বরে ডাকিল]

ফুক। (নেপথ্যে) কালীদা !

[সে পিছু হটিতে হটিতে প্রবেশ করিল]

ফুক। হঁ। কালীদা !

ফুক। আসছে।

কালী। (ফুকব মুখের দিকেই চাহিয়া বলিল) আঃ, তোর মুখখানা কি বিশ্রী ফুক ! আঃ।

ফুক। ওই—ওই—ওই দেখ ! অন্ধকারে সাদা মত নড়ছে।

[বলিয়া সে কালীর মুখের দিকে চাহিয়া দেখিল, কালী স্থির দৃষ্টিতে সম্মুখের দিকে চাহিয়া আছে। সে ধীরে ধীরে পিছনের দিকে চলিয়া গেল। কালী কিছুক্ষণ পর ফাবড়াটা তুলিয়া শিকারোত্তর বাঘের মত ভজিতে নিঃশব্দ নতর্ক পদক্ষেপে আগাইয়া গেল। এবং ‘আ’ বলিয়া একটি চাৎকার করিয়া অদৃশ্য হইয়া গেল। সঙ্গে সঙ্গে ফুক প্রবেশ করিল, সে উৎকণ্ঠিত আগ্রহে চাহিয়া রহিল]

তারারচরণ। (নেপথ্যে চাৎকার করিয়া উঠিল) আঃ !

কালী। (নেপথ্যে হিংস্রভাবে উচ্চতর চাৎকার করিয়া উঠিল) আঃ !

তারী। (নেপথ্যে) বাবা ! আঃ !

[কালীচরণ প্রবেশ করিল, হাতে মেডেলমালা, তারারচরণের চাদর। পেঁচাটা ডাকিয়া উঠিল। ওদিক হইতে প্রবেশ করিল টগর উদ্ভাস্তের মত]

টগর। কে, কার গলা ? কে চাৎকার করলে ?

কালী। (চাপা বিকৃত স্বরে) কে ? (সে চমকিয়া উঠিল)

টগর। তুমি আমার কাপড়ের গিঁট খুলে উঠে এসেছ ? কিন্তু ও কে—কে চাৎকার করলে, সেই—

কালী। ওঃ। টগর। হ্যা, উঠে এসেছি। ফুক ডাকলে। টগর, আজ বড়খোকাবাবুকে পেয়েছি।

টগর। ছিঃ! ছিঃ! ছিঃ!

কালী আঃ! আঃ! টগর!

টগর। তোমাকে নয়, আমার ভাগ্যকে, আমার এই পোড়া ললাটকে আমি ছি-ছি করছি। ওগো, ওই বাঁশের লাঠি দিয়ে আমার কপালটা চেলা ক'রে ভেঙে দিতে পার? একবার দেখি, সেখানে কি লেখা আছে? কিন্তু ও কার গলা গো?

কালী। তার—বড় খোকাবাবুর। (মেডেলখানা ও চাদরখানা বাড়াইয়া ধরিয়া) এই দেখ, তার চেন। এই দেখ। এইগুলো আগে ধর, জল দে আমার হাতে, জল দে।

টগর। একি?

কালী। ধর—ধর।

টগর। এ যে—এ যে মেডেলমালা, এ—এ যে তারই চাদর! ই্যা ই্যা, এ যে তারই চীৎকার!

কালী। আ! আ! কি? কার?

টগর। তারা-চ-র—গের; তারা—চর—

কালী। (মুখ চাপিয়া ধরিল) চূপ, চূপ। ই্যা, সে একবার ডেকেছিল, 'বাবা' বলে ডেকেছিল। আমার মনে হ'ল বড় খোকাবাবু ডাকছে কর্তাবাবুকে! [অন্ধকারের মধ্যে ছুটিয়া প্রবেশ করিল জয়া, সে বাড়িনীর মত প্রায় লাক দিয়া কালীর গলার নলি টিপিয়া ধরিল]

জয়া। রাক্স! রাক্স! তুই রাক্স!

[কালী তাহার মুখের দিকে চাহিয়া আতঙ্কে বিস্ফারিত নেত্রে চাহিয়া রহিল।
সে টগরের মুখ ছাড়িয়া দিল।]

টগর। বউমা!

জয়া। খুনে! খুনে! খুনেকে আজ আমি খুন করব।

টগর। বউমা! বউমা! তোমার পায়ে ধরি। বউমা!

জয়া। (ছাড়িয়া দিল) না না না। তোকে পুলিশে দেব ফাঁসিকাঠে ঝোলাব। [কালী জয়ার হাত চাপিয়া ধরিল। জয়া তাহার হাত ছাড়াইয়া লইল এবং হাসিয়া উঠিল]

জয়া। ফাঁসি! ফাঁসি! ফাঁসি! (ছুটিয়া বাহির হইয়া গেল)

[কালী ধর ধর করিয়া কাঁপিতেছিল]

টগর। উঃ! (বলিয়া চীৎকার করিয়া মাটিতে আছাড় খাইয়া পড়িল)

চতুর্থ অঙ্ক/প্রথম দৃশ্য

সরকারী উকিল ও পূর্ব-পরিচিত দারোগা

আদালতের বারান্দা

দারোগা। কালীচরণ তো স্বীকার করেছে, তবে আবার সাক্ষীর হাজিমা করছেন কেন সার্ব ?

উকিল। সে শুধু বলেছে আমি খুন করেছি। এ ছাড়া সে একটি কথাও বলে নি। সে ক্ষেত্রে আমাদের প্রমাণ করতে হবে, এ খুন সে খুন করবার উদ্দেশ্যেই করেছে। এটা কোন আকস্মিক দুর্ঘটনা নয়।

দারোগা। সাক্ষী তো আমাদের একটি স্মার—তাবাচরণের জ্বী।

উকিল। তার চেয়ে ভাল সাক্ষী আর হতে পারে না দারোগাবাবু। সে নিজ চোখে সমস্ত দেখেছে। আপনি যান তাকে একটু জলটল খাইয়ে হুঁহু করুন। টিকিনের পরই সাক্ষীর তলব হবে। (প্রস্থান)

[জ্ঞানদাচরণের প্রবেশ]

জ্ঞানদা। এই যে দারোগাবাবু!

দারোগা। জ্ঞানদাবাবু? কিছু বলছেন?

জ্ঞানদা। ফুরুর কোন খোঁজ পাওয়া গেল না দারোগাবাবু?

দারোগা। হলিয়া পাঠিয়েছি। কিন্তু ধরা পড়ল কই?

জ্ঞানদা। কিন্তু গুরুচরণ সাউকে এ মামলায় আপনারা আগামী করলেন না কেন?

দারোগা। প্রমাণ কই বলুন? গুরুচরণ এমন ভাবে কাজ করেছে যে, এক বিন্দু প্রমাণ কোথাও পাওয়া গেল না। আমি একবার তাবাচরণের জ্বীকে দেখি। এখুনি সাক্ষীর তলব হবে। (প্রস্থান)

[জ্ঞানদাচরণ বিপরীত দিকে চলিয়া যাইতেছিল, ঠিক সেই সময়ে সেই দিক হইতে প্রবেশ করিলেন, সন্ন্যাসীবেশী ধনদা প্রসাদ]

জ্ঞানদা। আপনি?

ধনদা। জ্ঞানদা?

[জ্ঞানদা প্রণাম করিল, ধনদা মাথায় দিলেন]

জ্ঞানদা। আপনি কেন এলেন?

ধনদা। কালীচরণ নিজের ছেলেকে খুন করেছে, তার বিচার হচ্ছে?

জানদা। হ্যাঁ।

ধনদা। খবরের কাগজে সংবাদটা দেখলাম। দেখে না এসে পাবলাম না।

জানদা। আপনি না এলেই ভাল করতেন।

ধনদা। ভাল-মন্দ বিচারটা বৈষয়িক বুদ্ধি জ্ঞান; সংসারের সঙ্গে ও বুদ্ধিটাও
বিসর্জন দিয়েছি।

জানদা। কালীকে কি আপনি রক্ষা করতে চান?

ধনদা। করতে আমি কিছুই চাই না। তবু আমি না এসে পারলাম না।

জানদা। আমি আপনাকে অহরোধ করছি, আপনি এইখান থেকেই ফিরুন।

ধনদা। কেন জানদা?

জানদা। বিচারের সময় যে সমস্ত বিষয় নিয়ে কথা উঠবে—

ধনদা। পদ্মর কথা বলহ? (জানদা নীরব হইয়া রহিল) পদ্মর কথা স্বীকার
করবার জন্তেই আমি এসেছি জানদা।

জানদা। সে কথা তো সমস্ত লোকই জানে।

ধনদা। না, জানে না। তুমিও জান না। জান অর্দ্ধ সত্য। পূর্ণ সত্যকে
প্রয়োজন হলে সর্বসমক্ষে স্বীকার করতে হবে আমাকে। আমি ত ফিরে
যেতে পারব না?

জানদা। আমি আপনাকে মিনতি কবছি—

ধনদা। ও অহরোধ ক'রো না জানদা, সে হয় না?

জানদা। কালীচরণের উপর এত মমতা কেন?

ধনদা। মমতা কালীচরণের ওপর নয় জানদা। মমতা রায়-বংশের ওপর।

জানদা। রায়-বংশের প্রায়শ্চিত্ত কি এখনও হয় নি বাবা? দাদার মৃত্যুতে—

ধনদা। প্রেমদার মৃত্যুর কথা তুমি জান?

জানদা। আপনি বলুন তাতেও কি রায়-বংশের পাপ-মুক্তি হয় নি?

ধনদা। না, হয় নি।

জানদা। বাবা!

ধনদা। শুনে সহ্য করবার সাহস যদি থাকে তবে আদালতে এস। নইলে
আমার অহরোধ, তুমি বাড়ী ফিরে যাও।

[নেপথ্যে উচ্চকণ্ঠে ধ্বনিত হইল—চূপ! চূপ! সব চূপ!]

আমি যাই জানদা। বিচার বোধ হয় আরম্ভ হ'ল। তুমি বাড়ী ফিরে
যাও জানদা।

[জানদা কয়েক মুহূর্ত দাঁড়াইয়া চিন্তা করিল এবং ক্রত প্রস্থান করিল]

দ্বিতীয় দৃশ্য

দায়রা জজের আদালত। জজ, জুরী, উকিল ও আদালতের কর্মচারী।
কাঠগড়ায় কালীচরণ নিম্পন্দ মূর্তির মত দাঁড়াইয়া আছে। সম্মুখে সাক্ষীর
কাঠগড়া তখনও শূন্য। এক পাশে দাঁড়াইয়া আছে জয়া। সরকারী উকিল
বক্তৃতা করিতেছে। পুলিশ-ইন্সপেক্টর, কন্সটেবল প্রভৃতি।

কালীচরণের চুল সারা হইয়া গিয়াছে; মুখে চোখে অপরিমেয় শীর্ণতা, তাহার
দৃষ্টি শূন্য। ধনদাপ্রদান প্রবেশ করিয়া দাঁড়াইলেন।

সরকারী উকিল। ইওর অনার, গত ২৫ এ আষাঢ় এই কালীচরণ বাগ্দী তার
অভ্যাসমত অপেক্ষা করছিল অজ্ঞকার রাত্রির আবরণে পথের ধারে; সেই
সময় এসে পড়ে তার নিজের ছেলে তারারচরণ বাগ্দী, নরঘাতকের পৈশাচিক
নেশায় উন্মত্ত হয়ে কালীচরণ তাবাচরণকে হত্যা করেছে। বিচার শেষ
হবার পূর্বে শাস্তির কথা উল্লেখ করবার অধিকার আমার নেই জানি, কিন্তু
তবু আমি উল্লেখ না ক'রে পারছি না যে সভ্যতার অভিনব বিবর্তনের ফলে
যে সমস্ত দণ্ড আজ নিষ্ঠুর নৃশংস বলে চিহ্নিত হয়েছে, সেই শাস্তিও আজ
যদি বর্তমান ক্ষেত্রে পুনরায় প্রযুক্ত হইত তবু এ অপরাধের উপযুক্ত শাস্তি
হবে না। একগণত বৎসর পূর্বেও আমাদের দেশে ডাকাতি রাহাজানি
নরহত্যার অপরাধে, অপরাধীর শরীরকে দ্বিবা-বিভক্ত ক'রে প্রকাশ্য
রাজপথের পাশে, গাছের ডালে ঝুলিয়ে রাখা হ'ত। পিতৃমাতৃ-পুত্রকন্যা-
হত্যায় হাতীর পায়ের তলায় পিষে মাবার ব্যবস্থা ছিল। মর্পদংশনের
চরমদণ্ডের ব্যবস্থাও বর্তমান ক্ষেত্রে লঘুদণ্ড বলেই আমার মনে হয়।
ধর্মাবতার! এ পাপ এত বড় পাপ, যা পৃথিবীও সহ্যেতে পারে না।

পদ্ম। [উকিলের কথার মধ্যে প্রবেশ ক'রয়াছিল এবং শুনিতেছিল এবং ক্ষণে
ক্ষণে শিহরিয়া উঠিতেছিল। সে এহবার চীৎকার করিয়া উঠিল এবং
সম্মুখে আসিল] না না না। সে আমার পাপ। সে আমার পাপ। সে
আমার পাপ। ওগো জজনাহেব, তুমি বিচার করো। আমাকে সাজা দাও।

সরকারী উকিল। কে? কে তুমি?

ইন্সপেক্টর। ইওর অনার, এই মেয়েটি, আশামী বতদিন জেল হাজতে এসেছে
ততদিন জেল-কম্পাউণ্ডের চারিদিকে চীৎকার ক'রে বেড়ায়। বোধ হয়
পাগল।

পদ্ম। না, না, আমি পাগল নই। জজনাহেব, আমিই পাপী, তুমি আমার
বিচার কর।

জজ। কি বলতে চাও, তুমি কে?

পদ্ম। আমার নাম পদ্ম।

সরকারী উকিল। তুমি পদ্ম বাগদিনী? ইওর অনার, এ মেয়েটি ওই আসামীর কুলত্যাগিনী ভগ্নী—এ হাল্ট।

পদ্ম। হ্যাঁ হজুর, আমি পাপ পদ্ম, সর্বনাশী পদ্ম। আমার এ পাপেই সর্বনাশ ঘটেছে হজুর। তুমি বিচার কর, আমাকে সাজা দাও।

জজ। কি বলছ তুমি? কি করেছে?

পদ্ম। আমি বিধবা মেয়ে, রায়বাবুকে দেখে আমি কেন ভুললাম? আমাকে দেখে রায়বাবুর ছেলে কেন পাগল হয়ে উঠল? দাদা আমাকে ধুলো ঝেড়ে বাড়ী নিয়ে এল, কেন আমি তবু থাকতে পারলাম না? পেটের জ্বালা আমি কেন সহিতে পারলাম না? ওগো জজসাহেব, আমি কেন মরতে পারলাম না? [বলিতে বলিতে উদ্ভ্রান্ত হইয়া উঠিল]

জজ। পুওর গার্ল, আই পিটি হায়।

পদ্ম। বিচার কর জজসাহেব, বিচার কর!

জজ। ঈশ্বর সে বিচার করবেন। এখন তুমি যদি এই তারাক্ষরের খুন সম্বন্ধে কিছু বলতে চাও তো বল। এর সঙ্গে তোমার কি সম্বন্ধ?

পদ্ম। বিচার করে দেখ তুমি এ খুন আমি করেছি।

জয়া। (অগ্রসর হইয়া আসিল) না না। ওই রাক্ষস ওই রাক্ষস ওই খুনে ওই দিত্য। আমি নিজের চোখে দেখেছি। জজসাহেব, তুমি বিচার কর।

জজ। ওয়েল, হু ইজ শী—

সরকারী উকিল। এই মেয়েটি আমাদের প্রধান সাক্ষী, ইওর অনার, মৃত তারাক্ষরের স্ত্রী, এই হত্যাকাণ্ডের প্রত্যক্ষদর্শী।

জজ। (জয়ার প্রতি) তুমি এই খুন নিজের চোখে দেখেছ?

জয়া। নিজের চোখে দেখেছি! জজসাহেব, হজুর, দেখে আমি চীৎকার করতে চেয়েছিলাম, কিন্তু গলা দিয়ে আঙাঝ বেরুল না। ছুটে এগিয়ে যেতে চাইলাম, কিন্তু সর্বাক্ষর থরথর করে কাঁপছিল, মাটিতে পড়ে গেলাম, যেতে পারলাম না। তবু হজুর, চোখ বুজি নি, পলক পড়ে নি, চোখছটো যেন ঠিকরে বেরিয়ে আসছিল, সমস্ত আমি নিজের চোখে দেখেছি। ওই ওই ওই রাক্ষস তাকে খুন করেছে!

পদ্ম। না না। ব্রহ্মশাপে সর্পাঘাত হয়, বজ্রাঘাত হয়, হজুর, তার জন্তে দায়ী কি সাপ, না বাজ? আমি বলছি, আমার পাপে হয়েছে জজসাহেব; তুমি বিচার কর।

জজ। ইন্সপেক্টর, পদ্মকে তুমি বাইরে নিয়ে যাও।

ইন্সপেক্টর। তুমি বাইরে এস।

পদ্ম। না না।

ইন্সপেক্টর। কন্সটেবল!

পদ্ম। না না না, আমি যাব না! আমার শাপ।

[ধনদা অগ্রসর হইয়া আসিলেন]

ধনদা। পদ্ম! অধীর হোস নি।

পদ্ম। এই—এই জজসাহেব, এই সকল পাপের মূল, এই—এই—

কালী। পদ্ম! [পদ্ম স্তব্ধ হইল]

কালী। যা। এখান থেকে যা তুই! [কন্সটেবল তাহাকে লইয়া চলিয়া গেল]

কালী। তুমিও এসেছ বড়বাবু? [ধনদা মাথা নত করিলেন) বড় খোকাবাবুর
শোধ দেখতে এসেছ?]

জজ। লেট আস প্রোডিড মিঃ বোস। সাক্ষীকে ডকে উঠতে বলুন।

[ইন্সপেক্টর সাক্ষীর ডকের দরজা খুলিয়া দিল]

উকিল। জয়া বাগদিনী, তুমি যাও, ওখানে গিয়ে দাঁড়াও।

কালী। না। তুমি যেও না বউমা। হজুর—

জয়া। রাক্ষস! খুনে! অভর পেট তোর ছেলেকে খেয়েও ভরে নি, এখনও
এখনও তোর বাঁচতে সাধ?

কালী। হজুর আমি নিজেই সব কবুল খাচ্ছি! ছেলেকে আমি খুন করেছি,
সে কথা তো আমি গরকবুল খাই নি। তবু তোমরা আমাকে ফাঁস দেবে
না। সব কথা না শুনে—। একটু জল, একটু জল পাব হজুর?

জজ। ইন্সপেক্টর। [ইন্সপেক্টর দ্রুত চলিয়া গেল]

কালী। ধর্মাবতার!

জজ। অপেক্ষা কর, জল নিয়ে আসছে।

কালী। আর আমি চূপ ক'রে থাকতে পারছি না হজুর। তেঁটায় গলা
তুলিয়ে যাচ্ছে, তবু আর চূপ ক'রে থাকতে পারছি না।

[ইন্সপেক্টর জল লইয়া আসিল, কালী দুই হাত বাড়াইয়া জলের গাঁস
লইয়া নিঃশেষে পান করিল]

কালী। হজুর, মনে করেছিলাম বংশের কলঙ্কের কথা মরণ পর্যন্ত বলব না।

কিন্তু সে না শুনে তোমরা যখন ফাঁসি দেবে না, তখন বলি। হজুর, বউমা
বলেছে, আমার অভর পেট। ই্যা, আমার পেট অভরই বটে। শুধু আমার

কেন, আমার বাবার, আমার মায়ের, আমার ঠাকুরদাদার—সবারই পেট অভর। পেটের দায়ে, হজুর, রায়বাবুদের জন্তে দাঙ্গাবাজি ঘরজালানো ছিল আমাদের পেশা। বাবুদের চাকরান জমি আমরা ভোগ করতাম। আমার ছেলে তারাক্ষরের পেট শুধু অভর ছিল না হজুর, পেটের দায়ে সে লাঠিয়ালি করে নি। সে ছিল কবিরাজ। সে বলত, ‘যে বাঁশেতে লাঠি হয় মন, সেই বাঁশে হয় মোহন বাঁশী।’ সে লাঠিয়ালি করে নি, তাই রায়বাবু আমাদের চাকরান জমি বাজেয়াপ্ত ক’রে নিয়েছিল। আমি তখন জেলে। ফিরে এসে রায়বাবুর কাছে গেলাম জমির জন্তে, হজুর, এই অভর পেটের জন্তে। কেন গিয়েছিলাম, আঃ, আমি কেন গিয়েছিলাম !

[সে শুক হইয়া কাঠগড়ার রেলিঙে মাথা রাখিল]

সরকারী উকিল। কালীচরণ !

কালী। বলতে পারছি না হজুর, বলতে আমি পারব না।

সরকারী উকিল। আমি জিজ্ঞাসা করছি তোমাকে। তুমি সেখানে গিয়ে দেখলে তোমার বিধবা বোন পদ্মকে ? রায়বাবু তাকে ভৈরবী ক’রে নিজের বাগান বাড়িতে রেখেছিল ?

[কালী-সম্মতিসূচক ঘাড় নাড়িল]

উকিল। দেখে তোমার ইজ্ঞতে আঘাত লাগল ?

কালী। ইজ্ঞৎ ? (হাসিল) ছোটলোকের ইজ্ঞৎ ? হজুর, গরিবের, ছোট-জাতের ঘরে সুল্লরী মেয়ে হ’লে দেবতার নৈবিত্তির মত বড়লোকের—উঁচু জাতের নৈবিত্তি হয়। সে কথা নয়।

জজ। তবে ?

কালী। সে কথা আমি বলতে পারব না। না আমি বলব না।

[ধনদাপ্রসাদ এতক্ষণ স্থির মূর্ত্তির মত বসিয়াছিলেন, তিনি উঠিয়া দাঁড়াইলেন]

ধনদা। ধর্ম্মাধিকরণের যদি অনুমতি হয়, তবে আমি সে কথা বলব।

জজ। তুমি ?

ধনদা। উপস্থিত আমি সন্ন্যাসী। সংসার-জীবনে আমার নাম ছিল ধনদা-প্রসাদ রায়। [সরকারী উকিল সজ্ঞানাহবকে কি বলিলেন] আমিই ছিলাম সেই জমিদার—রায়বাবু। [ধনদাপ্রসাদ সাক্ষীর কাঠগড়ায় প্রবেশ করিলেন]

জজ। বলুন, আপনি কি বলতে চান বলুন ?

ধনদা। মহামান্ত্র বিচারক, আমি সন্ন্যাসী, সত্যাই আমার একমাত্র দেবতা।

আমি মিথ্যা বলব না। যে ভয়ঙ্কর নিষ্ঠুর সত্যকে কালীচরণ উচ্চারণ করতে পারছে না সেই সত্যকে আমি স্বীকার করব। কালীচরণই আমাকে এ সত্য জানিয়েছিল। আমি জানতাম না। আমি জানতাম না যে, রূপমোহে ধর্মের ভানে যে পন্থকে আমি ব্যভিচারসজিনী করেছিলাম, সে বাগদিনীর গর্ভে আমারই পিতার ব্যভিচার-পাপের ফল, সে আমার ভগ্নী।

জজ। মাই গড! [সমস্ত আদালতে একটা অশ্রুট গুঞ্জন উঠিল]

খনদা। আমি জানতাম না। প্রথমে বিশ্বাসও করি নি। কিন্তু কালীচরণ দেখিয়ে দিলে আমার মুখে এই জরুল, এই তিল, পদ্মের মুখেও ঠিক এক জায়গায় এমনই জরুল, এমনি তিল; কালীর মুখেও দেখলাম তাই। মনে পড়ল, আমার বাবার মুখেও ছিল এমনই জরুল, এমনই তিল। আশ্চর্যের কথা ছজুর, পদ্মের মুখের ওই তিলের দৌন্দর্যই আমাকে হিতাহিতজ্ঞানশূন্য করেছিল। [খনদাপ্রসাদ স্তব্ধ হইল]

জজ। আর আপনাদের কিছু বলবার আছে?

খনদা। আছে।

জজ। বলুন।

খনদা। ধর্মাবিকরণের সম্মুখে সত্যকে আংশিকভাবে গোপন করলে সেও হবে মিথ্যাচরণের সামিল। ধর্মাবতার, আমার পিতার পাপ, আমার পাপ, তখন বংশধর আমার জ্যেষ্ঠ পুত্রের মধ্যে প্রকাশ পেয়েছে। তারাও পাপদৃষ্টি গিয়ে পড়েছিল এই পদ্মের উপর। বংশের পশ্চাত্ত তার মধ্যে চরমতম উন্নততায় আত্মপ্রকাশ করেছিল—উন্নত পশ্চাতে আর তাতে কোন প্রভেদ ছিল না।

কালী। আমি তাকে জানোয়ারের মতই খুন করেছিলাম।

সরকারী উকিল। প্রমদাবাবুকে তুমি খুন করেছ?

কালী। হ্যাঁ। তার আগে দাঙ্গাবাজিতে লোকের মাথা ফাটিয়েছি, লোক মরেছে কিন্তু সে তো খুন নয় সে লড়াই। আর এ—ও—ও—! বড়বাবু সেদিন তুমি আমাকে অভিসম্পাত দিয়েছিলে। তোমার অভিসম্পাতেই—

খনদা। না কালীচরণ, না।

কালী। তবে? কেন আমি খুন করলাম তারাচরণকে? সে আমার ‘বাবা’ ব’লে ডেকেছিল, কেন আমার মনে হ’ল বড়খোকাবাবু তোমাকে ডাকছে? ছজুর, ওই ভুলেই আমার সর্বনাশ হয়ে গেল। রাত্রে যখন পথিক খুন

করতাম, তখন প্রতিজনকেই মনে হ'ত বড়খোকাবাবু। সেদিনও অন্ধকার রাজে পথের ওপর ব'সে ছিলাম, বাদলায় সর্কাক ভিজে হিম হয়ে বাচ্ছিল, আমার অভয় পেট কিদেয় জলে যাচ্ছিল। হজুর, সেদিন ঠিক করেছিলাম আর পাপ কাজ করব না—তাই সাউজী চাল দেয় নাই। তারপর ঘন ঘন মদের তাঁড়ে চুমুক দিচ্ছিলাম। চামড়ার মত পুরু অন্ধকার, তারই মধ্যে হঠাৎ দেখলাম, সামান্য কাঠির মত কি নড়ছে। মাথার মধ্যে খেলে গেল—বড়খোকাবাবু। লাকিয়ে উঠলাম, মারলাম ফাবড়া। সে পড়ল। চীৎকার ক'রে উঠল, 'বাবা'। আমি ঠিক শুনলাম বড়খোকাবাবুর আওয়াজ। ছুটে গিয়ে—আঃ—আঃ—আঃ—। [অধীর হইয়া উঠিল]

সরকারী উকিল। কালীচরণ! কালীচরণ!

কালী। আঃ—হজুর, আমি বড়খোকাবাবুকে খুন করেছি, কত পথিক খুন করেছি, শেষে আমার নিজের ছেলেকে খুন করেছি; বিচার কর, আমাকে সাজা দাও, ফাঁসি দাও। [আদালত শুরু] তবে হজুর, ফাঁসির আগে একদিন আমাকে পেট ভ'রে খেতে দিও হজুর। ভাল—খুব ভাল খাবার, অভয় পেটে, পেট ভরে আমাকে খেতে দিও।

জজ। মিঃ বোম, আপনার কিছু বক্তব্য থাকলে বলুন।

উকিল। ইওর ওনার, এ ক্ষেত্রে আমার বক্তব্য কিছু নেই।

জজ। (জুরীদের প্রতি) জেন্টলমেন, আসামী নিজেই অপরাধ স্বীকার করেছে। আপনাদের মত?

ফোরম্যান। ইওর অনার, আসামী দোষী।

কালী। জয় হোক হজুরের, জয় হোক।

ফোরম্যান। কিন্তু হজুর আসামীর প্রতি ফাঁসির আদেশের পরিবর্তে আমরা ব্যবসায়িক নির্বাসন দণ্ড দিতে ধর্ম্মাধিকরণকে অনুরোধ করি।

কালী। না না, ফাঁসি, ফাঁসি, হজুর আমাকে ফাঁসি দাও।

ফোরম্যান। আসামীর যে পাপ, যে অপরাধ, তার যোগ্য শাস্তির বিধান মাহুকের দণ্ডবিধিতে নেই বলেই সমগ্র বিশ্বের অদৃষ্ট বিচারক নিজে তার দণ্ডবিধান করেছেন বলেই আমাদের বিশ্বাস। এ ক্ষেত্রে যত্নবশত দিলে ঈশ্বরের বিধানকে লঙ্ঘন করা হয় ব'লে আমরা মনে করি।

জজ। আই অ্যাকসেপ্ট ইওর ভারডিক্ট। ১-

কালী। ভগবান! ঈশ্বর! বলতে পার হজুর, আবার যদি পালিয়ে গিয়ে

আমি মাছুষ খুন করি, তবে তোমাদের ভগবান আমাকে আর কোন সাজ দেবে ? আর তো আমার তারাচরণ নেই ।

জজ । Transportation for life—আসামীর প্রতি বাবজীবন নির্বাসন-দণ্ডের আদেশ দেওয়া হ'ল । [কালীচরণ পাগলের মত হাসিতে লাগিল] ইন্স্পেক্টর । চুপ-চুপ-চুপ কর তুমি ।

জজ । ওর মনের আবেগ শেষ করতে দাও ইন্স্পেক্টর —সেটুকু দয়া দেখাতে কার্পণ্য ক'রো না ।

কালী । দয়া ! বিচার ! ঈশ্বরের দণ্ড । [হাস্ত]

ধনদা । কালী ! কালী !

কালী । দয়া ! বিচাব ! ঈশ্বরের দণ্ড ! [উচ্চহাস্ত]

[ধনদা অগ্রসর হইয়া আসিলেন]

ধনদা । কালীচরণ !

কালী । বড়বাবু ?

ধনদা । চুপ কর, স্থির হ ।

কালী । বড়বাবু, তুমি আমার মনিব, আমার ভাই । একটা উপকার কব হজুব । জঙ্গলাহেবকে ব'লে আমার ফাঁসির হুকুম করিয়ে দাও । ফাঁসি । ফাঁসি । বলতে পার, কি ক'রে—কি নিয়ে বেঁচে থাকব আমি ?

ধনদা । ভগবানের নামকে সঞ্চল কর কালী—

কালী । (চীৎকার করিয়া উঠিল) না না না । তার নাম তুমি আমার কাছে ক'রো না । ছোট জাত—পাপী আমি, তার নাম নিয়ে কি ক'রব ? কি হবে ? সে আমার কি করেছে ? কি দিয়েছে ?

ধনদা । না না কালী, ও কথা বলিস নি । তাঁর বিধান—

কালী । তার বিধান ? ভগবানেব-বিধান ! [উচ্চহাস্ত]

ধনদা । কালী !

কালী । মানি না, মানি না । যে ভগবানের বিধানে তোমার বাবা আমার মাকে ভুলিয়েছিল, তাকে আমি মানি না । যে ভগবানের বিধানে তুমি পদ্মকে ভৈরবী করিয়েছিলে—

ধনদা । কালীচরণ, আমাকে ক্ষমা কর । ওরে, আমাকে তুই ক্ষমা কর ।

কালী । যে ভগবানের বিধানে আমাদের বাপের সম্পত্তি সব তুমি পাও, তোমার ছেলেরা পায়, আর আমার চাকরান জমি বাজেয়াপ্ত হয়, তাকে আমি মানি না । যে ভগবানের বিধানে তুমি বামুন, আমি বাপ্পী ; যার

বিধানে তোমাদের জমিতে এত ধান, ঘরে সিন্দুকে এত আলবাব, এত ধন, তোমাদের এত স্বখ, আর আমার গড়া ক্ষেত চ'লে যায়, ভাঙা ঘস্লে জল পড়ে, পোষপার্শ্বণের দিনে পেটের জ্বালায় বোন বেরিয়ে চলে যায়, তাকে আমি মানি না। বলতে পার বড়বাবু, তার বিধানে কেন তুমি ছুধে ভাতে পেট পুরে খাও, ফেলে দাও, পোষা কুকুরকে দাও, তবু তোমার ফুরোয় না, আমি একবেলা আধপেটা খেতে পাই না? স্ত্রী-পুত্রের মুখে তুলে দিতে পাই না? কেন? কেন?

ধনদা। অপরাধ, আমার অপরাধ, আমার পিতৃপুরুষের অপরাধ আমি স্বীকার করেছি কালীচরণ। এ বিধান ভগবানের নয়। এ বিধান মাহুষের গড়া বিধান।

এ বিধান থাকবে না, ভেঙ্গে যাবে। আমি বলছি তোকে, ভেঙ্গে যাবে। কালী। কবে? কবে? কবে?

ইন্স্পেক্টর। আপনি আর কথা বলবেন না। আপনি এখান থেকে চ'লে যান।

ধনদা। কালী, পারিস তো আমায় ক্ষমা করিস ভাই। [প্রস্থান]

ইন্স্পেক্টর। এস তুমি।

কালী। (জয়্যার দিকে চাহিয়া) বউমা।

[জয়্যার দিকে চাহিল। সেই মুহূর্তেই বাহিরে শব্দ উঠিল 'খুন! খুন!' এবং শব্দকে ছাপাইয়া ভাসিয়া উঠিল পদ্মের হাস্যধ্বনি। বুকে ছুরিকাঘাত অবস্থায় ধনদাপ্রসাদ পিছনে হটিয়া ঘরে প্রবেশ করিয়া বসিয়া পড়িলেন। সঙ্গে সঙ্গে একজন কনষ্টেবল পদ্মকে ধরিয়া লইয়া প্রবেশ করিল। পদ্ম হা-হা করিয়া হাসিতেছিল।]

কনষ্টেবল। এই খুন করেছে, এই।

পদ্ম। (হাসিতে হাসিতে) তোমার ছুরি, তোমার বুকেই বসিয়ে দিয়েছি।

কালী। পদ্ম!

ধনদা। (ষষ্ঠপার মধ্য) কালী, এইবার আমায় ক্ষমা কর কালী।

কালী। (ধনদার পাশে বসিল, তারপর উপরের দিকে মুখ তুলিয়া বলিল)

ভগবান, ভগবান, দয়া কর দয়াময়। ক্ষমা কর ঠাকুর। বড়বাবুকে ক্ষমা কর, আমাকে ক্ষমা কর, পদ্মকে ক্ষমা কর। মাহুষকে ক্ষমা কর প্রভু। ভগবান, মাহুষকে তুমি হিংসে তুলিয়ে দাও, তাকে তুমি স্বখ দাও, তুমি তার চোখের সামনে থাক। তাকে তুমি শাস্তি দাও ঠাকুর। তাকে পেট ভ'রে—পেট ভ'রে খেতে দাও দয়াময়।

যবনিকা

চরিত্রলিপি

নিতাই
রাজন
বৃন্দাবন
বেনেমামা
মহাদেব
বিপ্রপদ
মাস্তহ
ভূতনাথ
বেহালাবাদক
চালা

১ম, ২য়, ৩য়, লোক, গ্রামবাসী, কবিগানের দর্শক ।

বসন
ঠাকুরঝি
রাণী
পিসী
ঠাকুরঝির শাওড়ি
মাসী
নির্মলা

কবি

প্রথম অঙ্ক

প্রথম দৃশ্য

[গ্রাম প্রান্তরের মধ্য দিয়া পথ চলিয়া গিয়াছে (অথবা রেল লাইন),
পথের ধারে একটি বটগাছ । সেই বটগাছ তলার নিতাই

বসিয়া আপন মনে গান গাহিতেছে ।]

(আহা) আমি ভালবেসে এই বুঝছি

স্বপ্নের সার সে চোখের জলে রে ।

তুমি হাস আমি কাঁদি

বাঁশী বাজুক কদমতলে রে ।

নিতাই । (নিজেই বলিল) বলিহারির পদ হয়েছে । বলিহারির পদ !
কিন্তুক তারপরে ? (লাইন দুইটা ভাঁজিতে ভাঁজিতে বাহিরে চলিয়া গেল)

[জন-দুই পথিক প্রবেশ করিল]

১ম । নেতাই নয় ? নেতাই দাস ?

২য় । তা লইলে আর অমন গলা কার হবে । ছোটজাতের ছেলে হলে
কি হবে, গলাখানা দিয়েছে বটে ভগবান । চমৎকার ! তা ছাড়া—

১ম । আপন মনে ঘাড় নাড়ছে দেখ ! ছোকরা খানিক পাগল আছে
বুঝেছ !

২য় । পাগল নয় । গান বাঁধছে । ও যেসব গান গায় সেসব ওর
নিজের বাঁধা । হাঁ ।

১ম । মিছে কথা । এর হু' কলি ওর এক কলি নিয়ে চুরি করে মায়ে ।
গান বাঁধা সোজা কথা । চল, মুখে মুখে বেঁধে গাওয়া কি রকম ব্যাপার তা
আজ দেখবে চল । চণ্ডীমায়ের মেলায় চল । নোট- দাস মহাদেব ঘোষ
দুই বাঁধা কবিরালের গান শুনে বুঝতে পারবে । চল । আমিও পারি ।

একের সঙ্গে দেখ, দেখে, দেখের সঙ্গে খাখ। খাখের সঙ্গে ল্যাখ। কিন্তু তা হবে না। পদের সঙ্গে গেয়ে মেলাতে হবে। মেলাও।

২য়। একেবারে হয় না তা নয়। তবে সে ঝকঝকি বটে।

১ম। হুঁ-হুঁ ঝকঝকি। বাবা মাথা ধরাপ করা ঝকঝকি, তবে আর বলছি কি।

[নিতাইয়ের প্রবেশ]

নিতাই। (হেঁট হইয়া হাত জোড় করিয়া) আজ্ঞে প্রভু, আমি বলব ? অধীন অঙ্গুলের পুষ্প। তা হলেও ও ঝকঝকির আসান করতে পারি।

১ম। তুই বলবি ?

২য়। বল, বল শুনি ! মেলা একের সঙ্গে পদ গেয়ে মেলা।

নিতাই। (সুরে) ও ঝকঝকি এক।

বৈঁচে থাকাই এক নম্বর মনরে ভেবে দেখ।

২য়। ওই শোন !

নিতাই। আর বলব প্রভু ?

২য়। একের সঙ্গে নয়। তুইয়ের সঙ্গে।

নিতাই। ঝকঝকি তুই—

বাড়ালি মন, দেনা করে বিয়ে করলি তুই।

আহা তার ওপরে ঝকঝকি, ঝকঝকি তিন

বউ বাড়ায় পুতু কত্তে, স্বদ বাড়ায় ঋণ ॥

২য়। বলিহারি ! বলিহারি ! you are a poet ! এঁ্যা ? বলিহারি !

১ম। তোমার মুণ্ড। তোমার সঙ্গে তর্ক করাই আমার ঝকঝকি হয়েছিল। ছোটলোকের সঙ্গে ইয়ার্কি করতে তোমার লজ্জা হয় না, তা জানতাম না। বুঝেছ ! চোরের বংশ। কুলি একটা ! হুঁ ! (বলিতে বলিতে সে প্রস্থান করিল)

২য়। আরে, দাঁড়াও ! দাঁড়াও ! (নিতাইকে) তুই যেন কিছু মনে করিসনে নিতাই ! ওকে তো জানিস !

নিতাই। (হাসিয়া) কি মনে করব পুতু। চোরের বংশও বটে। কুলিগিরিও করি। ভগবানের দেওয়া কলঙ্ক—এ যে কপালের নেকন।

[দ্বিতীয় জনও প্রস্থান করিল। নিতাই দীর্ঘনিশ্বাস ফেলিয়া গুন গুন করিতে করিতে গাহিল]

নিতাই। (যুহুস্বরে) আহা—আমি নিব নিব সব কলঙ্ক
তুমি হবে আমার রাজা !
হার মানিব—হার মানিব—

[গানের মধ্যেই প্রবেশ করিল তাহার পিসী]

পিসী। নেতাই !

নিতাই। (চমকিয়া) পিসী !

পিসী। এখানে গাছতলায় বসে গান জুড়েছিস তুই, আমি খুঁজে সারা।
মোট বয়ে ঘর এলি ভাত খেতে ; ভাত নামে নাই, বসতে বললাম। তা
তোর আর তর সইল না। চলে এলি।

নিতাই। কি কবব বল ? বললাম তো দাদা কাকা অকথা কুকথা বলতে
লাগল। সইতে পারলাম না।

পিসী। অকথা কুকথা ? কি অকথা কুকথা নেতাই ? তোকে তো
দলের সঙ্গে রাতে বার হতে বলেছে।

নিতাই। ই্যা—চুরি করতে।

পিসী। সে অকথা হ'ল ? ছোট জাতে জন্ম। পুরুষে পুরুষে এই
কাজ করে আসছে। ভগবান ছিষ্টির সময় আমাদের নেকনে এই কাজ
নিকে দিয়েছে। তোর বাপ—

নিতাই। তোমার পায়ে পড়ি পিসী, বাবার কথা তুল না, আমি
তার ছেলে।

পিসী। তোর বাপ চুরি করে নাই ?

নিতাই। করেছে। পিসী আমি নিতি ভগমানের কাছে বলি—
প্রভু, আমার যদি কিছু পুণ্ডি থাকে, তাই নিয়ে আমার বাবার চুরির পাপ তুমি
খণ্ডন কর।

পিসী। আমার কপাল রে কপাল ! নইলে দু বছর বয়সে তোর বাপ
মল—মা মল চার বছরে, সেই এতটুকুন ছেলে আমি খুঁটে খুঁটে মাছুষ করলাম।
তোর এমন মতি হ'ল আমার কপালে। বুঝলি ? কি নেকাপড়া শিখতে

গেলি ও নায়েট ইহুলে, কি ক-খ-শিখলি, রামায়ণ মহাভারত পড়লি—হায়-হায়-হায়। লাঠিয়াল দালাবাজের বংশ, সেই বংশের ছেলে, তুই এলি ইষ্টিশানে—হুলিগিরি করতে। আর বাড়ী আর।

নিতাই। না পিসী। আমি ইষ্টিশানে থেয়েছি। আমি মেলায় যাব। বড় কবিরালের কবি-গান হবে। তুমি বাড়ী যাও। আমি যাব না।

পিসী। নেতাই, কথা শোন, বাড়ী চল।

নিতাই। না, আমি জানি পিসী, আজ মেলায় কবি-গান, দেশের লোক গান শুনতে আসবে—আজ রাতে দাদারা কাকারা নিশ্চয়—

পিসী। নিতাই!

নিতাই। লোক আসবে পিসী। শুনতে পাবে। তুমি বাড়ী যাও, আমি যাব না।

পিসী। নেকন। তোর নেকন। ছোট জাতের ছেলে—গায়ের করে গায়ের শুনে হবে কি তোর? শেষ ভিক্ষে করতে হবে বলে দিলাম।

নিতাই। ঠাই করব পিসী হরিবোলে। কিন্তু লোক আসছে—বাড়ী যাও।

পিসী। চলাম। তোর লনাটে অনেক দুর্গতি রে, অনেক দুর্গতি। [প্রস্থান]

[নিতাই চূপ করিয়া দাড়াইয়া রহিল কিছুক্ষণ। ফেরিওয়াল প্রবেশ করিল।]

চানাচুর। চানাচুর। চানাচুর। কুড়মুড়, কুড়মুড়।

টাটকা ভাজা, খেতে মজা।

তার সঙ্গে ঘুঘনিদানা ভাদলোকের জন্তে আনা

লাও খেয়ে ভাই দু চার আনা

ফুরিয়ে গেলে আর পাবে না।

[সকলের প্রস্থান]

নিতাই। (গান ধরিল) আমি নিব সব কলহ

তুমি হবে আমার রাজা

হার মানিব—হার মানিব

জয়ের হালা হুলিয়ে দিবে তোমার গলে রেঃ

আমি ভালবেসে এই বুঝছি—

[ঠাকুরঝি ঠিক সময়ের মাথায় আসিয়া প্রবেশ করিল। তাহার চোখে আনন্দদীপ্ত দৃষ্টি]

ঠাকুরঝি। কবিয়াল!

নিতাই। তুমি?

ঠাকুরঝি। (হাস্তোদ্ধাসিত মুখে কথা বলিতে বলিতে কাছে আসিল)
আমি দূর থেকে তোমার গলা শুনতে পেয়েছি। ঠিক বুঝেছি এ তোমার
গলা, তোমার গান। দিদিরা কলকল করে কথা বলছে, ওরা শুনতে পায় নাই।
আমি শুনেছি। (মুহূর্ত্তে)

ভালবেসে এই বুঝেছি—

তারপর কবিয়াল? তারপর কি? এ গান তুমি নতুন বাঁধলে?

নিতাই। বাঁধছি, এখনও শেষ হয় নাই ঠাকুরঝি।

ঠাকুরঝি। তুমি আমাকে ঠাকুরঝি বল ক্যানে কবিয়াল?

নিতাই। তুমি আমার পরাণের বন্ধু রাজনের ঠাকুরঝি। তাই তোমাকে
আমিও বলি ঠাকুরঝি। তুমি কি রাগ কর?

ঠাকুরঝি। না—। ভারি মিষ্টি লাগে।

নিতাই। তবে? শুধালে যে?

ঠাকুরঝি। শুধালাম—এমনি। জামাইকে তুমি খুব ভালবাস, নয়?

নিতাই। রাজন আমার ছেঁট বন্ধু ঠাকুরঝি!

ঠাকুরঝি। আর আমি?

নিতাই। তুমি আমার মনের মাহুষ। সেই গান বেঁধেছি—

ও আমার মনের মাহুষ গো।

তোমার লাগি পথের ধারে বাঁধিলাম ঘর।

ছটায় ছটায় কিকিমিকি তোমার নিশানা

আমায় সেথা টানে নিরন্তর।

ঠাকুরঝি। ও মা! ও গান আমার জন্তে বেঁধেছ?

নিতাই। রোজ দুপুরে আমি লাইনের ধারে গাছতলায় দাঁড়িয়ে থাকি।
তুমি কতদিন শুধিয়েছ। বলেছ—চায়ের এত নেশা? কিন্তু আমি তার জন্তে
দাঁড়িয়ে থাকি না। আমি দেখি সেই দূরে লাইন দুটো যেখানে এক হয়ে
গিয়েছে মনে হয়, যেখানে লাইন দুটো বেকে খুঁয়ে গিয়েছে সেইখানে হঠাৎ এক

সময় যেন একটি ধবধবে কাশফুল হিল-হিল করে নড়তে থাকে, যেন আকাশের গা থেকে বেরিয়ে আসে। মাথায় তার একটি সোনার টোপা। সেই সোনার টোপায় রোদুর পড়ে বিকিমিকি লাগে। সোনার টোপা মাথায় কাশফুলটি চলতে চলতে এগিয়ে আসে। আমার সামনে দাঁড়ায়, তখন চোখ মেলে দেখি—সে কাশফুল নয়। সে তুমি। মাথায় সোনার টোপাটি হয়ে যায় তোমার মাথার চকচকে মাজা দুধের ঘটি। ছটায় ছটায় বিকিমিকি তোমার নিশানা আমাকে টানে ঠাকুরঝি!

ঠাকুরঝি। তুমি এত ভাল কবিরায়াল—তোমার গান এত ভাল—তোমার কথা এত ভাল—আমার এত ভাল লাগে!

নিতাই। তোমার ভাল লাগে?

ঠাকুরঝি। মনে হয় সারাক্ষণ তোমার কাছে বসে থাকি—কথা শুনি, গান শুনি। জান, দিদি বকে—দিদি তোমাকে দেখতে পারে না।

নিতাই। না-না-না। দিদি যে তোমার রাগী গো। রাগীর মেজাজ একটু গরম হবে না?

ঠাকুরঝি। রাগী? রাগী কি করে হল? ওর নাম তো রমা দাসী।

নিতাই। উহুঁ। রাগী! রাজার স্ত্রী রাগী।

ঠাকুরঝি। ও। তাই বুঝি রাগী বল। ছেলেটাকে বল যোবরাজ। কবিরায়াল কিনা!

নিতাই। আমি কুলি ঠাকুরঝি। রেল ইন্টিশানে মোট বহন করি তবে অন্ন জোটে। ছোটজাতের সন্তান। আমার গান কে শুনবে বল? কে আমার সঙ্গে পাল্লা দেবে? আর আমি পারবই বা ক্যানে?

ঠাকুরঝি। না! পার না? একবার গেয়ে দেখ না কি হয়? তোমার মতন গলা, এমন গান, শুনে আমার চোখে জল আসে। কবিরায়ালরা গালাগাল করতে পারে। চোখে জল আনতে পারে না। তুমি গাইলে ওদের গান কেউ শুনবে না। দেখো তুমি।

নিতাই। কিন্তু সে ভাগ্যি আমার হবে না ঠাকুরঝি। আমি ছোটজাত। বড় সাধ ছিল—জান কাউকে বলিনি। আজ তুমি কথা তুললে—তাই বলছি—বড় সাধ ছিল—আমি কবিরায়াল হব—

[নেপথ্যে রাজার স্ত্রীর কণ্ঠস্বর]

রাজার জ্ঞী (নেপথ্যে)। ছুটকি! ওলো ও ছুটকি! বলি গেলি কোথা।
 গ্রামা! অ—ছুটকি! তুর্কী ঘোড়ায় মত যে এগিয়ে এলি—বলি তোর
 আঙ্কেল কবে হবে? বিয়ে হয়েছে—লজ্জা হয় না তোর!

নিতাই। তোমার দিদি আসছে। আমি এগিয়ে চলে যাই। নইলে
 তোমাকে হয়তো বকবে। কই রাজন তো আসছে না?

ঠাকুরঝি। সে টেরেন পাশ করে তবে তো আসবে।

নিতাই। আমি যাই। মন্দিরে মাকে পেনাম করে মেলায় যাব।

রাজার জ্ঞী (নেপথ্যে)। ওলো অ—ছুটকি—

ঠাকুরঝি। আমিও পালাই। যাই এগিয়ে ওদের কাছেই যাই।

[উভয়ের উভয় দিকে প্রস্থান একজন ফিতে-কার-মালা ফেরিওয়ালার প্রবেশ]

ফেরিওয়াল। দু আনায় চার হাত কার,

শক্ত কার মজবুত কার

চুল বাঁধলে খুলবে না

জামাই বাঁধলে ছিঁড়বে না— [চলিয়া গেল]

[বৃন্দাবন অর্থাৎ ঠাকুরঝির স্বামী ও রাজনের জ্ঞীর প্রবেশ। সঙ্গে
 ঠাকুরঝি]

রাজনের জ্ঞী। বৃন্দাবন, তুমি সাত আনার ঐ কার কেনো। বলি
 শুনছ?

বৃন্দাবন। কার? সাত আনার? চোদ্দ হাত?

রাজনের জ্ঞী। হ্যাঁ। চোদ্দ হাত। ছুঁড়িকে সাত পাক বেঁধে কায়দা
 করতে পারলে না। আরও চোদ্দ পাক বাঁধ! বুঝেছ! ঘোড়ার মত
 ছুটছে।

[স্টেজ অতিক্রম করিয়া চলিয়া গেল]

দ্বিতীয় দৃশ্য

চণ্ডীতলার দেবস্থান

[মন্দিরের মধ্যে দেবী রহিয়াছেন। সম্মুখে ভক্তেরা আসিয়া প্রণাম করিতেছে, চলিয়া যাইতেছে। একদিকে একটি বাঁধানো চত্বর। সেখানে মহাস্ত বসিয়া আছেন। মহাস্ত সন্ন্যাসী। পাশে কলিকাতার চাকুরে গ্রাম্যবাবু মহাদেববাবু; এক আনা রকমের জমিদার, গাঁজাখোর কালা ভূতনাথ; আরও দু' একজন বসিয়া আছে। একজন সন্ন্যাসী মন্দিরের সম্মুখে চণ্ডীর শ্লোক আবৃত্তি করিতেছে।]

যা দেবী সর্বভূতেষু ক্ষুধারূপেণ সংস্থিতা
নমস্তস্তৈ নমস্তস্তৈ নমো নমঃ ।
যা দেবী সর্বভূতেষু তৃষ্ণারূপেণ সংস্থিতা
নমস্তস্তৈ নমস্তস্তৈ নমস্তস্তৈ নমো নমঃ ॥

মহাস্ত। ওই শোন বাবা, ওই শোন। মা হলেন সাক্ষাৎ ক্ষুধা—সাক্ষাৎ তৃষ্ণা। বুকেছ। মায়ের ক্ষুধা! বিশ্ব ব্রহ্মাণ্ড খেয়েও পেট ভরে না। এ তো দেবোত্তরের সামান্ত আয়। খেতেই সব ফুরিয়ে যায়। তা যাত্রাগান! আয়ে কুলোর না, যাত্রাগান হবে কোথা থেকে?

ভূতনাথ। (মাটিতে চাপড় মারিয়া) নেহি শুননে মাংতা ছায়। (ভেজাইয়া) খেইতে ফুরিয়ে যায়। মা ছায়? চালাকি করবার জায়গা পাওনি গোসাঁই? মা মাটির—পুরুত অবলা—তোমার ঝুলিতেই সব ঘুসু যাতা ছায়। বার কর টাকা। যাত্রা আনতে এখুনি লোক পাঠাব। মেলাতে কি হচ্ছে? না—শুধু কবিগান! নেহি চলে গা।

মহাদেব। আপনি সেবাইতের একটা হিসেব দেন মহাস্ত বাবা। We are the zaminders of the village and the zaminders are the সেবাইটস্ of মা চামুণ্ডা।

[মহাস্ত ওপাশ হইতে একটি পিতলের ঘটি বাহির করিয়া উপুড় করিয়া দিল, হা-হা করিয়া হাসিয়া বলিল—]

মহাস্ত। এই নাও বাবা হিসেব। এই দশ টাকা দু' আনা তিন পয়সা মজুত। আর সব ওই ক্ষুধারূপিনী বেটির পেটে গিয়েছে। আর যা মজুত তা লোকের ঘরে। প্রজার কাজে খাজনা কিছু বাকী। আর যারা মানত করেছে, তাদের কাছে মানত বাকী ; তার হিসেব তাদের মনে আছে। আমি জানি না।

ভূতনাথ। (দু'-আনি তুলিয়া লইয়া বলিল) ওরে জটে, জটে, নিয়ে আয় দু' আনার গাঁজা, নিয়ে আয়। (চলিয়া গেল)

মহাদেব। কিন্তু এরকম হ'লে মেলা হবে না, উঠে যাবে।

মহাস্ত। কিছু যাবে না বাবা। সব ঠিক হবে। দুই আচ্ছা কবিরাল এনেছি। নোটন দাস—মহাদেব ঘোষ। এ বলে আমাকে দেখ—ও বলে আমাকে দেখ। হৃন্দ উপস্থানের লড়াই। লড়াই দেখতে দশখানা গায়ের লোক ভাঙবে।

[একজন চালা প্রবেশ করিল]

চালা। আলো দিতে হবে বাবা। আসরে আলো চাই।

মহাস্ত। আসর পাতা হয়ে গেল ?

চালা। ই্যা। সতরঞ্চ পেতে দিয়েছি।

মহাস্ত। বাবুদের জন্তে চেয়ার বেঞ্চি ?

চালা। তাও দিয়েছি।

মহাস্ত। লোকজন কেমন হয়েছে হে ? লোকজন ?

চালা। লোক অনেক। মেলা গমগম করছে।

মহাস্ত। (হাসিয়া) শোন বাবা শোন। মেলা গমগম করছে।

মহাদেব। But they are all ছোট লোকস্ ! ভদ্রলোক কি শুনবে ?

মহাস্ত। ওই কবিগানই শুনবে। শুনে দেখ। নোটন-মহাদেবের পান্না, সে একটা কুরুক্ষেত্র ব্যাপার। দেখে তারপর যা বলবে বলো ! (চালাকে) যাও—আলো জেলে দাও গে। কুমাৰিশ ময়রার দোকানে আলো আছে। বুকেছ ! যাও। নোটন মহাদেবকে খবর দাও। আসর তৈরী।

[ভূতনাথের প্রবেশ। সে গাঁজা টিপিতে টিপিতেই প্রবেশ করিল]

ভূতনাথ। এঁ্যা কি বলছ ?

মহাস্ত। (জোরে) টেপ, জলদি তৈরী কর। আসন্ন পাতা হয়েছে। মহাদেব-নোটনকে খবর দিতে বললাম।

ভূতনাথ। মহাদেব আমার কাছে গিয়েছিল। গত বছর তাকে টাকা দাও নাই।

মহাদেব। Yes, আমিও শুনেছি। নোটন দাসও পায়নি টাকা! সে গজগজ করছিল!

মহাস্ত। গজগজ? না-না-না। কক্ষনো না। গত বছর টাকা তারা পায়নি? ইঁ্যা পায়নি। শেষ পর্যন্ত কুলোল না। মেলার শেষে ওরা এল বিদায়ের জন্তে—তা আমি মায়ের পায়ের টকটকে রাঙা জবা ওদের হাতে তুলে দিয়ে বললাম, এই হল তোমাদের সবচেয়ে বড় বিদায়। বুঝেছ! টাকা তো সামান্য জিনিস। হাতের ময়লা। সেও পাবে। আসছে বার। আসছে বার গাওনার পাওনা থাকল। এসে দাঁড়াবে, এ টাকা দিয়ে দোব। দু বছরের টাকা এক সঙ্গে।

মহাদেব। দেওয়া হয়েছে সে টাকা?

মহাস্ত। দোব। দোব। ওরা সকালে এসেছিল। বলেছি, দোব—নিশ্চয় দোব।

ভূতনাথ। কবে দেবে? পুঁজি তো দশ টাকা দু আনা।

মহাস্ত। তার মধ্যে দু আনার গাঁজা এল। টেপো টেপো জলদি তৈরী কর। বেশ মৌজ করে কবিগান শুনতে হবে। কাট-কাট। নাও কাটনি নাও। জল দাও। এখন কি কথা হচ্ছে? টাকার কথা! ইঁ্যা—মা আমার ভিখারীর গৃহিণী, মায়ের আমার খেতে কুলোয় না। অথচ মেলায় গান বাজনা চাই—রোশনাই চাই। নিশ্চয় চাই। মা আমার ঐশ্বর্যময়ী রাজরাজেশ্বরী গো। টাকা চাই। মাকে এখন ছাওনোট কাটাতে হবে। না কাটলে আর উপায় নাই।

[ঠিক এই সময়ে ও দিকে প্রবেশ করিল নিতাই। সে নতজাছ হইয়া মাকে প্রণাম করিল। হাত জোড় করিয়া বসিয়া রহিল।]

ভূতনাথ। চেংচণী। কালী কপালী নরমুণ্ডমালী বহুবম্ ভোলা জটা-জুটবালা—প্রসাদ করো বাবা আও মা—মায়্যা আওর মোহ টুট ফুটকে বা—

মহাস্ত। এই টুট ফুটকে যা। মায়্যা আর মোহ। বিষয় আর টাকা।
লাও বাবা টাকা, মা চামুণ্ডাকে দাদন দাও। এমন খাতক আর মিলবে না।
কুবের খাজাঞ্চি। ধর্মের কাগজে, কামনার কালিতে লেখা হ্যাণ্ডনোট নিয়ে অর্থ
দাও, মোহ কাটুক। ওপারে মোক্ষ স্তম্ভ সমেত পরমার্থ, কড়ায় গুণায় মিটিয়ে
পাবে।

ভূতনাথ। লাও, লাও, ব্যাজ ব্যাজ করো না। আগুন দিয়ে নিবেদন কর।

[কঙ্কেতে শ্রাকড়া জড়াইতে লাগিল। বাহিরে অর্থাৎ মেলা হইতে
কলরবের মধ্যে ধ্বনি উঠিল]

হরি হরি বলো ভাই। হরিবোল!

[মহাস্ত চকিত হইলেন। মহাদেব চমকিয়া বলিলেন—]

মহাদেব। What's that?

[ভূতনাথ উৎকর্ণ হইয়া হাতে কঙ্কে ধরিয়াই মহাস্তকে প্রশ্ন করিল]

ভূতনাথ। কি হ'ল? চাঁচায় কেন সব?

[ছুটিয়া আসিয়া প্রবেশ করিল চালা]

চালা। মহাস্ত বাবা! নোটন পালিয়েছে!

মহাস্ত। পালিয়েছে?

চালা। ই্যা। লোক পাঠিয়েছিলাম, সে ফিরে এসে বললে—নোটনের
বাসা খালি খাঁ খাঁ করছে। আমাদের দেওয়া সতরঞ্চখানা পড়ে আছে।
টোল কঁাসী কাপড় চোপড় দোহার নোটন কিছুই নাই, কেউ নাই।

মহাস্ত। গেল কোথায়? যাবে কোথায়?

[ভূতনাথ টোঁ টোঁ করিয়া নিজের কঙ্কেতে টান দিতে লাগিল।

নিতাই আগাইয়া আসিয়া হাত জোড় করিয়া দাঁড়াইল]

নিতাই। আজ্ঞে পভু, সে বোধ হয় আলেপুয়ের মেলায় চলে গিয়েছে।

মহাস্ত। আলেপুয়ের মেলা?

নিতাই। আজ্ঞে ই্যা। আমি ইস্তিশানে কুলির কাজ করি। তিনটে
ট্রেনে আলেপুয়ের লোক নেমেছিল; সে বললে, নোটন দাসকে নিতে এসেছে।
বোধহয় সেই খানেই গিয়েছে সে।

মহাস্ত। আলেপুয়! এখান থেকে দশ ক্রোশ! পাখী দশ ক্রোশ উড়ে
চলে গেল!

মহাদেব। টাকা পায়নি, সেই জেগেই চলে গিয়েছে!

[ভূতনাথ উঠিয়া দাঁড়াইল বীর বিক্রমে। যালকোঁচা মারিল।
দুইটা আঙুল তুলিয়া ধরিল]

ভূতনাথ। দোঠো আদমী। দুটো লোক। দাও আমার সঙ্গে দুটো
লোক। একুনি চলে যাব। চুলের মুঠো ধ'রে তুলে আনব নোটনকে।
কতকণ, দশকোশ পথ ছলকি চালে চলে যাব।

[সে ছলিতে লাগিল। যেন ছলকি চালেই চলিতেছে। ঠিক সেই
সময়েই বাহিরে একজন চাঁৎকার করিয়া উঠিল—]

নেঃ লোক। রাখা! রাখারে! (ডাকিতে ডাকিতে প্রবেশ করিল)
বাড়ী আয়। কবি হবে না। (দুইটা বুড়া আঙুল নাড়িল) নোটন দাস
ভাগল বা। বলিহারি—। (বাহিরে হরিধ্বনি ধ্বনিত হইল)

ভূতনাথ। (লাফ দিয়া পড়িল) কে রে হারামজাদা!

মহাস্ত। (তাহাকে ধরিল) থাম! সকলে থাম! মায়ের কথা, আমার
কথা নয়। শোন। (হাত তুলিয়া দাঁড়াইয়া রহিল। জনতা স্তব্ধ হইল)

মহাস্ত। মা বলছেন। মা চামুণ্ডা। আমার কানে কানে বলছেন।

ভূতনাথ। (চটিয়া) কি বলছেন?

মহাস্ত। (আঙুল তুলিয়া) তাঁর ইচ্ছা!

ভূতনাথ। কি? কি? কি?

মহাস্ত। তাঁর ইচ্ছাতেই নোটন পালিয়েছে।

ভূতনাথ। তার মানে—তাঁর ইচ্ছাতেই কবিগান বন্ধ। গান তিনি
শুনবেন না!

মহাস্ত। না। গান তিনি শুনবেন।

মহাদেব। শুনবেন তো একদিকে গাইবে কে?

মহাস্ত। আছে, লোক আছে। চিন্তা কি তাঁর জেগে। চিন্তামণি যে
পাগলীর দরবারে বাঁধা! তাঁর চিনির ভাবনা? ডাক মহাদেবকে?

[মহাদেব কবিরাল পাশেই ছিল, সে প্রবেশ করিল]

মহাদেব কবিরাল। (প্রণাম করিয়া) আজ্ঞে বলুন।

মহাস্ত। মায়ের ইচ্ছে, গুরু শিষ্টো বণ হবে। রাম রাবণের যুদ্ধের
চেয়ে কুরুক্ষেত্র কম নয়। দ্রোণাচার্য অৰ্জুনের যুদ্ধ। ভূমি দ্রোণ আর তোমার
দোহার অৰ্জুন। লাগাও কবি-গান। মায়ের ইচ্ছা।

মহাদেব। আজ্ঞে প্রভু, মায়ের ইচ্ছায় আমার মোহার তো আসে নাই।

মহাস্ত। আসে নাই ?

মহাদেব। আজ্ঞে প্রভু, গতবারের টাকা পায় নাই—

মহাস্ত। এবার পাবে।

মহাদেব। সে প্রভুর ইচ্ছে। মায়ের দয়া। আমি তারই ওপর ভরসা ক'রে এসেছি। তারা ভরসা করতে পারে নাই। আসে নাই। আসবার দিন—জ্বর হয়েছে বলে মিছে করে কাঁথা চাপিয়ে শুয়ে রইল। ভাবলাম—তা বেশ। ওখানে নিতাই আছে, ওকে নিয়ে চালিয়ে দোব। ছোকরার গলা ভাল, এক আধটু—।

[নিতাই আগাইয়া আসিল]

নিতাই। (হাত জোড় করিয়া) পারি। এক আধটু পারি। (মহাদেবের পায়ের ধুলো লইয়া) গুরু ইনিও আমার গুরু। আমিও শিষ্য। অহুমতি করেন তো আমি অজ্ঞান হ'য়ে গুরুর সঙ্গে—

মহাদেব। কখনও না। ছোটলোকের ছেলে দয়া করে মোহারের দলে বসতে দিই—তা বলে ওর সঙ্গে কবি আমি গাইব না। অজ্ঞান, বেটা আমার অজ্ঞান—

নিতাই। তা হ'লে আমি একলব্য, ব্যাধের ছেলে; অজ্ঞান বলে তুমি আমাকে শিক্ষা দাও নাই। আমি বনে একমনে তোমাকে গুরু ভজ্ঞে শিক্ষা করেছি। আজ গুরু দক্ষিণা দোব, বুড়ো আঙুল কেটে দোব।

মহাস্ত। ঠিক আছে, ঠিক আছে তাই হবে।

মহাদেব। ছোটলোক কুলির সঙ্গে আমি গান করব না।

[ইতিমধ্যে কিছু লোক আসিয়া দুই পাশে জমিয়াছিল। তাহাতে বোঝা যাইতেছিল যে বাহিরে জনতা জমিয়াছে। তাহাদের মধ্যে রাজন আসিয়া দাঁড়াইয়াছিল। এক পাশে ছিল ঠাকুরবি মেয়েটি।]

রাজন। (আগাইয়া আসিল) তব মহারাজ তুমি হার মান লেও। নেহি তো হাম নেহি ছোড়গা। ই। ছোটলোক ছোটলোক। ছোটলোক গান কয়েগা—তোমরা সাথ ভাত নেহি খায়েগা। গানা সে হারায় দেও নেহি তো হার মান লেও হামারা ওস্তাদকে পাশ।

নিতাই। রাজন তুমি খাম। দাঁড়াও। পঙ্কজা আছেন, আর দেশের পঙ্কজন আছেন, আর আছেন মা চামুণ্ডা। অধীনের নিবেদন শুনুন—নিবেদন ওই ঠর কাছে—ওই দোনাচায়েঁর কাছে—(বলিয়াই সে ধরিয়া দিল সুরে—)

বাস্তন পেধান ওহে দোনাচায়া
গুরু হয়ে তোমার একি অস্তায় কায়া ?
আমি একলব্য নহি সভ্যভব্য
না হয় ব্যাধের ছেলে, বনে আমার রাজ্য
কিন্তু তোমার শিষ্য কহি সত্য শ্রব্য ।
দশের সাক্ষাতে পা নিলাম মাথাতে

[মহাদেবের পায়ের ধূলি লইল]

তা হ'লে রণং দেহি, হার জিত হোক ধায়া ।

রাজন। বলিহারি বলিহারি। জয় নীয়ারাম। জিতা রহো মেরে কবিয়াল, জিতা রহো। আপোষ মে গানা করো নেহি লাগে গানাকে লড়াই। নেহি তো মানো হার।

মহাস্ত। বলিহারি—বলিহারি। ঠিক বলেছ তুমি। তুমি তো সেই ইস্টিশনের পয়েন্টস্ম্যান ? লড়াইয়ে গিয়েছিলে ?

রাজন। (নত হইয়া নমস্কার করিয়া) হাঁ সাধুবাবা। গোড় লাগি আপকে। হম রাজা দাস—ছোট জাত—রেলকে পয়েন্টস্ম্যান, মেরে কবিয়ালকে দোস্ত।

মহাদেব। (হঠাৎ কপালে চাপড় মারিয়া) হায়রে আমার কপাল ! মা শেষে তুই এই করলি মা ? (বলিয়াই সে সুরে গান ধরিয়া দিল—)

টাকা-কড়ি চাইনে কো মা তোঁর দণ্ড সাজা ফিরিয়ে নে
হায় মহিষের কৈলে বাছুর-বধের হুকুম ফিরিয়ে নে ।
নিজে বধলি মহিষাসুরে
ছানাটাকে দিল ছেড়ে

আমায় বলিস্ বধতে তারে এ আজ্ঞা মা ফিরিয়ে নে ।
(হাত জোড় করিয়া) আজ্ঞে বাবা এ ব্যাটা ব্যাধের বাচ্চা একলব্য হলে এ

অধীন লড়ত। কিন্তু ওটা জন্তুর বাচ্চা বাবা, মোষের বাচ্চা। মহিষাসুরের
চ্যালা-চামুণ্ডা, কোন মোষের দুধ-থোগো কৈলে বাছুর।

রাজন। ই কেয়া বাত হায়? আ? ই তুম কেয়া বোলতা হায়?
মহাদেব। (ছড়া কাটিয়া দিল)

বন থেকে বেরুল দামড়া,

গায়ে দিয়ে বাঘের চামড়া।

এ আবার বছর দুয়েক যুদ্ধে গিয়ে লেপ্ট-রাইট ক'রে কুলির কাজ করে হিন্দী
বাত বলে! ওরে বাবা—ওটাকে মোষের বাচ্চা বলি কি সাথে? হায়—
হায়—হায়।

(ছড়ায়) ও বেটার বাবা ছিল সিঁদেল চোর কস্তা বাবা ঠ্যাঙাড়ে

অস্থর মানে মহিষ বাবা সাক্ষী আমার মা চামুণ্ডা

ময়ূরছানা হয় না বাহির ফাটিয়ে মূর্গাণ্ডা।

মশায়গণ, মূর্গার আণ্ডা সন্ধি করে মূর্গাণ্ডা। কিন্তু এ ব্যাটা ব্যাকরণ বোঝে
না। শুধু ব্যা—করণ জানে।

[নিতাই হাসিমুখেই আসিয়া তালের মাথায় বলিল]

নিতাই। বহৎ আচ্ছা ওস্তাদ, বহৎ আচ্ছা। এ নইলে মহাদেব কবিরাল!
আমি কিন্তু তোমার পায়ের ধুলো নিয়ে জবাব দেব!

মহাস্ত। মেলায়। আসরে। ই্যা বাবা আসরে। এখানে নয় আসরে।

মহাদেব। তুই জবাব দিবি?

নিতাই। তোমার পায়ে যদি ভক্তি থাকে, মায়ের যদি দয়া হয় দোব।

মহাস্ত। আসরে। আসরে।

রাজন। হাজ্জার আদমী জমা গিয়া। শুননে চাহাতে হায়।

মহাদেব। চল—তাই চলি। আসরেই চলি।

ভূতনাথ। তাই চল। আজ কাক কেটেই আমোদ হবে। চল।

সব চল।

রাজন। আসর মে। আসর মে।

তৃতীয় দৃশ্য

[কাল রাত্রি। মেলায় বাহিরে গাছতলা। অন্ধকারের
মধ্যে আসিয়া দাঁড়াইল ঠাকুরঝি মেরেটি।]

ঠাকুরঝি। তুমি মরে যেয়ো, তুমি মরে যেয়ো, তুমি মরে যেয়ো। মা
চামুণ্ডা তুমি বিচার করো। ছোটজাত বড়জাত তো তুমি করেছ মা তবে?
ক্যানে অমন ক'রে গাল দেবে? কবিরাজ যে কত ভালমানুষ তা তো তুমি
জান! কত ভাল গান গায়—সে তো তোমার কান আছে—তুমি শুনেছ।
তবে ক্যানে তুমি তাকে হারিয়ে দেবে?

[রাজনের স্ত্রীর প্রবেশ]

রাজনের স্ত্রী। ছুটকি! অ—ছুটকি! এই যে। মর-মর-মর। আসর
থেকে উঠে পালিয়ে এসে এখানে কি করছিল? মরণ! গান শুনতে শুনতে
হ'শ ছেল না। হ'শ হ'ল—বলি—পান খাই। পান খেতে গিয়ে মুখ ফিরিয়ে
দেখি—আবাগী নাই। বাবা—বুকটা ধড়াস করে উঠেছে। পান শুক খাওয়া
হয় নাই। (বলিয়াই সে থপ্, থপ্, করিয়া খিলিকয় পান মুখে পুরিয়া চিবাইতে
লাগিল)

ঠাকুরঝি। না—আমি যাব না। আমি বাড়ী যাব।

রাজনের স্ত্রী। বাড়ী যাবি? মরণ খেলার আত, মন্দ দুই লোক
যুরছে, পথে ছেলে-পোতা বাধ, তার ওপাশে ব্রহ্মদৈত্যের শিমুলগাছ! আতুরী
আমার বাড়ী যাবেন। আর আসবে আর। নেতাইয়ের কেমন পিণ্ডি
চটকাচ্ছে মহাদেব দেখবি আর। (হাসিতে লাগিল)

ঠাকুরঝি। তার আবার এত হাসি কিসের?

রাজনের স্ত্রী। সে দেখলে বুঝবি। আর। হেসে প্যাটে খিল ধরে যাবে।
বলে—

আন্তাকুড়ের এঁটোপাতা স্বপ্নে যাবার আশা গো।

হায়রে কলি কি বা বলি গরুড় হবেন মশা গো।

ঠাকুরঝি। তোম কি দয়া মায়া নাই দিদি? এমন ভাল লোক কবিরাজ।

রাজনের স্ত্রী। কে? ওই নেতাই? না। ওকে আমি দ্বিটি চক্ষে দেখতে
পারি না।

ঠাকুরঝি। ওকে আমার খুব ভাল লাগে। ওর গান শুনতে আমি খুব ভালবাসি। ওকে গালাগাল আমি শুনতে পারব না।

রাজনের স্ত্রী। অ—মা! তাতেই! মরণ তোর মরণ! বুঝলি তোর মরণ। বিয়োল মেয়ে—

ঠাকুরঝি। কি হ'ল তাতে? সামনে মা চামুণ্ডা, যা তা বললে মা বিচার করবেন। আচ্ছা চল, চল শুনব—ওকে গাল দেবে, আমি শুনব। চল।

[হন হন করিয়া চলিতে লাগিল]

চতুর্থ দৃশ্য

[মেলার আসর। নিতাই দাঁড়াইয়া গান গাহিতেছে। মহাদেব কবিরায় পাশে বসিয়া আছে। রাজন ঢোল বাজাইতেছে।

রাজনের ছেলে কাঁসী।]

নিতাই। (ছড়া) ওস্তাদ তুমি, গুরু তুমি দোনাচাষা তুমি জগৎমান্ত—

তোমার শিষ্য তোমার কাছে হেরেও আমি হলাম ধন্ত ধন্ত।

তুমি আমার জাত তুলেছ—গাল দিয়েছ তাতেও নাহি দুঃখ

তোমাকে গাল দিই নাই আমি—ওহে গুরু সেই তো আমার সুখ।

বলি দোহার ভাই।

(ঢোলে ডুডুম)

রাজন। ওস্তাদ!

নিতাই। গুরুর কাছে আমি হেরেছি।

রাজন। নেহি। নেহি হায়া।

নিতাই। হেরেছি। গুরুর চাপানের জবাব দিতে পারি নাই।

রাজন। জবাব দাও। জবাব তুম জানতা হায়।

নিতাই। না জানি না। গুরুর কাছে হেরেছি। তাতে আমার দুঃখ নাই। সেই আমার সুখ। আমি ছোট জাত। গুরু জাত তুলেছে। তাতেও দুঃখ নাই। আমি রাগ ক'রে গাল দিই নাই, সেই আমার সুখ। দোহার ভাই।

রাজন। ওস্তাদ! ইয়ে ঠিক নেহি হোতা!

নিতাই। এই ঠিক দোহার। এই ঠিক। তা হ'লে শোন। বাবু
মহাশয়গণ—আপনারাও শুনুন। এই দীন নিতাইচরণ এই গুরু আশীর্বাদে যা
বুঝেছে—তা শুনুন!— (গান ধরিল সে)

আমি ভালবেসে এই বুঝেছি

হৃথের সার সে চোথের জলে রে।

তুমি হাস আমি কাঁদি—

বাঁশী বাজুক কদমতলে রে!

ওগো—আমি নিব সব কলঙ্ক

তুমি হবে আমার রাজা—

হার মানিব—হার মানিব

ছলিয়ে দিয়ে জয়ের মালা তোমার গলে রে।

আমার হৃথের রাঙা ফুলে

হবে তোমার চরণ পূজা (ওগো রাজা)

তোমার চোথের আগুনেতে

আমার চোখে পীড়িম জলে রে।

তুমি হাস আমি কাঁদি—

বাঁশী বাজুক কদমতলে রে!

[বাবু মহাদেব আসর হইতে প্রবেশ করিল]

বাবু মহাদেব। বলিহারি—বলিহারি। আমি বলছি নিতাই, সাবাস—
বলিহারি।

রাজন। (নাচিয়া উঠিল) জয় সীয়ারাম! জয় সীয়ারাম! জয় সীয়ারাম!

বাবু মহাদেব। তুই যে এমন ভাল গাইতে পারিস, পদ তৈরী করতে
পারিস—তা আমি জানতাম না! সাবাস! সাবাস! সব চাপানের জবাব
তুই দিতে পারিস নাই। গালাগালিতে তোর গান খোজে নাই। হার তোর
হয়েছে। তবু বলছি—বলিহারি! হবে তোর হবে। আমি বলছি!

নিতাই। (প্রণাম করিল) আপনাদের আশীর্বাদ আর মায়েদ দয়া পকু।

বাবু মহাদেব। আশীর্বাদ আমি করলাম। মায়েদ দয়া হবে। ধন্যপথে
থাকলে মা দয়া করবেন। কি হে মহাদেব কবিরাজ—অন্তায় বলেছি আমি ?

কবি মহাদেব। (হাসিয়া) আজ্ঞে বাবু, প্রভুদের মন কৃন্দাবন—সেখানে পৌ শব্দ হলেই রাই কিশোরীর দশা লাগে। মনে হয় জামের বাঁশী। তা আপনারা ভাল বলেছেন—বাস, হাইকোর্টের রায় হয়ে গিয়েছে, আমি আসামী, আমি কি বলব। এখন আমার টাকাটা পেলেই—আমিও নেতাই-চরণকে আশীর্বাদ করি !

[মহাস্ত প্রবেশ করিল]

মহাস্ত। এই নাও তোমার গেল বছরের টাকা।

মহাদেব। আজ্ঞে এ বছরেরটা ?

মহাস্ত। আসছে বছর। শুধু টাকা নয়, মেডেল—তোমাকে নিতাইকে দুজনকে মেডেল দোব। আহ্নন মহাদেববাবু !

[দুজনের প্রস্থান]

রাজন। জয় মায়ী চামুণ্ডা কি জয়। জয় সীয়ারাম ! জয় কবিদ্বাল নিতাইচরণ।

নিতাই। না রাজন ! আগে বল—জয় কবিদ্বাল মহাদেব মহাশয় !

[প্রবেশ করিল দুই তিন জন ভীমাকৃতি ব্যক্তি। নিতাইয়ের জাতি। হাতে লাঠি]

১ম। তার আগে—(লাঠি তুলিয়া) মহাদেবের মাথাটা ভাঙব আমি।

নিতাই। (খপ কবিয়া লাঠি ধরিয়া মহাদেবকে আড়াল করিল) কাকা।

১ম। কোন কথা শুনব না। ও আমাদের গাল দিয়েছে। আমাদের বাপ ভুলেছে। ওকে ছাড়ব না আমরা।

মহাদেব। এ কি রে বাবা (এ কি। কবিগানে কত গালাগাল হয়, তার জন্ত এ কি ?

নিতাই। শোন কাকা। আমাকে না মেয়ে ফেলে মহাদেব কবিদ্বালের গায়ে তোমরা হাত দিতে পাবে না।

রাজন। হম ভি ছায়। নিতাইচরণকে আগে হমকো খুন করনে হোগা।

[সেও আসিয়া পাড়াইল]

নিতাই। ফিরে যাও কাকা। মহাদেব কবিদ্বালের গায়ে হাত দিলে হাজাম হবে। ক্যাসাদে পড়বে তোমরা। আর ওকে দোষ দাও ক্যানে।

দিত হ'য় আমাকে দাও। আমি কবি গাইতে না চাইলে মহাদেব ওস্তাদ গান দিত না।

১ম। তোকেও ছেড়ে দেব ভেবেছিস? আজ থেকে তোকে ত্যাজ্য করলাম আমরা। ভাবব নেতাই—যে নেতাই আমাদের ঘরের ছেলে—সে মরে গিয়েছে।

২য়। পাড়ায় যদি বাস তবে মাথা নিয়ে ফিরবি না বলে দিলাম। এস কাঁকা।

৩য়। ওই নে—তোর ছেঁড়া বই কখানা—ওই নে।

[ছেঁড়া রামায়ণ মহাভারত ফেলিয়া দিয়া চলিয়া গেল। নিতাই যেন যুদ্ধেই ভাঙিয়া পড়িল]

নিতাই। আমার রামায়ণ, আমার মহাভারত? এমনি করে ছিঁড়ে দিয়েছে। (বসিয়া পড়িল)

কঃ মহাদেব। আজ তুই আমাকে বাঁচিয়েছিস নিতাই। এ কথা আমার মনে থাকবে। আমি আশীর্বাদ করছি তোর ভাল হবে।

নিতাই। রাজন, কবিরাজকে ভূমি সঙ্গে করে বাবুদের কাছে পৌঁছে দাও।

রাজন। চলো, ভূমি চলো।

নিতাই। আমার রামায়ণ মহাভারত ধুলোয় পড়ে আছে। কুড়োতে হবে ভাই। কুড়িয়ে নিয়ে তারপর—

রাজন। তারপর? কেয়া কবিরাজ—মেয়ে পেয়ায়ে ওস্তাদ! (কাছে আসিয়া) কি ওস্তাদ, তোমার মুখ অমন হয়ে গেল কেন? চোখ ছলছল করছে কেন?

নিতাই। (হাসিয়া) ভাবছি—কোথায় যাব তারপর? চোখ ছলছল করছে, জল আসছে। রাজন—যে ঘরে আমি জন্মেছিলাম, পঞ্চম মা পিণ্ডিমীর মাটি পরশ করেছিলাম, সেই ঘরের সঙ্গে, আজ জন্মের মত সম্পর্ক চূঁকে গেল।

রাজন। আমার সঙ্গে যাবে কবিরাজ! আমার ঘর আছে। হামারা ঘর আজসে তুমার ঘর।

নিতাই। রাজন। বন্ধু। ভূমি সত্যিই রাজা। মহারাজা।

রাজন। আরে ভাই ঠায়ে। হম আভি আতা! চলো মহাদেবজী।

[উভয়ের প্রস্থান]

[নিতাই পাতাগুলি কুড়াইতে লাগিল ও মাথায় ঠেকাইতে লাগিল]

[রঙ্গমঞ্চে নিতাই একক। প্রবেশ করিল ঠাকুরঝি। পাশে বসিয়া পাতা কুড়াইবার জন্ত সে হাত বাড়াইল]

ঠাকুরঝি। আমি কুড়িয়ে দিই কবিরায়!

নিতাই। ঠাকুরঝি!

ঠাকুরঝি। (পাতা কুড়াইয়া মাথায় ঠেকাইয়া নিতাইকে দিল) ধর কবিরায়!

দ্বিতীয় অঙ্ক

প্রথম দৃশ্য

[বেল স্টেশনে বেনে মামার স্টল। বিপ্রপদ, বেনেমামা,

চায়ের খরিদার। বিপ্রপদ চা খাইতেছে।

বেনেমামা চা ছাঁকিতেছে।]

বেনে মামা। গ্রোম চা। চা গ্রোম। সিঙাড়া-কচুরী।

বিপ্রপদ। ঠাণ্ডা জিলেবী মুচ মুচ মুচ। বহুৎ মজিদার। খেয়ে যাও।

বেনে মামার চা। খেলে ম্যাগেরিয়া ভালো হয়। পীচনের কাজ করে!

বেনে মামা। গুরু বলে ডাকি; দিনে বিশ্বার চা খাওয়াই। তা হ্যা গুরুদেব, এই বুঝি আমার হিত কামনা। আমার চা পীচন?

বিপ্রপদ। (উচ্চ কণ্ঠে) নিতাই। কপিবর! বলি—ও হে!

বেনে মামা। আবার তাকে নিয়ে পড়লেন কেন?

বিপ্রপদ। রসিকের কথা রসিকে বোঝে। অরসিকে বোঝে না। কাঠের রস কাঠ-ঠোকরা জানে। ময়না-কোকিল জানে না। তুমি বেটা আমার আশীর্বাদের মর্থ বুঝলে না। কপিবর থাকলে তোমাকে বুঝিয়ে দিত। (খরিদার একজন চা খাওয়া শেষ কবিয়া পয়সা দিল।)

খরিদার। চায়ের চার পয়সা, আর চার পয়সার ৬৭ বাঙালি বিড়ি।

২য় খরিদার। তা বাই বলেন—নিতাইচরণ সেদিন চণ্ডীর মেলায় ভাল পাওনা করেছে। যেমন গলা তেমনি গান।

বেনে মামা। (বিড়ি দিতে দিতে) তা একশো বার। হাজার বার।

বিপ্রপদ। হাজার বার? আমি বলছি লক্ষবার কোটিবার! স্বয়ং মহাদেব কবিরায় বলে গেল—

আস্তাকুড়ে লাগল বাতাস উড়ল পাতা ফড়াং করে ;
আস্তাকুড়ের পাতা হ'ল পদ্মপাতা স্বগ্যপুরে
হার কপালে লাগল আঙুন কপাল আমার গেল পুড়ে
এই বারেতে ফুটবে পদ্ম আলো করে পচা গড়ে।

হ' হ' বাবা এখন হয়েছে কি? এই বারেতে পদ্মগন্ধে বসি আসবে!

বেনে মামা। তা বললে কি হবে? সেই মহাদেব কবিরায় তো জম্পেশ্বরের মেলা থেকে লোক পাঠিয়ে নিতাইকে নিয়ে গিয়েছে গাওনা করতে। তিনি রাত গাওনা, দশটাকা করে রাত তিরিশ টাকা আর ট্রেন ভাড়া।

বিপ্রপদ। (চায়ের ভাঁড়টা ফেলিয়া দিয়া) পাচন—পাচন। দে, দেশলাই দে বিড়ি ধরাই। বেটা ছোটলোকের পো, চোয়ের বাচ্চা, কুলিগিরি করে খায়! সে হ'ল কবিরায় আর তোর পাচন হ'ল চা! দে দেশলাই দে।

বেনে মামা। সে যাই বলুন—(দেশলাই আগাইয়া দিতে দিতে) আমার চা পাচন বলেছেন বলুন—নিতাইকে ওসব বললে চলবে না। ছোটজাত উচুজাত সে বিধির বিপাকে। কিন্তু চোয়ের বংশে জন্মেও নিতাই চোর নয়। আর—কুলিগিরিও নিতাই আর করবে না।

[রাজনের প্রবেশ]

রাজন। লাও তো এক ভাঁড় চা দাদা—বেনিয়া মামা!

বেনে মামা। অই শুধান রাজনকে।

রাজন। কেয়া জী?

বেনে মামা। নিতাই নিজের ঘর-দোর জাত-গোষ্ঠীর সজ ছেড়ে চলে আসে নাই?

রাজন। হাঁ। উলোগো কি মন হার ছোট—কবিরায়কে সম্বন্ধ নেহি। কবিরায় নেহি ছোড়া। ওহি লোক ছোড়া। কবিরায় চলে আয়া। হি'রা এক কোয়ারটার খালি পড় রহা, মাস্টারবাবুকে বোলকে হি'রা উনকে কুজ বানা

দিয়া। মজ্জমে কবিরাল গীত বানাতা ছায়—গুন্ গুন্ গুন্—গীত গাহাতা ছায়। চা বানাতা ছায়, পিতা ছায়। বস পানসী চল রহে হেঁ মজ্জমে।

বিপ্রপদ। পানসী, চল রহে হেঁ, মজ্জমে। কোনকালে ঘি খেয়েছি—হাত শুঁকে দেখ। বলি বাংলা বলতে পার না মানিক। তা পানসী চলেছে কোথা? কীর্তিনাশায়—এক ঢেউয়ে কাত হয়ে ওঁটাতে?

রাজন। আজ্ঞে ঠাকুরমশায় না। তিনদিন হ'ল পানসী গিয়েছে জলেশ্বরের মেলায়। খোদ মহাদেব কবিরাল গুণ টেনে নিয়ে গিয়েছে। হাঁ—হাঁ—মহারাজ আপ কাং হো কর ওলট মং যাইয়ে। সামলাকে জী।

বিপ্রপদ। (চঞ্চল হইয়া চেয়ার ঠেলিয়া পড়িয়া যাইতে যাইতে রাজন ধরিল। বিপ্র উঠিয়া চেয়ারখানাকে পায়ে ঠেলিয়া দিল) বেটার ভাড়া নড়বড়ে চেয়ারের নিকুচি করেছে! বলি, বেনে মামা ভাল চেয়ার রাখতে পার না?

বেনে মামা। চেয়ার ঠিক আছে গুরু, আপনি যে হাঁপাল মারছেন।

রাজন। ধীর সে বইঠিয়ে মহারাজ। এ দাদা বেনিয়া মামা মহারাজকে চা পিলাও। সিগারেট দেও। হম পয়সা দেগা। লাও চা; লাও সিগারেট।

বিপ্রপদ। তুই বেটা সত্যি আমার রাজা। বড়িয়ে দিল।

রাজন। আরে মহারাজ—হম মহারাজ হোতা তো কবিরালকে তো জায়গীর দেতা হাম। আঃ—হা! মহারাজ কবিরাল ঘোলাসে গানা করকে বাদ হি'য়া আয়া। কোয়াটারমে বাসা লিয়া। বস হু'য়াই দিনরাত বইঠকে বইঠকে কিতাব রামায়ণ মহাভারত পডনে লাগা। টিশন মে আনা ছোড় দিয়া। কেয়া বাত কবিরাল? না রাজন আর তো কুলিগিরি হম নেহি ক'রে গা। কেঁও ভাই? না কবিরাল ভয়া হম—হম সব কুলিগিরি করে গা তো ডনিয়াভোব কবিরাল লোগোকে শির হেঁট হো যায়েগা ভাই। হম বোলা কবিরাল, বাত তো সাচ ছায় লেকেন—খানা তো পড়ে গা? খায়েগা কেয়া? তো বোলা, নেহি খায়েগা। হমারা উ ঠাকুরবি দুধ লেকে আতি ছায় না? উসকি পাস দুধ পাওভর লেতা—আওর চা আওর শকর—

বিপ্রপদ। শকর? শকর কিরে? শকর শকর গন্ধ ছাড়ে যে—রাখা মাধব!

বেনে মামা। না গুরুদেব, চিনি চিনি। শকর হ'ল চিনি। থরন চা। থর রাজন।

বিপ্রপদ। তা দে, শঙ্কর আর খানিকটা দে। কই সিগারেট কই? দে!
 ই্যা রাজন—ভারতের তোমার সভাকবি কি করলেন?

রাজন। কে মহারাজ? সভা—

বিপ্রপদ। সভাকবি। তুমি রাজা—নিতাই তোমার সভাকবি। ই্যা বল।

রাজন। আগর কেয়া বোলেগা। চা পিতা হায়, ভাল ভাত নেহি খাতা
 হায়। বস—পরন্তু তো আ গেয়া কবিরাজকে বাননা। মহাদেব কবিরাজনে
 খুদ আদমী ভেজা। তিন দিন যে তিরিস চালিস রুপয়া মিলে গা।

বেনে মামা। হল তো গুরুদেব? শুনলেন তো?

[বিপ্রপদ শৌ শৌ কবিরাজ সিগারেট টানিতে লাগিল]

রাজন। কীর্তিনাশামে পানসী নেহি উটেগা জী। কবিরাজকে পানসী
 চলগা তিরবেনী যে। [নেপথ্যে ঘণ্টা বাজিল]

নেপথ্যে স্টেশনমাস্টার। রাজা, এই রাজা। আরে টেন যে ইন
 করেছে। অরে।

রাজন। (উঠিয়া পড়িল) Yes sir, হাজির হায় (যাইতে যাইতে) ইয়ে
 গাড়ীমে তো মেরে কবিরাজ আতা হায় জী। [প্রস্থান]

[বিপ্রপদ একখানা ঘুঁটে কুড়াইয়া লইল। খরিকারেয়া স্টেশনের
 ভিতরে গেল। ট্রেনের শব্দ হইল। বাঁশী বাজিল। টেন আসিল।
 বেনে মামা হাকিল—চা গ্রোম, চা গ্রোম! বিপ্রপদ আপন মনে
 কাঠি দিয়া ঘুঁটেটাকে ফুটা করিল। ইহারই মধ্যে ঠাকুরবি ঘটি
 মাথায় স্টেশনের ভিতরে চলিয়া গেল।]

বিপ্র। বেনে মামা, দে তো খানিকটা দড়ি দে তো!

বেনে মামা। দড়ি?

বিপ্র। ই্যা দড়ি। রজ্জু। দে না বেটা।

বেনে মামা। কি করবেন?

বিপ্র। গলায় দোব।

বেনে মামা। ঘুঁটের মেডেল করবেন? কিছু মনে করবেন না প্রজু,
 গলাতে দড়িই আপনার ভাল।

[বিপ্রপদ ইতিমধ্যে উঠিয়া একপাশ হইতে দড়ি লইয়া ঘুঁটেতে পরাইতে পরাইতে চলিয়া গেল। বলিয়া গেল—]

বিপ্র। দোব, দোব। পরে। বাবা আজকে নয়! কালকে। বাবা
কালকে। [প্রস্থান]

দ্বিতীয় দৃশ্য

নিতাইয়ের স্টেশনের বাসা

[ঘরের ভিতর বলিয়া আছে ঠাকুরঝি। বাহিরের দিকে জানালাব
ধায়ে একটা কুম্ভকূড় গাছের ডাল আসিয়া পড়িয়াছে। কয়েকটি
ফুল ফুটিয়া আছে। ঠাকুরঝি ফুল পাড়িয়া ঘোমটা খুলিয়া
খোঁপায় পরিল। আবাব ঘোমটা দিল। পাশে
হুধেব ঘটি নামানো।]

ঠাকুরঝি। (যুহুস্বরে গাহিল)

ও আমার মনের মাহুস গো।
তোমার লাগি পথের ধাবে বাঁধিলাম ঘর
ছটায় ছটায় কিকিগিকি তোমাব নিশানা
আমায় সেথা টানে নিরন্তর।

[নিতাই প্রবেশ করিল। তার গায়ে জামা, গলায় একখানা চান্দব।
পায়ে জুতা। তাহার প্রবেশ ঠাকুরঝি জানিতে পারে নাই। সে
কুম্ভকূড়ার গাছের ডাল ধরিয়া জানালার দিকে তাকাইয়াছিল।
নিতাই বিন্মিত হইয়া বলিল—]

নিতাই। ঠাকুরঝি, তুমি?

ঠাকুরঝি। (গান বন্ধ করিয়া জিভ কাটিয়া) না বাপু, কি মাহুস তুমি,
সাড়া-শব্দ না করে হুড়মুড় করে চলে এলে। না।

নিতাই। পার্শ্বে রবার্টের জুতো কিনা—রবার্টে শব্দ হয় না। আর তুমি
বসে আছ তা কি ক'রে জানব বল?

ঠাকুরঝি। ইচ্ছাশানে গাড়ী এল। আমি দুখ মিতে গাঁয়ে যাচ্ছিলাম। আজ তো তোমার আসবার কথা, তা মনে হল দেখি আমাদের কবিরাজ এল কিনা। এলে তো সেই দশবার চা খাবে। দুখ পাবে কোথা? তা দেখলাম তুমি নামলে—গলার চাদর, পায়ে জুতো—আমি তো চিনতে পারি। বলি—ও বাবা এ মশায় নোকটি আবার কে? তা আচ্ছা পোশাক হয়েছে বাপু। আচ্ছা লাগছে! [নিতাই গলার চাদর খুলিতেছিল]

না—না—না। খুলো না। দেখি দেখি আর একবার দেখি।

নিতাই। বাবুরা শিরোপা দিলেন এই চাদর।

ঠাকুরঝি। খুব ভালো গায়ের করেছে বুঝি!

নিতাই। ওই একগানেই বাবুরা মোহিত হয়ে গেল। বুঝলে—ধরলাম তাক বুঝে—ও আমার মনের মানুষ গো—

ঠাকুরঝি। তা ক্যানে গাইলে তুমি? ও গান তুমি আমার লেগে বেঁধেছ। না বাপু তারা কি মনে করলে বল দিকি?

নিতাই। কি মনে করবে? তারা কি তোমার কথা জানে? তারা মনে করলে—কেউ বলছে রাখাকে। মানে মহাদেব কবিরাজ হয়েছিল বিন্দে দূতী, আমাকে করেছিল কেউ। খুব গাল দিলে আমাকে। মানে কেউকে—বলে তুমি শঠ কপট লম্পট কত কি! তা আমি বললাম—বিন্দে, কখনও আমার বাঁশীর গান শুনেছ। শুনেছ আমার বাঁশী কি বলে? আমার বাঁশী বললে—ও আমার সোনার রাখা গে, তোমার লাগি পথের ধারে বাঁধিলাম ঘর।

ঠাকুরঝি। তা ক্যানে তুমি বললে?

নিতাই। কি বলছ ঠাকুরঝি?

ঠাকুরঝি। আমি যে কালো।

নিতাই। তাইতো তোমার জন্তে যখন গাই তখন সোনার রাখা বলি না। বলি—মনের মানুষ।

ঠাকুরঝি। কেমন সুন্দর কথা তুমি বল কবিরাজ। কেমন করে বল? তোমার কাছে এলে কি মনে হয় জান?

নিতাই। কি?

ঠাকুরঝি। একবার কেমন গান শুনেছি গিয়েছিলাম। দেখেছিলাম মূল গায়েরকে। গায়ের শুনে কেঁদে সারা হলাম। মনে সাধ হ'ল মূল গায়েরের

পায়ে মাথা রেখে গড়িয়ে পড়ি। (একটু স্তব্ধ থাকিয়া) তা তোমাকে ম্যাডেল দিলে না? ম্যাডেল?

নিতাই। ম্যাডেল? না। বলেছে আসছে বার দেবে।

ঠাকুরঝি। তুমি অমন চমকে উঠলে কেন কবিরাজ?

নিতাই। ম্যাডেলের কথায় একটা কথা মনে পড়ে গেল ঠাকুরঝি। বড় বেথা পেয়েছি আজ। ইস্টিশানে নাগলাম—

ঠাকুরঝি। হ্যাঁ। জামাইদাদা—আর পাঁচজন হৈ-হৈ করে ঘিরে দাঁড়ালে তোমাকে, আমি পালিয়ে এলাম। তা কি হ'ল?

নিতাই। বিপ্যপদ ঠাকুর—

ঠাকুরঝি। ওই চায়ের দোকানে বসে ফোড় কাটে চা খায়—সেই?

নিতাই। সে হ্যাঁ, সেই। সে আমাকে কপিবর বলে, গলায় ঘুঁটের ম্যাডেল পরিয়ে দিতে এল। রাজন হাত চেপে ধরে কেড়ে নিয়ে ফেলে দিলে সেটা। রাজন হয়তো অপমান করত, আমি বারণ করলাম, মাথার দিব্যি দিলাম। কিন্তু ছোটজাত বলে বাঁদর বলবে? ঘুঁটের ম্যাডেল দেবে?

ঠাকুরঝি। (তাহার হুই হাত ধরিয়া) তুমি তুখ করে না কবিরাজ—তুমি সোনার ম্যাডেল পাবে। খুখপোড়া বামুন তখন ফ্যাল ফ্যাল করে চেয়ে দেখবে।

নিতাই। আমি যদি সোনার ম্যাডেল পাই ঠাকুরঝি, সে ম্যাডেল আমি তোমার গলায় পরিয়ে দোব। আজ—(বলিতে গিয়া থামিয়া গেল)

ঠাকুরঝি। আজ? আজ কি কবিরাজ? বল?

নিতাই। উহু। চোখ বোজ তুমি। বোজ। না হলে বলব না।

ঠাকুরঝি। (চোখ বুজিল) বল!

নিতাই। (পকেট হইতে হার বাহির করিতে করিতে) ভাল করে বোজ, পিটি পিটি দেখছ। হ্যাঁ। এইবার বলছি শোন। বলছি—(বলিতে বলিতে হারখানি গলায় আলগোছে পরাইয়া দিল।)

ঠাকুরঝি। কি? কি পরিয়ে দিলে? হার? সোনার?

নিতাই। না গিল্টির। আমি গরীব, সোনা কোথায় পাব?

ঠাকুরঝি। না-না—এ সোনার চেয়েও ভাল। কি সুন্দর! (হার দেখিতে লাগিল)

[এই সময়ে রাজন চীৎকার করিতে করিতে প্রবেশ করিল।
ঠাকুরবি দ্রুত হার ঢাকিয়া ফেলিল]

রাজন। নেতার মার দেগা হম। এক রোজ তুমহারা নেতার খতম
কর দেগা।

নিতাই। কি বলছ রাজন! কাকে বলছ! রাজন!

রাজন। ঐ শালা অষ্টাবক বিপ্যপদ ঠাকুরকা। নেতার খতম কর দেগা হাঁ।

ঠাকুরবি। অষ্টাবক বিপ্যপদ ঠাকুরকা নেতার খতম কর দেগা! নেতার
কি গো! নেতার—(সে একেবারে হাসিয়া ভাঙিয়া পড়িল!)

রাজন। আরে? এ কৌন? ঠাকুরবি! আ গিয়া তুম। আরে হাসো
মৎ—হাসো মৎ।

ঠাকুরবি। অষ্টাবক বিপ্যপদ—হি-হি-হি-হি।

রাজন। এই কালকুষ্টি কাঁহাকা! কাল রঙমে সাদা দাঁত নিকালকে
হাসতি ছার—দেখো। চোপ রহ কালকুষ্টি!

[মুহূর্তে ঠাকুরবি শুক হইয়া গেল। এবং ঘটি ভুলিয়া মাথায় লইল-]

নিতাই। না-না—রাজন, এ পেকার বাক্য তোমার বলা উচিত নয়।

রাজন। কেও জী? কালাকো কাল বোলেগা, উ তো সচ বৎ ছার।
কেও নেহি বোলে গা! (ঠাকুরবি চলিয়া যাইতেছিল)

নিতাই। যেও না ঠাকুরবি!

ঠাকুরবি। আমি কালো। আমাকে হাসতে নাই। কারুর কাছে
আসতেও নাই কবিরাল। [প্রস্থান]

রাজন। এই ঠাকুরবি কালকুষ্টি!

ঠাকুরবি। (নেপথ্য হইতে)—না।

রাজন। দেখো দেখো—রেলগাড়িকা মাকি ছুটি ছার। পু—ভস্—
ভস্—ভস্।

নিতাই। অজ্ঞান কায হল ভাই। ঠাকুরবির এনে বেধা দিলে তুমি।

রাজন। আরে হামরা মেজাজ বিগড় গিয়া—ইধর বিপ্যঠাকুর গালি
দেতা, উধর হামার পরিবার গালি দেতি। তুমকো গালি দেতি। আউর উ
ক্যাক ক্যাক করকে হাসতি ছার। বিপ্যপদকো ঠাণ্ডা কিয়া, অব যাতা—উ
তুমারা রাগীকে ঠাণ্ডা করেনে। যারেগা ভাণ্ডা। [প্রস্থান]

নিতাই। রাজন! রাজন! আমার দিবি।

নেপথ্যে রাজন। কান যে আঙুল দিয়া জী। নেহি শুনা হায় হম।

নিতাই। (হাসিল) শুনতে পেরেছ তুমি রাজন আমি জানি। (একটু স্তব্ধ থাকিয়া) কিন্তু কালোকে মন্দ বললে তুমি? (ঘাড় নাড়িল। শুন শুন করিতে লাগিল) —“কালো যদি মন্দ তবে কেশ পাকিলে কানো ক্যানে।”

[ঠাকুরঝির পুনঃ প্রবেশ]

ঠাকুরঝি। কবিরাজ আমি আর আসব না, তাই বলতে এলাম।

নিতাই। তুমি রাগ করেছ ঠাকুরঝি?

ঠাকুরঝি। কালো আছি আপনার ঘবে আছি। আপনার ঘরেই থাকব, আর আসব না।

নিতাই। না-না, আমি কালো খুব ভালবাসি।

ঠাকুরঝি। গিছে কথা।

নিতাই। মিছে কথা নয় ঠাকুরঝি! শুধু আমি নই, ছনিয়াস্বদ্ধ সবাই ভালবাসে। শোন—

কালো যদি মন্দ তবে কেশ পাকিলে কানো ক্যানে?

বল—ক্যানে কানো!

ঠাকুরঝি। এখুনি বাঁধলে।

নিতাই। হ্যাঁ।

ঠাকুরঝি। তারপব। কবিরাজ—

নিতাই। আর নাই ঠাকুরঝি। আর হয় নাই।

ঠাকুরঝি। না বল। (হাত ধরিল। এই সময়েই ঘোমটা খসিল—চুলে রাঙা কৃষ্ণচূড়া ফুল। ঠাকুরঝি লজ্জিত হইয়া ঘোমটা তুলিতে গেল। নিতাই বাধা দিল।)

নিতাই। না। দাঁড়াও; দেখি দেখি। আমি পেরেছি ঠাকুরঝি—পেরেছি—কালো চুলে রাঙা কুসুম হেরেছি কি নয়নে?

ঠাকুরঝি। ভারি সুন্দর কবিরাজ—ভারি সুন্দর, আমি যাই।

[প্রস্থান]

তৃতীয় দৃশ্য

ঠাকুরঝির খুশুরবাড়ী

[শান্তড়ী আপন মনে বকিতে বকিতে ঘরে প্রবেশ করিল]

শান্তড়ী। বেন্দা, বলি অ বেন্দা। বলি ওরে হারামজাদা। গেলি কোথা ?

[বৃন্দাবন—ঠাকুরঝির স্বামীর প্রবেশ]

বৃন্দাবন। ক্যানে, কি হ'ল কি ? বলি হারামজাদা কও যে ? মানে কি জান ?

শান্তড়ী। জানি। আমি মরব কবে সেইটি জানি না। বাকি সব জানি।
বুলি—সব জানি।

বৃন্দাবন। তবে ?

শান্তড়ী। তবে কি রে হারামজাদা ? তবে কি ? ওর মানে যা, তুই সেই তাই। নইলে মেনিমুখে, পরিবারের দোষ ঢাকিস আমার কাছে ?

বৃন্দাবন। কি দোষ ঢাকলাম ? সে কি করলে ?

শান্তড়ী। আমাকে তোর বউ এগার টাকা চার আনা দুধের দাম দিলে। গেরস্ত বাড়ীতে সাত পো দুধের জোগান পাঠাই। তার দাম কত হয় ? টাকা হাতে নিয়েই আমার কম মনে হল। তোকে বললাম—তা তু বুলি, ঠিক আছে মা। বউ খুব ভাল। গজাজল। ওরে হারামজাদা গজাজলে বর্ষার ঢল নেমেছে, কাদা মিশেছে। আমি গিয়েছিলাম মোড়লদের কাছে। হিসেব করে দিলে সাড়ে সাত সের দুধের দাম কম ! এক টাকা চৌদ্দ আনা। বলি এখনও বলবি হারামজাদা ন'স তু ?

বৃন্দাবন। আমি তো হিসেব করে দেখি নাই। আর গেরস্তবাড়ীতে বাকী পড়ে নাই তাই বা কে বললে।

শান্তড়ী। ওরে অনামুখে আমি বলছি। আমি বলছি। ও দুধ ওই নিজের দিদির বাড়ীতে দিয়ে আসে। জামাইদাদা। ভরীপতি, হারামজাদার জামাইদাদা—মরণ !

বৃন্দাবন। চুপ কর মা। চুপ কর। হাজার হলেও ওরা কুটুম, স্তনতে পেলো—

শান্তী। স্তনতে পেলো? বলি ওরে মেনিমুখো, পেলো কি? এতক্ষণ পেয়েছে। আমি বলে পাঠিয়েছি—মিনি পয়সার কুটুমের বাড়ীর দুধ খাওয়ার চেয়ে বিষ খাওয়া ভাল।

বৃন্দাবন। বেশ করেছে, খুব করেছে; ওতোম কাজ করেছে। আমার মান-সম্মান আর থাকল না আজন দাদার কাছে।

[হাত নাড়িয়া প্রশ্ন করিল]

শান্তী। ওরে আমার মানী লোক, তোর আজন দাদা—তোর পরি-জনের জামাইদাদা—বলি আমার কে? ওরে ও হারামজাদা—ওরে—

[ঠাকুরঝির প্রবেশ। সে দুধ দিয়া ফিরিল]

এই যে। এই যে আমার আত্মী—বেজগোপিনী মথুরা নগরে দুধ বেচে ফিরলেন। দে আমার টাকা দে।

ঠাকুরঝি। টাকা?

শান্তী। হ্যাঁ টাকা। এক টাকা চৌদ্দ আনা। এক পো'রে দুধের দাম। বল সে টাকা কি হল? কি করলি? কাকে দুধ দিলি?

ঠাকুরঝি। সে তো আমার বাপেরা যে গাই দিয়েছিল—যে গাই দিয়ে-ছিল তারই আধ সের দুধের একপো। তা—আমি পাব না?

শান্তী। বাপের ঘরের গাইয়ের দুধ! বলি ওলো হারামজাদী—দত্তা খনের স্বত্ব কি লো? ফেল টাকা ফেল!

[হাত ধরিয়া ঝাঁকি দিল। তাহারই মধ্যে ঘোমটা খসিল এবং গলার হার বাহির হইয়া পড়িল]

শান্তী। হার? হার কার? কোথা পেলি হার?

ঠাকুরঝি। (হার দুই হাতে চাপিয়া ধরিল। হাতের ঘটি ফেলিয়া দিল। আত্মস্বরে বলিল) আমার! আমার!

শান্তী। ওই টাকাতে তুই হার কিনেছিস? লাগরী আমার আভরণ কিনেছেন। নইলে যানায় না। দে হার দে। ওই হার বেচে আমি টাকা শোধ নোব। দে।

ঠাকুরবি। না-না-না। দোব না, আমি দোব না।

শান্তড়ী। দিবি না! (সে ঠেলিয়া ফেলিয়া দিল, হার ছিনাইয়া লইল)

ঠাকুরবি। (তাহার কপাল কাটিয়া গিয়াছিল, তবু সে মুহুর্তে উঠিল এবং শান্তড়ীর হাত হইতে হার ধরিয়া প্রায় পাগলিনীর মত কাড়িয়া লইল) না-না-না। আমার—ও আমার—ও আমার। আমি না মরলে ও পাবে না। আমি দোব না।

চতুর্থ দৃশ্য

রাজনের কোয়ার্টার

[রাজনের স্ত্রী বাটনা বাটিতেছে এবং তুলিয়া
তুলিয়া গালি পাড়িতেছে।]

রাণী। মরে যেয়ো, মরে যেয়ো, আটালে যেয়ো, অপঘাতে যেয়ো। (বলিয়াই থামিল, ভাবিয়া লইল) না—মরলেই তো হয়ে গেল। তুমি কানা হয়ো, দুটি চোখের মাথা খেয়ো; যে গলাতে গান করো, সেই গলা তোমার যা হ'য়ে বুজে যাক। ভেড়ার মত ভ্যা-ভ্যা করো তুমি। যে জিতে তুমি বিনি পয়সায় দুধ খাও কচি মেয়েকে তুলিয়ে সেই জিত তোমার খসে যাক। (থামিল। আবার শুরু করিল) তোমার নেগে আমার কপালে কুটুমের কাছে কলঙ্ক? আমি পয়সা না দিয়ে কুটুমের দুধ খাই?

[রাজনের প্রবেশ, সে আসিয়া চূপ করিয়া দাঁড়াইয়াছিল। স্ত্রী দেখে নাই, বাটনা বাটার ঝোঁকেই গালি দিয়া চলিয়াছিল।
হঠাৎ মুখ তুলিয়া রাজনের সঙ্গে চোখাচোখি হইতেই থামিয়া গেল]

রাজন। কেয়া? আরে থাম গিয়া কাছে? চালাও—চালাও—চালাও? বোলে ময়না বোলে। আঃ?

রাণী। কি? বলছ কি তুমি? তোমার লাল চোখ দেখে ভয় করব নাকি!

রাজন। কিসকা গালি দেতি থি? আঃ?

রাগী। আমার নেকনকে। এই পোড়া নেকনকে (হঠাৎ স্বর উচ্চ হইল) ছি রে নেকন, ছি! আগুন লাগুক এমন নেকনে। এমন নেকন? নোড়া দিলে এমন নেকনকে ভেঙে কুচি কুচি করি। কুচি কুচি করি।

[ধীরভাবে রাজন গিয়া রাগীর হাত হইতে নোড়াটা কাড়িয়া লইল।]

রাজন। তোল, মুখ তোল, তোল। হাতে নোড়া থাকতে পারলি না? তোল মুখ—দিই আমি—কুচি কুচি, কুচি কুচি, কুচি কুচি করে দিই। (রাগী সভয়ে উঠিয়া দাঁড়াইল এবং সরিয়া গেল) কুচি কুচি করি। (নোড়াটা ফেলিয়া দিল) ফের যদি শুনি তো নেকন নয়, দাঁত কুচি কুচি করে দোব। ওস্তাদকে গাল দিস তুই হরদম, হাজারো বায় মানা কিয়া—(বাহিরে ঘটা, বাজিল। চকিত হইয়া রাজন বলিল) আরে বাবা ফিফটি ফোর আ গিয়া। আরে বা—বা (সে ছুটিয়া বাহির হইয়া যাইতেছিল)

রাগী। দোব না, গাল দোব না! মরে যাও, তুমি খালকে যাও, তুমি আটালে যাও! আমার কপালের আপদ।

[রাজন ফিরিল, ট্রেনের শব্দ হইল, সিটি বাজিল।]

রাগী। আমি একে বলছি! পুল ভেঙে পড়ে তুমি খালকে যাও। তুমি আটালে যাও, তুমি যমের বাড়ী যাও। যে আগুনের আঁচে তুমি নেচে নেচে চলছ, সেই আগুনে তোমার অঙ্গ গলে যাক; যে গলাতে তুমি বাঁশী ফুঁকছ, সেই গলা তোমার ফুটো হয়ে যাক।

[রাজন চলিয়া গেল]

পঞ্চম দৃশ্য

[নিতাইয়ের ঘর। নিতাই স্তব্ধ হইয়া দাঁড়াইয়া আছে। এখনও রাজনের স্ত্রীর গালি-গালাজ শোনা যাইতেছে।]

নেপথ্যে রাজনের স্ত্রী। আটালে যাও। আটালে যাও। জুয়োচোর ঠগ বদমাস, আমার কপালের শনি।

[হঠাৎ নিতাই গুণগুণ করিয়া গান ধরিল]

নিতাই।— আহা—তুমি দিলে মুখে কালি
তুমিই বল কোথায় নদী
ডুবে মরে বাঁচি আমি
ধুয়েও এ দাগ না যায় যদি !

[আবার রেলের ঘণ্টা ও বাঁশী বাজিল। ট্রেন ছাড়িল। সঙ্গে সঙ্গে ঠাকুরঝি ঘটি মাথায় প্রবেশ করিল]

ঠাকুরঝি। মনে করেছিলাম দেরি হয়ে গিয়েছে। টেরেন চলে গিয়েছে। বাবা দোড়তে দোড়তে আসছি। কবিরাজ চা চাপিয়ে বসে আছে, বাবাঃ। (সে ঘটি নামাইয়া বসিল, তাহার কপাল ঢাকিয়া ঘোমটা টানা—কপালের দাগটা ঢাকা) কবিরাজ! আজ নতুন গান বেঁধেছ? মনের মানুষ তো গাইছিলে না!

নিতাই। ঠাকুরঝি!

ঠাকুরঝি। কবিরাজ—

নিতাই। বল ঠাকুরঝি।

ঠাকুরঝি। তোমাকে এমন লাগছে ক্যান কবিরাজ? সেই অষ্টাবক মুনি—

নিতাই। না ঠাকুরঝি!

ঠাকুরঝি। তবে?

নিতাই। তোমাকেই একটা কথা বলতে চাই ঠাকুরঝি—কিন্তু—তুমি যেন রাগ করো না।

ঠাকুরঝি। (শঙ্কিতভাবে) কি কবিরাজ? কি কথা?

নিতাই। আর ভাই, তুমিই পেয়জন হবে না। তুমি আর—

ঠাকুরঝি। দুধ আর লেবে না ভুমি ?

নিতাই। না।

ঠাকুরঝি। ক্যানে কবিয়াল ? কি দোষ করলাম আমি ?

নিতাই। দোষ ? না, তোমার কোন দোষ নাই, ঠাকুরঝি, দোষ তোমার হয় না। দোষের কথা নয়। ভাই আমার সামখে কুলাইছে না ঠাকুরঝি।

ঠাকুরঝি। তোমাকে তো পয়সা আমি চাই নাই কবিয়াল।

নিতাই। (সে আপন মনেই বলিয়া গেল) মিছে কথা বলতে নাই ঠাকুরঝি। মহাপাপ। তাই করেছি আমি। মহাদেব কবিয়াল লোক পাঠিয়ে নিয়ে গেল, তিন দিনে আঠারো টাকা দেবে বলেছিল। আমি মিছে নিজের গরব বাড়াবার জন্তে রাজনের কাছে মিছে বলেছিলাম। বলেছিলাম তিরিশ টাকা দেবে। তারপরে ঠাকুরঝি, বাবুয়া শেষ পৰ্যন্ত পনের টাকার বেশী দিলে না। মহাদেব কবিয়াল তা থেকে কমিশন নিলে তিন টাকা। বার টাকা থেকে চাদর কিনেছিলাম। তোমাদের বলেছিলাম শিরোপা। আরও কিনেছিলাম জুতো আর তোমার হার। শেষ বেঁচেছিল আট টাকা। তাও শেষ হয়ে এল। মহাদেব কবিয়াল বলেছিল—আরও বায়না জোগাড় করে দেবে। তাও এল না। দু-একদিন পর হয়তো ভাত জুটবে না ঠাকুরঝি। দুধ আমি খাব কোথা থেকে ?

ঠাকুরঝি। তোমাকে তো বলছি কবিয়াল—পয়সা তোমাকে লাগবে না।

নিতাই। তাও হয় না ভাই। বাড়ীতে তোমার শাশুড়ী আছে। এখানে তোমার দিদি আছে। তারা তোমাকে গল্পনা দেবে। হয়তো পেহার করবে।

ঠাকুরঝি। করুক।

নিতাই। না—তা হয় না।

ঠাকুরঝি। দুধ তা হ'লে ভুমি লেবে না ?

নিতাই। না।

[ঠাকুরঝি উঠিয়া দাঁড়াইল]

নিতাই। আর একটা কথা। আমার এখানে আর এমন করে এস না।

ঠাকুরঝি। আসব না ?

নিতাই। এস না। তোমার কলঙ্ক হবে। আর সেই হারটা—ওটা দিয়ে যাও আমাকে।

ঠাকুরঝি। (চাপিয়া ধরিল) না। আমি মরার আগে ও হার আমি দোব না। আমি মরলে তুমি খুলে নিয়ো। (চলিয়া যাইতে যাইতে ফিরিল।
 নিতাই চকিত হইয়া তাহার হাত চাপিয়া ধরিল)

নিতাই। ঠাকুরঝি!

ঠাকুরঝি। ছাড়। যাই। আমি আর আসব না।

নিতাই। তোমার কপালে ও কিসের দাগ?

ঠাকুরঝি। কপালের।

নিতাই। ঠাকুরঝি!

ঠাকুরঝি। কাল এই হার শাড়ী কেড়ে নিতে গিয়েছিল। আমি দিই নাই। তোমাকে যা বলেছি, তাকেও তাই বলেছি। আমি বেঁচে থাকতে ও হার খুলতে আমি দোব না, দোব না, দোব না! টানাটানি করতে গিয়ে পড়ে গেলাম। কপালটা কেটে গেল!

নিতাই। কেটে গেল?

ঠাকুরঝি। ই্যা গো! দেখতেই পেছ।

[নিতাই শুরু হইয়া পাড়াইয়া রহিল]

ঠাকুরঝি। তাই তো বললাম দাগ কপালের। (চলিয়া যাইতে উত্তত হইল)

নিতাই। পাড়াও ঠাকুরঝি।

ঠাকুরঝি। আবার ডাকছ ক্যান কবিরাল? আর কি বলবে?

নিতাই। দুখ দিয়ে যাও।

ঠাকুরঝি। নেবে? (উৎফুল্ল হইয়া উঠিল মুহূর্তে)

নিতাই। দিয়ে যাও।

ঠাকুরঝি। কিন্তু কলক—

নিতাই। সে কলক কপালের ঠাকুরঝি! আর—

ঠাকুরঝি। আর—

নিতাই। আর? তা হ'লে শোন—

চান দেখে কলক হবে বলে কে দেখে না চান?

তার চেয়ে চোখ বাওয়াই ভাল; কাজ কি বল বাচার সাথে ॥

ঠাকুরঝি কপালের কলঙ্ক মাথায় করলেই শিরোপা। সে কলঙ্ক আমার শিরোপা। দুখ দিয়ে যাও। দাও। (সে ঘটি পাতিল, ঠাকুরঝি দুখ ঢালিয়া দিল) গানের কলি আজ হ-হ করে আসছে ঠাকুরঝি—

ওগো চাঁদ তোমার লাগি
না হয় আমি হব বৈরাগী ;
পথ চলিব রাজি জাগি—ঘুচিয়ে দিয়ে সকল বাঘে ।

ষষ্ঠ দৃশ্য

চায়ের স্টল

[বেনে মামা ; বিপ্রপদ ; রাজন। কুমুর দলের মাসী ও নির্মলা ।]

বিপ্র। দে দে, জলদি জলদি দে ।

রাজন। আড়াই সের জিলেইবী, আওর আড়াই সের গরমা গরম বেগুনী,
আওর মুড়ি হম ঘর সে লে আয়েগা ।

বেনে। তু কিন্তু বউয়ের কাছে গাল খাবি রাজন ।

রাজন। উ বাত তুম ছোড জী। উ বাত হামারা ছায় ।

বেনে। লোকেও গাল দেবে ।

বিপ্র। দেখবি বেটা গানের সময় ভিড়। বছং বঢ়িয়া কুমুর ।

বেনে। গান সকলেই শুনবে, চাঁদা চাইলেই গাল দেবে। যেমন কাণ্ড ।

টেনে যাচ্ছে কুমুর দল—বাস—

মাসী। কি করব বাবা। টেনে নামালে আমাদের। বলে গাওনা করে যেতেই হবে। এই রাজা সাহেব আর এই ঠাকুর ।

বিপ্র। আরে ই্যা-ই্যা, ঠিক আছে ।

রাজন। ই-ই, আলবৎ ঠিক ছায়। চাঁদা সব কোই দেগা। ঘাড় পাকড়কে আদায় করুজা। নেহি তো দোকানী লোক মাল গরবর হোগা জী! আইয়ে মৌসী আইয়ে। হামারা ওস্তাদকে হুঁয়া আইয়ে। ক্যারসা ওস্তাদ দেখিয়ে গা। (অগ্রসর হইল)

মাসী। (বেনে মামাকে) ই্যা বাবা, টাকা কড়ি দেবে তো?

বেনে। তা পাবে। সে টাকা না উঠলেও রাজা ধার করে দেবে। যাও।

[মাসী নির্মলা চলিয়া গেল, রাজন আগে আগে গেল]

বেনে। এ আপনি অজ্ঞায় করলেন গুরুদেব। রাজনকে গচ্ছা লাগবে।

বিপ্র। লাগে লাগবে। বাব্বা, ছোটলোক বেটার গান শুনে কানে চড়া পড়ে গিয়েছিল। বেটার মুখ দেখে চোখ মাটি হবার জো। একটা মেয়ে যা আছে বুঝি বেটা বেনেমামা—আ—তা যেন ধারালো লম্বা ইম্পাতের একখানা ছুরি। তার বোল কি? রাজাকে আমি উস্কে দিলাম। রাজা নামতে বললে—তা বললে—টাকা? টাকা দেবে তো? রাজা বললে, জরুর। তো বললে—ই্যা নাগর, তাই বলছি, টাকা দাও নাচি গাই—টাকা দাও তোমার ঐচরণের দাসী। নইলে, তুমি কে? আমি কে? তুমি সাপ তো আমি নেউল। তুমি নদীর এ-কূল আমি নদীর ও-কূল—টাকা দিয়ে সাঁকো বাঁধো তো মিলি; নইলে, মাঝে অগাধ জল।

সপ্তম দৃশ্য

নিতাইয়ের বাসা

[নিতাই একপাশে দাঁড়াইয়া। সুমুর দলের মেয়ে দুজন, নির্মলা ও ললিতা বসিয়া আছে। রাজা খাবার নামাইতেছে।

বসন সবশেষে প্রবেশ করিল।]

বসন। কই হে? কোথায়—কে তোমার ওস্তাদ না ফোস্তাদ। ভাল গান করে আবার ভাল চাও করে। কই?

রাজন। দেখো ওস্তাদ—কায়লা এক ওস্তাদিন লে আয়া। আওর মেয়ে ওস্তাদিন ইয়ে দেখো মেরা ওস্তাদ।

বসন। এ—ই তোমার ওস্তাদ? অ-মা-গ-এয়ে ফ্যালফেলিয়ে তাকায় গো!

রাজন। হাঁ হাঁ—ফ্যালকেলিয়ে তাকাতা লেकिन ছোড়েগা তান তব তো
বান মাফিক কলেজা মে বয়ঠ ষায়গা।

বসন। বল কি? এমন?

রাজন। হাঁ-হাঁ বইঠিয়ে, মেরি ওস্তাদিন।

[বসন একেবারে মেঝের উপর শুইয়া পড়িল]

বসন। (শুইতে শুইতে) আর বইঠিয়ে নয়। শরীর আর বইছে না।
আমি শুলাম। আঃ—কি ঠাণ্ডা মেঝে!

[মাসী প্রবেশ করিল]

মাসী। কই বাবা চা হ'ল। এ কি! বসন—জর-গায়ে তুই ঠাণ্ডা
মেঝের ওপর শুলি!

বসন। কই হে ওস্তাদ না ফোস্তাদ—চা দাও ভাই! সেই তোমার ভাল
চা। তার ওপরে রসের চা।

মাসী। সব সময়ে সব জায়গাতেই চং তোর। ওঠ, জর-গায়ে মেঝের
ওপর শোয় না। ওঠ।

বসন। (মেঝের উপর যেন গড়াগড়ি দিতে চাহিল) মাসী গো—বড়
ঠাণ্ডা। যেন মায়ের কোল। দেহ আমার জুড়িয়ে গেল।

[এই সময়েই নিতাই রাজনকে একপাশে ডাকিয়া বলিল—]

নিতাই। এরা কারা রাজন! কোথা থেকে এল?

রাজন। বহুৎ বঢ়িয়া কুমুর নাচনেওয়ালীকে দল। টেরেন মে আলপুর্কে
মেলা যাতি থি। বস হম অউর বিপ্য মহারাজ উতার লিয়া। রাতকো
গানা হোগা।

নিতাই। তা আমার এখানে—

রাজন। আরে ছোকরী লোগোকো কাঁহা রাখে গা? তুম ওস্তাদ,—
তুমার ঘরমে কোই নেহি—তুমারা হিয়া লে আয়া। তুম কবিয়াল—ই
লোগকে তুম সমঝে গা?

[পিছনে খোলা জানালার ওধারে দাঁড়াইয়াছিল ঠাকুরঝি। সে
দেখিয়া চলিয়া গেল।]

রাজন। বানাও চা বানাও। পানি তো তৈয়ার হার তুমার। হম
আভি আরা— [প্রস্থান]

[নিতাই আগাইয়া আসিল]

নিতাই। বহন আপনারা ভাল করে, আমি চা আনছি।

বসন। আন—আন। তুমি কেমন লোক! দেখছ না মরে যাচ্ছি
আমি।

নিতাই। আনছি। কিন্তু উনি—

মাসী। মাসী। আমি ওদের মাসী। তোমারও মাসী। আমাকে
মাসী বোলো।

নিতাই। মাসী বলছিল—তোমার জ্বর, মেখেতে শুয়েছ—। একথানা
মাহুর দোব? ভালো মাহুর।

বসন। কি বললে? মাহুর? মাহুর দেবে আমাকে? এত দরদ?

[খিল্ খিল্ করিয়া হাসিয়া উঠিল]

মাসী। মরণ, তাতে হাসির কিসের?

বসন। বয়সের কথা তুমি ভুলে গিয়েছ মাসী। ওই দেখ নিম্নলি
ললিতে হাসছে। ওস্তাদ আমার প্রেমে পড়েছে।

নিতাই। তোমাতে আমাতে প্রেম? না?

ললিতে। কেন দোষ কি!

বসন। এত ভয়!

নিতাই। ভয় নয়।

বসন। তবে?

নিতাই। শুনবে? বলব?

বসন। বল তবে তো শুনি।

নিতাই। (স্বরে গাহিল) ফুলেতে ধুলাতে প্রেম

হয় না কো ফুল ফোটার কালে।

ফুল ফোটে সই আকাশ-বুখে

চাঁদের প্রেমে হেলেতুলে।

ধুলা থাকে মাটির-বুকে

চরণতলে অধোমুখে
ফুল ঝরিলে করে বুকে
সেই লেখা তার পোড়া কপালে।

ললিতে }
নিম্নালা } অ-মা-গ। এ যে বেশ।

বসন। কয়লার মধ্যে পোড়া আগুন—জ্বলছে থিকিথিকি। ছাঁকা দেয়।
নিতাই। তোমরা বস। আমি চা আনি। (ভিতরে চলিয়া গেল)
মাসী। (নিতাইয়ের গমন পথের দিকে চাহিয়া) এ যে স্বরেনা গলা
—গলাতে মধু রয়েছে !

ললিতা। ওকে আমাদের দলে লাও মাসী। লাবানকে তাড়াও।
আলিয়ে খেলে। বসনের পরানটা তো কণ্ঠাগত করেছে।

বসন। না। নরকার নাই।

মাসী। মাগো, লাবানের ওপর তোরা এখনও এত টান।

বসন। তাকে আমি লাথি মেরে তাড়াব। কিন্তু—না, আর লোকে
কাজ নাই! (হঠাৎ উঠিয়া বসিল) ও আমাকে গাল দিলে মাসী! গানের
মানে বুকে দেখ।

মাসী। এ অস্ত্রায় বলছিস বসন। গান—গান। গানে আছে—

বসন। এ ওর নিজের গান। শুধিয়ে দেখ ভূমি। বেঁধে বললে।

মাসী। ওমা। তা হলে তো গুণের গুণমণি লো। বাহারের পদ।

বসন। বলি ওহে। ওহে গুণমণি!

নেপথ্যে নিতাই। আমাকে বলছ? (খালার উপর চায়ের ভাঁড় ও
কেতুলি লইয়া প্রবেশ করিল)

বসন। নইলে আর কাকে বলব? বলি এত দেরি কেন? চায়ে কিছু
মেশাচ্ছিলে নাকি?

নিতাই। (চায়ের ভাঁড় দিয়া) বুকে ধোয়ো। চায়ের সঙ্গে যোগবশের
বস দিয়েছি।

বসন। (চায়ে চুমুক দিয়া) বল কি! পীরিতে কুলোল না! শেষে
যোগবশ?

নিতাই। (অঙ্কদের চা দিতে দিতে—ছড়া)

প্রেম-ভুরি দিয়ে বাঁধতে নারলেম হায়
চন্দ্রাবলীর সিঁহর শ্রামের মুখ চাঁদে—
আর কি উপায় বৃন্দে এনে দে এনে দে
বশীকরণ লতা বাঁধব ছাঁদে ছাঁদে ॥

মাসী। বলিহারি বলিহারি।

নির্মলা। ই্যা ময়না বলে ভাল।

মাসী। এ কি তোমার নিজের ছড়া বাবা ?

নিতাই। আঞ্জে ই্যা। একটুকুন আধটুকুন ছড়া গান বাঁধি।

মাসী। ওই গান ? ফুলেতে ধুলোতে প্রেম—

নিতাই। ও-ও আমার।

মাসী। সঙ্গে সঙ্গে বেঁধে স্বর দিলে ?

নিতাই। আঞ্জে ই্যা। আমি কবিতা লিখি তো !

মাসী। খাসা ! খাসা ! খাসা গলা, তেমনি পদ ! তা—তা—এ
নাইনেই থাকবে তো বাবা ? না চাষবাস কাজ-কন্ম—

নিতাই। না ! আমার জমি নাই। পথের মানুষ, এই পথেই এসেছি।
এই আমার পথ।

মাসী। বিয়ে কর নাই বাবা ?

নিতাই। না।

মাসী। তবে, আমাদের দলে এস না বাবা। আমাদের কবিতা লিখি
ভারি মাতাল, ভারি বদ। তা'কে তাড়াব আমরা। আমি তোমাকে ছেলের
মত যত্ন করব। বসন, এই বসন তোমায় দেখাশুনো করবে।

বসন। (উঠিয়া দাঁড়াইল) হরিবোল হরিবোল ! আমি উঠলাম মাসী !

মাসী। উঠলি ? উঠলি কোথা ?

বসন। গুহে নাগর, তোমাদের এখানে পুকুর কোথা বল তো ? চান
করব।

মাসী। চান করবি ?

নিতাই। জ্বর-গায়ে চান করবে ?

বসন। ও জর চন্দ্রাবলীর প্রেমজ্বর, ধুয়ে দিলেই মুছে যাবে। আমি ভাই বাসি গায়ে থাকতে পারি না। গায়ে গন্ধ লাগে!

মাসী। নিম্ন হবে, মরবি।

বসন। হলে টেনে পথের ধারে ফেলে দিও। তাইতো নেকন আমাদের। (বাহির হইয়া যাইতে যাইতে) হ্যা—ভাল মনে পড়েছে। ওই ধুলোর নাগরকে বলছি। কি হে রাগ করলে না তো? তুমি ভাই নিজেই বলেছ—তুমি ধুলোর নাগর?

নিতাই। না-না-না। আবে ফুলের ওপর কি কখনও^১ ধুলো রাগ করে না রাগ সাজে। বল কি বলছ বল।

বসন। দু আনার মাছ এনে দেবে! আমার আবার মাছ বেশী না হ'লে ভাত রোচে না। আমাদের সাজার হেঁসেলে কুচে^২ চিংড়ী। দেবে এনে (খুঁট খুঁলিতে লাগিল)

নিতাই। দাও।

বসন। তা আমি জানি। বলবার আগেই খুঁট খুলেছি। (মুচকি হাসিল—হাসিয়া দিতে গেল)

নিতাই। আলগোছে ভাই, আলগোছে। (হাত সরাইয়া লইল)

বসন। (চমকিয়া কঠিন হইয়া উঠিল) কেন! (মুখের দিকে চাহিয়া) চান করতে হবে নাকি!

নিতাই। ধুলো, ধুলো লাগবে, রাঙা ফুলের গায়ে ধুলো লাগবে।

বসন। (মাটিতে পয়সা ফেলিয়া দিল) তাই আলগোছেই দিলাম। দো আনিটা তুমি তুলে নিয়ে শুঁকে দেখো, চেকো দেখো—ওতো ফুলের গন্ধও আছে, মধুও আছে। [প্রস্থান]

মাসী। তুমি যেন কিছু মনে করো না বাবা। ও ওই বকমই বটে।

নিম্না। বড় বদ মেজাজ। না—এত ভাল নয়।

নিতাই। না-না-না। এতো কথার খেল মাসী। আমি যে কবিরাল। আমি মাছ নিয়ে আসি।

মাসী। দাঁড়াও বাবা। আমার কথাটার জবাব তো দাও নাই। কি বলছ?

নিতাই। কি কথা বলুন তো?

মাসী। আমাদের দলে—

নিতাই। না মাসী। সে আমি যাব না।

মাসী। দলে এলে দেখবে, বসন এমন লম্ব, ভুগে ভুগে ও এমন হয়েছে।
আর বড় লাগাও পেয়েছে।

নিতাই। না মাসী। জোড়হাত করছি।

মাসী। আচ্ছা তবে এখন আমরাও আসি। দেখি রাজা-বাজার কতদূর
হ'ল। আর লো।

[সকলের প্রস্থান। নিতাই বিপরীত দিকে বাহির হইতে উদ্ভূত
হইল। প্রবেশ করিল ঠাকুরঝি]

নিতাই। ঠাকুরঝি।

ঠাকুরঝি। গেল ? ওরা গেল ? ওই মেয়েটা শুয়েছিল—যেন তারকে খরে
হতো দিয়েছিল। মরণ।

নিতাই। তুমি এখনও বাড়ী যাও নাই ?

ঠাকুরঝি। না সেই বেতে কুমুদগান শুনে বাড়ী যাব। জামাইদাদা
বললে। তুমি উদিয়ে গান শুনাইছিলে ?

নিতাই। ই্যা। ওই মেয়েটাকে বলছিলাম—ফুল। শিমূল ফুল। শুধু
বরণ সার।

ঠাকুরঝি। তা বটে, আমাদের মত কুচ্ছিৎ লম্ব। কালো লম্ব।

নিতাই। তুমি চান ঠাকুরঝি। তুমি আকাশে থাক। তুমি এখন
দিদির ঘরে যাও। দিদি জানতে পারলে বকবে। আমি বাজার থেকে
আসি। (ঠাকুরঝি চকিতের মত চলিয়া গেল। নিতাই গুন গুন করিতে
করিতে বাহির হইয়া গেল)

নিতাই। আহা—রাজা বরণ—। রাজা বরণ—। (প্রস্থান)

[রজনীকাল কয়েক মুহূর্তের জন্ত খালি পড়িয়া রহিল। ক্রমে রাজি
নামিল। রাজন একটা হেজাক আলো লইয়া প্রবেশ করিল।]

রাজন। বাস, সতরঞ্চ বিছা দিয়া। বাস্তি ঠিক কর লিয়া, আব তো
বরাক্ষর হো গিয়া। লাগাও গানা লাগাও বাজানা ওস্তাদ ! (স্টেশনে ঘণ্টা
পড়িল) আ-ই বাস টোয়েন্টি-ওরান আ গয়ি। (বাস্তিটা রাখিয়া) ওস্তাদ !
ওস্তাদ ! কাঁহা গয়া ওস্তাদ ?

নেপথ্যে মাস্টার। রাজা। এই বেটা রাজা! বেটা বুঝে নিয়ে যেতেছে!
ওরে—রাজা।

রাজন। যাতা—হজুর—। আভি আয়া! (ক্রত বেগে প্রস্থান)

[নিতাইয়ের প্রবেশ]

নিতাই। রাঙা বরণ শিমূল ফুলের—সখীরে—(গুন গুন করিতে করিতে
চুকিয়া থামিয়া গেল। চারিপাশ দেখিল। আলোটা নাড়িল। ডাকিল—
রাজন।)

[প্রবেশ করিল বসন্ত—আসরের সাজে]

বসন। মাসী? মাসী আসে নাই? অ-মা। এ যে ঘোশনাই করে
বসে আছ ধুলোর নাগর? কার জন্তে হে?

নিতাই। বা-বা-বা। ভারি সুন্দর সেজেছ তুমি।

বসন। বল কি? সত্যি?

নিতাই। সত্যি।

বসন। তা হ'লে যদি বলি আমার জন্তেই আলো জ্বলে বসে আছ!

নিতাই। তুমি খুশী হলে তা-ই বলছি।

বসন। আমি খুশী হ'লে? আমি খুশী হইনে হে। কিছুতেই হইনে।
কিন্তু মাসীকে তুমি কি বলেছ?

নিতাই। কি বলেছি?

বসন। আমাদের দলে তুমি যাবে না?

নিতাই। ই্যা বলেছি।

বসন। কেন? ভাত যাবে?

নিতাই। আমি নিজেই অচ্ছুৎ, ছোট ভাত—বিশ-বেন্ধাণ্ডের লোক
ঘেঁষা করে—

বসন। আমরা আরও অচ্ছুৎ—তুমিও আমাদের ঘেঁষা কর? কিন্তু
কবিয়াল—তুমি তো কবিয়াল!

নিতাই। ই্যা কবিয়াল। তবে ছোট—নেহাৎ ছোট।

বসন। আমরা কবিয়ালদের দোয়াকি করি, নাচি তাদের আসরে। তবে
তুমি ঘেঁষা করবে কেন?

নিতাই। সে কথা থাক ভাই।

বসন। কেন? থাকবে কেন? কবিয়াল—মুখে যখন ঘেঁষা কর বল তখন চোখে তোমাদের—। কবিয়াল আমি খুব ভাল নাচি। যখন আসরে নাচি—তখন তোমাদের চোখগুলো হয় জানোয়ারের চোখ (সে মুহূর্তে নাচের ভঙ্গি করিয়া দাঁড়াইল) তুমি তো মুখে মুখে গান বাঁধো। কই আমি কেমন—গান বেঁধে গাও দেখি।

নিতাই। গাইব?

বসন। গাও। আমি নাচব। গাও।

নিতাই। আহা!—রাঙাবরণ ফুল, রাঙাবরণ ফুল।

দেখে যা বাহার!

বসন। বাঃ কবিয়াল বাঃ—(সে নাচিতে সুর করিল)

নিতাই। আহা রাঙাবরণ শিমুলফুলের বাহার শুধুই সার।

মন ভ্রমরা সামনে কাছে তার!

শুধুই রাঙা ছটা—মধু নাই এক ফোটা।

গাছের সঙ্গে কাটা খরধার

বাহার শুধু তার!

বসন। তুমি অতি ইতর কবিয়াল। তুমি অতি ইতর। (প্রস্থান)

নিতাই। ও ভাই। বসন্ত। ও ভাই।

[নিতাই কয়েক মুহূর্ত নৃত্য থাকিয়া আলোটা লইয়া চলিয়া গেল।

নেপথ্যে বসন্ত তীব্র চীৎকার করিয়া উঠিল—]

নেপথ্যে বসন। আ—ছাড়! আ—।

নেঃ নিতাই। কে! কে! বসন? বসন?

[নিতাই বাহির হইয়া গেল ৩ পর মুহূর্তে বসনকে ধরিয়া লইয়া প্রবেশ করিল]

নিতাই। কি হ'ল? কে? কে তোমার হাত ধরে টানছিল?

বসন। নাগর বল নাগর, পেরেত বল পেরেত—আমার হাত ধরে টানছিল। টাকার লোভ দেখাচ্ছিল। আমি চীৎকার করলাম, তুমি এলে ওরা পালিয়ে গেল। আমার মাথাটা ঘুরে গেল আমি পড়ে গেলাম।

নিতাই। আলোটা পড়ে নিভে গেল। দাঁড়াও আলো জালি।

বসন। না। আমি বাই। আসরে বাই? (উঠল টলিতে লাগিল)।

নিতাই। (ধরিল) বসন। তুমি টলছ। তুমি কি মদ খেয়েছ? না তো। তবে—একি এ যে জ্বর। আজও তোমার জ্বর?

বসন। জ্বর আমার প্রেমে পড়েছে ভাই!

নিতাই। তুমি শোও। তুমি শোও। এ জ্বরে নাচলে তুমি বাঁচবে না। আমি বলে আসি।

বসন। না। তুমি গেলেই পাপেরা পাঁচিল টপকে ঘরে ঢুকবে। আর মাসী জানে। সন্ধ্যা থেকেই জ্বর এসেছে। মাসী বললে শুয়ে থাক। শুয়েই ছিলাম ইন্টিশানে। তোমার কথাগুলো মনে পড়ল। তোমাকে গোটা কতক কড়া কথা বলতে এসেছিলাম। গাল দিতে এসেছিলাম। তা—তুমিই গাল দিলে। (সে খাটিয়াব উপর শুইয়া পড়িল) আঃ—মাথাটা খসে যাচ্ছে। একটু টিপে দেবে? (নিতাই কপালে হাত দিল) কি ঠাণ্ডা তোমার হাত। আঃ জুড়িয়ে গেল। জুড়িয়ে গেল।

নিতাই। আমার অগ্নায় হয়েছে বসন। আমি তোমাকে গাল দিয়েছি।

বসন। তা বেশ করেছে। আমরা তো শিমূল ফুলই বটে।

নিতাই। না তুমি এমন নাচতে পার, গাইতে পার—। তুমি শিমূল ফুল নও।

বসন। তবে?

নিতাই। কেয়াফুল!

বসন। কেয়াফুল! কে! কে!

নিতাই। কোথায়! কে!

বসন। কে যেন—কে যেন উঃ বলে উঠল। ফুঁপিয়ে কেঁদে উঠল।

[জানালায় ঠাকুরবি দাঁড়াইয়াছিল—সরিয়া গেল]

নিতাই। কই কে? কেউ তো নাই!

বসন। জ্বরের ঘোরে তবে ভুল শুনেছি?

নিতাই। তুমি কেয়াফুল। তোমার দোষ সে বিধির ভুল।

হায় করিল কে ভুল!

মন মাতানো বাসে ভরা সারা বৃক
করাত কাঁটার ধারে ঘেরা কেরাফুল !

[গান শেষ হইবামাত্র ঝপ করিয়া কি আসিয়া পড়িল। উভয়েই
চমকিয়া উঠিল। ঠাকুরঝি জানালা হইতে সরিয়া গেল। নিতাই
উঠিয়া দাঁড়াইল]

বসন। ও কে। কে গেল ?

নিতাই। কেউ না।

বসন। কেউ না ? (বসন জানালায় গিয়া দাঁড়াইল। নিতাই
দেশলাই আলিল। মেঝের দিকে চাহিল। হার-ছড়াটা তুলিয়া লইল)

বসন। (কিরিয়া আসিল হাসিতে হাসিতে) ও মা গো ! মেয়েছেলে !
কবিরাল তোমার মনের মাহুষ ! আমাকে তোমার ঘরে দেখে ছুটে
চলে গেল।

[হাসিতে হাসিতে সে বাহির হইয়া যাইতে উত্তত হইল।]

নিতাই। জর-গায়ে কোথায় যাবে ?

বসন। মরতে নয়, আসরে অনেক নাগর পথ চেয়ে আছে। একলা
তোমার ঘরে থাকলে কি চলে ধুলোর নাগর ! ভুলে যেয়ো। তবে তোমার
গান আমি গাইব।

হার করিল কে ভুল ! হার বে !

বড় মিষ্টগান। আর দেখা হবে না, চলি।

তৃতীয় অঙ্ক

প্রথম দৃশ্য

ঠাকুরঝির স্বপুত্রবাড়ী (বৃন্দাবনের বাড়ী)

[প্রাচীন বিশ্বাস মত ভূত প্রেত ঝাড় ফুঁকের সরঞ্জাম সাজানো। এক
জন ওঝা খেলারাম ওঝা সরঞ্জাম সাজাইতেছে। নীর্ণকায় নগ্নদেহ
নাড়ি-গোফ-জটা-সমন্বিত ব্যক্তি। জটা দুই চারিটার বেশী নয়।
কপালে সিন্দুরের ফোঁটা। নীরবেঅনর্গল মন্ত্র আওড়ানোর
মত ঠোঁট নাড়িতেছে। মধ্যে মধ্যে বলিতেছে—
কালী-কালী-কালী। পরিশেষে চীৎকার
করিয়া—বোম শব্দর। শিবো হে—।
দাঁড়াইয়া আছে রাণী ও বৃন্দাবন।]

রাণী। খবর পেয়ে আমি ছুটতে ছুটতে আসছি। ছুটকির কি হয়েছে
বেন্দাবন? কি অসুখ? এ সব কি।

ওঝা। (কথা সে খোনাসুরে কয়) খেলারাম ঠাকুরকে চেন না? এ
সব খেলারামের খেল। যে বিয়ের যে মন্তর! এই অসুখের এই চিকিৎসা।
হুঁ—হুঁ বাবা!

বৃন্দা। বউ অজ্ঞান হয়ে গিয়েছিল দিদি। মাঝে মাঝে দাঁত লাগছে।
গুন গুন করে গান গাইছে। কাঁদছে।

ওঝা। এঁর পর নাঁচবে। ঝর ছেঁড়ে ছুটে পালাবে। মাহুঘের
ঘাড়ে কামড়াবে। হুঁ—হুঁ।

রাণী। কি করে হ'ল? সেদিন যে ঝুমুরের আসরে ছিল। আমার
পাশেই বসল। তা পরেতে কখন স্ট করে উঠে গিয়েছে জানি না। তুমি
কথালে—বউ কোথা। তা—।

বৃন্দা। তুমি বললে, দেখ তা হ'লে ঘরে গিয়েছে। আমি দেখলাম ঘরে
নাই। তখন কি করি—ইদিক উদিক খুঁজলাম। শেষ লাইনের ধারে নজর
পড়ল কি যেন সাদা মতন পড়ে অয়েছে। গিয়ে দেখি বউ। জ্ঞান নাই, সাড়া
নাই। বাক্যি নাই। চোখে মুখে জল দিয়ে জ্ঞান হয় না। শেষে জ্ঞান হোল তো

একেবারে ক্ষেপা মানুষ। কি করব, অনেক কষ্টে কাঁধে করেই একরকম বাড়ী নিয়ে এলাম। মা বললে ওঝা ডাক। ওই নাইন যেখানে হয়েছে সেখানে কত গাছ ছিল। কত গাছে তেনারা থাকতেন।

ওঝা। ভূত পেরেতে পিশাচ বৈদ্যদেত্তি কঁককাটা গঁলায় দড়ে—কঁত কঁত। সঁব ঘূঁরে বেঁড়াচ্ছে। বাতাসে ভেসে বেঁড়াচ্ছে। ক্ষণ পেলেই—
হঁ হঁ বাবা।

[ঠাকুরঝি ও শান্তড়ীর প্রবেশ। ঠাকুরঝির চুল খোলা। বেশ অবিগত। কাঁধের আঁচল পিঠের দিকে মাটিতে লুটিতেছে। চোখে উদাস বিভ্রান্ত দৃষ্টি]

শান্তড়ী। বউ মাথায় কাপড় দে। কাপড় দে।

ঠাকুরঝি। (হুবে) গুন গুন করিয়া উঠিল—
করিল কে ভুল হয় রে।
মন মাতানো বাসে—।

আহা তারপর? তারপর কিগো? তোমরা জান?

রাণী। ছুটকি! ছুটকি! কি বলছিস?

ঠাকুরঝি। তা আবার পারি না? দিনরাত গাল দাও! তা—(হাসিল)

চাঁদ দেখে কলক হবে বলে কে দেখে না চাঁদে?

তার চেয়ে চোখ যাওয়াই ভাল কাজ কি বল বাঁচার সাথে?

তা ই কি হল? ভুল! ভুল! (হাসিয়া) লজ্জায় মরে বাই। ছি-ছি-ছি!

এমন ভুল? হয় কবিরাজ?

রাণী। হঁ। সব বুঝেছি আমি। তুমি ঠিক বলেছ ওঝা, ঠিক বলেছ।
এ মানুষের কাজ। ডাইন! ডাকিন! রাক্ষস!

ওঝা। হঁ-হঁ-বাবা, আমিও খেঁলারাম ওঝা। বুঁনো ওঁলের বাঁঘা
জেঁতুল। বঁস এঁইখানে বঁস। বঁসাও গোঁ।

শান্তড়ী। (ঠাকুরঝিকে ধরিয়া) বউ, এইখানে—এইখানে বস।

ঠাকুরঝি। ক্যানে? আমি পারব না। হুধ নিয়ে আর যাব না।
না-না। যাব না! না।

শান্তড়ী। ধরনারে বেন্দা। হাঁ করে দেখছিল কি?

বৃন্দা। হাত-পা আসছে না মা। আমার—(সে উঠিল) বউ, বউ, এইখানে বস।

রাণী। ওরে রাক্ষস, ওরে ভাইন—ওরে পাষণ—। আমি চন্ডাম। বৃন্দাবন আমি চললাম। সে রাক্ষসকে—। (প্রস্থান)

[ঠাকুরঝিকে বসাইল]

ওঝা। কালী কঁরালী, নরমুণ্ডমালী, উগ্রচণ্ডা, প্রচণ্ডা, চণ্ডা, চামুণ্ডা, হুং হুং হুং, খুং খুং খুং খুং, লুং লুং লুং লুং—

[বাজনের প্রবেশ]

বাজন। এ কেয়া?

ওঝা। চাং চাং চাং চাং, কাং কাং কাং কাং—এল তুই কে বল?
(ঝাঁটা তুলিল)

[বাজন ওঝার হাত ধবিল]

বাজন। খবরদার। চাং চাং চাং চাং! (ওঝার গলা ধবিল) ভাগো হিয়াসে ভাগো। নেহি তো হম মাব দেগা।

শান্তী। ওরে মিনসে। সেহাগের বোনাই আমার! ছাড়। ওঝা ঝাড়তে এসেছে, উনি এলেন আমার সাউকিরি করতে। ছাড় বলছি। বৃন্দাবন, বল না রে।

বৃন্দা। দাদা?

বাজন। আমি পুলিশে খবব দোব বৃন্দাবন। ওঝা তুমি সাবধান। আমি পুলিশ নিয়ে আসব।

ওঝা। ওঁ সঁব হাঁজঁামে খেঁলারাম থাকে না। ছেঁড়ে দাঁও আমি চলে যাই।

বাজন। ঠাকুরঝি! বহিন! কেয়া হয় বহিন? ঠাকুরঝি।

ঠাকুরঝি। হায় জামাইদাদা। করিল কে ভুল হায় রে! আর আমি যাব না। আর আমি যাব না।

বাজন। কি হ'ল তোর?

ঠাকুরঝি। আমি মরে যাব জামাইদাদা, আমি মরে যাব। সব ভুল, সব ভুল।

রাজন। ওঠ। (ধরিয়া তুলিল) হম ডাকতর বোলনে যাত। কিন বব ওবা ডাকগা, কি উস্ লেড়কী কি মারেগা, গালি দেগা তো হম পুলিশকে খবর দেগা।

ঠাকুরঝি। বল জামাইদাদা বল—

চাঁদ দেখে কলক হবে বলে কে দেখে না চাঁদে?

কাজ কি ওরে কালো চোখে, কাজ কি তবে বাঁচার সাথে?

দ্বিতীয় দৃশ্য

নিতাইয়ের বাসা

[নিতাই দাঁড়াইয়া আছে।

নেপথ্যে রাগী গালি দিতেছে।]

নে: রাগী। ওরে ডাইন, ওরে ডাকিন, ওরে রাক্ষস। এত লোভ তোর, এত লালস! ওই কচি মেয়ের উপর—

নে: রাজন। খবরদার! তোর জিভ আমি টেনে ছিঁড়ে দোব! চোপ!

নিতাই। (গুন গুন করিয়া গাহিল—)

চাঁদ তুমি আকাশে থাক, আমি তোমায় দেখব খালি

ছুঁতে তোমায় চাইনাকো চাঁদ, সোনার অঙ্গে লাগবে কালি।

সেই ভাল আমার হাতে কালি আছে। তোমার অঙ্গে কালি লাগবে। আমার কলক সহিতে পারি। তুমি নিষ্কলক চাঁদ। তোমার ঘরে তুমি চিরকাল ঝলমল কর। আমি চলে যাব। চিরদিনের জন্তে চলে যাব—

চলব আমি দেশান্তরে

আঁধার দেশের পাতালপুরে

তুমি ষোল কলায় ফুটে জ্যোৎস্নাধারা ঢাল খালি ॥

নে: রাজন। ওস্তাদ—(রাজন প্রবেশ করিল।)

নিতাই। রাজন, কেমন আছে ঠাকুরঝি?

রাজন। তুমি আমাকে এতদিন বলনি কেন?

নিতাই। কি রাজন?

রাজন। ঠাকুরঝি তোমাকে ভালবাসে! তুমি—

নিতাই। মিথ্যে বলব না রাজন, ইয়া বাসি। কিন্তু বিশ্বাস কর মনের
অজান্তে ভালবেসেছি। আমি গান গাইতাম সে শুনত। কিন্তু কোনদিন তার
অঙ্গ আমি স্পর্শ করিনি, কোনদিন পাপদৃষ্টিতে চাই নি। (হাত তুলিয়া) ওই
ওপরে যিনি আছেন তিনি সাক্ষী।

রাজন। জানি ওস্তাদ, আমি জানি—ঐ তুম করনে নেহি সক্তা হ্যার।

নিতাই। তুমি জানবে না তো কে জানবে রাজন—

রাজন। উ পাগল হোগেন্নি তুমারা লিয়ে। আর—

নিতাই। পাগল?

রাজন। ই। আব তুম উসকো বাঁচাও। হামারা বাত শুনো।

নিতাই। কি বল?

রাজন। তুম উসকো সাদি কর লেও, বৃন্দাবনকো সাধ উসকো সাদি তোড়
দেগা—

নিতাই। না রাজন, না, সে হয় না।

রাজন। কাঁহে?

নিতাই। তুমি ভুলে গেলে রাজন আমরা জাতে আলাদা।

রাজন। জাত কেয়া? ভালবাসামে জাত কেয়া?

নিতাই। না, না, রাজন, তবু হয় না—

রাজন! কেঁও?

নিতাই। কারো পাতানো ঘর কি ভেঙ্গে দিতে আছে ভাই। যে দুঃখ
আমার বুকে আছে সেই দুঃখ বাজবে বৃন্দাবনের বুকে। তোমার শাস্ত্রীর কথা
ভাবো রাজন, তোমাদের জাতের কাছে তাদের মাথা হেঁট হ'য়ে যাবে। না
রাজন, তা হয় না রাজন। বৃন্দাবন স্তম্বে থাকুক, দিন গেলে ঠাকুরঝির মন
আবার স্তম্ভ হবে, ঘরে বসবে। ভগবান তাকে স্তম্ভী করবেন। ইয়া, এই দেখ
পাঁচটা টাকা ঠাকুরঝির দুধের দাম, ভাস্করবাবুকে দিয়ে ভাল করিয়ে দেখিও।
আর এই হারটা—না, এটা থাক।

রাজন। তুমহারা বাত হাম নেহি শুনগা বিবিয়াল। হাম বাতা হ্যার
ভাস্করকা পাশ। হাম উসকো জরুর বাঁচায়েগা। ঠাকুরঝি ভাল হোগা।

উসকো পুছেগা উয়ো ক্যা চাহতী ছায়। উয়ো যো বোলগী হাম ওহি করোগা।
বাকী ভরসা সিন্নারাম কা চরণ, আর তুমহার ধরম! (প্রস্থান)

নিতাই। হে ভগবান, বল প্রভু আমি কি করি? না। অধর্ম হবে।
না বিয়ে করলেও, ঠাকুরঝিকে দেখিয়ে বলবে—না আমি চলে যাব। দেশান্তরে
আধার দেশে।

নেপথ্যে। নেতাইচরণ!

[মাসীর দলের বেহালাদার প্রবেশ করিল]

নিতাই। কে?

বেহালাদার। আমাকে চিনতে পারলে না?

নিতাই। ও তুমি তো কুমুরদলের বেহালাদার?

বেহালাদার। হ্যাঁ ভাই। বিপদে পড়ে এসেছি। আমাদের দলের
কবিরাম লারান পালিয়েছে। বসনের সঙ্গে ঝগড়া হয়েছিল। মদের জন্তু বসনের
আংটি চুরি করেছিল। বসন তাকে লাথি মেরেছে। সে পালিয়ে গিয়ে আর
এক কুমুরদলে মিশেছে। আমাদের দলে কবিরাম নাই। শুধু নাচে আসর
জমছে না। তার ওপর লোকটা অল্প দলে থেকে আমাদের গালাগাল করছে।
আমাদের মাথায় জুতো মারছে ভাই। কুমুরদলে তুমি থাক, না থাক, এবারের
মত আমাদের মান বাঁচাও। মাসী পাঠালে, বললে—সে লোক ভাল, তাকে তুই
গিয়ে নিয়ে আস। (হাত ধরিয়) তোমাকে যেতে হবে ভাই।

নিতাই। তাই তো ভাই। কুমুর দলের পাল্লা—

বেহালাদার। বসন বলে দিয়েছে আলাদা করে। বলেছে—তার মানটা
এবারকার মত রাখ তুমি। দল হুজু তারওপর রেগেছে। বাক্যবাণে মাসী তার
শরশয্যে পেতে দিয়েছে কবিরাম। লোকটা যা কক্কর এই মেলার মুখে সে
তাকে কেনে লাথি মারলে, ক্যানে তাড়ালে? বসন বলেছে—তুমি তাকে
গিয়ে বলো—সে বুঝবে। কি বললে—ভগবান তুল করেছে—আমার অঙ্গে
অনেক কাঁটা! তা বলে সেও কি আসবে না আমার দুঃখের সময়ে?

নিতাই। (হাসিল। ঘাড় নাড়িয়া গুন গুন করিল—)

করিল কে তুল হায়রে—

বেহালাদার। বসনও এই গান গাইছে—

মন মাতানো বাসে ভরা সারা বুক—

করাত কাঁটার ঘেরে ঘেরা কেয়াফুল।

নিতাই। চল আমি যাব। (টিনের স্ট্রকেশ তুলিয়া লইল) দাঁড়াও।
ধর। (সে নজ্জাহু হইয়া বসিল, প্রণাম করিল) মা গো! আমার সব
অপরাধ তুমি ক্ষমা করো মা। মাগো!

বেহালাদার। ঝুমুরদলে গেলে কি এতই পাপ হয় কবিয়াল?

নিতাই। না ভাই। আমি দেশ ছেড়ে চলে যাব বলে পুঁটলি বেঁধেছিলাম।
যাবার মুখে তুমি এলে। মা চণ্ডীকে বলছি—কত অপরাধ করেছি, সব ক্ষমা
করো। আর আমি হয়তো ফিরব না ওস্তাদ!

[বাহিরে ট্রেনের ঘণ্টা বাজিল, ছইসিল বাজিল। ট্রেনের শব্দ হইল

(রাজনের প্রবেশ)

রাজন। ওস্তাদ, কবিয়াল! কাঁহা যাতা হ্যায়? কবিয়াল!

নিতাই। বায়না এসেছে রাজন। ডাক এসেছে।

রাজন। কব লউটেগা। কবিয়াল—কবে ফিববে?

নিতাই। জানি না। যাচ্ছি কাটোয়া, সেখান থেকে অগ্রদ্বীপ, সেখান
থেকে ডাঁইহাট নবদ্বীপ—তাবপর ওপারে শান্তিপুর—

রাজন। দুনিয়া ভোর তুমার বয়না আয়া ভাই? কবিয়াল!

নিতাই। দুনিয়া ভোর। রাজন, দুনিয়া ভোর।

তৃতীয় দৃশ্য

{ ঝুমুর দলের আস্তানা । বসন্তের ঘর । বসন্ত চুপ করিয়া বসিয়া আছে । সামনে প্রদীপ জলিতেছে । সে উকাইয়া দিতেছে আর গান গাহিতেছে । মাসী ঘরে প্রবেশ করিল ।
আসবাব নাই । শুধু একখানা খাটিয়া । }

মাসী । বসন ! কই লো তোর সাজগোজ হল ? কাপড় ছাড়লি ?

বসন । (প্রদীপ উকাইয়া দিতে দিতে বলিল) মাসী !

মাসী । এ কি লো ? এখনো বসে বসে পিদিমে শলতে উল্কে খেলা করছিল ? নির্মলা ললিতের সাজ হয়ে গেল !

বসন । তুমি ওদের নিয়ে ঘুরে এস মাসী । আমি যাব না ।

মাসী । (ধমক দিল) বসন !

বসন । (আর্তভাবে) মাসী—

মাসী । ও সব ঢঙ আমার কাছে চলবে না ।

বসন । আমি আর আসরে দাঁড়িয়ে গাল খেতে পারব না । কাল আমাকে—

মাসী । নেড়ী কুস্তী বলেছে । বেশ করেছে । তার আমি কি করব ? আমাদের গাল দেব নাই ?

বসন । আমি না থাকলে লারাণ তোমাদের গাল দেবে না মাসী ।

মাসী । তাতে আরও ভাল হবে । লোকে নির্মলা ললিতাকে দেখে হরি-বোল বলে চলে যাবে । তোর চটকের নাচে তবু দশটা লোক দেখে— দু-দশ আনা পড়ে ।

বসন । তোমার পারে পড়ি মাসী, তোমার পারে পড়ি !

মাসী । তাতে পেট ভরবে না বসন । এতবড় দলের দু'বেলা খোরাক আছে । এক-একজনের মোষের খোরাক । ওঠ !

বসন । (এবার দৃঢ়ভাবে) না । আমি যাব না । পারব না ।

মাসী । তুই লারাণকে তাড়িয়েছিস । লম্বা মেয়ে তাড়িয়েছিস—।

বসন। আমার আংটি চুরি করেছিল, তাকে আমি লাথি মেরেছি বেশ করেছি।

মাসী। এইবার তা হ'লে তাকে আমি ঘাড় ধরে বাব করে দোব এখনি—।

বসন। যাব। অল্প দলেও আমাকে লুফে নেবে।

মাসী। আমি বলে দোব—তোর সেই ব্যামো—

বসন। (চীৎকার করিয়া উঠিল) মাসী!

মাসী। ওঠ তা হ'লে, কাপড় ছাড়। সাজগোজ কর।— (প্রস্থান)

[বসন কয়েক মুহূর্ত দাঁড়াইয়া রহিল। নিজের বাঁধা চুল খুলিয়া ফেলিল। তারপর খাটিয়াব তলা হইতে বোতল বাহির করিল। এবং বোতলের মুখ হইতেই পান করিল। বোতলটা রাখিয়া দিল। নিজের কপালে বারবার হাতের তালু দিয়া আঘাত করিল। কঠিন আক্রোশ ফুটিয়া উঠিল।]

বসন। এই! এই! এই! এই!

চুলি। বসন! চা!

বসন। (ক্ষিপ্ত হইয়া) বেরিয়ে যা, বেরিয়ে যা, হারামজাদা—।

[খাটিয়ার পাশেই ছিল একটা জলেব গেলাস, সেটা তুলিয়া লইয়া ছুঁড়িয়া মারিল। গেলাসটা তাকে আঘাত করিল না; বনবান শব্দে মাটিতে আছাড় খাইয়া পড়িল। চুলিটা চায়েব ভাঁড় ফেলিয়া দিয়া “মাসী মাসী” বলিয়া বাহির হইয়া পলাইল। বসন আবার বোতল তুলিয়া খানিকটা পান করিল। নেপথ্যে কোণাহল উঠিল—এসেছে-এসেছে-এসেছে—

নেপথ্যে মাসী। বসন! বসন! (বসন্ত চঞ্চল ও ভীত হইয়া চারিদিকে চাহিয়া ছুটিয়া ভিতরের ঘরে প্রবেশ করিল; বেহালাদার, মাসী ও নিতাই প্রবেশ করিল।)

মাসী। বসন! বসন!

নেঃ বসন। আমি যাব না। আমি যেতে পারব না।

বেহালাদার। বসন! বেরিয়ে এস।

নেপথ্যে বসন। না-না-না।

বেহালাদার। আমি ফিরে এসেছি বসন!

[বসন্ত বাহির হইয়া আসিল]

বসন। সে এল না?

[নিতাই সামনে আসিল]

নিতাই। না, আমি এসেছি বসন!

বসন। এসেছ? তুমি এসেছ! (ছুটিয়া সে কাছে আসিল। তাহার কণ্ঠে নেশার জড়িমা আসিয়াছে) তোমাকে সেদিন ঠাট্টা করেছিলাম, বলেছিলাম—ধুলোর নাগর; আজ বলছি—সে ধুলো ব্রজের ধুলো। তুমি আমার ব্রজের নাগর। আমার ছিদ্র কুণ্ডে জল রেখেছ, বড় অপमानে আমার মান রেখেছ।

[নিতাইয়ের হাত ধরিল]

নিতাই। তুমি মদ খেয়েছ বসন!

বসন। খেয়েছি, বড় অপমান কবিস্বাম—অপমানের জ্বালায় খেয়েছি।

[মাসী হাসিয়া বেহালাদারকে ইঙ্গিত করিল। উভয়ে বাহির হইয়া গেল।]

বসন। আরও খাব। এইবার আনন্দে খাব। (সে গিয়া বোতল তুলিয়া লইল। নিতাই গিয়া বলিল)

নিতাই। না, খেয়ো না।

বসন। তুমি খাও। না না, ভাল মদ আছে। বিলাতী রম মদ। খাই নাই, রেখে দিয়েছি যদি তুমি আস। এই যে খাও।

নিতাই। না। আমি মদ খাই না।

বসন। আজ খাও, খেতে হবে।

নিতাই। না।

[মাসী পুনরায় প্রবেশ করিল]

মাসী। খাও না বাবা। গায়ে বল পাবে মনে তেজ পাবে। একটুকুন ঘোর হ'লে গান ভাল হবে। খাও।

নিতাই। না মাসী। আমি অচ্ছুৎ জ্বাঙের ছেলে। সাত পুরুষ মদ খেয়েছে, নান্দা করেছে, খুন করেছে, আরো অনেক কিছু করেছে। মাসী, তাদের

পথ আমি ধবি নাই। মদও খাই না। কিন্তু দেহে তো সেই বস্তু আছে
মাসী। মদ খেলে সে রক্তে আশ্রয় ধবে যাবে।

মাসী। তবে আব দেবি কবো না বাবা। আসন্ন বসন্তে গিয়েছে। চল।
বসন্ত, তুই কাপড় ছাড়লি না? চুল পর্যন্ত খুলে ফেলেছিস?
বসন্ত। এলো চুলে নাচব মাসী, আজ এলো চুলে নাচব আমি।

[বলিয়ারাই সে গান ধবিয়া নাচ শুরু কবিল]

আমাব এলো চুল উড়বে পাকে পাকে।

(ও তাব) গন্ধবাসে মোমাছিবা জুটবে লাখে লাখে।

(গানের বিবর্তিত মধ্যাহ্নে সে বলিল) এস মাসী। চল আসবে (প্রস্থান)

মাসী। তুমি যাও বাবা। আমি যাচ্ছি। এসব পাহারার ব্যবস্থা কবে
যাই। আমাব তো হাজার দায়। (নিতাই অবাধ হইয়া বসন্তের গমন পথেব
দিকে চাহিয়া দাঁড়াইয়াছিল। মাসী দেখিয়া হাসিয়া বলিল) এতেই অবাধ
হ'ল বাবা? বসন্ত আমাব ফুলন্ত গাছ। ও হেসে অঙ্গ দোলালে ঝব ঝব কবে
শিউলিব মত ফুল ঝবে পড়ে।

নিতাই। মেলাব পবে কিন্তু আমি ছুটি নেব মাসী।

মাসী। কেন বাবা?

নিতাই। না। (প্রস্থান)

মাসী। আজ কিন্তু মনে বল কবে গান কববে বাবা। ভড়কে যেনো
না যেন।

চতুর্থ দৃশ্য

[নিতাইয়ের স্টেশনের জনশূন্য বাসা। খাঁ খাঁ করিতেছে।

কাল রাজি। ঘর দোর খোলা। বাহিরে জ্যোৎস্না।

সেই জ্যোৎস্নায় খোলা জানালায় কুঞ্চুড়ার পুষ্পিত

ডাল দেখা যাইতেছে। দূরে স্টেশনে ট্রেনের

ঘণ্টা বাজিতেছে।]

নে: রাজন। রাত বারা বাজকো ডাউন পাসিঞ্জার আতা ছায়। টিকিটকে
ঘণ্টা। এ—।

[বাহিরে জানালার ধারে বিকৃত মস্তিষ্ক ঠাকুরঝি আসিয়া দাঁড়াইল।

ডাকিল—কবিরাল! তারপর সে আসিয়া শূন্য ঘরে প্রবেশ করিল।

তাহার মাথায় দুধের ঘটি]

ঠাকুরঝি। কবিরাল! শুনছ? আমি আর দুধের রোজ দিতে পারব
না। নোকে মন্দ বলছে। আমি আর পারছি না। আর পারছি না। আর
পারছি না। বাক্সা:। (বসিয়া পড়িল) কবিরাল! কোথা গেলে? মাঠে
বসে লতুন গান বাঁধছ? (হাসিল) বাক্সা:—কি মজার মাহুষ! কিন্তু গান
বড় হুম্বর!

[বাহিরে ট্রেনের হুইসেল ও ট্রেনের শব্দ। ঠাকুরঝি শুইয়া পড়িল।

শুন শুন করিতে লাগিল]

আমি ভালাবেসে এই বুঝেছি, স্বপ্নের সার সে চোখের জলে রে।

তুমি হাস আমি কাঁদি বাঁশী বাজুক কদমতলে রে ॥

[কণ্ঠ কণী হইতে কণীতর হইয়া শব্দ হইয়া গেল। বাহিরে রাজার
কণ্ঠস্বর শোনা গেল—সীয়ারাম। সীয়ারাম। তারপর তাকে দেখা
গেল। জানালার ওপারে। সে একবার দাঁড়াইল। চমকিয়া
ডাকিল—কে? কে? বলিতে বলিতে ঘরে আসিয়া ঢুকিল ব্যাঙ্কল
আগ্রহে—]

রাজন। কবিয়া! (হাতের স্টেশন-লন্ঠনের আলো ফেলিল ঠাকুরঝির উপর। চিনিয়া চমকিয়া কাছে আসিল) ঠাকুরঝি! বহিন! ঠাকুরঝি! (ঘটিটা ভুলিয়া দেখিল, উপুড় করিল—দেখা গেল শূণ্য ঘটি) হে ভগবান!

পঞ্চম দৃশ্য

[মেলার আসর। একপাশে নারাগ ও দুইটা মেয়ে। অল্পপাশে মাসী, নির্মলা, ললিতা, বসন, বেহালাদার। মধ্যে দাঁড়াইয়া আছে নিতাই, পাশে ঢুলি। দুইজন লোক প্রবেশ করিল। বাহিরে জনতা বসিয়া আছে।]

জনৈক ব্যক্তি। বসে যাও। তুমি বসে যাও। তোমার ওসব ধর্ম কর্ম চলবে না। বাড়ি গিয়ে ভাত খেয়ে ঘুমোও গে যাও।

[জনতা হাসিল]

নিতাই। গো রস গলি গলি ফেরে সুরা বৈঠল বিকায়। তা জানি। তা প্রভু অনেক তাড়ি তো খেলেন! একটু দুধ পান করে দেখুন কেমন লাগে? নারাগ। এখানে কেউ বাছুর নেই কালাচাঁদ। দুধ এখানে কেউ খাবে না মানিক।

(সুরে) ও কেউ খাবে না, খাবে না।
দধি দুধ চলবে না হে!
ও জলো দুধ আর টকো দই কেউ খাবে না, খাবে না।
চন্দ্রাবলীর এঁদো গলির জলো দুধ আর টকো দই।—

মহাশয়গণ।

ব্যক্তি। ভাল ভাল! বল ওস্তাদ।

নারাগ। (উঠিল) ওই যে চন্দ্রাবলী। ওই যে সুরদরী। ওই যে মাকাল-ফল। ওতেই কালাচাঁদ মজেছেন। ওর জলো দুধ আর টকো দই কাছে নিয়ে ভারী সেজেছেন। হায় হায় হায় আমার রাখার কাছে চন্দ্রাবলী—

ময়ূরী আর কুকুরী—
 সিংহিনী আর শূকরী—
 চন্দ্রাবলী আর রাধায়
 কালো আর সাদায়
 শিমুলে আর বকুলে
 কাকে আর কোকিলে ?
 ওই চন্দ্রাবলী কাকিনী কাকিনী ।
 রং চং মাথা মায়াবিনী ডাকিনী !
 রাঙানো খোলসের মধ্যে সাপিনী
 কুকুরী শূকরী কাকিনী সাপিনী মহাপাপিনী ।
 ওর সর্বাস্থে রোগ ও ছেলেটার ডাকিনী ॥

মহাশয়গণ । কালার্টান মজ্জেন কালো বোদা কালো জামে ।

ওস্তাদ । হায় হায় হায় ।

মাসী । নিতাই ওস্তাদ, ধর গান ধর, জবাব দাও ।

নিতাই । খেউড় আমি গাইতে পারি না মাসী ।

মাসী । বসন ! বসন !

[বসন্ত উঠিয়া চলিয়া যাইতে উত্তত হইল]

নিতাই । বসন !

বসন । (ছিলা ছেঁড়া ধনুকের মত উঠিয়া দাঁড়াইল) কি ? কি ?
 কি ? কি ?

নিতাই । আমি কি করব বসন । আমি খেউড় গাই না । গাইতে জিভে
 আটকায় ।

[নিতাই বিহ্বল হইয়া দাঁড়াইয়া রহিল । বসন্ত তার গালে চড়
 মারিল]

বসন । তবু শ্রাকার মত সামনে দাঁড়িয়ে আছ কেন ? কেন ? কেন ?

[মারিয়াই সে ভিতরের ঘরে চলিয়া গেল । নিতাই এক মুহূর্ত
 দাঁড়াইয়া থাকিয়া আসন্ন হইতে বোতল তুলিয়া লইল । তৎকিল
 তারপর বোতলটা লইয়া আক্রোশভরে বাহির হইয়া গেল ।]

মাসী। যেমন আমার কপাল তেমনি হবে তো। কপালে যে অলসী
জুটেছে। বসন্ত সাক্ষাৎ অলসী। লাথি মেরে লারাংকে তাড়ালে।

[ঠিক এই সময় মেলার আসরে নিতাই ঘুরিয়া আসিল]

নিতাই। মহাশয়গণ! যখন ধন্য কথায় হয় না, তখন দিতে হয় গাল।
গণ্ডারের চামড়া—ছুঁচ যখন ফুটল না, তখন ফোটাতে হবে ফাল। আমি
এইবার ফাল ফোটাব।

[দর্শক এক ব্যক্তি প্রবেশ করিল]

ব্যক্তি। ভাল, ভাল। এই যে বেশ বলছে।

নারাণ। বলিহারি কালাচাঁদ—টিকিতে আগুন লাগিয়েছ লাগছে,
তেতেছে!

নিতাই। জলছি বৃন্দে জলছি। সেই জালাতে ওলো বুড়ী তাকে বলছি।
শোন—

বুড়ী দৃতী, নেড়ী কুত্তী জুত্তী ছাড়া নয় সায়ন্তা

ছড়িব বাড়ি মারলে ভাবে একি আমার সুখ অবস্থা।

নে: কয়েক ব্যক্তি। বলিহারি বলিহারি। বহুৎ আচ্ছা।

নে: এক ব্যক্তি। ওস্তাদের মার শেষ রাতে লাগছে।

নিতাই। হ্যাঁ মশায়। শেষ রাতে। এখন শুয়ুন! ওলো বুড়ী একি
সেজেছিস্? এ্যাঁ! (গান)

বৃন্দে, কৌচকা মুখে এ বুড়ো বয়সে রসকলি কাটিসনে

রসের ভিয়েন জানিস নাকো, গৌজলা তাড়ি ঘাটিসনে॥

হায় বুড়ী মরে না, মরণ নাই—

মাসী। বলিহারি বলিহারি ওস্তাদ! এ যে মানিক আমার।

নিতাই। দোহারগণ!

দোহার। হ্যাঁ হ্যাঁ।

নিতাই। বলতে পার যমের ভয়টা কি? কিসের ভয়ে ওকে নেয় না?

মাসী। যমের অরুচি ওস্তাদ।

নিতাই। হল না। যমের কুচি অকুচি নাই।

নির্মলা। সেখানে গিয়ে পেজোমি করবে, সেই ভয়ে ওস্তাদ ?

নিতাই। এও হ'ল না। তার জন্তে যমদূতের ডাঙস আছে। মেয়ে বাকী দাঁত কটা ভেঙে দেবে।

ব্যক্তি। তবে ? এইবার তুমি বল শুনি।

[বসন্ত প্রবেশ করিল]

বসন্ত। আমি বলছি—আমি বলছি। কালার্টাদ, আমি বলছি।

নিতাই। চন্দ্রাবলী ! তুমি ? এসেছ ? আচ্ছা বল শুনি।

বসন্ত। সেখানে গিয়ে ও পাছে যমের সঙ্গে পীরিত করতে চান্ন—তাই, সেই ভয়ে ওকে নেয় না।

নিতাই। এই আমার চন্দ্রাবলী। ঠিক বলেছে। ওলো বৃন্দে ! ওলো দুতী বলি শোন ! চন্দ্রাবলীকে তুই রাধা থেকে ভিন্ন দেখছিস কেন ? মহাশয়গণ।

বাহির হইতে জনতা। বল-বল !

নিতাই। নারীকে চিনতে পারে কে ? ওই বৃন্দে ও তো নিজের মেয়েছেলে। হায় রে হায় কেউ কি ছাই নিজেকে আমরা জানি ? তার ওপর—

বুড়ীর চোখে পড়েছে ছানি

বুড়ি কানি কানি কানি ॥

(ঢোলে কুড়ুম)

হায়-হায় ! নইলে যিনি কালী তিনিই তারা তিনিই মা ভোবনেশ্বরী ! বটে কিনা বলুন ?

ব্যক্তি। ঠিক ঠিক ! কালী তারা মহাবিজ্ঞা ষোড়শী ভুবনেশ্বরী !

নিতাই। যিনিই লক্ষ্মী তিনিই সীতা—

(ঢোলে কুড়ুম)

ব্যক্তি। বাহবা বাহবা !

নিতাই। যে রাধা সেই চন্দ্রাবলী।

(ঢোলে কুড়ুম)

হায় নারীকে চিনতে পারে কে ?

চরণতলে বন্ধ পেতে শিব সে নারে রে।

বাহিরে জনতা। বলিহারি বলিহারি। হরি হরি বলো ভাই। হরি-
হরি বলো। জিং চন্দ্রাবলীর জিং।

[চোলে গানের শেষের বাজনা বাজিয়া উঠিল। মাসীর দলের লোক
ছাড়া সকলে বাহিরে চলিয়া গেল। মাসীর দলের ললিতাও
চলিয়া গেল। মাসী প্যালায় থালা উঠাইল। নিতাইও বাহিরে
চলিয়া গেল চলিতে চলিতে]

বসন। কবিয়াল! কবিয়াল! (অহুসরণ করিল)

মাসী। বেহালাদার!

বেহালাদার। মাসী!

মাসী। (প্যালা ভর্তি থালা দেখাইল) দেখেছ!

বেহালাদার। এ যে অনেক মাসী।

মাসী। এ খাঁটি সোনা বেহালাদার।

বেহালাদার। সোনার বেশী মাসী, হীরে।

মাসী। কিন্তু গেল কোথায়? (চকিত ভাবে সামনের দিকে
তাকাইল)

নির্মলা। বড় মেতেছে। আজ পেথম কিনা? তা বসন সঙ্গে আছে।

মাসী। ঠিক আছে। বসন আমার খাঁটি সোনা। হীরেকে ঠিক ধরবে।
চল, বাসায় চল।

বেহালাদার। (হঠাৎ) ললিতে! ললিতে কই?

নির্মলা। (মুচকি হাসিয়া) বেহালায় ছড় টানো ভাই। একজনের সঙ্গে
কথা বলতে বলতে সে এগিয়ে গিয়েছে।

মাসী। মরণ! আর। (নির্মলা ও মাসীর প্রস্থান)

[বেহালাদার দীর্ঘনিশ্বাস কেলিয়া বেহালা কাঁধে বাধিয়া ছড় টানিতে
লাগিল। দৃষ্টান্তের সকল সময় বাজিতে থাকিল]

ষষ্ঠ দৃশ্য

[বসন্তের ঘর। নিতাই ঘুমাইতেছে। বসন মাথা রাখিয়া ঘুমাই-
তেছে। বাহিরে পাখীর শব্দ শোনা গেল। দূরে বাজিয়া উঠিল
প্রভাতী টহলের করতাল, তাহার সঙ্গে দুঃখগত সঙ্গীত—“রাই
জাগো, রাই জাগো। শুকসারী বোলে। কত নিজ্ঞা বাবে রাই
কালো মানিকেরই কোলে।” বাহিরে জানালায় উষার আলো
দেখা দিল। নিতাই জাগিল। উঠিয়া বসিল। চারিদিকে চাহিয়া
দেখিল সে কোথায়? গত রাত্রির স্মৃতি তাহার কাপসা হৃৎপ্পরের
মত মনে হইতেছে। হঠাৎ চোখ পড়িল বসনের দিকে। সে চমকিয়া
উঠিল। তারপর খাটিয়া হইতে সন্তর্পণে নামিয়া দাঁড়াইল। এদিকে
খাটিয়া নড়াতে বসনও চোখ মেলিল। কিন্তু মাথা তুলিল না।
নিতাই নিজের চান্দরখানা টানিয়া লইয়া এদিক ওদিক দেখিয়া
হুটকেশ লইয়া সন্তর্পণে বাহির হইয়া যাইবার জন্য অগ্রসর হইল।
বাহির হইবার মুখে সে একবার থমকিয়া দাঁড়াইয়া ফিরিয়া দেখিল।
বসনের চোখ তাহার সঙ্গে সঙ্গে ফিরিতেছিল সে চোখের দৃষ্টি অতি
কল্পণ বিষম। অনন্ত বেদনা সে দৃষ্টিতে। চোখাচোখি হইতেই বসন
তেমনি হাসিয়া বলিল—]

বসন। চলে যাচ্ছ?

নিতাই। বসন!

বসন। আমি জানি তুমি থাকবে না। কিন্তু এমন ক'রে—

নিতাই। না বসন। প্রভাতী টহলে ঘুম ভেঙে গেল। দেখলাম তুমি
সুমোচ্ছ। সারারাত্ত পরিশ্রম করেছ, তার ওপর দেহটাও ভাল নয় তাই জাগাই
নি। আমি যাচ্ছি চান করতে। চান করে একবার মন্দিরে যাব।

বসন। কিন্তু তুমি তো আর ফিরবে না কবিরাম!

নিতাই। না, বসন না। ফিরব বৈ কি? তবে হ্যাঁ—আমি—

বসন। জানি, তোমার মনের কথা আমি জানি। আমাদের এ বাতাস
তোমার সহ্য হবে না। কাল সারারাত্ত তুমি ঘুমের মধ্যে ঠাকুরঝি ঠাকুরঝি

করেছ। অস্ব বলেছ—না—না। আমি তোমার মাথা টিপে দিতে পেলাম, তুমি কেঁচিলে উঠবে—না। হাতখানা ছুঁড়ে কেলে দিলে।

নিতাই। আমি তোমাকে মেরেছি?

বসন। না আমিই মেরেছি তোমাকে। মনের দ্বন্দ্ব তুমি জোর করে মদ খেয়েছ।

নিতাই। সে সব তুমি ভুলে যাও। সে আমার মনে নাই। কাল কবিগানে তোমার দৌলতে আমি গালিগালাজ করতে পেয়েছি। কবিগান করতে গেলে ও না হলে চলে না।

বসন। আর তুমি? তুমি আমার মান রেখেছ। কি সেই গানটি কবিস্থাল?

(আবৃত্তি)

ফুলেতে ধূলাতে প্রেম

হয় নাকো ফুল ফোটার কালে

ঝরা ফুলকে বুকে করা

লেখা মাটির পোড়া কপালে।

তাই সত্যি হ'ল। আর ব্রজের সখা, ধূলোর নাগর আর বলব না তোমাকে। নারান আমাকে ছিঁড়ে পায়ে দলে দিতে চেয়েছিল, তুমি—।

নিতাই। ওসব মনে করো না ভাই। খেলতে এসেছিলাম। খেলা করে চলে যাব।

বসন। তাই যাও। তোমাকে আটকাবো না। তুমি ফিরে যাও। তোমার সেই ইন্টিশানের ঘরে। সেই কেঁটচুড়ার গাছ, সেই ঠাকুরঝি, সেই তোমার মনের মাগুধ—না কবিস্থাল? সেদিন জানালায়—।

নিতাই। ও-কথা থাক বসন, ও-কথা থাক। কিন্তু সেখানেও আর আমি যাব না। ঠাকুরঝি ভাল থাক, নিষ্কলক চাঁদের মত সে দিন দিন কলায় কলায় বাড়ুক—। আমি সেখান থেকে চিরদিনের মত চলে এসেছি। বেরিয়েছি পথে। মেলায় মেলায় কবিগান করব। অবসর মত পথের ধারে বলে তোমাদের মনে করে চোখের জল ফেলব—আর গাইব—ভালবেসে এই বুঝেছি জ্বথের সায় সে চোখের জলে রে।

বসন। ঠাড়াও তোমাকে পেনাম করি!

নিতাই। না—না—বসন না।

বসন। না নয় (প্রশাম করিয়া উঠিল), পথে যেহিঁয়েছে—তোমাকে থাকতে বলতে পারবে না। তুমি যাও। আমার কপালের দুঃখ আমারই থাক; তোমাকে তার ভাগী করবার অনেক লোভ ছিল। সে লোভ আমি নামলাছি ॥ (হাসিয়া) রোজ আমার অর হয় সে তো জানো, কিন্তু কাসির সঙ্গে বস্তু ওঠে—সে জানো না।

নিতাই। বসন! (হাত চাপিয়া ধরিল)

বসন। সেই জন্তেই তো এত পান খাই। লোক দেখতে পায় না, আমি নিজের পাই না। দেখলেই বিব, না দেখলে অস্বস্ত। সারারাত জরে কাতরাই; এই মেহেই মাসীর ছকুম মানতে হয়। ব্রাকসেরা আসে, ও: জীবনটা আমার বিব করে দিয়ে যায় কবিরাল।

নিতাই। বসন তোমার এত দুঃখ?

বসন। এখন দুঃখের কি হয়েছে কবিরাল? এখন দুঃখের রাতের প্রথম প্রহর; এখনও রূপ আছে, যৌবন আছে; গাইতে পারি, নাচতে পারি এখনও—চারিদিকে আলো জ্বলছে। এরপর কবিরাল মাঝরাত শেষরাত নামবে। অস্থখ বাড়বে, জানাজানি হবে। অঙ্গে আমার কালি ঢেলে দেবে, আমাকে দল থেকে তাড়িয়ে দেবে, ভিক্ষে করতে হবে। তারপর একদিন পথের ধারে গাছের তলায়—কবিরাল তোমার গান সত্যি হবে—মাটির সঙ্গে প্রেম হবে আমার। শুধু ভয়—জীবন্তে রাঙে শেরাল কুকুরে—

নিতাই। বসন! না—না—না!

বসন। কিন্তু তাই আমার নেকন।

[নিতাই স্তব্ধ হইয়া দাঁড়াইয়া রহিল]

বসন। যাও আর দেয়ি করো না। মাসীরা উঠলে সহজে তোমাকে ছাড়বে না। তুমি চলে যাও।

[নিতাই সহসা বসন্তের চিবুকে হাত দিয়া তুলিয়া ধরিল]

কসন। কি দেখছ?

নিতাই। কেবাকুল।

বসন। কেবাকুলও জ্বকোর কবিরাল। দেখতে পাচ্ছ, জ্বকুতে লাগাত চিহ্ন, চোখের কোণে কালি?

নিভাই। (স্ট্রোকেশ নাহাইল) তা হলে আমার দূরে গেলে চলবে কেন
ভাই? আমি যে খুলো।

বসন। না—না, তুমি যাও, তুমি যাও।

নিভাই। না। তোমার সঙ্গে আশ্রয় গাঁটছড়া বাঁধলাম বসন।

বসন। বলো না বলো না, বলতে নাই।

নিভাই। তুমি মরলে আমি খুলে নোব। আমি মরলে তুমি খুলে নিও
বসন।

[বসন ছুটিয়া গিয়া মুখ লুকাইল বিছানায়]

নিভাই। বসন।

[বসন মুখ তুলিল, গাহিল]

বসন। “পরান বঁধুয়া তুমি। তোমার আগেতে হউক মরণ এই বর যদি
আমি।”

[নিভাইও তাহাতে কণ্ঠ মিলাইয়া দিল।]

চতুর্থ অঙ্ক

প্রথম দৃশ্য

কাটোয়ায় বসনের চালা ঘর

[ললিতা ও নিম্ম'লা রাগতভাবে ঘরের এক কোণে বসিয়া আছে,
এমন সময় মাসীর ডাকিতে ডাকিতে প্রবেশ ।]

মাসী। (নেপথ্যে) অ ললিতে, নিম্ম'লা কোথায় গেলি তোরা ?
(মাসীর প্রবেশ) খুব আঁকেল যা হ'ক তোদের—বাড়ীতে লক্ষ্মীপূজা আর
তোরা এইখানে দুটোতে বসে আছিস ?

ললিতা। পূজা তো হয়ে গেছে মাসী—আমরা আর কি করবো বল ?

মাসী। তোদের কিছু করবার নাই ? পাঁচজনকে পেসাদ-টোসাদগুলোও
তো দিতে পারতিস ?

নিম্ম'লা। আমরা কিছু পারবো নাই—যার পূজা সেই তো সব কচ্ছে ।
আমাদের কি একবারও বলেছে যে তোরা এই কাজটা কর ?

মাসী। বলবে আবার কি লা ? দেখছিস তার রোগা শরীর, তার
ওপর আজ আবার উপোস করেছে—তাঁই দেখে তো তোরাই এগিয়ে গিয়ে
করে দিবি—না তার ঘাড়ে সব চাপিয়ে, চলে এলি। আবার যদি রোগে
পড়ে ?

নিম্ম'লা। (উঠিয়া) তার দেখবার লোক আছে—সে দেখবে ।

মাসী। তোদের বুঝি কেউ নেই !

ললিতা। (উঠিয়া) ও কথা বলো না মাসী—নেতাইলার মত একটা
নোক আমাদের কপালে জুটলে আমরা বার্ভে যেতুম ।

মাসী। তা মিথ্যে বলিসনি—এবার কবিরামেন সেবার জন্তেই বসন
সেয়ে উঠলো ।

নিম্ম'লা। সেয়ে উঠলো আর বলো নাই—এখন চালা রইল বলতে পার ।
কাসের ব্যামো আবার সারে নাকি ?

মাসী। খবরদার নিমি—এসব কথা আর মুখ দিয়ে উচ্চারণ করবি নাই
—ওর কানে গেলে কুক্কেশ্বর করবে ।

নলিতা। কিন্তু মাসী আর চূপ করেই বা কতদিন থাকা যায় বলতে পার ? আজ দেড়মাস ধরে কাটোয়ার আমরা বসে আছি—ওর রোগের জন্তে আমাদের রোজগারপাতিও তো বন্ধ হয়ে এল। এবার চল দেশে ফিরি।

মাসী। মেশে তো ফিরবোই—হয় আজ নয় কাল। এর ফাঁকে দু এক জায়গায় যদি বায়না নিতে পারি তা হলে খানিকটা নোকসান পুষিয়ে যায়।

[নিতাইয়ের প্রবেশ]

নিতাই। কিসের নোকসান মাসী ?

মাসী। না এই বলছিলুম, কমাস তো বসনের শরীর খারাপের জন্তে আমাদের নোকসান হ'ল, তুমি গাইলে না, এইবার দু একটা বায়না পেলে পুষিয়ে যাবে। এখন তো ও বেশ ভালই আছে।

নিতাই। ই্যা—ভাল আছে—তবে কি জ্ঞান দুর্বল।

মাসী। ও নাটতে খেতে সেয়ে যাবে বাবা—রোগের কথা যত ভাববে তত চেপে ধরবে। এইবার তুমি একটু উঠে পড়ে দু চারটে নতুন গানের পদ বেঁধে ফেল বাবা—তাহলেই বাজারে আবার সোরগোল পড়ে যাবে।

নিতাই। ই্যা—নতুন গানের কথাই কদিন থেকে ভাবছি মাসী—
দেখি কি হয়।

মাসী। বেশ তাই ভাবো বাবা—তাই ভাবো। আমি দু চারটে আসর এবার ধরবোই। ১ তোরা, বেলা হলো, এবার রান্না-বান্নাগুলো সেয়ে নিই।

[নিতাই ব্যতীত সকলের প্রস্থান। নিতাই বসিয়া গুন গুন করিয়া গান করিতে লাগিল, কণপরে পাতায় করিয়া একটু প্রসাদ ও ফল লইয়া বসনের সহাস্ত্রে প্রবেশ।]

নিতাই। লক্ষ্মীপুজো হয়ে গেল তোমার ?

বসন। ই্যা—এই নাও পেসাদ (পেসাদ হাতে দিতে গেল)।

নিতাই। রাখ, হাতমুখ ধুয়ে খাব।

বসন। (পেসাদের পাতা টুলের ওপর রাখিতে রাখিতে) কি ভাবছে কবিরাল ?

নিতাই। একটা গানের কলি বার বার মনে আসছে, কিন্তু দু কলির পর আর আসছে না।

বসন। বল না—তু কলিই বল।

নিভাই। (হুবে) এই খেদ যোর মনে
ভালবেসে মিটল না আশ
কুলাল না এ জীবন
হার, জীবন এত ছোট ক্যানে ?

বসন। কবিয়াল, এ গান তুমি কেন বাঁধলে ?

নিভাই। কেন বসন ?

বসন। তোমার সেবার যত্নে আমি তো ভাল আছি। শরীর তো আমার সেরে উঠেছে। তবে ?

নিভাই। তুমি পাগল, তুমি ও কথা ভাবছ ক্যানে ? ভাল করে ভেবে দেখ না হাজার বছর বাঁচলেও কি ভালবেসে আশা মেটে ? এই তো ছ'টা মাস চোখের এক নিমেষের মত কুরিয়ে গেল—তাই ভাবছিলাম কদিন। আজ গানের কলি হয়ে মনে এলো।

বসন। তোমার গান সন্মানে গান। আমার কপালে সত্যি হয়। তুমি গেরেছিলে—জুলেতে গুলোতে প্রেম, কাটোয়ার মেলার তা সত্যি হল। আবার—

নিভাই। আবার কি বসন ?

বসন। ক'দিন থেকে—

নিভাই। (সবিস্ময়ে) কি ক'দিন থেকে বসন ?

বসন। না, কিছু নয়, আমার মনের ভুল।

নিভাই। বল বসন, আমার বল।

বসন। (রান হাসিয়া) ভাবছি, এত সুখ আমার কপালে সইবে তো কবিয়াল !

নিভাই। কি যে বল তার ঠিক নেই। ও সব ভেবামি কিছু।

[বেহালাদারের প্রবেশ]

বেহালাদার। মত খবর আছে কবিয়াল !

নিভাই। কি ?

বেহালাদার। এই দেখ না (একখানা ছোট বিজ্ঞাপন দিয়া), পড়ে দেখ।

নিতাই। কবিরাল প্রতিবোধিত।

বেহালানার। (উল্লসিতভাবে) এত বড় ম্যাডেল, সোনার ম্যাডেল দেবে কার্টোয়ার বাবুর। খুব জোর পাল্লা হবে এবার।

নিতাই। হুঁ! (পড়িতে পড়িতে) আসরে বিষয় ঠিক করিয়া দেওয়া হইবে। সেই বিষয়ের উপর যাহার গান শ্রেষ্ঠ হইবে, তাহাকে সোনার মেডেল দেওয়া হইবে।

বেহালানার। দেখলে তো? ম্যাডেল নিতে অনেক কবিরাল এসেছে। ভূমিও যাবে তো।

নিতাই। পরে বলবো।

বেহালানার। (অবাক হইয়া) পরে বলবে? (খানিকটা মুখের দিকে চাহিয়া অপ্রস্তুতভাবে) আচ্ছা।

[বেহালানারের প্রস্থান]

বসন। কবিরাল।

নিতাই। বল। (কাছে আসিল)

বসন। (হাত ধরিয়া) এ ম্যাডেল জিতে ভূমি আমার এনে দাও।

নিতাই। (চমকিয়া উঠিল) বসন!

বসন। (সবিস্ময়ে) কি হ'ল, এমন করে চমকে উঠলে কেন?

নিতাই। (অপ্রস্তুত হইয়া) না—এমনি হঠাৎ মেডেলের কথায় একটা কথা মনে পড়ে গেল!

বসন। কি কথা গো?

নিতাই। সে—না, কিছু নয়।

বসন। বল, বল। বলবে না?

নিতাই। সে তোমার না শুনাই ভাল বসন। পুরনো কথা।

বসন। না, ভূমি বল—আমার বলতেই হবে।

নিতাই। (স্নানভাবে) ঠাকুরঝিকে আমি একদিন বলেছিলাম, 'সোনার মেডেল পেলে তোমাকে আমি আগে দেব।'

বসন। (মুখ পাংশু হইয়া গেল) অ, ঠাকুরঝিকে দেবে বলেছিলে ঠাকুরঝিকে? হাঃ হাঃ হাঃ—

[প্রচণ্ড হাসিতে কাশি আসিয়া লল, হাঁকাইতে লাগিল]

ও: বাবা।—

নিতাই। বসন! বসন! (তাহাকে আশস্ত করিতে ধরিল। বসন হাত ঠেলিয়া দিয়া কহিল—)

বসন। না না—তুমি সর, সরে যাও। ও কিছু নয়। ও কিছু নয়।

[নেপথ্যে মাসীর কণ্ঠস্বর শোনা গেল]

মাসী। বাবা—আজ বাবুদের আসবে গাওনা গাইতে যাচ্ছ তো বাবা ?
নিতাই। ই্যা যাব তো মনে করছি।

মাসী। মনে করছি নয় বাবা, নিশ্চয় যাবে। বসন তো এখন বেশ ভালই আছে। কি বলিস্ বসন ?

বসন। ছাই ভাল আছি।

নিতাই। না-না, বসন আগের চেয়ে ঢের ভাল, তোমার রং ফিরেছে, দুর্বল হোক, রোগা চেহার, ফিরেছে। বিশ্বাস না হয় আয়নায়ে তুমি দেখ।

[একটি ছোট আয়না হাতে দিতে যাইতেই বসন তাহা ছুঁড়িয়া ফেলিয়া দিল। নিতাই নিজের সরিয়া নিজেকে বাঁচাইল।]

মাসী। বসন! এ আবার কি! অত তেজ কিসের? রোগ হয়েছে তা তোর একার হয়েছে? রোগ হয় না কার? জানিস্ এই মানুষটা না থাকলে তোর লগাটে কি দুর্গতি? কুকুর শেয়াল যে তোকে—

নিতাই। আঃ মাসী, কি বলছো? রোগা শরীর, কি বলছো? তোমার কাছে তো কোন অপরাধ করে নাই?

মাসী। নাই করলেই বা আমার দলের নোকের ওপর তো করেছে। এতে আমার দল থাকবে কেন? তুমি আমার দলের নোক।

নিতাই। বসনের জন্তেই তোমার দলে আছি মাসী। বউ-বেটার ঝগড়া মা-মাসীকে স্তনতে নাই।

মাসী। (সবিস্ময়ে) অবাক কাণ্ড! আশীর্বাদ করি বাবা তুমি চিরজীবী হও। আজ তোমার সঙ্গে মা-বেটা সঙ্ক পাতাতে ইচ্ছে করছে—। তা হলে শেষকালটার জন্তে আর ভাবনা থাকে না।

[নিতাই বসনের কাছে আসিয়া তাহার শিষ্ঠে হাত রাখিয়া সম্মুখে
কহিল]

বসন। (ক্লান্তভাবে) না রাগ আমি করিনে তোমার ওপর—তুমি যাও।
মাসীর সঙ্গে আমার দু একটা কথা আছে। (নিতাইয়ের প্রস্থান)

মাসী। (কাছে এসে) কি বলছিস বসন ?

বসন। বলছি মাসী, ওর সেবা-যত্ন বুঝি সব বুখাই হ'ল।

মাসী। সেকি !

বসন। এই দেখ। (একটি রুমালে রক্ত দেখাইল)

মাসী। ওমা এ যে রক্ত।

বসন। ই্যা মাসী—এখন একটু কাসলেই ঐ রক্ত বুকের মধ্যে থেকে বেরিয়ে
আসে।

মাসী। তাই তো !

বসন। মাসী, বাঁচতে কিন্তু বড় ইচ্ছে হচ্ছে (কাঁদিতে লাগিল)

মাসী। কাঁদিসনে—কাঁদিসনে বসন—তুই ভাল হয়ে যাবি।

বসন। ভাল হব ? (কাঁদিয়া) তবে এ কথা ওর কেন মনে হল মাসী,
জীবন এত ছোট কানে—জীবন এত ছোট কানে ?

দ্বিতীয় দৃশ্য

[কবিগান প্রতিযোগিতার আসর। তিনজন বিচারকের মধ্যে
বসিয়া আছে মহাদেব। নোটন, ছিষ্টধর প্রভৃতি একপাশে
বসিয়া আছে। যন্ত্রসঙ্গীত বাজিতেছে। একজন
ভঙ্গলোক উঠিলেন। হাত তুলিতেই
যন্ত্রসঙ্গীত বন্ধ হইল।]

ভঙ্গলোক। কাল থেকে আমাদের প্রতিযোগিতা চলছে। বিষয় ছিল
“সংসারের সব চেয়ে বড় বেদনা”। কবিদ্বালরা আপন আপন উপলব্ধি গানে
রচনা করে গেয়ে শোনাচ্ছেন। নোটনদাস ভক্তিরসে বলেছেন “ডেকেও
তোমারে পাইনে দেখা, এই বেদনার নাই পারাবার।” চমৎকার গেয়েছেন।

কবিয়াল ভবকর খুব নাথ। তিনি সংসারে দরিদ্রের ভণ্ডে দুঃখ অচ্ছত্ব করেছেন তিনি গেয়েছেন—“আমার বুকের আগুন জ্বালাতে চাই, জলে না—তাই জলে মরি।” আরও অনেকে অনেক বকম গেয়েছেন। এইবার গাইবেন আর একজন তরুণ কবিয়াল নিতাইচরণ। কবিয়াল নিতাইচরণ—

[সাদা একখানি চাদর গায়ে নিতাইচরণ আসিয়া দাঁড়াইল। প্রণাম করিল]

নিতাই। বাবু মহাশয়গণ, সংসারের সব চেয়ে বড় বেদনা কি আমি ঠিক জানি না। মহৎ জনের মহৎ দুঃখ। আমি অচ্ছত্ব, আমি পথের ধূলার মাহুৰ, কিন্তু তার ভণ্ডেও আমার কোন দুঃখ নাই। তবে একটি কথা ভাবি আর মন আমার দুঃখে ভরে যায়—হাহাকাৰ করে ওঠে মন। বাবুয়া এই পৃথিবীতে পাঠিয়ে যিনি বুকে এত ভালবাসা দিয়েছেন তিনি সে ভালবাসা উজাড় করে তেলে দিতে সমর্থ হেন নাই ক্যানে? বাবুয়া, আমার সব চেয়ে বড় দুঃখ বড় খেদ—জীবন এত ছোট ক্যানে? আমার দুঃখ—এ জীবন এত ছোট ক্যানে? (গান ধরিল—)

এই খেদ আমার মনে
ভালবেসে মিটল না সাধ কুলাল না এ জীবনে।
হার, জীবন এত ছোট ক্যানে?
জীবনে যা মিটল না কো মিটিবে কি হার মরণে?
এ জীবনে বরল যে ফুল ও জীবনে ফুটল কি তা?
এ আকাশে ডুবল যে চাঁদ ও আকাশে উঠল কি তা?
এ জীবনের কান্না বত
হয় কি হাসি ও জীবনে?
জীবন এত ছোট ক্যানে?
হার।

[প্রথমবার গানের পর দ্বিতীয়বার গাহিবার মুখেই রক্তাক্ত অঙ্গকার হইল। অঙ্গকারের মধ্যে দৃষ্টান্ত হইল।]

তৃতীয় দৃশ্য

[বসনের ঘর। বসন উঠিয়া আছে। শিয়রে আলো
জলিতেছে, মাটির প্রদীপ। খুব স্তিমিত শিখা।
জলের গ্লাস, গোটাচারেক কমলালেবু। নির্মলা
আসিয়া শিয়রে দাঁড়াইল।]

বসন। কে ?

নির্মলা। আমি। নিমি! কেমন আছ গো ?

বসন। নিমি! সে কোথায় নিমি ?

নির্মলা। কোথায় আবার ? মেলায়। গান গাইতে গিয়েছে।

বসন। এতক্ষণ আমাকে একলা রেখে, আঃ !

নির্মলা। এতক্ষণ ! তোমাকে নিয়েই তো সারাক্ষণ পড়ে রয়েছে।
একবার হাসতে গাইতেও পারবে না, বাবাঃ !

বসন। আঃ !

নির্মলা। তবু তো তুমি ভাগিয়মানী এমন একটা লোক পেয়েছ। আমাদের
মরণকালে কেউ হয় তো থাকবেই না ! (প্রস্থান)

বসন। না ! না ! আমি মরব না। মরব না। মরতে আমি
পারব না !

[নিতাইয়ের প্রবেশ]

নিতাই। বসন।

বসন। কবিরায় ! কই ? কবিরায় !

নিতাই। এই যে আমি ! এই যে।

[পাশে আসিয়া বসিল]

বসন। এতক্ষণ আমাকে ফেলে থাকে ?

[সে উঠিয়া বসিয়া তাহাকে জড়াইয়া ধরিল]

নিতাই। তুমি তো ভাল আছ বসন !

বসন। তুমি ক্যানে এলে ? ক্যানে আমার তোমার সঙ্গে দেখা হয়েছিল ?
ক্যানে গাঁঠছড়া বেঁধেছিলে ? মরতে তো আমার ভয় ছিল না। মরণের ভয়ে
মনকে আমি বেঁধেছিলাম। ক্যানে এলে তুমি ? ক্যানে ?

নিতাই। না—না এমন করো না। এসব বলো না। তুমি তো এখন ভাল আছ। আর তো রক্ত ওঠে নি। জ্বর তো কমে এসেছে।

বসন। ভাল আছি? (যেন ভাবিয়া দেখিল) না—। আমার মনে হচ্ছে আমি অগাধ জলে ডুবে যাচ্ছি।

নিতাই। ও তোমার ভুল। তুমি ভাল আছ।

বসন। (নীরবে ঘাড় নাড়িল, তারপর বলিল) না আমি আর ষাঁচব না।

নিতাই। কেন। কে বললে? ডাক্তার বলে গেল ভয় নাই।

বসন। ডাক্তার জানে না। আমার মন বলছে আমি ষাঁচব না। কেবল মনে হচ্ছে ওই কোণের অন্ধকারে কারা দাঁড়িয়ে আছে। আমাকে হাতছানি দিয়ে ডাকছে।

নিতাই। ও মনের ভুল। দাঁড়াও আর একটা বাতি জ্বলে দি।

[বাতি জ্বলিল]

বসন। ও কে বিনিয়ে বিনিয়ে কাঁদছে? কে? কে কাঁদছে এমন করে?

নিতাই। ও বেহালাদার বেহলা বাজাচ্ছে।

বসন। বারণ কর! বারণ কর! ওকে এমন করে বেহালা বাজাতে বারণ কর।

নিতাই। এমন করে না বসন! স্থির হয়ে শুয়ে থাক! ভগ্বানের নাম কর।

বসন। (ছিলা ছেঁড়া ধনুকের মত কুহুইয়ে ভর দিয়া উঠিল) কার?

নিতাই। গোবিন্দের নাম কর, তাঁকে ডাকো।

বসন। কেন? কেন তাঁর নাম করবো? কেন তাঁকে ডাকব? কি দিয়েছে সে আমাকে? স্বামীপুত্র, ঘরসংসার, তুলসীতলা, সাজের পিড়িম, কি দিয়েছে আমাকে? না, তার নাম আমি করব না। (বলিয়া সে ঘুরিয়া গেল। এক মুহূর্তের পর আবার ঘুরিল। হাত জোড় করিল) হে গোবিন্দ, হে রাধানাথ, হে দীনবন্ধু দয়া করো, দয়াময় ক্ষমা করো। আমার আসছে জন্মে—আমাকে দয়া করো। হে গোবিন্দ! সব অন্ধকার! সব অন্ধকার! কবিরাল সব ঝাপসা হয়ে গেল ক্যানে? তোমাকে আমি দেখতে পাচ্ছি না ক্যানে? কবিরাল আলো জ্বলে দাও। আলো! কবিরাল, আরও বাতি জ্বলে দাও কবিরাল!

নিতাই। (সবস্রে তাহাকে শোয়াইয়া দিয়া বলল) তুমি শোও! আমি আলো জালাছি আমি।

[সে তাহাকে শোয়াইয়া দিয়া আলো জালিতে গেল। প্রবেশ করিল ললিতা]

ললিতা। (উৎফুল্লভাবে) দাদা, একবার বাইরে এস শিগ্গিরি।

নিতাই। ক্যানে ললিতা?

ললিতা। বাবুরা এসেছে। তারা নাকি তোমাকেই ম্যাডেল দেবে।
মাড়িয়ে আছে সব।

নিতাই। আমাকে? চল যাই। (ললিতার প্রস্থান) বসন! বাবুরা পঞ্চজনে বিচার করে আমাকেই ম্যাডেল দিয়েছেন। বসন! (বসনের কাছে আসিল) বসন! বসন! (গায়ে হাত দিয়া ঝুঁকিয়া পড়িল, তারপর দেখিয়া চীৎকার করিয়া উঠিল) বসন! বসন নাই। শেষ হইয়া গেছে। সংবাদ শুনিবার আগেই চলিয়া গিয়াছে। নিতাই তাহার বুক মাথা রাখিয়া ডাকিল) বসন!

চতুর্থ দৃশ্য

[নিতাইয়ের ইন্টিশানের শূণ্য বাসা! ঘরখানা খোলা পড়িয়া আছে। তক্তাপোশ বা খাটিয়ার উপর শুধু একটা বালিস। খোলা জানালা দিয়া চৈত্রশেষের পুষ্পিত কৃষ্ণচূড়ার ডালটি হুলিতেছে। দৃশ্যপট আলোকিত হইবার পূর্বেই স্টেশনে ট্রেনের ঘণ্টা বাজিল। হুইসিল পড়িল। ট্রেন চলিয়া যাইবার শব্দ হইল। দৃশ্যপট আলোকিত হইল। কাল রাত্রি। কয়েক মুহূর্ত পরেই ধীরে ধীরে দরজা খুলিয়া প্রবেশ করিল নিতাইচরণ। সে থমকিয়া দাঁড়াইয়া চারিদিক দেখিল। সবিস্ময়ে ঘটিটার কাছে গেল। ঘটি ও চুড়িটা তুলিয়া দেখিয়া রাখিল। তারপর গামছাটা তুলিল। তারপর চুড়ি টুকরা। এই সময় দরজার মুখে দেখা গেল রাজাকে। সে বিষম বিস্ময়ে চূপ করিয়া দাঁড়াইয়া রহিল। তাহার হাতে ছিল স্টেশনের লণ্ঠন। সে সেই লণ্ঠনটা ধীরে ধীরে ঘুরাইতেই আলো পড়িল ঘরে। নিতাই আলো দেখিয়া মুখ ফিরাইল।]

রাজন। কবিবাল!

নিতাই। রাজন! দোস্ত! মিভা!

রাজন। কিরে এলে মিভা! তোমার হুনিয়ার বারনা শেষ হল?

নিতাই। না ভাই। ধুলোর নেমস্তর, পথের বারনার শেষ নাই, পথে পথেই চলেছি। কাটোয়াতে কবিগানের পালা ছিল। সেখানে গান গাইলাম গুজনে বিচার করে সোনার মেডেল দিলেন। মেডেল পেয়ে পথে পথেই এখানে আসছি। টেশনে নামলাম, পেলাটকরমে তোমাকে দেখলাম। কিন্তু সেখানে দেখা করলাম না। পাচজনা ছিল, হৈ চৈ হবে—ভাল লাগবে না। এলাম পুরোনো আস্তানায়। তোমার সঙ্গে দেখা করব। চণ্ডীমাকে পেনাম করব আর ঠাকুরঝিকে বলেছিলাম, সোনার মেডেল পেলে তোমাকে দোব। মেডেল তাকে দিয়ে কাল চলে যাব।

রাজন। সে নাই কবিবাল!

নিতাই। সে নাই?

রাজন। না! কবিবাল—তোমার জন্তে—পাগল হয়ে কেঁদে কেঁদে একদিন চলে গেল। এইখানেই কবিবাল—সে এসে শুয়েছিল—

[নিতাই স্তম্ভিত হইয়া পাড়াইয়া বহিল। তাহার হাত হইতে মেডেলটি খসিয়া পড়িয়া গেল। রাজন আগাইয়া আসিয়া তাহার হাত ধরিল।]

রাজন। কবিবাল!

নিতাই। রাজন, ভাই!

রাজন। কীদছ?

নিতাই। (সম্মতিহুচক ঘাড় নাড়িল, বিষণ্ণ হাসি হাসিল) না ভাই ভাবছি।

রাজন। দোস্ত!

নিতাই। হায় রাজন!

(হুসে) —এই খেদ মোর মনে

ভালবেলে মিটিল না সাধ কুলাল না এ জীবনে

হায় জীবন এত ছোট ক্যান্নে?

হায়!

ব ব মি ক

[প্রথম অভিনয় : রঙমহল : ২৫শে ডিসেম্বর, ১৯৪৪]

চরিত্রালিপি

ব্রজবিহারী—

জামাদাস—

হেমন্ত—

অ্যাটর্নি—

ডঃ শাস্ত্রী—

নগেন—

কেষ্ট—

ডাঃ বোস—

ব্রমেশ—

রতন—

কর্মচারী—

রামদাস—

বেয়ারা—

১ম ভদ্রলোক, ২য় ভদ্রলোক,

স্ত্রী-চরিত্র

করুণা—

অনিয়া—

শৈলজা—

হৈমবতী—

বি—

বিংশ শতাব্দী

প্রথম অঙ্ক

প্রথম দৃষ্ট

[কোন একটি রক্তমঞ্চে বৈজ্ঞানিক বক্তৃতা হইতেছে। যবনিকা অপসারণের পর দেখা গেল রক্তমঞ্জের পাদপ্রদীপের সম্মুখে এক ব্যক্তি দাঁড়াইয়াছেন। হাত জোড় করিয়া তিনি বলিলেন]

বক্তা—আপনারা অল্পগ্রহ ক'রে চুপ করুন। আপনাদের সাহুসয় নিবেদন জানাচ্ছি। আজ যিনি আপনাদের সম্মুখে বক্তারূপে উপস্থিত, তাঁর পরিচয় আপনারা পেয়েছেন। তিনি বয়সে নবীন হলেও জ্ঞানে প্রবীণ! বিজ্ঞান-জগতে বাংলার তিনি গৌরব। দেশে দেশান্তরে তিনি বিজ্ঞানে প্রগাঢ় পাণ্ডিত্য অর্জন করেছেন। মাত্র তাই নয়। বিজ্ঞানে পাণ্ডিত্য অর্জন ক'রে তিনি নিজেকে শুধু গবেষণার কাজেই আবদ্ধ রাখেন নি। বাঙালীর জীবনে তিনি বিজ্ঞানকে সার্থকভাবে কার্যকরী ক'রে তুলবার জন্তে প্রাণপণ চেষ্টা করেছেন। তাঁর নব প্রতিষ্ঠিত Bengal Scientific Research-এর কথা আপনারা সকলেই জানেন। তাঁর এই প্রচেষ্টা মাত্র একটা শিল্প-প্রতিষ্ঠান স্থাপনের প্রচেষ্টা নয়, লাভ করবার উদ্দেশ্যে ব্যবসা করাই মাত্র তাঁর উদ্দেশ্য নয়। তিনি এই শিল্প-প্রতিষ্ঠানের কর্মীদের মনকে সত্য বিজ্ঞান-বিশ্বাসী এবং বিজ্ঞান-অভিমুখী ক'রে তুলতে চান। শুধু কর্মীদেরই নয়—সমগ্র বাঙালী জাতির মন এবং দৃষ্টিকে এইদিকে ফেরাতে চান। আমি আশা করি, আপনারা জাতীয় গৌরব এবং ভবিষ্যৎ আশা ভরসা সম্বন্ধে সচেতন হ'য়ে মন দিয়ে তাঁর বক্তব্য শুনবেন। তাঁর বক্তব্য শেষ হ'য়ে এগেছে। এই শেষের অংশের প্রতি তিনি আপনাদের মনোযোগ বিশেষভাবে আকৃষ্ট করতে চান! তাই তাঁরই অনুরোধক্রমে তাঁর বক্তব্যের মধ্যেই আমাকে এই কথা ক'টি নিবেদন করতে হ'ল।

দৃষ্টান্ত

[রক্তমঞ্জের মঞ্চ ঘুরিয়া গেল। দেখা গেল—টেবিল চেয়ার সাজানো মঞ্চের উপর শ্রীমাদাস শাস্ত্রী দাঁড়াইয়া বক্তৃতা করিতেছে। চেয়ার-

গুলিতে কয়েকজন বিশিষ্ট ব্যক্তি উপবিষ্ট। বিশিষ্ট ব্যক্তিগুলিকে বেশভূষায় ধনী বলিয়া মনে হয় না—অধ্যাপক নেতা শ্রেণীর বিশিষ্ট ব্যক্তি]

জামাদাস। আমার বক্তব্য শেষ হ'য়ে এসেছে ! পরিশেষে বিশেষভাবে যে কথাটি আপনাদের কাছে বলতে চাই, সেটি হচ্ছে আমাদের জীবন-মরণ সমস্তার কথা। আমাদের সামনে এগিয়ে আসছে ধ্বংস। পৃথিবীর সমস্ত জাত যখন বিজ্ঞানকে মনেপ্রাণে গ্রহণ করে দ্রুততম গতিতে আবিষ্কারের পর আবিষ্কার ক'রে জীবন-পথে এগিয়ে চলেছে, তখন যদি আমরা প্রাচীনকালের অহুভূতিসর্ব্বম্ব জীবনযাপন করতে চাই—তবে আমাদের ধ্বংস অনিবার্য। দর্শন সাহিত্য সঙ্গীত চিত্রশিল্প প্রভৃতি ললিতকলায় বাঙালীর জীবন সমৃদ্ধ। দালালী ব্যবসায়ও আমাদের বড়বাজারের বন্ধুরা চতুর। টাকাও তাঁরা তাতে অনেক উপার্জন ক'রেছেন ! কিন্তু তাতে জাতীয় সম্পদ এক কণাও বৃদ্ধি পায় নি। কালে কালে অনেক ধর্ম্মগুরু আবির্ভূত হয়েছেন। তাঁদের প্রেরণায় মানুষ উচ্ছ্বসিত হ'য়ে ভগবানকে আকুলভাবে আহ্বান ক'রেছে ! কিন্তু তবু তিনি আবির্ভূত হন নি, পাপের উচ্ছেদ হয় নি। ধর্ম্ম-জীবনের মহিমা আজ ফুটে উঠেছে আমাদের দারিদ্র্যে। আমরা নিরন্ন, আমরা অর্জনশীল আমাদের পেটে ভাত নাই—পরনে কাপড় নাই—আমাদের পরমাণু সংক্ষিপ্ত। এ সমস্তরই কারণ হ'ল আমাদের বিজ্ঞান-বিমুখতা। আমরা বাল্যকাল থেকে আজ পর্যন্ত বইয়ে পড়ছি—ভূমিকম্প হয় পৃথিবীর অভ্যন্তরীণ তাপ বৃদ্ধির জন্তে—কিন্তু তবু আমরা ভূমিকম্প হ'লেই কল্পনা করি বাসুকী মাথা নাড়ছেন। আমরা জানি 'গ্রহণ' কি কারণে হয় ; তবু আমরা গ্রহণ হলেই খোল-করতাল বাজিয়ে মেতে উঠি, রাজি দুপুরে গঙ্গানানে ছুটে যাই, রান্নাঘরের তৈজসপত্র ফেলে দিয়ে পরলোকের পথ প্রশস্ত করি। এর চেয়ে শোচনীয় মানসিক পরিণতি আর কি হ'তে পারে ? পরলোক-সর্ব্বম্ব জাত—তাই তার ইহলোক নাই। স্বর্গে স্থধাস্বাদের কামনায় মর্ত্যভূমে অর্দ্ধাশনে দিন কাটাই। পরলোকে মুক্তির জন্তে—ইহলোকে চিরদামস্ত বরণ ক'রে নিয়েছি। এ জাতের তাই স্বাভাবিক গতি—ফোটা-তিলক কেটে—পরলোক নামক এক অস্তিত্বহীন অবাস্তব মহা বিশ্বাসের দিকে—

[প্রেক্ষাগৃহের মধ্যে সম্মুখের আসন হইতে উপবিষ্ট একটি ফোটা-তিলক কাটা একজন ধনীজনোচিত-বেশভূষাবিশিষ্ট প্রৌঢ় উঠিয়া দাঁড়াইল। তাহার নাম ব্রজবিহারী]

ব্রজ। আপনার কথার আমি তীব্র প্রতিবাদ করছি। আপনি ধামুন। (মঞ্চে

উপবিষ্ট জঁনৈক বিশিষ্ট ব্যক্তি—আপনি বসুন। আপনার বক্তব্য থাকলে আপনি পরে বলবেন।)

ব্রজ। এ অগ্নায়—অত্যন্ত অগ্নায়। আমি এর প্রতিবাদ করছি।

[ব্রজবিহারীর পার্শ্বোপবিষ্ট তাঁহার তরুণী ভাগ্নী করুণা—মামা! মামা!]

ব্রজ। থাম তুমি করুণা। (শ্রামাদাসকে) আপনি বৈজ্ঞানিক; আপনি বিজ্ঞান সম্বন্ধে বলুন। কিন্তু এ ভাবে ঈশ্বর ধর্ম এসব নিয়ে ঠাট্টা করবার আপনার কোন অধিকার নেই।

[শ্রামাদাস পাদপ্রদীপের সম্মুখে অগ্রসর হইয়া আসিল]

শ্রামা। আপনি যদি দয়া ক'রে উপরে উঠে এসে আপনার বক্তব্য বলেন তবে ভাল হয়।

[ব্রজবিহারী দস্তভরা পদক্ষেপে উপরে উঠিয়া গেল]

করুণা। মামা!

শ্রামা। একি? করুণা—তুমি? এস, তুমিও ওপরে এস।

[করুণাও উপরে উঠিয়া গেল]

শ্রামা। তোমাব মামা উনি?

করুণা। হ্যাঁ।

[ব্রজবিহারী উভয়ের মধ্যস্থলে আসিয়া]

ব্রজ। হ্যাঁ, করুণা আমার ভাগ্নী। এক সময় করুণা আপনার ছাত্রী ছিল, সে আমি জানি। কিন্তু সে পরিচয় করবার আমার সময় নয়। আমি আপনার বক্তব্যের তীব্র প্রতিবাদ জানাতে এসেছি।

শ্রামা। ভাল কথা। বলুন আপনার কি প্রতিবাদ আছে—বলুন।

ব্রজ। কেন আপনি ঈশ্বরকে নিয়ে ঠাট্টা ইঙ্গিত করছেন।

শ্রামা। আপনি আমাকে ভুল বুঝছেন। ঈশ্বরকে নিয়ে আমি কোন ঠাট্টা ইঙ্গিত করি নি।

ব্রজ। ক'রেছেন।

শ্রামা। না।

ব্রজ। ক'রেছেন। আপনি ফোঁটা-ভিলকের কথা বলেছেন! আরও অনেক কথা বলেছেন। কিন্তু ঈশ্বর রহস্যের বস্তু নন।

শ্রামা। সে কথা আমি আপনার চেয়ে কম জানি না। ঈশ্বরই হ'ল পরম রহস্য, সে বস্তু নয়, সে হ'ল পরম বিজ্ঞান—

ব্রজ। তবে? তবে কোন অধিকারে তাকে নিয়ে আপনি ব্যঙ্গ ক'রেছেন?

শ্রামা । তাঁকে ব্যঙ্গ করি নি । তাঁকে না জেনে যারা ফৌচা-ভিলক কেটে কিংবা রুদ্রাক্ষ ধারণ ক'রে জানার ভাণ করে—সংসারকে মায়া ঘোষণা ক'রে অলস জড়তায় আচ্ছন্ন হয়—তাদের প্রতি হয়তো কটাক্ষ করেছি, ঈশ্বরকে নিয়ে ব্যঙ্গ করি নি ।

ব্রজ । যাদের কথা আপনি বললেন—আমি তাদেরই একজন । আমার ফৌচা-ভিলক দেখে নিশ্চয় বুঝতে পারছেন ।

শ্রামা । আপনাকে ব্যক্তিগত ভাবে কোন কথা বলি নি । তবে আপনি যখন তাঁদেরই একজন, তখন আপনার সম্পর্কে কথাটা প্রযোজ্য ।

ব্রজ । সে অধিকার আপনার নাই ।

শ্রামা । সাদাকে সাদা, কালোকে কালো বলবার অধিকার প্রত্যেকেরই আছে ।

ব্রজ । সুতরাং সর্বসমক্ষে আপনার সমস্ত বক্তৃতার ভণিতার আড়ালে যে কালো সত্য লুকিয়ে আছে, সেটুকু প্রকাশ ক'রে দেবার অধিকার আমার আছে ।

শ্রামা । অবশ্যই আছে ।

ব্রজ । বিজ্ঞান-প্রীতির তত্ত্ব প্রচার ক'রে আপনি একটা কারখানা গড়ে তুলতে চান ।

শ্রামা । একটা নয়, অসংখ্য ।

ব্রজ । সংখ্যার আরম্ভ একে । সেই একটা কারখানার শেষার আপনি বেচতে চান । আপনার বক্তৃতাকা কোন তত্ত্ব নয়—একটা বিজ্ঞাপন । ভাল—আমি আপনার কারখানার পঞ্চাশ হাজার টাকার শেষার কিনতে চাই । যাবেন আমার ওখানে ; আপনি অবশ্য কাল সকালেই যেতে ইচ্ছুক—তা জানি ; কিন্তু কাল আমার সময় হবে না । পরন্তু যাবেন । এই নিন আমার কার্ড ।

শ্রামা । ধন্যবাদ । আপনার কার্ডের আমার প্রয়োজন নেই । আপনাকে আমি জানি । আপনার ভাগ্যী করুণা এক সময় আমার ছাত্রী ছিল । দামী গাছী, দামী শাড়ী, জড়োয়া গহনা প'রে সে যখন বিজ্ঞানের ক্লাসে ঢুকত—তখন থেকেই তার অভিভাবক যে ধনী তা জানতাম । আবার বিজ্ঞানের ছাত্রটিকে যখন দুর্ব্বার গোছা বাধা রাখী বেঁধে ক্লাসে আসতে দেখতাম—তখনই বুঝেছিলাম তার অভিভাবকের হাতে কবচ আছে—পলা গোমেদ আছে—কিন্তু ফৌচা-ভিলক, অতটা ঠিক ধারণা ক'রতে পারি নি । এখন বুঝতে পারছি আমার অহুমানের

চেয়ে অনেকগুণ বেশী ধন সঞ্চয় ক'রেছেন আপনি। আপনার ধর্মে বিশ্বাস স্বাভাবিক।

করুণা। আপনি এসব কি বলছেন? আমি আপনার ছাত্রী—আপনাকে শ্রদ্ধা করি। কিন্তু তবু এসবের প্রতিবাদ করছি আমি। একি ব্যক্তিগত আক্রমণ নয়?

শ্রীমা। সত্য খানিকটা অপ্রিয়ই হয় করুণা। সত্যের জন্ত যদি তোমরা আঘাত পাও—তবে আমি নিরুপায়। ধর্মগুরু, ঈশ্বর মানুষের কল্যাণের জন্ত প্রাণপাত সাধনা ক'রেছেন, তাঁদের আমি শ্রদ্ধা করি তোমাদের চেয়ে বেশী। কিন্তু সেই কল্যাণের বস্তু আত্মসাৎ ক'রে যারা স্বার্থের জন্তে তাকে অকল্যাণের বস্তু ক'রে তোলে—পৃথিবী তাদের ক্ষমা ক'রবে না।

করুণা। তার মানে?

শ্রীমা। তার মানে? তার মানে হ'ল—তোমাদের মত এই ধারার ঈশ্বরবিশ্বাস ধর্মনিষ্ঠা আছে হু' শ্রেণীর লোকের। এক ধনী আর এক দরিদ্র। দরিদ্রকে বঞ্চনা ক'রে সঞ্চয়ের অপরাধ থেকে মুক্তি পাবার জন্তে জন্মান্তর এবং পূর্বজন্মের কর্মফলের কর্তা ঈশ্বরকে বিশ্বাস ছাড়া ধনীর গতি নাই। আর ঈশ্বার ক্ষোভের দাহ থেকে মুক্তি পাবার জন্তে দরিদ্রেরও এই বিশ্বাস ছাড়া গতি নাই।

করুণা। তা হ'লে যারা পরকে বঞ্চিত ক'রে ধনী হ'তে চায়, ধন না থাকার জন্তে যাদের মনের দাহের নিবৃত্তি হয় না—তারাই ঈশ্বরে অবিশ্বাস ক'রে বিজ্ঞানে বিশ্বাস করে। বিজ্ঞান-বিশ্বাসীরা বৈজ্ঞানিক কারখানার দৌলতে ধনী হ'য়ে ফোঁটা-তিলক কাটে—রুজ্জাক্ষ ধারণ করে। Bengal Scientific Research-এর প্রতিষ্ঠাতাও একদিন ফোঁটা-তিলক কাটবেন, অন্ততপক্ষে পরমতত্ত্বে বিশ্বাসী হবেন ব'লে আশা করা যায়।

শ্রীমা। বাক্যযুদ্ধে তুমি কুশলা করুণা এবং তুমি মার্শক ধনী-কণ্ঠা। কিন্তু অকৃশাস্ত্রে আর বিতর্কবিজ্ঞান তফাৎ আছে। বাক্যযুদ্ধ ক'রে ফাঁসীর আসামীকে নির্দোষ প্রতিপন্ন করা যায়, জজ-কোর্টের রায় হাইকোর্টে পাটায়, কিন্তু অস্ত্রের ফল, সে এক, যতবার সেটাকে করবে—সেই একই উত্তর দাঁড়াবে। বৈজ্ঞানিকের জীবন অস্ত্রের জীবন। ওর উত্তর এক।

করুণা। আপনার জীবনের অন্ধকলের দিকে সাগ্রহে চেয়ে রইলাম। এস মায়া—চ'লে এস।

ব্রজ। আপনি আসছেন তো পরশু আমার ওখানে? পঞ্চাশ হাজার টাকার শেয়ার কিনব আমি।

শ্রামা। না।

ব্রজ। না? কেন, ফোটা-ভিলকধারী ভিরেকটার বা শেয়ার-হোল্ডার হ'লে আপনার যন্ত্রপাতিও কি বৈজ্ঞানিক হ'য়ে যাবে না কি? যন্ত্রপাতির বদলে কি তাতে বুদ্ধিবল্লভ উঠবে?

শ্রামা। না। কারখানাটা তা হ'লে production-এব চেয়ে profit-এর জন্তে যেকের মত লোভী হ'য়ে উঠবে।

ককণা। অর্থাৎ বুদ্ধিবল্লভ। (শ্রামাদাস হাসিল, ককণা তাহার মুখের দিকে মুহূর্তের জন্য চাহিয়া ফিরিল) এস মামা, চ'লে এস। বকের কাছেও মাছ বাঁচে। কিন্তু বৈজ্ঞানিক মানুষ যখন ব্যবসা কবে—পুকুর কেটে, পয়সা দিয়ে মাছ ছেড়ে খাবার দিয়ে মাছ পোষে—তখন মাছের আর পবিত্রাণ থাকে না। জালে ধরা না পড়লে পালকেরা পুকুর মেরে মাছ ধ'রে খায়। এস, বাড়ী এস।

ব্রজ। (শ্রামাদাসের কাছে আগাইয়া আসিল) Mr. Sastri—ধর্মবিশ্বাস নিয়ে আপনি কেন এত উত্তেজিত হচ্ছেন? আপনি নাস্তিক—তাব মধ্যে আমি আপনাকে ভ্রান্ত মনে করি কিন্তু আপনাব বৈজ্ঞানিক বুদ্ধিকে শ্রদ্ধা কবি। আপনিও আমার ব্যবসা-বুদ্ধিতে আস্থা রাখতে পারেন। Bengal Scientific Research-কে আমরা গ'ড়ে তুলতে পারি—we can make it a great success. আমি এক লক্ষ টাকার শেয়ার কিনব।

শ্রামা। ধন্যবাদ Mr. Ghoshal, কিন্তু সে হয় না। আমার পবিত্রতা কাজে পবিত্র করতে capital অবশ্যই চাই—কিন্তু সে capital capitalist-এব কাছ থেকে আসবে না।

ব্রজ। (তাহার মুখের দিকে স্থির দৃষ্টিতে চাহিল—যে দৃষ্টি অত্যন্ত রহস্যময় বলিয়া বোধ হইল। তারপর একটু মুদ্র হাসিয়া) I wish you every success, Mr. Sastri.

শ্রামা। ধন্যবাদ।

ব্রজ। আশা করি, আবার আমাদের দেখা হবে। নমস্কার। এস ককণা।

শ্রামা। নমস্কার।

শ্রামা। (প্রেক্ষাগৃহের দর্শকদের দিকে চাহিয়া) আমাব বক্তব্য আজকের মত শেষ হ'য়েছে। শেষের দিকে যে অবাঞ্ছনীয়-ঘটনাটুকু ঘ'টে গেল—তার জন্তে আমি দুঃখিত। পরিশেষে, অসংখ্য ধন্যবাদের সঙ্গে আপনাদের আমি নমস্কার জানাচ্ছি।

[মঞ্চের উপর উপবিষ্ট বিশিষ্ট ব্যক্তিগণ উঠিলেন । শ্রামাদাসকে অভিনন্দন জানাইয়া প্রস্থান করিলেন]

১ম । Congratulations Mr. Sastri.

শ্রামা । Thanks.

২য় । আপনি ভাল বলেছেন Mr. Sastri—এ ছাড়া আমাদের বাঁচার উপায় নাই ।

শ্রামা । নমস্কার ।

৩য় । এ সম্বন্ধে আপনার সঙ্গে একদিন আলোচনা করতে চাই Mr. Sastri (হাত বাড়াইলেন)

শ্রামা । সে তো আমার সৌভাগ্য । (করমর্দন করিল)

৩য় । ব্রজবিহারী ঘোষাল সম্বন্ধে কিন্তু আপনি সাবধান হবেন Mr. Sastri, He is a dangerous man.

শ্রামা । All capitalists are dangerous.

৩য় । (হাসিলেন) Yes, that's true—but he is more dangerous —ওই ভায়ীটিকে দেখলেন তো ?

শ্রামা । করুণাকে আমি জানি : সে আমার ছাত্রী ছিল ।

৩য় । ঘোষালের সমস্ত ধন সম্পদ ওই ভায়ীকে ফাঁকি দিয়ে । ঘোষালকে আমি দেখেছি পথের ফকির । বড়লোক ভায়ীপতির business-এ পঞ্চাশ টাকা কেরানী ।

শ্রামা । ও সব কথা থাক । Let us part to-day. Good night.

৩য় । Good night ! [প্রস্থান]

[শ্রামাদাস টেবিলের উপর হইতে বই তুলিয়া লইতেছেন, এমন সময় দরজা দিয়া প্রবেশ করিল একটি তরুণী । ইঙ্গবঙ্গ সমাজের মেয়ে । মেয়েটির নাম অনিমা]

অনিমা । Hallo শ্রামল ! How do you do ?

শ্রামা । (পিছাইয়া গেল) কে ? কে ?

অনিমা । আমি কি এতই পাল্টে গেছি শ্রামল, যে তুমি আমায়—

শ্রামা । অ্যানি ! অনিমা !

অনিমা । Yes, I am your Anny শ্রামল, কিন্তু তুমি—

শ্রামা । এক মিনিট, কিছু মনে ক'রো না । আমি শ্রামল নই, আমি শ্রামাদাস ।

অণিমা। আমার কাছে তুমি শ্যামল ! আমিই তোমার শ্যামাদাস নাম পাণ্টে শ্যামল দিয়েছিলাম, and you accepted it very gladly.

শ্যামা। পরবর্তী কালে আরও আনন্দের সঙ্গে, I mean very very gladly শ্যামল পাণ্টে আবার আমি শ্যামাদাস হ'য়েছি অণিমা, তুমি আমায় শ্যামাদাস বলেই ডেকে।

অণিমা। (হাসিয়া) তুমি কি আমায় আঘাত দিতে চাচ্ছ শ্যামাদাস ? But you miss your aim. আমি তোমায় শ্যামাদাস বলেই ডাকব।

শ্যামা। ধন্যবাদ।

অণিমা। ধন্যবাদগুলো বাক্যব্যয়ের মধ্যে অপব্যয় শ্যামাদাস—ওগুলো বাদ দিয়ে কথা বল। বিলেত থেকে কবে ফিরলে ?

শ্যামা। ফিরেছি ডিসেম্বরে। ছ মাস হ'য়ে গেল।

অণিমা। ছ'মাস ! আমাকে একটা খবর দাও নি তুমি ?

শ্যামা। সময় হয় নি। কিছু মনে ক'রো না।

অণিমা। একটা খবরও দিতে পারতে তুমি। Post card-এর দাম বেড়েছে—কিন্তু তিন পয়সার বেশী নয়। আমার মূল্য কি তোমার কাছে তার চেয়েও কম ?

শ্যামা। তোমার মূল্য আমার কাছে অঙ্কে ধরা পড়ে না মিস্ মুখার্জী—

অণিমা। Excuse me, তোমার কথার মধ্যেই বাধা দিচ্ছি। আমি আব মিস্ মুখার্জী নই, মিসেস বোস—শ্যামল—I mean শ্যামাদাস—

শ্যামা। Really ? আমি তোমাকে অভিনন্দন জানাচ্ছি অণিমা। কিন্তু ভাগ্যবান Mr. Bose. আসেন নি ?

অণিমা। নিশ্চয়, তিনিই আমাকে জোর ক'রে তোমার বক্তৃতা শুনতে নিয়ে এসেছিলেন। তিনিও একজন বৈজ্ঞানিক—অবশ্য ডাক্তার। তোমার সঙ্গে আলাপ করবার জন্তে তিনি ব্যগ্র হ'য়ে বাইরে অপেক্ষা ক'রে রয়েছেন! (নেপথ্যের দিকে অগ্রসর হইয়া) Dr. Bose—

শ্যামা। Dr. Bose আসতে আসতে আমার বক্তব্যটা শেষ ক'রে নিই মিসেস বোস—rather Anny—বলেছিলাম না—মূল্যের কথা ? অঙ্কে যে মূল্য ধরা পড়ে না—তাতে আর শূন্যতে কোন তফাৎ নেই।

[Dr. Bose প্রবেশ করিল, প্রোট্ট উদ্ভ্রলোক,

নিখুঁত সাহেবী পোশাক]

অগ্নিমা। তার মানে ?

শ্রামা। আপনিই Dr. Bose ? Let me introduce myself—আমি আনির—I mean মিসেস বোসের একজন পুরনো বন্ধু। (হাত বাড়াইল)

ডাঃ বোস। (শ্রামাদাসের হাত চাপিয়া ধরিল) তা হ'লে আমার আর একটা পরিচয় আপনার কাছে দিই। আমি আপনার একজন ভক্ত। আপনার প্রবন্ধ যেখানে যা বের হয়—আমি গভীর মনোযোগের সঙ্গে পড়ি।

শ্রামা। আমার সৌভাগ্য।

ডাঃ বোস। আমরা কি বাইরে যেতে যেতে কথা বলতে পারি না ? রাজি হ'য়ে যাচ্ছে।

শ্রামা। চলুন মিসেস বোস, সেই ভাল।

অগ্নিমা। (নিজে হাত বাড়াইয়া) রুটতার মার্জনা আছে শ্রামল—অভদ্রতা অমার্জনীয়। Give me your hand. (নিজে শ্রামাদাসের হাত টানিয়া লইল)।

দ্বিতীয় দৃশ্য

[পল্লীগ্রাম। কলিকাতার নিকটস্থ কয়েক মাইল দূরবর্তী সহরতলীতে শ্রামাদাসের পৈত্রিক বাড়ী। নিতান্ত মধ্যবিত্ত গৃহস্থের বাড়ী। বাড়ীখানা পুরানো। বাড়ীর বাহিরের দিক। একতলা পাকা বাড়ীর বেশ পরিসর একটি বারান্দা। বারান্দাতে উঠিবার সিঁড়িটি দুইপাশে দুইটি হাতীর গুঁড় দিয়া ঘেরা। বারান্দার দুইপাশে দুইটি করবী ও যুঁইয়ের ঝাড়। আসবাবপত্রের মধ্যে একখানি তক্তাপোষ, কয়েকটি মোড়া, খান দুই পুরানো চেয়ার। ঘরের দরজার মুখে শ্রামাদাসের বিধবা মা শৈলজা দেবী একখানি পত্র পড়িতেছিলেন। তাঁহার সম্মুখে একপাশে দাঁড়াইয়া আছে হেমন্ত। হেমন্ত প্রিয়দর্শন যুবা, শ্রামাদাসেরই সমবয়সী, শ্রামাদাসের খুড়তুত ভাই। শৈলজা দেবী চিঠি পড়া শেষ করিয়া মুখ তুলিয়া হেমন্তর দিকে চাহিলেন]

শৈলজা। চিঠিখানা পড়বি হেমন্ত ?

হেমন্ত। বড়দা' চিঠি লিখে আমায় পড়তে দিয়েছেন জ্যাঠাইমা। আমি পড়েছি।

শৈলজা। বাংলা দেশের বিখ্যাত পণ্ডিত বুনো রামনাথের সব চেয়ে প্রিয় শিষ্য দুর্গাদাস শাস্ত্রীর বংশের ছেলের চিঠি।

[হালিলেন। তারপর চিঠিখানা ছিঁড়িয়া ফেলিতে উদ্যত হইলেন]

হেমন্ত। চিঠিখানা ছিঁড়ে ফেলবে জ্যাঠাইমা?

শৈলজা। (অর্ধেক করিয়া ছিঁড়িয়া) হ্যাঁ।

হেমন্ত। কিন্তু ছিঁড়ে ফেললেই কি চিঠিখানার অস্তিত্ব চ'লে যাবে?

শৈলজা। (আবণ্ড টুকরা কবিয়া) ঠিক বলেছিস—ছিঁড়ে ফেললেও টুকরো টুকরো হ'য়ে থাকবে। তাতে ঘর অপবিত্র হবে।

হেমন্ত। চিঠিখানা কিন্তু বড় ভাল লিখেছিল বউদা। আমার ইচ্ছে ছিল—চিঠিখানা তোমার কাছ থেকে চেয়ে নেব।

শৈলজা। তুই দাঁড়া হেমন্ত, টুকরোগুলো উনোনে দিয়ে হাত ধুয়ে আসছি আমি। [প্রস্থান]

হেমন্ত। (আপন মনে আবৃত্তি করিল)

বঞ্চিত যে ছেলে—

তারি তবে চিত্র মাঝ দীপ্ত দীপ জ্বলে

আপনারে দগ্ধ করি কারছে আবতি

বিশ্ব-দেবতার।

[নেপথ্য হইতে খুব উচ্চকণ্ঠে কথা বলিয়া প্রবেশ করিল কেটদাস।

শ্রামাদাস ও হেমন্তের সে খুড়তুত ভাই। তাহাদের অপেক্ষা বয়সে ছোট। পোশাক পরিচ্ছদে আপ-টু-ডেট কলিকাতাব ছেলে। বধাটে মূর্খ। শ্রামাদাস ও হেমন্তের লেখাপড়ার কৃতিত্বে সে ঈর্ষান্বিত]

কেটদাস। বিদ্যান পণ্ডিত জনের মা কই গো? কোথায়? বলি অ জ্যাঠাইমা?

হেমন্ত। কি কেট এমন ক'রে চেষ্টাচ্ছিস কেন?

কেট। আরে বাপরে! ভাবী কপিসম্রাট—উড্ডায়মান নাহিত্যিকপ্রবর হেমন্তদা যে! আমার অভিনন্দন গ্রহণ কর তারপর জ্যাঠাইয়ের দলের সম্রাজ্ঞী আমাদের জ্যাঠাইমা কোথায় বল তো?

হেমন্ত। কেন? কি দরকার তাঁকে?

কেট। গাধার লাথির চেয়ে বিলিভী ঘোড়ার লাথি অনেক শক্ত, সেই কথাটা মা-জননীকে সবিনয়ে নিবেদন ক'রতে এলেছি। অ জ্যাঠাইমা! (সে বাড়ীর দিকে আগাইয়া চলিল)

হেমন্ত । (কেউ হাত ধরিয়ে) গাধার লাথি যদি বা সহ্য করা যায় কেউ, চাঁৎকার কোন মতেই সহ্য করা যায় না । চূপ কর তুই !

কেউ । হাত ছেড়ে দাও হেমন্তদা—ভাল হবে না বলছি । ওই, ওই, পাক দিচ্ছ কেন ?

হেমন্ত । টানাটানি করিস্ নে । তোরই হাতে লাগবে । আমার বড় মুণ্ডর দুটো দেখেছিস্ তো ? সেই দুটো নিয়ে আমি রোজ একসারসাইজ করি । তোর চেয়ে আমার জোর অনেক বেশী ।

কেউ । সেই জন্তেই তোমার লেখাগুলো এমনি কাটখোটা । ছাড় ছাড় । মাইরি বলছি, ইয়াকি আমি পছন্দ করি না । ছাড়—হাত ছাড় ।

হেমন্ত । বিলাতী ঘোড়া ব'লে কি বলছিলি ? তুই তো বিলিতী ঘোড়া বলিস্ জামাদাসকে আমি জানি ।

কেউ । কেন ? বলবে কেন ? জ্যাঠাইমা আমাকে মুখ্য গাধা বলে কেন ?

হেমন্ত । বড়দা'র কথা কি বলছিলি ?

কেউ । বড়দা জ্যাঠাইমার নামে নোটিশ দিয়েছে । একটা লোক নোটিশ নিয়ে এসেছে ।

হেমন্ত । নোটিশ ?

কেউ । হ্যাঁ, হ্যাঁ, নোটিশ । এতদ্বারা আপনি শ্রীমতী শৈলজা দেবী, আপনাকে জানানো যাইতেছে—তারপর আমি আর পড়ি নি ।

[হেমন্ত কেউ হাত ছাড়িয়া দিয়া বাত্বিরের দিকে আগাইয়া গেল ।]

হেমন্ত । (নিজের হাতখানা অগ্র হাত দিয়া টিপিতে টিপিতে) বাপরে বাপরে ! বাপরে !

কেউ । কে মহাশয় ? কে নোটিশ এনেছেন ?

[রমেশ নামক কর্মচারীর প্রবেশ]

রমেশ । নমস্কার ।

হেমন্ত । কিসের নোটিশ মশাই ? ব্যাপার কি ?

রমেশ । আমি Bengal Scientific Research-এর Director Mr. S. Sastri-র কাছ থেকে আসছি । শ্রীযুক্তা শৈলজা দেবীর সঙ্গে দেখা করতে চাই । তাঁর নামে একটা নোটিশ আছে ।

হেমন্ত । কিসের নোটিশ ? দেখি ।

রমেশ । আপনি অন্তর্গ্রহ করে শৈলজা দেবীকে খবর দিন—তাঁর সঙ্গে দেখা করেই সব বলব আমি ।

নেপথ্য হইতে শৈলজা। হেমন্ত, ভক্তলোককে বুঝিয়ে দে, আমি সেকেন্দ্রে হিন্দু স্বরের মেয়ে। আমি পদ্মা মানি। উনি আমার সঙ্গে দেখা করতে চাইলেই আমি তাঁর সঙ্গে দেখা করতে পারি না। তাঁর যা বলবার আছে, উনি তোকে বলুন। আপত্তি হয়, ফিরে যান কিংবা দেওয়ালে লটকে নোটিশ জারী করুন।

কেট। হঁ-হঁ বা-বা। No চালাকি and no ফালাকী! Cold Cold words—কাল কাল বাত।

হেমন্ত। তুই থাম্ কেট, তুই থাম্। কই দেখি, আপনার নোটিশ দেখি। কিসের নোটিশ?

কেট। বোধ হয় মাকে মাতৃপদ থেকে খারিজ করতে চান—এতদ্বারা আপনি শ্রীমতী শৈলজা দেবী, আপনাকে—

হেমন্ত। কেট!

কেট। নাও বাবা, আমি চূপ করেছি। তুমি একাই বকো।

[রমেশ হেমন্তকে নোটিশ দিল, হেমন্ত পড়িয়া দেখিতে লাগিল]

রমেশ। এই গ্রামের ওদিকে, Bengal Scientific Research-এর কারখানার ধারে যে বাগান এবং বস্তী আছে সেই বস্তী বাগানের দুয়ের তিন অংশ কিনেছে Bengal Scientific Research Ltd.

হেমন্ত। এখন Bengal Scientific Research-এর কারখানার extension-এর জন্তে ওই বাগান আর বস্তীটার দরকার হয়েছে।

রমেশ। আজ্ঞে হ্যাঁ। তাই শৈলজা দেবীকে তাঁর অংশ বিক্রী করবার জন্তে notice দিয়েছেন, partition suit-এর notice আর কি!

[হেমন্ত চূপ করিয়া রহিল]

বস্তীর চাষীদের ওপরেও নোটিশ দেওয়া হ'য়েছে।

হেমন্ত। দেখুন, নোটিশখানা আপনি ফিরিয়ে নিয়ে যান। বলবেন, Mr. Sastri-কে—হেমন্তবাবু বলে এক ভক্তলোক—এ নিয়ে আপনার সঙ্গে কথা বলতে আসবেন।

[অন্তরাল হইতে শৈলজা বাহির হইয়া সম্মুখে আসিলেন]

শৈলজা। না। কই আপনার নোটিশ? আমি নিজের হাতেই নোটিশ নিছি।

হেমন্ত। জ্যাঠাইমা!

শৈলজা। অপেক্ষা কর হেমন্ত, এ'র সঙ্গে কথাটা সেয়ে নিই। (রমেশের প্রতি) আর আপনার কিছু দরকার আছে?

রমেশ। এই রসিদটাতে সই—মানে নোটিশ যে পেলেন (কাগজ কলম বাহির করিল)

শৈলজা। দিন। (নিজেই হাত বাড়াইয়া কাগজ কলম লইয়া সই করিয়া দিলেন)

রমেশ। যদি উত্তর কিছু দেন।

শৈলজা। উত্তর? বলবেন, ওখানে যে গরীবেরা বাস ক'রে আছে—তারা আমার খণ্ডরকুলের তিন পুরুষের আশ্রিত। তাদের রক্ষা আমাকে করতেই হবে। বিনা মামলায় আমি বস্তী বাগানের অংশ ছাড়ব না।

রমেশ। বেশ তাই বলব। [রমেশের প্রস্থান]

হেমন্ত। জ্যাঠাইমা, কাজটা বোধ হয় তুমি ঠিক করলে না।

শৈলজা। তোর সঙ্গে কথা পরে হবে হেমন্ত, আগে কেঁটার সঙ্গে কথা ব'লে নিই। কেঁট।

কেঁট। ও বাবা, এ যে একেবারে রাণী দুর্গাবতীর মত স্বর ধরলে! ধমকাও যে! বল না, কি বলবে! সামনে তো দাঁড়িয়েছি।

শৈলজা। লোকটি ব'লে গেল—নোটিশেও লেখা রয়েছে—কোম্পানী বাগান বস্তীর দু'য়ের তিন অংশ কিনেছে। ওর একভাগ আমার, একভাগ ছিল হেমন্তর মায়ের—সে ভাগ অনেক দিন আগে ঠাকুরপো বিক্রী ক'রেছিলেন। আর একভাগ তোর মায়ের—

কেঁট। আমার মায়ের ভাগ আমি বেচে দিয়েছি।

শৈলজা। বেচে দিয়েছিল? কেন?

কেঁট। কেন আবার কি? আমার মায়ের সম্পত্তি আমি বেচে দিয়েছি। আমার খুনী—ইচ্ছা। বাস।

শৈলজা। পৈত্রিক সম্পত্তিগুলো বেচে এই রকম ক'রে কথা বলতে লজ্জা করে না তোর?

কেঁট। লজ্জা? কেন? নিজের সম্পত্তি বিক্রী করেছি তাতে লজ্জা করবে কেন? তা ছাড়া বিচার ক'রে দেখতে গেলে তিন পুরুষে আমরাই তো বেচারাম; আমাদেরই তো বেচার কথা। প্রথম পুরুষ কেনারাম কেনে, দ্বিতীয় পুরুষ রাজারামেরা ভোগ করে, তৃতীয় পুরুষ বেচারামেরা বেচে। আমি বেচে দিয়েছি। হেমন্তের বাবা যে দ্বিতীয় পুরুষেই রাজারাম বেচারাম—তুই রামের কাজ একাই সেরে গেছে! ছাই ফেলতে ভাঙা কুলো, যত দোষ আমার। বড়দা'র কোম্পানী মোটা দাম দিতে চাইলে—দিয়েছি ঝেড়ে। বেশ করেছে। তার আর আবার এত

বাত কিলের ? I don't care আমার সম্পত্তি আমি বেচেছি। লজ্জা-কলঙ্কার ধার ধারি নে বাবা। I don't care ! (বলিতে বলিতে চলিয়া গেল)

শৈলজা। হায় রে কাল ! কালের মাহাত্ম্য নইলে এত বড় শাস্ত্রী-বংশের ছেলেদের এই পরিণাম হয়। (একটা দীর্ঘনিঃশ্বাস ফেলিলেন। তারপর বলিলেন)
হেমন্ত !

হেমন্ত। বল জ্যাঠাইমা !

শৈলজা। তোর বাপ অনেক দিন আগেই শাস্ত্রী-বংশের কুলকর্ম ত্যাগ করেছিল। বাড়ী থেকে কেটে বেরিয়ে গিয়েছিল। তবু তোরই ওপর আমি এখনও প্রত্যাশা রাখি। আমার একটা কাজ ক'রে দিবি ?

হেমন্ত। এমন ক'রে বললে আমি লজ্জা পাই জ্যাঠাইমা।

শৈলজা। তুই বাবা কাল একবার হরিমোহনবাবু উকীলের কাছে যাবি। তাঁর কাছ থেকে এই নোটিশটার একটা জবাব লিখিয়ে আনবি।

হেমন্ত। তুমি সত্যি-সত্যিই বড়দা'র সঙ্গে মামলা করবে জ্যাঠাইমা ?

শৈলজা। আমাকে কি কখনও মিথ্যে কথা বলতে শুনেছিস ? কোম্পানীর লোককে আমি তোর সামনেই জবাব দিয়েছি।

হেমন্ত। না, না জ্যাঠাইমা।

শৈলজা। না, নয়, হেমন্ত ! মামলা আমাকে লড়তেই হবে।

হেমন্ত। না জ্যাঠাইমা, না। নিজের ছেলের ওপর এত রাগ করে না।

শৈলজা। রাগের ক্ষত্তে নয় হেমন্ত, বস্তীর প্রজাদের রাখবার জন্তে আমাকে মামলা লড়তে হবে। প্রজাদের বসিয়ে গেছেন তোদের ঠাকুরদাদ। তিনি ঐ জায়গা কিনে নিজে হাতে বাগান করেছিলেন, বস্তী বসিয়েছিলেন। আমরা তখন তিন বউ নতুন এসেছি। খন্ডুর আদর ক'রে স্নেহ ক'রে আমাদের নামে বাগান-বস্তী কিনেছিলেন। আমরা তিন বউ মিলে কতদিন বাগানের কচি গাছে জল দিয়েছি, ঝাঁচল ভ'রে তরকারী আনাজ তুলে এনেছি। ওই প্রজাদের সঙ্গে আমাদের তিন পুরুষের সম্বন্ধ। তাদের ঝাঁতুড়ে ওরাই এগুনীর কাজ করেছে। তোরা যখন ছোট ছিলি তখন কাজের ভিড় থাকলে ওদের বাড়ীতেই তাদের রেখে এসেছি। তারা তাদের দৈবতার ছেলের মত যত্ন করেছে। আর শ্যামদাসই বল্ আর কোম্পানীই বল্ তাদের উঠিয়ে দেবেন আর আমি তাই সহ্য করব ?

হেমন্ত। তুমি বল জ্যাঠাইমা, আমি শ্যামদাসদাদাকে তোমার কাছে নিয়ে আসি।

শৈলজা। না হেমন্ত, তার মুখ আমি দেখব না। শাস্ত্রী-বংশের ছেলে হ'য়ে সে কুলধর্ম ত্যাগ করেছে। আমি ব'লে যাব দশজনকে আমি মরলেও সে যেন আমার মুখে আগুন না দেয়।

হেমন্ত। ছি-ছি-ছি! কি বলছ জ্যাঠাইমা! অনেকক্ষণ রোদ্ধুরে দাঁড়িয়ে তোমার মাথা গরম হ'য়ে উঠেছে। চল চল ভেতরে চল।

শৈলজা। দেশবিখ্যাত বুনো রামনাথের শিষ্যের বংশ শাস্ত্রী-বংশ। কলকাতায় যখন দ্বিগিজয়ী পণ্ডিত এল তখন গোটা বাংলা দেশের মান যায়! জগন্নাথ তর্কপঞ্চানন শিবনাথ বাচস্পতি পর্যন্ত মাথা হেঁট করলেন। কলকাতার রাজ-রাজ্জাদারা ছুটে গিয়ে পড়ল নবদ্বীপের বনে বুনো রামনাথের ভাঙা কুঁড়ের উঠানে। রামনাথ এসে বাংলার মান বাঁচালেন। দ্বিগিজয়ী পণ্ডিত মাথা নীচু ক'রে ফিরে গেলেন। কলকাতার রাজ-রাজ্জাদারা কুবেরের ঐশ্বর্য্য দিয়ে তাঁকে কলকাতায় বাস করাতে চাইলে। রামনাথ থাকলেন না। রাজ-রাজ্জাদাদের অকুরোধে তাঁর সব চেয়ে প্রিয় শিষ্য আমার বড়শুভ্রর তৌদেব প্রপিতামহকে দিয়ে গেলেন। সেদিন তিনি কেঁদেছিলেন। তাঁর বংশ। আজ আমি বুঝতে পারি তিনি কেন কেঁদেছিলেন।

হেমন্ত। বুদ্ধিমান লোক ছিলেন তোমার বড়শুভ্রর জ্যাঠাইমা। বিলেতে যদি কেউ জায়গা জমি বাড়ী ঘর দিয়ে আমায় সেখানে বাস করতে বলে তবে আমি সেখানে গিয়ে বাসও কবি আবার দেশ ছেড়ে যাবার সময় হাপুস নয়নে কেঁদে ভাসিয়েও দি জ্যাঠাইমা।

শৈলজা। ছি-ছি হেমন্ত, ছি!

হেমন্ত। (শৈলজার মুখে দিকে চাহিয়া) না না না। ওটা আমি ঠাট্টা করছিলুম। আমার ঠাকুরদাদার বাবা আমাব সঙ্গে ঠাট্টাব ভবল সম্বন্ধ কিনা।

শৈলজা। না। এমন ঠাট্টা ক'রো না। তোমাদের প্রপিতামহ গুরুর আজ্ঞা পালন না ক'রে পারেন নি। কিন্তু তিনি কলকাতা শহরের মধ্যে বাস করেন নি। বাস ক'রেছিলেন কলকাতার পাশে গঙ্গার ধারে এই পাড়াগাঁয়ে। ঐশ্বর্য্যও তিনি নেন নি। নিয়েছিলেন শুধু গ্রামাচ্ছাদনের উপযুক্ত সামান্য জমি। যে ঐশ্বর্য্য তাঁকে কলকাতার ধনীরা সেকালে দিতে চেয়েছিলেন সে নিলে আজ তোমরা টেবিলে ব'সে থানা খেতে, শাস্ত্রী-বংশ ছ' পুরুষ আগে বিলেত গিয়ে মেম বিয়ে ক'রে এসে ট্যাস ফিরিস্কী হ'ত।

হেমন্ত। কিছু মনে ক'রো না জ্যাঠাইমা। এবার তোমার কথার প্রতিবাদ করব

আমি। তাতে কিরিকী হওয়া আটকেছে, কিন্তু তাতে তো শাস্ত্রীবংশের ছেলের কেউদাস হওয়া আটকায় নি। বড়দা' কি ওই—

শৈলজা। তুই খাম্ হেমন্ত। তার নাম আমার কাছে করিস্ নে।

হেমন্ত। নিজের নামটা তুমি সার্থক ক'রে তুলেছ জ্যাঠাইমা। শৈলজা মানে পাষণ-নন্দিনী, পাথরের মেয়ে—

শৈলজা। হ্যাঁ হেমন্ত, আমি পাথর। শুধু পাথর নয়, মরা পাথর। গায়ে কোন দিন বোধ হয় শ্যাওলার সবুজ আভাও পড়বে না। কিন্তু আমি পাথর হ'লাম কেন বলতে পারিস্ ?

হেমন্ত। অভিমান। জ্যাঠাইমা, তার জন্তে আমি তোমাকে দোষ দিই নে। বড়দা'র সঙ্গে তোমার কি হ'য়েছে সে আমি জানি না, কিন্তু সে নিশ্চয় অত্যন্ত ক্ষদ্রহীন মত কিছু ক'রেছে। না হ'লে তোমার এত বড় অভিমান হ'ত না।

শৈলজা। না-না হেমন্ত, না। অভিমান নয়। পাপ। তার পাপে আমি পাথর হ'য়ে গেলাম। কেউ কথ্য বলি, কেউ বংশের কলঙ্ক। বংশের কোন গুণ পাপের ফলেও এমন বুদ্ধিহীন দুষ্টমতি হ'য়ে জন্মেছে। শাস্ত্রী-বংশেব পাপ। পাপের প্রায়শ্চিত্ত আছে। কিন্তু কল্পদোষে পুণ্যফল বিকৃত হ'য়ে পাপে পবিত্র হয় হেমন্ত, সে পাপ কত বড় পাপ বলতে পারিস্ ?

[ঝিয়ের প্রবেশ]

ঝি। মা। বেলা যে দুপুর গড়াতে চলল মা।

শৈলজা। হেমন্ত, সংসারের সকল পাপের খণ্ডন হয় গোবিন্দের প্রসাদে। গোবিন্দজীকে অবিশ্বাসের পাপ, তার কি মাজ্জনা আছে—না হয় ?

[প্রশ্ন করিয়া তিনি স্থির দৃষ্টিতে হেমন্তর দিকে চাহিলেন। হেমন্ত মাথা ঝেঁট করিয়া চপ করিয়া বহিল]

ঝি। (এই নীরবতার সুযোগে) মা।

শৈলজা। যাচ্ছি। তুই যা।

ঝি। আর কখন মুখে জল দেবেন মা ?

শৈলজা। বল্ হেমন্ত, আমার কথা'র উত্তর দে ?

হেমন্ত। এ সব কথা পরে হবে জ্যাঠাইমা। এখন বেলা অনেক চ'য়েছে, হগোবিন্দজীর ভোগ হ'য়ে গেছে। মুখে একটু জল দেবে চল।

শৈলজা। না। আগে তোর উত্তরটা আমাকে দে। তোর উত্তর শুনে যদি মুখে আমার জল নাই রোচে তবে আজ না হয় উপোস করেই থাকব। বামুনের স্বরের বিধবা একটা ছোটো উপোসে মরব না। জানিস্, জামাদাস বিলেত থেকে

এগ,—তাকে বুকে নেবার জন্তে প্রায়শ্চিত্তের আয়োজন ক'রে রেখেছিলাম ; সে এসে বসল। আমি তাকাতাড়ি গোবিন্দজীর চরণামৃত দিতে গেলাম। সে মুখ সরিয়ে নিলে। বললে—ওর মধ্যে কত কি রোগের বিষ থাকতে পারে, সে ও থাকে না। তারপর বললে—ওসব সে মানে না। প্রায়শ্চিত্ত সে করবে না। শুধু তাই নয় হেমন্ত, কথায় কথায় সে বললে—মানুষে আর জানোয়ারে তফাৎ শুধু মানুষ বুদ্ধিমান জানোয়ার। যে মানুষের বুদ্ধি নাই, সে জানোয়ার ছাড়া কিছু নয়। ওই—ওই বাপ্পীদের জন্তে বললে। শ্রামাদাসকে বললাম—তোর মুখ আমি দেখতে চাই নে। সে চ'লে গেল। আমি তিন দিন নিরবু উপোস ক'রে উপুড় হয়ে প'ড়েছিলাম। শ্রামাদাসের মৃত্যুশোক ভোগ করা আমার সেইদিন হ'য়ে গেছে, এখন—

হেমন্ত। জ্যাঠাইমা কি বলছ তুমি ?

শৈলজা। কথা আমার শেষ করতে দে বাবা ! সেই দিন শ্রামাদাস আমার কাছে মবেছে আজ আবার তোরা কথা শুনে আমার বুকটা কেমন ক'রে উঠল। আমার কথা তুই যেন এড়িয়ে যেতে চাচ্ছিস। তাকে আর শ্রামাদাসকে আমি পৃথক করে দেখি নি। তবু নিজের পেটের সম্বানের সমান পরের সম্বান হয় না। আমার কথার উত্তর অসকোচে তুই দে। তোরা উত্তর শুনে যদি বুদ্ধি শাস্ত্রী-বংশের শেষ ছেলে তুইও মরেছিস—তবে শ্রামাদাসের জন্তে যত্ন নিজেই নিলাম—তার চেয়ে কম দিনই কাঁদব। বস, আমার কথার উত্তর দে। (অপেক্ষা কবিস) হেমন্ত ! বল হেমন্ত। তবে কি বুঝব, তুইও আমার গোবিন্দজীকে বিশ্বাস করিস নে ? তুইও মানুষকে জানোয়ার ভাবিস ? শ্রামাদাসের পাপকে তুই পাপ বলে স্বীকার কবিস নে ?

হেমন্ত। মানুষকে আমি ভালবাসি জ্যাঠাইমা।

শৈলজা। তুই আমাকে বাচালি হেমন্ত। তাকে আশীর্বাদ করি তুই দীর্ঘজীবী হ। ওরে, তোরা ওপর আমার গোবিন্দজীর সেবার ভার দিয়ে আমি নিশ্চিত হয়ে চোখ বুজতে পারব।

হেমন্ত। সে কথা পরে হবে জ্যাঠাইমা। এখন চল, মুখে একটু জল দেবে চ-।

[সঙ্গে সঙ্গে নেপথ্য হইতে শাস্ত্রীদের বাগান ও বস্তার প্রজা রতন ডাকিল]

নেপথ্যে রতন। মা ঠাকরণ !

হেমন্ত। কি বিপদ ! এ সময়ে আবার কে এল ?

শৈলজা। রতন ?

নেপথ্যে রতন। ই্যা মা। আমি।

শৈলজা। কি রতন? এস, ভেতরে এস।

[রতন এবং আরও ২১৩ জনের প্রবেশ]

রতন। পেনাম। পেনাম মেজ দাদাঠাকুর!

হেমন্ত। তোদের কি আসবার সময় অসময় নাই রতন?

রতন। বড় বিপদ হ'ল যে দাদাঠাকুর! হেথা ছাড়া যোরা যাই কনে কণ্ড? মারে অভয় পাই কোথাকে বলেন?

শৈলজা। কি? বিপদ কি হ'ল রতন?

রতন। একভা ক'রে লুটিশ জারী করে মা ঠাকরণ। কয় কি যে, ঘরের দাম নিয়া উঠি যাতি হবে। গেরামের লোক কইল যে, বেডদাদাবাব নাকি লুটিশ দিয়েছে।

হেমন্ত। সে হবে পরে। এখন তোরা বাড়ী যা।

রতন। পরে হবে কি দাদাবাব? আমাদের পিতিপুরুষের ভিটি, আপনকাদের শ্রীচরণ—এ সব ছাড়ি আমরা যাব কনে গো? (চোখ মুছিল)

হেমন্ত। মরেছে রে। তা এখনি কাদিস কেন? পিতিপুরুষের ভিটি এখনই এই ভরা হুপুরে ছেড়ে যেতে হচ্ছে নাকি, আমাদের শ্রীচরণও আমবা কেড়ে নিই নি। নাও—চরণের ধুলো নিয়ে এবার বাড়ী যাও। ও নোটিশের কথা আমবা জানি। ওব ব্যবস্থা হবে। জ্যাঠাইমার মুখে এখনও জল ওঠে নি।

রতন। বাস্তব হইয়া তা জানি না দাদাবাব, হয় রে মুক্কুর বুদ্ধি! তাই বেশ কথা, পবে কথা হবে। চল্—চল্ রে বাড়ী চল্! পেনাম—পেনাম।

[শৈলজা এতক্ষণ স্তব্ধ হইয়া দাঁড়াইয়া ছিলেন।]

এটাবাব রতনদের প্রস্থানোক্তত দেখিয়া বলিলেন।

শৈলজা। দাদা রতন।

রতন। মা।

শৈলজা। বাঙ্গীর ছেলে তোরা। শুনি তোদের বাপ-পিতামো নাকি ডাকাত ছিল। তাদের লাঠি নাকি ঢেলা আটকাত, মানুষের মাথায় হাড় চুর হ'য়ে যেত। তাদের সড়কীত নাকি সারবন্দী মানুষ গৈথে যেত?

রতন। মা, তেনারা ছিলেন পুণ্যাত্মা মানুষ।

শৈলজা। তোরা কি একেবারেই লাঠি সড়কী ধরতে জানিস না?

হেমন্ত। জ্যাঠাইমা! জ্যাঠাইমা!

শৈলজা। যদি কেউ তোদের তুলতে আসে, তবে লাঠি মেঝে তাদের তাড়িয়ে দিবি, মাথা ভেঙে দিবি

হেমন্ত। জ্যাঠাইমা।

শৈলজা। দরকার হয় মড়কী দিয়ে তাদের গায়ে ফেলবি।

[প্রস্থানোচ্চত, কয়েক পা অগ্রসর হইলেন]

রতন। ওগো মা, এ কি কইচ গো মা তুমি ? বডদাদাবাবু -

শৈলজা। (ফিরিয়া) বডদাদাবাবু তোদের মনে গেছে (আবাবু হুঁ পা অগ্রসর হইলেন)

শৈলজা। (আবার ফিরিলেন) কোন কথা নেই তোদের। মামলা মকদ্দমা যা করতে হয় আমি কবব। [প্রস্থান]

তৃতীয় দৃশ্য

ব্রজবিহারীবাবুর বাড়ীৰ আফিস

[ধনী-জনোচিত বাড়ীঘর। আপিস-ঘরখানির চারদিকের দেওয়ালে ছবি টাঙানো। অধিকাংশগুলিই factory-র ছবি। যে-সব factory-র তিনি Managing Director—সেই সব factory-র ছবিগুলির নীচে factory-গুলির নাম লেখা—Braja Bihari Cotton Mills Ltd, Braja Bihari Chemical Works Ltd, Braja Bihari Iron Works Ltd, ইত্যাদি। প্রত্যেকটির নীচে আরও লেখা—Managing Director—Braja Bihari Ghoshal. কয়েকখানি তাঁহার নিজের ছবি। নীচে লেখা—“বাংলার নবযুগের ধনপতি সওদাগর—ব্রজবিহারী ঘোষাল।” কয়েকখানি বিজ্ঞাপনের বড় প্রতিলিপিও দেখা যায় :—

‘B. B. Ghoshal Enterprises—SAFE, SOLD, SOUND’
বাংলায় লেখা—“ব্রজবিহারীবাবু কোন প্রতিষ্ঠানের সঙ্গে সংশ্লিষ্ট থাকলেই লোকে অবিচলিত বিশ্বাসে তাব শেয়ার কিনে থাকে।”
ব্রজবিহারী চেয়ারে বসিয়া আছেন। একজন কস্ম'চারী সম্মুখে দাড়াইয়া একটি বিজ্ঞাপনের খসড়া পড়িয়া শুনাইতেছিল। ব্রজবিহারী চোখ বুজিয়া তাহা শুনিতেছিলেন।

কম্ব'চারী। ব্রজবিহারীবাবুর গড়া প্রতিষ্ঠানে ফাঁকি নাই। প্রতিষ্ঠানগুলির উদ্দেশ্য মহৎ, বৃহৎ আদর্শে অনুপ্রাণিত। নতুন বাংলাদেশ গড়ে তুলবার জন্তেই তিনি তাঁর সকল শক্তি নিয়োজিত করেছেন। নতুন বাংলা—সোনার বাংলা, তার মণিকার ব্রজবিহারী ঘোষাল। বাংলার সঙ্গে ব্রজবিহারীর নাড়ীর সম্বন্ধ। আপনি নিজেকে এই প্রতিষ্ঠানের সঙ্গে যুক্ত করতে দ্বিধা করবেন না, বিলম্ব করবেন না।

ব্রজ। Good, very good—বেশ হয়েছে, ভাল হয়েছে। সব কাগজে পাঠিয়ে দাও। Monthly-গুলোর full page, দৈনিকগুলোর অন্তত কোয়ার্টার পেজ। বুঝলে?

কম্ব'চারী। আপনার কোটো?

ব্রজ। কারখানার ইঞ্জিনে হাত দিয়ে যেটাতে দাঁড়িয়ে আছি, এবার সহটে—
কম্ব'চারী। যে আক্ষে।

[ব্রজবিহারী ফাইল উন্টাইতে আরম্ভ করিলেন। কম্ব'চারী চলিয়,

ফাইতেছিল। তিনি আবার ডাকিলেন]

ব্রজ শোন।

[কম্ব'চারী ফিরিল]

দালাল রামদাস মাড়োয়ারীর অসবার কথা আছে। এলেই তাকে পাঠিয়ে দেবে।

কম্ব'চারী। যে আক্ষে।

[ব্রজবিহারী আবার ফাইল উন্টাইতে আরম্ভ করিলেন। নেপথ্য হইতে

দালাল রামদাস]

নেপথ্যে রামদাস। ঘোষালবাবু আছেন? মিষ্টার ঘোষাল? ঘোষাল মশর।

ব্রজ। এস এস, রামদাস এস।

[রামদাসের প্রবেশ]

রাম। রাম রাম বাবুজী, তবিয়েৎ আচ্ছা?

ব্রজ। রাম রাম। হ্যা, শরীর ভাল। কিন্তু তোমার খবর কি? টেলিফোনে পাই না! লোক পাঠিয়ে পাই না—

রাম। আরে বাপ রে বাপ রে! যে কাম আপনি মশা হামাকে দিলেন—
সীতারাম—সীতারাম! Bengal Research তো তাজ্জব কি কারখানা রে
বাবা! রাম! রাম! একটো richman shareholder নেহি, বিলকুল কোই
এক্সেসর, কোই ডক্টর, আউর তামাম employee উসকে shareholder। বিনা

খনীসে কারখানা চলবে বাবা ? উনকে share লিয়ে কি করবেন মশা আপনি ?
উ কারখানা গেল, লাল বাতি জ্বললো—গণেশজী ইন্দুরের উপরসে উন্টাইয়া
গিরলেন ব'লে । উ ছোড়ি দেন আপনি । আরে মশয়,

বিনা পতিসে সতী ভইয়া, বিনা প্রভুসে দাস ।

আমীর বেগম কদবি, আউর, বিনা দাঁতেসে হাস ॥

কহে কবি রামদাস—

ব্রজ । (বরাবর ফাইল উন্টাইতেছিলেন) তুমি থাম রামদাস । তুমি তা' হ'লে
কিছু করতে পার নি ?

রাম । দেখেন ঘোষালবাবু, আপনারা কাটেন বোকরী, মুচি বাজায় ঢাক, হামি
আপলোককে গালতি দি, রামনামতি মুখে বলি, হাজারো বার ।—আউর
বোকরীকে চামড়াতি কিনি বিলায়েংমে চাগানতি দি । হামারা মুনাফা লিয়ে
বাত । আপনি দিবেন দালালা—হামি করবে না কেনে মশা ? করিয়েছি কুছ ;
তব আপনি হামারা দোস্তু আদমী—

ব্রজ । ও কথা থাক । কি ক'রেছ বল ?

রাম । আরে বাপ নে ! আওরংকে লিয়ে বাউরা রাজাকে মাফিক হো গেয়া
আপ । সবুর কিজিয়ে ! এ কিবাণদাস ! এ ভাই ! আ যাইয়ে ভিতরমে ।

[কেট্টদাসের প্রবেশ]

কেট্ট । Good morning !

ব্রজ । Good morning, বহ্নন আপনি বহ্নন ।

রাম । বহ্নন কাহে বলছেন ঘোষাল মশা ? উনকে একঠো চাকরী দিতে হোবে
আপকে । গামি বাত দিয়েছি । উ একঠো শালা হায় । বইঠে গা কাহে আপকে
সামনে ?

ব্রজ । আচ্ছা তোমরা তা হ'লে ওধরে ব'স ।

[রামদাস ও কেট্টর গ্রন্থান । করুণার প্রবেশ]

করুণা । মামা ।

ব্রজ । বল !

করুণা ! আমি আজ মোটর নিয়ে গিয়েছিলাম একটু কাজে । মামী আমাকে
তার জন্তে যাচ্ছেতাই বকলেন । শুধু রুট নয়—জঘন্ত ভাষায় বকলেন । তোমাকে
না জানিয়ে আমি আর পারলাম না । কিছুদিন থেকেই মামী কথাবাস্তায় মাজা
ছাড়িয়ে যাচ্ছেন ।

ব্রজ । তোমার মামী বলছিলেন—আর আমিও লক্ষ্য করেছি—করুণা, তোমার চলা-ফেরায় তুমি মাত্রা ছাড়িয়ে যাচ্ছ ।

করুণা । কথাটা বেশ খোলসা ক'রে বলবে মামা ?

ব্রজ । তার কি প্রয়োজন আছে ? তুমি বুঝতে পার না ? কলেজ থেকে ফিরতে তোমার দেৱী হয়—

করুণা । তোমার কথাটা ঠিক মেনে নিতে পাবলাম না মামা । আগেও ফিরতে দেৱী হ'ত । সপ্তাহে দু'-তিন দিন আমি কলেজ থেকে সিনেমায় গিয়েছি । সে তুমি জানতে, তাতে তোমার অমতও ছিল না ।

ব্রজ । কিন্তু আজকাল তুমি সিনেমায় যাও না ।

করুণা । যাই না । তাব চেয়ে অনেক ভাল কাজেই যাই । মধ্যে মধ্যে Dr. Sastri-র Laboratory-তে যাই । তাঁর কাবখানাতেও যাই এবং আমার যতদূর ধারণা—তোমার আপত্তি সেখানেই । মামীর আপত্তি অবশ্য অন্ত্যথানে—আমি বেশ বুঝতে পারছি, আমার অন্তিত তাঁর কাছে কাঁচা মত অস্বস্তিকর হ'য়ে উঠেছে ।

ব্রজ । মামীর কথা থাক, পবে হবে । কিন্তু শাস্ত্রীর ওখানে যাওয়াটা আমি যদি অপছন্দ করি, তবে সেটা কি আমার পক্ষে খুব অন্তায় হবে করুণা ? আর শাস্ত্রীর ওখানে এমন কি তোমার শিগবার আছে যে, তুমি সেখানে যাও ? বাডাতে তাঁর কিসের Laboratory ?

করুণা । Biology-র Laboratory—ডক্টর শাস্ত্রী এককালে Biology-তে research করতেন । সে এক অদ্ভুত research ।

ব্রজ । Biology-তে ? কিন্তু লোকে যে বলে কি একটু গ্যাস নিয়ে তিনি research করেন ?

করুণা । হ্যাঁ এখন তিনি কেমিস্ট্রি নিয়েই পাগল । বায়োলজি আমার সাবজেক্ট, আমি তাঁর বাড়িতে গিয়ে—তাঁর সেই পুরানো research-গুলো দেখি । এক সময় বায়োলজির research-এর মধ্যে মৃত্যুর রহস্য খুঁজতে চেয়েছিলেন ।

ব্রজ । গোবিন্দ ! গোবিন্দ ! হরি—হরি—হরি ! সেইজন্মেই লোকটির এহ অবস্থা । দু' নোকায় পা দিয়েছে, লোকটা ডুববে । (তিনি ফাইল উন্টাইয়া চলিয়াছেন) ওঃ ! তুমি আর সেখানে যাবে না । বুঝলে ? I don't like it.

করুণা । But I do like it. বিজ্ঞানের ছাত্রী আমি, তিনি একজন বড় বৈজ্ঞানিক—তাঁর research সম্বন্ধে আমার কোতূহল নিবৃত্তি করতে যাই আমি । এর মধ্যে আমি অন্তায় কিছু দেখতে পাই না । তবে সেদিন সত্যর মধ্যে

তোমাদের বাদ-প্রতিবাদের কথা তুলে যদি বল—তিনি তোমায় অপমান ক'বেছেন, তবে—

ব্রজ । (কথার মধ্যপথেই বলিষ উঠিলেন) ওতে আমার অপমান হয় না ককণা । (বলিতে বলিতে তাঁহাব ক'পব পবিবর্তন হইল, শাস্ত-বিনয় যেন খোলসেব মত খসিয়া গেল চেয়াব ছাড়িয়া উঠিয়া দাঁড়াইলেন) ছোট বড় তিরিশটা মিল আমাব অধীনে । অন্তত খাচ হাজাব নোকেব অন্ত-বস্ত্রেব ভাব আমার হান্ধে । যত বড়ই পণ্ডিত ও হোক ওব কথাষ আমার অপমান হয় না । আমি ওব চেয়ে অনেক ওপবে । আমাব অপমান এন কবতে পারি আমি । যদি দাস্তিকিব মত বলি—এসব আমাব কীর্তি, আমিই মাতৃধেন অন্নদাতা । তবেহ আমি আমার অপমান কবব । সেজন্তে নয় । লোকটা নানাভাবে আমাদের ক্ষতি কববাব চেষ্টা কবছে । এব জন্তে আমি ওকে শিক্ষা দেব । লোকটাব অত্যন্ত স্পন্দা প্রবন্ধেব পব প্রবন্ধ লিখে যাচ্ছ, আমাদের ব্যবসায়ের আসল উদ্দেশ্য হ'ল নিজেদের bank-এব খাণ্ড ভবিষ্যে তোলা । এদিকে কাবখানাগ যাবা প্রাণপাত পাবশ্রম ক'বে খাটে, তাদের গল্প-বস্ত্র মেবে আমবা পোলাও কানিয়া খাহ, বেশম-পশম পবি, মোচব চড়ি । অন্তদিকে দেশের লোক যাব আমাদের তৈরী জিনিস কেনে অতি লাভে ওদের আমবা শোষণ কবি । ও কথাগুলো কান তো মিথ্যে কথা বলেন নি মামা ।

ব্রজ (চমকিয়া উঠিলেন) মানে ? ক বলতে চাও তুমি ?

ককণা । আমি আব কি বলব ? সমস্ত পৃথিবী শুদ্ধই তো এই কথা বলে ।

ব্রজ । অক্ষমের ঈর্ষ্যাব কথা ওগুলো । তা ছাড়া — না থাক । তুমি আমার স্নেহের পাত্রী, তোমাকে আমি কত কথা বলতে চাই নে ।

ককণা । কত কথা বলতে বাকী বাথলে না মামা । কাজেই তুমি বললেই পারতে কি বলতে চাও ।

ব্রজ । বলতে চাই, তুমি নিজেও ঈর্ষ্যান্বিত হ'য়ে উঠেছ । সেই কারণেই এই সব কথাগুলো তোমাব মুখ দিয়ে বেব হচ্ছে ।

ককণা । তুমি নিজে বেগে গেছ মামা ? তাই জন্তে নিজের বলা পুরনো কথাগুলোও তুমি ভুলে যাচ্ছ । (হাসিল)

ব্রজ । ককণা, তুমি তোমাব অধিকাবেব সাম্য ছাড়িয়ে যাচ্ছ ।

ককণা । তুমিই তোমার অধিকারের সীমা ছাড়িয়ে যাচ্ছ মামা । সত্য কথা

বলবার অধিকার বন্ধ করবার ক্ষমতা পৃথিবীতে কারও নাই। তোমারও নাই।
আমি আমার অধিকারের মতোই রয়েছি, আমি শুধু সত্য কথা বলেছি।

ব্রজ। করুণা!

করুণা। তুমি যখন গরীব ছিলে, চাকরী করতে বাবার কাছে, বাবা তখন
সবে দুটো মিল করেছেন। তুমি মিল থেকে ফিরে এসে ঠিক এই সব কথাই বলতে
যা আজ শাস্ত্রী বলেছেন তোমার সম্পর্কে, যাকে তুমি আজ বলছ—অক্ষয়ের
ঈশ্বর কথা। সেই সত্য কথাগুলোকেই তোমার মনে পড়িয়ে দিচ্ছি আমি।

ব্রজ। মনে পড়বার প্রয়োজন নাই। আমার নিজেরই মনে আছে। আমি
যা বলতাম, তা তোমারই ঠিক মনে নাই। তোমার বাবা ছিল অত্যন্ত মৃদুপ,
ব্যভিচারী, তোমার মায়ের মৃত্যুর পর সে যে আচরণ করেছে, তাতে সমাজের
সকলেই তাকে নিন্দা করত।

করুণা। মামা?

ব্রজ। সম্পদকে যারা এমনি করে বিলাসে ব্যভিচারে অমিতাচারে অপব্যয়
করে, তাদের চিরকাল আমি ঘৃণা করি, তোমার বাবাকেও ঘৃণা কবতাম। তোমার
বাবার জঘন্য কষ্টদায়ক ব্যাধির কথা মনে হ'লে আমার মনে হয়—

করুণা। মামা!

ব্রজ। সে ব্যাধি ঈশ্বরের মৃত্যুদণ্ড। কথা শেষ করিয়। ব্রজবিহারী এতক্ষণে
স্তব্ধ হইলেন।)

করুণা। মামা, তুমি কি বললে, ভেবে দেখেছ?

ব্রজ। যা সত্য, তাই বলেছি।

করুণা। কিন্তু ওর পরেও খানিকটা সত্য আছে সে কথাটা বললে না
কেন? না, লজ্জায় জিতে আটকে গেল? বাবার মত পাপীর সম্পদকে ভিত্তি ক'বে
তোমার বড়লোক হওয়ার কথাটা গোপন করছ কেন? যে সোনার গেলান্দে
বাবা মদ খেতেন, সেই এঁটো গেলান্দে তুমি খাও ডাবের জল ঘোলের শরবত।
বাবার মৃত্যুর পর তাঁর ব্যবসাকে হাতে নিয়ে তাকে তুমি বহুশ্রম বাড়িয়েছ, কিন্তু
সেটুকু হাতে না এলে চিরকাল তোমাকে চাকরী ক'রেই কাটাতে হ'ত—
সে কথা স্বীকার ক'রতে লজ্জা পাচ্ছ কেন?

ব্রজ। আমার ভাগ্য আমাকে অশ্রু ভাবু দিত।

করুণা। ভাগ্য তো বড় ভাল লোক মামা! আমার বাবাকে মেরে তোমাকে
তার দৌভাগ্য দিয়েছে, আমার তাকে গালাগাল করবার অধিকারও দিয়েছে।

[হৈমবতী—ব্রজবিহারীর দ্বার প্রবেশ

হৈম। বলি হচ্ছে কি ? সকাল থেকে—ব্যাপারটা কি ?

করুণা। আমার ভাগ্যফল নিয়ে একটু আলোচনা হচ্ছে মামী। নতুন ধরণের জ্যোতিষশাস্ত্র। একটু জটিল ব্যাপার, তুমি ঠিক বুঝবে না।

ব্রজ। করুণা, বার বার তুমি তোমার অধিকারের সীমাব বাইরে যাচ্ছ।

করুণা। না, বাইরে যাইনি।

হৈম। বাইরে যাস্ নি ? বলি—হ্যাঁ লা শিক্কা বিশ-বছরী কলেজ-থুকী, আমি কালা না কি যে, কিছু শুনি নে মনে করছিচ্ ? তুই যে ওরই ঘরে দাঁড়িয়ে ওকেই গালাগাল করছিচ্ সেটা কিসের অধিকার, কোন অধিকার, শুনি।

করুণা। মামা, তুমিও কি ঠিক ওই কথা বল ?

ব্রজ। করুণা, তুমি কি নিজেই বুঝতে পারছ না। তুমি কতখানি উদ্ধত হ'য়েছ ?

করুণা। আমি'র স্বর্গগত বাপকে যখন তুমি সত্যভাগেব নামে গালাগাল দিলে, তখন এ কথাটা তুমি বুঝতে পেরেছিলে ? এখন তার প্রতিক্রিয়া শুনে চমকে উঠলে চলবে কেন ? দেওয়ালের গায়ে কথা ছুঁড়লে দেওয়ালও ফিরিয়ে দেয়। আমি মানু'ব ! আমার বাপকে অপমান করলে আমি তোমায় পুজো ক'নব এ তুমি কল্পনা করতে পার না।

হৈম। তা করবি কেন ? কালসাপের ঝাড় যে ! অমৃতি খেতে দিলেও ওগরাবি বিষ।

করুণা। আমার বাবা তোমাদের স্বামী-স্ত্রীকে অমৃত হয়তো খাওয়ান নি, কিন্তু দু'বেলা নিয়মিত দুধ রাবড়ী খাওয়াতেন সে কথা তুমিও বোধ হয় ভুলে যাও নি মামী।

হৈম। কি বললি হারামজাদী ?

করুণা। এইবাব আমাকে চূপ করালে মামী। তোমার বাবাকেও আমি ওই জঘন্য জানোয়ার বলতে পারব না।

হৈম। শুনছ, তুমি শুনছ ?

ব্রজ। তুমি একটু চূপ কব হৈম। করুণা, তোমার বক্তব্য শেষ হ'য়েছে ?

করুণা। সবই বাকী রয়েছে মামা, শেষ ক'রতে স্মার দিলে কই তোমবা ?

ব্রজ। ভাল, শেষ কর। আমারও কিছু বক্তব্য রয়েছে।

করুণা। সম্ভবত আমি যা জিজ্ঞাসা ক'রব, তার উত্তর দিগেই তোমার বক্তব্য শেষ হবে মামা। আমি বেশ বুঝতে পারছি।

ব্রজ । বল ।

করুণা । মোটরের কথা বলতে এগেছিলাম । সে যাক । মামী একবারে গোড়ার কথা তুলেছে । বলেছে তোমার ঘরে দাঁড়িয়ে আমি তোমার গালাগাল দিচ্ছি । গালাগাল তোমাকে আমি দিই নি । কিন্তু তোমার ঘরে দাঁড়িয়ে কথা বলছি এ কথা কি সত্য ? বাড়ী কি তোমার ?

ব্রজ । করুণা, তুমি অত্যন্ত উত্তেজিত হয়েছ ।

করুণা । না মামা । মানুষ যখন নিজের অবস্থা বুঝতে পারে, তখন তার অবস্থা সব চেয়ে গুরুত্বপূর্ণ । বল, তুমি উত্তর দাও । বাড়ী কার ?

হৈম । বাড়ি আমার । আমার নামে বাড়ী ।

করুণা । মামা ?

ব্রজ । ই্যা বাড়ী তোমার মামার ।

করুণা । ব্যবসা ? ব্যাঙ্কের টাক ?

ব্রজ । তোমার টাকা ব্যবসায়ে খাটছে । তোমার বাবার মৃত্যুর পর ব্যবসাকে লিমিটেড কোম্পানি করা হয়েছিল, ব্যবসার য দাম হয়েছিল তার পরিমাণ শেয়ার তোমার রয়েছে ।

করুণা । তোমারও শেয়ার আছে । আমার চেয়ে তোমার বেশী শেয়ার আছে ।

ব্রজ । করুণা !

হৈম । থাম তুমি । ই্যা আছে । ঢের বেশী আছে । এতগুলো কারখানা চালাচ্ছে, ও থাকবে না ?

করুণা । কারখানা তো আসলে কুলি মজুরে মিস্ত্রিতে চালায় মামী । কহ তাদের তো শেয়ার নাই !

ব্রজ । করুণা, আবার তোমার বলছি, তোমার সম্পদের সীমা অতিক্রম ক'রে যাচ্ছ তুমি ।

করুণা । তোমার বাড়ীর বাইরে গেলেই, আমার সামান্য গভী বেড়ে যাবে মামা । একটা কথা । আমার কি আছে বলবে আমাকে ? বুঝিয়ে দেবে আমাকে ? দিবে দেবে আমাকে ? তোমার বাড়ীর বাতাসে আমার দম বন্ধ হয়ে আসছে ।

ব্রজ । করুণা !

করুণা । যদি বল পাবে না, তাও বলে দাও আমাকে । আমি আপত্তি করব না । হাসতে হাসতে চ'লে যাব ।

হৈম । দাও না, ওর কি আছে কেলে দাও না তুমি !

ব্রজ। করুণা, আমি তোমার অভিভাবক। আমি তোমার অমঙ্গলের কোন কাজ করি নি। তুমি এখন শাস্ত হও। এর পর এ নিয়ে তোমার সঙ্গে কথা বলব।

করুণা। (মামার পা ছুঁইয়া প্রণাম করিল) আমি চললাম। (মাইতে মাইতে ফিরিয়া) তোমাকে প্রণাম করতে মন চাইল না মামী, কিছু মনে ক'রো না।

ব্রজ। করুণা!

করুণা। আমি পৃথিবীর শক্ত মাটির উপর দাঁড়াতে চলেছি মামা, আমাকে আর পিছু ধেকো না।

ব্রজ। করুণা! (অনুসরণ করিতে উদ্ভূত হইলেন)

হৈম। (পিছন হইতে হাত ধরিয়া বাধা দিলেন) না। যাক।

ব্রজ। ভাড়া হৈম। করুণাকে যেতে দিতে আমি পারি নে। সেটা আমার অন্তায় হবে।

চতুর্থ দৃশ্য

[Dr. Bose-এর বাড়ী ট্রপ-বঙ্গ সমাজের বিশিষ্ট ব্যক্তিদের অন্তরূপ বাড়ী ঘর ও আসবাবপত্র। অণিমা বা অ্যানি মেয়েটি কোচের উপর অঙ্কশায়িত অবস্থায় টেলিকোনের রিমিভার ধরিয়া কথা বলিতেছে। অ্যানি কথা বলিতেছে—শ্রামাদাসের সন্তান। ঘরে অ্যানি একা]

অণিমা—Yes, yes, Anny speaking—অণিমা আমি অ্যানি। yes—yes. আমার গলার আওয়াজ শুনেই তোমার বুঝতে পার, উচিত ছিল। তা' ছাড়া শ্রামল ব'লে তোমাকে আর কে ডাকতে পারে অ্যানি ছাড়া? কি? Oh! শ্রামল ব'লে ডাকতে আবার তুমি বারণ ক'রছ? You see—বারণ করাটা তোমার হাতে, হাজাব বার বারণ করতে পার তুমি। কিন্তু সেটা মানা বা না-মানা আমার হাতে। And I tell you শ্রামল, I tell you frankly আমি মানব না। Never। (হাসিয়া) তুমি অবশ্য এর জন্তে আদালতে আমার বিরুদ্ধে ডিফার্মেশন স্টেট আনতে পার, আমি আদালতে প্রমাণ ক'রে দেব—শ্রামল is a sweeter name than শ্রামাদাস। (খিল-খিল করিয়া হাসিয়া উঠিল) যাকগে—What's a name, ও কথা যেতে দাও। এখন কখন আসছ বল? আমরা তোমার জন্য অপেক্ষা করে রয়েছি! ডাক্তার তো!

কাল থেকে বিশবার জিজ্ঞাসা ক'রেছেন—শাস্ত্রী এলেন না কেন ? কি ? আজও আসছেন না তুমি ? কেন ? কাজ ? কি কাজ ? Oh no, no, no, আমি জ্ঞানব না । কিছুতেই না । কি ? You have found out something ! কি সেটা ? What is it , তোমার research-এর ব্যাপার !

[ডাঃ বোস-এর প্রবেশ]

অণিমা । Is it very interesting ?

ডাঃ বোস । ডাঃ শাস্ত্রীর সঙ্গে কথা বলছ ?

অণিমা । (ঘাড় নাড়িয়া ইঙ্গিতে তাকে উত্তর দিল । টেলিফোনে বলিয়া গেল) আমি গেলে আমাকে দেখাবে ? দেখাবে ? কাল সকালে ? কেন ? আজ সম্ভব নয় কেন ? কি ? Students—মানে শিষ্য নিয়ে ব্যস্ত আছ ! I see ! বেশ তা' হলে কাল সকালে । That's alright । বাই—না, বিদ্যায় সম্ভাষণটা বাংলাতেই ভাল । আজ আসি ! (হাসিয়া টেলিফোন রাখিয়া দিল । হাসিমুখে Bose-কে বলিল)—শ্যামল is splendid—he is a darling !

[মিঃ বোস হাসিলেন]

অণিমা । হাসছ যে ?

বোস । এমনি ।

অণিমা । (বক্রহাসি হাসিয়া) তুমি ঈশ্বাতুর হ'য়ে উঠছ ।

ডাঃ বোস । হ'য়ে ওঠা তো স্বাভাবিক । কিন্তু না । তুমি নিশ্চিন্ত থাক । আমি তা হই নি । (হাসিল) আকাশে সূর্য্য ওঠে, শিশিরবিন্দুর মধ্যে তার প্রতিবিম্ব পড়ে, তার দৃষ্টি শিশিরবিন্দু আর সূর্য্যের মধ্যস্থলবস্তী শূন্যলোক ঈর্ষ্যা ক'রে ক'রবে কি ?

অণিমা । ক্রমশ তোমার কথাবার্তার হৈয়ালি জটিল হ'য়ে উঠছে । জেলাসির গুটা একটা বড় লক্ষণ ।

ডাঃ বোস । (জিত কাটিয়া) না, না অণিমা, ডাঃ শাস্ত্রীর মত শক্তিমান ব্যক্তিকে শুধু ভ্রষ্টা করা যায়, ঈর্ষ্যা তাঁকে করা যায় না ।

অণিমা । কত বড় শক্তিশালী সে, তুমি জান না ।

ডাঃ বোস । অবশ্য তোমার চেয়ে কম জানি । তুমি তাঁকে আমার চেয়ে অনেক বেশী দেখছ ।

অণিমা । It is like a dream. জান্—সে সব কথা আমার স্বপ্ন ব'লে মনে হয় । দশ বছর আগে—শ্যামলকে দেখেছিলাম লণ্ডনে । চব্বিশ পঁচিশ বছরের তরুণ, big eyes, shy looks, লণ্ডনে আমাদের বাসায় এসেছিল

বাবার সঙ্গে দেখা করতে। সুনাম—বাঙালীর ছেলে, দেশে M. Sc. পাস করে বায়োকেমিস্ট্রিতে special training নিতে একটা scholarship যোগাড় করে England এসেছে। (সে হাসিল) You know ? জান ? সেদিন আমি ওর সঙ্গে কথা বলি নি। মনে হ'য়েছিল—এমন dull, shy, uninteresting young man আমি আমার জীবনে দেখি নি।

ডাঃ বোস। (হাসিয়া) And you took pity on him—বেচারাকে দেখে তোমার খুব মায়্যা হ'ল !

অগিয়া। না। আমার ঘৃণা হয়েছিল।

ডাঃ বোস। তোমার দৃষ্টির প্রশংসা করতে পারলাম না অগিয়া। Love and Hatred, ভালবাসা এবং ঘৃণা, ও দুটো আলো এবং অন্ধকারের মত চোবায় আলাদা হ'লেও বস্তুতে এক। এই নকশাই নাকি পণ্ডিতজনেরা বলে থাকেন।

অগিয়া। তুমিও বলতে পাব ইচ্ছে হলে। আমি সেটা মেনে নিচ্ছি। (হাসিল) ক'রগ দু'বছর পর যেদিন ওকে আর < দেখলাম সেদিন দেখলাম সে আর এক মানুষ। নির্ভীক Young man, big eyes, dreamy looks, খুঁট খুঁট চোখে স্বপ্নাতুর দৃষ্টি, এসে আমাদের বাড়ীর বারান্দায় দাঁড়িয়ে বাবার জন্তে অপেক্ষা ক'রছে। বাবা একজন ভাল সংস্কৃত-জানা Indian student খুঁজছিলেন। তাঁর বন্ধু একজন Professor সংস্কৃত শিখতে চেয়েছিলেন। সেই বিজ্ঞাপনের উত্তরে সে বাবার সঙ্গে দেখা করতে এসেছিল। বাবা ওকে বললেন—তুমি বিজ্ঞানের ছাত্র, সংস্কৃত তুমি কেমন করে পড়াবে ? যেমন-তেমন সংস্কৃত জানার কাজ তো এ নয় ! ও বললে—আমার শাস্ত্রী উপাধিটার দিকে আপনার মনোযোগ আকর্ষণ করছি। আমার বাবা সংস্কৃত কত বড় পণ্ডিত ছিলেন, সে তুমি জান। তিনি ওর সঙ্গে সংস্কৃত আলোচনা করে অবাক হয়ে গেলেন। বাবা তৎক্ষণাৎ সুপারিশ করে কোন করলেন প্রফেসর বন্ধুকে, ওকে নেমস্তম্ভ করলেন সেদিন আমাদের ওখানে খেতে। আমার সঙ্গে ওর আলাপ করিয়ে দিলেন and within a few hours আমরা যেন কতকালের বন্ধু হয়ে গেলাম। সেই দিনই আমি ওর শ্রামাদাস নাম পাণ্টে শ্রামল নাম দিয়েছিলাম, and he accepted it very gladly, সেও আমাকে অ্যানি বলে ডেকেছিল। ক্রমে আমরা গভীর অন্তরঙ্গ হয়ে উঠলাম। (কয়েক মুহূর্ত স্তব্ধ থাকিয়া) তখন দেখলাম আর এক মানুষ। জীবনে তার সে কি উচ্ছ্বাস সে কি passion !

আবেগে সে আগুনের মত জ্বলত। এক মুহূর্ত যদি শ্রামলের দিকে 'অমনোযোগ' হয়েছি তবে সে কি ওর অভিমান। (আবার স্তব্ধ হইল)

বোস। (কয়েক মুহূর্ত অপেক্ষা করিয়া) অতীত কথা মনে ক'বে দুঃখ পেনে অণিমা? (উঠিয়া কাছে গিয়া) তুমি কাঁদছ?

অণিমা। (মুখ তুলিয়া হাসিয়া) না। কিন্তু সে-সব সত্যিই একটা স্বপ্ন।

বোস। অণিমা!

অণিমা। বল।

বোস। যদি চাও, তোমাকে মুক্তি দিতে আমি রাজী আছি।

অণিমা। ও কথা কেন বলছ তুমি? তুমি তো জান, আমি তোমাকে কত-খানি প্রজ্ঞা করি!

বোস। প্রজ্ঞা! কিন্তু প্রজ্ঞার চেয়ে ভালবাসার দাবী যে অনেক বড় আনি।

অণিমা। না। ও কথা ব'লো না তুমি। তুমি তো জান, ওতে আমি দুঃখ পাই।

বোস। তোমাকে দুঃখ দিতে চাই না ব'লেই ব'লছি অণিমা। তুমি হয়তো জান না—

অণিমা। জানি। আমি জানি। দুঃখ তুমি কোনদিন দাও নি কিন্তু আজ দুঃখ দিতে চাও না ব'লে আমাকে যদি মুক্তি দিতে চাও তোমার অন্তরের বন্ধন ছিঁড়ে, তবে সে মুক্তি কি আমি নিতে পারি?

বোস। না, আনি না। তোমাকে কোনদিন আমি বাধতে চাই নি। আমি তোমাকে—থাক ও কথা, থাক।

অণিমা। আমি জানি। আমি জানি, তুমি আমাকে—

বোস। ও কথা থাক অণিমা। অন্ত কথা বল।

অণিমা। (হাসিয়া) অন্ত কথা! কি অন্ত কথা বলব? আমার কথায় তুমি বিনা বিধায় শ্রামলের কর্তব্য-জীবনের সঙ্গে নিজেকে জড়ালে। তুমি বড়লোক নও, তবু তোমার যা কিছু সম্বল, সব দিলে শ্রামলের enterprise-এ শুধু আমার কথায়—। আজ সেই কথা ছাড়া অন্ত কথা যে মনে আমার আসছে না।

বোস। (হাসিল) একটা ভুল ধারণা তোমার সংশোধন ক'রে দিতে চাই। আশা করি, তুমি সেটাকে ভুল বুঝবে না।

অণিমা। বল।

বোস। আমি শ্রামদাসবাবুকে তোমার মত ভালবাসি না, কিন্তু তোমার

চেয়ে অনেক বেশী শ্রদ্ধা করি, তাঁর আদর্শে বিশ্বাস করি। সেট জন্তই আমার সমস্ত সম্বল সঞ্চয়—তাঁর উদ্দেশ্যের সঙ্গে যুক্ত ক'রে দিয়েছি।

অনিমা। তুমি এ সত্যি বলছ ?

বোস। তুমি তো জানো আমি মিথ্যে কথা বলি না।

অনিমা। তুমি আমায় বাচালে।

[বেয়ারার প্রবেশ। অভিবাদন করিয়া ট্রের উপর একটি কার্ড ধরিল]

বোস। (কার্ড দেখিয়া) আর্টনি বাড়ীর লোক। Strange! দু' মিনিট অ্যানি, আমি আসছি। (বেয়ারা ও বোস-এর প্রস্থান)

অনিমা উঠিল, দেওয়ালে ঝুলানো বোস-এর ছবির কাছে গেল, কিরিয়া আসিয়া টেবিলের ফুলদানিটি লইয়া—ছবির নীচে রাখিল; পাখার সঙ্গে সঙ্গে আপন মনে গান ধরিল। ফুলদানি রাখিয়া গাহিতে গাহিতে সে কিরিয়া আসিয়া বসিল ডাঃ বোস প্রবেশ করিল।]

ডাঃ বোস। (গান শেষ হইলে) একটি কথা জিজ্ঞেস ক'রব তোমাকে। তুমি ডাঃ শাস্ত্রীকে বিয়ে কব নি কেন?

অ্যানি বোস-এব মুখেব দিকে চমকিয়া কিরিয়া চাহিল, উত্তর দিল না।

ডাঃ বোস। অ্যানি। You loved him.

অনিমা। (হাসিয়া) Yes, I loved him.

ডাঃ বোস। তবে?

অনিমা। তবে? সে আমায় ভালবাসত না।

ডাঃ বোস। ভালবাসত না? কি বলছ তুমি? একটু আগে তুমি বললে—আবেগে সে অগ্নিশিখার মত জ্বলত—

অনিমা। অকস্মাৎ, অত্যন্ত অকস্মাৎ তার সে আবেগ একদিন নিবে গেল। সপ্তাহের পর সপ্তাহ সে আর আমার সঙ্গে দেখা, ক'বতে এল না। চিঠি লিখলে না। আমি চিঠি লিখলাম—উত্তর দিলে না। শেষে একদিন নিজে গেলাম তার সন্ধানে। দেখলাম আবার এক নতুন মানুষ। Strange looks in his eyes—কথা বললে যেন শুনতে পায় না, শুনতে পেলেও উত্তরে বলে হয় তো একটা কথা! Deaf বলতে পার, dumb বলতে পার, cold বলতে পার, মোট কথা—I found him dead to me।

ডাঃ বোস। তুমি তাকে জিজ্ঞাসা ক'রলে না?

অনিমা। (হাসিল) না।

ডাঃ বোস । তোমার নিজেকে তুমি জিজ্ঞাসা ক'রেছিলে ?

অণিমা । I was clean । তখনকার আমাকে তুমি আকাশগঙ্গার সঙ্গে তুলনা ক'রতে পার, মাটির একটা কণাও তখন আমাকে স্পর্শ করে নি ।

ডাঃ বোস । তবে ?

অণিমা । তবে ! (হাসিল) তার মধ্যে তখন নতুন মানুষ জেগে উঠেছে, যে মানুষকে আজ দেখছ । দেখলাম পড়ার মধ্যে ডুবে রয়েছে । কেমেস্ট্রি আর কেমেস্ট্রি । আমার দিকে চাইলে এক বিচিত্র দৃষ্টিতে । শাস্ত্র কণ্ঠে বললে কয়েকটি কথা । বললে—আমাকে তুমি মাফ কর । আমি নিজেকে বুঝতে পারি নি । আমার—(অণিমা স্তব্ধ হইল, তারপর হাসিয়া বলিল) বললে—আমার আর ফেরার উপায় নাই । (আবার স্তব্ধ হইল । তারপর বলিল) শুনেছি ষাণ্ডীকৃত সত্যবানকে বাঁচিয়েছিল, কিন্তু আমি তা পারি না ।

Dr. Bose । আমাকে তুমি মাফ কর অ্যানি । আমি ভেবেছিলাম, তুমিই তাঁকে দুঃখ দিয়েছিলে ।

অণিমা । যে দুঃখ আমি সেদিন পেয়েছিলাম, সেই দুঃখেই আমি সেদিন পাগল হ'য়ে গিয়েছিলাম । শ্রামল England-এ ছিল ব'লে আমি ভাবতবর্ষে চ'লে এলাম । মানুষকে দুঃখ দেওয়া হ'ল আমার পেশা । লজ্জা-নীতি ধর্ম সমস্ত কিছুকে ভাসিয়ে দিলাম । গ্রীষ্ম নিষ্ঠুর হাসি হেসে—বাক্সপেয়ে পৃথিবীকে জর্জরিত ক'রে ছুটে বেড়াচ্ছিলাম উদ্ধার মত । হঠাৎ একদিন দেখা হ'ল তোমার সঙ্গে । তখন আমার চরমতম দুঃসময়—

Dr. Bose । থাক অণিমা, থাক ।

অণিমা । বাবা আমার ব্যবহারে লজ্জিত হ'য়ে ঘোষণা ক'রে আমার সঙ্গে তখন সকল সম্বন্ধ ত্যাগ ক'রেছেন । আমার দেহ তখন রূপ—তুমি আমার সম্মুখে সাদরে স্থান দিলে । (স্তব্ধ হইল) জান ? তোমাকে আমি গ্রহণ ক'রেছিলাম—তোমার ঐশ্বর্য ভোগ ক'রে একদিন তোমায় ত্যাগ ক'রব ব'লে ? (দুই হাতে মুখ ঢাকিল)

Dr. Bose । অণিমা ! অ্যানি । হি ! এ রকম করে না ।

অণিমা । Please—Please—

Dr. Bose । না, না ! চল, ওঠ । Dr, শাস্ত্রীর ওখানে যাব আমরা ।

অণিমা । না । সে ব্যস্ত আছে ।

Dr. Bose । থাকুন ব্যস্ত । ব্যস্ত থাকেন অন্য কোথাও আমরা চ'লে যাব ।

চল, Dr. শাস্ত্রীকে কিছু জানাবার আছে important something, very important,

অগ্নিমা । Very important ?

Dr. Bose ব্রজবিহারী ঘোষালের অ্যাটর্নি বাড়ী থেকে লোক এসেছিল ।

অগ্নিমা । সে দিনের সেই ফোটা-তিলক কাটা মিলিওনেয়ার—

Dr. Bose । ভদ্রলোক Dr. শাস্ত্রীর ওপর থাবা বাড়াচ্ছেন বলে মনে হচ্ছে । ওঠ, যাও, কাপড়চোপড় পাল্টে এস ।

অগ্নিমা । না, থাক । বেশ আছি, চল ।

পঞ্চম দৃশ্য

ডক্টর শাস্ত্রীর ল্যাবোরেটারি

[মাইক্রোসকোপ টেবিল-টিউব শিশি-বোতল সাজানো টেবিল । একপাশে একটি র‍্যাকে কয়েকটি খাঁচা, খাঁচায় গিনিপিগ ও খরগোশ কতকগুলি । প্রত্যেক জাতীয় জন্তুর খাঁচা তিনটি করিয়া আছে । একটি ছোট টেবিলের উপর একটি মাইক্রোসকোপ । করুণা ও ডক্টর শাস্ত্রী বহিয়াছেন ঘবে । করুণা মাইক্রোসকোপে কিছু দেখিতেছে]

ডাঃ শাস্ত্রী । পরিষ্কার দেখতে পাচ্ছ ? নিউক্লিয়াসের presence বুঝতে পারছ ?
করুণা । পারাছি ।

ডাঃ শাস্ত্রী । Wondertully well concealed, যেন একটা স্বচ্ছাকৃত চাতুবী ।

করুণা । (মাইক্রোসকোপ হইতে মুখ তুলিয়া) বাঁচল, অতুত !

ডাঃ শাস্ত্রী । আমার নোটগুলো পড় দেখি, তোমার observation-এর সঙ্গে মিলিয়ে দেখ ।

[করুণা টেবিলের উপর হইতে খাতা তুলিয়া পড়িতে আবস্ত করিল ;

ডাঃ শাস্ত্রী নিজে মাইক্রোসকোপের ভিতর দিয়া দেখিতে গিয়াছেন]

শাস্ত্রী । (দেখিতে দেখিতে) জীবনের এই আদিম কণ, এর চেয়ে রহস্যময় আর কিছু আছে ? Cell, cell-এর মধ্যে ঘুবেছে, জীববাম খুঁছে প্রোটোপ্লাজম । ওই ঘোরার বেগের মধ্যেই ফুরিত হচ্ছে জীবনশক্তি ! পৃথিবীর সকল রসের সঙ্গে পৃথিবীর অবিরাম গতির সঙ্গে তার অবিচ্ছিন্ন সম্বন্ধ । (মাইক্রোসকোপ হইতে মুখ তুলিয়া) নোটের সঙ্গে তোমার observation-এর অঙ্গুলি পেলে বলবে ।

করুণা—(খাতা রাখিয়া) কোন অমিল নাই ।

শাস্ত্রী—আমার আপশোস করুণা, আজও আমি একজন ছাত্র পেলাম না যে, তার সকল সংস্কারকে ত্যাগ ক'রে এই আবিষ্কারের সত্যকে তার জীবনের একমাত্র সাধনা ব'লে যেনে নিতে পারে । অথচ মানুষ ভগবান-ভগবান ক'রে এক কল্পনার সত্যকে পাবার সাধনার অনাহারে প্রাণ দিচ্ছে, আগুনে কাঁপ দিচ্ছে, জলে ডুবেছে ।

করুণা—ছাত্র পেলে আপনি সাহায্য করবেন ?

শাস্ত্রী । এক সময় বায়োলজি ছিল আমাব সবচেয়ে প্রিয় শাস্ত্র । এ' মধ্যে থেকে উদ্ঘাটিত কবতে চেয়েছি মৃত্যব রূপ । কিন্তু অকস্মাৎ একদিন কেমিস্ট্রি হয়ে উঠল আমাব সব । এ গবেষণা সেই থেকে বন্ধ হয়ে আছে ।

করুণা । আমি যদি আপনাব কাছে শিগুন চাই, এই সাধনানে যদি আমি অবলম্বন করতে চাই, আপনি আমাকে শেখাবেন ?

শাস্ত্রী । তুমি ?

করুণা । হ্যাঁ । আমি শিখতে চাহ, আপনাকে সাহায্য কব'ে চাই ।

শাস্ত্রী (তাহার দিকে চাহিয়া) না । (করুণা তাহার মুখেব দিকে চাঙিল)

শাস্ত্রী যে সংস্কারে' মধ্যে তুমি মানুষ হয়েছ, তাকে তুমি এ'নে গ্রহণ কব'ে পাবে না, করুণা ।

করুণা । আমি পারব আপনি আমায় সুযোগ দিয়ে দেখুন ।

শাস্ত্রী তোমার অভিভাবক ?

করুণা । তিনি আমাব মামা । তাঁর ব্যবহারে' আমাব চোখ খুলেছে । আপনি সেদিন ঠিক বলেছিলেন—ঈশ্বরের দোহাই দিয়ে, ঈশ্বরের কাজ বলে নিজেদের মনগড়া ভাগ্যেব দোহাই দেয় এক ধনী—দরিদ্রকে বঞ্জন করা যাদেব ধর্ম—তারাহ । সেই ধর্মে অন্ধ হয়ে প্রতারণা করতেও তাদের বাধে না । তিনি তাঁদেবই একজন আমি তাঁর সঙ্গে সকল সংস্রব ত্যাগ করেছি । আমাকে আজ কাজ কবেই থেতে হবে, আমি নিজেব পায়ে দাঁড়া'ে চাই । পৃথিবীর সত্যনে আমি জানতে চাই ।

শাস্ত্রী । এ পথ বড় কঠিন পথ । তোমাকে আমি স্নেহ করি, তাই বলছি—এ পথে তোমার না আসাই ভাল । হয়তো আজকের এ মনোভাব তোমার সাময়িক—

করুণা । না, না । আপনি আমাকে বিশ্বাস করুন ।

শাস্ত্রী । তুমি ভেবে লেখ করুণা । এ পথ নিষ্ঠুর সত্যের পথ । কল্পনার

হান নাই, স্বপ্নেও সাধনা নাই, আমার পৃথিবী অতি বাস্তব পৃথিবী। ধ্যান ধারণার স্থান নাই। আবেগের অবকাশ নাই, জন্মান্তর নাই, পরলোক নাই—

[বাহিবে দরজায় আঘাত পড়িল, কিন্তু সে-শব্দ করুণা বা শাস্ত্রীর মনোযোগ আকৃষ্ট করিতে পারিল না]

শাস্ত্রী। শুধু আছে বৈচিত্র্যের বস্ময়। এক কৌষিক দেহ থেকে বহু কৌষিক দেহ, উপাদান থেকে অবয়ব, অবয়ব থেকে রূপ, শক্তি থেকে গতি, চেতনা থেকে বোধ—

[আবার দরজায় আঘাত পড়িল ।

শাস্ত্রী। বোধ থেকে বাসনা, বাসনা থেকে মন, মন থেকে বুদ্ধি

এবং দরজা খুলিয়া প্রবেশ করিল অগ্নিমা এবং ভাঃ, বোস]

অগ্নিমা। এ মাগে। এ যে ভয়ানক গম্বু হয়ে গেছে জামল। ডেকে সাড়া পাই না।

শাস্ত্রী। অগ্নিমা।

অগ্নিমা। হ্যাঁ। তোমার চোখে যেন স্বপ্ন ভাসছে মনে হচ্ছে। কি স্বপ্ন দেখাচ্ছে জামল ? Is it Biological ?

শাস্ত্রী। Biological Science includes everything which deals with the Phenomena of Living matter অগ্নিমা। আমি এবং করুণা দু'জনেই জীবন্ত মানুষ। Oh, excuse me—করুণার সঙ্গে তোমার পরিচয় করিয়ে দি।

অগ্নিমা। আমি ওকে চিনি। সেদিন তোমার বক্তৃতার সময় তোমার সঙ্গে অগভা কবেছিলেন।

শাস্ত্রী। হ্যাঁ কিন্তু এখন উনি আমার সত্যকে উপলব্ধি করেছেন। নিজে উনি Science student, আমার ল্যাবোরেটোরিতে আমার research-এর সাহায্য ক'বতে চান।

অগ্নিমা। That's very interesting Life is drama. জীবনই নাটক এবং সে নাটকের মূল উপাদান Biological Truth. Is it not ?

শাস্ত্রী। তোমার সত্য উপলব্ধিতে আমি আনন্দ প্রকাশ ক'বছি অগ্নিমা।

অগ্নিমা। Thanks, কিন্তু তুমি তো আমার পরিচয় ওকে দিলে না। করুণা দেবী, আমি অগ্নিমা বোস। শাস্ত্রী এককালে আমাকে অ্যানি বলে ডাকত। আমাদের বদলে আমি বলতাম জামল। জামাদাস কিন্তু এখন

আর সে নামটা নিতে চায় না। আজ নতুন পরিচয়ের দিনে তোমাকে ঐ নামটা উপহার দিতে চাই। শ্রামলের বদলে শ্রামলী কিংবা শ্রামলিমা—

Dr. Bose। অগ্নিমা—অ্যানি—

অগ্নিমা। Don't disturb me please.

নেপথ্য হইতে। Dr. Sastri।

শাস্ত্রী। কে? (বজ্রবিহারীর প্রবেশ)

ব্রজ। আমি। মাফ করবেন, আমি বিনামূল্যেই প্রবেশ করেছি। এই যে, এই যে ককণা। আমি ঠিক ভেবেছিলাম, তুমি এইখানে এসেছ। এস, বাড়ী এস।

ককণা। না। আমি আমার জীবনের পথ বেছে নিয়েছি

ব্রজ। ডক্টর শাস্ত্রী।

শাস্ত্রী। বলুন।

ব্রজ। আমি যদি বলি আপনি আমার ভায়ীকে ভুলিয়ে -

ককণা। না। সে কথার আমি প্রতিবাদ করছি।

অগ্নিমা। উনি নিজেই বলেছেন Mr. Ghoshal. Biological truth is very strange and mysterious, you see. ভোলাব ওপর হাত থাকে না। Is it not আমল?

শাস্ত্রী। অপেক্ষা কর অগ্নিমা, তোমায় কথার উত্তর দিচ্ছি তার আগে—

ব্রজ। আমার কথার উত্তর দিলে আমি স্তম্ভিত হব ডক্টর শাস্ত্রী।

শাস্ত্রী। ককণা, তোমার বয়স কত?

ককণা। একুশ।

শাস্ত্রী। Mr. Ghoshal. ককণা সাবালিকা। জীবনে স্বাধীনভাবে তার কাজ কবনার অধিকার হয়েছে। অগ্নিমা, তুমি সত্যি বলেছ—Biological truth is very strange, and Biology is very interesting. You are right অগ্নিমা, ককণা নিজেই মুগ্ধ হয়েছেন আমার সাধনা দেখে—আমি মুগ্ধ হয়েছি তার নিষ্ঠা দেখে। (ককণার হাত ধরিয়।) আমরা জীবনে ভবিষ্যতে একসঙ্গেই অতঃপর পথ চলব নারী এবং পুরুষ, স্বামী এবং স্ত্রী—congratulate কর অ্যানি।

অগ্নিমা। এতে আমার চেয়ে কেউ খুশী নয় আমল, আমার চেয়ে কেউ খুশী নয়। ককণা তোমার আরও একটা নাম দিচ্ছি। মাদাম কুরী, মাদাম কুরী—I congratulate you.

দ্বিতীয় অঙ্ক

প্রথম দৃশ্য

ঘোষালের পাড়ীর অফিস (প্রথম অঙ্ক অনুযায়ী)

[ঘোষাল বসিয়া ফাইল দেখিতেছে। কয়েকজন ক্লি বড় প্যাকিং কেস লইয়া ঘরের মধ্য দিয়া একে একে যাইতেছে। ঘোষালের আসনের পিছনে একটি বেড়িয়ে।]

রেডিয়ো—রেডিয়ো থেকে বাংলায় খবর বলছি। জার্মান-সৈন্তেরা তাদের যান্ত্রিক বাহিনী নিয়ে দুর্দর্শ গতিতে পোলাণ্ডের মধ্যে দিয়ে এগিয়ে চলেছে। জার্মান-সৈন্তেরা যে সমস্ত জায়গা দখল করছে, সেখানে তাব। যে অমানুষিক নিষ্ঠুরতা এবং অকল্পিত বর্বরতা প্রকাশ করছে, তাতে পৃথিবীর মানুষ বোধ করি শিউরে উঠবে। এদিকে ফ্রান্স এবং বৃটেন সামরিক উদ্যোগ পূর্ণ উত্তেজিত অবস্থায় চলেছে। প্রথম বটিশ সৈন্যদল কাল ফ্রান্সে উপকূলে অবতরণ করেছে।

[ঘোষালের দ্বার প্রবেশ।]

ঘো-স্ত্রী। বলি এমন হচ্ছে কি ?

ঘোষাল। অ্যা ?

ঘো-স্ত্রী। অ্যা ? অ্যা কি ? কানে শুনেতে পাও না ? না, চোখে দেখতে পাও না ? না, মাথা খারাপ হয়েছে, কিছু বুঝতে পার না ?

রেডিয়ো। বৃটিশ সৈন্যদলের অবতরণের সময় ফ্রান্সে অধিবাসীরা যে উল্লাস প্রকাশ করেছে—

ঘো-স্ত্রী। (জুতবেগে অগ্রসর হইয়া কল ঘুরাইয়া বন্ধ করিয়া দিল) বাপরে—
বাপরে—বাপরে ! দিনরাত ঘ্যানর—ঘ্যানর, যুদ্ধ, উল্লাস, বর্বরতা মাথা খারাপ
ক'রে দিলে রে বাবা !

ঘোষাল। বন্ধ ক'রে দিলে।

ঘো-স্ত্রী। হ্যা, দিলাম। কিন্তু এ সমস্ত হচ্ছে কি ?

ঘোষাল। কি ?

[একটা লোক একটা কেস লইয়া প্রবেশ করিল]

ঘো-স্ত্রী। ওই যে ! বলি গোটে, বাড়ীটে কি মানগুলোম ক'রে তুলবি নাকি ?
ওগুলো বাড়ীতে ঠাসাই করছ কেন ?

ঘোষাল। চুপ কব ! ওগুলো হচ্ছে জার্মানীর তৈরী ওয়ুধ। এর পর আর
বাজারে পাওয়া যাবে না। তখন এক টাকার ওয়ুধ বিশ টাকায় বিক্রী হবে।

ঘো-জী। ও মা। তাই বল! আমি বলি কি সব ছাইপাশ এনে পুরছে ঘরে!
(কুলির প্রতি) তা আরও বাবা আর। দেখিস, যেন ফেলে ভাঙিস নে মুখপোড়া।

[নেপথ্যে রামদাস দালাল]

নেপথ্যে-রামদাস। বাবুজী। ঘোষাল-সাব।

ঘোষ-জী। অঃই। এলেন সেই মুখপোড়া। আর রে আর।

[ঘোষালের জী এবং কুলির প্রস্থান রামদাসের প্রবেশ]

রাম। বাম—রাম বাবুজি।

ঘোষাল। বাম—বাম। তারপর তোমার খবর বল?

বাম। খবর আব হামার কেবা ঘোষণাবাবু, খবর তো আভি আপনার মশা।
লড়াই তো লাগ গেল। আব তো আপনি যেইসা রাখবেন ছুনিয়া এইসা থাকবে।

“লাগে লড়াই মরে সিপাহী বাজাকে ছুটে ঘুম,
ঘবমে বইঠকে হাসেন শেঠজী নাফাকে মবস্তম।”

কহে কবি রামদাস—

ঘোষাল। খাম রামদাস, খাম। এখন তুমি কি কবলে বল।

বাম। আরে বাপবে। ধৈবয় তো ধবেন মশা, -এস্তো বেস্তো হোবেন শো
বিলকুল গডবড হো যায়েগা।

ঘোষাল। তুমি বুঝতে পাবছ না রামদাস। যুদ্ধ বেধে গেল। গত যুদ্ধে গ্যাস
নিয়ে যুদ্ধের পল্লন হ'য়েছে। এবাব বোধ হয়—শেষ পর্যন্ত গ্যাসই হবে প্রধান অস্ত্র।
আমি জানি তাঃ শাস্ত্রী গ্যাস নিয়ে—যাক, সে কথা থাক। মোট কথা আমি না
বলেছি তা যদি না পাব—

রামদাস। থামেন, ঘোষাল-সাব থামেন। সব ঠিক ছায। দেখিয়ে .তা হ
কেয়া ছায? (পকেট হইতে একতাড়া কাগজ বাহির করিয়া দিল)

ঘোষাল। (দেখিতে আরম্ভ করিল)

নেপথ্যে কেট। Sir।

ঘোষাল। কে? কেটদাস?

[কেটদাসের প্রবেশ]

কেট। Good morning Sir।

ঘোষাল। Good morning। তারপর খবর কি?

কেট। এস্তরি থিং ও-কে স্তার। দেখে এলাম জ্যাঠাইমা শ্রেক খাণ্ডব-
বাহনের মত জলছে। আমায় বললে—আমি বলব, রতন বাঙ্গাকে সড়কী
চালাতে আমি হুকুম দিয়েছি। নিজে আদালতে গিয়ে বলবে বললে।

ঘোষাল । Good.

কেই । তা হ'লে আমি কোটে যাই এখন । আজ আবার পার্টিশন হাটেব সেলেব দিন আছে ।

ঘোষাল । আজই দিন ? চল, আমি নিজে যাব । এস বামদাস, তোমায় বরং রাস্তায় নামিয়ে দিবে যাব ।
(সকলের প্রস্থান)

দ্বিতীয় দৃশ্য

গ্রামাদাসের পল্লীগ্ৰামের বাড়ী

হেমন্ত এবং শৈলজাদেবী

হেমন্ত । তুমি কি পগা হ'লে জ্যাঠাইম ।

শৈলজা । তুই একে পাগলামি বলছিস হেমন্ত ।

হেমন্ত । বলব না । বউদা কাবখানার লোকের সঙ্গে বাগ্গীদের ঝগড়া হ'ল, বতন সড়কী দিয়ে লোক জখম কবলে । আব তুমি আদালতে বলতে চললে যে, বতনকে সড়কী চালানো হুকুম দিবেছিল তুমি । এ পাগলামি নয় ?

শৈলজা । হুকুম তো আমি দিবেছিলাম হেমন্ত ।

হেমন্ত । না, দাও নি তুমি বউদা'কে আঘাত দেবাব জগ্গেই আদালতে যেচে সাজা নিতে চলেছ । গ্রামে তুমি হুংরু দতে চাপ, দেশের লোকের কাছে তার মাথা হোত কবতে চাপ যে, শ্যামাদাস তাব মাঝে কৌজদারী সোপর্দ ক'বেছে ।

শৈলজা । না । হুকুম আমি দিবেছি । তুই আমাকে বাধা দিস নে হেমন্ত, আমি সত্যি কথা না বলে পারব না । আমার ঠাকুর আমাকে তা হ'লে ক্ষমা কববেন না ।

হেমন্ত । কখন তুমি হুকুম দিলে শুনি । যেদিন বিকেলবেলা ওদের ঝগড়া হ'ল, কাণ্ড হ'ল, সেদিন তুমি গোবিন্দজীব ভোগ দিয়ে দক্ষিণেশ্বর গিয়েছিলে বেলা বায়োটার, ফিরেছ সন্ধ্যাব সময়, সমস্ত ক্ষণ আমি তোমার দিকে ।

শৈলজা । হুকুম আমি তোর সামনেই দিবেছিলাম । তোর মনে নেই ।

হেমন্ত । জ্যাঠাইমা, তোমার বয়স বাহাস্তব হয় নি আমি জানি, কিন্তু এই

‘বয়সে আমাকে বাহাতুরে কেমন ক’রে ধরল বুঝতে পারছি না। কি বলছ তুমি ?

শৈলজা। তিন বৎসর আগে, যেদিন শ্যামাদাস ও বাগান বস্তীর জন্তে নোটিশ পাঠায়, রতনেরা ক’জন কেঁদে এসে পড়ল, সেদিন আমি এইখানে দাঁড়িয়ে তোর সামনে তাদের বলেছিলাম—শ্যামাদাসের লোক যদি কেউ আসে জবরদস্তি করতে, তবে তাদের লাঠি ঘেরে তাড়িয়ে দিবি, দরকার হয় সভকী দিয়ে গেঁথে ফেসবি। মনে ক’বে দেখে তুই। বতন যখন তাই ক’বে ফেলেনে, তখন আদালতে গিয়ে সেই কথা স্বীকার ক’বে আমার সাজা আমি না নিলে — ওপারে গিয়ে কি জবাব দেব আমি ?

হেমন্ত। ওপারের আইন আদালত সম্বন্ধে আমার খুব আকেন নেই জ্যাঠাইমা। তবে এটা ঠিক যে, ওপার-ওপার যে কোন পাবের আদালত গিয়ে যদি ছেলের ওপর অভিমান-বশে এই দায়িত্ব ঘাড়ে করতে যাও, তবে সেটা তোমার সত্যি বলা হবে না।

শৈলজা। কেন তুমি ?

হেমন্ত। কথাটা তুমি বলেছিলে তিন বছর আগে তারপর অনেক ঘটনা ঘটে গেল, অবস্থায় পরিবর্তন অনেক হ’ল। যে দিন তুমি কথাটা বলেছিলেন, সেদিন তুমি ছিলে এই বাগান বস্তীর একেদ তিন অংশের মালিক—বাঙ্গীরা ছিল তোমার প্রজা। আইন-ধর্ম অন্তসাবে না হোক দেশাচার অন্তসাবে জমিদার হিসাবে ওদের ভানমন্দের দায়িত্বও সঙ্গে সম্বন্ধ ছিল। তারপর বড়দার ওপর আক্রোশ-বশে তুমি বাগান বস্তীর অংশ বিক্রি করে দিলে ব্রজবিহারী ঘোষালকে। আজ মামলা-মোকদ্দমা হচ্ছে Bengal Scientific Research-এর সঙ্গে ব্রজবিহারী ঘোষালের। বাঙ্গীদের নাচাচ্ছে এখন ঘোষাল। ঘোষালের চাকরী নিয়ে কেউ যে কত রকম উদ্ধানি দিচ্ছে বাঙ্গীদের, সে তুমি জান না। এর পরেও তুমি বলতে চাও দায়িত্ব তোমার ?

[আফালন করিয়া কথা বলিতে বলিতে কেউদাসের প্রবেশ]

কেউ। মার দিয়া কেঁদারে বাবা—যতোধর্মন্ততো জয়, অস্ত্রাঙ্গ ফাট। এক খটি জল দাও দেখি জ্যাঠাইমা।

[কোঁচা দিয়া বাতাস খাইতে পানিল। শৈলজা স্তব্ধ হইয়া রহিলেন, প্রথম হইতেই হেমন্ত চঞ্চল হইয়া উঠিল]

হেমন্ত। কি রে কেউ, ব্যাপার কি ?

কেষ্ট। জল নিয়ে এস জ্যাঠাইমা। আগে জল নিয়ে এসে। গোবিন্দজীর ফীরেয় নাড়ুও বরং একটা নিয়ে এস।

হেমন্ত। কেষ্ট ?

কেষ্ট। Please কপিসম্রাট, Please বুক শুকিয়ে বালুচর হয়ে গেছে ; কথা বলতে শক্তি নেই এখন। স্নেহ বায়বেগে ছুটে আসছি এই চপ্পে বোদ্ধুরে।

শৈলজা। আমি এক্ষণে জল নিয়ে আসছি কেষ্ট, তুই বস হেমন্ত ওকে এখন বিরক্ত কবিস নে

(প্রস্থান)

কেষ্ট। কখনো তো ? বিরক্ত ক'লে, না আমাকে বাবা, জ্যাঠাইমার হুকুম সাক্ষাৎ মহিষমর্দিনী।

[হেমন্ত মাথা নত করিয়া চিন্তিত ভাবেই পায়চারি করিল।

কেষ্ট। উ। একিকে rice-ট, আছে খুব। পায়চারি করছে যেন সাক্ষাৎ আলমগীর। বলিহারী বাবা—চালটা যা হোক খুব শিখেছি—বলি লিখিস তো কেতাব। হুসুর বগলে ভান্ডুরে পুনে দিয়ে হ'য়ে গেল বেদব্যান্স তার আবার এত চাল কিসের ব্যা ?

হেমন্ত। চপ কব কেষ্ট।

কেষ্ট। তোর হুকুমে চপ ক'ব হেমা ?

হেমন্ত। জ্যাঠাইমা জল আনছেন, খেয়ে যত পানিস্ টেচাস।

কেষ্ট। আদালতে চাল বোতল শেমনেভ, তিন গেলাস সরবত, ছটা ডাব মেরেছি হেমা। জ্যাঠাইমার ওই ফীরেব নাড়ুর জন্তে জলের ভাওতা দিলাম। পেটের মধ্যে এখন জাহাজ ভাসিয়ে দিলে ডুবে যাবে। গলায় আঙুল দিয়ে বমি ক'রলে তুই স্নেহ ভেসে যাবি।

হেমন্ত। এইবার থাম্ কেষ্ট, এটবার থাম। আর একুস না। এটা মিউনিসিপ্যাল এরিয়া।

কেষ্ট। কি বল্দি ? ওর মানে কি ?

হেমন্ত। এর মানে তুই বুঝবি নে। মেল চোর্চাস্ নে—চপ কর। জ্যাঠাইমা আসছেন।

কেষ্ট। চোচাব না ? আলবৎ চোচব।

হেমন্ত। তবে চোচা।

কেট। নিশ্চয় চৈতাব। তোর বিলিভী ঘোড়া যে কাৎ, শ্যামাদাস যে খতম—
[শৈলজা প্রবেশ করিতেছিলেন—জলের গেলাসটা তাহার হাত
হইতে পড়িয়া গেল]

হেমন্ত। (ছুটিয়া গেল) জ্যাঠাইমা !

কেট। জলের গেলাসটা ফেললে তো জ্যাঠাইমা !

[শৈলজা হেঁট হইলেন জলের গেলাস উঠাইবার জন্য]

হেমন্ত। কেট, কি বলছিলি তুই আগে বল।

কেট। Mr. Sastri esquire-এর হ'য়ে গেছে। বাগান-বস্তীর
partition-এর মামলায় ডিগবাজী। ব্রজবিহারীবাবু সেলে দশ হাজার টাকা
দাম দিয়ে বাগান-বস্তী ভেঙে নিয়েছে।

শৈলজা। তুই এস্ কেট, আমি আবার জল নিয়ে আসি। (প্রস্থান)

হেমন্ত। তুই একটা রাঙ্কেল রে কেট—তুই একটা বাঙ্কেল।

কেট। Shut up হেমা। মুখ সামলে কথা বলবি। আমি রাগলে বাপ
মাকেই খাতিব করি না তুই কোথাকার জ্যাঠাতুত ভাই। নাকের ওপর পরচুলো
টানলে খুলে আসে। জ্যাঠাতুত ভায়েব সঙ্গে মঞ্চ কিসের।

হেমন্ত। এইবার ঘাড় ধ'রে মাটিতে গের মুখ রগড়ে দেব।

কেট। তা দিবি বইকি। নইলে আর জ্ঞাতি শত্রুর বলবে কেন ?

[শৈলজা দেবার জলধাতে প্রবেশ।]

শৈলজা। নে কেট, এহ নে নাড়ু।

কেট। হেমাকে তুমি একটু সাবধান ক'রে দিও জ্যাঠাইমা। নইলে আমার
সঙ্গে ভাল হবে না। বলছে, ঘাড় ধ'রে আমার মুখ রগড়ে দেবে।

শৈলজা। ছি হেমন্ত।

হেমন্ত। জ্যাঠাইমা, আজ বুঝতে পারছি বলি রাজা কেন স্বর্গে যান নি।
তোমার স্বর্গে যাবার ইচ্ছেকে লক্ষকোটি প্রণাম। এখন কেটকে তুমি চোঁচাতে
বারুণ কর, নইলে তোমার স্বর্গে যাবার সময়ে জয়ধ্বনি করবার লোকের অভাব
হবে। ওকে আমি তোমার আগেই স্বর্গে পাঠিয়ে দেব, মানে—লোজা বাংলায়
খুন ক'রে কেনব ওকে।

শৈলজা। আহা, মামলায় জিতেছে একটু আনন্দ ক'রবে না ? এই তো
আমিই বারবার গোবিন্দজীকে প্রণাম ক'রে এলাম।

হেমন্ত। তোমার কপালে ধুলোর দাগ আগেই আমি দেখেছি। কিন্তু একটা

সত্যিকথা বলবে জ্যাঠাইমা ? প্রণামটা ক'রে এলে কিসের জন্তে ? ব্রজবিহারী ঘোষাল জিতেছে বলে, না কেঁটার প্রলাপের সত্যি অর্থ বুঝে ?

শৈলজা । মামলায় জিতেছে বলে হেমন্ত ।

হেম । তাতে কি মনে কর শ্রামাদাস দা' হেরেছে ?

কেট । হাইকোর্টের জাজমেন্ট বাবা, এর আর বাবা নেই । হাকিম ফেরে তো ছকুম ফেরে না । নো গুলোট নো পালট ! কালই খবরের কাগজে বেরিয়ে যাবে ।

হেমন্ত । এখন তোমাকে মিনতি করছি জ্যাঠাইমা, তুমি আর এগিয়ে না । বড়দা' তোমার সঙ্গে কোন খারাপ ব্যবহার করে নি । বাগান-বস্তী নিয়ে মামলা হয় তো হ'ত না, যদি না তুমি ব্রজবিহারী ঘোষালকে তোমার অংশ বিক্রী করতে । বাগান কাটতে তোমার আপত্তি, বস্তী ওঠাতে তোমার আপত্তি, সে বাগান-বস্তী নিয়ে ব্রজবিহারীর সঙ্গে মামলা কবলেও কারখানা ক'রেছে বাগান-বস্তী পাশে । নিজের সন্তানের সঙ্গে—

শৈলজা । না । যে নাস্তিক, সে আমার সন্তান নয় ।

কেট । পায়ের ধুলো দাও জ্যাঠাইমা, পায়ের বুলো দাও ।

হেমন্ত । আমিও প্রণাম করছি জ্যাঠাইমা । আমি চললাম ।

শৈলজা । হেমন্ত ।

কেট । যেতে দাও জ্যাঠাইমা—যেতে দাও । ও হচ্ছে বিলিভী ঘোড়ার সহিস । Bengal Scientific Research-এর প্রচার-সচিব । শাস্ত্রী সাহেবের agent.

শৈলজা । হুমন্ত ।

হেমন্ত । হ্যা জ্যাঠাইমা—সেখানে আমি চাকরী করি । আজ প্রায় এক বছর হ'ল চাকরী করছি, কিন্তু তোমার কাছে শ্রামাদাসদা'র চাকর হিসাবে আমি আসি নি । আজও তোমার একটা কথাও তাকে বলি নি; তার কথাও তোমাকে লাগাই নি । তুমি আমার জ্যাঠাইমা, বড়দা আমার দাদা—তোমাদের এই বিরোধে আমি কষ্ট পাই, তাই এসেছিলাম । মা-ছেলের ঝগড়া যাতে মিটে যায়—তাই দেখতে চেয়েছিলাম । কিন্তু তুমি পাথর, সে লোহা । কাছাকাছি এলেই আগুন জলে উঠছে । আমায় তুমি মাক কর । আর আসব না । (প্রস্থান)

কেট । কিছুই ভেবোনা জ্যাঠাইমা । সব আমি ঠিক করে দোব । দেখ না আমার মালিক, তোমার বেয়াই ব্রজবিহারীবাবু কি করে ! নাস্তিকের নিকুচি ক'রে ছেড়ে দেবে । ভগবান মানি না ! কত paddy-তে কত rice বুঝিয়ে দেবে ।

শৈলজা। কাল রতনের মামলার দিন নয় কেউ ?

কেউ। হ্যাঁ। সে সময়ে তুমি কিছু ভেবো না জ্যাঠাইমা। সে ঘোষাল সাহেব ঠিক করেছেন। রতনকে জামিনে খালাস ক'রেছে। বড় ব্যারিষ্টার দিয়েছেন। বক্তার যদি জেলই হয়, তাও বলছেন—তার মেয়ে-ছেলেকে খেতে দোব।

শৈলজা। ভগবান তাঁর মঙ্গল করুন। কিন্তু তবু আমার দায়িত্ব আছে কেউ। আমাকে কাল কোর্টে নিয়ে যেতে হবে।

কেউ। তুমি বলবে তো রতনকে সড়কী চালাতে তুমি হুকুম দিয়েছিলে।

শৈলজা। হ্যাঁ। আমি বলেছিলাম রতনকে—সে কথা কোর্টে স্বীকার না করলে আমি শাস্তি পাব না।

(নেপথ্যে রতন উত্তেজিত স্বরে ডাকিল)—মা-ঠাকুরণ !—মা-ঠাকুরণ !

শৈলজা। কে রতন ?

বতনের প্রবেশ—উত্তেজিত উদ্ভ্রান্ত অবস্থা তব]

বতন। মা-ঠাকুরণ !

শৈলজা। কি রতন ? কি রে ? কি হয়েছে বাবা ?

বতন। বাঘের হাত থেকে বাঁচাতে জলে কুমারের মুখে তেলে দিলে মা-ঠাকুরণ ?

কেউ। এহ রতনা, এই বেটা, এমন করে চেচাচ্ছিল কেন ?

বতন। চেচাচ্ছিল কেন ? তুমি কিছু জ্ঞান না দাদাঠাকুর ? বাঘের আশে পাশে থাকে শেয়াল—বাঘের গুড়ির পেসাদ পায়। কুমারের আশে-পাশে কে থাকে জানি না। তুমি তাই। তুমি তাই। তুমি তাই।

[কেউ খানিকটা সরিয়া গেল]

শৈলজা। কি হয়েছে রতন।

বতন। বিদেয় নিতে এসেছি মা-ঠাকুরণ বস্তা ছেড়ে ছেলে-মেয়ের হাত ধরে উঠে যাচ্ছি। চরকালটা আমাদের ভালোতে মনতে ভোমাদের পায়ে ধুলো নিয়ে এসেছি আজও তাই নিতে এসেছি, দাও পায়ে ধুলো দাও।

শৈলজা। উঠে যাচ্ছ ? কেন রতন ? মামলায় তো ঘোষাল মশাই-ই জিতেছেন।

বতন। ওবে অর কুমার বলছি কেন গো। তিনিই উঠিয়ে দিচ্ছেন। তলে তলে তিনি উচ্ছেদের সব ব্যবস্থা করে রেখেছিলেন। মামলায় ডিক্রী পেয়ে সাথে-সাথেই আদালতের নাজির নিয়ে লোকজন সঙ্গে ক'রে এসেছেন। দখল নেবেন।

আমাদের উঠে যেতে হবে। জিজ্ঞেস কর কেন ঘোষালের ওই চরটিকে—ওই কেউ দাদাবাবুকে। ওই, ওই, যত নষ্ট গুড়ের খাজা।

কেউ। এই রতনা। কি বলচিস—দোব থান্ড মেরে মুখ ভেঙ্গে।

রতন। দেবে? দেবে? মুখ ভেঙ্গে দেবে? এস—এগিয়ে এস! আঃ কি বলব যে তুমি ঠাকুর বংশের ছেলে! আঃ লইলে—আজ আর একবার সড়কী আমি চালাতাম।

শৈলজা। এসব কি কাণ্ড কেউ?

কেউ। আমি কি জানি তার?

বতন। জান না? পেরথম আদালতে তোমার মুনিব যখন নিলেম ডাকলে, দাদাবাবু যখন হাইকোর্ট করলেন, তখন আমাদিগে শমন দিলে, পরোয়ানা দিলে। আমবা মুখ্য-মামুষ, শুখোলাম—কিসের পরোয়ানা? আমাদিগে বুঝালে—সাক্ষীর পরোয়ানা। তলে তলে তখন নালিশ করেছিল। সেদিন বুঝি নাই, আজ বুঝলাম। আমাদিগে আদালতে গরহাজির রেখে ডিক্রি করেছে। আজ বুঝলাম সব। তুমি জান না কিছু? মা-ঠাকুরণ বাঘেব মুখ থেকে পাঁচাতে তুমি জলে ফেলে দিয়েছ কুমীরের মুখে।

শৈলজা। কেউ!

কেউ। আমি কি করব? আনাকে চোখ রাঙালে কি হবে? আর হক কথা বলব আমি। আমি বাবা কাউকে ভয় করি না। মা-বাবাকেই ভয় করি না। তোমাব বাগান বস্তী তুমি বেচেছ। করকবে টাকা ঠং ঠং ক'রে বাজিয়ে নিয়েছ। ঘোষাল সাহেব দু' দু' হাজার টাকা গুণে দিয়েছে। তোমার বাগানের আমের আটি চোখবাব জগ্রে সে এতগুলো টাকা দেয় নি। আর ওই বাগদীগুলোর দু' আনা চার আনা খাজনাতে তার পেট ভরবে না। সম্পত্তি এখন তার—যা খুশী তার করবে। আমি না তার কি করব? তোমাব বাড়ীতে দাঁড়িয়ে আছি—না হয় চলে যাচ্ছি। আর না হয় আসব না। (প্রস্থান)

রতন। মা-ঠাকুরণ!

শৈলজা। অপরাধ আমার বতন। আমাকে তোরা—

রতন। না-না। ওকণা বলনি মা। বিনা মেঘে আমাদের মাথায় বাজ ভেঙে পড়বে। অপরাধ আমাদের অদেষ্টের। যার যে ঠাই কেনা মা—পিত্তি পুরুষের ভিটেয় মরণেব ভাগি আমরা ক'রে আসি নি—তুমি ক'রবে বল?

শৈলজা। না। অপরাধ আমার। শেয়া এক কাজ কর রতন। আমার বাড়ীর পুকুরের পাড়ে এসে তোরা বাস কর। অনেক জায়গা পড়ে আছে।

রতন। তাই কি হয় মা ! ঠাকুরের মন্দির, তোমাদের বাড়ী, দিন রাত ছোঁয়াচ লাগবে। আমাদের অপরাধ হবে।

শৈলজা। না-না আমি বলছি—অপরাধ হবে না !

রতন। শুধু কি বাড়ী মা ? খাব কি ? জমিদারান ঘে আগেই গেছে গো। মহাজনে নিচ্ছে। তবু ছিলাম ভিটির মায়ার। এইবার ভিটি গেল, বাঁধন থেকে ছাড়ান পেলাম মা-ঠাকরুণ, এইবার আমরা যাই। কলে যাই, খাটব, খাব—

শৈলজা। না রতন, না। ওরে কলে মানুষের জাত থাকে না। ওখানে মানুষ ভগবান ভুলে যায়—

রতন। সেই জন্তে তো এতকাল যাইনি মা-ঠাকরুণ—

শৈলজা। আজও যেতে পাবি নে। আমি বলছি আমার হুকুম।

রতন। মা-ঠাকরুণ—

শৈলজা। আমার হুকুম রতন। যা—সব জিনিসপত্র নিয়ে উঠে আর। ওই খিড়কীর বাগানে—জায়গা ক'রে নে। যা, দেবী করিস নি। যা।

[রতন চোখ মুছিতে মুছিতে চলিয়া যাইতেছিল]

শৈলজা—আর শোন। তোর মামলায় কাল দিন আছে। সকাল বেলাতেই আমি তোকে সঙ্গে ক'রে নিয়ে যাব। নতুন উকীল দিতে হবে। ঘোষালের দ্বৈশর উকীল ব্যারিষ্টারকে আর বিশ্বাস নেই।

রতন। তার জন্তি তুমি কেন যাবে মা ?

শৈলজা। আদালতেও আমার কাজ আছে। আমাকে যেতে হবে। তোর কোন ভয় নেই, আমি নিজে বলব—আমিই তোকে সড়কী চালাতে হুকুম দিয়ে-ছিলাম। জেল যেতে হয়, আমিও যাব তোর সঙ্গে।

রতন। মা। কি বলচ তুমি ? না। না। তা বলতি তুমি পাবা না।

শৈলজা। 'না' নয় রতন, সত্যি আমাকে স্বীকার করতেই—

রতন। না। আমি বলব তুমি হুকুম দাও নি। তাতেও না মান তার উপায়ও রতন জানে।

শৈলজা। রতন।

রতন। না, তোমার কথা আমি শুনব না।

(প্রস্থান)

তৃতীয় দৃশ্য

ডাঃ হিরণ্ময় বোসের বাড়ী । অণিমা এবং হিরণ্ময়

অণিমা । ইম্পাতের ধারালো ছুরিতে ডাকাতের গলা কাটে, কিন্তু মিছরীর ছুরি তার চেয়ে ভয়ানক । রক্ত ঝরে না, দেখা যায় না অথচ মাহুকের অন্তরটা হিন্নভিন্ন হয়ে যায় । তোমার কথাবার্তা আজকাল সেট রকম হয়ে উঠেছে । আমি সহ্য করতে পারছি না ।

হিরণ । আমার উপর তুমি অবিচার করছ । আমার কথা দুটো মানে নেই । মানে একটাই । আমার কথা যদি ধারালো মনে কর, তবে সে ছুরিই— ডাকাতের হাতের নয়, ডাক্তারের হাতের । যদি মিষ্টি মনে কর, তবে সে শুধু মিছরিই । সত্যিই তোমার গানের প্রশংসার ভাণ্ডা খুঁজে পাচ্ছি না । আনি, আগে তোমার গানের মধ্যে technique-টা I mean, হুব এবং ভলিউমটাই ছিল সর্বস্ব, এখন তোমার গানে প্রাণের স্পর্শ উপচে পড়ছে । You have changed—আনি, তুমি বদলে গেছ ।

অণিমা । (স্থির দৃষ্টিতে চাহিয়া) তুমি কি বলছ ? আমি বদলে গেছি ? Changed ?

হিরণ । তুমি নিজেকে বুঝতে পার না ।

অণিমা । যদি বদলে থাকি তাহলে কি তুমি দুঃখ পেয়েছ ?

হিরণ । তুমি এত অসহিষ্ণু হয়ে উঠছ কেন ?

অণিমা । তোমার সঙ্কল্পের সীমা না পেয়ে আমি হারিয়ে উঠেছি । তোমার সঙ্গে কথা বলতে আমার ভয় করে । তুমি কথা বল, তুমি হাস, আমার মনে হয় তোমার হাসি কথার পেছনে আছে গভীর রহস্য, আমি তার তল পাই না । কেন তুমি আমাকে এ ভাবে দুঃখ দাও ?

হিরণ । আমি তোমাকে দুঃখ দিই ? তোমার তাই মনে হয় ?

[দীর্ঘনিঃশ্বাস সহকারে কথাগুলি বলিল]

অণিমা । (কথার মধ্যস্থলেই বলিয়া উঠিল) এমন ভাবে দীর্ঘনিঃশ্বাস তুমি ফেলো না !

হিরণ । (উঠিয়া অণিমার হাত ধরিয়া) আনি । আনি ।

অণিমা । না ।

হিরণ । না-নয়, বস । শান্ত হও, স্থির হও । আনি !

[অগ্নিমা বসিল]

অগ্নিমা। বল তুমি কি বলছ? সোজা সরল স্পষ্ট কথায় আমাকে বল।

হিরণ। তোমার জীবনে এইবার আপনার ছন্দ—

অগ্নিমা। না, না, না। ছন্দ নয় ও আমি বুঝি না।

হিরণ। ছন্দ বোঝ না? আর তুমি এত ভাল নাচতে পার!

অগ্নিমা। তোমাকে ষোড় হাত করছি, তোমাকে আমি ষোড় হাত করছি।
বল আমার কি পবিত্রত্ব ন হইছে?

হিরণ। যে ভালবাসা তোমার মধ্যে ঠুকিয়ে গিয়েছিল আবার সে বেঁচে উঠেছে। তুমি ভালবেসেছ।

অগ্নিমা। V.'hat are you driving at? কাকে ভালবেসেছি?

হিরণ। তোমার নিজেকে তুমি ভালবেসেছ। নিজের স্বাস্থ্যের প্রতি তুমি মনোযোগী হয়েছ। জীবনের পথে তোমার উন্নত অধীর গতি সংহত হয়ে ধীর স্বাভাবিক হয়ে উঠেছে। তোমার গানের মধ্যে তারই স্পর্শ উপচে পড়ছে।

অগ্নিমা। না। তুমি বলতে চাও, আমি জামলকে আবার ভালবেসেছি।

হিরণ। তাই যদি হয়, ক্ষতি 'ক' ? 'আমাব আনন্দ—তুমি সুস্থ হয়ে উঠেছ।
তোমাব নিজের ঘর-সংসারের প্রতি তোমার মায় হ'য়েছে।

অগ্নিমা। (টেবিলের উপর হইতে ফুলদানাটা লইয়া ছুঁড়িয়া দিতে উদ্ধত হইল। কিন্তু হিরণ তাহার হাত ধরিয়া ফেলিল) না না, চেড়ে দাও চেড়ে দাও।

হিরণ। অগ্নিমা। আমি তোমাকে মিনতি করছি।

অগ্নিমা। জান, আমি জামলের ছায়া পর্যন্ত মাড়ান ন।

হিরণ। জানি।

অগ্নিমা। জান? আমি তো রোজাবকেলে তোমাকে বলে যাই—আমি জামলের ওখানে যান্ছি।

হিরণ। কিন্তু তুমি যাও না সে আমি জানি।

অগ্নিমা। তুমি 'তা' হ'লে আমাকে সন্দেহ ক'রে অল্পসরণ করে দেখেছ—
আমি কোথায় যাই?

হিরণ। না। তুমি কোথা যাও, সে আমি জানি না। কিন্তু পরন্তু মিষ্ট্র শাস্ত্রী মিসেস শাস্ত্রীকে নিয়ে আমার chamber-এ এসেছিলেন। তাঁরাই বললেন, তুমি তাঁদের ওখানে যাও না!

- অণিমা। এবং নিশ্চয় তুমি বলেছ যে,—সে কি ? সে তো রোজ আপনাদের
ওখানে যায় !

হিরণ। তুমি আমার ওপর অবিচার করছ অ্যানি। তুমি যেখানেই যাও—
তার জন্তে আমি কোনদিন কৌতুহল প্রকাশ করি নি, কখনও করবও না।

অণিমা। (উঠিয়া চলিয়া যাইতে যাইতে) সে কৌতুহল প্রকাশ করলে হয়
তো ভাল করতে। এ অশাস্তি, এ দুঃখভোগ থেকে নিষ্কৃতি পেতে।

হিরণ। যেয়ো না, শোন।

অণিমা। না।

হিরণ। না' নয় শোন।

অণিমা। বল।

হিরণ। আজ যদি তুমি একবার মিসেস শাস্ত্রীর ওখানে যাও -

অণিমা। না।

হিরণ। আমার জন্তে আণিমা - আমার জন্তে। একটা অপ্রিয় কাজ -

অণিমা। অপ্রিয় কাজ।

হিরণ। হ্যাঁ। নিষ্ঠুর শাস্ত্রী জানিয়ে আসতে হবে। এই Medical

Report-টা দিয়ে আসবে।

অণিমা। Medical Report ?

হিরণ। (একখানি কাগজ অণিমাব হাতে দিল) ডাকেই পাঠাতে পারতাম।
কিন্তু বাপ বাব মনে হচ্ছে মিসেস শাস্ত্রীকে কিছু সান্ত্বনার কথা বলাবও প্রয়োজন
আছে।

অণিমা Report-খানি পড়িতে লাগিল

হিরণ। মিসেস শাস্ত্রীর মাতৃহেব আকাজ্জক অত্যন্ত তীব্র, তিন বৎসর
বিবাহিত জীবনে সন্তান না হওয়ার জন্তে তিনি দুঃখ করে চিঠি লেখেছিলেন কোন
বান্ধবীকে। শাস্ত্রী জানতে পাবেন।

অণিমা। (Report হইতে মুখ তুলিয়া) বল কি ?

হিরণ। মাতৃহেব মন বিচিত্র অ্যানি।

অণিমা। আমি তাকে রহস্ত কবে নাম দিয়েছিলাম মাদাম কুবী। করুণা
আজ তিন বৎসর ধবে শ্যামলেব research-এ অহরহ পাশে থেকে সে রহস্তকে
সত্যে পরিণত করে তুলেছে। করুণাকে নিয়ে গ্রামলের মে কি অহঙ্কার। করুণার
দুঃখের আভাস তো একদিনও পাইনি।

হিরণ। মিসেস শাস্ত্রীর মুখ দেখে আমার চোখে জল এসেছিল অ্যানি। শাস্ত্রী

তাকে আমার chamber-এ নিয়ে এসেছিলেন সন্তান না হওয়ার কারণ নির্ধারণের
জন্তে। (দরজায় আঘাতের শব্দ হইল)

হিরণ। (অনিমার প্রতি) উঃ, আচ্ছা! আদব-কায়দাভ্রান্ত বেয়ারা রেখেছ।
নক না করে আসবে না। Come in—

অনিমা। বেচারী করুণা! এর কি কোন প্রতিকার নেই?

হিরণ। না। চিকিৎসা-বিজ্ঞান আজও এর প্রতিকার আবিষ্কার করতে পারে
নাই। মিসেস শাস্ত্রী বক্ষ্য।

[কথার মধ্যস্থলেই দরজা খুলিয়া গেল। ওপাশ হইতে করুণা এক পা
দরজার দিকে বাড়াইল। হিরণের ন অনিমা এমন ভাবে বসিয়াছিল যে,
করুণার প্রবেশ দেখিতে পাইল না। হিরণের কথা শেষ হইবামাত্র
করুণা কাঁপিয়া উঠিয়া দরজার বাজু দুইটা চাপিয়া ধরিল। দরজার পাশে
একটা টেবিল উন্টাইয়া গেল। শব্দে উভয়ে মুখ ফিরাইয়া করুণাকে
দেখিয়া স্তম্ভিত হইয়া গেল। অনিমা তাড়াতাড়ি কাছে আসিল।]

অনিমা। করুণা! করুণা!

করুণা। মাথাটি ত্যাগ হুঁরে গেল দিদি।

হিরণ। আসুন, এইখানে বসুন মিসেস শাস্ত্রী। একটু বসুন।

করুণা ধীরে ধীরে আসিয়া বসিল।

অনিমা। একটু জল খাবে করুণা?

করুণা। থাক দিদি। আমি এসেছিলাম Dr. Bose—

হিরণ। আপনাকে কি বলব মিসেস শাস্ত্রী, সন্তান দেবার ভাষা আমি খুঁজে
পাচ্ছি না।

করুণা। আমার ভাগ্য আপনি কি করবেন?

অনিমা। স্বামীর সাধনায় নিজেকে চলে দাও করুণা।

করুণা। সে সব পরের কথা দিদি এখন ব্যবসায়ে হঠাৎ কোন গোলমাল
হওয়ার উনি এড চঞ্চল হ'য়ে উঠেছেন। Dr. Bose. আপনি যদি একবার যান
তবে বড় ভাল হয়।

হিরণ। ব্যবসায়ে গোলমাল? কি হ'য়েছে বলুন তো?

করুণা। আমি জিজ্ঞাসা করি নি! কিন্তু গোলমাল কিছু হ'য়েছে!

হিরণ। অনিমা, তুমি মিসেস শাস্ত্রীকে নিয়ে এস। আমি চললাম।

অনিমা। করুণা!

করণ। একটু অপেক্ষা করুন দিদি। বড় ক্লান্তি বোধ করছি আমি।

[সে সোফার উপর শুইয়া পড়িল। কোন উজ্জ্বল প্রকাশ করিল না।

অনিমা তাহার মাথার কাছে বসিয়া মাথায় হাত রাখিল]

অনিমা। মনকে শান্ত কর, করণ। 'শ্রামলেব সাধনার মধ্যে নিজেকে ঢেলে
ঝাও তুমি। দুঃখকে জয় কর।

করণ। বড় ক্লান্ত ! আমি আর পারছি না।

চতুর্থ দৃশ্য

শ্যামাদাসের ল্যাবরেটোরি

শ্যামাদাস ও হেমন্ত

[দৃশ্যের প্রথমেই দেখা গেল, হেমন্ত একখানা চিঠি পড়িয়া শেষ করিয়া
শ্যামাদাসকে ফেরত দিতেছে। শ্যামাদাস চিঠিখানা লইল। সে কথাবার্ত্তা
সংযতভাবে বলিতেছিল। কিন্তু বরাবর পদচারণা করিতেছিল, যাহার
মধ্যে ফুটিয়া উঠিতেছিল একটা অস্তিত্বের ইঙ্গিত]

শ্রামা। আপিসে এ সব কথা নিয়ে আলোচনা আমি করতে চাই না, তাই
আমি তোমাকে এখানে ডেকেছি। কিন্তু এ কি সত্যি হেমন্ত ?

হেমন্ত। চিঠির মধ্যে অনেক কথা রয়েছে। তার কয়েকটা কথা সত্যি।
বাকীটা মিথ্যে।

শ্রামা। কতটা সত্যি, কতটা মিথ্যে বল।

হেমন্ত। জ্যাঠাইমার কাছে নিয়মিতই আমি যেতাম এ কথা সত্যি।

শ্রামা। বাকীটা মিথ্যে ?

হেমন্ত। হ্যাঁ, সম্পূর্ণ মিথ্যে। মামলা সংক্রান্ত কোন কথা তাঁকে আমি বলি
নি। অন্তত কোন তথ্য তাঁর কাছে প্রকাশ করি নি। এবং তাঁদের তরফের অনেক
তথ্য জানলেও সেও তোমাকে আমি বলি নি।

শ্রামা। কিন্তু আমাদের তরফের অনেক তথ্য তাঁরা জেনেছেন, এ বিষয়ে
আমি নিঃসন্দেহ।

হেমন্ত। তুমি কি আমাকে বিশ্বাস কর না বড়দা ?

শ্রামা। শুধু বিশ্বাস নয়, তোমার ওপর আমি প্রত্যাশা করেছিলাম।

হেমন্ত । তোমার প্রত্যাশার কথা আমি বলতে পারি না বড়দা, কিন্তু অধিকালের কোন কাজ আমি করি নি ।

শ্রামা । আমার মা তোমার জ্যাঠাইমা । সুতরাং তাঁর ওখানে তুমি যেতেই—এটাকে অপরাধ কখনই আমি বলব না । কিন্তু মামলা-মোকদ্দমার কথা কি তুমি বলতে না ?

হেমন্ত । বলতাম । তোমাদের মা-ছেলের বিরোধ যাতে মিটে যায় সেই জন্তেই আমি বাগ্মতা নিয়ে যেতাম । মামলা-মোকদ্দমা সেই বিরোধেই ফাঁকড়া । কিন্তু—

শ্রামা । কিন্তু সেটা তোমার অনধিকারচর্চা হেমন্ত ।

হেমন্ত । সেটা তোমার মনে হ'তে পারে, কিন্তু আমার সে অধিকার আছে বলেই আমি মনে করি । তোমাকেও আমি কতবার বলেছি, আজও তোমাকে আবার বলছি—জ্যাঠাইমাকে দুঃখ তুমি দিয়ে না । আর তুমি এগিয়ে না ।

শ্রামা । তুমিও আমাকে ভুল বুঝেছ হেমন্ত । (হাসিল) মায়ের সঙ্গে আমার কোন বিরোধ নেই, থাকতে পারে না । তাঁর প্রতি আমার কর্তব্য আমি সর্বদাটাই করতে প্রস্তুত । কিন্তু সে আমার সত্যকে জলাঞ্জলি দিয়ে নয় ।

হেমন্ত । তোমার বিজ্ঞান কি চরম সত্য আবিষ্কার ক'রবে পেরেছে বড়দা ?

শ্রামা । নিশ্চয়ই না । কিন্তু সে যে সত্যে পৌঁছাবার পথে প' দিয়েছে তাতে সন্দেহ নাই । আমি সেই পথের যাত্রী । যাক, এ নিয়ে আমি আলোচনা ক'রতে চাই না হেমন্ত । সোজা তোমাকে যা বলতে চাই শোন—না না । কারণে আমি বিশ্বাস করতে বাধ্য হ'য়েছি যে, তুমি এ সত্যে বিশ্বাস কর না । স্বাধীন আমাদের Publicity—প্রচারের কাজ তোমার দ্বারা হওয়া অসম্ভব ।

হেমন্ত । (কাতরভাবে বলিয়া উঠিল) বড়দা—

শ্রামা । আমার কথা শেষ ক'রতে দাও হেমন্ত ।

হেমন্ত বস ।

শ্রামা । আজ পর্যন্ত capitalist-দের—পুঁজিবাদীদের কারবারে দুনিয়ার publicity হ'ল মিথ্যা বিজ্ঞাপন । আপনাদের এতটুকু কথাকে অতবড় ক'রে বলে, আসল উদ্দেশ্যকে ঢেকে মিথ্যা একটা আদর্শের রং চড়িয়ে—সেইটাকে লোকের সামনে ধরাই হল এদের কাজ । আসল উদ্দেশ্য লোককে প্রতারণিত ক'রে নিজেদের স্বার্থসিদ্ধি । মিথ্যা কথা লেখার কাজ—যে কোন মতাবলম্বী নিপুণ লেখক হলেই চলে । কিন্তু সত্য প্রচার—সে সত্যে বিশ্বাসী ভিন্ন অন্য কারও দ্বারা সম্ভবপর নয় । এই নাও সেই মর্মে কোম্পানীর চিঠি ।

হেমন্ত । (চিঠি লইল, একটু নাড়িয়া পকেটে পুরিল) তাই হবে বড়দা—
আমার কাজ কাকে বুঝিয়ে দিতে হবে বল ?

শ্রামা । তুমি নিজেই তোমার লেখা বিজ্ঞাপনগুলো পড়ে দেখো হেমন্ত, তুমি
বিজ্ঞাপনের মধ্যে আমাকে প্রচাৰ করেছ । আমাকে বড় কবে তুলেছ, কিন্তু
আমার সত্যকে তুমি প্রকাশ কবতে পার নি ।

হেমন্ত । কৈফিয়ৎ কেন দিচ্ছ বড়দা । তুমি এখানে সৰ্ব্বমুখ কৰ্ত্তা, তোমাব
যা খুলী তাই তুমি করবে ।

শ্রামা । খুলী নয় হেমন্ত । যা কৰ্ত্তব্য তাই করব । সে কৰ্ত্তব্যের অমুরোধে
আবও কিছু তোমাকে আমি বলতে চাই

হেমন্ত । বল

শ্রামা । আমাব বাড়াতেও তুমি আর এস না । (হেমন্ত শ্রামাদাসের মুখের
দিকে চাহিল) করুণার মন পয্যন্ত তুমি চঞ্চল করে তুলেছ । তার পরিবর্তন আমি
লক্ষ্য কবেছি ।

হেমন্ত । বড়দা' বড়দা, কি বলছ তুমি ?

শ্রামা । (ড্রয়ার হইতে একখানা চিঠি বাহির করিয়া) এই চিঠিখানার
দিকে চেয়ে দেখ । তোমাব হাতের লেখা ?

হেমন্ত । হ্যা ।

শ্রামা । করুণাকে লিখেছ ?

হেমন্ত । হ্যা ।

শ্রামা । কি লিখেছ ? আমি পড়ে তোমাকে শোনাই । “অজ্ঞাতাজননীয়া
বউদিদি, আপনাব চিঠি পেলাম -

হেমন্ত । তুমিই সে চিঠি আমাকে দিযেছিলে ।

শ্রামা । মনে আছে আমাব । তুমি কিছুদিন যাও নি বলে করুণা অহযোগ
করে তোমাকে যাবার জন্তে লিখেছিল । তার উত্তরে তুমি যা লিখলে সে আমার
হাত দিয়ে পাঠাও নি । ডাকে পাঠিয়েছিলে । তার কাবণ তুমি এই চিঠির
ভেতর দিয়ে আমাব বিরোধী মত প্রচাৰ কবেছ আমার স্ত্রীর কাছে ।

হেমন্ত । আমার মত আমি লিখেছি ।

শ্রামা । হ্যা । লিখেছ—“যাই না কেন জানাহ । —আপনাদের গুথানে গিয়ে
অন্তরে হুংথ পাই, তাহ যাই না । বড়দা' আপনাকে দিয়ে যে research
করাচ্ছেন তার মূল্য কি, সে আপনারাই জানেন, কিন্তু তার মধ্যে যে নিষ্ঠুরতম
ক্লম্বয়হীনতাৰ পরিচয় পাই, সে আমি সহ্য করতে পারি না । হতভাগ্য

গিনিপিগগুলোকে না খেতে দিয়ে তাদের জীর্ণদুর্বল করে বিভিন্ন অবস্থায় তাদের কেটে, তাদের দেহের ভেতরের অবস্থা লক্ষ্য করে যে যত্নরহিত উদ্‌ঘাটনের চেষ্টা—একে আমি সহ্য করতে পারি না। আর সেই পাপ আপনি করেন—”

হেমন্ত—‘হ্যাঁ বড়দা,’ এ পাপ। আমার সব চেয়ে বড় দুঃখ—তুমি এই পাপ করছ।

শ্যামা। (হাসিয়া) সংসারে emotion আমি ঘৃণা করি হেমন্ত।

হেমন্ত। তার কারণ তুমি হৃদয়হীন।

শ্যামা। সেই জগতেই বলছি হেমন্ত, পরস্পরের সীমানার মধ্যে আমাদের পা বাড়ানো উচিত নয়। আমার বাড়ীতে তুমি আর এস না।

হেমন্ত। বেশ, তাই হবে। (ক্ষণেক স্তব্ধ থাকিয়া) তা হলে চললাম আমি।

শ্যামা। অপেক্ষা কর। (ড্রয়ার হইতে একখানি চেক ও রসিদ বাহির করিয়া) তোমার এক মাসের মাইনে। রসিদটা সই করে দাও।

[হেমন্ত রসিদ সই করিতে লাগিল। সেই মুহূর্তে বাহিরের দরজায় কড়া নাড়ার শব্দ হইল]

নেপথ্য হইতে নগেন নামক কর্মচারী। Sir।

শ্যামা। কে? নগেনবাবু?

নগেন—হ্যাঁ, Sir,!

শ্যামা। ভেতরে আসুন

[নগেনের প্রবেশ]

শ্যামা। কি খবর? রতন বাপদার সড়কী মারার মামলার আজ দিন ছিল না?

নগেন। হ্যাঁ Sir, মামলার অবস্থা বড় জটিল হয়ে উঠল Sir,

শ্যামা। কি ব্যাপার?

নগেন। আপনার—মানে শ্রীমতী শৈলজা দেবী—

শ্যামা। আমার মা! আমার মা!

নগেন। হ্যাঁ Sir, তিনিই ব্যাপারটাকে ঘোরালো করে দিলেন।

শ্যামা। তিনিই ঘোরালো করে দিলেন? কি করেছেন তিনি?

নগেন। তিনি নিজে আদালতে হাজির হয়ে হাজিরা দিয়ে হাকিমের কাছে বললেন—(সে থাকিয়া গেল)

শ্যামা। কি বললেন তিনি?

নগেন। বললেন—রতন বাপদী দোষী হলে সে দোষের অধিকাংশ দায়িত্বই তাঁর। তিনিই নাকি সড়কী চালাতে হুমুস দিয়েছিলেন।

[শ্যামা স্তম্ভিত হইয়া গেল। সে চেয়ারে বসিয়া পড়িয়া দুই হাতে মাথা চাপিয়া ধরিল]

নগেন। রতন বাগ্গী অবশ্য বলেছে—না, সে কারও হুকুমে এ কাজ কবে নাই। করেছে নিজে, কলের লোকদের ওপর আক্রোশে।

শ্যামা। কিন্তু সত্যি ব্যাপারটা কি আপনারা খোঁজ নিয়েছেন?

হেমন্ত। সত্যি ব্যাপার তুমি আজও বুঝতে পারলে না বড়দা? তোমার ওপর অভিমান করে তিনি বতনের দায়িত্বের ভাগ নিয়ে, সাজা নিতে চান।

শ্যামা। উত্তরে আমিও বলতে পারি তিনি আমাদের লোকসমাজে হেয় করতে চান আমাদের আঘাত দিতে চান। কিন্তু সে কথা আমি বলতে তো পারব না। মা তো আমার মধ্যে কথা বলেন না।

হেমন্ত। তিন বৎসর আগে, যে দিন তুমি প্রথম নোটিশ দিয়েছিলে জ্যাঠাইমার ওপর, বাগ্গীদের ওপর, সেই দিন তিনি বলেছিলেন—(বাহিবে কড়া নাড়ার শব্দ হইল)।

শ্যামা। দেখুন তো নগেনবাবু বাইরে কে? বলে দিন আমি এখন ব্যস্ত আছি।

[নগেন বাহিবে গেল]

হেমন্ত। সেই দিন তিনি বলেছিলেন—রতন, তোর বাগ্গীর ছেলে, তোরা কি মডকী লাঠি চালাতে ভুলে গেছিস? রতন বলেছিল—মা, এ যে বড়দাদাবাবু? জ্যাঠাইমা বলেছিলেন—হোক, যে কেউ তোদের তুলতে আসবে তাদের মাথা ফাটিয়ে দিবি, দরকার হয় মডকী চালিয়ে গৌথে ফেলবি তিন বছর আগের কথা। তারপর বাগান-বস্ত্রী তিনি ঘোষালকে বিক্রী কবে দিয়েছেন। বাগ্গীদের সঙ্গে জমিদার-প্রজা-সম্বন্ধের দায়িত্বও তাঁর নেই। তবু সেই কথা তুলে আজ তিনি আদালতে দাঁড়িয়েছেন।

শ্যামা। সে দিন তিনি আরও একটা কথা বলেছিলেন হেমন্ত। তুমি বলতে আমার মনে পড়ে গেল। কথাটা আমার কানে এসেছিল। বলেছিলেন—

জামাদাস ম'বে গেছে।

হেমন্ত। তাতে তুমি দুঃখ পেয়েছিলে বড়দা?

[নগেনের প্রবেশ]

নগেন। Sir, Ghoshal—B. B. Ghoshal এসেছেন, দেখা করতে চান।

শ্যামা। B. B. Ghoshal? তাঁকে বল—এখন আমি খুব ব্যস্ত।

নগেন। বলেছি Sir, কিন্তু তিনি বললেন—আমাদের আপিসে দেখা না পেয়ে তিনি এখানে এসেছেন। তাঁর কাজ খুব জরুরী।

ভ্রামা। Unreasonable people !—সংসারে এঁদের নিজের কাজটাই সব চেয়ে জরুরী ! হেমন্ত, একটু ব'স তুমি, যদি তোমার সময় থাকে । আমি আসছি । নগেনবাবু, আপনি এখন যেতে পারেন ।

[ভ্রামাদাস ও নগেনের প্রস্থান । হেমন্ত টেবিলে মাথা রাখিয়া বসিল ।
অন্তর্দ্বিক দিয়া প্রবেশ করিল করুণা]

করুণা । (প্রবেশ করিয়া তেমন্তকে দেখিয়া প্রথমে চমকিয়া উঠিল—তারপর বসিল) কে ? ঠাকুরপো ?

হেমন্ত । বউদি' ? ভাল আছেন ?

করুণা । আপনার স্ত্রী চারু কেমন আছেন ঠাকুরপো ?

হেমন্ত । ভাল আর মন্দ বউদি' । কাল ব্যাধি । ডাক্তার বলে, সমস্ত্রণ শারে কিংবা পাহাড়ে নিয়ে যেতে । আমার সে সামর্থ্য কোথায় ?

করুণা । দরকার হ'লে নিয়ে তো যেতেই হবে ঠাকুরপো ।

হেমন্ত । আপনিও অবস্থার মত কথা বলছেন বউদি' । এই তো দাঁড়জের স্বাভাবিক মৃত্যু । ডাক্তারকে সেই কথা বলেছিলাম, ডাক্তার মুখে কিছু বললেন না, কিন্তু তিরস্কার ক'রে এক পত্র দিয়েছেন ।

করুণা । কি লিখেছেন ?

হেমন্ত । সে আবার দেখে কি করবেন ?

করুণা । না, আমি দেখতে চাই ।

[হেমন্ত পকেট হ'ইতে একখানি পত্র বাহির করিয়া
তাহার হাতে দিল]

করুণা । এ কি ? Your services are no longer required -

হেমন্ত । না না, ওটা নয়—ওটা নয় । ওটা আমাকে দিন ।

করুণা । (পত্রখানা সরাসরি লইয়া) আপনাকে জবাব দিয়েছেন আপনার দাদা ? এই সবস্বায় ?

হেমন্ত । এ অবস্থার কথা দাদা জানেন না ।

করুণা । জানেন না ? তিনি আপনার বাড়ীর খবর জানেন না ?

হেমন্ত । আমিও কোন দিন বলি নি, বলবার অবকাশও ঘটে নি ।

করুণা । তিনিও কোন দিন জিজ্ঞাসা করেন নি ? কোথায় তিনি ?

হেমন্ত । তিনি কথা বলছেন Mr. Ghoshal-এর সঙ্গে । Mr. Ghoshal এসেছেন । আসবেন এক্ষনি । কিন্তু দোহাই আপনার, এ নিয়ে আপনি কোন কথা বলবেন না । তা ছাড়া দাদা জবাব না দিলেও আমি নিজে জবাব দিতাম ।

করুণা। কেন ঠাকুরপো ? ও, আপনি তার research-এর জন্তে—

হেমন্ত। ‘আমাকে ক্ষমা করুন বউদি’। আমি চললাম। বউদা’কে বলবেন—
অপেক্ষা করা আমার পক্ষে সম্ভবপর হ’ল না। দয়া করে আমার চিঠিখানা
আমায় দিন।

[করুণার হাত হইতে চিঠিখানা টানিয়া লইয়া দ্রুতপদে প্রস্থান।
করুণা একটা দীর্ঘনিঃশ্বাস ফেলিয়া গিনিপিগের খাঁচা তুলিয়া লইল]

পঞ্চম দৃশ্য

শ্যামাদাসের বসিবার ঘর

ব্রজবিহারী ও শ্যামাদাস

[তাঁহারা দুইজনে কথা বলিতেছিলেন —হেমন্ত দ্রুতপদে চলিয়া গেল]

ব্রজবিহারী। আপনার সঙ্গে আমার সম্বন্ধ আপনি ন মানলেও আমি মানি।
নাযাযণ। নাযায়ণ। (হেমন্ত চলিয়া গেল)

শ্যামা। হেমন্ত। হেমন্ত।

হেমন্ত। (নেপথ্যে) ‘আমি চললাম বউদা’। আমার জরুরী কাজ আছে।

ব্রজ। আমার কথাটা শুনুন।

শ্যামা। আপনি যা বলেছেন আমি শুনেছি। আপনি বসবাব আগে থেকেই
আমি জানি। আপনারা ব্যবসায়ী। আপনাদের লক্ষ্য হল লাভ। আমার
কারখানার উদ্দেশ্য তা নয়। আমার প্রতিষ্ঠানের প্রত্যেক কর্মীকে তার অংশীদার
বলে মনে করি। ধাঁধা টাক দিবে অংশীদার আছেন, তাঁরা এ কথা মেনে
নিয়েছেন।

ব্রজ। কিন্তু আমি মেনে নিই নি।

শ্যামা। আপনি মেনে নেন নি ? তার অর্থ ?

ব্রজ। (একখানা কাগজ বাহির করিয়া) এইটে দেখুন

শ্যামা। কৃষ্ণদাস শাস্ত্রীর share আপনি কিনেছেন। I see.

ব্রজ। আরও আছে। (আরও কয়েকখানা কাগজ বাহির করিয়া দিলেন)

শ্যামা। (দেখিয়া চমকিয়া উঠিলেন) হরেন রায়, বিমল ঘোষ —

ব্রজ। হ্যা, আপনার কারখানার কর্মচারী। এবং আরও আছে। (শ্যামাদাস
কাগজগুলি দেখিতেছিল) ওর মধ্যে অবিশ্বাসের কিছুই নেই। জাল নয়।

শ্যামা। হলেও বিবিত হতাম না Mr. Ghoshal.

ব্রজ। সংসারে টাকার প্রয়োজন আছে। ওদের দশ টাকার পেয়ারের আমি দুশো টাকা দাম দিয়েছি! নারায়ণ। নারায়ণ।

শ্যামা। ভাল। আপনি আমাদের shareholder আপনার আপত্তি আমি শুনলাম। মিটিংএ আমি এটা place করব, তাবপর যা হয় আমি জানাব।

ব্রজ। (হাত-ব্যাগ হইতে একটা কাগজের বাণ্ডিল বাহির করিয়া) Bengal Scientific-এর অর্জেকের ওপর শেষার আমাব হাতে। আমার বিভিন্ন লোকেব নামে আমি কিনেছি Mr. Sastri.

শ্যামা। (চাৎকার করিয়া উঠিল) Mr. Ghoshal.

ব্রজ। Mr. Sastri, আপনি এখন উত্তেজিত হ'য়েছেন, পরে আপনার সঙ্গে কথা কইব। আজ আমি চললাম। নারায়ণ। নারায়ণ।

শ্যামা। মিঃ ঘোষাল।

ব্রজ। Yes।

শ্যামা। সাধাবণ মাতৃষেব অসহায় অবস্থাব কপ। আমি জানি। কিন্তু এতখানি আমি প্রত্যাশা কবি নি। যাক। আপনি বলতে চান—আপনি বিভিন্ন নামে অর্জেকের উপব পেয়ারের মালিক। সুতরাং কারখানা চলবে আপনার নির্দ্ধারিত পথে, কারখানাব কর্তৃত্বভার আসবে আপনাব হাতে।

ব্রজ। না, কর্তৃত্বভার আমি নিতে চাই না। প্রথমেই আপনাকে বলেছি—আপনি না মানলেও আমি মানি—আপনি আমার আত্মীয়—

শ্যামা। Please Mr. Ghoshal, please—ও কথা বাদ দিন।

ব্রজ। কারখানার প্রত্যেক মজুর, প্রত্যেক কর্মচারী, হিন্দু মুসলমান সকলেই মনে মনে বিরক্ত। আপনি তাদের মধ্যে শিক্ষাব নাম করে নাস্তিকতা প্রচার করেন। আত্মীয় হিসাবেই আপনাকে আমি বলতে এসেছি। নারায়ণ। নারায়ণ।

শ্যামা। কারখানাব কর্তৃত্বভার আমি ত্যাগ কবলাম। আজই আমি Shareholder's meeting ডাকব।

ব্রজ। আপনি অবুঝের মত কথা বলছেন Mr. Sastri, আপনার নিজের হাতের গড়া প্রতিষ্ঠান—

শ্যামা। যে প্রতিষ্ঠানের মধ্যে দুরারোগ্য ব্যাধির বীজ প্রবেশ করেছে Mr. Ghoshal—আমি ওর সঙ্গে সমস্ত সংস্রব ত্যাগ করলাম।

ব্রজ। কি করছেন ভেবে দেখুন।

শ্যামা। আমার আরও জরুরী কাজ আছে Mr. Ghoshal. নমস্কার।

ব্রজ। আচ্ছা, নমস্কার। ভেবে দেখবেন আমার কথা। (প্রস্থান)

[শ্যামাদাস স্তব্ধ হইয়া দাঁড়াইয়া রহিল। প্রবেশ করিল করুণা]

করুণা। তুমি হেমন্ত ঠাকুরপোকে কাজ থেকে জবাব দিয়েছ ?

শ্যামা। (চকিত হইয়া) করুণা ?

করুণা। হ্যা, তুমি—

শ্যামা। একটা বিপর্যয় ঘটে গেল করুণা। Bengal Scientific Research-এর সঙ্গে আমার সম্বন্ধ চূকে গেল।

করুণা। আমার সঙ্গে কথা বলছিলে আমি শুনেছি ! কিন্তু তুমি কি—

শ্যামা। আমি এ জানতাম এদেশে বড় বড় প্রতিষ্ঠান গড়ে ওঠে—খাতি স্বদেশী প্রতিষ্ঠানের নাম নিয়ে, কিন্তু অসুস্থরালে থাকে কোটি কোটি টাকা, বিদেশী মূলধন। জান কিছুদিন আগেও বিরাট একটা ভারতীয় কংগ্রেস গড়ে উঠল এক রাত্রে, লগুনে উঠল তার মূলধন। এদেশে সবই সম্ভব এ আমি জানতাম।

করুণা। কিন্তু তুমি হেমন্ত ঠাকুরপোকে জবাব দিলে কেন ? তুমি জান না—তার বাড়ীতে তার স্ত্রী— (শ্যামাদাস হঠাৎ ছুটিয়া জানালার ধারে গেল)

শ্যামা। এ কি ? গিনিপিগ ছুটে পালাচ্ছে। কে কে খুলে দিলে খাঁচার বরজা ? (দ্রুতপদে ল্যাবরেটরির দিকে অগ্রসর হইল)

[করুণা স্তব্ধ হইয়া দাঁড়াইয়া রহিল। ওঘর হইতে শ্যামাদাসের কণ্ঠস্বর ভাসিয়া আসিল।—বেয়ারা ! বেয়ারা ! বেয়ারা ! করুণা এবার ল্যাবরেটরির দিকে অগ্রসর হইল]

ষষ্ঠ দৃশ্য

ল্যাবরেটরি

শ্যামাদাস ও বেয়ারা

(শ্যামাদাস টেবিলের উপর গিনিপিগের খাঁচা রাখিয়া উত্তেজিত ভাবে চাহিয়া আছে)

শ্যামা। ছোলা, দুধ ! এগুলোকে একেবারে খাবার দিতে আমি বারণ করেছিলাম। কে দিয়েছে ছোলা—দুধ ? একটা পালিয়ে গেছে বাগানের ভেতর দিয়ে ! তোমার কি বলবার আছে ?

বেয়ারা। আমি কিছুই জানি না হজুর।

[করুণা আসিয়া দাঁড়াইল]

শ্যামা। তবে কে জানবে? কে দিলে?

বেয়ারা। আমি জানি না হজুর।

শ্যামা। হেমন্ত! হেমন্ত! আমি ওঘরে গিয়েছিলাম, সে এ ঘরে ছিল।

Sentimental fool—! হেমন্ত—

করুণা। না। (শ্যামাদাস তাহার দিকে চাহিল। করুণা আসিয়া তাহার সম্মুখে দাঁড়াইল) আমি দিয়েছি দুধ, আমি দিয়েছি ছোলা। খাঁচা খুলতে একটা পালিয়ে গেছে।

শ্যামা। তুমি দিয়েছ?

করুণা। হ্যাঁ, আমি।

শ্যামা। তুমি স্বেচ্ছায় research গ্রহণ করেছিলেন করুণা, তুমি বিজ্ঞানের চাকী, তুমি দিয়েছ?

করুণা। এমনই ক'রে অনাহারে তিলে তিলে দ'ধে জীবন্তলোকে জাঁপ ক'রে তাদের কেটে মড়ার উপর খাঁড়ার ঘা চালাতে, আমি পারব না—সে পাপ আমি করব না—কিছুতেই না।

শ্যামা। কি বলছ তুমি করুণা, তুমি কি বলছ?

করুণা। আমি ঠিক বলছি। তুমিই আমাকে এ পাপে লিপ্ত ক'রেছ, তোমার জন্ত এ পাপ ক'রেছি, জান সেই পাপেই আমার সংসার শূন্য হ'য়ে রইল।

শ্যামা। (বেয়ারাকে) যা যা, তুই বাইরে যা। (বেয়ারার প্রস্থান)

করুণা। (বলিয়াই) গেল—সন্তান থেকে ভগবান আমাকে বঞ্চিত করলেন, আমাকে তিনি দিলেন না। জীবকে হত্যা ক'রে জীবনরহস্ত, মৃত্যুরহস্ত উন্মোচন! তোমার মায়া নেই, মমতা নেই, স্নেহ নেই—

শ্যামা। প্রেম নাই, ভালবাসা নাই। না—নাই। তার জন্তে কোন অল্পশোচনা নাই। করুণা, আমার আছে শুধু সত্য। তাত্ত্বিক শব্দাধনার কথা শুনেছ করুণা? আমার সাধনা সেই সাধনা। সেই সত্যের সাধনায় তোমাকে আমি সজ্জিনা ব'লে গ্রহণ করেছিলাম।

[দরজা খুলিয়া প্রবেশ করিল অগ্নিমা। সে অবাক হইয়া গেল]

শ্যামাদাস। (বলিয়াই গেল) তুমি সে পথ স্বেচ্ছায় পরিত্যাগ করলে। চিকিৎসাশাস্ত্র মতে তোমার সন্তানহীনতার কারণ তুমি জান। জেনেও তুমি আমার কণ্ঠের ওপর মিথ্যা কল্পিত পাপের বোঝা চাপাতে চাও। তোমার সঙ্গে আমার সম্বন্ধ—

অগ্নিমা । শ্রামল, শ্যামল ।

শ্যামা । আজ এই মুহূর্ত থেকে আমার স্বতন্ত্র পৃথক ভাবে জীবনে যাত্রা আরম্ভ কবলাম !

করুণা । তাই হবে । আমি চললাম ।

[সে অগ্রসর হইয়া আসিয়া শ্যামাদাসকে প্রণাম করিল]

তৃতীয় অঙ্ক

প্রথম দৃশ্য

[শ্যামাদাসের বাড়ীর ঠাকুর দালান । ঠাকুর দালানের অনেক পরিবর্তন হইয়াছে । পাক নাটমন্দির—চারিদিকে ঐশ্বর্য । সেই নাটমন্দিরে উৎসব হইতেছে । ব্রজবিহারী বসিয়া আছে, কেদারাস তদ্বির করিতেছে । ব্রজবিহারীর বন্ধুবান্ধব আছে । চপ কীৰ্ত্তন দলের গান হইতেছে । কোন অঙ্গীলতা বা ইতরতা নাই । গম্ভীর রাজসিকতার ভাব চারিদিকে]

কীৰ্ত্তনগায়িকা—

(গান)

[গান শেষ হইল]

ব্রজ । সাধু ! সাধু ! চমৎকার ! হৃন্দ । নোমাব গানেচ শুধু দখল নয় তোমার ভক্তিও আছে । বাঃ ! ভাল ।

১ম ভক্ত । জলেই জল ঢানে ধোঁষাল মশায় । আপনার ভক্তি আছে, তাই আপনার ভাগ্যে গায়িকাটিও এসেছে ভক্তিমতী ।

ব্রজ । নারায়ণ ' নারায়ণ ' ভাগ্য নয়, বোমশায়, দয়া । ওই ঠুঁরই দয়া ।

২য় ভক্ত । দয়া নিশ্চয় । কিন্তু দয়া তো সংসারে শুধু মেলে না, ভগবান তক্তের । ভক্তি থাকলে তবে তাঁর দয়া পাওয়া যায় !

১ম ভক্ত । একশো বার । নইলে পাওনা আদায় করতে গিয়ে সংসারে ঠাকুর কেনে কে ?

ব্রজ । না, না-না ! ওকথা বলবেন না । ঠাকুর কেনা যায় না । দয়া ক'রে তিনি আসেন ! শাস্ত্রী-বংশের প্রতিষ্ঠা করা গোবিন্দ, শাস্ত্রী-বংশের সম্ভান নাস্তিক হ'য়েছে বলেই তাকে পরিত্যাগ ক'রে আমার কাছে এসেছেন ! নারায়ণ ! নারায়ণ !

ভদ্র । আপনারই যোগ্য কথা—কিন্তু —

ব্রজ । এর মধ্যে ‘কিন্তু’ নাই বোমশাই । এই সম্মুখে নারায়ণ, আমি সভ্য বলছি । শ্যামাদাস শাস্ত্রীর বিরুদ্ধে Bengal Research-এর দরুণ পাঁচ হাজার টাকার ডিক্রী নিয়ে ব’সে তখন ভাবছিলাম, লোকটি হাজার হ’লেও আত্মীয় । যাক, পাঁচ হাজার টাকা না হয় গেলই । শাস্ত্রীর আর নেব কি ? একমাত্র পৈত্রিক বাড়ী, বাগান । কিন্তু বাড়ীতে গোবিন্দজী বসেছেন । পার্থিব আইন কানুনে ওসব শ্রামাদাসের হ’লেও ও হ’ল গোবিন্দজী’র রাজ্য । ওতে আমি হাত বাড়াতে পাবব না । হঠাৎ রাত্রে একদিন স্বপ্ন দেখলাম, গোবিন্দজী বসেছেন —তুই আমার সেবা কর । আমার সেবাব বড় ক্রটি হচ্ছে । স্বপ্ন দেখে ঘুম ভেঙে গেল । সকালে উঠেই প্রথমে খবর নিলাম কেউদাসের কাছে যে, ব্যাপার কি । শুনলাম শ্রামাদাসের মাও এখানে নেই, তিনি মনের আবেগে তীর্থ দর্শনে বেরিয়েছেন । সেবাব ভার দিখে গেছেন কেউদাসের নন্দবাব আর একজন পুত্রোহিতের ওপর । শুধু তাই নয় শ্যামাদাসের মাঘের শেষ দিকে কেমন মতিভ্রষ্ট হয়েছিল তিনি গোবিন্দজী’র বাড়ীর আশ পাশে বাগানদেব বসন্ত করিয়েছিলেন সেইদিন রাত্রে আমার স্বপ্ন দেখলাম —বুড়ো ঠিক হ’ল । শ্যামাদাসের মা ফিরে আসবেন তো তৃতীয় দন বাড়ে আর ন’ সেই স্বপ্ন আর আমি বিশ্বাস ক’বলাম না । ডিক্রী জারী ক’রে গোবিন্দজীকে মাথা ঠা’কে নিলাম না বাষণ । না বাষণ ।

ভদ্র । আপনি ভক্তিম্যান পুরুষ ঘোষালমশায় । আপনার প্রেম আছে । ‘বিনা প্রেমসে না মিলে নন্দলালা’—সেই জন্তেই ঠাকুর যেচে আপনার সেবা গ্রহণ ক’রেছেন । ক্রটিও কিছু করেন নি আপনি । ইচ্ছা হুবন ব’লে তুলেছেন ।

ব্রজ । বিশ্ব ব্রহ্মাণ্ডেব সম্রাট, তাঁর উপযুক্ত পূজাবেদী বা মন্দির তৈরী ক’রে পারে ? তবে ইয়া, যতদূর সাধ্য ক’বেছি । আবও অবশ্য অনেক হচ্ছে । মাছে নারায়ণ । নারায়ণ ।

ভদ্র । ক’ববেন বই কি । ভগবান যখন আপনাকে দয়া ক’রেছেন, তখন ক’রবেন বহু কি ।

ব্রজ । হচ্চা আছে একটি অনাথ-আশ্রম ক’রব । ওই যে আপনারদের যেখানে বাগানদেব বাস ছিল, ওইখানে অনাথ-আশ্রম ক’রব নতুন ধরণে । তার মধ্যে ইচ্ছল থাকবে, হাসপাতাল থাকবে, ছোটখাটো কল-কারখানাও থাকবে । যাতে তারা বড় হ’য়ে সক্ষম হ’তে পারে । আমাদের দেশের ওই একটা মস্ত সমস্যা । মস্ত সমস্যা । এইসব নীচু জাতের ছেলেরা, বিশেষ ক’রে অনাথ যারা, তারা হ’লে ওঠে চোর, জোচ্চোর, কেউ ঐষ্টান হয় পাদরীদের হাতে পড়ে, কেউ অস্ত্র ধরে

গ্রহণ করে। মোট কথা, ধর্ম যে যেতে বসেছে তার এও একটা কারণ। আর তারাও তো ভগবানের রাজ্যের দীন প্রজা। শাস্ত্রে বলে ‘দরিদ্র নারায়ণ’।

[কৃষ্ণদাসের প্রবেশ]

কৃষ্ণ। স্মার।

ব্রজ। কি? কিছু বলছ?

কৃষ্ণ। আজ্ঞে স্মার, গান আর হবে, না বন্ধ ক’রে দেব?

ব্রজ। গান হবে বই কি?

কৃষ্ণ। ওদিকে খাবার জায়গা কম্পিট—রেডি! হুন থেকে তবকারী প্যাস্ত দেওয়া হ’য়ে গেছে। আপনারা গেলেন গবম গরম ভেজে লুচি দিয়ে দেব টপাটপ! From the frying pan।

ব্রজ। Into the fire of our belly—জঠরানলে! কেউদাস আমার বড করিৎকর্মা লোক। বুঝেছেন, লোকে কেউদাসকে বলে—মূর্থ, অপদার্থ, কিন্তু ও মস্ত কাজের লোক!

কৃষ্ণ। আব একটা কথা স্মার।

ব্রজ। আবাব কি কথা?

কৃষ্ণ। এ গলী বেটা’রা খেলে আসবে ন’লে মনে হচ্ছে না। খিচুড়ী-ফিচুড়ী সব নষ্ট হবে

ব্রজ। আসবে না? খেলে আসবে না? গোবিন্দের প্রসাদ খেতে আসবে না?

কৃষ্ণ। না স্মার। ওরা বলছে, মানে বলছে ওই হেমা আর মিসেস জামাদাস শাস্ত্রী মানে আপনার ভাগ্নী, মানে ওবাই সব শিথিয়ে দিচ্ছে।

ব্রজ। নারায়ণ! নারায়ণ!

কৃষ্ণ। আপনি তাদের নিজের বাড়ী থেকে উঠিয়ে দিয়েছেন, জ্যামাইমা তারপর জায়গা দিয়েছিলেন খিড়কীর পুকুরের পাড়ে, সেখান থেকেও উঠিয়ে দিয়েছেন, এরপর আপনার এখানে যে থাকে, সে মাছ নয়, রাস্তার এঁটো পাতা চাটা কুস্তা—এই সব বলছে।

ব্রজ। (হাসিয়া) ভাল কথা! যারা আসবে তাদের খাওয়াও, তারপর যা থাকবে—কুকুরদেরই খাইয়ে দাও কেউদাস। কুকুরও আপনার ভগবানের প্রজা। কেউ না আসে সবই কুকুরদের খাইয়ে দাও। যজ্ঞ জীব—তজ্ঞ শিব। নারায়ণ! নারায়ণ!

কৃষ্ণ। যে আজ্ঞে স্মার!

[প্রস্থানোত্তত]

ব্রজ । দাঁড়াও কেউদাস ।

কৃষ্ণ । আজ্ঞে স্তাব ।

ব্রজ । খিচুড়ী'ব চাল ভাল সব যেন বাগ্না হয় ।

কৃষ্ণ । আজ্ঞে, চালেভালে আঁড়াই মণ আছে—

ব্রজ । আঁড়াই মণই বাগ্না হবে । বুঝলে ? (কণাঙ্গুলি বেশ দঢ় আদেশের স্বরে বলিল) এক মুঠো যেন পড়ে না থাকে ।

[কৃষ্ণদাস অবাক হইয়া তাহাব মুখে'ব দিকে চাহিয়া বহিল ।

ব্রজ । আমার কথা বুঝেছ ?

কৃষ্ণ । হ্যা স্তাব ।

ব্রজ । যাও তা হ'লে । কি ? গাডয়ে বহলে যে ।

কৃষ্ণ । যাব কি স্তাব, আমি ভাবছি এত কুকু'ব আমি পাব কোথা ? আঁড়াই মণ চালেভালে খিচুড়ী খাবাব এ • কুকু'ব ?

ব্রজ । তুমি কি আমার সঙ্গে বসিতা ব'লছ কেউদাস ।

কৃষ্ণ । আজ্ঞে না স্তাব, আমি ব'ল seriously ব'ল ছ—এ সব থাবার জগ্গে নাহু'ষ যত আছে—কুকু'ব তত নাহ । বিশ্বাস করুন আপনি । সময় থাকতে অংশপাশে থব'ব দিতে পাবলে পঙ্গপ সের মত লোক এসে জু'বে যেতো । অব কুকু'বে'ছ যদি আপনার ঝোঁক প্রাণে পাবস্তা হ'ত মণখানেক ঠাঠার চেং'ব নিয়ে এসে খিচুড়ী'ব সঙ্গে মিশিয়ে দিখে কুকু'ব'ব'বা । ভদ্রলোক'ব বাড়ী নেমন্তন্ন পাঠালেই চলত ।

ব্রজ । কেউদাস, অ মা'ষ এ নিয়ে বেণী ঘাঁটিবো না তুমি । ব'ল'লাম তাহ'ল'ল গি'বে । বাগ্না ক'ব'বে না কুকু'ব জান'বিনে ব'লে দেনে । মান ।

[কৃষ্ণদাস তাহাব মুখে'ব দিকে চাহিয়া চলিয়া গেল

এত বড় idiot, impertinent আমি আব দেখি নি ।

১ম ভদ্র । আমরাও তাই ব'লি, আপনাদের মধ্যে শুটাকে বে আপনি কেন ব'ল'বে'ছেন, আপনি'হ জানেন ।

ব্রজ । (হাসিল) এই'বার শুটাকে দূ'ব ব'ব ।

[শৈলজা দেবী'ব প্রবেশ—ঠাহার তাতে একটি হুড়কেশ । সঙ্গে সঙ্গে দরোয়ানও প্রবেশ করিল । শৈলজা দেবী অনেক দূ'র হইতে আসিতেছেন দেখিয়াই বুঝা যায়, প্রবেশ করিয়া তিনি চাবি'দিক সবিস্ময়ে চাহিয়া দেখিতেছিলেন ।]

নাগোয়ান । (ব্রজবিহাব'লকে সেন'ম করিয়া) দেখিয়ে ছুজুর, ইয়ে মাইদ ।

বাড়ীর অন্দর ঘুস গেলেন, হামি মানা করলেম তো বলছেন কি—হামারা বাড়ী।
আওরাং, হাম কেয়া করে হুজুর !

ব্রজ । (আগাইয়া আসিয়া) কে ! ও আপনি ।

শৈলজা । হ্যাঁ, আমি । কিন্তু এ সব কি ? আমার বাড়ীর ঠাকুরবাড়ী
তেড়ে চূরে এ সব কে কবলে ? ও কি ? ঠাকুরবাড়ীতে ওরা কে ? একি,
খ্যামটা নাচ হচ্ছে ?

ব্রজ । নাচ নয়, ঢপের কীর্তন হচ্ছে ।

শৈলজা । ঢপের কীর্তন ?

ব্রজ । হ্যাঁ ।

শৈলজা । কিন্তু আমার ঠাকুরবাড়ীতে এসব কববার অধিকার আপনাকে
কে দিলে ঘোষালমশায় ? (ব্রজবিহাবী চুপ করিয়া রহিল) আমি যখন তীর্থে
হাই, তখন কেষ্টদাসের উপব ভাব দিয়ে গিয়েছিলাম, আপনি ভক্তিয়ান
ব্যক্তি জেনে আপনাকে অনুরোধ ক'বেছিলাম একটু খোঁজখবব রাখবেন,
এইমাত্র । আমার বাড়ীর ঠাকুরেব সেই পুরানো মন্দির নাটমন্দির তেড়ে
এসব ক'রতে আমি বালি নি । আমার ঠাকুর ছিলেন কাঙালের ঠাকুর—তার
গায়ে এত গয়না । এ সব কি ক'রেছেন আপনি ? ঠাকুরের সামনে ঢপের কীর্তন,
ছি-ছি-ছি । আমার ঠাকুরকে যে আমি আর চিনতে পারছি না । (ঢপওয়ালীদের
প্রতি) যাও যাও বাচা, তোমবা বাটীরে যাও । যাও । (ঢপওয়ালীদের প্রস্থান)
খুলে দাও আমার ঠাকুরের গা থেকে ওসব গয়না, খুলে দাও । কই, পুরুত
ঠাকুর কই ? (অগ্রসর হইলেন)

ব্রজ । দাড়ান আপনি, শুচন—

শৈলজা । আগে আমার ঠাকুরের গা থেকে গয়না খুলিয়ে দি—(অগ্রসর
হইলেন)

ব্রজ । ঠাকুর আপন'র নয় ? আপনি দাড়ান ।

শৈলজা । (দাড়াইল) আমার নয় ?

ব্রজ । না । শাস্ত্রীবাংশেব সম্পত্তির মালিক আপনি নন, মালিক শ্যামাদাস ।
হেমন্তের বাপ, শ্যামাদাসেব বাপকেই তাব অংশ বিক্রা ক'বেছিল । কেষ্টদাসও
তাই ক'রেছে । শ্যামদাস শাস্ত্রীর বিকল্পে কোম্পানী'র ডিক্ৰী'র টাকার জন্তে এ
সমস্তই নীলাম হ'য়েছে । আমি সমস্তই নীলামে কিনেছি ।

[শৈলজা স্তম্ভিত হইয়া দাঁড়াইয়া রহিলেন]

ব্রজ । আমি কখনও অনধিকার চর্চা করি না । আদালতের নির্দেশ মত আইনসম্মত ভাবেই এ সমস্তর ওপর অধিকার এখন আমার । আমার ইচ্ছামত, আমার সাধ এবং ভক্তি অন্ময়ী আমি গোবিন্দজীর সেবা করবার ব্যবস্থা করেছি । এতে আপনার আপত্তি করবার কিছুই নাই । তা ছাড়া ভগবানের সেবার—

শৈলজা । একটা কথা, একটা কথা । ভগবানকে নীলম করবার হুকুমও কি আদালতের আছে ? বিষয়-সম্পত্তি নীলাম হ'ল বুঝতে পাবলাম । কিন্তু আমার গোবিন্দজী, আমার ঠাকুর, আমার গৃহ-দেবতা ?

বোস নামক ভক্তলোক । ঠাকুর উনি প্রথমতই অস্তাবরের সঙ্গে ক্রোক ক'রে নীলাম ক'রে নিয়েছেন ।

শৈলজা । অস্তাবর ক্রোক ক'বে নীলাম ক'রে নিয়েছেন ? গোবিন্দজীকে ?

বোস । ঠ্যা । আপত্তি তো কেউ করেনি ।

ব্রজ । শুধুন আপনি । এটাকে আপনি অগ্ন্যভাবে নেবেন না । এ অভিশ্রম আমার ছিল না । শ্রামাদাসের কাছে পাণ্ডা টাকার জন্তে এ সব আমি করিনি । কারণ, এ থেকে কোন আর্থিক লাভ নেই আমার । এবং দেবসেবা খরচই বেড়ে গেছে । গোবিন্দজী আমাকে স্বপ্নে আদেশ ক'রলেন ।

শৈলজা । (স্তিরদৃষ্টিতে তাকাব দিকে চাতিয়া) কি আদেশ ক'রলেন ?

ব্রজ । স্বপ্নে দেখলাম গোবিন্দজী আমাকে বলছেন, তুই আমার সেবা কর, আমার সেবার বড় ক্রটি হচ্ছে । এ দারিত্রের মধ্যে আমি আর থাকতে পারছি না ।

শৈলজা । এ দা-রি-ত্রো-র মধ্যে তিনি আব থা-ক-তে পা-র-ছেন না ? স্বপ্নে আপনাকে সেই কথা বললেন ?

ব্রজ । একদিন ? পর পর তিন দিন । প্রথম দিনের পর খোঁজ নিয়ে দেখলাম সেবার ক্রটি সত্য । আপনি গোবিন্দকে অবহেলা করে তীর্থে গেছেন । কেউদাস কোন খোঁজই রাখে না । পুরোহিত বলসে—যে টাকা আপনি তাকে দিয়ে গেছেন—সে শেষ হ'য়ে এসেছে । দেখলাম, গোবিন্দজীর মন্দিরের পাশের পুকুরের চারিদিকে আপনি নীচ জাতি বসিয়েছেন । সেদিনও রাত্রে স্বপ্ন দেখলাম ! বললেন—ওদের গায়ের গন্ধে আমার কষ্ট হচ্ছে ।

[শৈলজা ধীরে ধীরে অগ্রসর হইয়া গেলেন বিগ্রহের মন্দির দ্বারে]

ব্রজ । নিয়ে আমি কোন অন্তার করিনি । 'বিশ্বব্রহ্মাণ্ডের অধীশ্বর, লক্ষী ধার চরণাভিতা, দৈত্যের মধ্যে তাকে কি মানায় ? তবে আমার আর সাধ্য কতটুকু বলুন !

শৈলজা। (বিগ্রহের প্রতি স্থিরদৃষ্টিতে চাহিয়া থাকিতে থাকিতে বলিলেন)
কারিজের মধ্যে থাকতে তোমার কষ্ট হচ্ছিল ?

ব্রজ। আমি নিয়েছি বটে, তবে এ সবই আপনার মনে ক'রবেন। আপনি এখানে থাকুন গোবিন্দের সেবায়—

শৈলজা। দীন-দরিদ্র মাহুষের গায়ের গন্ধ তুমি সহ্য ক'রতে পারছ না ?

ব্রজ। আপনি শান্ত হোন। আপনি শান্ত হোন !

শৈলজা। উত্তর দাও। উত্তর দাও। বল—আমাকে বল শুকে যে কথা স্বপ্নে বলেছ, সে কথা আমাকে স্বমুখে তুমি বল। বল ! বল !

ব্রজ। এ কি ? এ সব কি বলছেন, কি ক'রছেন আপনি ?

শৈলজা। আমি শুনব তুমি বল। এতকাল তোমার সেবা করেছি আমি, তার প্রতিদানে তুমি আমাকে শুধু কথাটার উত্তর দাও। নইলে জানব তুমি মিথ্যা—

ব্রজ। এবার আমাকে ক্ষমা করবেন আপনি। আপনাকে আর আমি প্রশ্রয় দিতে পারব না।

শৈলজা। উত্তর দাও। তুমি বল !

ব্রজ। দুঃখের সঙ্গে আমি বলতে বাধ্য হচ্ছি—আপনি আমার দেবমন্দির থেকে চ'লে যান। চলে যান আপনি !

শৈলজা। তুমি পাথর ! তুমি পাথর !

ব্রজ। বেরিয়ে যান আপনি !

শৈলজা। তুমি পাথর। [প্রস্থান করিলেন]

দ্বিতীয় দৃশ্য

হেমন্ত এবং ডাঃ হিরণ বোস

[হেমন্ত একখানি ইঞ্জিচেয়ারে শুইয়া আছে]

ডাঃ বোস। আপনার শরীরের অবস্থা তো ভাল নয় হেমন্তবাবু। অনেক আগেই আপনার সাবধান হওয়া উচিত ছিল। (হেমন্ত হাসিল) আপনি হাসছেন হেমন্তবাবু ? I am sorry, আমি দুঃখ পেলাম।

হেমন্ত। আপনি যদি দুঃখ পান ভাকারবাবু তবে আর হাসব না ; এবং হেসেছি ব'লে সত্যিই অনুতপ্ত। আপনাকে সত্যিই আমি শ্রদ্ধা করি। চাকুর জন্মে আপনি যা করেছেন—

ডাঃ বোস। ওকথা থাক হেমন্তবাবু, ও কথা থাক—(হেমন্ত চূপ করিল)
আমি যদি তাঁকে বাঁচাতে পারতাম, তবে আপনার লক্ষ ধন্যবাদ, কৃতজ্ঞতা
হুঁহাত ভরে গ্রহণ করতাম। কিন্তু—(একটু নীরব থাকিয়া) আমি আশা
ক'রেছিলাম। শেষের দিকটাতেই আশা করেছিলাম! (একটু নীরব থাকিয়া)
মৃত্যুর মত রহস্যময় আর কিছু নেই হেমন্তবাবু। মৃত্যুর কাছে আমরা নিতান্ত
অসহায়। Medicine can cure disease but cannot prevent death.

হেমন্ত। শ্যামাদা, এই রহস্য উদ্ঘাটন করতে চান।

ডাঃ বোস। Mr. Sastri-র কোন খবর—

হেমন্ত। না। কোন খবর নাই। Mrs Bose-কেও কি কোন চিঠিপত্র
লেখেন না?

ডাঃ বোস। না।

হেমন্ত। তিনি কেমন আছেন? তাকে আনলেন না কেন?

ডাঃ বোস। আমি? (হাসিল) সে আজ তিন দিন হ'ল কোথায় বাইরে
গেছে। যাবার সময় আমার সঙ্গে দেখা হয় নি। কোথায় গেছে সে বলিও
যায় নি। অবশ্য সে তাব অভাবও নয়। অণিম', আবাব আর্নি হ'য়ে উঠেছে
হেমন্তবাবু। উদ্ধার মত ছুটে বেড়াচ্ছে like a shooting star। (হাসিল)
কক্ষচাত গ্রহ বললেই ভাল হয়। কেন্দ্রে যে সূর্যের আকর্ষণে পৃথিবী-কক্ষপথে
নিরমিত শৃঙ্খলায় জীবনময়ী হ'য়ে ঘুরে সে—সেই সূর্য কেন্দ্রে থেকে অদৃশ্য
হ'য়েছে। সূর্যের এ তার পক্ষে স্বাভাবিক। আমি তাকে দেখে দিই নে।

হেমন্ত। আমারও বিপদ হয়েছে Dr. Bose, বউদিদির দিকে আমি চাইতে
পারি নে

ডাঃ বোস। Mrs. Sastri কই? তিনি কোথায় থাকেন?

হেমন্ত। এ সব জায়গা জমি, বাড়ী ঘর তো তারই। আমি ক'লকাতাতেই
ছিলাম; তিনি চিঠি লিখলেন একবার যেন আসি এলাম, আমায় দেখে
বললেন—এ কি শরীর হ'য়েছে আপনার ঠাকুরপো? বাস্। একেবারে আটক
বন্দী ক'রে সেবার তত্পর হ'য়ে উঠলেন। আপনাকে চিঠি লিখলেন।

ডাঃ বোস। এখানে তিনি কি ক'রছেন? এই পাড়াগাঁয়ে?

হেমন্ত। যুদ্ধ ঘোষণা করে টেক্স থুঁড়ে বসে থাকা গোছের ব্যাপার।
শ্রামদাসদা আমাদের বাগানের বাগ্‌দীদের তুলে দিয়ে জায়গাটায় কলকারখানা
ক'রে তার Idea ত একটা ব্যাপার—

ডাঃ বোস। সে আমি জানি। Bengal Research-এর আমিও পার্টনার ছিলাম।

হেমন্ত। হ্যাঁ। ঠিক কথা। তারপর শ্যামদাসদা'ব সঙ্গে মামলা ক'রে ব্রজ ঘোষাল তাদের উঠিয়ে দিলে। জ্যাঠাইমা তাদের জায়গা দিলেন—বাড়ীর ভিতরে পুকুরের পাড়ে। জ্যাঠাইমা তীর্থে গেলেন, সেই সুযোগে ঘোষাল বাড়ী খর ঠাকুর ঠাকুরবাড়া নালেম ক'রে দিয়ে হতভাগাদের আবার উঠিয়ে দিলেন। বাস্। বউদি খবর পেয়ে প্রায় নাচতে নাচতে ছুটে এলেন। স্বামী এবং মামা হু'জনের বিরুদ্ধে বাপ্দীদের সঙ্গে মৈত্রী গঠন ক'বে এইখানে ট্রেন অপেক্ষমান হ'য়ে ব'সে আছেন। নিজের গহনা পৈত্রিক ঢাকাকাড়ি সব দিয়ে জায়গা জমি কিনে দাতা কর্ণের জমিদারী খুলে বসেছেন। বাড়ী ঘরেব জায়গা দিয়েছেন বিনা পরসায়, ঘর ক'রতে বিনাস্বদে টাকা ধার দিয়েছেন, ক্ষেতের জায়গাও বিনামূল্যে, বীজ সরবরাহ বিনামূল্যে, লাঙ্গল গরুর দামও দিয়েছেন অনেককে। গভর্ণ-মেণ্টের ভূমিরাজস্ব, সেও নিজেই দিচ্ছেন। বাপ্দীরা খুবই কৃতজ্ঞ, বলে মা লক্ষ্মী, হু'বেলা প্রণাম কবে, কথা বলতে গদগদ হয়। বলে—প্রাণ দিতে পারি। পাবে না কেবল খাজনার টাকা দিতে আর ধারের টাকা শোধ করতে।

ডাঃ বোস। মিসেস শাস্ত্রী তা হ'লে চমৎকাব আছেন বলুন।

হেমন্ত। চমৎকার ব'লে চমৎকার। করুণা নামটা সার্থক ক'রে তুলেছেন। বাপ্দীরা খাজনা দেয় না, ধার শোধ দেয় না, ওতেই তাঁর পরমানন্দ। গদগদ হ'য়ে বলেন, মাথা বেচারী। বলতে গিয়ে চোখ ছল ছল করে, ঠোঁট কাঁপে, মানে সে একটা 'বিগলিত ব্যাপার'। চোখে জল এ ক্ষেত্রে অনিবার্য বুঝতে পারছেন, কিন্তু ওইখানেই বউদি'র বাহাহুর্দী। কখন কেমন ভাবে যে সে জল মুছে ফেলেন আজও ধরতে পাবলাম না। ওহ যে, এইদিকেই আসছেন। ওই দেখুন না—বাপ্দীদের মেয়েগুলো কেমনভাবে অল্পসরণ করছে, মুখে হাসি দেখুন না। নিশ্চয় বেচারীর দল কিছু চেয়েছে আর কি।

করুণা। (নেপথ্য হইতে বসিল) সব চূপ ক'বে সারিবন্দী দাঁড়াবে, তবে পাবে। নইলে পাবে না।

হেমন্ত। শুনছেন? বিগলিত ব্যাপার, দানযোগের পরমানন্দে উৎসাহিত হ'য়ে উঠেছেন।

[করুণা প্রবেশ করিল, পিছনে কয়েকটি বাপ্দার মেয়ে]

করুণা। (ডাঃ বোসকে দেখিয়া) ডাঃ বোস? আপনি এসেছেন? উঃ আপনাকে যে কি ব'লে কৃতজ্ঞতা জানাব!

হেমন্ত । যা বলেছেন, তার মধ্যেই যা কৃতজ্ঞতা প্রকাশ পেয়েছে, তাতেই ডাঃ বোসের খাড় ঝুঁকে পড়েছে । আর বেশী বলবেন না । এখন একটু বহ্নন দেখি দয়া ক'রে ।

ডাঃ বোস । আপনার শরীরও যে বড় খারাপ হ'য়ে গেছে মিসেস শাস্ত্রী ।

কর্ণণা । না না ডাঃ বোস, আমি খুব ভাল আছি । এত ভাল আমি কখনও ছিলাম না ।

হেমন্ত । শরীর ভাল না থাকার ওইটাই সব চেয়ে বড় লক্ষণ বউদি' । শরীর যাদের ভাল থাকে—ইয়া হুইপুই গ্রামফোন ভেটকেব মানে ভেডার মত শব্দই তারাই দেখবেন সকাল থেকে খল তড়ি, বড়ি মধু, মিকশাব, নিয়ে ব্যস্ত । সি—না—মাথা টিপ্ টিপ্ কবে, বুক ধড়ফড় করে, পেচ কন কন করে—নির্দৈন পক্ষে Blood Pressure—low কিংবা high । আব সত্য যাদের শরীর খারাপ—

কর্ণণা । তারা বলে আমি তো খুব ভালই আছি । যেমন আপনি ।

হেমন্ত । আমার অস্ত্রই আমাকে ধায়ের কপলেন । যাক এখন ওই আপনার জ্যা-বিজয়ার দলকে বিদেয় করুন দেখি । ব্যাপার কি শুনেব ? কিছু দেবেন নিশ্চয় ।

কর্ণণা । হ্যা, শুদের একটা ক'রে জামা দেব বলেছি ।

হেমন্ত । দেবেন, যখন দিয়ে ফেলুন । দানধর্ম পুণ্যকর্ম শুভস্ত শৌভ্রং । যান দিয়ে আনুন । যান বেচারারা উৎকণ্ঠিত হ'য়ে উঠেছে ।

কর্ণণা । আমি এক্ষুণি আসছি ডাঃ বোস, (মেয়েদের প্রতি) এস তোমরা এস । (প্রস্থান—মেয়েদের দল তাহাকে অনুসরণ করিল)

ডাঃ বোস । মিসেস শাস্ত্রীর শরীর তো খুবই খারাপ হ'য়ে গেছে হেমন্তবাবু ।

হেমন্ত । ঠর চিকিৎসা কোন চিকিৎসাশাস্ত্রেই নেই ডাঃ বোস ।

ডাঃ বোস । শ্রামাদাসবাবুকে আমি শ্রদ্ধা করি, অ্যানি তাকে ভালবাসে, তবু আমি কোনদিন তাকে ঈর্ষার চোখে দেখি নি । আজ কিন্তু মিসেস শাস্ত্রীর এই ভিলে ভিলে আত্মনাশ দেখে শাস্ত্রীর প্রতি ঈর্ষান্বিত না হ'য়ে পারছি না ।

হেমন্ত । সে অতি হতাভাগ্য ডাক্তারবাবু, পাগল ! 'ক্যাপা খুঁজে খুঁজে ফিরে পরশ পাথর' । অর্থাৎ পরশপাথর বার দ্বার তার হাতের কাছে এল আর তাকে পাথর বলে বার বার ছুঁড়ে ফেলে দিলে । অমৃতকে পরিত্যাগ ক'রে সে স্বত্ব-বহন ভেদ করতে চাইলে ।

ডাঃ বোস । শাস্ত্রী যদি নিজের Experiment-এ successul হন হেমন্ত-

বাসু, তবে—তবে সে একটা অভাবনীয় ব্যাপার হবে! Biology-তে—(বলিতে বলিতে স্তব্ধ হইয়া গেল)। অতনু মিসেস্ শাস্ত্রী। ছেলেদের জামা দেওয়া হ'য়ে গেল ?

[করুণার প্রবেশ]

করুণা। হ্যা। কিম্ব আপনাদের কি আলোচনা হচ্ছিল, বন্ধ করলেন কেন আমায় দেখে ?

ডাঃ বোস। না না। আলোচনা কিছু নয়—আলাপ বলতে পারেন !

করুণা। (হাসিয়া) আপনাদের কথাখানিকটা আমার কানে এসে গেছে ডাক্তারবাবু, ঠাকুরপো বলছিলেন ‘অমৃত পরিভ্রাণ ক’রে সে মৃত্যুরহস্ত ভেদ করতে চাইলে।’

ডাঃ বোস—শাস্ত্রী যদি নিজের experiment-এ successful হন হেমন্ত-বাবু, তবে—তবে সে একটা অভাবনীয় ব্যাপার হবে! Biology-তে—(বলিতে বলিতে স্তব্ধ হইয়া গেল)। অতনু মিসেস্ শাস্ত্রী। ছেলেদের জামা দেওয়া হ'য়ে গেল ?

[করুণার প্রবেশ]

করুণা। হ্যা। কিম্ব আপনাদের কি আলোচনা হচ্ছিল, বন্ধ করলেন কেন আমায় দেখে ?

ডাঃ বোস। না না। আলোচনা কিছু নয়—আলাপ বলতে পারেন !

করুণা। (হাসিয়া) আপনাদের কথাখানিকটা আমার কানে এসে গেছে ডাক্তারবাবু, ঠাকুরপো বলছিলেন ‘অমৃত পরিভ্রাণ ক’রে সে মৃত্যুরহস্ত ভেদ করতে চাইলে।’ সে কথা আমি শুনেছি।

[ডাক্তার বোস এবং হেমন্ত পরস্পরের দিকে চাহিয়া মাথা নীচু করিল]

করুণা। ‘পরশপাথর বারবার হাতের কাছে এল আর সে তাকে পাথর ব'লে বারবার ছুঁড়ে ফেলে দিলে’ সে কথাও শুনেছি।

হেমন্ত। শুনেছেন তো! বাসু তা' হলেই ঠিক হ'য়েছে, আপনিও আমাদের আলোচনায় যোগ দিতে পারবেন। আমি বলছিলাম ডাঃ বোসকে যে রবীন্দ্রনাথের ওই কবিতাটি একটি রূপক কবিতা। “ক্যাপা খুঁজে-খুঁজে ফিরে পরশপাথর”। এই ক্যাপা কে? না অতৃপ্ত মানুষ, অতৃপ্ত মানুষের জীবনে বিরাম নাই, শাস্তি নাই, তৃপ্তি নাই—

করুণা। যেমন আপনার দাদা।

ডাঃ বোস। মিসেস্ শাস্ত্রী, এ আলোচনা থাক—

করণ। (হাসিয়া) আমি কোন দুঃখ পাব না ডাঃ বোস, হোক না আলোচনা।

হেমন্ত। না, হ'তে পারে না।

করণ। কেন ?

হেমন্ত। কেন ? তার কারণ মেয়েদের সঙ্গে এ সব আলোচনা করা উচিত নয়। তারা অত্যন্ত Sentimental, যে-কোন মহাপুরুষের নাম করলেই কুমারী মেয়েরা ভাববে ঠিক আমার বাবাব মত, সন্ত-বিবাহিতেরা ভাববে আমার স্বামীর মত, সন্তানবতীর ভাববে আমার ভেলের মত। ঠিক বলেছেন ডাক্তার বোস—এ আলোচনা এখন থাক। (করণ হাসিল) হাসছেন যে ? ও ' ভাবছেন আমি কথাটা ঢাকছি '। আচ্ছা বলুন তো কোথায় এই ক্যাপার সঙ্গে মিল রয়েছে শ্রামদাসদার ? মাথায় বৃহৎ জটা, ধূলায় কাদায় কটা, মলিন ছায়ায় মত স্ত্রীণ কলেবর। দিবি এমন ব্যাক বাস করা চুল, ফুলপুষ্ট চেহারা, নেয়াপাতি ভুঁড়ি, সে না কি ওই ক্যাপা হয়।

করণ। থাক ঠাকুরপো, থাক। তবে আপনারা আমার জন্তে মিথোহ দুঃখ পাচ্ছেন। আপনার দাদার জন্তে আমার কোন দুঃখ নাই। যে মালুঘের মনে মারা নাই, মমতা নেই, স্নেহ নাই, প্রেম নাই, ভালোবাসা নাই, তার প্রতি আমার কোন আকর্ষণ নাই, তাকে হারিয়ে আমার কোন দুঃখ নাই, যে আমাকে জীবনে এককণা কিছু দিলে না—সে যদি চ'লে গিয়ে থাকে, তাতেই বা আমার লোকসান কিসের ?

ডাঃ বোস। মিসেস্ শাস্ত্রী, মিসেস্ শাস্ত্রী—

করণ। না না, ডাঃ বোস আমি উন্মত্ত হই নি। আমি শুধু আপনাদের বলতে চাই, আপনারা অকারণে করুণা ক'রে আমার জন্তে দুঃখ পাবেন না। আমার জীবনে আমি তাকে বিবাহ ক'রে ভুল করেছিলাম, সে ভুল সংশোধন হয়েছে, তাতে আমি সুখী হ'য়েছি। আপনাদের মিঃ শাস্ত্রী পণ্ডিত নোক আপনারা তাকে সম্মান ক'রতে পারেন। কিন্তু আমি তাকে ঘৃণা করি।

[বলিয়া কথা-শেষের সঙ্গেই সে ভিতরের দিকে চলিয়া গেল]

হেমন্ত। (আবৃত্তি করিল) “অর্দ্ধেক জীবন খুঁজি কোন ক্ষণে চক্ষু বৃষ্টি স্পর্শ লভেছিল যার এক পল ভর।

বাকি অর্দ্ধ ভগ্নপ্রাণ আবার করিবে দান
ফিরিয়া খুঁজিতে সেই পরশপাথর।”

(সেকেণ্ড দুয়ক স্তব্ধ থাকিয়া) ডাক্তার বোস !

ডাঃ বোস। হেমন্তবাবু !

হেমন্ত । কেমন দেখলেন আমাকে ? আমি সত্যিই বেশী দিন বাঁচব না ?

ডাঃ বোস । আপনি শরীরের ওপর যত্ন নিন হেমন্তবাবু—নিয়মিত ভাবে ওষুধ ব্যবহার করুন, কে ব'লতে পারে আপনি সেবে যাবেন না ? তবে—

ডাঃ বোস । অন্য লোক হ'লে কথাটা গোপন ক'রতাম' আপনার কাছে গোপন ক'রব না । আপনার স্ত্রীর ব্যাধি আপনার মধ্যে infected হ'য়েছে ।

হেমন্ত । জানি ! কিন্তু আমাকে বাঁচিয়ে রাখুন ডাক্তারবাবু । আমি আমার শেষ কাব্য রচনা ক'রে যেতে চাই—জামাদাস শাস্ত্রী করুণা বউদি' অগ্নিমা দেবীকে নিয়ে আমার শেষ কাব্য । (ডাক্তারের হাত চাপিয়া ধরিল)

ডাঃ বোস । আপনি কাল আমার chamber-এ আসুন হেমন্তবাবু, আমি আপনাকে ভাল ক'রে দেখতে চাই ।

[রতনের প্রবেশ]

রতন । (বাতি হুইতে ডাকিতেছিল) মা লক্ষ্মী, মা ঠাকরুণ । এই যে দাদা-ঠাকুর ; দাদা-ঠাকুর ।

হেমন্ত । একটু অপেক্ষা কর রতন । (ডাক্তার বোসের প্রতি) তাই হবে ডাক্তারবাবু ।

ডাঃ বোস । তা হ'লে আজ আমি আসি ।

হেমন্ত । বউদি'র সঙ্গে—

ডাঃ বোস । তাঁকে আমার নমস্কার দেবেন হেমন্তবাবু । তাঁকে এখন বিরক্ত করা ঠিক হবে না, তাঁর emotion-টা একটু শান্ত হ'তে দিন । নমস্কার ।

হেমন্ত । নমস্কার । কি রতন ? [ডাক্তার বোসের প্রস্থান]

রতন । বড় মা-ঠাকরুণ, বউদাদা ঠাকুরের মা, আপনকাব—

হেমন্ত । জ্যাঠাইমা ?

রতন । ই্যা দাদা-ঠাকুর, তিনি ফিরে এয়েছেন ।

হেমন্ত । জ্যাঠাইমা ফিরে এসেছেন ? কোথায় ?

রতন । দেখলাম তিনি বাড়ীর মধ্যে গেলেন ।

হেমন্ত । বাড়ীর মধ্যে ? নিজের বাড়িতে ?

রতন । ই্যা গো । এইবারে কেউদাদার মনিবটারে মা-ঠাকরুণ টিট ক'রে দিবেন, তুমি দেখো ।

হেমন্ত । রতন ।

রতন । দাদা-ঠাকুর ।

হেমন্ত । চল, তুই আমার সঙ্গে চল, এগিয়ে দেখি ।

রতন । তুমি যাবে দাদা-ঠাকুর ? এই শরীর ! না, না, তোমার স্বাস্থ্য হবে না, আমি—

হেমন্ত । না, না, তুই জানিস্ নে রতন । ওরে—

[নেপথ্যে শৈলজা দেবার উচ্চ তীব্র মধ্যভেদী স্বর ভাসিয়া আসিল]

নে-শৈলজা । তোকে আমি অভিসম্পাৎ দিচ্ছি না কেউদাস, আমি অভিসম্পাৎ দিচ্ছি জামাদাসকে—

হেমন্ত । (উঠিয়া দাঁড়াইয়া, এবং চাঁৎকার করিয়া উঠিল) জ্যাঠাইমা ! জ্যাঠাইমা !

নে-শৈলজা । তারই পাপে আমার গোবিন্দজী বিগ্রহ থেকে চ'লে গেছেন । অবিশ্বাসী, নাস্তিক, তাকে আমি অভিসম্পাৎ দিচ্ছি—

হেমন্ত । জ্যাঠাইমা ! [প্রস্থান]

নে-শৈলজা । কে ? হেমন্ত !

[রতন প্রস্থান করিতে উদ্ভূত হইল, ঠিক এত সময়ে বাস্তু হইয়া প্রবেশ করিল করুণা]

করুণা । কে ঠাকুর পো ? কাকে ডাকছেন, রতন, ঠাকুরপো কোথায় গেলেন, কাকে এমন ভাবে চাঁৎকার ক'রে—

রতন । এড মা-ঠাকুরণ, মা-লক্ষ্মী, বড় দাদা-ঠাকুরের মা, আপনকার শান্তুডা । করুণা । কোথায় তিনি ? (কয়েক পা অগ্রসর হইয়া সে স্তব্ধবিস্ময়ে দাঁড়াইয়া গেল ।)

নে-হেমন্ত । তোমার গোবিন্দজী যদি চ'লে গিয়ে থাকেন তবে জামাদাসদা'ন জন্তে চ'লে যান নি । চ'লে গেছেন তোমার জন্তে ।

রতন । এই যে ! মা-ঠাকুরণ—মা-ঠাকুরণ ।

[বলিতে বলিতে রতন চলিয়া গেল । পর মুহূর্ত্তে হেমন্ত এবং শৈলজা প্রবেশ করিল]

শৈলজা । (স্থির দৃষ্টিতে হেমন্তের দিকে চাহিয়া) আমার জন্তে ?

হেমন্ত । হ্যাঁ, তোমার জন্তে । যে মুহূর্ত্তে তুমি সন্তানের গুণের নিষ্ঠুর হয়েছ— জামাদাস'কে ত্যাগ করেছ, সেই মুহূর্ত্তে তোমার গোবিন্দজীর মধ্য থেকে গোপালও চ'লে গেছেন । অপরাধ তোমার ।

[শৈলজা হেমন্তের দিকে স্থির দৃষ্টিতে চাহিয়া রহিলেন, করুণা আসিয়া তাঁহাকে প্রণাম করিল]

শৈলজা। তুমি কে মা ? হেমন্ত, এটি কে ?

হেমন্ত। বউদি। তোমার বউমা গো—শ্রামাদাসদা'র বউ।

শৈলজা। (চিবুক ধরিয়) আমার বউমা ! চিরায়ুতাই হও মা।

করুণা। আস্থন মা, বাড়ীর ভেতরে আস্থন !

শৈলজা। থাক মা। আমি এইখান থেকেই ফিরব।

হেমন্ত। ফিরবে মানে ? যাবে কোথায় এই অসময়ে ?

শৈলজা। আমি বন্দাবনে ফিরব হেমন্ত। বাড়ী ফিরে দেখলাম ঘোষাল-মশাই সব নীলম করিয়ে নিয়েছেন। তাই ফিরে যাচ্ছিলাম স্টেশনে। পথে তুই ডাকলি। শেষের দিন কটা—

হেমন্ত। তোমার শেষের দিনের এখনও দেবী আছে। দিবা ভাঁটো আছে এখন। আর শেষের দিনে এখানে থাকলেও তোমার রথ আসবে, এ আমি হলপ করে বলতে পারি। সুতরাং বন্দাবনে যাবার কোন প্রয়োজন নাই। চল, চল, বাড়ীর ভেতর চল।

শৈলজা। রুঢ় কথাটা আমাকে তুই বলতে বাধ্য করলি হেমন্ত। শ্রামাদাসেব বাড়ীতে আমি তো থাকতে পারব না বাবা।

হেমন্ত। হরি ! হরি ! হরি ! মঠে, জ্যাঠাইমা মঠে। এ বাড়ী শ্রামাদাসদা'র নয়, শ্রামাদাসদা' এখানে থাকেও না। এ বাড়ী বউদি'র। চল—চল।

শৈলজা। কি বলছিস হেমন্ত ?

হেমন্ত। কথাটা বিশ্বাসেরই বটে, কিন্তু তোমার তো বিশ্বাস হ'বার কথা নয় : এ বাড়ী বউদি'র। শ্রামাদাসদা এখানে থাকে না। শ্রামাদাসদা' বউদি'কে অথবা বউদি' শ্রামাদাকে পরিত্যাগ করেছেন, সে কথা আমি জানি না, তবে পরিত্যাগটা সত্য।

শৈলজা। শ্রামাদাস বউমাকে পরিত্যাগ করেছে ? কেন হেমন্ত ?

হেমন্ত। ভগবান সত্য জ্যাঠাইমা। তোমার গোবিন্দজীরূপী ভগবান, বউদি'র গিনিপিগরূপী ভগবান। চল, বাড়ীর ভেতর চল, সব কথা ধীরে স্বপ্নে শুনবে।

করুণা। আস্থন মা।

শৈলজা। চল। (উভয়ের প্রস্থান)

হেমন্ত। “খাঁচার পাখী ছিল সোনার খাঁচাটিতে, বনের পাখী ছিল বনে। একদা কি করিয়া মিলন হ'ল দৌছে, কি ছিল বিধাতার মনে।”

নে-ডাঃ বোস । হেমন্তবাবু !

হেমন্ত । (সবিস্ময়ে) ডাঃ বোস ?

[ডাঃ বোস-এর প্রবেশ]

ডাঃ বোস । আমি আবার ফিরে এলাম হেমন্তবাবু । ডক্টর শাস্ত্রীর খবর বোধ হয় পেয়েছি ।

হেমন্ত । আমাদাসদা'র ?

ডাঃ বোস । বাড়ী ফিরেই এই চিঠিখানা পেলাম । দিল্লী থেকে লিখেছেন আমার এক বন্ধু । অ্যানির খবর জানিয়েছেন । অ্যানি কয়েকদিন তাঁর ওখানে ছিল । তারপর হঠাৎ একদিন বেড়াতে বেরিয়ে আর ফেরে না । উৎকণ্ঠিত হয়ে খবর ক'রতে গিয়ে একজন আধপাগল ভ্রমলোকের সঙ্গে ঘুরতে দেখতে পায় । এ লোকটি নাকি অদ্ভুত মানুষ, অনেকে বলে পণ্ডিত ব্যক্তি । অনেকে বলে পাগল । কাকৎ সঙ্গে মেলা-মেশা নাই । Govt. Research Institute-এ চাকরী করেন । বাড়ীতে যত্নপাতি নিয়ে কাজ করেন । আমার মনে হচ্ছে, ডক্টর শাস্ত্রী ছাড়া আর কেউ নন ।

হেমন্ত । আস্তে আস্তে ডাক্তারবাবু, বাড়ী ব ভেতর আসুন ।

[উভয়ে বাড়ীর ভিতরের দিকে প্রস্থান]

তৃতীয় দৃশ্য

দিল্লী—শ্যামাদাসের বাসা

[শহরের প্রান্তে পুরানো পরিত্যক্ত পল্লীর মধ্যে একখানি পুরানো বাড়ী । ঘরের মধ্যে আসবাবপত্রগুলি অতি কম দামী এবং সংখ্যাতোও অতি অল্প । দুই-তিনখানি ভাঙা চেয়ার, একখানা পুরানো টেবিল, জিনিষপত্র, যেমন স্টেপ—থোলা পড়িয়া আছে । অগ্নিমা একা ঘরের মধ্যে রহিয়াছে । সে আপন মনে গুণগুণ করিয়া গান করিতেছে এবং খাবার সাজাইতেছে একখানি থালায় । কমলালেবু ছাড়াইয়া রাখিতেছে । এমন সময় শ্যামাদাসের কণ্ঠস্বর শোনা গেল]

নে-শ্যামাদাস । সুখন ! সুখন ! এ সুখন !

[অগ্নিমা গানের প্রথম কলিটি বেশ জোরে গাহিয়া উঠিল এবং অগ্রসর

হইয়া গিয়া দরজা খুলিয়া দিল। শ্যামাদাস ঘরে ঢুকিয়া থমকিয়া দাঁড়াইল]

শ্যামাদাস। অণিমা! তুমি যাও নি?

অণিমা। না, আমি ফিরে এসেছি।

শ্যামাদাস। তোমাকে আমি স্টেশনে পৌছে দিলাম, তুমি আমার কথা দিলে তুমি ফিরে যাবে ক'লকাতায়—

অণিমা। কিন্তু যেতে আমি পারলাম না। মন আমার যেতে চাইলে না।

শ্যামাদাস। অণিমা!

অণিমা। না। Call me Anny.

শ্যামাদাস। I can't let you stay here অণিমা। তোমার এখানে আমি থাকতে দিতে পারি না। You must leave.

অণিমা। হবে, ও কথা পবে হবে শ্যামল, আগে তুমি কোটটা খুলে ফেল, let me help you.

শ্যামাদাস। ধন্যবাদ অণিমা—কিন্তু দরজাও নেই সাংঘ্যের।

[নিজেই কোট খুলিয়া ফেলিল, দেওয়ানে একটা ছকে ঝুলাইয়া রাখিল। ইতিমধ্যে অণিমা চেয়ার অগাইয়া আনিয়া। শ্যামাদাস সে চেয়ারখানায় না বসিয়া অস্ত্র একখানা টেনিয়া বসিল। আগমা খাবারের থালা টেবিলের উপর রাখিল এবং চা তৈয়ারী করিতে লাগিল]

শ্যামাদাস। অণিমা।

অণিমা। শ্যামল।

শ্যামাদাস। তুমি আমার মুক্তি দাও অণিমা। Leave me. Please let me alone.—রাত্রি দশটায় গাড়ী বয়েছে, সেই গাড়িতে ক'লকাতায় চ'লে যাও।

অণিমা। শ্যামল!

শ্যামাদাস। You must, You must. আমাকে আমার কাজ করতে দাও। I can't stand you অণিমা, I can't stand—

অণিমা। You can't stand me?

শ্যামাদাস। Let me finish—I can't stand any body. তোমাদের সকলের কাছ থেকে পালিয়ে অস্ত্রাগোপন ক'বে আমি আমার কাজ ক'রতে চেয়েছিলাম। Unsuccessful, ridiculed. হতভাগ্য—yes, তোমরা অবশ্যই আমাকে হতভাগ্য বলতে পার। কিন্তু—কিন্তু—কেন তুমি আমার মত হতভাগ্যকে অনুসরণ করে এলে বলতে পার? কেন?

অনিমা। (হাসিল) কেন ?

শ্যামাদাস। হ্যা, কেন ?

অনিমা। যদি বলি, আমিই মূর্তিমতী দুর্ভাগ্য ! হতভাগ্যকে অনুসরণ করাই আমার কাজ।

শ্যামাদাস। দুর্ভাগ্যকে মানুস সঙ্গ ক'রতে পারে না অনিমা। সেইজন্মেই তোমাকে আমি এড়িয়ে চলতে চাই, বিদায় দিতে চাই।

অনিমা। কথাটা সম্পূর্ণ হ'ল না শ্যামল, বল এড়িয়ে চলতে চাই, বিদায় দিতে চাই, তাতেও না যাও, তোমায় তাড়িয়ে দিতে চাই।

শ্যামাদাস। কথাটা সম্পূর্ণ ক'রে দেওয়ার জন্য তোমাকে ধন্যবাদ অনিমা। হ্যা, ও কথাটাও আমার বলা উচিত ছিল।

অনিমা। ভাল কথা। আমাকে তাড়িয়ে দিচ্ছ, আমি যাব। তাতে আমি দুঃখ পাব না শ্যামল, কিন্তু আমার হাতের খাবার চা না খেলে আমি দুঃখ পাব শ্যামল। (চায়ের কাপ সামনে নামাইয়া দিল)

শ্যামাদাস। না। তোমায় সে দুঃখ দেব না। সে অপমান তোমায় আমি ক'রব না। তা ছাড়া আহাৰ্য্যের আমার প্রয়োজনও আছে। যাকে বলে, ক্ষিধে পेट জ'লে যাচ্ছে।

অনিমা। That's like a good boy. If you like তোমাকে একথানা গানও শোনাতে পারি।

শ্যামাদাস। গান ?

অনিমা। হ্যা গান। Don't you like it ?

শ্যামাদাস। গান ভালবাসি না এমন নয়, কিন্তু এখন গান শুনে স্বপ্নলোক নষ্টের আমার সময় নেই অনিমা। তুমি জান না অনিমা, কত বড় ক্ষতি আমার হ'য়ে গেছে, আমার জীবনের গতি কতখানি পিছিয়ে পড়েছে। আমার মা আমার বিরুদ্ধে অর্ধশালী ধনী ব্রজবিহারীর সঙ্গে যোগ দিয়ে একটা বিরাট পরিকল্পনাকে নষ্ট ক'রে দিলেন। আমার স্ত্রী, আমার সখী, আমার comrade— আমাকে পরিত্যাগ ক'রলে—মহাসত্যের সামনে থেকে সে পালিয়ে গেল—

অনিমা। জানি শ্যামল, সে তোমাকে নিষ্ঠুর আঘাত দিয়েছে।

শ্যামাদাস। কি বললে ? আমাকে আঘাত দিয়েছে ?

অনিমা। আমি জানি শ্যামল।

শ্যামাদাস। না অনিমা। ওখানে তোমার ভুল হ'য়েছে। আঘাত আমি পাই নি। আঘাত করার মত emotional softness আমার নাই।

অণিমা। (হাসিল) তুমি সত্যকে অস্বীকার করছ শ্যামল। যাদের মাজুব ভালবাসে—

শ্যামাদাস। খাম অণিমা। আমি কাউকে ভালবাসি নি।

অণিমা। কি বলছ তুমি শ্যামল! না না, ও কথা তুমি ব'লো না।

শ্যামাদাস। কিন্তু সত্যকে আমি অস্বীকার করব কি ক'রে? প্রেম ভালবাসা ওগুলোকে biological emotion জেনে আমি সাধনা ক'রে ওগুলোকে জয় ক'রেছি।

অণিমা। শ্যামল। শ্যামল।

শ্যামাদাস। তুমি শহরের মেয়ে অণিমা। তুমি দেখেছ, গরুর বাছুর ম'য়ে গেলে গোয়ালারা একটা খড়ের কাঠামোর ওপর মরা বাছুরটার চামড়া জড়িয়ে সামনে ধরে। চামড়া জড়ানো নকল বাছুরটাকেই গাভীমাতা সম্মেহে জিত দিয়ে চাটে, তাতেই তার বুদ্ধিহীন biological emotion উথলে উঠে, আবেগে স্নানাতন্ত্রী উচ্ছসিত হ'য়ে দুধের ধারা ঝরতে আরম্ভ করে। আবার নকল বাছুরটাকে সরিয়ে দিলেই সে চীৎকার করে। মাতৃশবের মা সন্তানের মৃত্যুতে বুক চাপড়ে মাথা খুঁড়ে কাঁদে, শবদেহটাব বুকেব ওপব আছাড় খেয়ে পড়ে, সেটা অবিলম্বে নষ্ট হ'য়ে যাবে ব'লে। খড়ের কাঠামোতে চামড়া জড়িয়ে তাঁর সাধনা হয় না, তার কারণ তার বুদ্ধি আছে। নইলে ও দুটোতে তফাৎ কতটুকু বল? এ কি এ কি অণিমা, মুখ তোমার ফ্যাকাসে হ'য়ে গেল?

অণিমা। আমার নিঃশ্বাস বন্ধ হ'য়ে আসছে শ্যামল, আমার অত্যন্ত কষ্ট হচ্ছে। নিঃশ্বাসের সঙ্গে কেমন একটা যেন গন্ধ পাচ্ছি—

শ্যামাদাস। কি গন্ধ পাচ্ছ? নিঃশ্বাস নিতে কষ্ট হচ্ছে (তাড়াতাড়ি উঠিয়া) সরে এস অণিমা, তুমি দরজাটার কাছ থেকে সরে এস, ঐ জানলার ধারে এসে দাঁড়াও। (কাছে গিয়া) Yes, yes, গন্ধ উঠছে! হ্যাঁ। অণিমা তুমি জানলার ধারে দাঁড়াও। না না—ও ঘরে, ও ঘরে চল। (অণিমাকে অস্ত্র ঘরে লইয়া গেল। পুনরায় প্রবেশ করিল) আসছি আমি—আমি আসছি অণিমা। তুমি এ ঘরে এস না, আমি বারণ করছি (সে দরজার চাবি বন্ধ করিল) আমার gas mask—gas mask!

[একটা আলমারী খুলিয়া একটা গ্যাস মাস্ক লইয়া পরিতে পরিতে বলিয়া উঠিল] পেয়েছি, পেয়েছি। I have got it—I have got it! [বলিতে বলিতে বলিতে মাস্ক পরিয়া সে, যে-দরজার ধারে অণিমা দাঁড়াইয়া ছিল, সেই দরজা খুলিয়া প্রস্থান করিল। রক্তমণ্ডল শূন্য

পড়িয়া রহিল। মুহূর্ত্ত পরেই পাশের ঘর হইতে অগ্নিমার ব্যাকুল
কণ্ঠস্বর শোনা গেল]

নে-অগ্নিমা। শ্রামল! শ্রামল! (খানিক স্তব্ধতা) শ্রামল! (দরজার
ধাক্কা মারিতে আরম্ভ করিল) শ্রামল!

[এ ঘরের দরজা খুলিয়া শ্রামাদাস প্রবেশ করিল। দরজা বন্ধ করিল।

মাস্ক খুলিতে খুলিতে চীৎকার করিয়া উঠিল প্রায় পাংগলের মত]

শ্রামাদাস। পেয়েছি—পেয়েছি। I have found it out, I have
found it out.

নে-অগ্নিমা। শ্রামল।

শ্রামাদাস। অগ্নিমা! (অগ্রসর হইয়া দরজা খুলিয়া দিল) অগ্নিমা, I have
found it out, congratulate me অগ্নিমা, I have found it out.

অগ্নিমা। কি শ্রামল, কি?

শ্রামাদাস। প্রচণ্ড একটা শক্তি, অদ্ভুত শক্তিশালী একটা gas—

অগ্নিমা। Gas!

শ্রামাদাস। হ্যাঁ। গত যুদ্ধে Musturd gas-এর নিম্নম নিষ্ঠুর শক্তির
পরিচয় তুমি তো দেখেছিলে অগ্নিমা।

অগ্নিমা। Oh, it is dreadful!

শ্রামাদাস। তার ভয়ঙ্করত্ব দেখে মনে মনে সঙ্কল্প ক'রেছিলাম—Musturd
gas-এর প্রতিষেধক একটা gas আবিষ্কার ক'রব আমি। কলকাতায় আমার
ব্যবসা-বাণিজ্য নষ্ট ক'রে দিলে ব্রজবিহারী। একটা Research Institute-এ
চাকরী নিলাম—পুরানো সংকল্পের কথা মনে হ'ল। এ gas আবিষ্কার ক'রতে
পারলে পৃথিবীর সমস্ত দেশ আমার এ আবিষ্কারের দল পাবার জন্য পাংগল
হ'য়ে উঠবে। ঠিক এই জন্তে অগ্নিমা—শহরের প্রান্তে এই পড়ো বাড়ীতে আমার
জীবনের সমস্ত কিছু বিক্রী ক'রে—Laboratory তৈরী ক'রে দিন-রাত্রি
পরিশ্রম ক'রেছি। এই জন্তেই অগ্নিমা, কাউকে আমি সহ্য ক'রতে পারি নি।

অগ্নিমা। And, and, you have found it out শ্রামল!

শ্রামাদাস। হ্যাঁ, অগ্নিমা পেয়েছি। কিন্তু যা চেয়েছিলাম—তা পাই নি।
প্রচণ্ড শক্তিশালী gas আমি আবিষ্কার ক'রেছি। কিন্তু Musturd gas-এর
চেয়েও ভয়ঙ্কর—তার চেয়ে বহুগুণে নিষ্ঠুর।

অগ্নিমা। উঃ শ্রামল—

শ্রামাদাস। বহুগুণে মারাত্মক এ গ্যাস। প্রচণ্ড মৃত্যুশক্তি আবিষ্কার ক'রেছি

আমি অণিমা। দরজার ফাঁক দিয়ে তার ক্ষীণতম স্পর্শ তোমার নাকে এসেছিল
কণিকের জন্ত। খুব সময়ে তুমি বুঝতে পেরেছিল। It is dreadful অণিমা,
dreadful—

অণিমা। (শ্যামাদাসের হুট হাত ধরিয়।) I adore you—I admire
you—

চতুর্থ দৃশ্য

করুণা ও হেমন্ত

[করুণার পল্লীগ্রামের বাড়ী]

হেমন্ত। ব্যাকের টাকা শেষ হ'য়েছে, গয়নাপত্র যা ছিল বিক্রী ক'রেছেন,
অথচ একটা কথাও বলেন নি আপনি? তার ওপব জ্যাঠাইমার এট অবস্থা।
সময়ে আপনার সাবধান হওয়া উচিত ছিল বউদি।

করুণা। সাবধান হওয়ার সময় পেলাম কোথায় ঠাকুরপো? হঠাৎ এল
সাইক্লোন, বেচারাদের বাড়ী ঘর উড়ে গেল, যা ছিল দু' মুঠো ধান চাল—তার
শেষ কণাটুকু পর্যন্ত নষ্ট হ'য়ে গেল। গরু বাছুর ছাগল তাও ম'ল দেওয়াল চাপা
প'ড়ে; শুধু গরু বাছুরই নয়, মানুষও কম মরে নি। তারপর আরম্ভ হ'ল জর-
জ্বালা, ওষুধ পাওয়া যায় না, গেলেও সে আগুনের দাম। দেখতে দেখতে চালের
মণ হ'য়ে উঠল তিরিশ পর্যন্ত। সাবধান হবার সময় কোথায় পেলাম বলুন?
এরই মধ্যেই মায়ের মাথার গোলমাল যে কখন আরম্ভ হ'ল আসি তা বুঝতে পারি
নি। আপনি তো সবই চোখের ওপরই দেখছেন।

হেমন্ত। হ্যাঁ, দেখছি বইকি! আমি আবার যতটা দেখছি ততটা আবার
আপনি দেখেন নি। দেশে চাল নেই, মদীর দোকান বন্ধ, অথচ রাজে আমাদের
ঠাকুর-বাড়ীতে, অবশ্য আমাদের আর নয়, এখন ঘোষাল মশায়ের ঠাকুর-বাড়ী।
সেখানে নিশ্চয় রাজে লরী বোঝাই চাল আসছে, আটা আসছে। জানেন
ঠাকুর-বাড়ীর নাটমন্দিরের চারিদিকে দেওয়াল তুলে—সেটাকে এখন ঘোষালের
চালের গুদাম ক'রেছে!

করুণা। বলেন কি?

হেমন্ত। রাজে আমার ঘুম হয় না, লরী আসতে আমি নিজে চোখে
দেখেছি। লরীতে যে চাল ময়দা আসে—সে কথা আমাদের কেউ বলেছে।

করুণা। কেউদাস ঠাকুরপো নাকি এখানকার সব বিক্রী ক'রে চ'লে গেছেন?
হেমন্ত। সব মানে তো বাড়ীখানা। সেও তো আপনি দেখেছেন দেওয়ালের
পলেস্তারা খ'সে মেঝের সিমেন্ট উঠে মাহুষের চেয়ে গরু-ভেড়ার বাসের পক্ষে
অধিকতর উপযোগী হ'য়ে উঠেছিল।

করুণা। কিন্তু সে সব তো মেরামত করালেন আমরা আসার পর।

হেমন্ত। হ্যাঁ। ঘোষালমশায় নিজে থেকে টাকা দিয়েছিলেন। তখন কেউ
বুঝতে পারে নি। জ্যাঠাইমা আর বড়দা'র সঙ্গে গাপালের মামলা মেটার
পরই ঘোষাল কেউকে চাকরী থেকে জবাব দিলে, বাড়ী মেরামতের টাকার
জন্তে নালিশ ক'রলে। কি আর করবে কেউ, বাড়ী মেরামতের দেনার টাকার
মায় হুদ শোধ দিয়ে যে ক'টা পেলে তাই সম্বল ক'বে মেয়ে ছেলে নিয়ে চ'লে
গেল। অত্যন্ত সহজ এবং সবল ঘটনা। একেবারে গ্রায়শাস্ত্র অন্ত্রমোদিত
ব্যাপার। ধর্ম্মাধিকরণের সিদ্ধান্ত! এ কি জ্যাঠাইমা আসছেন যে! চোখের
দৃষ্টি দেখেছেন?

করুণা। দিন দিন অবস্থা যেন খারাপের দিকে যাচ্ছে ঠাকুরপো।

[শৈলজা দেবীর প্রবেশ]

শৈলজা। বউমা! (নেপথ্য হইতে কথা বলিয়া প্রবেশ করিলেন)

করুণা। এ কি মা, আপনার পূজো কি এরই মধ্যে হ'য়ে গেল।

শৈলজা। পূজো করতে ব'সে হঠাৎ দুর্ঘোষনের মায়ের কথা মনে হ'ল। কিন্তু
নামটা আমার কিছুতেই মনে পড়ল না। দুর্ঘোষনের মায়ের নামটা কি বল দেখি?

করুণা। গান্ধারী।

শৈলজা। হ্যাঁ হ্যাঁ। (চলিয়া যাইতেছিলেন, হঠাৎ ফিরিলেন) আচ্ছা
হেমন্ত। তুই কাল রাতে ওইখানে বসেছিলি, না? কি করছিলি বল তো?

হেমন্ত। ঘুম হ'ল না জ্যাঠাইমা, তাই বসেছিলাম।

শৈলজা। ঘোষালের ঠাকুর-বাড়ীতে স্বর্গ থেকে রথ এসেছিল দেখেছিলি?

হেমন্ত। হ্যাঁ, চাল আটা বোকাই লরী দেখেছি জ্যাঠাইমা।

শৈলজা। ওগুলো কি লরী নাকি? আর বস্তাগুলোতে সেসব চাল আটা
নাকি? ওরে, ও যে রোজ রাতে আসে রে! তোর মত আমারও রাতে ঘুম
হয় না কিনা। আমি দেখি। ভাবি ওগুলো স্বর্গের রথ। আর বস্তার মধ্যে
ওগুলোকে মনে হয়—ধন রত্ন মণি মাণিকা। তা ওগুলো যদি আটা চালই হয়
—তবে ওগুলো ভগবান না পাঠালে আসে কোথেকে? তুই জানিস্ নে, সব
ভগবান পাঠায়। নিশ্চয় আমাদের গোবিন্দজী।

করণ। আহুন মা, বাড়ীর ভেতর আহুন। জল খাবেন আহুন।

শৈলজা। জল খাব কি? এখনও আমার পূজা শেষ হয় নি। অভিশাপ দেওয়া হয় নি।

হেমন্ত। কি বলছ জ্যাঠাইমা?

শৈলজা। তা নইলে আর গান্ধারীর নাম জিজ্ঞাসা করলাম কেন? আমি গান্ধারীর মত রোজ অভিশাপ দিই কিনা! গোবিন্দীকে দিই—আর শ্যামাদাসকে দিই। গান্ধারী দিয়েছিল—দুর্ঘোষনকে দিয়েছিল, আবার শ্রীক্ষকেও দিয়েছিল। যাই, পূজা শেষ করে শাপ দিই গে যাই। (প্রস্থান)

করণ। মায়ের দিকে চাইলে চোখের জল আমি ধরে রাখতে পারি না ঠাকুরপো! এমন মাহুষের শেষ এই পরিণাম হ'ল? এই ভাবে ঠুর মাথা খারাপ হ'য়ে যাবে আমি ভাবতে পারি নি!

হেমন্ত। আমি ভাবছি, নিঃশ্বাসহায় ঠুকে নিয়ে আপনি কি করে কি কববেন? আমার ধারণা, হয়তো শেষ পর্যন্ত উম্মাদ পাগল হ'য়ে যাবেন!

করণ। সন্তানের-এর চেয়ে বড় অপরাধ কিছু হ'তে পারে ঠাকুরপো?

হেমন্ত। শ্যামাদাসদা'র অপরোধ আমি অস্বীকার করি নে বউদি', কিন্তু, জ্যাঠাইমার মাথা খারাপ হওয়ার কারণ শুধু বউদা'র ব্যবহারেই নয়। বউদি, ঠুর বিশ্বাসের ঘরে যা পড়েছে। ঘোষাল ঠুর ইষ্টদেবতাকে কেড়ে নিলে। উনি যেদিন প্রথম এখানে আসেন—সে দিন বার বার আপনার মনে কি বলেছিলেন আপনার মনে আছে? ছোটো দশটা কথা'র মধ্যে অর্থহীন ভাবে বলেছিলেন—তুমি পাথর, তুমি পাথর। তারপর যেদিন বাগ্‌দীদের বস্তীর ওপর বোমা পড়ল সে রাত্রে'র কথা মনে করুন, বললেন—কোন ভয় নেই তোদের—তোরা নিশ্চিন্ত হ'য়ে ব'স, আমি এই জপে বসলাম। তারপর বোমা পড়ল, ঠুর সেদিনকার সে বিহ্বল মূর্তি আপনার মনে আছে? সকলের চেয়ে বিহ্বল হ'য়েছিলেন উনি। ডাক্তারে বলেছিল—শব্দের জন্তে শক লেগে হ'য়েছে। ডাক্তার বুঝতে পারে নি। আমরাও সেদিন বুঝতে পারি নি। কিন্তু সে বিহ্বলতা ঠুর শব্দের ভয়ের জন্ত নয়। বোমাটা সেদিন বাইরের দৃষ্টিতে বাগ্‌দীদের বস্তীতে পড়েছিল—কিন্তু সত্যি সত্যি পড়েছিল ঠুর মনের বিশ্বাসের দেউলে।

[ছেঁড়া ময়লা কাপড় পরনে—জীর্ণ শীর্ণ রতনের উজ্জ্বলিত আবেগে চীৎকার করিতে করিতে প্রবেশ, সঙ্গে আরও দুই তিন জন সঙ্গী, সকলেরই ওই এক রকম অবস্থা]

রতন। হায় ভগবান, একবারে মেরে ফেলাও ঠাকুর, একবারে মেরে

কেলাও। দম্ভে দম্ভে আর মেরো না ঠাকুর—দয়া কর, একেবারে শেষ ক'রে দাও।

হেমন্ত। কি রে রতন, কি ?

করণা। কি হ'ল রতন ?

রতন। ওগো মাগো, আমার মায়ের প্যাটের বুন—

হেমন্ত। তোর বোন কে ? সেই দামিনী ?

রতন। হ্যাঁ হ্যাঁ, সেই দামিনী, তাকে মনে পড়ছে দাঁঠাকুর ? সেই গায়ের লোকে যাবে বলত—গেছে। মেয়ে, সেই নারকল গাছে উঠে যে ডাব পাড়ত ? সেই দামিনী দাঁঠাকুর আমার সেই মায়ের প্যাটের বুন দামিনী—ভায়মগুহারবরে বিয়ে দিয়েছিলাম সেই দামিনী—

হেমন্ত। হ্যাঁ, হ্যাঁ, তার কি হ'ল ?

রতন। ভায়মগুহারবরে প্যাটের ভাত জুটল নি, মেয়েতে মরদে চ'লে যেয়েছিল কোন্ দিকে। আজ এখুনি গুনলাম—দামিনী একা আসছিল আমার বাড়ী। আসতে আসতে মুখ জুঁজে প'ড়ে যেয়েছে ঠাকুর-বাড়ীর দেউড়ীর সামনে। বসে, ধুঁকছে।

হেমন্ত। বউদি, আপনি চট ক'রে একটু গরম দুধ নিয়ে আসুন। চল রতন চল, দেখি।

রতন। দাঁঠাকুর, কি নিয়ে শিখিমীতে আর দাঁচে থাকব বল ? ঘর গেল, ভিটে গেল, জমি গেল, বোমা প'ড়ে বোটি জামাই লাতি লাতিন গেল, জ্বরে গেল শ্রবীর বেটা, নিজে না খেয়ে ধুঁকছি, তবু মরণ হয় না কেন বলতি পার ?

হেমন্ত। কি করবি রতন বল ? এর উপায়—

রতন। উপায় যদি নাই তবে মা-ঠাকরণকে বল—আধপেট খাইয়ে আমাদেরকে বাঁচিয়ে রাখছে কেনে ? তাই ম'রে বাঁচতি দাও আমাদের।

হেমন্ত। আয়, আয়।

রতন। ওগো, তোমরা আমাদের ম'রে বাঁচতি দাও !

[সকলের প্রস্থান। দুধের বাটি হাতে করণার প্রবেশ]

পিছনের দিক হইতে শৈলজা—বউমা ! বউমা !

[করণা দাঁড়াইল ! শৈলজা প্রবেশ করিল]

শৈলজা। জানালা থেকে দেখলাম গোবিনজীর দয়জার বাপীনের ভিড় জ'মে গেছে। রতনার গলা গুনলাম, হাউ-হাউ ক'রে কাঁদছে। তা' হ'লে গোবিনজী এইবার জেগেছে ? ভাত-কাপড় দিচ্ছে ? না কি ?

করণা। না মা, রতনের বোন পথের ওপর প'ড়ে তিঁহরি গিয়েছে।

শৈলজা। ও! তা' হলে গোবিন্দজী যমদূত পাঠিয়ে ধ'রে এনেছে। এ্যা, বাঙ্গীদের গায়ের যে গন্ধ! যে নোংরা গুঁরা। খুব ক'রে চাবুক লাগাবে বোধ হয়। যাই দেখে আসি।

করুণা। না, যাবেন না আপনি। বাড়ীর ভেতর যান।

শৈলজা। মায় খেয়ে ওরা শাপ শাপান্ত ক'রছে না? এই বাঙ্গীরা গো? শুধু হাউ-হাউ ক'রে কাঁদছে? যাই আমি যাই, দাঁড়াও।

করুণা। না, যাবেন না আপনি। মা! মা!

[শৈলজা চলিয়া যাইতেছিলেন হঠাৎ দাঁড়াইয়া ঘোমটা টানিয়া সরিয়া দাঁড়াইলেন]

শৈলজা। ওমা! সায়েবী পোষাক-পবা কে আসছে গো?

[ডাঃ বোসের প্রবেশ]

করুণা। এ কি! ডাঃ বোস? আসুন। ভালই হ'য়েছে ডাঃ বোস একটি মেয়ে না খেয়ে দুর্বল হ'য়ে পথের ওপর অজ্ঞান হ'য়ে পড়েছে। একবার আসুন, দেখবেন আসুন।

ডাঃ বোস। দেখেই আমি আসছি মিসেস শাস্ত্রী! পথে ভিড় দেখেই আমি নেমেছিলাম। দুধের বাটি নিয়ে আপনার আর যাবার প্রয়োজন নেই।

করুণা। ম'রে গেছে?

ডাঃ বোস। বঁচে গেছে বলুন। নিকৃতি পেয়েছে।

শৈলজা। তুমি সেই ডাক্তার না? শ্রামাদাসের বন্ধু?

ডাঃ বোস। হ্যাঁ মা। আমায় চিনতে পারছেন না?

শৈলজা। -তুমি আমাকে মা বলছ কেন?

ডাঃ বোস। আপনি শ্রামাদাসবাবুর মা—

শৈলজা। না না না, পাথরে দেবতা নেই, পণ্ডিতের মা নেই, স্ত্রী নেই, কেউ নেই। না না না। (ক্রোধভরে তিনি চলিয়া গেলেন)

করুণা। মা সত্যিই পাগল হ'য়ে গেলেন ডাঃ বোস!

ডাঃ বোস। জীবনে রোগে মানুষের মর্যাস্তিক দুঃখজনক পরিণতি দেখে ডাক্তারেরা প্রায় পাথর হ'য়ে যায়। (কমাল দিয়া চোখ মুছিয়া) চোখে জল আসার অহুভুতি আমি প্রায় ভুলে গিয়েছিলাম মিসেস শাস্ত্রী।

করুণা। আসুন, বাড়ীর ভেতরে চলুন।

ডাঃ বোস। সময় অল্প মিসেস শাস্ত্রী—কাজ অনেক! অ্যানি দীর্ঘকাল পরে একটা চিঠি লিখেছে। সেই চিঠিখানা আপনাকে দেখাতে এসেছিলাম।

[চিঠিখানা তাহার দিকে অগ্রসর করিয়া ধরিল। করুণা ডাঃ বোসের

মুখের দিকে চাহিয়া ধীরে ধীরে চিঠিখানা লইল এবং পড়িতে আরম্ভ করিল ।

ভাঃ বোস । ভাস্কর শাস্ত্রী একটা আবিষ্কার ক'রেছেন ।

করুণা । (চিঠি হইতে মুখ তুলিয়া) Gas ? Mustard gas-এর চেয়েও—

ভাঃ বোস । Mustard gas-এর চেয়েও নাকি ভয়ঙ্কর । ভাঃ শাস্ত্রী নাকি gas-টার নাম দিতে চান Death gas !

করুণা । ভাঃ বোস !

ভাঃ বোস । মিসেস শাস্ত্রী !

করুণা । আপনি আমাকে হাওড়া ষ্টেশনে পৌঁছে দেবেন ? আপনার সঙ্গে নিশ্চয় গাড়ী আছে !

ভাঃ বোস । আপনি কি—

করুণা । ই্যা, আমি দিল্লী যেতে চাই ।

ভাঃ বোস । আমি যদি সঙ্গে যেতে চাই, আপনি কি আপত্তি করবেন ?

করুণা । ভাঃ বোস, জীবনে আমার ভাই নেই । আপনাকে আজ থেকে বড়দা ব'লে ডাকব আমি । (হাত বাড়াইয়া দিয়া) হাতটা ধরুন আমার ।

[ভাঃ বোস করুণার হাত ধরিয়া অগ্রসর হইল]

পঞ্চম দৃশ্য

শ্যামাদাসের বাসা—দিল্লী

[শ্যামাদাস ও করুণা]

শ্যামাদাস । করুণা । তুমি ?

করুণা । ই্যা, আমি । তোমাকে আমি আমার শেষ অহুয়োধ জানাতে এসেছি । আমার শেষ কথা বলতে এসেছি !

শ্যামাদাস । কি বলবে বল ?

করুণা । কি বলতে চাই তুমি কি অহুমান করতে পার না ?

শ্যামাদাস । আমার সময় আজ অভ্যস্ত অল্প-করুণা । ক'লকাতা থেকে বড় একটা কার্ঘের অ্যাটর্নি আসছেন আমার সঙ্গে দেখা করতে—তঁায়া এখনি আসবেন । অধিমা তাদের আনতে গেছে ! ভাল কথা, তোমাকে বলা হয় নি । আমি এক প্রচণ্ড শক্তি আবিষ্কার ক'রেছি ।

করণা। Mustard gas-এর চেয়েও ভয়ঙ্কর একটা gas—

শ্যামাদাস—তুমি জানলে কি ক'রে ? ই্যা, Mustard gas-এর চেয়েও ভয়ঙ্কর একটা gas—

করণা। তুমি নাকি যে gas-টার নাম দিতে চাও Death gas.

শ্যামাদাস। Yes, Death gas নাম দিতে চাই আমি।

করণা। আমি তোমাকে শেষ অহুরোধ জানাতে এসেছি—ওই gas আবিষ্কারের সমস্ত চিহ্ন সমস্ত নজীর নিঃশেষে বিলুপ্ত ক'রে দাও তুমি।

শ্যামাদাস। কি ? বিলুপ্ত ক'রে দেব ?

করণা। তোমার স্মৃতি থেকে পর্যাস্ত মুছে ফেলে দাও।

শ্যামাদাস। I am sorry, অত্যন্ত দুঃখিত আমি করণা। দীর্ঘকাল পরে তুমি এলে এবং শেষ অহুরোধ ব'লে আমাকে জানালে, তা আমি রাখতে পারছি না।

করণা। তোমায় রাখতে হবে। তুমি কি বুঝতে পারছ না—পৃথিবীর বৃকে আবিষ্কারের নামে কি অভিশাপ তুমি ছড়িয়ে দিচ্ছ ?

শ্যামাদাস। বিজ্ঞানে তুমি একদিন আমার ছাত্রী ছিলে, assistant ছিলে, comrade ছিলে, তুমি এটুকু অবশ্যই জান করণা, প্রথমতম আলো আর চরমতম অন্ধকারের মধ্যে কোন পৃথক্য নাই ? জীবন এবং মৃত্যু একই, শক্তির রূপ হ'তে রূপান্তরে প্রকাশ ! আবিষ্কারের আনন্দ তুমি কখনও ভোগ করনি করণা। অমরত্বের আনন্দের সঙ্গে তার কোন প্রভেদ নেই।

করণা। মানুষের সমাজে মৃত্যু বিলিয়ে তুমি নিজে অমরত্ব লাভ ক'রতে চাও ? মানুষ তোমাকে স্কেন স্বমা করবে ? কেন তোমার দান নেবে ? আর তাকে বাঁচাতে যখন পার না তুমি—তখন তাকে মারবার পন্থা আবিষ্কার ক'রে তাই তাকে দান ব'লে দিতে চাচ্ছ কোন মুখে ?

শ্যামাদাস। তুমি বুঝতে পারছ না করণা। মানুষকে দিচ্ছি আমি মৃত্যুরূপের বার্তা, একটা বিপুল শক্তির পরিচয়। আমি তার আবিষ্কর্তা। I have found it out. কিন্তু তুমি কি বুঝতে পারছ না, তুমি মানুষের হাতে ভুলে দিচ্ছ—

করণা। স্বার্থান্ধ মানুষ। ওগো, এ যে পাপ—নিষ্ঠুরতম পাপ।

শ্যামাদাস। আবিষ্কার নিষ্ঠুরতম হতে পারে, কিন্তু পাপ আমার কাছে নেই, সে তুমি জান।

করণা। আমি তোমার স্ত্রী—

শ্যামাদাস। আমাদের জীবনের যোগসূত্র আমরা ছিঁড়ে ফেলেছি করণা। পরস্পরের সম্বন্ধিক্রমেই আমরা জীবনে ভিন্ন পথ ধরে চলেছি। এখন আবার

এসে আমার পথ আগলে দাঁড়াবার তোমার কোন অধিকারই নাই।

করুণা। আছে।

শ্যামাদাস। না। নাই।

করুণা। আছে। আমি তোমার কাছে পত্নীত্বের সামাজিক অধিকারে পথ আগলে দাঁড়াতে আসি নি। এসেছি, ভালবাসার অধিকারে। আমার সে অধিকারে তুমি হস্তক্ষেপ ক'রতে পার না। আমি তোমাকে এ অস্ত্রায় ক'রতে দেব না। মাতুষ হ'য়ে মাতুষের সর্বনাশ ক'রতে দেব না। না—দেব না।

শ্যামাদাস। আমার কথা আমি পুনরুক্তি করছি করুণা। অবুঝ ভালবাসা biological emotion—তার কোন মূল্য আমার কাছে নাই। তোমার ওই আবেগময় বুজুক্ষার গ্রাসে আমি আমার জীবনের সাধনাকে আহুতি দিতে পারব না। দরজায় আঘাত দিল কেহ কে? অণিমা?

[অণিমার প্রবেশ]

অণিমা। হ্যাঁ শ্যামল। ওঁরা সকলে—। একি, করুণা?

শ্যামাদাস। এসেছেন সকলে?

অণিমা। হ্যাঁ, সকলেই এসেছেন। বাইরে অপেক্ষা ক'রছেন। করুণা, তুমি কখন এলে? এ কি করুণা, তোমার মুখ এমন কেন?

শ্যামাদাস। তুমি করুণাকে পাশের ঘরে নিয়ে যাও অণিমা। করুণা বোধ হয় অসুস্থ হ'য়ে পড়েছে।

অণিমা। কি হ'য়েছে?

শ্যামাদাস। (হাসিয়া) An outburst of biological emotion অণিমা; ওটার মাত্রাধিক্য হ'লেই মাতুষ অসুস্থ হ'য়ে পড়ে।

অণিমা। শ্যামল!

শ্যামাদাস। Please অণিমা, please—করুণাকে নিয়ে তুমি ওঘরে যাও। ভক্তলোকেরা বাইরে অপেক্ষা করছেন। (বাহিরের দিকে প্রস্থান)

অণিমা। করুণা!

করুণা। আপনি কি এখানে থাকেন মিলেস বোস?

অণিমা। শ্যামলের কথাটাই কি সত্যি করুণা? ভালবাসাকে কি তুমি দেহের উর্ধ্বে তুলতে পার নি?

করুণা। আমি জিজ্ঞাসা করছি মিসি, আপনি যখন এখানে ছিলেন, তখন কেন আপনি ওঁকে এই সর্বনাশা আবিষ্কারের পাপ থেকে নিবৃত্ত করলেন না? এই মহা অস্ত্রায় কেন ক'রতে দিলেন?

অণিমা। তার জন্তে এস করুণা, আমরা দু'জনে বুক ভাসিয়ে কাঁদব।
আগ্নেয়গিরির মাথায় মাথা ঠুকে সমস্ত রক্ত ঢেলেও তার আগুনকে আমি নেবাতে
পারি নি। আমি হেরে গেছি।

করুণা। কিন্তু আমি তো হারতে পারব না, হারব ব'লে তো আসি নি।
চলুন, আমি বাড়ীর ভেতর যাব (বাড়ীর ভেতর প্রস্থান। অণিমাও সঙ্গে গেল)

[অ্যাটনি, কর্মচারী ও শ্যামাদাসের প্রবেশ। শ্যামাদাসের হাতে একখানি
দলিল]

শ্যামাদাস। বহুন অমুগ্রহ ক'রে।

[অ্যাটনি ও কর্মচারী বসিল। শ্যামাদাস পড়িতে লাগিল]

অ্যাটনি। যেমন কথাবার্তা হ'য়েছে—দলিলেও ঠিক তাহ আছে।
Government-এর কাছে monopoly নিয়ে আমরা কারখানায় gas তৈরী
করব। Company-তে আপনার শেয়ার থাকবে। আপনিই থাকবেন manager,
তা ছাড়া production-এর ওপর royalty পাবেন। (শ্যামাদাস দলিলখানা
চোখের সম্মুখ হইতে নামাইল) Is is alright ! ঠিক আছে !

শ্যামাদাস। হ্যা। ঠিক আছে।

অ্যাটনি। Here is your cheque.

শ্যামাদাস। যুদ্ধকালে ব'লে এটা কি নিখেছেন ?

অ্যাটনি। যতদিন এই যুদ্ধ চলবে ততদিন কিন্তু আপনি এই কারখানার সঙ্গে
যুক্ত থাকতে, I mean, manager থাকতে বাধ্য থাকবেন। কারণ gas-এর
prospect একমাত্র এই যুদ্ধের সময়ই বেশী। যদি একবার gas ব্যবহারের
বর্ধিততা শত্রুপক্ষ আরম্ভ করে এবং আমাদের ধারণা, চরমতম পরাজয়ের পূর্বে
শত্রু তা করবেই, তখন this Death gas—

শ্যামাদাস। Yes, yes. কিন্তু—please wait a little—

অ্যাটনি। You see—মাহেন্দ্র লগ্ন রয়েছে আর দু'মিনিট, আমার client
এসবে ভয়ানক বিশ্বাস করেন। তাঁর একেবারে definite instruction আছে
যে, ৩টা ১৫ মিনিটে আপনি দলিল সই ক'রবেন। তিনি এখানে এসে পৌঁছবেন
ঠিক—৩টা ১৮ মিনিট। আর এক মিনিট আছে—Please—ভাঃ শাস্ত্রী—
here is your cheque—ধরুন, কলমটা ধরুন।

[শ্যামাদাস পিছাইয়া গেল]

অ্যাটনি। ভাঃ শাস্ত্রী !

শ্যামাদাস। (অ্যাটনির কথাগুলি আপন মনে মে আবৃত্তি করিল) চরমতম

পরাজয়ের পূর্বে শত্রুপক্ষ মরিয়া হ'য়ে gas ব্যবহার করবেই, তখন—

কর্মচারী। আর এক মিনিট বাকী রয়েছে স্তার।

অ্যাটর্নি। ডাঃ শাস্ত্রী!

শ্যামদাস। Yes.

অ্যাটর্নি। আর সময় নেই ডাঃ শাস্ত্রী—আমার client-এর দিন-রাতের উপর প্রগাঢ় বিশ্বাস। তাঁর বিশ্বাসের ওপর আপনি আঘাত করবেন না। নিন, আপনার চেক নিন। ধরুন—কলম ধরুন।

[বাহিরে মোটরের হর্ন বাজিয়া উঠিল]

অ্যাটর্নি। ডাঃ শাস্ত্রী আমার client এসে গেছেন। অতুগ্রহ ক'রে সই করুন। নইলে তিনি অত্যন্ত offended হবেন, shocked হবেন। ডাঃ শাস্ত্রী!

শ্যামদাস। করুণা! করুণা! (চারিদিক চাহিয়া দেখিল)

অ্যাটর্নি। আপনি কি অসুস্থ ডাঃ শাস্ত্রী?

[দরজার ওপাশ হইতে ঘোষালের কর্তব্যর শোনা গেল]

নেপথ্যে ঘোষাল। I congratulate you Dr. Sastri (প্রবেশ করিল)
You are great, really great. (হাত বাড়াইয়া) তোমার হাত দাও শাস্ত্রী
—আমরা এখন পরস্পরের বন্ধু!

অ্যাটর্নি। ডাঃ শাস্ত্রী, সইটা শেষ ক'রে দিন—(কলম বাড়াইল)

শ্যামদাস। No, I can't sign—I can't give you my hand.
করুণা। করুণা! তোমার কথা সত্য, তুমি ঠিক ব'লেছ—

[নেপথ্য হইতে অগিমার কর্তব্যর শোনা গেল]

নেপথ্যে অগিমা। শ্যামল! শ্যামল!

শ্যামদাস। অগিমা! করুণা!

[অগিমার প্রবেশ]

অগিমা। শ্যামল। করুণা laboratory-তে চুকে gas cylinder-এর
কুখ খুলে দিচ্ছে।

শ্যামদাস। সে কি?

অগিমা। তোমার Death gas-এ সেই প্রথম বসতে চায়।

শ্যামদাস। করুণা, তুমি জান না, there is explosive—টেবিলের
উপর explosive mixture রয়েছে করুণা! (রক্তমণ্ড ঘুরিল)

দৃষ্টান্ত

[প্রচণ্ড একটা শব্দ হইল। সমস্ত অঙ্ককার হইয়া গেল। অঙ্ককারের মধ্যে শ্যামাদাসের কণ্ঠস্বর শোনা গেল]

শ্যামাদাস। করুণা—করুণা! উঃ উঃ, it is terrible, করুণা—
অনিমা। শ্যামল! শ্যামল!

ষষ্ঠ দৃশ্য

[শ্যামাদাসের বাসা ডাঃ বোস এবং হেমন্ত]

হেমন্ত। ডাঃ বোস!

ডাঃ বোস। আস্তে হেমন্তবাবু। ডাঃ শাস্ত্রী ভেগে রয়েছেন—একটু পূর্বে আমার সঙ্গে কথা বলছিলেন।

হেমন্ত। ওর চোখ—

ডাঃ বোস। He is blind হেমন্তবাবু।

হেমন্ত। অঙ্ক!

ডাঃ। আস্তে হেমন্তবাবু।

[নেপথ্য হইতে অর্থাৎ পাশের ঘর হইতে শ্যামাদাসের কণ্ঠস্বর ভাসিয়া আসিল]

নে-শ্যামাদাস। সে আমি জানি ডাঃ বোস, সে আমি জানি।

নে-অনিমা। শ্যামল! শ্যামল!

নে-শ্যামাদাস। উতলা হ'য়ো না অনিমা, এই নাও, আমার হাত ধর।

ডাঃ বোস। আপনি একটু ওঘরে যান হেমন্তবাবু। উনি বোধ হয় আসছেন। আপনার উপস্থিতি জানতে পারলে কি জানি যদি উনি উত্তেজিত হন তবে হয়তো খারাপ হ'তে পারে।

[হেমন্তের প্রস্থান। দরজা খুলিয়া শ্যামাদাস ও অনিমা প্রবেশ করিল। শ্যামাদাসের দুই চোখে ব্যাণ্ডেজ বাঁধা। অনিমা তাহার হাত ধরিয়া ছিল]।

শ্যামাদাস। আমার হাতে তৈরী explosive mixture-এর explosion-এ আমার চোখ নষ্ট হ'য়ে গেছে। (ব্যাণ্ডেজ খুলিয়া) Yes, I am blind—কিন্তু তাকে প্রকৃতির প্রতিশোধ বললে, নিয়তির পরিহাস বললে, আমি আপত্তি করব। It was an accident. ডাক্তার, টেবিলের উপর explosive রেখেছিলাম। করুণা গ্যান-সিলিঙারের মুখ খুলবার চেষ্টা করছিল। আমি তাকে সাবধান করতে ছুটে গেলাম। আমার হাত লেগে পড়ে গিয়ে mixture-এর

টিউব explode করল, আমার চোখে লাগল আঘাত। করুণা আহত হ'ল।
নিয়তি প্রকৃতি লোকে যা বলে বলুক, ডাঃ বোস, এই কথাটা আপনি বলবেন না।
It was an accident

ডাঃ বোস। আপনি বসুন, আপনি বসুন ডাঃ শাস্ত্রী।

অগনিমা। এই যে, এই যে, ব'স শ্রামল, তুমি ব'স। তুমি কাঁপছ।

শ্রামাদাস। হ্যাঁ। এখনও shock-টা আমি কাটিয়ে উঠতে পারি নি।
(অগনিমা তাহার হাত ধরিয়া চেয়ারে বসাইয়া দিল) It was an accident
Dr. Bose—an accident.

ডাঃ বোস। হাঁ, ডাঃ শাস্ত্রী।

শ্রামাদাস। ডাঃ বোস, একটা কথা আমাকে সত্য বলবেন? আমার মনের
কাঠিন্দ্র আপনি জানেন। সংসারের নিষ্ঠুরতম দুঃসংবাদ আমি অবিচলিত মনে
সহ্য করতে পারি—

ডাঃ বোস। মিসেস শাস্ত্রী সতাই বেঁচে আছেন ডাঃ শাস্ত্রী।

শ্রামাদাস। অগনিমাও আমাকে সেই কথা বললে! কিন্তু তবু আমার মনে
হচ্ছিল—আমার এই অবস্থায় সে আমাকে সাহসনা দেবার জন্যেই, হয়তো মিথ্যা
সাহসনা দিচ্ছে। তুমি রাগ ক'রো না অগনিমা।

ডাঃ বোস। না, ডাঃ শাস্ত্রী, অগনিমা মিথ্যা কথা বলে নি! মিসেস শাস্ত্রী
আহত হয়েছেন—explosion-এর ফলে একটা কাচের টুকরো তাঁর কাঁধের পাশে
চুকে গিয়েছিল। অতিরিক্ত রক্তপাতের ফলে তিনি অজ্ঞান হয়ে রয়েছেন, কিন্তু
তিনি বেঁচে আছেন।

শ্রামাদাস। Accidents are so peculiar sometimes—সময়ে সময়ে
এমন অদ্ভুত অ্যাকসিডেন্টগুলো ঘটে ডাক্তার বোস—যে, মানুষ বুঝতে না পারে
ইপিয়ে ওঠে। অদৃষ্ট—নিয়তি। কে বাতাস করছে? চুড়ির ঝঙ্কার শুনছি,
অগনিমা, তুমি?

অগনিমা। হ্যাঁ শ্রামল, তুমি ঘামছ। তোমার বিশ্রামের প্রয়োজন। তুমি চুপ কর।

শ্রামাদাস—Yes. That I should and that I must. বিশ্রাম
নেওয়াই আমার উচিত। আমি বাঁচতে চাই; পৃথিবীকে আমার দেবার কিছু
মাছে—তার চেয়েও বেশী কিছু আছে নেবার—করুণার কাছে। ডাক্তার বোস
করুণা কি বাঁচবে?

ডাঃ বোস। সেই আশাই আমি করি ডাঃ শাস্ত্রী! আমি Blood Bank-এ
লোক পাঠিয়েছি—telegram ক'রেছি। প্রতি মুহূর্তে expect করছি blood
syrum এসে পড়বে।

শ্যামাদাস। সেবার করুণা তুল ক'রেছিল। সম্ভানহীনতার ক্ষোভে সে তার biological emotion—কিন্তু এবার তার তুল নয়। সে ঠিক ব'লেছিল। পৃথিবীর অবস্থা, তার সমাজ-ব্যবস্থা যতদিন এই রকম থাকবে, স্বার্থে লোভে হিংসায় যতদিন মানুষ জঙ্কর, ততদিন মৃত্যুশক্তিকে তার আয়ত্তাধীন ক'রে তার হাতে তুলে দেওয়া উচিত নয়। শিশুর হাতে বিষ তুলে দেওয়ার মতই সে গুরু অপরাধ। ডাঃ বোস, আপনি বুঝতে পারবেন, যখন আমি এই শক্তিকে আবিষ্কার ক'রেছিলাম, তখন আমি এসব ভাবিই নি। তখনকার সে আনন্দ, উঃ, ডাঃ বোস—

ডাঃ বোস। আমি জানি ডাঃ শাস্ত্রী।

শ্যামাদাস। সেই আনন্দের ভাগ আমি দিতে চেয়েছিলাম মানুষকে। করুণা এসে প্রতিবাদ ক'বলে, অল্পরোধ ক'রলে, আমি তখন সেটাকে সত্য ব'লে মানতে পাবি নি। (উঠিয়া) সেটা সত্যও ঠিক নয় ডাঃ বোস।

অণিমা। শ্যামল, শ্যামল, তুমি ব'স।

ডাঃ বোস। ডাঃ শাস্ত্রী, আপনি উত্তেজিত হচ্ছেন।

শ্যামাদাস। আপনাদের ধনুবাদ জানিয়ে থাটো ক'রব না। আমি উত্তেজিত হচ্ছি। অণিমা, আমাকে ধ'বে বসিয়ে দাও (অণিমা শ্যামাদাসকে বসাইয়া দিল) ডাক্তার বোস, ওই শক্তি আবিষ্কার ক'বা আমার অন্তায় হয় নি। সাপেব বিষ থেকে ওষুধ আবিষ্কার হ'য়েছে। ভাবীকালে ওই মৃত্যু-শক্তিকেই বিশ্লেষণ ক'রে অমৃত আবিষ্কার হ'ত এবং হবে। আমি তাই মানতে পারি নি করুণার কথা। কিন্তু অ্যাটর্নির সঙ্গে কথা ব'লে তার স্বার্থান্ধ বিষয়-বুদ্ধির পরিচয় পেয়ে আমার বিধা হ'ল, তারপর যে মুহূর্তে ব্রজবিহারী ঘোষাল ঘরে ঢুকে আমার দিকে হাতখানা বাড়িয়ে দিলে, বুঝলাম—দিনের আলোর মত বুঝলাম—হানকালের আবেষ্টনীতে, করুণার কথাই সত্য। আমি চেষ্টা করে ডাকলাম—করুণা। তখন দেবী হ'য়ে গেছে ডাক্তার বোস—

অণিমা। জান শ্যামল, করুণা গ্যাস-সিলেণ্ডার খুলে দিয়ে ম'রতে চেয়েছিল ? তোমার নিষ্ঠুর আবিষ্কারের সে প্রথম victim—প্রথম বলি হ'তে চেয়েছিল। যাতে তুমি তার প্রতিবাদের সত্য বুঝতে পার, স্বীকার ক'রতে পার।

শ্যামাদাস। বুঝতে পেরেছি, কিন্তু খানিকটা দেবী হ'য়ে গেছে অণিমা। তাই—তাই ডাঃ বোস, করুণাকে আপনি ঝাঁচিয়ে দিন। আজ আমি স্বীকার করছি তার ভালবাসা, আমার প্রতি তার আকর্ষণ জৈবিক প্রবৃত্তি নয়। গাছেব রস থেকেই বিকশিত ফুলের মত সে বিচিত্র, অফুরন্ত তার রূপ, অপূর্ণ আশ্বাদ

তার মৰ্খকোষের মধুর—সুন্দরতর মহন্তর বস্তু ! ডাঃ বোস, আমি করুণার সেই ভালবাসা প্রাণ ভ'রে পেতে চাই। আমি অন্ধ, করুণার চোখ আছে, তার চোখ দিয়ে আমি দেখতে চাই। (অনিমার হাত হইতে পাখাখানা পড়িয়া গেল) কি হ'ল ?

অনিমা। কিছু না। তুমি চূপ কর শ্যামল। তুমি শ্রান্ত হ'য়েছ, তুমি কি বুঝতে পারছ না ?

শ্যামদাস। তোমার প্রীতিকে আমি আজ সৰ্ব্বান্তঃকরণে স্বীকার ক'রছি।

অনিমা। তুমি অত্যন্ত emotional হ'য়ে উঠেছ শ্যামল, কিন্তু তুমি তো জান আমি emotion-কে অত্যন্ত ঘৃণা করি—I hate it,

ডাঃ বোস। অনিমা, ডাঃ শাস্ত্রীর বিশ্রাম দরকার। ডঃ শাস্ত্রী, আমি চিকিৎসক হিসাবে আপনাকে অহরোধ করছি আপনি একটু বিশ্রাম করুন। চেষ্টা করুন !

শ্রামাদাস। আমি, আমি আর কথা কইব না ডাঃ বোস।

বোস। আমি নাম'কে পাঠিয়ে দিচ্ছি।

শ্রামাদাস। অনিমা থাকলে আমি বেশী শক্তি পাব ডাঃ বোস।

বোস। (হাসিল) কিন্তু আপনি কথা কইবেন না।

শ্রামাদাস। ডাক্তার বোস।

ডাঃ বোস। বলুন।

শ্রামাদাস। Blood syrum কখন আসবে ব'লে আশা করেন ?

ডাঃ বোস। ঘণ্টাখানেকের মধ্যে কলকাতা থেকে ট্রেন আসবে। আপনি যুমন। আমার উপর নির্ভর করুন ডাঃ শাস্ত্রী। (প্রস্থান)

[শ্রামাদাস কয়েক মুহূর্ত স্তব্ধ হইয়া রহিল, অনিমা সহসা চোখ ফিরাইয়া নিজের চোখ মুছিল]

শ্রামাদাস। গরম কিছু যেন পড়ল আমার রুপালে ? (হাত দিয়া) জল ? গরম জল ! অনিমা, তুমি কাঁদছ ?

অনিমা। হ্যাঁ শ্যামল, চোখের জল আমি রাখতে পারলাম না।

শ্যামদাস। কেন অনিমা ?

অনিমা। না শ্যামল, সে কথা তোমায় আমি এখন বলতে পারব না।

শ্যামদাস। অনিমা, তবে কি করুণা বাঁচবে না ? (অনিমা কোন উত্তর দিল না)

শ্যামদাস। অনিমা !

অনিমা। ডাঃ বোস তোমাকে মিথ্যে কথা বলেন নি শ্যামল। কিন্তু তোমাদের এই অবস্থা দেখে চোখের জল আমি রাখতে পারছি না। কিন্তু তুমি ঘুমোতে চেষ্টা কর শ্যামল।

শ্যামাদাস। তুমি আমার মাথায় হাত বুলিয়ে দাও অনিমা।

[ডাঃ বোস নিঃশব্দ পদক্ষেপে দেখা দিলেন, তাহার পিছনে হেমন্ত —তিনি ইঙ্গিতে অনিমাকে ডাকিলেন। শ্যামাদাস স্তব্ধ হইয়া ঘুমন্তের মত রহিয়াছে। অনিমা সন্তর্পিত পদক্ষেপে বাহিরে গেল। হেমন্ত সন্তর্পিত পদক্ষেপে ঘবে প্রবেশ করিয়া কাছে আসিল।]

শ্যামাদাস। কে? কে তুমি? অনিমা তো বাহরে গেল। কে তুমি?
ডাঃ বোস আপনি? না। পাষেব শব্দ অপবিচিত মনে হচ্ছে! কে তুমি?
(ঈর্ষ উত্তেজিতভাবে) কে তুমি? কে?

হেমন্ত। আমি।

শ্যামাদাস। কে? কে?

হেমন্ত। বড়দা', আমি হেমন্ত।

শ্যামাদাস। হেমন্ত! হেমন্ত!

হেমন্ত। ই্যা বড়দা'।

শ্যামাদাস। (উঠিয়া দাড়াইল) বলতে পারিস্ হেমন্ত, তুই কি জানিস্—

হেমন্ত। বড়দা', তুমি যে কাঁপছ! ব'স, ব'স তুমি, ব'স। (সে শ্যামাদাসের দিকে অগ্রসর হইল)

শ্যামাদাস। (শব্দ লক্ষ্যে হেমন্তের দিকে অগ্রসর হইল) মা কেমন আছেন তুই জানিস্? কোথায় আছেন তিনি? হেমন্ত!

হেমন্ত। ভাল আছেন, তিনি ভাল আছেন। ব'স ব'স তুমি বড়দা'। তুমি কাঁপছ।

শ্যামাদাস। আমায় ও ঘরে নিয়ে চল, আমি শুতে চাই। (হেমন্ত তাহাকে ধরিয়া লইয়া চলিল) কিন্তু তুই আমাকে মিথ্যে কথা বলে সাহসনা দিলি হেমন্ত। আমি জানি মায়ের মাথা খারাপ হ'য়ে গেছে। ডাঃ বোস অনিমাকে চিঠি লিখেছিলেন অসাবধানতাবশে অর্থাৎ চিঠিখানা ফেলে রেখেছিল টেবিলের ওপর। 'মিসেস শাক্তী' কথাটা আমার চোখে পড়তে আমি চিঠিখানা পড়েছিলাম।

হেমন্ত । বড়দা'

শ্যামাদাস । আমায় ও ঘরে নিয়ে চল হেমন্ত । আমি শুতে চাই ।

[উভয়ের প্রস্থান]

[অনিমা ও ডাঃ বোসের প্রবেশ]

ডাঃ বোস । (হাতে telegram) শুখানবার চাহিদাই Blood Bank মেটাতে পারছে না, কলকাতায় একটা বড় air raid হ'য়ে গেছে । বাইরে ওরা blood পাঠাতে পারবে না ।

[অনিমা শূন্য দৃষ্টিতে সম্মুখের দিকে চাহিয়া ছিল]

ডাঃ বোস । ডাঃ শাস্ত্রী অসাধারণ শক্ত মানুষ । কিন্তু এই accident যেন ঠেকে প্রচণ্ড একটা নাড়া দিয়েছে । এ শক ওর পক্ষে অগ্ৰস্তু কড় আঘাত হবে । আমি ভাবছি, ঠেকে আমি কি বলব ? অ্যানি !

[অনিমা তাহার দিকে ফিরিয়া চাহিল]

ডাঃ বোস । তুমি কি আমাকে এই কড় কব্ৰঘোর হাত থেকে রেহাই দিতে পার ? ডাঃ শাস্ত্রীকে এই ভঃসংবাদটা জানাতে পার ? মিসেস শাস্ত্রীও মৃত্যুর পূর্বে তাঁকে প্রস্তুত ক'রে রাখতে চাই আমি । অ্যানি ।

অনিমা । তুমি তো জান আমার রক্ত সকলকে দিতে পারি আমি—
Universal donor.

বোস । অ্যানি !

অনিমা । আমি রক্ত দিতে চাই । করুণাকে আমি বাঁচাতে চাই ।

বোস । কিন্তু তোমার damaged heart-এর কথা জেনে—

অনিমা । (হাসিয়া উঠিল) I have got no heart.

বোস । অনিমা !

অনিমা । তুমি আমায় একদিন মুক্তি দিতে চেয়েছিলে, মনে আছে ? (বোস অনিমার মুখের দিকে চাহিল, অনিমা তাহার কাছে আসিল) আজ আমি তোমার কাছে সেই মুক্তি চাইছি । তুমি আমাকে মুক্তি দাও । (বোস তাহার মুখের দিকে চাহিয়া রহিল) আজ তোমাকে আমি বলছি I love him, শ্যামলকে আমি ভালবাসি । কিন্তু সে করুণাকে আমার চেয়ে ঢের বেশী ভালবাসে । ঢের বেশী কেন, হয়তো পৃথিবীর মধ্যে ওই একটি নারীকেই সে ভালবাসে । তাই—তাই আমি তাকে বাঁচাতে চাই । আমার রক্তের উষ্ণ ব্যাকুল কামনা করুণার দেহের মধ্যে গিয়ে সার্থক হবে তার স্পর্শে তার সমাদরে । (তারপর শাস্ত্রীর) তা ছাড়া এমন কিছু বিপদের কথা এটা নয় ।

ডাঃ বোস। কিন্তু তোমার emotion-কে আমি ভয় করছি। তোমার damaged heart-কে আমার ভয় অনিমা।

অনিমা। যদিও কিছু বটে, তার জন্তেই তো তোমার কাছে মুক্তি চেয়ে রাখছি।

বোস। অ্যানি! (হাত চাপিয়া ধরিল)

অনিমা। কি হ'ল?

বোস। তোমার চোখ, তোমার দৃষ্টি—

অনিমা। (হাসিয়া বাধা দিয়া বলিয়া উঠিল) ভ্রম—তোমার মনের ভ্রম।

বোস। অনিমা, তুমি হেসো না।

অনিমা। ডাক্তার, রোগীর জীবন তোমার হাতে। মুহূর্তে মুহূর্তে দেবী হ'য়ে যাচ্ছে। ডাক্তার! (হাত ধরিয়া বাঁকি দিল)

বোস। (হাসিল—সঙ্গে সঙ্গে একটা দীর্ঘনিঃশ্বাস ফেলিল) চল।

[অনিমা গানের একটি কলি গুঞ্জন করিতে করিতে অগ্রসর হইল।

নেপথ্যে শ্যামাদাসের কণ্ঠস্বর শোনা গেল]

নে-শ্যামা—ডাক্তার! ডাক্তার! ডাক্তার বোস!

[শ্যামাদাস প্রবেশ করিল]

হেমন্ত। এ ঘরে তো কেউ নেই।

শ্যামাদাস। অনিমা! অনিমা!

নে-অনিমা। শ্যামল! শ্যামল!

শ্যামাদাস। অনিমা, করুণার জন্তে রক্ত কি পাওয়া গেছে অনিমা?

নে-অনিমা। গেছে শ্যামল, পাওয়া গেছে। (এক কলি গান)

নে-ডাঃ বোস। অনিমা, please অনিমা! (নেপথ্যে অনিমা খিলখিল করিয়া হাসিয়া উঠিল) অনিমা! অনিমা! অনিমা!

শ্যামাদাস। ডাঃ বোস। কি হ'ল ডাঃ বোস! ডাঃ বোস! (খুঁজিতে খুঁজিতে অগ্রসর হইল)

[বঙ্গমঞ্চ ঘুরিল]

[শ্যামাদাস আসিয়া ঘরে প্রবেশ করিল। ঘরে দুইটি শয্যা—একটি শয্যায় শুইয়া আছে করুণা। অপর শয্যায় অনিমার দেহ। পাশে নাস। ডাঃ বোস একখানি চাদর ঢাকিয়া দিলেন]

শ্যামাদাস। ডাঃ বোস।

বোস। মিসেস শাস্ত্রী নিরাপদ বলেই মনে হচ্ছে ডাঃ শাস্ত্রী।

শ্যামাদাস। আমি একবার স্পর্শ ক'রে দেখতে পারি না ডাঃ বোস !

বোস। (হাত ধরিয়ে করুণার বিছানার পাশে আনিয়া) অত্যন্ত সতর্পণে স্পর্শ করবেন। আপনাকে বেশী বলতে হবে না ডাঃ শাস্ত্রী।

শ্যামাদাস। (মুখে হাত বুলাইয়া) করুণা, wake up, জাগ করুণা। জেগে ওঠ। তোমার দৃষ্টি দিয়ে আমাকে পৃথিবীকে দেখাও। হ্যাঁ ডাক্তার বোস, করুণা বেঁচেছে, তার কোমল উত্তপ্ত মুখের স্পর্শ আমাকে বলছে, সে বাঁচবে। কিছু অগিমা কষ্ট। সে যে আমায় ডাকলে, সে কই ? অগিমা !

বোস। সে এ ঘরে নেই ডাঃ শাস্ত্রী।

শ্যামাদাস। সে কোথায় গেল ? সে আমায় বলেছিল, ডাক্তার বোস বলেছেন—শ্যামল, তোমার করুণা বাঁচবে। সে কোথায় গেল ? অগিমা, অগিমা ! এইমাত্র যে তার খিলখিল হাসি শুনলাম।

ডাঃ বোস। ডাঃ শাস্ত্রী, খেলানী হৃদয়হীনা অগিমাকে আপনি তো জানেন। মিসেস শাস্ত্রীর অবস্থার উন্নতি দেখেই সে এমনি ক'রে হাসতে হাসতে চ'লে গেল—এখান থেকে চ'লে গেল।

[শ্যামাদাস উঠিয়া আসিতে উজ্জত হইল]

ডাঃ বোস। এদিকে নয়, এদিকে নয়। এই—এই আমার হাত ধরুন ডাঃ শাস্ত্রী।

[নেপথ্যে হনের শব্দ শোনা গেল]

শ্যামাদাস। ওই, ওই কি অগিমা চ'লে গেল। অগিমা ! অগিমা !

নে-হেমন্ত। ডাঃ বোস, ডাঃ বোস !

[হেমন্তের প্রবেশ]

হেমন্ত। ডাঃ বোস। (ইঙ্গিত করিল)

শ্যামাদাস। হেমন্ত !

ডাঃ বোস। কি হেমন্তবাবু ? (আগাইয়া গেল)

হেমন্ত। জ্যাঠাইমা এসেছেন ডাঃ বোস।

[ইতিমধ্যে শ্যামাদাস চলিতে গিয়া অগিমার শয্যাপার্শ্বে উপস্থিত হইয়া পায়ে খাটের বাজুতে আঘাত পাইয়া বিছানার উপর হাত দিয়া আত্মরক্ষা করিল। সঙ্গে সঙ্গে সে অতুণ্ডব করিল—অগিমার দেহ]

শ্যামাদাস। একি ? ডাঃ বোস, এ কি ? একে ? ঠাণ্ডা শব্দ এ কি।
এ কে ডাঃ বোস ?

হেমন্ত ? এ কি ? এ কি ? ডাঃ বোস—

ডাঃ বোস। হেমন্তাবাবু। (ঈঙ্গিত করিলেন—চুপ করুন) ডাঃ শাস্ত্রী।

শ্যামাদাস। এ কি। Tall slim, দীর্ঘদেহ এ কে! কাপড়ের চুলের মিষ্টি গন্ধ, কানের এই লম্বা চুল। ডাঃ বোস!

ডাঃ বোস। হ্যা ডাঃ শাস্ত্রী, অণিমা।

শ্যামাদাস। অণিমা। ডাঃ বোস, কি বলছেন।

ডাঃ বোস। ক'লকাতায় Blood Bank থেকে রক্ত পাওয়া যায় নি ডাঃ শাস্ত্রী। অণিমা ছিল universal donor, সে রক্ত দিলে। তাকে আমি বারংবার ক'রেছিলাম। ওর হাট'ও ডায়ামেজ ছিল। তাতেও কিছু হ'ত না। ডাঃ শাস্ত্রী she loved you, মিসেস শাস্ত্রীকে বাঁচিয়ে তার মধ্যে সে বেঁচে থাকতে চেয়েছে। ইচ্ছে ক'রে সে চোঁচালে হাসলে। ডাঃ শাস্ত্রী সে আপনাকে না পেয়ে বেঁচে থাকতে পারলে না।

শ্যামাদাস। অ্যানি! অ্যানি! অ্যানি!

ডাঃ বোস। ডাঃ শাস্ত্রী! Please বিচলিত হবেন না। আত্মসম্বরণ করুন।

শ্যামা। হ্যা ডাক্তার বোস! আমাকে আত্মসম্বরণ করতে হবে।

নেপথ্যে শৈলজা। শ্যামাদাস। ওরে শ্যামাদাস! ওরে তুই কোথায়? ওরে, আমার সব ভেঙে চূবমার হ'য়ে গেল রে! গোবিন্দজী পাথর হ'য়ে গেল। আমার মনের দেউল ভেঙে গল, আমি আজ কি নিয়ে থাকব তোকে ছাড়া? তুই আমার গোপাল। শ্যামাদাস!

ডাঃ বোস। ডাঃ শাস্ত্রী আপনার মা।

শ্যামাদাস। আমার মা! ডাঃ বোস, এ ঘরে নয় ডাঃ বোস। ও ঘরে নিয়ে চলুন!

[Dr. Bose চাদর দ্বারা অণিমার দেহ ঢাকিয়া দিলেন]

শ্যামাদাস। ডাঃ বোস, আমি স্বীকার করছি, এই যদি ভালবাসা হয়, তবে Love is God, and if there is God—God is Love.

যবনিকা

বিগ্রহ প্রতিষ্ঠা

[অজয়ের তীরে একখানি গ্রামে একটি আখড়া । আম-জাম-কাঠালের গাছ । গাছগুলির বয়স দশ-বারো বৎসরের বেশি নয় । গুটি-চারেক নারকেল গাছ । তাল নারকেল গরুতে মুখ না দিলে, পরিচর্চা ভালো হ'লে বারো বছরেই ফল দেয় । গাছে নারকেল এখনও ফলে নি । তবে ফলবে শীঘ্র তাতে ভুল নেই । গাছগুলি সতেজ পুষ্টিতে বেড়ে উঠেছে ।

আখড়াটির বয়সও বারো বছর । ঘর-দোরগুলি বারো বছরে খুব পুরানো নয় । তার উপর বারান্দায় কিছুদিন আগে টিন পড়েছে । বাঁধানো হয়েছে । তাতে নতুন বলে মনে হয় । অঙ্গনটি ঝকঝক তকতক করছে । তাতে পরিচ্ছন্ন নিকানো । ছোট একটি ধানের মরাই । ওদিকে একটি গোশালা সামনে একটি ছোট পরিপাটি ঘর । ঘরখানি পূজা-মন্দির ।

আখড়ার মালিক কুৎসিতদর্শন গোবিন্দ দাসের বয়স পঞ্চাশ । সবল স্বাস্থ্যবান মাহুষ, রুঢ় গঠন । আখপাকা লম্বা চুল, কপালে তিলক, নাকে রসকলি, মাথার লম্বা চুলগুলি রাখালচূড়া ক'রে ব্রহ্মতালুতে ঝুঁটি ক'রে বাঁধা, গোবিন্দ দাস ছপুরুবেলা দাঁড়ায় বসে শনের দড়ি পাকাছিল আর আপন মনেই গুনগুনিয়ে গান করছিল]

মধুর মধুর বংশী বাজে কদমতলে কোথায় ললিতে—

কোন মহাজনে পারে বলিতে ?

(আমি) পথের মাঝে পথ হারালাম ব্রজে চলিতে,

কোন মহাজনে পারে বলিতে !

ও পোড়া মন, হায় পোড়া মন !

ভুল করিনি চোখ তুলিনি পথের ধূলা থেকে ;

রাই যে আমার রাঙা পায়ে ছাপ গিয়েছে এঁকে—

মনের ভূলে গলিপথে ঢুকলি রে তুই বৈকে !

পোড়া মন পথ হারালি পা বাড়ালি (সম্রাবলীর) কুঞ্জে গলিতে ।

[প্রবেশ করলে একজন ব্রাহ্মণ]

ব্রাহ্মণ । কি গো বাবাজী, আজ ঘরে ব'সে ?

গোবিন্দ । (হেসে বললে) ঘর কৈহু বাহির—বাহির কৈহু ঘর, বাদ আজ থেকে বাবা ।

ব্রাহ্মণ। কি রকম! হঠাৎ এমন মতি ফিরল?

গোবিন্দ। নাঃ, আর ভিক্ষেয় বেরব না। এইবার ঠিক করেছি, ঘরেই সাধনভজন করব। মন্দিরে মহাপ্রভু নিত্যানন্দ প্রতিষ্ঠা করব, ওই নিয়েই থাকব।

ব্রাহ্মণ। বটে বটে! আজ শুনলাঘ, কৃষ্ণদাস বাবাজীর আখড়ার দখল নিচ্ছে। আদালতের লোক এসেছে। তোমার তরফে কে গিয়েছে?

গোবিন্দ। আমার তরফে গিয়েছেন হরি ঘোষ।

ব্রাহ্মণ। হরি ঘোষ! ইঁ, সে জাঁদরের লোক বটে, তা—। তা আখড়া সম্পত্তি-বিগ্রহ সব নিলেম হয়ে গিয়েছে?

গোবিন্দ। ইঁ। সব। কৃষ্ণদাসের বাপ আখড়া করে বিগ্রহ প্রতিষ্ঠা করেছিল। দেবোত্তর কিছু করেনি। কৃষ্ণদাস পাঁচ শো টাকা ধার নিয়েছিল, সব বন্ধক দিয়ে। মহাজন গাঙুলী ভেবেছিলেন, বিগ্রহ বন্ধক রাখলে টাকাটা যে ক'রে হোক পাবেন। তা কৃষ্ণদাস বাবুগিরি ক'রেই গেল। বৈষ্ণবের আচারও মানে না, বাপ বিগ্রহ ক'রে গিয়েছে। আছে ওই পর্যন্ত। সম্পত্তি মাত্র পাঁচ বিঘে ডাড়া জমি। তাতে কুলোবে কেন? গোকুলে গোবিন্দের মত স্ত্রী আসলে হাজার টাকা হ'ল যখন, তখন নালিশ করতে হ'ল; করলে। কিন্তুবন্দী হ'ল। সে কিন্তু খেলাপ যখন হ'ল, তখন আমি খবর পেয়ে গিয়ে পুরো টাকা দিয়ে ডিগ্রি কিনে জারি করলাম। এইবার দখল।

[ব্রাহ্মণ কিছুক্ষণ চুপ করে থেকে একটা দীর্ঘনিঃশ্বাস ফেললে]

গোবিন্দ। দুঃখ হ'ল নাকি ঠাকুরের?

ব্রাহ্মণ। দুঃখ? না। দুঃখ কিসের বল?

গোবিন্দ। সে তুমিই বলতে পার। আমি কি ক'রে বলব, বল?

ব্রাহ্মণ। তোমার আখড়াটি বেশ, অজয়ের একেবারে ওপরে। লোকে বলে, অজয়ের জলের ছলছলানির মধ্যে জয়দেব প্রভুর পদ শোনা যায়। গোবিন্দ। ও মহত্তের কথা মহত্তে বোঝে। মেঘের কথা মঘুরে বোঝে, কদমতলায় বাজে বাঁশী—সবার মাঝে রাই উদাসী। বলে লোকে শুনি! যার কান আছে সে শুনতে পায়।

ব্রাহ্মণ। তুমি! তুমি নিশ্চয় শুনতে পাও।

গোবিন্দ। হরিবোল, হরিবোল; ঠাকুর, কালাতে বাস্তি শুনতে পায় একমাত্র ঢাকের, কানাতে ফুল দেখে সর্ষের, খোঁড়াতে নাচ দেখে ঢেঁকির। আমি

বাবা কানা খোঁড়া কালার দলে। অজয়ের জলে আমি গ্রীষ্মকালে শুনি-
কুল কুল, কুল কুল। আর বর্ষায় শুনি, কুল ভাঙ, কুল ভাঙ! জোড়
হাত ক'রে অজয়কে বলি—আমার ঘর বাদে বাবা, আমার ঘর বাদে।
(একটু হেসে) আমাকে তোষামদ ক'রে ফল হবে না ঠাকুর। আমি
জানি তুমি কৃষ্ণদাস বাবাজীর চর। তুমি ওর সঙ্গে গাঁজা খেতে, এক
লঞ্চে ষাট্চার দলে অ্যাকটো ক'রে বেড়াতে। আমি জানি।

ব্রাহ্মণ। কঙ্কুষ বোরেরী কোথাকার, আমি রে ?

গোবিন্দ। কঙ্কুষ বললে রাগ করব না। বোরেরী ? ই্যা, তাও আমি
বটেই, কিন্তু তুমি বামুন—কেষ্ট বোষ্টমের চর। ওর মাথা তুমিই খেয়েছ।

ব্রাহ্মণ। খবরদার বলছি, মুখ সামলে কথা বলবে। তোমার দফা আমি
নিকেশ ক'রে দোব।

গোবিন্দ। তা দেবে। তবে আমি তার আগে হিসেব না ক'রে ছাড়ব না।
শোন ঠাকুর, (খপ করে হাত চেপে ধরল) এই নদীর ধারে আখড়াতে
আমি বারো বছর কাটিয়ে আসছি। বোষ্টম হ'লেও গান গেয়ে ভিক্ষের
সময় ছাড়া হরিনামের সময় হয় না আমার, একা কোদাল চালিয়ে জমি
করেছি, এই ঘর করেছি। আমার চালের বাতায় ওই দেখ হৈসো
আছে। বল তো ঠাকুর, তোমাকে কে পাঠিয়েছে? কোনকালে ইাটো
না, তুমি ষাট্চার দলের রাণীমা সঙ্গে বেড়াও, হঠাৎ আজ সংক্রান্তি
পুরুষের মত এখানে কেন বল। নইলে হাতখানি ছাড়ব না।

ব্রাহ্মণ। ছেড়ে দাও। ছেড়ে দাও বলছি।

গোবিন্দ। না। বল আগে।

ব্রাহ্মণ। এইবার আমি চোঁচাব।

গোবিন্দ। তবু ছাড়ব না। শোন ঠাকুর, মাথার আমার গোলমাল আছে।
আমি পাগল হয়েছিলাম এক সময়। আমার ঘর ছিল, ঘর আলো
করা জ্বী ছিল ভগবানে মতি ছিল। হঠাৎ পাগল হয়ে গেলাম। কান্দতাম।
শুধু কান্দতাম। চার বছর কঁদে বেড়িয়েছি পথে পথে। তার পরে ভাল
হলাম। এখানে এসে আখড়া বাঁধলাম। শোন, আমার সেই মাথার
গোলমাল এখনও মধ্যে মধ্যে ওঠে, এখানকার লোক জানে, আমি রাত্রে
পাগলের মত ঘুরি উঠোনে, তুমিও জান। আমার সেই রোগ তুমি
উঠিয়ে না। ঠাকুর!

[ব্রাহ্মণ ভয় পেলে এবার। গোবিন্দের চোখ দুটো লাল হয়ে উঠেছে।]

তার দেহ যেন ফুলছে। শরীর তার সত্যিই যেন পাথরের]

ব্রাহ্মণ। আমি বলছি। আমি বলছি।

গোবিন্দ। বল।

ব্রাহ্মণ। পাঠিয়েছে আমাকে কৃষ্ণদাসের জী।

গোবিন্দ। কৃষ্ণদাসের জী? কৃষ্ণদাস জানে না?

ব্রাহ্মণ। তার জানা আর না-জানা? জান তো, সে এখন একটা ছোট আভেক্স
মেয়ে নিয়েই উন্নত। আহ্লাদী তার নাম।

গোবিন্দ। জানি। আহ্লাদীকে জানি না? রাত্রির অন্ধকারে সে সর্বনাশী
মোহিনী? তাকে জানি না? কৃষ্ণদাসের সঙ্গে তার প্রেমও জানি।

ব্রাহ্মণ। সেই। তার বাড়িতেই এক রকম থাকে সে, ঝায় শোয়-সব সেইখানে।
আজকাল আবার গুলি খেতে শিখেছে।

গোবিন্দ। বলহরি, বলহরি! তারপর? কি বলেছে কৃষ্ণদাসের বোষ্টুমী?
কৃষ্ণদাসের বোষ্টুমীর তো এককালে রূপসী বলে খ্যাতি ছিল গো!
এখনও তো তার রূপ আছে, বয়সও তো বেশি নয়। তিরিশ। আমি
একদিন গান গাইতে গিয়েছিলাম ও-আখড়ায়, বেশ রূপসী, তাতেও
কেউনাসের এই মতি?

ব্রাহ্মণ। তবু তার এই মতি। কি বলব বল বাবাজী! আমিও পাপের ভাগী।
এককালে তখন আমাদের প্রথম যৌবন। কেউনাসের বাপের কিছু পয়সা
ছিল, কেউ সেই পয়সায় নতুন ফুটি করতে লেগেছে। যাত্রার দলে
চুকেছিল। জয়দেবের মেলায় গেলাম; সেখানে দেখা এক বামুনের
মেয়ের সঙ্গে। নতুন বউ। রূপ যেন কেটে পড়ছে। গোবিন্দ মন্দির
থেকে বেরিয়ে এল, মনে হ'ল সাক্ষাৎ রাধা। কেউনাসেরও তখন নতুন
বয়স, তারও রূপ তখন লোকে দাঁড়িয়ে দেখে, যাত্রার দলে সে সাক্ষত
অভিমত। অভিমত বধ হ'ত, লোকে ঝগড়ার করে কাদত তার ওই
রূপের ভঙ্গে!

গোবিন্দ। তারপর?

ব্রাহ্মণ। পরের দিন অজয়ের ঘাটে দেখা। মেয়েটি অবাক হ'য়ে চেয়ে রইল
কেউনাসের দিকে।

ব্রাহ্মণ। তারপর আর কি? মেয়েটি গিয়েছিল বাপের বাড়ির মেয়েদের সঙ্গে।
স্বামী সঙ্গে ছিল না। পর পর তিন দিন কেউনাসের সঙ্গে দেখা হ'ল মেলায়।

তিন দিনের দিন কাউকে কোনও কথা না ব'লে কেউ হ'ল উধাও।
মেয়েটিকেও আর দেখলাম না। দলে গুগোল শুনলাম। কেউ বললে
কিছু। কেউ বললে না কিছু আমি সব বুঝলাম। বাড়ি ফিরলাম, দেখলাম,
কেউ তাকে বউ সাজিয়ে বাড়ি এনে তুলেছে।

গোবিন্দ। তারপর ?

ব্রাহ্মণ। তারপর আর কি বল ?

গোবিন্দ। কি বলেছে কেউদাসের বউ, তাই বল ?

ব্রাহ্মণ। বলেছে, জোড়হাত করে বলেছে, জমি নাও, খালা বাসন আর নাই
কিছু, তবে যা আছে তাই নাও, শুধু ঘরটুকু আর ওই বিগ্রহ ঠাকুর, এই
দুটি ছেড়ে দাও।

গোবিন্দ। বটে !

ব্রাহ্মণ। বলেছে— বামুন ঠাকুরপো, তুমি ব'লো, ঘর নিলে আমি দাঁড়াব
কোথায় ? আর ঠাকুর নিলে আমি কি নিয়ে থাকব।

গোবিন্দ। হুঁ। মেয়েটি রসিকা বটে ! বামুনের ঘরে জন্ম, বৈষ্ণবের প্রেমে
দীক্ষা, রসিকা হওয়ারই তো কথা। কিন্তু কি জান ঠাকুর, টাকার কারবারে
রস নেই, ও হ'ল শুকনো কারবার। আমি গাভুলী মহাজনকে খরচা
সমেত বারো শো টাকা গুনে দিয়েছি। আর এই টাকা বারো বছর ভিক্ষে
ক'রে একটি একটি পয়সা ক'রে জমিয়েছি।

ব্রাহ্মণ। সে তা বলেছে।

গোবিন্দ। বলেছে ! কৃষ্ণদাসের বোষ্টুমী তো শুধু রসিকাই নয়, সঙ্কানীও
বটে। অনেক সঙ্কানী। কি বলেছে শুনি ?

ব্রাহ্মণ। বলেছে, সবই জানে সে। জেনে শুনেই বলেছে, ভিক্ষে চাইছে। দিলে
তোমার ধর্ম হবে। প্রভুর রাজ্যে এখানে দয়া করলে সেখানে পায়,
এখানে যা পেলে না সেখানে তা পাবে।

গোবিন্দ। ভাল, আমার উত্তর শোন। আমি বোষ্টম হলেও হুদী কারবারী।
ভক্তিপথের মহাজনি আমার নয়, দেনা-পাওনার মহাজনি আমার ; আমার
হ'ল ভান হাতে নাও, বা হাতে দাও। ফেল কড়ি মাখ তেল বুঝেছ
ঠাকুর ! আমি যে দিন এখানে সেই দিন থেকে ওই ঠাকুর আখড়া আর
লক্ষ্মিত্তির উপর লোভ। ঠাকুর আমাকে স্বপ্নে বলেছিলেন, আমার বড়
কষ্ট ; এদের হাতে সেবায় আমার কষ্ট হয়, তুই আমাকে নিয়ে যা।
পরদিন এইখানে বাঁধলাম আখড়া। তারপর রোদ বাঁট শীত গ্রীষ্ম বর্ষা

মানি নি, প্রতিদিন গান গেয়ে ভিক্ষে ক'রে টাকা জমিয়েছি। চাল বেচে পয়সা, পয়সা গেঁথে রেজকি, রেজকি গেঁথে টাকা। লোককে হুদে টাকা ধার দিয়েছি; একটা পয়সা কাউকে ছাড়ি নি। সে কেবল ওই জন্তে। জমি করেছি, বৈষ্ণব হয়ে ধনে পুতেছি, চাষ খেটেছি। আমি ছাড়তে পারব না।

ব্রাহ্মণ। আচ্ছা তাই বলব আমি। (চ'লে যেতে যেতে ফিরল) ভামিনীকে আমি বলেছিলাম—ভাজবউ, আমাকে পাঠিয়ে না, আমাকে পাঠিয়ে না, সে চণ্ডাল, পিশাচ।

গোবিন্দ। হাঁ তা বলতে পার। মনের রাগ ব'লে ক'রে বেড়ে ফেললেই ভাল। বল, আরও দশটা কথা তুমি বল। চণ্ডাল-পিশাচ-দানব, চশম-খোর, আর কি বলবে? দেখ, যাত্রার দলে রাণী সাজতে, অনেক কথা তুমি জান। বর্ষ-টবর্ষ যা মুখে আসে বল। (ঠিক এই সময়েই হরি ঘোষ এবং আরও জনকয়েক লোক এসে উপস্থিত হল)

গোবিন্দ। এই যে ঘোষ মশায়! আসুন কাজ হুশেষ হয়েছে?

হরি। ই্যা, তা হয়েছে। তবে—

গোবিন্দ। 'তবে' ব'লে ছা'ক রাখছেন যে গো!

হরি। অল্প কিছু নয়, মেয়েটিকে—মানে, কৃষ্ণদাসের পরিবারকে বার ক'রে দিলাম এই অপরাহ্ন বেলায়। একটু কেমন লাগল দাসজী, ঘরে কুলুপ দিয়ে লাঠিয়াল জিন্দা ক'রে রেখে এসেছি। ব'লে এসেছি, যদি দাসের মত হয় তবে রাত্রিটার মত একখানা ঘর খুলে দিবি।

গোবিন্দ। আজ্ঞে না। দখলে খুত হবে। ওতে আমি নেই। ও আমি অনেক জানি। এই নিন আপনার টাকা। ট্যাকে নিয়ে ব'সে আছি আমি।

হরি। টাকা নিচ্ছি। কিন্তু তা হ'লে তাই ব'লে দোব যে, হবে না।

গোবিন্দ। আজ্ঞে ই্যা। অপরাহ্ন কাল, সামনে রাত্রি, মেয়েটি সুন্দরী সত্য সবই ঘোষ মশায়। কিন্তু আমার টাকা আরও সত্য। নিন এই আপনার পঞ্চাশ টাকা। আর এই পেনাম। জয়-জয়কার হোক আপনার। দরিদ্র বোষ্টমকে যে সাহায্য করলেন, চিরকাল স্মরণ থাকবে আমার।

ব্রাহ্মণ। আবার বলছি তুই চণ্ডাল-তুই চণ্ডাল-তুই চণ্ডাল! (সে দ্রুত পদে বেড় হয়ে গেল। প্রায় পাগলের মত।)

হরি। ও! ও সেই কেষ্টদাসের লক্ষীটা বুঝি? কি নাম যেন?

গোবিন্দ । নটবর ড্যান্সিং মাটার গো । বেজায় দরদ ! একেবারে গলায় গলায় !

(হা-হা ক'রে হেসে উঠল ।)

হরি । (সবিস্ময়ে বললে) তোমার হ'ল কি দাস ?

গোবিন্দ । কেন বলুন তো ?

হরি । এমন ক'রে হাসছ ?

গোবিন্দ । (একটু লজ্জিত হ'ল, বললে) ওই একটা হাসি আমার আছে ।

বুঝছেন না ? জানেন তো সবই । একবার পাগল হয়েছিলাম তো !

তার ওই ছিটটুকু আছে ।

হরি । মাথায় একটু-আখটু ঠাণ্ডা তেল-টেল মেখে । ভাল নয় এমন হাসি ।

বুঝলে । (গোবিন্দ আবার হা—হা—ক'রে হেসে উঠল ।)

হরি । আচ্ছা আমি চললাম দাস । তুমি হাস । বুঝেছ । চাবি রইল এই ।

সেখানে লাঠিয়াল আছে । ইচ্ছে হ'লে তুমি যেতে পার । না—ইচ্ছে হয় কাল সকালে গিয়ে যা হয় ব্যবস্থা ক'রো । আয়রে সব আয় ।

[গোবিন্দ তখনও হাসছিল ; সে হাসতেই লাগল ; বাকি সকলে চ'লে গেল বাড়ি থেকে । গোবিন্দ অকস্মাৎ হাসি থামিয়ে, শুক্ক হয়ে ব'সে রইল অজয়ের দিকে তাকিয়ে অজয়ের ক্ষীণ স্রোতে তখন সজ্জার লাল আলো ঝিকঝিক করছে । ব'সে থাকতে থাকতে সে গান ধরলে—]

সাধের কলস গলায় বেঁধে, ডুব দিয়ে আর উঠব না ;

যমুনায় কদমতলায় ডুব দিয়ে আর উঠব না ।

মন আগুনের জ্বালায় পুড়ে থাক্ হয়ে আর ছুটব না ।

নিধুবনে, মধুবনে, তমালতলায় ছুটব না ।

ও সাধের কলস গলায় বেঁধে—ডুব দিয়ে আর উঠব না—

[হঠাৎ আদিনায় নারিকেল গাছের আড়াল থেকে কেউ ঘেন ব'লে উঠল,

“হরি বলে, আমাকে ভিক্ষে দাও গোঁসাই ।”—গান থামিয়ে শুক্ক হয়ে গেল গোবিন্দ দাস ।]

গোবিন্দ । কে ?

নেপথ্যে । ভিক্ষে চাইতে এসেছি ।

গোবিন্দ । কি ? (গোবিন্দ ঘেন এখনও ঠিক ধারণা করতে পারলে না)

নেপথ্যে । কলসী—একটা কলসী ।

গোবিন্দ । (এবার সপ্রতিভ হয়ে উঠল) কেউদাসের বোষ্টমী ?

[নারিকেল গাছের আড়াল থেকে ২২/৩০ বছরের একটি সুন্দরী তরুণী

আখ-ঘোমটা টেনে সামনে এসে দাঁড়াল। সন্ধ্যার অন্ধকারে স্পষ্ট দেখা
গেল না—তবু বোঝা গেল]

গোবিন্দ। (আবার বললে) কৃষ্ণ-ভা-মিনী! গরবিণী!

ভামিনী। না। আমি সতী।

গোবিন্দ। সতী? বল কি? সতী?

ভামিনী। হ্যা, কলঙ্কিনী সতী। তুমি কুহুমপুরের গাইয়ে কালো গোশামী,
তোমার স্ত্রী কলঙ্কিনী সতী।

গোবিন্দ। না না। তুমি কৃষ্ণদাসের ভামিনী, বড় ভাল নাম নিয়েছ। একেবারে
প্রেমে ডগমগ? ত্রিলোক সংসাবে সবচেয়ে সৌভাগ্যবতী স্বধী। কিন্তু
কি ভিক্ষে চাইতে এসেছ বললে? কলসী? না?

ভামিনী। হ্যা, কলসী।

গোবিন্দ। আমার গান শুনেছ বুঝি? “যমুনায় ডুব দিয়ে আর উঠব না।”

ভামিনী। শুনেছি। শুনেই চাইলাম। নইলে—

গোবিন্দ। নইলে, কি চাইতে? বল তো শুনি? কি চাইতে এসেছিলে?
দাঁড়াও, দাঁড়াও।

ভামিনী। আমি তোমার কাছে—

গোবিন্দ। দাঁড়াও, দাঁড়াও। সবুর কর। আগে—

ভামিনী। কি?

গোবিন্দ। সঙ্গে হয়ে গিয়েছে কখন। আলো জ্বালা হয়নি। মনের ভুল
দেখ দেখি!

ভামিনী। কি দরকার? “চন্দ্রাবলীর কৃষ্ণবনে নীল মানিকের আলো জ্বলে;
রাধার কুঞ্জে আঁধার সেখা রাধা ভাসে নয়ন জলে।”

—এ তো তোমারই গান। সেদিন এখানে এসে আমার সন্ধান পেয়ে
আমাদের আখড়ায় গিয়েছিলে, সেদিন এই গানটাই শুনিয়ে এসেছিলে।
রাধার কান্না দেখে কি করবে? আলো থাক।

গোবিন্দ। তুমি কি আমাকে সেই দিনই দেখে চিনেছিলে? পোফ, দাকি চুল—

ভামিনী। তবু চিনেছিলাম। তোমার কপালের ওই দাগ দেখে চিনেছিলাম।

গোবিন্দ। হ্যা। ফুলশয্যার রাত্রে—

ভামিনী। হ্যা। আমি ধরা দিতে চাই নি, তুমি কোর ক'রে টেনেছিলে,
আমি হাত ছুঁড়ে ছিলাম, আমার হাতের বালার তোমার কপালে, তান
ভুকুর উপরে লগা হয়ে কেটে গিয়েছিল।

গোবিন্দ। আমি কালো, কুৎসিত, আমার বয়েস বেশি ব'লে তুমি কেঁদেছিলে, তুমি রূপসী—

ভামিনী। ই্যা, আমি রূপসী ছিলাম। রূপ আমার ছিল। আজও আছে। তুমি কুৎসিত কালো, তোমার নাকের ডগায় ওই আঁচিল। সেদিন চোদ্দ বছরের রূপসী মেয়ে সতী তোমাকে দেখে কেঁদেছিল; তোমাকে তার পছন্দ হয়নি। সেদিন ওই তোমার কপালের দাগ দেখেই তো শুধু চিনি নি, ওই আঁচিলটা দেখেও চিনেছিলাম।

গোবিন্দ। ওঃ; সাক্ষাৎ সতী! ষোল বছরেও আমার মূর্তি তোমার হৃদয় পদে এতটুকু মলিন হয়নি!

ভামিনী। ছেলেবেলায় পট দেখিয়ে গান করতে আসত পটুয়ারা; তারা ষমদূতের ছবি দেখাত, নরকের ছবি দেখাত, তাও হৃদয় পটে তেমনি আঁকা আছে গৌসাই।

গোবিন্দ। দাঁড়াও, দাঁড়াও। আলোটা জালি, কথায় কথায় ভুলেই যাচ্ছি।

ভামিনী। আলো থাক গৌসাই, আলো থাক।

গোবিন্দ। লজ্জা! (হা-হা করে হেসে উঠল) সূর্য-চন্দ্র আকাশে আছে চিরকাল। যে দিন তোমার আমার বিয়ে হয়েছিল, সে দিন তাদের সাক্ষী মেনেছিলাম। তারা আজও আছে। এখানে অল্প কেউ তোমার পরিচয় না জাহুক, তারা তো জানে। তাদের সামনে মুখ দেখাতে লজ্জা হয় না তোমার?

ভামিনী। না। লজ্জা আমার নাই। ঘুণা লজ্জা ভয়, তিন থাকতে নয়। গৌসাই, যাত্রার আসরে অভিমুখ্যকে দেখ মনে হ'ল, আমি জন্ম-জন্মান্তরের উত্তরা। পরদিন দেখা হ'ল ঘাটে; কুল ভাবলাম না, জাত ভাবলাম না, ঝাঁপ দিলাম। লজ্জা ঘেয়া সব ভাসিয়ে দিলাম অজয়ের জলে। অজয়ের ঘাটে কোনদিন আমি চান করি না। ভয়ে করি না গৌসাই। যদি আবার সেগুলো অজয় ফিরে দেয়। লজ্জা আমার নাই।

গোবিন্দ। তবে?

ভামিনী। তোমারও লজ্জা নাই, কিন্তু মনে তোমার যা আছে, সেই ঘায়ে আবার যা থাকে। বুকের ভেতরটা তোমার রক্তাৱক্তি হয়ে থাকে। আমি এখন আরও রূপসী হয়েছি গৌসাই। সে দেখলে—

গোবিন্দ। দেখেছি। দেখেছি।

ভামিনী। সেও বারো বছর আগে। বারো বছরে রূপ আমার আরও

বেড়েছে। বয়স আমার যত বাড়ছে গোঁসাই, রূপ আমার তত ফুটেছে,
আমাকে দেখে যদি আয়নাতে তোমার চোখ পড়ে গোঁসাই, তবে তুমি
আবার পাগল হয়ে যাবে।

গোবিন্দ। তাই যাব। তবু তোমাকে দেখব।

ভামিনী। ভাল। ভাল তবে আলো।

গোবিন্দ। (হাত ধরলে ভামিনীর) ঘরে এস।

ভামিনী। ঘরে? কিন্তু আর তো আমি তোমার ঘরণী নই।

[গোবিন্দ কথার উত্তর দিল না, জোর ক'রেই ধেন টানলে।]

ভামিনী। জোর ক'রে নিয়ে যাবে ঘরে? চল। কিন্তু মাহুষ পাখী নর
গোঁসাই, খাঁচায় পাখী পুষলে, পাখী শেখানো বুলি ব'লে শিষ দেয়। মাহুষ
দেয় না। মাহুষকে বাঁধাও যায় না। (কথা বলতে বলতেই সে গোবিন্দ-
দ্বারের সঙ্গে ঘরের মধ্যে গেল ও একটি আলো জ্বলে আনল।)

গোবিন্দ। তা জানি। তোমাকে আমি হাজার টাকা পণ দিয়ে কিনে বিয়ে
করেছিলাম। এক দুই তিন ক'রে গুণে—

[বলতে বলতে সে আলোটা ভুলে ধরলে। এবং আলোর ছটা
ভামিনীর মুখের উপর পড়তেই সে স্তব্ধ হয়ে গেল। চোখ দুটি বিস্ফারিত
হয়ে উঠল। এমন রূপ ত্রী এই ভ্রষ্টা দুঃখিনী মেয়েটির! স্তব্ধ হয়ে সে
মেথতে লাগল।]

ভামিনী। কি গোঁসাই কি হল?

গোবিন্দ। (চোখ তার ঝকঝক ক'রে উঠল) আমাদের কুল ছিল না;
কস্তাপণ দিতে হ'ত। (সে আলোটা নামালে।)

ভামিনী। ই্যা ই্যা। এক দুই তিন চার পাঁচ ক'রে বিয়ের আসরে তুমি
আমার বাবাকে এক হাজার টাকা পণ দিয়েছিলে, সে আমার মনে
আছে; বিয়ের সময় আমার বয়স ছিল চোদ্দ বছর; শিশু ছিলাম না,
মনে আছে সে কথা।

গোবিন্দ। (দরজার কাছে দরজা বন্ধ ক'রে দাঁড়িয়ে বললে) সেই এক হাজার
টাকার আজ শোধ নেব।

[ভামিনীর ঠোঁটে বিচিত্র হান্তরেখা ফুটে উঠল। সে উত্তর দিলে না।]

গোবিন্দ। বালাবধি আমি কুৎসিত—মনে মনে তার দুঃখ, কৃষ্ণবিহীন
বৃন্দাবনের অন্ধকারের দুঃখের মত গভীর ছিল আমার। দরিদ্র স্ত্রী-
বিক্রেতা ব্রাহ্মণ-ঘরের সন্তান, বিয়ের সঙ্কল আমার ছিল না। এক সাত্বন।

ছিল—সম্পদ ছিল—কঠিন, গুণী ওস্তাদ গলা শুনে ছেলে বয়সেই আমাকে টেনেছিলেন, গান শিখিয়েছিলেন, তিনি বলেছিলেন—বাবা, ব্রহ্মচর্য যদি রাখতে পার তবে ভগবান মিলবে। বয়স হ'ল, নাম হ'ল, খ্যাতি হ'ল, পরসার মুখ দেখলাম। বিয়ে করি নি, মেয়েদের মুখের দিকে চাইনি। পঁচিশ বছর, তিরিশ বছর, তেত্রিশ বছর কাটল, চৌত্রিশ বছর বয়সে তোমাকে দেখলাম। শিবরাত্রিতে বক্রেশ্বর মহাদেবকে গান শোনাতে গিয়েছিলাম। রাত্রে দেখলাম, চুল এলো করে লালপেড়ে শাড়ি পরণে, কপালে সিঁহরের টিপ, কুমারী মেয়ে, গলায় আঁচল দিয়ে, শিবের নামনে ইঁটু গেড়ে ব'সে পূজা করছে। মনে হ'ল, সাক্ষাৎ গৌরী উমা। পরদিন আবার দেখলাম দিনের আলোতে। আমি গুরুর উপদেশ ভুললাম, ভগবান পাওয়ার সঙ্কে জলাঞ্জলি দিলাম। তোমাকে পাবার জন্তে পাগল হলাম। তোমার বাবার কাছে লোক পাঠালাম। পাঁচশো, সাতশো, আটশো হাজার—। একদিন যা বললে তোমার বাবা, পরের দিন বললে, না, ওতে হবে না আরও চাই। তাই—তাই দোব। হাজার টাকা—তাই দিতে চাইলাম। শুধু তাই নয়, আমার পুর্বানো ভাঙ্গা ঘর, নতুন ক'রে সাজালাম। টিন দিলাম, মেঝে বাঁধলাম, দেওয়ালে কলি দিলাম, উঠানে তোমার পায়ে ধুলো-কাদা লাগবে বলে উঠান বাঁধালাম। তারপর তোমাকে বিয়ে ক'রে ঘরে আনলাম।

ভামিনী। গৌসাই, এক কথা বিশবার শুনতে ভাল লাগেনা। ওসব আমি জানি, তাছাড়া ওকথা আজ নিয়ে তোমার তিনবার বলা হ'ল; ফুলশয্যার রাত্রে—তুমি কুৎসিত, তুমি কালো, তোমার নাকে আঁচল ব'লে আমি কেঁদেছিলাম। আমার রূপ দেখে তুমি ভগবান ভুলেছিলে; তোমার মেহে রূপ ছিল না ব'লে আমি যদি কেঁদে ভগবানকে ডেকে থাকি, ব'লে থাকি—আমার কপালে তুমি এই লিখেছিলে, তবে সেটা কি আমার খুব অপরাধ হয়েছিল ?

গোবিন্দ। না, তোমার অপরাধ হয় নি; অপরাধ হয়েছিল আমার।

ভামিনী। হয়েছিল। হাজার বার। হয়নি; লোকে বলত, আমি রাজরাজী হব, রাজপুত্র এসে আমাকে বিয়ে ক'রে নিয়ে যাবে। তার বদলে তুমি এলে। অপরাধ হয় নি ?

গোবিন্দ। নিশ্চয়। কিন্তু তোমার বাবা টাকা নিয়ে—

ভামিনী। টাকা! টাকা! টাকা! বাবা টাকা নিয়েছিল, বাবার মুখে

কালি লেপে দিয়ে চ'লে এসেছি। গোঁসাই, ফুলশয্যার রাতে কেঁদেছিলাম ; কিন্তু পরে হয়তো বুকভাম, অদৃষ্টের হাতে নিজেকে সঁপে দিতাম, তোমার এমন গান—ওই গান শুনেও তোমাকে ভালবাসতে পারতাম। কিন্তু তুমি আমাকে বলেছিলে এই কথা, যে কথাটা আজ নিয়ে তিনবার বলা হল। বলেছিলে, হাজার টাকা দিয়ে আমাকে কিনেছ তুমি। আমার দাম হাজার টাকা গোঁসাই ? আমি হাজার টাকায় বিক্রী হই ?

গোবিন্দ। ভুল হয়েছিল। তোমার দাম একটা কানাকড়ি।

ভামিনী। না। রূপ। যা দেখে তুমি ভগবানকে কানাকড়ির মত ফেলে দিয়েছ, যার জন্তে চার বছর পাগল হয়ে ঘুরেছ, যার সন্ধান পেয়ে ব্রাহ্মণের ছেলে, জাত দিয়ে বোষ্টম হয়ে আখড়া বেঁধে একটি একটি ক'রে পয়সা জমিয়ে—কেটদাসের আখড়া কিনেছ, বিগ্রহ কিনেছ, সেই রূপ। আমার দাম নাই। টাকায় হয় না। তাই ওই রূপের পায়ে আমার রূপ বিলিয়ে দিয়েছি। আমি পেয়েছি, তুমি পাওনি। পেলো না!

গোবিন্দ। বলছ কি ? পেলাম না ? না ? (উচ্চহাসি হেসে উঠল)

ভামিনী। হাসছ গোঁসাই ? হাস। হাসি তোমার মিথ্যে।

গোবিন্দ। মিথ্যে ? (হাসি তার থেমে গেল) না, মিথ্যে নয়। এবার পেয়েছি। আজ পাব।

ভামিনী। ভাল কি দেবে আমাকে ?

গোবিন্দ। কি দেব ? এত দিয়েছি—

ভামিনী। কি দিয়েছ ? বল ?

গোবিন্দ। আবার তুমিই সেই টাকার কথা তুলছ। আমি টাকা ছাড়া কিছু বুঝি না। আমি দিয়েছি টাকা, এক হাজার টাকা—

ভামিনী। সে দিয়েছ আমার বাবাকে। বারোশো চোদ্দশো টাকা খরচ করেছ বিগ্রহ আখড়া উপলক্ষে, সে আমি-জানি, লক্ষা আমি। কিন্তু সে টাকাও পেয়েছে কৃষ্ণদাস বৈষ্ণব। আমি কি পেয়েছি ? কি দেবে আমাকে বল ?

গোবিন্দ। সব—সব। আমার যা আছে সব।

ভামিনী। না। ও চাইতে আমি আলিনি। আমি যা চাইব তা দেবে বল ?

গোবিন্দ। বল কি নেবে ?

ভামিনী। চাইতে এসেছিলাম বিগ্রহ। এসে আখড়ার পিছন দিক দিয়ে আখড়ায় ঢুকছি, শুনলাম তুমি গাইছ “সাপের কলস গলায় বেঁধে বহুদার ডুব

দিয়ে আর উঠব না”। শুনে তোমাকে এসে চেয়েছি কলসী। দুটোর যা হয় দিয়ে। বিগ্রহ যদি পাই তবে তোমার সঙ্গে বাসর মেয়ে তাঁর পায়ে বিলিয়ে দেব নিজেকে। নাহ’লে ওই কলসীটা নিয়ে নামব গিয়ে অজয়ের দহে।

গোবিন্দ। শোন সতী। আমি তোমার জন্ত তপস্বী করেছি।

[ভামিনী খিল খিল ক’রে হেসে উঠল।]

গোবিন্দ। হেসো না সতী, হেসো না। শোন।

ভামিনী। ভাল, আর হাসব না, বল।

গোবিন্দ। আজ আমিও বৈষ্ণব, তুমিও বৈষ্ণব, গৃহস্থ নই, আখড়াধারী।

আমাদের প্রথা যখন আছে, তখন তুমি ফিরে এস। কৃষ্ণদাসকে ছেড়ে

আমার ঘরে এস। এঘর—এ আয়োজন সব তোমার জন্তে। সতী!

ভামিনী। না।

গোবিন্দ। সতী!

ভামিনী। না—না। তাছাড়া আমি আমি আর সতী নই, আমি ভামিনী—কৃষ্ণভামিনী।

গোবিন্দ। তবে তুমি বিগ্রহ পাবে না ভামিনী। কলসীই তোমাকে নিতে হবে।

ভামিনী। তাই দিয়ে। তা হ’লে বাসর পাত। আলো... (আলোটার শিখা এতক্ষণ বিশেষ উজ্জল ছিল না এবার উজ্জল ক’রে দিল।)

ভামিনী। গায়ে একখানা চাদর জড়ানো ছিল। চাদরখানি খুলে ফেলল সে।

গোবিন্দের মুখের দিকে চেয়ে হাসলে। শপথ ভাঙতে পাবে না।

কলসী আমাকে দিতে হবে।

[গোবিন্দ ভামিনীর মুখের দিকেই তাকিয়ে ছিল। এতক্ষণ অল্পজ্বল

আলোর মধ্যে উদ্ভেজनावশে মুখের দিকে তাকিয়েই কথা বলছে।

এবার উজ্জল আলোয় তার দিকে তাকিয়ে আপাদমস্তক দেখে চমকে

উঠল। চাপা গলায় ব’লে উঠল, ভামিনী!]

ভামিনী। কি? কি হ’ল?

গোবিন্দ। তুমি মা হবে? তোমার কোলে—

ভামিনী। ইয়া। আমার কোলে চাঁদ আসবে।

গোবিন্দ। ভাগ্যবান কৃষ্ণদাস। এতকাল পরে পথের ভিড়ক হয়ে—

ভামিনী। না—না—না। সে দুর্ভাগা তুমি। কালো গৌমাই তুমি।

গোবিন্দ। ভামিনী! বাহবা!

ভামিনী। বাহবা নয় গোঁসাই, বাহবা নয়। সাকী আছে আহ্লাদী।

গোবিন্দ। (চমকে) আহ্লাদী?

ভামিনী। হ্যাঁ। গোঁসাই, আমি তোমাকে দুঃখ দিয়েছি। কিন্তু ঠিকাইনি।

বিয়ের প্রথম দিন থেকে তোমাকে আমি বলেছিলাম, তোমাকে ভালবাসতে পারব না। তুমি ঠকিয়েছ নিজেকে নিজেকে। গোঁসাই টাকা দিয়ে আমাকে কিনেছ ভেবে তুমি নিজেকে নিজেকে ঠকিয়েছিলে। গোঁসাই, তারপর এখানে এসে জ্ঞাত দিয়ে টাকা জমিয়ে ভেবেছিলে, আমার তপস্যা করছ। অন্তত তাই তুমি বললে, সত্যি হ'লে নিজেকে নিজেকে ঠকিয়েছ। তুমি আক্রোশ মেটাবার জন্য তপস্যা করেছিলে। আমাকে পথে দাঁড় করিয়ে স্থখ পাবে। সম্ভব হ'লে এইভাবে আমাকে ধুলায় ফেলে লাথি মেরে স্থখ পাবে। গোঁসাই, তুমি আহ্লাদীর নেশায় পড়েছিলে মনে পড়ছে? বেশি দিন আগে তো নয়, এই মাস সাতকে আগে। বল। লজ্জা তোমার নাই। আর আমার কাছেই বা লজ্জা কি তোমার!

গোবিন্দ। হ্যাঁ। কেনই বা লজ্জা করব? হ্যাঁ, আহ্লাদীকে আমার ভাল লেগেছিল। আমি তাকে—

ভামিনী। তুমি তাকে বলেছিলে, প্রতি বাসরে দশ টাকা ক'রে দেবে।

গোবিন্দ। বলেছিলাম।

ভামিনী। কিন্তু আহ্লাদী যে আহ্লাদী, সেও তোমার এই কুসংস্কৃত রূপ দেখে বলেছিল—না।

গোবিন্দ। মিছে কথা। টাকায় সব হয়। সে এসেছিল পাঁচ রাত্রি।

ভামিনী। হ্যাঁ, পাঁচ রাত্রি। আহ্লাদীর শয্যার অঙ্ককার ঘরে আলো না জ্বালার কড়ারে তুমি প্রবেশাধিকার পেয়েছিলে। আহ্লাদী তোমাকে বলেছিল, আলো জ্বালালে তোমার মুখ আমার চোখে পড়বে, আমি ঘোরায ম'রে যাব। বল তুমি এই শর্ত হয়েছিল কি না?

গোবিন্দ। হ্যাঁ, হয়েছিল।

ভামিনী। আহ্লাদী আমাকে একদিন বললে, কৃষ্ণদাসের তখন কঠিন অবস্থার, আহ্লাদী তাকে দেখতে আসত। সেও তার রূপে মজেছিল। বললে, ওই নরকের প্রেতের মতন চেহারা, ওর কথা শোন দেখি দিদি? সে এই বলে। মরণ আমার! জলে ডুবে মরব আমি, তবু না। এইদিন এলে ওকে ঝেঁটিয়ে বিদেয় করব। তখন আমার ঘরে কঠিন অবস্থা। মাহুঘটা হাঁপানিতে বায় বায়। ওদিকে বিগ্রহের সেবা হয়না। কৃষ্ণদাস

আমাকে বললে, তুই বা। ওকে যদি হাতে করতে পারিস, সব রক্ষা হবে। কৃষ্ণদাসের অকুটি নাই, ঘেরা নাই, সে সব পারে। আমার উপর তার নেশাও ছুটেছে। নেশা তার আফ্লাদীর ওপর। রাজী প্রথমটা হতে পারিনি। একদিন বিগ্রহের সেবা হ'ল খুদ রান্না ক'রে। প্রলাদ ক'টি কৃষ্ণদাস খেলে, আমি উপোস করে রইলাম। সন্ধ্যাবেলা বিগ্রহের পায়ে মাথা কুটে কাঁদলাম। তারপর মন বাঁধলাম। আফ্লাদীকে বললাম, লোকটাকে তুই 'ইয়া' বল। তোর বদলে ঘরে থাকব আমি। তোর তো নামের ভয় নাই! দেখ, তা হ'লে লোকটা বাঁচে। আমিই শর্ত বলে দিলাম। তুমি রাজী হ'লে। আফ্লাদী রইল কেটনাসের শিয়রে, আমি ব'সে রইলাম আফ্লাদীর ঘবে, তারই শয্যায়। তুমি এলে। আংটিটা চিনতে পার? কার বন্ধকী আংটি তুমি দিয়েছিলে লোহাগ ক'রে? এই দেখ। (ভামিনী হাত বাড়িয়ে ধরলে)

গোবিন্দ। (সভয়ে পেছিয়ে গেল) স—তী!

ভামিনী। ইয়া, আমি সতী। তোমাকে পরিত্যাগ কবেছিলাম; কিন্তু তবু তোমার পাপের ফল আমার গর্ভে। এর পব হয় ওই বিগ্রহ নয় কলসী ছাড়া আমার আশ্রয় আর কি বলতে পার? তবে বিশ্বাস কর, ওই বিগ্রহকে স্মরণ ক'রেই প্রতি রাজির আভিসারে যাত্রা করেছি। প্রণাম করে গিয়েছি। কৃষ্ণদাসের সন্তান ষোল বৎসর হয়নি। এ আমার পঞ্চতপাব ফল, এ তোমার সন্তান। প্রভুর দান।

গোবিন্দ। আমাকে তুমি মার্জনা কর সতী, আমাকে তুমি মার্জনা কর। ভামিনী। মার্জনা! (হাসলে) আমাদ কাছে নয়। যার কাছে অপরাধ তার কাছে চাও। কিন্তু আমি আর পারছি না গোঁসাই। আমি আর পারছি না। (সে হঠাৎ ঝড়ে ভাঙা গাছের মত ঘরের শয্যার উপর ভেঙেই পড়ল। তারপর ফুঁপিয়ে ফুঁপিয়ে কাঁদতে লাগল। গোবিন্দ তার মাথার কাছে বসল। মাথায় হাত বুলিয়ে দিতে লাগল।)

গোবিন্দ। তুমি আজ সারা দিন কিছু খাওনি, না? (ভামিনী উত্তর দিল না)

গোবিন্দ। খাওয়া হবে কি ক'রে? আজ আহারের পূর্বেই আমার লোকেরা গিয়ে ঘর দখল করেছে। কিছু খাও সতী।

ভামিনী। (মাথা নাড়লে) না—না।

গোবিন্দ। না, আমার হাতে তোমাকে খেতে হবে না। একদিন উপবাসে মাহুয মরে না। তুমি শান্ত হও, হুহু হও।

[গোবিন্দ মাথায় হাত বুলাতে লাগল, ভামিনী শাস্ত্র নিখর হয়ে এল ।]
 গোবিন্দ । সতী ! সতী ! (উত্তর না পেয়ে আবার ডাকল) সতী !
 (মাথা ধরে নাড়া দিল)-সতী । একি । তবে কি মূর্ছিত হয়ে পড়ল !
 (একবার মাথায় হাত দিল, উঠে-গিয়ে জলের ষটি নিয়ে মাথায় জল
 দিতে যেয়ে থমকে দাঁড়াল-কি ভাবতে ভাবতে জলো হাত মাথায় দিলো
 আরো অস্তমনস্ক হয়ে পড়ল—চোখ মুখে অদ্ভুত ভাবান্তর)
 ভালই হল অদ্ভুত হাসি দিয়ে গুণ গুণ করে গান ধরলে-)

(হঠাৎ) গোলকধাঁধার বাইরে এলাম এলাম কোন পারে

এ-পার ওপার নাই পারাপার গভীর অন্ধকারে

ও বৃন্দে সখী, বলে দে দিশে

কৃষ্ণ আমার কালী হ'ল (আমি) পূজিব কিসে ?

চন্দন সিন্দুর হ'ল শ্মশান বাসর ধারে . এলাম কোন পারে !

[গান থামলেও স্বর থামল না, সতীর কাছে আরও একবার এগিয়ে গেল,
 নীচু হয়ে নিঃশ্বাস পরীক্ষা করল আবার গানের শেষ পংক্তি আরম্ভ করলে এবং
 ধীরে ধীরে বেরিয়ে গেল । ধীরে ধীরে সকাল হয়ে এল । পাখীর ডাকে
 চকিত হয়ে জেগে উঠল ভামিনী । চান্দরখানা গায়ে টেনে নিলে]

ভামিনী । গৌসাই ! গৌসাই ! গৌসাই ! আমি চললাম গৌসাই (ভামিনী
 বেরিয়ে যেতে গিয়ে থমকে দাঁড়াল । কোলাহল করতে করতে একটি জনতা
 এগিয়ে এল । সামনেই হরিচরণ ঘোষ । ভামিনী পাশ কাটিয়ে দাঁড়াল)

হরি । দাঁড়াও । গোবিন্দ দাসের খবর শুনেছ ?

ভামিনী । (বিস্মিত ও আতঙ্কিত ভাবে) কেন গৌসাই তো ঘরেই ।

হরি । না, ঘরে সে নেই ।

ভামিনী । ঘরে নেই ! গৌসাই—গৌসাই ! (আতঙ্কে ডাকতে ডাকতে ঘরে

গিয়ে আবার ফিরে এল । হতবিস্মল হ'য়ে পড়ল ঘেন) না—গৌসাই ঘরে নেই ।

হরি । ঘরে আর সে কোন দিনই ফিরবে না, ভামিনী । গোবিন্দ দাস
 তোমাকেই এই সব দিয়ে গিয়েছে । বিগ্রহের সেবায়োত করে দিয়েছে ।
 তোমার পর তোমার ছেলে হবে সেবায়োত । পাগল, কাল তখন
 অনেক রাত্রি । আমাকে ডেকে তুলে এই সব ব্যবস্থা ক'রে—

ভামিনী । (রাঙা হয়ে উঠল) কিন্তু কোথায় গেল সে ? সে কই ? গিয়েছে
 বলছেন, কোথায় গেল ?

হরি । আমাকে বললে, বৃন্দাবন যাবে । বললে, এ তোলে আর নয় ঘোষ
 মশায়, ভোল পাণ্টে ফিরব । তারপর সকালে দেখি, কলকিনীষ দেহে
 তার দেহটা ভাসছে । ওই নিয়ে আসছে ।

ভামিনী । গৌ-সা-ই-(একটা অক্ষুট আর্দ্রনাদ বেরিয়ে এল) ।

